

Օ՛ր յարկանքի, Կ. Վերնաճի

IV

**შოთა რუსთაველის სახელობის  
ქართული ლიტერატურის ინსტიტუტი**

**თბილისი  
2023**

**ალექსანდრე ორბელიანი**

**თხზულებათა  
სრული კრებული  
სუთ ტომად**



ტომი გამოსაცემად მომზადდა და დაიბეჭდა შოთა რუსთაველის საქართველოს ეროვნული სამეცნიერო ფონდის ხელშეწყობით პროექტის „ქართული ევროპეიზმის სათავეებთან – ალექსანდრე ორბელიანის თხზულებათა სრული კრებულის ოთხტომეულის გამოსაცემად მომზადება“ (FR-19-7480) – ფარგლებში

ალექსანდრე ორბელიანი

თხზულებანი

ტომი IV

მემუარები

საგვარეულო გადმოცემები

ავტობიოგრაფიული თხზულებები

თბილისი

2023

სარედაქციო კოლეგია

**მაია არველაძე**

**ჯულიეტა გაბოძე**

**ნინო ვახანია**

**ელისაბედ ზარდიაშვილი**

**როსტომ ჩხეიძე (მთავარი რედაქტორი)**

**მაია ცერცვაძე**

**თამაზ ჯოლოგუა**

ტომის რედაქტორი

**ჯულიეტა გაბოძე**

ტომი გამოსაცემად მოამზადეს, სამეცნიერო აპარატი,  
შენიშვნები, კომენტარები და საძიებლები დაურთეს  
**როსტომ ჩხეიძემ და ნინო ვახანიამ**

ტექნიკური რედაქტორი და კომპიუტერული უზრუნველყოფა  
**ნიკოლოზ ჟღენტი**

ISBN 978-9941-9865-3-6 (ალექსანდრე ორბელიანი. თხზულებანი)

ISBN 978-9941-9865-7-4 (IV ტომი)

© შოთა რუსთაველის სახელობის ქართული ლიტერატურის  
ინსტიტუტი (2023)

დამბეჭდა



**გამომცემლობა  
სამშობლო**

თბილისი, როზაშვილის 7; მობ.: 551 95 31 90



ქართული ლიტერატურის სახელმწიფო მუზეუმი.  
უცნობი მხატვარი

3

საქმე რაჟანა გვინდო უბრალო გ-  
ვსულ წყარ. მინე ვიკიტი გსუთ  
პირს მ-მედას, მ-მედას ვიოხს.  
— უ ვინს თუ გვით ა რათი რაუ-  
ვთ, მათ ნუ გვხვადოი. —  
— სსაშხნთ ზეი რაუტვა სარქით  
სარქით ვეღოი. — მათთან, რაუტვა  
სარქით, მარტო სთინსნი ვეღო ა  
მარტო, ჰა მარტო სარქით, ნიქი მ-  
მარტო, მარტო, მარტო სარქით  
მარტო (მარტო) ვარი ჰა მარტო მარტო  
მარტო მარტო მარტო, ზეი მარ-  
მარტო მარტო მარტო იუ ს  
მარტო მარტო, მარტო რაუტვა მ-  
მარტო იუტა მარტო მარტო მარ-  
ტო მარტო.

ზეი ვე მარტო მარტო მარტო მარ-  
ტო მარტო, ჰა მარტო მარტო მარ-  
ტო მარტო მარტო მარტო. მარტო მ-  
მარტო მარტო მარტო მარტო მარტო  
მარტო მარტო მარტო მარტო მარტო  
მარტო მარტო მარტო მარტო მარტო  
= მარტო

169

საქართველოს ხელნაწერთა ეროვნული ცენტრი  
S:1643; S:1659/ა

## სარჩევი

[1834-1869

ჩემი ტფილისის ქ[ალაქიდგან] გამოსვლა.....	7-519
ნიგნი მშობელთან (საქართველოს მეფის ირაკლის ასულს თეკლას).....	57-524
ჭემბარიტი სიყვარული.....	138-529
ცოტა ჩემი გამოცდილებანი.....	297-537
ჩემი რუსეთიდგან მოსვლის შემდეგ.....	310-538
ყაფლანიდგან ჯამბაკურიანნი ორბელიანნი.....	312-539
ცოტაოდენი ამბავი ყაფლანიდგან ჯამბაკურიან-ორბელიანი.....	325-544
გიჟი ალაღუა.....	330-545
ორბელიანთ ამბავი.....	330-546
ჩემი ქალი მარიამ (ყმანვილობისას მაიკო.).....	334-546
ახლა პუპლია.....	362-549
ჩვენი ძველი სახლეულობანი.....	364-549
ჩემი შეცთომილება ანუ ჩემი ცოდვანი.....	375-550



## უთარილოჯი

ჩემი მშობლები.....	501-558
ჩემნი მშობელნი.....	503-559
მამიჩემის მოსამსახურეები.....	507-560
ჩემი სახლის წინაპარნი.....	509-560
მხოლოდ ჩემი სახლის წინაპარნი.....	511-562
[სულხან ყოფილი საბა].....	512-562
[პაპიჩემის მამას...].....	513-563

## ჩემი ტფილისის ქალაქიდან გამოსვლა

მოვიდა ის დღე, რომელსაცა მოველოდი, და დაფარულნი სულთქმანი მესმოდა, ჩვენს სახლში მისგან რომლითაცა ვცხოვრებ. –

– ჩემო ს..., დღეს უნდა განვიყარნეთ, და გამშორდე? მითხრა ჩემმა ე....

*დიახ მწუხარების შეუმცნევლად, მაგრამ იმის სიტყვის ამოძახებაზე რამდენიმე აკანკალებული ასონი სწორეთ ვერ გამოოსთქო. ამ სიტყვასთან მიველ; განგებ ჩამოსხმულსავით, სპეტაკთა ხელებზე, მრავლობით ზედ დაკოცნე. – ვცდილობდი, მწუხარება არ გამამეჩინა. რაოდენ შეიძლებოდა, ვითომც ვმხიარულობდი და სასარგებლოდ ვერა ვხედავდი, რომელ მეც მძიმე მწუხარებანი გამემრავლებინა. მრავალნი გასამხიარულებელნი მაგალითნი და სანუგეშო სიტყვანი ვუთხარ, მაგრამ არა, გული სრულებით მენწყვებოდა.*

როდესაც ვგრძნობდი, რომ ვერ მოვითმენდი, განვეშორებოდი; გულსა გავიმარებდი და სასისხარულოს აღერსითა ისევ მივიდოდი და ტრფიალებას დავუწყებდი, ეგება მწუხარებისაგან გამამეყვანა. ამ დროს ჩვენ ორნი ჩვენს საკუთარს ოთახში ვიყავით. ვითომ ორნივე ვმხიარულობდით, მაგრამ ორნივე ერთმანეთის გულსა ცხადად ვგრძნობდით ვითარ გვერდვეოდა და ერთმანეთს კი არ ვამცნევიანებდით. მაგრამ ამდროსვე მწუხარებამ დასძალა. თვალნი ცრემლითა აემსო, – მე თუმცა კიდეც არა ვიმცნევედი, ამისთვის, რომ რაც მოსასვლელი არის, მოვა და დაბრუნება აღარ შეიძლება. ამისთვის გაჭირებაში სიმხნე უნდა და არა შიში. ამასათანვე ჩემმა ე. . . მაღლა აიხედა. და მინაზებულის ხმითა დაიძახა. ღმერთო! შენი ნებისამებრ აღსრულდეს, მაგრამ ჩემი გულიკი იკვლის.

ეს ხმა საშინელი რაღაც იყო ჩემთვის დაცემულება. არ ვიცოდი, როგორღა მოვქცეოდი; ერთიანი ფიქრი მამიხდა, ხანჯალი ამელო, და იმის წინ გული გამეგმირა, მაგრამ ისევ გონება შემოვიკრიბე, და გაჯავრებით ვუთხარ. „ჩემო ს. . . ე. . . გთხოვ მოთმინებით იმყოფებოდე, – ხომ კარგად იცი სოფლის ვითარება, რომ ამა სოფელში – ორივე არის: ბედნიერება და უბედურება, თუ ბედნიერებისათვის იმხიარულებს ადამიანი? უბედურებაც იმისი ამხანაგია, ამისთვის გვედრები მოთმინებით ღმერთს! მაღლობა შევწიროთ.“

– შესაბრალისის სულთქმით მითხრა. „რას ანბობ? ჩემმა გულმა როგორღა უნდა მოითმინოს, ავდენი ჩემი მაცოცხლებელი სიყვარული, მარადის თვალწინ მქონდეს ნარმოდგენილი? და მას ვჭვრეტდე?“ – ამასთანვე მწარე ცრემლი გადმოსცვივდა და მოუთმენელი ქვითინი ამოუშო.

მე უბედურმან ველარ მოვითმინე, იმის წინ დავეცი; მისნი ნახნი ხელნი ავიღე, ჩემს გულზე დავიწყე, და ორნივ გამნარებული ვტიროდით. თუ მე ნება მიმეცა, ვგონებ, სამგლოვიაროსა ზარსა ამოუშვებდა, მაგრამ როგორც იყო, გული გავიმაგრე და თვალები მოვწმინდე. – მერე ვუთხარ. „ჩემო ე... კარგათ იცი, თუ შინაურებმა შეიტყყეს ჩვენი მწუხარება, ისინიც შეწუხდებიან. ამისთვის გთხოვ მოთმინებით იყო, – მასკვან მითხრა, ჭეშმარიტად მართლა ამბობ; – ბატონიშვილმა რომ შეიტყყოს ჩვენი მწუხარება, ისიც დიდათ შეწუხდება, და იმის მწუხარება ჩემთვის უფრო საშინელი იქნება.

მე უმწუხარობის პირობა გამოვართვი, და განვეშორე.

მე საქმეები მქონდა და მას საქმეს მივმართე, მაგრამ გული კი მეტად დაუმშვიდებლად მქონდა, ამობაში სადილი მოიტანეს. ბატონიშვილი დედაც ზალაში გამობძანდა, ჩვენი სახლობა ნათესავებითურთ ერთათ სტოლის სადილზე დავსხედით. მართლა რომ ყველანი ერთიანათ ვმხიარულობდით, მხოლოდ ჩემს მეგობარს თავადს პავლე თუმანოვს დიდი შეწუხებული სახე ჰქონდა და არც იცოდა, სად იყო ანუ რას შვრებოდა. აი, ჭეშმარიტი და მართალი ჩემი მეგობარი! არამცთუ ცფიერობა რაიმე ყოფილიყო, არამედ დიდს საქმესა შინა მყვანდა გამოცდილი, რომ ჩემი მეგობრობის სიყვარულისათვის ჰქონდა შემონირული თავი. რაოდენ შეიძლებოდა ჩვენგან, დიახ მხიარულად გავატარეთ სადილი. ის რომ ავიღევით, მე ქირის დროშკა მოვატანინე და მარტოკა გავისეირნე იქა, სადაც ჩემი გულის მოოხება მეგულვებოდა.

პირველად ჩვენ ნალკოტში მივედი და მის აუზის თავზე ავედი. მწვანეს მოლსა ზედა დავეგდე აქეთ-იქით ნალკოტის მიმოყურებელი; ყოველი წარსული სიამოვნე თვალთა წინა წარმომიდგა და ვთქვი.

ეს ნალკოტი იგი არის, რომელსაცა შინა ჩემის მეგობრებით სიხარულით დროს რომ გავატარებდი. „შენ ნალკოტო, რაოდენჯერმე უნდა მოგიგონო და შენთვის ვიტირო“.

ოდესაც მაისის თვე დადგებოდა, მაშინ ჩემნი მეგობარნი მოვიდოდნენ და მეტყოდნენ, აბა დღეს ბაღში უნდა შევექცეთ.

მეცა მხიარულობის და მხიარულთა მეგობრების მოყვარე საჩქაროთა გავიდოდით, რომ მისი სანატრელი ჰაერი არა დაგვეკარგა. სადაც საუცხოვოთ გაფოთვლილი კაკალი იდგა, მის ქვეშ მწვანესა ზედა გავეყრებოდით და მის სასიცოცხლოს ჰაერს ვსულდგმულბოდით. უკან ესე ყვავილიანი მთა წამოგვადგებოდა, სასიამოვნოს სუნთა მფრქვეველი, წინ ესე გაფოთვლილი სხვადასხვა ხეხილი შრიალებდნენ ვაზებითურთ და ჩვენ წინა მცირედი წმინდა წყალი მოწანწკარებდა საწყურისა ხმით.

ოდესაც სადილის დრო მოვიდოდა, მაშინ მკვირცხლნი მოსამსახურენი სადილს გავვიმშვენიერებდნენ და ჩვენც ლაზათით მგოსნებითურთ შემოვუსხდებოდით და დავინყებდით შექცევასა. როდესაც სასუფეველიდგან გამოსული წითელი ბუნებითი გულის საფუძველი ძარღვებთა შორის შტოებს რომ გაიდგამდა, სულსა ისრად რომ მოხვდებოდა ტვინსა სტუმრად რომ ეწვეოდა და მისგნით ჭკუასა რომ გამორეკდა, მაშინ ტვინი სიგიჟით რომ აღივსებოდა. მეყვსეულად ქუდთა გავტეხდით და საფეთქელთა ზედა რომ მოვიქცევდით ხოლმე. შემდეგ ერთი რომელიმე ამხანაგთაგანი აზარფემას რომ აღივსებდა და დაიძახებდა. სადღეგძელო არს მისი, ვინც საყვარელი არს ვისი. ამა ხმასა ზედა ასეთი სიმხიარულე და სიხარული შეიქნებოდა, რომე ვგონებ ესე სიხარული პირველს ხარისხის სიხარულსა ზედა იყო აღწევილი. რაოდენჯერმე უნდა მოვიგონო შენ სიხარულო და მარად მოვიგონო.

ესე აუზის თავი ვითარ უნდა დავივიწყო.

მე მახსოვს ესე. არაერთხელ, არამედ აღურაცხველად.

ოდესაცა საღამოთი და საამოთი მოიფინებოდა ქვეყანა, მაშინ მე და ჩემი ბედნიერების ვარსკვლავი ამოვიდოდით აქა და მაისის მწვანესა ზედა დავსხდებოდით.

აღმოსავლეთით სრული მორთული მთოვარე თვისის დაწყნარებულის თვისებითა აღმოდოდა და სასურველსა ბნელსა სინათლესა ზედა გადმოგვაფენდა.

დიანას ვარსკვლავი სატრფიალოს მკრთოლვარებით სიყვარულსა ზედა გადმოგვცემდა და სხვა ვარსკვლავნი სანატრელად ზედა დაგვბჭყვიანებდნენ.

ნიაზნი მიმოფიფინებით სხვადასხვა სიამესა ზედა გვაბნევდნენ;  
აბა დრონო, ვითარ უნდა დაგივიწყო. რაოდენჯერმე უნდა მოვ-  
იგონო და ვითარ მოვიგონო.

ამ ადგილს ნახევარი საათი დავყავ, წარსულთა დროთა დია-  
ლის სურვილითა მოვიგონებდი. შემდეგ ყოველი იგი ჩემი სიამოვნე  
ცრემლით მოვითქვი. მასკვან ამ ადგილს უკანასკნელად გამოვე-  
სალმე. როდესაც ავდექე წამოსასვლელად, მერეთ წალკოტიდგან  
გარეთ გამოველ და მთანმინდის მხარეს მონასტრის წალკოტისაკ-  
ენ წავედი. ოდესაც მას წალკოტს დავუახლოვდი, დროშკა მოშორ-  
ვებით დავავადე, მე ქვევითი მივედი იქ, სადაც სულ პირველად ჩემი  
ბედნიერების ვარსკვლავი მენახა და პირველი მისი სურვილი სად-  
აც დამელაია.

იყო სამხრეთით კერძო მწვანოვან ყვავილიანი მთა, წინ მინდ-  
ორი დაჩითულსავით გაშლოდა, ამ მთის ძირში იგი წალკოტი სინა-  
ზის გაფურჩქენილებითა განისვენებდა. წალკოტს ლობე ევლო და  
ამ ლობის ძირში გარედან ერთი პატარა ვარდის ბუჩქი იდგა, რო-  
მელიცა ჩემი ბედნიერების ვარსკვლავი! პირველად ამა ბუჩქთან  
მენახა. მაგრამ რომელსამე წყეულსა იგი ბუჩქი ამოელო და წაელო.  
რომელსაცა უანგარიშო გმოზა დავუწყე. მის ბუჩქის ადგილი ვი-  
პოვნე, ზედ წამოვწექ, მაღლა ავიხედე და ვთქვი.

აი განუზომელი და დაუსრულებელი სივრცე! აი ურიცხვნი დიდ-  
ნი ძლიერნი ნივთიერებანი ჰაერსა ზედა რიგ ზედ მიმომცურავნი!  
ხოლო შენ მიუნვდომელისაგან ქმნილნი!...

ვინ არა განცვიფრდეს შენსა დიდებულებასა და ვინ ფიქრით არ  
დაიკარგოს შენსა საკვირველებასა შინა!

კიდევ შენგნით საკურველი დაბადებულება, რომელსაცა მისსა  
ქმნილებასა შინა ჩემი გონება მეკარგების. ესე იგი? ვინ? ჩემი ბედ-  
ნიერების ვარსკვლავი!

ოჰ, ღმერთო, ვითარ შევიმსუბუქო ესე ჩემი სურვილი? მხოლოდ  
ესე მაქვს ნუგეშად, რომელ ამა ჩემსა განხურვებულსა სიყვარულ-  
სა მივცემ ცენსურასა შიდა დასაბეჭდათ, რათა ყოველთ წაიკითხ-  
ონ ესე ჩემი ვაება, და ოდეს სცნობენ ჩემსა სურვილსა, მაშინ მათ  
ვეტყვი, აი, სიყვარული აგეთი უნდა მეთქი.

ღმერთო!

უკეთუ იგი, ჩემი ბედნიერების ვარსკვლავი გასაჩენელი იყო

ქვეყანასა ზედა, მაშა მე რათლა დავიბადე. და უკეთუ მე დავიბადე, მაშა იგი რათლა გაჩნდა. უკეთუ ორნივ დავიბადენით, მაშა ჩვენს გულთა შინა ურთიერთა სიყვარული რათლა დაიბადა. უკეთუ სიყვარული დაიბადა, მაშასადამე ფეხები რატომ არ დამემტვრა, რომ ამ ადგილს არ მოვსულიყავ და იგი სულ არ მენახა, – მაშინ როდესაც რომ ახლა ჩემი გული მისის მოშორვებით მარადის უნდა მენყვლებოდეს.

თუმცა ესრეთ ვლაპარაკობ და ვყბედობ, გარნა შენვე სინანულით გვეედრები უხილავო ძლიერებაო, რომელ ჩემსა ლაყობასა ნუ შეისმენ და ჩემის სულიდგან მისს სიყვარულს ნუ აღმოფხვრი, რომელიცა არს დაბეჭდილი ჩემს გულსა ზედა.

რასაკვირველია, რომელთაც ცივი და გრილი გული აქვთ, ივინი ჩემსა წერასა ზედა სიცილს დაინყებენ და ზოგნი განსჯასა შინა შევლენ, ზოგნი სულ მასხრათ ამიგდებენ, რომელთაცა ანაბანა არ ესმით, მაგრამ მე კი არას ვინაღვლი. – იცინე მოცინარო, და განსაჯე მსაჯულო, – ამ ჩემს გულსა ზედა რაც დანერილია, ვერ ამოფხეკ, თუნდა შენი ფილოსოფია სრულებით დაასრულო.

ამას კი გეტყვი, უკეთუ ჩემს გულსა სრულად გრძნობდე, მაშინ სხვარიგად იტყვი.

დამეხსენით, ისევ ამა სიყვარულსა შინა მოვკვდე და ამა სიყვარულმავე დამმარხოს, მასკვან შენ რაც გინდოდეს, ისა თქვი.

მშვიდობით ჩემო ცხოვრების განმაახლებელო ადგილო და ახლა გამამწარებელო, მშვიდობით.

მრავალი ამისთანა სურვილი ამოვსთქვი, რომელიც თქვენის შენუხებისათვის აღარ მოვიხსენე და შემდეგ წამოველ.

ჩვენს სახლსა შინა მოველ და ვნახე, რომ ყოველი მზათ იყო. მაღლა ამოველ და ჩემს ოთახში შეველ.

ჩემმა ცოლის ძმამ მითხრა, გასტინაში ერთი ყმანვილი კაცი, ნიჟეგოროდსკის დრაგუნსკის პრაპორშიკი შენ გელისო.

მე მაშინვე მივხვდი, ვინც იქნებოდა, და ვკითხე, რომელსაც მე მივყავარ, უთუოთ ის იქნება?

– არ ვიცი, მე ეს აფიცარი არ მინახავს და ვერ ვიცნობ, ვინ არისო

– მაშ, შენს გაზდას, ჰკითხე, რა გვარია.

გამოვიდა, მცირეს ხანს უკან ისევ შემოვიდა და მითხრა. ასე თქო, კნია ზს უთხარ, რომ მინიცკი თქვენ გელისო.

– აკი ვითხარ, რომ ჩემი წამყვანელი აფიცარი იქნება მეთქი.  
საჩქაროთ გამოველ და ბოლიში მოვიხადე, უკაცროდ აღუქსან-  
დრ ოსიფიჩი.

დავსხედით, ლაპარაკი დავიწყეთ. მასკვან მითხრა, ერთი სანყა-  
ლი დაჭრილი ყმანვილი კაცი არის სამხედროს სამსახურიდგანა,  
გადამდგარი პორუჩიკი და რომელს ლუბერნიას და ქალაქს თქვე-  
ნა ხართ დანიშნული, ის გადამდგარი იქაური მცხოვრები არის და  
ახლა ის დიდის ვედრებით ითხოვს, რომ ჩვენ თან წავიყვანოთ?

მე სიხარულით თანახმა შევიქენ. ცოტას ხანს იჯდა, მერე ადგა  
წასასვლელად და მითხრა:

ამაობაში დაღამდა და საღამო ჟამზე, ჩემი წამყვანი აფიცარი  
მოვიდა ჩემთან და მითხრა:

– „რა დროს წავიდეთ ამაღამ?“

– „სულ მზათ ვართ მეთქი?“

– რაც ბარგი გვქონდა, ბრიჩკაში ჩავალაგებინეთ, და ცხენების  
შებმის მეტი აღარა აკლდარა ბრიჩკას.

– „მაშ ამაღამ მეცხრეს საათზე მობძანდით ჩემთან და აქედგან  
წავიდეთ მეთქი.“

თანხმობის თავი დამიკრა, გატრიალდა და წავიდა. მეც ჩემს ე....  
შევედი, – მივედი და მშვენიერს თვალეზე ვაკოცე. – მცირეხანს  
უკან, ბატოიშვილი დედა; ჩემი სიმაპრი, ჩემი სიდედრი ჩემის ცო-  
ლის ძმითა, ჩემი უნცროსი ძმა, ჩემი მეგობარი – პავლე თუმანოვი,  
– ჩემი ნათესავები, და დახავსებული მოხუცებულობისაგან ჩემი  
გამზდელი ჩვენთან შემოვიდნენ. – დავსხედით, და ლაღობა და-  
ვინყევით. საკვირველი იყო, ყველანი ვმხიარულობდით. ვგონებ  
მიზეზი ეს იყო, რომ ბატოიშვილმა დედამ ადრევე ბძანა. „თუ  
შენუხებულს ვნახამ ვისმე, ჩემი მკვლელი იქნებაო.“

მცირე ხანი გამოვიდა, ბიჭი შემოვიდა და მითხრა.

– სოფლიდგან თქვენი თათრები გიახლნენ და თქვენი ნახვა  
სურთო.

– ვინ არიან მეთქი?

– ერთი სოფლის ქემხა გახლავთ, მეორე მოხუცებული აჰმადა  
და მესამე თქვენი მოსამსახურე ყურბანაო.

ავდექ და რომელს სახლშიაც ისინი იყვნენ, იქ გამოველ. – იმათ  
დაბლა თავი დამიკრეს, – მიველ და სკამზე დავჯექი, მერეთ მოვი-

კითხე. – იმათ მადლობა მითხრეს, მასკვან მკითხეს, როდის მიბძანდებითო.

– ამ ღამეს მეთქი.

ჯერ ქემხა მოვიდა ჩემთან, გადამეხვია და ცრემლით გამამესალმა. მასკვან მოხუცებული აჰმადა მოვიდა, კისერზე გადამეხვია, აქეთ იქით მაკოცა და ცრემლით მითხრა, მე მოხუცებული ვარ, ან კიდევ გნახავ, და ან სულ აღარა. შემდეგ ჩემი მოსამსახურე ყურბანა მოვიდა, დაიჩოქა, მუხლებზე მამეხვია, თავისი სამსახური მწარეს ცრემლით მოსთქო და მითხრა, მე უშენოდ რადღა მინდა სიცოცხლე, ვისღა ვუყურო, ვისღა ვეტრფივლო, ჩემი ცხოვრების ცეცხლი ახლა განქრა. – ისინი იქითკენ იდგნენ და მწარედ ქვითინებდნენ.

მე მათ ნებას არ ვაძლევდი ტირილისას და გულს უმაგრებდი.

ჩემმა ყურბანამ მითხრა, ჩემო ბატონო, ჩემო მფარველო, ამთენი შენი სიყვარული ვინ უნდა მოითმინოს. შენ ხომ ჩვენი ბატონი არ იყავი. მინაზე დაეცა, ფეხებზე კოცნა დამინყო მწარეთ მტირალმან. – თუმცა ჩემი გული ამასა ზედა იგლიჯებოდა, მაგრამ კიდევ მოვითმინე და დავამშვიდე ესენი. შემდეგ ვუთხარ, ბატონიშვილმა არ შეიტყოს, თორემ ავათ მოგეპყრობათ მეთქი. დავაჩუმე ესენი, მერეთ დავითხოვე და წავიდნენ.

მეც გამოველ და ბატონიშვილთანვე მინდოდა შევსულიყავ; სანყალი მოხუცებული ჩემი გამზდელი ზალაში დამხვდა. მოვიდა, გადამეხვია, თვალებზე, ლოყებზე დამკოცნა, მერეთ გულზე მიმიკრა და საცოდავის ცრემლით მითხრა. ეს ეს არის ჩემი თვალები უკანასკნელად გიყურებენ შენ. – მე დამარხვას შენგნით მოველოდი, მაგრამ ჩემი უბედურების გამო, ესეც აღარ მეღირსება. მშვიდობით შვილო. – მაგრად მიმიკრა გულზე და შესაბრალისის ქვითინით განმეშორა. –

მე ყოველი მისი ჭირნახული ანუ სიამოვნე სრულებით წარმომიდგა და ასეთმა მწუხარებამ მამიცო, რომ უთუოთ მეგონა, გულს შემამეყრება მეთქი. მაგრამ კიდევ გული გავიმაგრე და შეუმცნევლად სიცილით ისევ შეველ, სადაც პირველად ვიყავ.

პატარახანს უკან ჩემი მამიდაშვილი, თაა თადია ჩოლოყოვი, სოფლიდგან ჩამოვიდა, შეწუხებული გადამეხვია, და მრავლობით დამკოცნა.



მკითხა – როდის მიხვალო? –

– ამაღამა მეთქი.

კიდევ ხუმრობის სიცილს მოვყევით. შემდეგ დავსხედით და ლაპარაკი დავინწყევით, ამაობაში კიდევ დაღამდა. –

გოსტინის ოთახში ფეხების შრიალის ხმა შეიქნა.

ჩემი უნცროსი ძმა შემოვიდა და მითხრა მინიცკი მოვიდაო<sup>1</sup>. ავდექ, და გამოველ. –

მინიცკი ჩემთან მოვიდა, ერთი ყმანვილი კაცი მოიყვანა და მითხრა, მე რომ გითხარით, ეს ის არის. გთხოვთ, იცნობდეთო.

მეც მას ხელი გამოვართვი და ვთხოვე ახლო მცნობობა, – იმანაც ეგრეთვე მთხოვა.

– მასკვან ვთხოვე, თუ უკაცრავად არ ვიყო, გთხოვთ, თქვენი ვინაობა მაცნობოთ.

– მე ვარ გადამდგარი პორუჩიკი გვართ კაროვინი და სახელი ნიკალაი ადრეიჩი მქვინო.

– მერეთ ვუთხარ, ვიმედოვნებ, რომ მხიარულად წავიდეთ მეთქი. – ისიც სიხარულით დამპირდა. დავსხედით და სხვადასხვა ლაპარაკი დავინწყევით. შემდეგ მინიცკიმ მითხრა, დრო არის, წავიდეთ, ცხენები ფოშტიდგან მოიყვანესო.

– ალექსანდრ ოსიფიჩ, გთხოვთ მოითმინოთ. ჯერ ჩაი დავლიოთ, მასკვან ვახშამიც კარქა ვჭამოთ და ვახშამთ უკან წავიდეთმეთქი.

– თქვენი ნება იყოსო.

მაგთენი ხანი აღარ გამოვიდა, ჩაი დავლიეთ, ნახევარ საათს უკან ვახშამი მოიტანეს. – რომელნიცა ყველანი ზალაში გამოვიდნენ და მე ისევ ჩემს ე. . . . შევედი.

ჩემი ბედნიერების ვარსკვლავმა მთხოვა, რაც ამ სახლში ხატები ასვენია, ყველას თაყვანი ეც და ემთხვიეო.

მე სწრაფად აღვასრულე ესრეთ. და ჩვენს სახლში რაც ხატები იყო, ყოველთ გულმხურვალედ თაყვანი ვეცი და ვემთხვიე. – მასკვან ჩემს ბედნიერების ვარსკვლავთან მივედი და დივანსა ზედა გვერდით დავუჯექ.

დივანზე ერთი მუთაქა იდო. ის მუთაქა ჩემმა ბედნიერების ვარსკვლავმა შუაზე დადო. ჩვენ იმაზე აქეთ იქით მკლავებით დავ-

<sup>1</sup> ჩემი წამყვანი აფიცარი. –

ეყუდენით და პირდაპირ პირები ასე ახლოს გვექონდა, რომ სამი თითი არ გაიმართებოდა ჩვენს პირებსა შორის. აქ აღარ ვიცი რა უნდა ვთქო.

ორნივ სრულად ვგრძნობდით უკანასკნელსა ჟამსა. ორნივ უკანასკნელის სურვილით ერთმანეთს გადავეხვიენით. ხან მაგრად მაგრად გულებს მივაკრევდით, ხან თვალთა თვალებსა ზედა დავაყრიდით, ხან ტუჩებსა ერთმანეთსა განვართხმიდით და უკანასკნელსა ნეტარებას ერთმანეთის სულელებიდან აღმოვიღებდით და გულებსა ზედა დავასხევდით. მაშინ იყო ჩვენი სიკვდილისა და სიცოცხლის ნაში.

და მინამ ისინი ვახშამს აიღებდნენ; მე და ჩემი ე. . . უკანასკნელად ვტრფიალებდით, ვესამლებოდით ერთმანეთსა საშინელის მწუხარებით. ვახშამი რომ აიღეს, – ყველანი ჩვენთან შემოვიდნენ, ბატონიშვილის გარდა.

– მე ვკითხე – „მერამთენე საათი არის? მეთქი?“

– მითხრეს მეთერთმეტე საათი არისო.

მცირეს ხანს იდგნენ ჩვენთანა და მერე გავიდნენ. – მე ვიგრძენ, რომ დრო მოვიდა წამოსვლისა.

ჩემს ე. . . გადავხვიე, და ვაკოცე, შეიტყო უკანასკნელი განყრის გადახვევა იყო, მაშინვე გადამეხვია, გულზე მიმიკრა, და მითხრა, აქვე შენთან მამკალ, და შენის ხელებით დამმარხე. *მე უშენოდ ვერ მოვითმენ და ვერ გავუძლებო.*

ვნახე მეტი მწუხარება განმრავლდებოდა, ამისთვის გულმაგრა ვუთხარ. „ეხლა რო არ მივდივარ.“

– მაშ როდის მიხვალ?

– გათენებისასამეთქი. –

– მეტათ იამა, და მრავალი მადლობა მითხრა. –

მინუტნახევარი აღარ გამოვიდა, წამოვდექე, და ვუთხარ, აბა ერთი შემამხედე; – რომელმანცა შემამხედა, – და მე ჩემს თვალებს ვუთხარ. – თვალნო ჩემნო, ესესარი უკანასკნელის ამის ჭვრეტით გაძელ, და წამსვე განემორე.

ჩემთა თვალთა მხედველობა, მისთა თვალთა მხედველობისა შიგან განუწონე, და მისი თვალთა მხედველობა, ამა ჩემთა თვალთა მხედველობასა შიგან განმეწონა, და მე ასე მეგონა, ურთიერთთა მალნიზნი, გულსა ზედა გადაგვეხვია მეთქი. რაოდენსამე მინუტსა

ერთმანეთსა თვალთა შევცქეროდით. – ჟამი რომ მოვიდა ჩემი აქეთკენ წამოსვლა, მყისვე გამოვტრიალდი, ერთი მხოლოდ ეს კიდე დავიძახე: მშვიდობით! და მეორეს ოთახში გამოვვლ.

ამ მეორეს ოთახში მესმოდა მოსაწყველელი ქვითინი იმ ოთახიდგან, სადაც პირველად მე ვიყავ. ესე ტირილი ვიცან, რომ ჩემი ე. . . ტიროდა.

ამ ნუთს ერთი ღვთიანი ადამიანი არავინ არ გამოჩნდა, ამ ჩემს გულსა ზედა მახვილი დაეცათ, და ის ცრემლი ჩემს გულსა ზედა დამყრიყო, რომ ჩემს უკანასკნელს სულთქმას მისის ცრემლისათვის ეჭვრიტა. ვითარი ბედნიერი ვიქნებოდი.

დაუყოვნებლივ გამოველ, რომ ის მოსაწყველელი ხმა აღარ გამეგონა, დედაჩემთან და ბატონიშვილთან შევედი ზალის გვერდით ოთახში, სადაც თვითონ ბძანდებოდა, რომელმაცა გვერდით დამისო და მაგრის სიტყვით მიბძანა.

– „ნადი შვილო, ღვთისთვის მიმიბარებხარ. უბედურებას ნუ გაუტყდები. ამისთვის, რომ ქვეყანაზე ბევრი უბედურნი არიან და ერთი ჩვენი სახლიც იყოს. ამ ცოტას ხანში მეც გამამისტუმრებენ კალულისაკენ, რომელიცა განსვენებულის გულით მივდივარ; თუ შენ ჩემი შვილი ხარ, შენც ჩემსავით მაგრა იყავი და უბედურებას ნუ გაუტყდები. კარგი, ადევ ნადი; ღმერთი იყოს შენი შემნე.“ ამასთანვე ავდეგ და საჩქაროთ გამოველ.

*როდესაც ზალის წინ ოთახში გამოველ, ამ ოთახსა მარჯვენა მხარეს კარები ჰქონდა, ეს კარები ღია დამხვდა. კარების წინ სხვა ოთახი იყო, სადაცა ბატონიშვილი დედა ბძანდებოდა. ამ ღია კარების წინ იმ ოთახს კედელში თახჩა ჰქონდა დატანებული და ღვთისმშობლის ხატები ესვენა. ბატონიშვილს დედას ამა ხატებისათვის წმინდა სანთლები ჩამოემწკრიებინა. მათ ხატებთა შევხედე, რომ გაბწყინებულნი ესვენენ. – პირჯვარი გამოვისახე და დაბლა თავი ვანი ვეც.*

*ბატონიშვილის დედიჩემის მშობლიური, გონიერებითი ჩემდამო აღერსი ტრფიალება და სიყვარული ყოველივე ჩემ წინ გამოსახული დავინახე, და ერთიანი ფიქრი მამივიდა, რომ მინდოდა, მას ოთახსა შინა შევარდნილიყავ, დედაჩემს მუხლებსა ზედა მოვხვევიყავ. უკანასკნელის სავალალოს ცრემლით გამოვსალმებიყავ, მაგრამ წამსვე ესე ფიქრი განვაგდე. ამისთვის ჩემს თავს ვუთხარ,*

თავო ჩემო, ნუ ლაყბობ, საითკენაც მიდიხარ, ისევ იქითკენ გასწიე. – ეს კი ჩემთვისა ვთქვი.

ბატონიშვილო დედაო, ნეტავ ერთი კიდევ მელირსოს შენი ნახვა და მასუკან თუნდა მოვკვდე, აღარას ვინაღვლიმეთქი.

ეს სიტყვა რომ ვთქვი, ამ ოთახში ვიღამაც ტირილი დაიწყო. ჩემმა უნცროსმა ძმამ მყისვე ხმა ჩააკმენდინა მას მტირალსა და გაჯავრებულმა უთხრა. ღმერთს ვფიცავ, რომელიც იტირებს, პირში სილას შემოვკრავო. ამ სიტყვაზე ყველამ გაიციინეს. და მეც სიცილით კარზე გამოველ. ბატონიშვილმა დედამ გალერიის ფანჯარა გააღო, ფანჯარაში გამოიხედა. – დიახ კასკასით იცინოდა. მე ჩემთვის ვთქვი. – პირათ იცინი, მაგრამ ეგ შენი გული ვინ იცის, რავდენის მახვილებით ივსება.

კარზე რომ გამოველ, მოხუცებულნი ჩემი სიმამრ სიდედრი, ჩემის პატარა ცოლისძმითა, ჩემი უნცროსი ძმა, ჩემი მეგობარი პავლე, ჩემი ნათესავნი, ჩემი კეთილის მყოფნი და ჩვენი ერთობით კერძობანი, ესენი სულ თან გამამყენენ. ყველას მოვხედე, ქუდი მოვიხადე და თავის დაკვრით დავიძახე – მშვიდობით! და კიბეზე ძირს ჩამოველ.

რაც ქალები იყვნენ, სულ იქ მალლა დარჩნენ. კაცები სულ ქვემოთ ჩამამყენენ. ადრევე ყველას პირობა გამოვართვი, რომ კოცნით არ გამოვესალმებ, თვინიერ ცარიელის სიტყვის მეტი სხვა გამოსალმება არ იყოს მეთქი. ამისთვის არავის არ ვკოცნიდი.

დიახ წვიმიანი წყვილიადი და მოელვარე ჭექიანი ღამე იყო, ასე რომ ახლოს ერთმანეთსა უსინათლოთ ვერ დაინახავდნენ, თუ არ გაიელვებდა, მაგრამ ამდენი ანთებული სანთლები და ფარნები დაჰქონდათ მალლა თუ ქვემოთ, რომ თითქმის დღესავით ჰჩანდა. ერთი კიდევ აქ გამოვეთხოვე ყოველთ და ალაყაფის კარებში გამოველ.

მაგრამ ასეთი ელვაჭექა იყო და ასეთი თქეში წვიმა მოდიოდა, რომ საშინელება იყო. შინაურები ჩვეულებისამებრ ამბობდნენ „მშვიდობიანი მგზავრობა ექნება და ღვთის მონყალებითაც ჩქარა დააბრუნებენ, ამისთვის, რომ თვითონ ზეცა მოასწავებს.“

ამ ჰაერის საშინელებას არა დავდიერა და მოაჯირზე ყველას გამოვეთხოვე. გამოვტრიალდი, კიბე ჩამოვირბინე, ეზო გამოვიარე, ალაყაფის კარში გამოვედი და ბრიჩკაში ჩავჯექი. ჩემი ჭეშმარიტი

მეგობარი თა პავლე თუმანოვი მოვიდა ჩემთან და მწარეს ტირილით მითხრა. – „საყვარელო მეგობარო ალექსანდრე. მე ვგრძნობ, შენ მშვიდობით დაგაბრუნებენ, მაგრამ მე ცოცხალი აღარ დაგხვდები, ამისთვის გთხოვ, ერთი უკანასკნელად მაკოცნინე პირზე, რომ საუკუნო გამოსალმება იყოს.“ *შევხედე, ამისი სიყრმიით მეგობრობა, ვიდრე აქამომდე სრულად თვალთ წინა წარმომიდგა და ასეთმა სიმწრითმა მწუხარებამან მამიცო, რომ ამა ზეცისა და ნატეხი თავსა ზედა დამდის მეთქი. თუმცა მინდოდა, გადავხვევიყავ და ტირილით გამოვსალმებიყავ, მაგრამ კიდევ მოვითმინე და ვუთხარ, გთხოვ, მოთმინებით იყო, მეგობარო. მე სიტყვის თქმა ვეღარ მოვასწარ, რომ მოხუცებული ჩემი სიმამრი თა დავით ბარათოვი მოვიდა ტირილით და თავის თავზედაც ეს აზრი დაამტკიცა. მე მაშინვე ჩემი სიმამრი, ჩემი სიდედრი, ჩემი ცოლისძმა და ამათი სიყვარული ყოველივე მომაგონდა და უფრო ჩემი ბედნიერების ვარსკვლავი! და ახლა თვალეხი ცრემლით აღმემსო, მაგრამ წამსვე იგი ცრემლი უკუვე ვიყარე და სიცილს მოვყეე. მასკვან ჩემი მამიდაშვილი თა თადია ჩოლოყოვი ტირილითვე მოვიდა და თავის თავზედაც ეგრეთვე დაამტკიცა. შენუხებულმა მთხოვა, რომ მეკოცნა, თუმცა მე ნება არ მივეცი, მაგრამ მისი ნათესაობითი სიყვარული და ერთგულება სრულად მომაგონდა და ესრეთ შევწუხდი, რომ გაშტერებული დავრჩი, არ ვიცოდი, რა მექნა. ჩემ ცოლშვილებსაც ვეღარ ვაკოცე, თვინიერ ჩემი ცოლის გარდა. მაგრამ მე მაინც არავის არ გამოვესალმე, ამიტომ, რომ ბატონიშვილმა დედამ აღრითვე მიბძანა; „კოცნით გამოსამლება უწინდელს დროში არ იცოდნენ და ნურცარავის შენ გამოესამლები ჩემო ალექსანდრეო.“ ამისთვის დედიჩემის ბძანება აღვასრულე, რომ ჩემ ცოლშვილებსაც ვეღარ ვაკოცე უკანასკნელად. –*

*შემდეგ ჩვენს ვალერიის შევხედე, – ჩემნი კეთილის მყოფნი, ჩემნი ნათესავნი, ჩემი სამი პატარა შვილები ხელში ეჭირათ და ესენი სულ ერთათ შენუხებულნი გადმომდგარნი მიყურებდნენ, მაგრამ ჩემი ბედნიერების ვარსკვლავი! არა ჰჩანდა, სად იყო. მაშინვე ვიგრძენ, რომ იმ ოთახშივე დარჩა მტირალი. – აქ ვეღარას ვიტყვი. შენ წამკითხველო, თვით წარმოიდგინე, ვითარი მწუხარება მმართებდა. მაგრამ მერწმუნე, გული ასე გავიკაჟე, რომელ სრულებით არ შევიმჩნიე მწუხარება.*

აქ ჩემს გვერდით ჩვენი მოსამსახურენი გარსა მამადგნენ გულხელდაკრეფილი და შენუხებით მიყურებდნენ.

მიკვირს, რამდენს მწუხარებას ვუყურებდი, რატო გულს არ შემამეყარა, მაგრამ ჩემი იმედი ჩვენი ხელმწიფის სამაგალითო მოწყალებანი იყო.

საჩქაროთ ავედი წამოფარებულს ბრიჩკაში, უკან გადავჯექე. აქეთ ვადმოვხედე, ჩემი უნცროსი ძმა დავინახე. თუმცა შენუხებულს სახე ჰქონდა, მაგრამ განგებ იცინოდა, მხიარულობდა, – მე ასე მიამა ეს, რომ დიდი ნუგეში მამეცა.

ბრიჩკაში ჩემთან ჩაჯდა ჩემი წამყვანი აფიცარი, პორუჩიკი მინიცკი. ერთი გადამდგარი აფიცარიც წავიყვანეთ ორენბურღამდისინ და ერთი საკუთარი ჩემი ბიჭიც გამამატანეს ჩემ მოსამსახურეთ. –

მინიცკი ჩემ გვერდით დაჯდა, ჩვენს პირდაპირ წინა კაროვინი დაჯდა და კოზლაზე იემშიკის გვერდით ჩემი სარქისა ბიჭი მოუჯდა, რომელიცა თან წამოგვყვა.

ერთი ესლა დავიძახე. მშვიდობით! და ქუდის მოხდით ვთქვი.

ყოველთა უმდაბლესადა ვთხოვთ, რომ ნუ შესწუხდებით და იემშიკმაც ცხენები სწრაფად გააქანა.

ჩვენი მოსამსახურე თათუ და ჩემი რძლის მოსამსახურენი ანთებულის ფარნებით, ცხენებით თან გამოგვყვენენ და ბრიჩკას წინ მიუძლოდნენ.

ამა ქალაქსა შინა ბრიჩკა სწრაფად მივბოდა. ბრიჩკას დიშლაზე პატარა იემშიკის ზარი ება და ამ ზარის წანგის წუნგის ხმასა ესე ქუჩები მოეცო.

კაროვინმა იკითხა, დღეს რამთენია ამ თვის რიცხვი და ანუ მერამდენე საათი არის.

მე მწუხარებით პასუხის მიგება არ შემეძლო და მინიცკიმა უთხრა. მართლა კარგათ მომაგონე, ნიკალაი ანდრეიჩ, ვთხოვთ დაისწავლოთ დღევანდელი დღე, ჩვენი ტფილისის ქალაქიდგან გამოსვლაო.

იმან ჰკითხა, დღეს რამდენი რიცხვი არის?

– 1834-ი წელი, ივლისის 17-ი დღე, შუადღიდგან მეთერთმეტე საათი არის.

იმან უთხრა, ეგრე იყოსო და მერეთ დაჩუმდნენ.

ქალაქი ესე სწრაფად გავირბინეთ და ვერის ზასტავაზე რომ მივედით, ყარაულმა ატკრიტი ლისტი მოითხოვა. მინიცკიმ თავისი სახელი განუცხადა და დაუყოვნებლივ გაგვიშვეს. ამა ზასტავას რომ გავსცილდით, თვალთ ცრემლი მამერია და ჩემს გულში ვთქვი. „მშვიდობით საყვარელო მშობელო დედავ ბატონიშვილო! ჩემო მოხუცებულო სიმამრ-სიდედრო, ჩემო ცოლისძმაო, ჩემო ძმებნო, ჩემო რძალო და ჩემო ძმისწულო, ჩემო საუკუნოვო ერთგულო მეგობარო პავლევ, ჩემო კეთილისმყოფნო, ჩემო ნათესავნო და უნამეტნავესად შენ, ჩემო სიცოცხლეო, ჩემო კატინო და სანყალნო ჩემო წვრილნო შვილნო, მშვიდობით!. იქნება ველარ მეღირსოს თქვენი ნახვა.

ოდესაცა საშინელსა მას დღესა ზეცისა საყვირისა ზარნი სრულის ქვეყნით უანგარიშოთა რიცხვით, მკვდრეთით აღდგომილთა სულთა ერთად შეჰკრებენ ქვეყნის საყდართა ზედა განკითხვად, რომელსაცა ძალნი ცათანი თანა მოჰფრინდებიან და განკრძალვით ემონებიან, ნუთუ მაშინ გნახოთ და აქ აღარ.

ახ, ნეტავ მაცნობა, ეხლა ჩემი ბედნიერების ვარსკვლავი რას ფიქრობს, მე ის მტირალი დაუტევე. იქნება, კიდევ სტიროდეს. ესრეთ ვფიქრობდი და ბრიჩკა ზარის ცემით სწრაფად მირბოდა.

ოდესაც გაიღვებდა, ჩემი ბედნიერების ვარსკვლავსა ელვით გამომკროთომარსა დავინებედი, ოდესცა ცა ზრიალით ქუხილსა განავრძელებდა, მაშინ მის ტირილისა ხმა ყურთა მესმოდა და ოდეს ცვარი ზეცისა დამესხმოდენ, მაშინ მისის ცრემლი გულსა ზედა მებნეოდა.

რანამს ბრიჩკაში ჩავსხედით, მაშინ ჭექა დაწყნარდა და აღარც წვიმა მოდიოდა. ბრიჩკაში რომ გავსწორდით, ერთი ესლა დავიძახე, მშვიდობით! და იემშიკმა ბრიჩკა გააქანა და დუგაზე დაკიდებულმა ზარებმა წკრიალი დაიწყეს.

ბრიჩკა დაუყოვნებლივ მირბოდა, ცაცა ელვა შუქისაგან დასცხრა და აღარც წვიმა მოდიოდა. მხოლოდ დიახ ბნელი ღამე იყო, ამისთვის ფარნები ეგრეთვე წინ მიგვიძლოდნენ. როდესაც დიღმის ვინროებსა გავცილდით, აქ ჩვენი მოსამსახურენი დავითხოვე, რომელნიცა ფარნებით მოგვდევენ. იგინი ცხენებიდგან გადახდნენ, მოვიდნენ, ხელი მთხოვეს საკოცნელათ, მე მათ ხელი არ მივეცი, ისე, სიტყვით გამოვესალმეთ და ჩვენებიანთთან მოკითხვა დავაბ-

არე. მათ თავი დამიკრეს და წავიდნენ.

ჩვენ ჩვენს გზასა შევუდექით, მაგრამ ესე გზა დიახ ტალახიანი იყო, ასე რომ, ნახევარს ადღზე მიარღვევდა ბრიჩკის თვალი. აქ ცხენებმა ველარ იმუშავეს, ნაბიჯის სიარულით წავიდნენ. მინამ დიღმის მინდორს გავივლიდიდთ, მანამდისინ ცხენები დაგვიცვი-ვდნენ. იემშიკმა გვითხრა, ცხენები სულ დადგნენო. ჩვენ ბრიჩკა დავაყენებინეთ, ცხენები გამოვაშვებინეთ და ჩვენ ბრიჩკაშივე და-ვიძინეთ.

ოდეს 18-ის ივლისის ალიონმა ზეცასა შინა აინია, მე მაშინვე გამამღვიძა და ჩლუჩვნას მოვყევე, ვითომც ეგება ჩემმა ამხანაგებ-მაც გაიღვიძონმეთქი.

იმათაც გამოიღვიძეს, საჩქაროთ ბრიჩკა შევაბმევიინეთ და საჩქაროთვე წავედით. მცხეთის ვინროებსა შინა შევედით. მე კიდევ დიახ მწუხარებამან შემიპყრა და უკანა ბრიჩკაზე გადავესვენე.

მინიცკიმ მითხრა. კნიაზო, აბა პირდაპირ შეხედე.

– აბა, რა არის?

– აი მცხეთის ეკლესიის გუმბათი გამოჩნდა.

პირდაპირ შეხედე. ეკლესიის გუმბათი დავინახე. მაშინვე ქუდი მოვიხადე, დაბლა თავყენი ვეცი. ჩემი ბედნიერების ვარსკვლავი მომაგონდა, ერთათ რომ ვიყავით მას ეკლესიასა შინა და სვეტიცხოველს თავყვანი ვეციოთ.

კარზე რომ გამოვედით, მაშინ ჩემმა ბედნიერების ვარსკვლავმა სატრფიალოს სიცილით მითხრა, მე იცი ღმერთს რა ვთხოვეო.

ღმერთო, ჩემს ქმარს შენ მოგაბარებ, რომ სხვა არავინ არ შეუყვარდეს ჩემ გარდაო.

მე გამეცინა, ხელი გამოვართვი, იმის ხელი ჩემს გულსა ზედა დავინყე და ვუთხარ, ამ გულს ენდე მეთქი, მასკვან მრავლობით ვაკოცე იმის ხელებსა.

კიდევ ამ ბრიჩკასა შინა ვთქვი, მერნმუნე, მე შენს მეტს არავის არ შევიყვარებ და მარადის შენით ვიცოცხლებ.

ამა ფიქრსა შინა ვიყავ და კიდევ მივედით მის ეკლესიის სოფელსა შინა. ამა სოფლისათვის უნდა გადაგვეარა და ჩვენს გზაზედვე უნდა წავსულიყავით. ოდეს ამა ეკლესიასა დავუპირდაპირდით, კიდევ ქუდი მოვიხადე, თავყვანი ვეც და ვთხოვე, შენ გვედრები უფალო, ჩემი საქმე კეთილად წარმართო. გავიარეთ, წავედით და



ღართისკარსა შევედით. მიმავლობაში ერთი ურემი დავინახე ჩვენ-ზედ კარგად წინ, გზიდგან მარჯვენა მხარეზე. გადასულიყვნენ, ხარები გამოემოთ და ესე პირუტყვნი მწვანესა ზედა ბალახს სძოვდნენ. როდესაც ურემს დავუპირდაპირდით, ერთი საშუალო ხნის დედაკაცი ურემს გვერდით უჯდა; შევხედე, ჩემი პატარა შვილის, დათიკას ძიძა იყო, რომელსაცა ძუძუ გავაშვებით და ქართლში მიდიოდა თავის სახლსა შინა. ბრიჩკა დავაყენებინე.

დავუძახე.

– თინათინა ძიძავ, შენა ხარ? და ასეთი სიხარულით დავუძახე, მეგონა ჩემ დათიკას გადავძახე მეთქი.

წამსვე მიცნა, წამოვარდა, მოვიდა, ორი მუხლით ჩემ წინ დაიჩოქა: შესაბრალისად დაიწყო ტირილი. მე საჩქაროთ ჯიბიდგან ორი მინანთული ამოვიღე, მივეცი. მინდოდა, მეკითხა რამე, მაგრამ ასე საზაროდ დაიწყო მოთქმითი ქვითინი, რომ მე მეტის მწუხარებით ველარ მოვითმინე, სწრაფად ბრიჩკა გავარეკინე, კიდევ მისი საცოდავი ღრიალი დიახ შორს მესმოდა და ცხენები უფრო ჩქარა გავარეკინე, რომ მისი ტირილი აღარ გამეგონა. მივედით და ღართისკარის ფოშტაში გადავხტით.

მეფოსტეები შემოგვეგებნენ, ბრიჩკის ცხენები საჩქაროთ გამოუშვეს. მინიცკიმ ფოშტის ნაჩალნიკს ჩაიდანი აადუღებინა. რალა განვაგრძელო, თეთრის ნემეცის პურით ჩაი დავლიეთ. ასე მიამა ესე ცხელ ცხელი ჩაი, რომ თითქმის გავმხიარულდი. მესამე სტაქანს დავუწყე სმა და ნახევრობამდისინ რომ დავლიე, ამ დროს ეკიპაჟის ხმა შემოგვესმა. მცირედი ხანი აღარ გამოვიდა, ეს ეკიპაჟი ჩვენს ახლოს მოიტანეს. შიგ ვილაებიც იხსდნენ. შევხედე, ჩემი მეგობარი, თა ალექსანდრე სუმბათოვი, თავის ცოლი სოფიო თავისი პატარა შვილი გიორგითი, რომელიც არის ჩემი ნათლული, ესენი ერთის მოახლით ჩვენს ახლოს გადახდნენ და ჩვენთან მოვიდნენ.

მე დანახვისვე უმაღ წამოვხტი, წინ მივეგებე, სხვადასხვის ლაპარაკით გამოვიყვანე ერთს გაფოთვლილს მუხის ქვეშ მწვანეს ბალახსა ზედა, სადაც გაშლილი ხალიჩა იყო, მას ზედა დავსხი და მეც გვერდით დავუჯექე.

მითხრეს, თუმცა ქალაქიდგან გამოისწრაფე, მაგრამ აი მოგენიენითო.

მე მაღლობა გადავიხადე. მასკვან მინიცკი, კოროვინი გავაცან.

ისინიც ჩვენთან დასხდნენ და ეგრეთვე ლაპარაკი დაიწყვეით.

მინიცკიმ ჰკითხა.

– საითკენ მიბძნდებით?

მან უპასუხა.

– ჩემი შვილი ცოტათ შეუძლოთ შეიქნა, სოფელში მიგყავს ჰავის გამოსაცვლელათა.

– რომელს ადგილს მიგყავთ?

– გორის უეზდში, სოფელს ქვიშხეთს; სადაც ჩემი მეუღლის ბებია დგას, მასთან მიგყავს, დიახ კარგი ადგილი არის.

ჩაის დაღვევა ვთხოვე მათ, რომელთაცა მითხრეს. კარგი იქნება.

შემდეგ ჩაი ვუთავაზე და ჩაი რომ დალიეს, ჩემმა მეგობარმა საუცხოვო საუზმე მოატანინა, მას კარგად შევექეცით. ოდეს ნითელმა ღვინომ ტვინი გაგვიცხელა, მინიცკიმ სტაქანი აიძო, ჩემი სადღევძლო სავსე სტაქანი სრულად დაცალა, ეგრეთვე ყოველთ დალიეს. მეც სამადლობლო დავლიე. მერეთ მინიცკიმ მჭრელი დანა აიღო, მას მუხისა ხესა ზედა ასე გამოსჭრა. – 18 – 7-ს/18-ს – 34-ს. მასკვანა თქო, ესე კნიაზის სახსოვრათ იყოს. მე მადლობა გადვიხადე. შემდეგ ავდექე, მას გამოჭრილსა სამჯერ ზედაზედ ვაკოცე და კიდევ ავდექით ნამოსასვლელად.

ბრიჩკა ექვსცხენშებმული მოიტანეს; მე საათი ვნახე, რომ პირველისა ნახევარი იყო. მინიცკის ვკითხე, ტფილისის ქალაქიდან აქამდისინ რამდენი ვერსტი არის მეთქი?

იმან მარშრუტი ამოიღო გულზე საკიდებლის წიგნიდგან, გაშალა და მითხრა. 27-ი ვერსტი არის. მერეთ მოვტრიალდი და მათ გამოსალმება ვთხოვე.

იგინი მწუხარით გამამესალმნენ. მასკვან ჩემი ნათლული ავიყვანე, მრავალი ვაკოცე და შემდეგ ბრიჩკაში ჩავსხედით. უკანასკნელად თავი დავუკარით და გავსწიეთ.

ბრიჩკას ცხენები ესრეთ ჩქარა მიარბენინებდნენ, რომ თვალთა წინწკლები გვცვიოდა. მე კიდევ მწუხარებამ შემიპყრა და ეგრეთვე დაღონებული მივესვენე უკანას ბრიჩკის ფრთასა ზედა; არ ვიცოდი, ჰაერსა ზედა მივდიოდი თუ ქვეყანასა ზედა. თავი მონწყეტილსავით მარჯვენა მხარეზე გადავიგდე და გულიდგან სამძიმო ოხვრანი აღმომვარდა და აღმომვარდა.

ცხენებმა დაუსვენებლივ ირბინეს დუშეთის შუაგზამდისინ.

როდესაც შუაგ ზამდინ მივედით, აღმართიანი გზა შეუდგებოდა. აქ ცხენებმა ველარ იმუშავეს და ნაბიჯის სიარულით წავედით. დუშეთამდისინ რას ყოფით მივედით და ტრახტირში გადავხდით. ფოშტა ამ დუშეთშივე იყო.

მინიცკიმ მითხრა, 24 ვერსტი ღართისკარიდგან ძლივს არ გამოვიარეთო. რალა გავავძელო.

ტრახტირში ერთი საათი დავყავით, სამოვარი ავადულებინეთ, თეთრის პურით ჩაი დავლიეთ, სამხარს შევექეცით, მერეთ ფოშტიდგან ცხენები მოიყვანეს, ბრიჩკაში შეაბეს და აგრეთვე ჩვენ გზას შევეუდეთ. იყო სალამო უამი, ესე დუშეთის აღმართი თვალნათლივ ავიარეთ. როდესაც პირიქით ანანურის ხეობაში გადავედით, აქ სრულებით დაღამდა. თუმცა მონმენდილი ვარსკვლავებიანი ღამე იყო, მაგრამ დიდათ ბნელოდა, გარნა იემშიკი ესრეთ მიაბრენინებდა ბრიჩკას ამ ცუდ გზაზე, რომ ეტყობოდა, არაერთგზივ გაეარა ამა გზასა ზედა. მიგვიყვანა და ანანურის ფოშტაში გადაგვახდინა.

მე ფოშტის სახლში შეველ, საათი ამოვიღე, ვნახე, რომ მეცხრისა სამი რუბი იყო გასული. მინიცკის ვკითხე. დუშეთიდგან აქამდისინ რავდენი ვერსტია მეთქი?

– თერთმეტვერსტინახევარი არისო. 11 <sup>1</sup>/<sub>2</sub>.

ამა ანანურში ფოშტის ცხენები საჩქაროდ შევაბმევიინეთ. ფოშტიდგან ერთი ცხენიანი ყაზახი თან წავიყვანეთ წინ განსაძლომლად, რომ სწორე გზაზე ეტარებინა ბრიჩკა. მე ბალიში უკან ვადვიდე, დასაძინებლად ზედ გადავწექ.

ბრიჩკა ჩახჩახით და ზარის ცემით დიახ ჩქარა მირბოდა, ნახევარი საათი თითქმის არ გვივლია, რომ ბრიჩკა როგორღაც ძირს ჩავარდა, ცხენები სრულებით დადგნენ. იემშიკმა დაიძახა ბრიჩკას წინა მარჯვენა თვალი ვატყდაო. ჩვენ საჩქაროდ გადავხედით. ტალკვესით აბედს ცეცხლი მოვუკიდეთ, აბედიდგან წუმწუმა ავანთევით, წუმწუმიდგან კვესი ავანთევით, ბრიჩკის თვალი გავმინჯეთ, რომ ლუკმა ლუკმა იყო დაღენილი. ჩემი ამხანაგები და ჩემი ბიჭი დიდად შეწუხდნენ. – მე კი დიდათ მიაბა, ამისთვის, რომ ეს ბრიჩკა ჯერ ბარგით სავსე გვექონდა, მასკვან იემშიკით ხუთნი ვისხედით. ამისთვის ყოველთვის ფიქრი მქონდა, რომ უთუოთ ვატყდებოდა და იქნება, ასეთს ადგილს ვატეხილიყო, რომ უბედ-

ურობა რამ შეგვემთხვევიყო, მაგრამ ასე ბედნიერად რო გატყდა, მე ღმერთს მადლობაც შევნირე.

მე ამათ გასამხიარულებლად ჩემ ბიჭს რუსულათ ვუთხარ, თუ მაგისტანა ვეება არა მჯდარიყავ, არ გატყდებოდა მეთქი. და ისინი ამით ცოტათ გავაცინე.

– ჩემმა ბიჭმა ქართულათ მითხრა, თუმცა ბრიჩკა გავციტყდა, მაგრამ ჩემი თავი მოსანონათა მაქვსო.

– მე ვკითხე. როგორა?

– ასე, რომ ნიკალაი ანდრეიჩზე და მაგის ბარგზე, ორსავეზე მე უფრო მძიმე ვარო.

მე გამეცინა. მათ რუსულად ვუთარგმნე. იმათაც დიას ბევრი იცინეს.

მინიცკიმა თქო, სიცვილის დრო არ არის. მიბრუნდა და ყაზახს უთხრა, ეხლავ ცხენის ჭენებით საჩქაროთ ანანურის ფომტაშივე მიდი, ფომტის ნაჩაღნიკს უთხარი, რომ ორი პერეკლადნა დაუყონებლივ გამოგ ზავნოს.

ყაზახი დიას მსწრაფლად წავიდა და ჩვენ დაღონებულთ ძილი მოგვერია. მინიცკიმ და კაროვინმა ქვემოთ ხალიჩა გაშალეს, ზედ წამონვნენ და შინელები ზედ დაიხურეს. მე ბრიჩკაშივე დავნექი. იემშიკი ყარაულათ დავაყენეთ. ჩემი ბიჭი ბრიჩკას გვერდით მიუწვა. – ესრეთ დავნექით და დავიძინეთ.

მცირეს ხანს უკან ძილში ვიღასიც ხვრინვა მომესმა. გავიღვიძე, თვალი გადავაველე, ვნახე, იემშიკი ხვრინავდა. თუმცა მისი გამოღვიძება მინდოდა, მაგრამ ასეთს გულიანს ძილსა შინა იყო, რომ მძინარე გავუშვი და მე მის მაგიერათ ყარაულობა დავიწყე.

ზეცისა სამყარო დაწნდებოდა ვითა სიმღვრივიდგან. – ვარსკვლავნი სინათლესა ჰკარგევდნენ ნელიად და წყნარად, – და ზეცისა სფერა, ბუდიდგან გამოსეინობდა გარეთ.

თუმცა სამწუხარო გულის პირი გადაეხდებოდა ცასა, მაგრამ ნაცვლად ამისა, სამხიარულო ციაგი მიეფინებოდა გადაღელილს გულსა ზედა, და ბწყინვალედ მკრთოლვარებდა, მარაოსაც იქნევდა სხვისა და სხვის ნეტარებით.

19-ი ივლისი, სრულად გათენდებოდა, და ყოველი საგანი კარგათ დაინახებოდა. მიმოვიხედე, – ვნახე; ოთხსავ მხარეს შიგ შესასვლელნი სხვა და სხვა ვინრო ხეობანი, რომლებსაცა დიდნი და

დიდნი მთანი ზედ დაჰყურებდნენ, ტყით შემოსილნი, და მისნი ფო-  
თოლნი უცხოთ და უცხოთ შრიალებდნენ, სმენის მომტაცველნი.

ამა მთების წვერებზე განბნეულნი სხვა და სხვა ფიგურა ღრუ-  
ბლები მიმოენჭრეოდნენ ხან აქ, ხან იქ დაგებითა.

მარჯვნივ მხარეს ტყეში, ვილაც მთიელი მოჰყვა ძახილს. – ბე-  
რუაავ, ბერუაავ, ეეი! ბერუავ! არ გესმის ცხვარი აქეთ გამორეკე  
საძოვრათა; აქ კარგი ნამიანი ბალახი არის.

დიახ მალლა იძახა, და ეს მთებიც ოთხსავ მხარეს ხმასა აძლევდ-  
ნენ, მაგრამ არავინ არ გაეხმაურა და გაჯავრებით დაიძახა. აბაიმე!  
აბაიმე! არ გესმის, ბიჭო ბერუავ! ცხვარი გამორეკე, შე ძაღლის  
გაგდებულო.

იმის ძახილზე მალლა ავხედე. ზეცაში სინათლესა თვისი შარ-  
ავანდელი ტაატითა ამოჰქონდა, მალალთ სპეტაქთ თოვლიანთა  
ბორცვებთა ზედა, და ნელიად ბრწყინვალეობას მთებსა, ზედა გად-  
მოავლებდა.

ამ დროს მთისა ჩიტნი, ტყიდგან, უცხოს საწყლად წივნივებდ-  
ნენ, მსგავსად ფორტეპიანისა, ზილის სიმისამებრ, და ესე მათი ხმა  
უფრო სმენას დამიტკობდა, ვიდრე შეზავებული საკრავი მსმენო-  
და. – რა შეედაროს კარგსა, და მშვენიერსა ბუნებასა, ახ! პატარაო  
სასუფეველო.

ოდეს კარგათ გათენდა, მზემან თვისი ელვარება ქვეყანასა  
ზედა გადმოშალა, მაშინ ჩემნი ამხანაგნიც ძილისაგან აღდნენ. მთის  
დილის ცივი ჰაერი უეცრად მოხვდათ და ზმორება დაიწყეს, საჩ-  
ქაროთ ჩემ ბიჭს და იემშიკს ცეცხლი აანთებინეს, – სწრაფათ ჩაი  
გააკეთეს, სამსამი სტაქანი ცხელცხელი ჩაი ზედაზედ დავლიეთ, –  
როდესაც გული გამიცხელა, ავდექი, არც ციოდა, და არც ცხელო-  
და, და სასიცოცხლო ჰაერი კი მრავალს სულდგმულობას განმიახ-  
ლებდა.

მცირე ხანი აღარ გამოვიდა, შორით ზარის ხმა მოგვესმა, მე და  
იემშიკს ნინი, ევი, ეკა დეტი მაი; ესე ხმები მოგვესმა, მაშინვე შევ-  
იტყევით, ჩვენი პერეკლადნები მოდიოდა, მაგრამ ტყე ნინ ეფარ-  
ებოდა, და ჯერ არ გამოჩენილიყვნენ. – აღარ გამოვიდა, რომ გა-  
მოჩნდნენ, – ოდეს დაგვინახეს, მსწრაფად ცხენები გამოაქციეს,  
მოვიდნენ, და ჩვენ ნინ ორი პერეკლადნა დააყენეს.

რაც ბარიჩკაში ბარგი გვექონდა, სულ ამოვალაგეთ, და პერ-

ეკლადნებში გადავალაგეთ.

რომელიც კარგი პერეკლადნა იყო, მე და მინიცკი ჩავსხედით, და რომელიც იმაზე მდარე იყო, კაროვინი, და ჩემი ბიჭი ჩასხდნენ. –

მინიცკიმ ჩემი გატეხილი ბრიჩკა ანანურის ფოშტის ნაჩალნიკს ჩააბარა, რომელიცა იგი ნაჩალნიკი მათ პერეკლადნას თან მოჰყვა მინიცკის დაბარებით. და უთხრა ეს ბრიჩკა შენთვის მამიბარებია, მინამ მე დავბრუნდებოდე. შენის ფოშტის სარაიაში დადგიო. –

ამა ხეობასა შუა მომდინარეს არაგვი მკვირცხლად მომდინარეობდა; მალლის ხმისა შუილითა. მას მდინარეს გაღმა გამოღმა, საუცხოვო მაღალი აშლილი თხელი ქალანი. იგი მდინარე თეთრის გოჩქოჩინე მათ შუაზე ჩამოურბიოდა, თეთრთა წინწკალთა მსროლელი.

მარცხნივ მხარეს მთის ძირში, საურმე შარა მისდევდა, მას შარასა ზედა, ჩვენი პერეკლადნები, ზარის ცემით მირბიოდნენ, რომელსაცა ამა შარასა ეწოდებოდა ფოშტის გზა.

მაგთენი გზა არღარა გაგვივლიარა, რომ ამ წყალის პირსა ზედა, მრავალნი მიმომსვლელნი მოხევენი ვნახეთ. მარცხენა მხარზე ბარჯი გაედოთ, და მარჯვენა ხელში წვრილი წკეპლა ეჭირათ. – ამას წკეპლას მდინარეში თან მიყოლით მიმორევდენ და მასკვან ისევ ამოიღებდნენ.

ჩვენ მათს ახლოს მივედით და ყურება დავუწყეთ.

ერთმა თეთრწვერა მოხუცებულმა კაცმა თქო. ღმერთო! და ამ მგზავრების ბედოვო. ამ სიტყვაზე, თავისი წვრილი წკეპლა მდინარეს ჩაუტარა.

უეცრათ ეს კაცი შედგა, ბარჯი მარჯვნივ მოიმარჯვა. მას წკეპლის ადგილს, – მსწრაფლ შიგ შთაახალა. – ვნახეთ, რომ ერთი დიდი ორაგული წყალმა ზევით ამოაგდო.

იგი მოხუცებული ზედ გადაანვა, ამოიღო, და რიყზე გადმოაგდო. ორაგულმა ფართხალი დაიწყო, წელში დაჭრილმა.

მოხუცებულმა, იგი ორაგული აიღო, მოიტანა, და ჩვენ გვითხრა, თქვენ კარგს ვისმე გეგხართ, გევედრებით, თქვენ ძღვნად მიირთოთო.

მე ერთი ოქრო ამოვიღე, და სამაგიეროდ ვუთავაზე, მაგრამ არ გამამართო, და მითხრა, ჩემთვის სირცხვილი არის, რომ მე გამოგართო.

მე უფულოდ არ ვართმევდი, მაგრამ არ მამეშვა, და მითხრა ღმერთი! გადღეგძელებს და უფალი შეგენევა, მიირთვიო. – მოიტანა, ჩემ წინ პერეკლადნაში დააგდო, – თვითონ თავი დამიკრა, და საჩქაროთ თევზის ნადირობასავე შეუდგა.

ჩვენ ეს ორაგული ჩემს ბიჭს დიდს თეთრს ხელცახოცში გავახვევინეთ, პერეკლადნაში ჩაიდეს, და ჩვენ გზასვე გავემართენით.

ამა ხეობაებსა თვალი მიმოვავლე, გაღმა გამოღმა მოხევენი, გვარ გვარობით ცხოვრობდნენ, – რომელთაცა ამა მოხევეთა ეწოდებათ მთიულნი. –

ამა გზასა კიდევ ტრფიალებამან თვისის ქამანდით შემიპყრა და თვისი ძლიერი ჯაჭვი ჩემს საცოდავს გულსა ზედან მაგრად მოუჭირა, ასე რომელ ძარღვებთა შორის სისხლმა ჩქეფა დაინყო, მაგრამ კიდევ მოთმინება ტრფიალებასთანა შუამდგომლად შემოვიდა და გული შეკრულობისაგან მცირედ განათავისუფლა. ეს ლაპარაკი რალა განვაგრძელო. თვით ნამკითხველმა წარმოიდგინონ, რომელ ჩემ სუსტსა გულსა ზედან ორი მახვილი ნივთისა. პირველი მშვენიერება და მეორე სურვილი.

ესე ლაპარაკი რალა განვაგრძელო. ნამკითხველო, წარმოიდგინე მე ფრიად სუსტი გული მაქვს და ამისთვის ნუ მიკიჟინებ.

ოდეს ჩემ თვალით მშვენიერება ნახეს, მაშინვე მისი მოსაწონი სისრულე გონებასა წარუდგინეს, – გონებამ განუჩრეკლად მისი გამოხატულება შეჰკრიბა და სურვილად შეადგინა, – მეყვსეულად ესე სურვილი გულსა შესტყორცა, და ჩემს გულსა ზედან რალაც ასოებად დაასხა. – მეც ეს ასოები წავიკითხე ესრეთ, – ჩემი ბედნიერების ვარსკვლავი! – ამა თვითო ასომ თვისი საკუთარი ფესვნი აგებულობასა შინა განიდგა და მამ მეცა ვითარ არა მიყვარდეს, ესრე, ვითარცა ვნერ.

გზასა ზედა, ჩვენი პერეკლადნები დაუყოვნად მირბიოდნენ, ესრეთისა ყოფითა, 21-ი ვერსტი გავიარეთ, და ფასანაურის ფოშტაში მივედით. – იქ მეფოშტებმა, ორი პერეკლადნა საჩქაროთ მოგვიმზადეს. ჩვენი ბარგი მათ პერეკლადნებში გადავანყვეით; – პირველისავე რიგით შთავსხედით, – ეგრეთისავე სირბილითა გავწინეთ, და კაიშაურის მთის ძირში მივედით, რომელსაცა ეწოდება ქვეშეთი. – ამ ქვეშეთიდგან, ვიდრე მთის წვერამდე, ვგონებ ოთხასი საჟენი სიმაღლე უნდა ჰქონდეს, რომელსაცა საურმე გზა შეუდგე-

ბის. ოდეს მთის წვერზე ავდიოდით, მაშინ კაიშაურამდისინ სწორეს ვაკეს ზედა უნდა წავსულიყავით, – თუმცა ზოგიერთს ადგილს აღმართიანი და ქვიანი გზა მოგვხვდებოდა, მაგრამ ამ ადგილების მიხედვით შეიძლება რომ ვაკედ ვუნოდით.

მე მინიციკიმ მთხოვა, – თქვენ ადრითვე მთაზედ ადით, იქ მოგვიცადეთ, მინამ პერეკლადნებს ამოვიტანდეთო. – თუმცა მე არა ვშვრებოდი, *მინდოდა, მეც მივშველებოდი, მაგრამ არ მამეშვა და მითხრა, დიდათ ვთხოვ, პოჟოლუსტა კნია ზოვო.*

*ჩემი ყუთიდგან ჩემ ბიჭს დურბინდი ამოვალებინე, გამოვართვი და მთის წვერსა ზედა ავედი. მასკვან მივტრიალდი, გადაბმულს ტიტველა მთებს ყურება დაუნყე. სხვა გაბნეული დიდრონი მთები ვიხილე, რომელიცა ოთხივ მხრის მთები სრულიად გავჩხრიკე.*

ეს მთა არის მთებსა შორის სხვადასხვა წვრილი ბილიკები, შეუვალი და რომლებიცა ბევრი ასეთს გადმოკიდებულს ფრიალოზე იყო გატანილი, რომ ორი კაცი ერთათ ვერ გაივლიდა, და მოხვეენი მათზე თამამათ მოდიოდნენ, საიდგანაც გადმოხედვაც ძნელი იყო, არამც თუ ზედ სიარული. დიდრონი ქედი ჩრდილოეთისაკენ განვნილი, ზედ ქედებითა, კორდებით, ბორცვებითა მოსხმული, სხვადასხვა ფრიალოთა გადმოკიდებული სხვათა და სხვის სახედ; – ჰაერსა შინა აღმართული. და ზოგიერთსა მთებს შორის ყანანი ფიფინებდნენ. სვავნიცა, გაფართოებულთ ფრთებითა დაჰფრინვიდნენ მთიდგან მთაზე.

მარჯვნივ მთის ფრიალოსა ზედა, ერთი რალაც ყარალთი დავინახე, რომელიცა ძნელად გაირჩევოდა, რაი იყო. დურბინდში გავხედე, ვნახე, დაიარალებული მთიელი კაცი მთის წვერთა ზედან მიმომსვლელი, და ამაყად ქედითი ქედზე მიმოიხედებოდა, – ეს კაცი ერთს ლელესა შიგა ჩავიდა, ნაკაკვით რალასაც მიპარვა დაუნყო, ანაზდად შედგა, მარჯვენა მუხლი დაიჩოქა და თოფი მალლა გაუნიშნა. – თოფით ბოლი გამოვარდა, და მიფარებულის კლდიდგან, თეთრათ რალაც გადმოგორდა, – მცირედ შემდეგ მთის მოცემით, მისი თოფის ხმაც მოისმა, იგი კაცი საჩქაროთ გაექანა, ის მოკლული ცხოველი გადააბრუნ გადმოაბრუნა, ვცან, რომ ჯიხვი კი იყო. მან მონადირემ, იგი საბრალო, მიფარებით სხვა ლელესა შინა გადაათრია, და შემდეგ აღარ გამოჩნდა. – მე მისი სამწვადე, და მის ყანნით ნითელი კახური ღვინო მომაგონდა, და ვთქვი, ახ!



ღმერთო, ერთი კიდეც მაღირსე, რომ საქართველოს მწვანესა ზედა ყანწით ღვინო დამელიოს.

მე ამ ადგილზე ვიდექი და მიმოვიხედებოდი. ერთს უდიდესს ბუნებას რომ დავინახევი, ამაზე უკეთესი აღარ მეგონებოდა, და მინდოდა მოუცილებლად მისთვის მეყურებინა, მაგრამ, როდესაცა სხვას შევხედავი, უფრო უდიდესს და უკეთესს ბუნებას დავინახევი. მინდოდა ხან ერთისათვის და მეორესათვის მეყურებინა. ასე ერთმანეთზე უკეთესები იყვნენ, ღრმა ხეობებით მორთული;

ჩემს ამა ტრიალსა შინა, ჩვენი პერეკლადნები ამოვიდნენ, და იქ ჩემთან მოვიდნენ.

სწორეთ უნდა ვთქო, მე მათი ამოსვლა დიდათ მეწყინა, და ჩემთვისა ვთქვი, ნეტავი ამ პერეკლადნებს თვლები დამტვრევიყო, და ჯერ არ ამოსულიყვნენ, რომ ბუნების ყურებით გავმძღარიყავმეთქი.

თუმცა შევწუხდი, მაგრამ საჩქაროთ პერეკლადნებშივე შთავსხედით, გავწიეთ, შუადღის დროს კაიშაურის ფოშტაში მივივდი, რომელიცა ფასანაურიდგან, 19-ი ვერსტი არის.

მინიცკიმ მითხრა, ამ ფოშტაში ერთს საათს დავყოფთ, და თუ გინდათ, ეს ორაგული მოვახარშვინოთო.

– დიახ კარგი იქნება მეთქი.

ჩემ ბიჭს ის ორაგული, ცივათ გავაკეთებინეთ. ჩვენც ერთს კარგს ადგილსა ზედა ხალიჩა გავაშლევი, ზედ დავსხედით, სუფრა წინ გავიშალეთ, ის ორაგული ცივ ცივათ ამოვაყრევი, მოვატანინეთ, და სიამოვნით შექცევა დავუწყევი;

*ზედ კახური ღვინო დავასხით და დავასხით. – ავდენი ვსვით, რომ ზომას გადავაცილეთ. თვისი ძალი გვაგრძნობინა ღვინომ და გოგრა გაგვიცხელა. მაშინვე გავმხიარულდით და სხვა და სხვის ლაპარაკით სიცილი დავიწყევი. – ამ დროს მე ჩემი ბედნიერების ვარსკვლავი მამავონდა და ესრეთმა მწუხარებამან მამიცო, რომ მეგონა, ესე მთები თავსა ზედა დამეცნენ მეთქი. ღვინით ძალადატანებულმა ველარ მოვითმინე, მსწრაფლად წამოვდექე, ერთს მიფარებულს ადგილს მივედი და შესაბრალისად ტირილი დავიწყე. – ოდეს გული მოვიოხე, შემდეგ თვალნი კარგად გავიმშრალე და მერე ჩემს ამხანაგთანავე სიცილით მივედი, ვითომც ვმხიარულობდი.*

ამაობაში ფოშტიდგან უნაგირიანი ცხენები მოასხეს. მე მიზეზი ვკითხე უნაგირიანის ცხენების მოყვანისა? მეფოშტემ მითხრა, პერეკლადნით ძნელი მთიანი გზები არის გადასასვლელი და სჯობს ცხენებით გადახვიდეთო.

მინიცკიმ მოუნონა და მას ეთანხმა. ჩვენ რაც ბარგი გვექონდა, სულ ერთიანათ ცხენებს აჰკიდეს, ჩვენც უნაგირიანი ცხენები მოგვგვერეს, შევსხედით და გავემართენით.

მინიცკიმ მითხრა, მე წინ წავალ და ფოშტაში ცხენებს მოვამზადებინებ, მინამ თქვენ მოხვალთო.

თქვენი ნება არის მეთქი და ამ სიტყვასთან ცხენი გაქუსლა. წავიდა.

მე და კაროვინი ამ ჩვენ ბარგსა წინ გავუძეხით, ნაბიჯის სიარულით წამოვედით. ესრეთისა სიარულით ნახევარს საათზე კარგა მოშორებით გავსცილდით ფოშტას.

კაიშაურიდგან ნახევარ საათის გზა რომ შევიარეთ, აქედგან აღმართიანი გზა შეუდგებოდა მთაზე გადასასვლელი.

ამ გადასასვლელს მარჯვნივ მხარეს მთაზე დიდნი და მაღალნი მთანი მოსდგომოდნენ, ჰაერსა შინა დაყუდებული! კლდეები და მწვანეთი შემოსილი! სხვასა და სხვის სახედ წამომდგარნი – მას გადასასვლელს მთის მოხვეენი, უწოდებენ. „ჯვართა ვაკეს“ რომელსა ზედაცა მთის წვერზე დიდი და მაღალი თლილი ქვის ჯვარი არის დასვენებული. მინამ აქ ჯვართან მივალთ, ჯერ სხვა ვთქოთ, ოდეს მთას შევუდექით და ამის მესამედი ნაწილი გზა გავიარეთ, აქ ღრმა ღრანტის ფრიალო ნაწილზე მივადექით და მის გზაზე შევდეგით, მას ფრიალოს რომ გადავხედე, ვნახე, მარცხენას მხარეს საშინელი ჩაყუდებული ღრმა ღრანტე იყო. მის ღრანტის ხეობასა შორის იგი მკვირცხლი არაგვი სწრაფის სირბილითა თავს მიიკლავდა. და მისი მიმჩქეფარე ხმა ლამაზათა ლულუნებდა. ამ ღრანტის ხეობის გაღმა გამოღმა, არაგვის ნაპირზე მოხვეენი სცხოვრებდნენ, მამაპაპის წესისამებრ.

მას ერთიანს გაბმულს მთის წვერზე გადავაველე თვალი. მთას შევხედე. მთის წვერზე ზედა ეკლესია დავინახე, რომელსაცა მოხვეენი ლომისას უწოდებენ. ესე ეკლესია წმინდა (სახელი) ზედა არის აშენებული. თუმცა პირველად კაიშაურის მთიდგანვე დავინახე იგი ეკლესია და ვიდრე მთას გადავივლიდით, ყოველის გზიდგანვე

ჰჩანდა, მაგრამ ამ ადგილიდან უფრო მშვენივრად იხილვება. ამისთვის აქ ვამჯობინე მოხსენიება.

ლუდის მთის ადგილი აღარ მახსოვს, ამისთვის აღარ მოვიხსენე.

სრულიად ამ მთების გაღმით თუ გამოღმით მის ეკლესიიდგან და მის პირისპირ სრულიად უტყეო, ტიტველნი მთანი დაიწყობა ჩრდილოეთისკენ, რომ ერთ ხესაც ვეღარ იპოვის კაცი და ეკლესიის ქვევით მხარეს სულ ვაბმული ტყიანი მთები დაიწყობა.

ოდეს ჯვარის ვაკის მთის ძირში მივედით, მარჯვნივ მხარეს, დაყუდებულს მთის წვერზე შევხედე და რალაც თეთრად გაბნეული დავინახე. საჩქაროთ ცხენიდგან გადავხე და დურბინდში გავიხედე. ვნახე, ცხვარი საუცხოვოს ბალახსა ძოვდენ. არვედის გვერდით, ერთი თოფზე დაყუდებული მწყემსი, მომალლოს ქედზე იდგა და ამაყად მიმოიყურებოდა. ამდროს მწყემსმა თოფი მოიმარჯვა და ცხვრისაკენ გაექანა. – მე დურბინდი მას მივადევნე, – ვნახე, რომ მგელსა ცხვარი მოეტაცნა და მას მიაღბენინებდა. მწყემსმა სირბილი არ მოშალა, და ისე შესტყორცა თოფი. – მგელმან ცხვარი გააგდო, და თვითონ გვერდზე წაიქცა. მწყემსი მივიდა და წაქცეულს მგელს თავზე დაადგა, მერეთ ქუდი მოიხადა, და პირიქითკენ ვილასაც უქნევდა.

მაგთენი ხანი არა გამოვიდარა, მას მთის წვერზე ერთი დაიარაღებული სხვა კაცი ამოვიდა და ძაღლები უკან ამოჰყვინენ. მას კაცს დავაცქერდი, რომ ერთი მოკლეული სხვა მგელი ზურგზე ეკიდა – მოიხსნა და იმ მგელს გვერდზე დაუგდო. – ძაღლები გარსა შემოეხვივნენ, და წამოცქვიტებული ზედ დაადგნენ. მცირეს ხანს კიდევ ვუყურე, მასკვან ცხენზე შევჯექ, და მთის გზას შევუდექ. –

ზაფხულის მთის ცივი ჰაერი, მას არესა განსვენებით ჩამოსწოლოდა. თუმცა მზესა თვისი ცხელი სხივი მას ადგილსა ზედა გადმოეფლო, მაგრამ არა ისე ძრიელი, რომ მთის ცივი ჰაერი გაეხურებინა.

და სიოც წყნარის წინინებით მიმოიარებოდა ხანდაზმულობითა, რომელსაცა კეთილსა და წარჩინებულსა ჰაერს ატრიალებდა მას ბუნებაზე. –

შუა მთის გზაზე რო ავედით, აქ საუცხოვო წყარო გამოსდიოდა, და მისი მონანწკარე ხმა სიამოვნით ისმოდა. ყურთა შიგან რალასაც რამ სიტკბოებას მანვეთებდა. მაშინ მე ჩემი ბედნიერების

ვარსკვლავი მომაგონდა, რომელ წყალის პირზე საღამოთი ჯდომა გვიყვარდა და ჩვენს ტრფიალებას რომ მოვითხრობდით. აქ ესრეთი სიყვარული შემომერტყა, რომ ცხენზე ველარ დავედეთი, – უნაგირიდგან გადმოვემევი, გულშენუხებული ძირსა გადმოვვარდი, მაგრამ წამსვე გული გავიმაგრე, საჩქაროთ ზეზე წამოვხტი, თვალნი ცრემლით ამემსო და ეს კი დავიძახე: ოჰ! ღმერთო, შენ გევედრები, ჩემი სანყალი ცოლშვილი კიდევ ჩქარა მაჩვენო, რომ ჩვენ ნალკოტშივე შევექცეულიყვეთ.

ჩემი ესე ყოფა ვერავინ ვერ შემამცნია, მეც შეუმცნევლად მას წყაროსა ზედა დავენაფე და მით მოვსულიარდი.

1. სოლომონ დოდაშვილის უკანასკნელი ჟამი უნდა ჩაინეროს ბატონიშვილ დედაჩემთან წიგნი რომ არის ალექსანდროვიკიდგან, იმაში.

2. ბიდარას ხეობაში ზვავს რომ დაუტანია კაცი.

3. გვერდძნელიდან ზვავს რომ შემოუგდია კაცივე.

ცხენიდგან გადავხე და წყაროს წყალი დავლიე, მასკვან ცხენზე შავჯექი, და ჯვარი ვაკეზე ავედი, სადაც ჯვარი არის დასვენებული.

ცხენიდგან გადავხე და ჯვარს თაყვანი ვეცი. მერეთ მიმოვიხედე, აქედგან მშვენიერნი სანახავნი იხილვებოდა, სხვა და სხვა ხეობანი, და სხვა და სხვა საკურველი ბუნებანი. შემდგომ ლომისის ეკლესიას მივხედე; ქუდი მოვიხადე, თაყვანი ვეც და შევევედრე. „შენი თაყვანის ცემა მაღირსე, რომ ორენბურლიდგან მშვიდობით დავბრუნებულიყო მეთქი.“

ამ ადგილს მაგთენი ხანი აღარა დავყავითრა, ჩვენს გზასავე გავემართენით. ეს გზა აღმოსავლეთისაკენ მობრუნდა, და თავქვე ხეობაში ჩაემართა დაღმართათ, რომელშიაც წყნარის სიარულით მივიდოდით.

ამ ხეობაში უდიდესნი და უმაღლესნი მწვანოვან, კლდიანი და ტიტველნი, გაბმულნი მთანი წარმოსდგომოდა, საკურველებითავე. –

ამ გზასა ზედა მჟავე წყარონი, ამოჩუხჩუხებდნენ, მზგავსად შადრევნისა და მის დამაჭრულსა ზედა დავენაფებოდი, რომელსაცა ეტყობოდა, აგებულების გასანმენდელი რამ იყო.

16-ი ვერსტი ესრეთითა სიარულითა ვიარეთ და საღამოს ჟამსა

კოპის ფოშტაში მივედით.

მინიცკი გამოგვეგება და მითხრა, რა უცხო სდროს მოხვედით, ჩაი მზათა მაქვსო.

მე კარგის მადით გადავხე, და ფოშტის ნაჩაღნიკთან შევედი; რომელმაცა სიყვარულით მიმიღო. – დივანზე დაგვსხა, და კარგის თეთრის პურით ჩაი დაგვალევიანა. – შემდგომ მინიცკიმ, მეფოშტეებს პერეკლადნები შეაბმევიანა, და მე მითხრა, ახლა გადასასვლელი გზა აღარა გვაქვს რა, სულ სწორე გზაზე წავალთ, მაგრამ ხვალ დიდს ქვიანსა გზაზე უნდა ვიაროთო. ამდროს ფოშტის ნაჩაღნიკი შემოვიდა და გვითხრა, პერეკლადნები მზათ არის. –

ჩვენ გარეთ გამოვედით, ფოშტის ნაჩაღნიკს გამოვესამლენით, – პირველისავე რიგით ჩავსხედით, და გავემართენით. – ორი ვერსტი არ გამოგვევლო, ასეთმან ნისლმან მოიცო ეს ადგილები; – სიღამეც ზედ დაერთო, და ასე დაბნელდა, რომ აღარა დაინახებოდარა, მაგრამ წინ ორი ცხენიანი ფოშტის ყაზახები მიგვიძლოდნენ, რომელთაცა კარგათ იცოდნენ გზა, ამისთვის დაუყოვნად მივიდოდით. ესრეთითა სიარულითა ორს საათზე სტეფანწმინდის ფოშტაში გადავხტით.

– კაროვინმა იკითხა, კოპიდგან აქამდისინ რამეთენი ვერსტი არისო? –

– მინიცკიმ უთხრა, თექვსმეტვერს ნახევარიო. –

თუმცა გვინდოდა, იმ ღამესვე წავსულიყავით, მაგრამ დიდი წვიმა დაიწყო, ამისთვის იმ ღამეს იქ დავრჩით.

ჩემ ბიჭს სამოვარი ავადუღებინეთ და მეორეთ დავლიეთ ჩაი. მერეთ ვახშამს შევექეცით, და მასკვან ძილად მივწექით.

20-ს ივლისის დილამ რომ ირიჟრაჟა, მე გამეღვიძა, და ჩემი ამხანაგებიც გავაღვიძე. მინამ ჩაის დავლევედით, პერეკლადნებიც მზათ იდგა კარზე ჩვენის ბარგით ჩანყობილი. – ჩაი რომ გავათავეთ, კარზე გამოვედით, მიმოვიხედე, ასეთი დახურვილი ბურუსი ჩამონოლილიყო, რომ სრულებით აღარა ჩანდარა. *რომელიცა მე დიდის მოთმინებით მოველოდი, აქა საკვირველთა, განსაშტერებელთა და განსაცვიფრებელთა ბუნებებისა ნახვასა, გარნა ესე მოლოდინება გამიცუდდა.*

*მე გაჯავრებულის გულით მივედი და პერეკლადნაში ჩავეგდე. მინიცკიც ჩემს გვერდით დაჯდა, ისინიც მეორეს პერეკლადნაში*

ჩასხდნენ. იემშიკმა ნუ ნუს დაძახებით პერეკლადნები ჩრდილოეთის მხრისკენ გამოაქანა.

ოდეს სტეფანწმინდას ორ ვერსტამდისინ რომ გავცდით, აქ თავდაღმართიანი გზა მოგვხვდა. თავდაღმართზე ჩავედით, და თერგის მდინარეს პირს მივადევით. თუმცა აქ მინდოდა მომეხსენებინა ეს მდინარე, მაგრამ მინიციკიმ მითხრა, ეს რა არის, თქვენ დარიელას ხიდთან ნახავთ, ვითარის საკვირველებით მჩქეფარებს. ამისთვის აღარ მოვიხსენიე. – ამას კი ვიტყვი, როდესაც მას მდინარეს ზედ წავადექით, ეს მდინარე მღვრიედ მოსჩქეფდა და როდესაც დავინახე, განკვირვებამან შემიპყრა. რომელსა ზედაცა მდინარის ნაპირზე მივიდოდით. და ცუდი გზის გამო პერეკლადნები წყნარა მიდიოდნენ. დახურვილი ბურუსი ეგრეთვე ჩამოწოლილიყო, და წვრილსა წვიმასაც ზედ გვცვარამდა.

ამა ბურუსსა შინა მივიარებოდით და ათს ნაბიჯს იქით აღარა ჩანდა რა.

მე ვერ მოვიტმენ, უკეთუ ცოტაც არა ვთქვი მის მდინარისა.

თუმცა იგი მდინარე ბურუსისა გამო აღარა ჩნდა, მაგრამ მისი ხმა ასე გრგვინვასავით იძახდა, რომ მე და მინიციკი ერთათ ვისხედით და ერთმანეთის ყვირილით ლაპარაკი აღარ გვესმოდა. ესრეთისა წყნარის სიარულითა დარიელას მივედით. ამდროს ნისლმა ცოტათ მაღლა აიწია, არა სრულად, რომ სრული ბუნება გამოჩენილიყო, მაგრამ მდინარეკი სრულებით გამოჩნდა. პერეკლადნით გადავხე, ქედზე გადავდექ, და მის მომდინარეობას ყურება დავეუნყე.

ცოტათ მოდიდებული მდინარე იგი და ამღვრეული; ცოტათ სამხრეთით მომდინარე, ჩრდილოეთისაკენ მიმდინარეობდა, რომელშიაც მაღლის მთების გადმოცვივებული დიდრონი კლდენი შიგ ეყარა და გამაღებული მდინარე ზედ გადარბიოდა.

მისი გამოქანებული წყალი ქვას რომ შემოვარდებოდა, მის თავსა ზედა ასეთს ტალღას შეისროდა; მისი ასროლილი წყალი მაღლა ტოტებად გაიბნეოდა, გაბნეული ტოტებიდგან, მისნი გაკეთებულნი წინწკალნი, უფრო მაღლა ტრიალებდნენ, წინწკლებიდგან კიდევ სხვა, გაცრილსავით წინწკალებით კეთდებოდნენ, უფრო მაღლა შესროლილი.

აქნეული იგი ტალღა ქვაზედ რომ გადმოვარდებოდა; გაგიჟებ-

ული იქიდგან გაექანებოდა, და სხვას მეორეს ქვასა ზედა შევარდებოდა გაცოფებით.

ზოგიერთს ქვაზე ასე დაეცემოდა ტალღა, რომ ზედ გადაასქდებოდა და ქვას სულ გამოაჩენდა. და ზოგს ქვის თავსა ზედა ყაინარს გაიკეთებდა და ზედ დასტრიალებდა. მოკლედ ვთქო, სხვისა და სხვის სახეთ მიინჩქეროდა იგი მდინარე, რომ ერთი მეორესა არ ემზგავსებოდა მისი ლადონი.

ესე შეუპოვარი მდინარე ქვეფთა ზედა მიმდინარეობდა, თვალშეუსწრებლად საშინელის გრგვინვითა და თამამად მირბიოდა. –

კარგა ხანი ვიდექ და ხიდზე განცვიფრებული ვუყურებდი.

– შემდეგ მინიცკი მოვიდა, რაც ძალი და ღონე ჰქონდა ყურში ჩამძახა. „დრო არის, წავიდეთ.“

გამოვტრიალდი. პერეკლადნაში ჩავსხედით და ჩვენს გზასვე გავემართენით. – ცუდი გზის გამო პერეკლადნები წყნარა მოდიოდნენ. ესრეთითა სიარულითა თექვსმეტ ვერსტნახევარი გავიარეთ, და მეთერთმეტე საათზე ლარსის ფოშტაში მივედით, – ამ ფოშტაში ცხვრის ხორცი ვიშოვნეთ; საჩქაროთ ჩემ ბიჭს მწვადები გავაკეთებინეთ. მას კარგად მივაძელით, და ზედ ღვინო ჩავვლიეთ. როდესაც ტვინი გაგვიცხელდა, პერეკლადნები შევაბმევივინეთ, ღვინით შექეიფებული, შიგ ჩავსხედით და იემშიკმაც დაიძახა. „ახლაკი კარგი გზა არის.“ და ამ სიტყვასთან გავგაქანა. –

მე ჩემი მშობლის ქვეყნიდგან წაყვანილი და სახლეულობისაგან მოშორებული; მწარეთ შეწუხებული პერეკლადნაში მივეგდე, და საჩქაროთ დამეძინა. –

კარგახანი მეძინა, და შემდეგ მინიცკიმ გამაღვიძა. „კნიაზო გაიღვიძე, ლადიკავკაზის ქალაქში მივედით.“

მე სწრაფად წამოვდექე; ლადიკავკაზის ციხის კარების ახლოს მივსულიყავით, და ცასაც ასე მოენმინდა, რომ მცირედი ნისლი არსად აღარ იყო. იემშიკმა ციხის კარებთან მიგვიყვანა, და კარებთან დააყენა პერეკლადნა.

ციხის კარების ყარაულის უნდერ–ოფიცარი გამოვიდა, მინიცკიმ თავის ჩინი და გვარი განუცხა. უნდერ–ოფიცერმან ციხის კარი გაგვიღო, და ჩვენც ქალაქში შევედით. <sup>1</sup>

---

<sup>1</sup> მინამ მინიცკი თავის სახელს განუცხადებდა, – მე უკან შემოვიხედე, ყაზიბე-

ქალაქსა ამას, თხრილი ევლო, შიგ ქალაქი იყო აშენებული, რომ-  
ლისაცა მდებარეობა მოსაწონელი იყო. მინიცკიმ იემშიკს უთხრა,  
ტრახტირში ჩამოგვახდინეო. – იემშიკმა ერთის ქუჩისაკენ გაატრი-  
ალა პერეკლადნა და ერთის სახლის კარებთან დააყენა. – მის სახ-  
ლიდგან ერთი უცხოდ ჩაცმული ყმაწვილი კაცი გამოვიდა და  
გვითხრა, მობძანდით, ოთახი მზათა მაქვს. –

ჩვენ გადავხედით, მის ოთახსა შინა შეგვიყვანა. –

მე ერთს დაფენილს კანაფიაზე წამოვწექ, და მინიცკის ვკითხე  
– ლარსიდგან ამ ქალაქამდისინ რამთენი ვერსტია? –

– 25-ი ვერსტი არისო.

მე აღარა ვუპასუხერა, მეორეს მახარეზე გადავტრიალდი და  
ჩემთვისა ვთქვი. „მშვიდობით ჩემო ბედნიერების ვარსკვლავო! რამ-  
თენი წელიწადები უნდა გავიდე, რომ ველარა გნახო, იქნება, რომ  
საუკუნოთაც ვერა გნახო, მშვიდობით!“

მასკვან მინიცკიმ თქო ქალაქის კამენდანტთან უნდა წავიდეო,  
მასთან წავიდა. მინამ ის მივიდოდა, მანამდისინ ჩვენ ჩაი მზათ  
დავახვედრეთ. –

როდესაც მოვიდა, შევხედე და როგორღაც მხიარული სახე  
ჰქონდა. –

მე იმან კითხვა აღარ დამაცალა, და გვითხრა, მე თქვენთვის არ  
მითქომს, და ეხლაკი გეტყვითო.

– ჩვენა ვკითხეთ – რაანბავიო?

– იმან გვითხრა, ჩვენ ფოშტას უნდა გავყოლიყავით, და ეკატ-  
ირინეგრადამდისინ ტაატით წავსულიყავით, მაგრამ კამენდატს მე  
ყოველი გარემოება ვაცნობე და ახლა ცამეტი ცხენოსანი ყაზახნი  
მოგვცა, და ამ ნახევარ საათზე უნდა წავიდეო.

– კაროვინმა ჰკითხა – როგორ! აქ ფოშტა ჩქარა არ დადის?

– მერეთ მინიცკიმ უთხრა, ეკატირინეგრადამდისინ, ჩერქესნი  
კიდევ ავკაცობენ, და ფოშტა ქვევითს ჯარს თურმე დააქვს, ერ-  
თის ზარბაზნით. მაგრამ ჩვენ ცამეტი ყაზახით ფიქრი არა გვაქვს,  
კამენდატის რწმუნებითაო.

მასკვან ჩაი მოვთხოვეთ და პურით დავლიეთ, შემდეგ პერ-

---

გის მაღალი მყინვარი მთა დავინახე, თერთათ მკრთოლვარე, და ვთქვი ღმერთო!  
მაღირსე კიდევ იმის ძირში გამეაროს, და მისი საკვირველი; დამოკიდებული ბუნე-  
ბანი მენახოს. მერეთ ქალაქისკენ გადავიხედე.



ეკლადნები მოიტანეს და ცამეტი ყაზახნი თან მოჰყვნენ. ჩვენც პერეკლადნებში ჩავსხედით, და გავსწიეთ. ოთხი თუ ხუთი ვერსტი არ გაგვივლია, რომ სრულებით დაღამდა.

ესე ყაზახნი გარსა შემოგვერტყნენ, და ჩორთის სიარულით ხუთს რუბზე, 16-ი ვერსტი გავირობინეთ, და არხონის ფოშტაში მივედით. – იმ ღამეს იქ დავყავით.

მეორეს დილის; ივლისის 21-ის ალიონმა რომ აინია, ჩვენ გაგვეღვიძა, პერეკლადნები შევაბმევენეთ, შიგ ჩავსხედით, გავსწიეთ, და მინამ კარგათ გათენდებოდა, 16-ი ვერსტ 1/2-ი გავირობინეთ, და არდონსკის ფოშტაში მივედით. – იქ პურიტ ჩაი დავლიეთ. –

მასკვან პერეკლადნები მოვატანინეთ, შიგ ჩავსხედით, – გავსწიეთ. ცხრასრუბზე 21-ი ვერსტი გავირობინეთ, და ჯიბულაის ფოშტაში მივედით.

აქ სამ საათამდისინ დავყავით. ქათამი ვიშოვნეთ, სუფათ გავაკეთებინეთ, მას კარგად შევექეცი, შემდეგ ცოტათ დავიძინეთ, მასკვან გავიღვიძეთ, და პერეკლადნები მზათ დავგვხვდა, – შიგ ჩავსხედით, გავსწიეთ, ორ საათზე 23-ი ვერსტი გავირობინეთ, და პრიშიბის ფოშტაში მივედით. –

ამ ფოშტაში ჩაი დავლიეთ, და კარგახანიც დავყავით, კიდეც დაღამდა. მერეთ პერეკლადნები მოგვიტანეს, შიგ ჩავსხედით, ყაზახნი ეგრეთვე გარსა შემოგვერტყნენ, წავედით; – ხუთს რუბზე 15-ი ვერსტი გავირობინეთ, და ეკატერინეგრადის ქალაქის კარახტინში მივედით. –

*მინიცკიმ ყაზახები დაითხოვა და წამკითხველმა იქნება იფიქროს, რომ ლადიკავკაზიდგან ეს ცამეტი ყაზახნი არა ყოველს ფოშტაში იცვლებოდნენ. არა, ჩემო ხელმწიფეო, ესე ყაზახნი ყოველს ფოშტაში იცვლებოდნენ.*

იმ ღამეს კარახტინსა შინა განვისვენეთ, ოდეს 22-ი ივლისი გათენდა, – მის კარახტინის ზედამდეგი მოვიდა, – ჩვენ რაც ნივთნი გვქონდა, სულ ერთიანათ შეგვიმონმა, – მერეთ პერეკლადნებშივე შთავანყევით, – ჩვენ შიგ ჩავსხედით, გავსწიეთ და ეკატერინეგრადის დამოჟნაში მივედით, – კუალად მედამოჟნემ, რაც ნივთი გვქონდა, სულ გავგჩხრიკა, შემდეგ გაჩხრეკისა, – წავედით, და ამა ქალაქსა ნაპირსა ზედა ფოშტა იყო, იმ ფოშტაში მივედით, – მეფოშტეებმა ორი პერეკლადნები დაუყოვნებლივ შეგვიბეს.

– მე მინიცკიმ მითხრა, კნიაზო; ახლა ამას იქით დიას სწრაფად ნავალთო!

– მე მიზეზი ვკითხე – მსწრაფლად წასვლისა?

– იმან მითხრა, პირველი, რომ შიში არარის, და ყაზახნი არ დაგვჭირდება, და მეორე – ამას იქით ასეთი კარგი გზა არის, რომ გზაზეთ არამცთუ დიდრონი მთები, არამედ წვრილი კენჭებიც არა ჰყრია, ამისთანა კარგი ადგილები არის და ამასკი გთხოვთ, ფომტიითი ფომტამდისინ საათი დანიშნული გქონდეთ; რაოდენს რაოდენობაზე მივალთო. –

– დიას კარგი იქნება მეთქი.

პერეკლადნები წინ მოგვიტანეს, ჩვენ მასში ჩავსხედით. – იემშიკმა ცხენებს მათრახი გადაჰკრა და გაგვაქანა.

მე საათი ვნახე და მეცხრისა ნახევარი იყო. –

სამი ვერსტი რომ გაგვარბენინა, მაშინ ცხენებს რაც ძალი ჰქოდათ, მათის სრულის ძალით გააქცია, ასე რომ თვალთა წინწკლები გადმოგვიცვივდა და ესრეთისა სირბილითა, არახლადნის ფომტაში მიგვიყვანა. –

მე საათი ვნახე, რომ 18-ი ვერსტი ორმოცდა ათს მინუტზე გაერბინა. – სწორეთ უნდა ვთქო, მე დიდათ გამიკვირდა.

ფომტის ნაჩალნიკი გამოვიდა, – და მინიცკიმ ფიცხლად დაუძახა, ეხლავ პერეკლადნები კურიერის ცხენებით შეაბიო. –

მან უარი უთხრა. –

მინიცკი გაჯავრდა. –

მან მისი ჯავრობა არად მიიჩნია და უთხრა მრავალთ მგზავრებთ გაუვლიათ და ათათი საათი დაუყვიათ, ეგრეთვე თქვენ მოიცდითო. –

– მინიცკიმ ჰკითხა – რათა?

– ცხენები სულ მგზავრთა წაიყვანეს.

– ნუ მატყუილებო.

– იმან უთხრა, არა, მერწმუნეო. –

მასკვან მინიცკი გაჯავრდა, – ბაშფორთი ამოიღო, უჩვენა, – და უთხრა ხედავ! უმაღლესის ბძანების ბაშფორთი მაქვსო.

იმან რომ დახედა ამა ბაშფორთს, – მყისვე გაექანა, და საუცხოვო კურიელის ცხენებით ორი პერეკლადნები სწრაფათ შეგვიბა.

მე ამ იემშიკს სიცილით ვუთხარ, – იმ იემშიკმა სწორეთ ორმოცს მინუტზე მოგვიყვანა. –

– ეს იემშიკი მამიბრუნდა, და მითხრა, ბარინ ნავოტკს მამცემ, რომ 14-ი ვერსტი ნახევარ საათზე, გაგარბენითო.

– დიახ მოგცემ მეთქი.

– აბა ჩაბძანდით. –

მან ცხენები ერთ ვერსამდისინ, ჩორთით წაიყვანა, და მასკვან დაიძახა, აბა წითელო ცხენებო, ბარინი ნავოტკას გვაძლევსო. – მოგლიჯა ცხენები, და ასე გაგვაქანა, რომ რიგიანათ ველარა დავინახეთრა, – მცირეხანი არ გამოვიდა, რომ სალდათსკის ფოშტაში მიგვიყვანა. – მე საათი ამოვიღე. ვნახე, რომ 14-ი ვერსტი, სწორეთ 26-ს მინუტზე გამოგვარბენინა.

მე მართლა დიდათ გამიკვირდა, და ერთი რუბლი ვაჩუქე. –

ჩვენი მეორე პერეკლადნა ათს მინუტს შემდეგ მოვიდა. –

ამ ფოშტაშიაც; პერეკლადნები დიახ სწრაფათ შეგვიბეს, და ეგრეთვე სწრაფად გავსწიეთ. ასე რომ 20-ი ვერსტი, 35-ს მინუტზე გაგვარბენინეს, და პავლოვსკის ფოშტაში მიგვიყვანეს. –

ამა პავლოვსკიდგანაც სწრაფათ გვარბენინეს, ასე რომ 25-ი ვერსტი 55-ს მინუტზე გაგვარბენინეს, და იაგორსკის ქალაქში შეგვატარეს, და მის ფოშტაში გადაგვახდინეს. –

თუმცა ფოშტის ნაჩაღნიკმა პერეკლადნები დაგვიმზადა, მაგრამ მინიცკიმ უთხრა, – ჩვენ ტრახტიროში წავალთ და მინამ იქიდგან მოვიდეთ, პერეკლადნები მზათ იყოსო. –

ჩვენ ტრახტირისაკენ წავედით, – ტრახტირი შუა ქალაქსა შინა თურმე იყო და რას ყოფით ვიპოვნეთ.

მას ტრახტირსა შინა კარგახანი დავყავით, ჯერ ჩაი დავლიეთ, მასკვან სადილი ვიგემე, მერეთ ყავა დავლიეთ, შემდეგ პერეკლადნები იქვე მოვატანინე, – ტრახტირის პატრონს გამოვესამლეთ, – და პირველსავე სირბილით გავსწიეთ. –

13-ი ვერსტი ნახევარ საათზე გაგვარბენინა და ალექსანდრიას ფოშტაში მივედით.

აქედგანაც სწრაფად წავედით, ასე რომ ორ საათზე 38-ი ვერსტი გავირბინეთ, და საბლიის ფოშტაში მივედით.

თუმცა აქედგანაც დიახ სწრაფად გავსწიეთ, მაგრამ შუა გზაზე დაგვიღამდა, და სიბნელისა გამო ისე სწრაფათ ველარ ვიარეთ, მაინც 27-ი ვერსტი ორ საათზე გავირბინეთ, და ალექსანდროვის ქალაქის ფოშტაში მივედით. –

აქედგანაც დაუყოვნებლივ წავედით. მე პერეკლადნაში ერთს გვერდზე წამოვწექ და დავიძინე. ეგრეთვე მინიცკიმ დაიძინა და ადრით იემშიკს უთხრა, ფოშტაში რომ მიგვიყვანო, მე გამაღვიძეო. მე დიახ კარგახანი მეძინა, შემდეგ მინიცკიმ გამაღვიძა და მითხრა, გაიღვიძეთ, ფოშტაში მივედითო. –

საჩქაროთ პერეკლადნებიდგან გადავხედით, და ფოშტაში შევედით. –

საათი ვნახე, რომ 18 1/2 ვერსტი საათნახევარზე გამოგვერბინა, – და ვალინოვსკის ფოშტაში მოვსულიყავით. –

მე კაროვინს ვკითხე – თქვენ როგორ მოთავსდით პერეკლადნაში, ან გეძინათ თუ არა?

– დიახ კარგათ მოვთავსდით, და კარგათაც გვეძინაო. – მასკვან მე მკითხა – თქვენ როგორღა მოთავსდით?

– ჩვენც დიახ კარგათ მოვთავსდით, და კარგათაც გვეძინა.

ამა ფოშტასა შინა პურით ჩაი დავლიეთ, მერეთ ვახშამი ვჭამეთ და ამაობაში კარგახანი დავყავით. – კარგათ რომ დავისვენეთ, მასკვან პერეკლადნებში ჩავსხედით, გავსწიეთ, და მინამ გათენდა, ახალს სერგეევკის ფოშტაში მივედით.

მე საათი ვნახე, რომ 14-ი ვერსტი ორსაათნახევარზე გამოგვერბინა. – ამ გზაზედ ჩვენ დიახ გულით გვეძინა და ვგონებ, რომ იემშიკს შემთხვევა მიეცა და ტაათით წამოსულიყო, მაგრამ დიდის ფიცით გვარწმუნებდა, რომ ცხენებს დაოთხებულს ვერეკებოდით. –

ჩვენ მას არ ვუჯერებდით და მინიცკიმ უთხრა, – კარგათ იცი, როგორის ბძანებით მოვდივარო. –

ის კიდევ ფიცამდა. რალა გავაგძელო, 23-ი ივლისი ამ ფოშტაში გაგვითენდა.

– მინიცკიმ მითხრა, თუ გინდათ ჩაი დავლიოთ?

– ბარემ სტავროპოლამდისინ მოვითმინოთ მეთქი.

პერეკლადნები მოგვიტანეს, – ჩავსხედით, და ესრეთ სირბილით გავსწიეთ, რომ 24-ი ვერსტი ერთს საათზე გავირბინეთ და ბეშპაგირის ფოშტაში მივედით.

ამა ფოშტიდგანაც დიახ სწრაფათ ვირბინეთ და სტავროპოლის ქალაქსა შინა შევიარეთ.

მე საათი ვნახე, რომ 30-ი ვერსტი ერთს საათზე და ათ მინუტზე გამოგვერბინა.

მივედით და შუა ქალაქსა შინა ფოშტა იყო, მას ფოშტაში გადავხედით.

ესე ქალაქი მომადლოს ადგილსა ზედა იდგა, და კავკაზის მთებსა პირისპირ სჭვრეტდა, რომელიცა მის ქალაქის მდებარობა მომეწონა. –

იმ დღესა და იმ ღამეს მას ქალაქსა შინა დავყავით, – და ჩვენ დიახ კარგათ დავისვენეთ. ოდეს 24-ი ივლისი გათენდა, მაშინვე პერეკლადნები მოგვიტანეს ჩვენ ადრითვე პურით ჩაი დაგველია, – ჩავსხედით, გავსნიეთ, და 32-ი ვერსტი 7-ს რუბზე გავირობინეთ, და მოსკოვკაიას ფოშტაში მივედით.

აქედგანაც დაუყოვნებლივ გავსნიეთ.

18-ი ვერსტი სამს რუბზე გავირობინეთ და დონსკოის ფოშტაში მივედით.

ამ ფოშტიდგანაც სწრაფათ გავსნიეთ, 20-ი ვერსტი 50-ს მინუტზე გავირობინეთ, და ბეზოპასნოის ფოშტაში მივედით.

აქედგანაც საჩქაროთ წავედით, 25-ი ვერსტი 66-ს მინუტზე გავირობინეთ და პრეგრადნის ფოშტაში მივედით. – ამა ფოშტასა შინა სადილი ვიგემეთ და კარგა ხანიც დავყავით. – შემდეგ გავსნიეთ, 17-ი ვერსტი 40-ს მინუტზე გავირობინეთ და კალოდინის ფოშტაში მივედით.

ამ ფოშტიდგანაც მეყვესეულად გავისწრაფეთ, 13-ი ვერსტი 25-ს მინუტზე გავარბინეთ და კალალის ფოშტაში მივედით.

აქედგანაც ეგრეთვე ვირობინეთ, 15-ი ვერსტი ნახევარ საათზე გავირობინეთ და რასიზნის ფოშტაში მივედით.

ამა ფოშტიდგანაც ვირობინეთ, 24-ი ვერსტი 56-ს მინუტზე გავირობინეთ, და პესჩანა კოპნაიას ფოშტაში მივედით. – აქ სრულებით დაგვადამდა, – ჩვენ ჩაი მოვითხოვეთ და თეთრის პურით კარგის მადით დავლიეთ, – კარგათ რომ გავძელით და ცოტაც დავისვენეთ, მაშინვე პერეკლადნები მოვატანინეთ, ჩაუვხედით, საჩქაროთ გავსნიეთ, – 27 1/2 ვერსტი 2-ს საათზე გავირობინეთ, და სრედნი იაგარლიკის ფოშტაში მივედით. –

ჩვენ დღე ყოველთვის გვეღვიძა და ღამე, ფოშტითი ფოშტამდისინ გვეძინა და ფოშტაში რომ მივიდოდით, იქ უნდა გავგვეღვიძა, – პირველის პერეკლადნებიდგან; ჩვენი ბარგი უნდა ამოგველაგა და ახალს შებმულს პერეკლადნებში ჩაგველაგებინა, – და ეგრეთვე

საათი უნდა გამეჩხრიკა, როდენს დროზე მოვიდოდით.

ამა ფოშტიდგანაც გავსწიეთ, – 19-ი ვერსტი ორს საათზე გავიარეთ და ნიჟნი იაგარლიკს მივედით. –

აქედგანაც გავსწიეთ, 26-ი ვერსტი სამს საათზე გავიარეთ და მეჩეთინსკის ფოშტაში მივედით. – მინამ მინიციკი პერეკლადნებს შეაბმევინებდა, 25-ი ივლისი კიდეც გათენდა. –

– მე ვთქვი, მაინც ხო გათენდა, ბარემ ჩაი დავლიოთ და კუჭ-გამაგრებული ნავიდეთ მეთქი.

იმათაც დიდათ იამათ, – საჩქაროთ ჩაი გავაკეთებინეთ და თეთრის პურით დიას ლაზათით დავლიეთ, და მასკვან თითო, რომით ფუნჯი გადავკარით. –

მუცელს ბონკინტი რომ შევეუდგით, და გოგრა რომის ალით რომ აღვავსევი. – მაშინვე პერეკლადნებში ჩავსხედით, – გახურებულთ ესრეთ ჩქარათ გავსწიეთ, რომ 28-ა ვერსტრი ერთს საათზე გავირბინეთ, და კალაინცკის ფოშტაში მივედით.

ჩემს დღეში მე პერეკლადნაში ჯდომის უჩვევარმან დიდათ მამშალა, ასე რომ თითქმის აღარ შემეძლო პერეკლადნით წასვლა. – და მე დიდათ დაღონებული ვიყავი.

ამ ფოშტის ზედამდეგმან მითხრა, რატომ დაღონებულხართო. – მე ჩემი გარემოება ვუთხარი.

– იმან მითხრა, აქ მე ერთი კარგი ბრიჩკა მაქვს, თუ გინდათ იყიდეთო.

მე დიდათ მიამა და ნაგვიყვანა მის ბრიჩკის სანახავათ. –

ეს ბრიჩკა დიას კარგი ბრიჩკა იყო. – შევევაჭრეთ, – და რვაას რუბლ ასიგნაციათ დაგვიფასა. – სწორეთ უნდა ვთქო, ორას რუბლ ასიგნაციათ არა ღირდა, მაგრამ ვინ დასდევდა დაწვლილებით ვაჭრობას. –

იმან პატიოსანის სვინიდისით 700-ი ასიგნაციათ დამითმო. –

მე დიდის სიხარულით და მადლობით ამ ფასათ გამოვართვი.

ამა ბრიჩკას დიშლა არა ჰქონდა ზედ გაკეთებული და ზოგიერთი რაღაც გასაკეთებელი ჰქონდა, – მინამ ბრიჩკას დიშლას გაუკეთებდნენ და დასაკლისებს შეუსრულებდნენ, მანამდისინ სწორეთ ექვსი საათი გავიდა. – და სადილობის დროც მოვიდა. სადილიც ამ ფოშტაშივე ვიგემეთ, – სადილს უკან, – რაც ბარგი გვქონდა, სულ ერთიანათ მას ბრიჩკაში გადმოვანყევით, – ჩვენ

ოთხნივ პირველის ბრიჩკის რიგით ჩავსხედით, – ექვს ცხენშებ-  
მულიანი ბრიჩკა, – სწრაფათ გაექანა, – ესრეთ, რომ 26-ი ვერსტი  
ერთს საათზე გაგვარბენინა, და ბატაისკაის ფოშტაში გადავხედ-  
ით.

აქედგანაც დიახ დაუყოვნებლივ წავედით, და 19-ი ვერსტი რომ  
გავირბინეთ, დუნაის მდინარის პირზე ჩავედით. – მის გაღმის  
პირსა, მომალლოს ადგილსა ზედა ქალაქი აქსაი მდგომარეობდა.  
– შორით მიმავალთ მოენონებათ მის ქალაქის ადგილი, ამისთვის,  
რომ დიახ შორსა ჰსჩანდა იგი ქალაქი.

ამა დუნაისა ზედა ხიდი იყო გადებული, – და ჩვენი ბრიჩკა დიახ  
ფთხილათ გავიტანეთ.

მინამ მას ქალაქსა შინა შევედით, სრულებით დაგვიღამდა. –

მინიცკიმ მითხოვა, თქვენ აქ მოიცადეთ, მე და კაროვინი წავალთ,  
– ზუთხისშვილს, და ნითელ დონსკოის ღვინოს ვიყიდითო. –

მე ბრიჩკით ამ შუა ქალაქში დავრჩი, და ისინი ქვეითი, დუნაის  
პირზე მეთევზეებთან ჩავიდნენ. –

ნახევარ საათს უკან, მოვიდნენ და ახლად დაჭერილი ორი ცო-  
ცხალი ზუთხის შვილი მოიტანეს.

მინიცკიმ მითხრა, აი ეს ზუთხის შვილები, აი ეს დანსკოის ღვი-  
ნო, და აი კიდევ საზანთროები, და აი ნესვებო. –

მე დიდათ მიამა. – ისინი სულ ბრიჩკაში ჩავინყევით. –

ჩვენც ჩვენის რიგით ჩავსხედით, გავსწინეთ, 7-ი ვერსტი კიდევ  
გავირბინეთ, და ამ ფოშტაში გვითხრეს, ხვალ მთაზე უნდა გადაიარ-  
ოთო. – ზმეიკოვკას ფოშტაში მივედით.

იმ ღამეს საუცხოვოთ შევექეცით ასე, რომ კიდევ დავთვერით  
და იმ ფოშტაშივე დავიძინეთ. –

26-ი ივლისი რომ გათენდა, – ბრიჩკაში ჩავსხედით, – გავსწინეთ,  
21-ი ვერსტი 45-ს მინუტზე გაგვარბენინა, ნოვოჩერქასკის ქალაქში  
შევიარეთ, და შუა ქალაქსა შინა, ტრახტირში გადავხედით. –

მე ესე ქალაქი დიახ მამეწონა, საუცხოვოს პლანზედ იყო აშენ-  
ებული და კარგი მდებარობაცა ჰქონდა. –

იმ დღეს და იმ ღამეს ამ ქალაქსა შინა განვისვენეთ, – 27-ი ივლი-  
სი რომ გათენდა, მე მინდოდა წასვლა, მაგრამ მინიცკიმ მითხრა,  
სალამომდის აქ ვიყვნეთ, და სალამო ჟამზე წავიდეთო.

იმ დღეს სალამომდისინ იქვე დავყავით, – სალამოს ჟამზე ფოშ-

ტიდგან ცხენები მოასხეს, – ბრიჩკა მოგვიმზადეს, – ჩვენ შიგ ჩავსხედით, – გავსნიეთ, შუა გზასა ზედა სრულებით დაგვიღამდა, – 30-ი ვერსტი ღრს საათზე გავირბინეთ, და კოსტანტინოვსკაიას ფოშტაში მივედით. – აქედგანაც დიახ დაუყოვნებლივ გავსნიეთ, – 26-ი ვერსტი ცხრას რუბზე გავირბინეთ, და ალხოვსკაიას ფოშტაში მივედით. – იმ ღამეს ამ ფოშტაშივე დავყავით. –

28-ა ივლისი რომ გათენდა, – ჩაი მოვატანინეთ, და კაის თეთრის პურით დავლიეთ, შემდეგ ბრიჩკაში ჩავსხედით, ნავედით, – 24 ვერსტი საათნახევარზე გავირბინეთ და დანეცკაიას ფოშტაში მივედით.

ამა ფოშტიდგანაც საჩქაროთ ნავედით, – 31-ი ვერსტი 2-ს საათზე გავირბინეთ და ლაპატინსკის ფოშტაში მივედით. – ამ ფოშტაში სადილი ვიგემეთ, – შემდეგ გავსნიეთ. – 23-ი ვერსტი საათნახევარზე გავირბინეთ, და მიშკოვსკაიას ფოშტაში მივირბინეთ. –

აქედგანაც სწრაფად ნავედით, – 28-ა ვერსტი 2-ს საათზე გავირბინეთ, და კუმშატსკაიას ფოშტაში გადავხედით. –

ამა ფოშტიდგანაც დაუყოვნებლივ გავსნიეთ, – 27-ი ვერსტი 2-ს საათზე გავირბინეთ, და კოტლუბატსკაიას ფოშტაში მივედით. –

აქედგანაც მეყვსეულად ნავედით, 33-ი ვერსტი 2-ს საათს 1/2-ზე გავირბინეთ, და ახდილატიევის ფოშტაში მივედით. –

ამ ფოშტაში პურით ჩაი დავლიეთ, და კიდევ დაგვიღამდა. – შემდეგ გავსნიეთ, 31-ი ვერსტი ორსაათს ნახევარზე გავარბინეთ, და კაბილინსკის ფოშტაში მივედით. –

აქედგანაც სწრაფთ ნავედით, – 28-ა ვერსტი 3-ს საათზე გავიარეთ, და ნიჟნი ზერსკაის ფოშტაში მივედით. –

ჩვენ შევნიშნეთ, ოდეს გვეძინა ხოლმე, მაშინ დიახ წყნარათ ერეკებოდნენ ცხენებსა, მინიციკი დიდათ ჯავრობდა, მაგრამ იემშიკნი ეფიცებოდნენ ჩქარათ სიარულისას.

ამ ფოშტიდგანაც საჩქაროთ გავსნიეთ, – 27-ი ვერსტი სამს საათზე გავიარეთ და გრუშოვის ბალკის ფოშტაში მივედით.

აქედგანაც სწრაფათ გავსნიეთ, – 33-ი ვერსტი სამს საათს ნახევარზე გავიარეთ და გოლუბინსკის ფოშტაში მივედით. – ამ ფოშტაში 29-ა ივლისი გაგვითენდა. – აქვე პურით ჩაი დავლიეთ, – შემდეგ გავსნიეთ, – 36-ი ვერსტი 2-ს საათს და ნახევარზე გავირბინეთ, და ილმენსკის ფოშტაში მივირბინეთ. –



აქედგანაც სწრაფათ გავსნიეთ, – 42-ი ვერსტი 3-ს საათზე გავირბინეთ და გრაჩოვსკაიას ფოშტაში მივედით. –

აქედგანაც სწრაფათ გავსნიეთ, – 21-ი ვერსტი სამს რუბზე გავირბინეთ, და დუბოვკის ფოშტაში მივედით. აქ სადილი ვიგემეთ, – მერეთ ჩავსხედით, – გავსნიეთ, – 24-ი ვერსტი ერთს საათზე გავირბინეთ, და პრიზაპადნოის ფოშტაში მივირბინეთ. –

ამ ფოშტიდგანა საჩქაროთ გავსნიეთ, 18-ი ვერსტი სამს რუბზე გავირბინეთ, და პრალეიტსკის ფოშტაში მივედით. –

აქედგანაც გავისწრაფეთ, – 16-ი ვერსტი ნახევარს საათზე გავირბინეთ, და ბალიკლის ფოშტაში მივირბინეთ. – აქედგანაც სწრაფათ ჭენებით გავსნიეთ, – 22-ი ვერსტი სამს რუბზე გავირბინეთ, და კარავანსკის ფოშტაში მივირბინეთ. – ამ ფოშტაში დაგვიღამდა, – აქვე პურით ჩაი დავლიეთ, და ვახშამიც აქვე ვჭამეთ. –

უკეთუ ფოშტაში ხორცსა, ანუ ქათამს ვიშოვნიდით, მას ცივათ, ანუ სუფათ, ჩემს ბიჭსა გავაკეთებინებდით და უკეთუ ვერ ვიშოვნიდით, ყველსა და პურზე გადვივლიდით და წამოღებულს წითელ ღვინოს ზედ დავასხამდით. –

ჩვენი ვახშამი აღვიღევით, შემდეგ ბრიჩკაში ჩავსხედით, გავსნიეთ, – 26-ი ვერსტი სამს საათზე გავიარეთ და ბელაიგლინკას ფოშტაში მივედით. – ამ ფოშტასა შინა მე ცოტათ უქეიფოთ შევიქენ და იმ ღამეს აქვე დავდეგით. –

ოდეს 30-ი ივლისი გათენდა, მე სრულებით კარგათ ვიყავ. – პურით ჩაი დავლიეთ, 32 ვერსტი 2-ს საათზე გავირბინეთ და კამიშინის ქალაქის ფოშტაში მივედით.

აქედგანაც მეყვსეულად გავსნიეთ, – 25-ი ვერსტი ერთს საათზე გავირბინეთ, და პავლენსკაიას ფოშტაში მივედით. –

ამ ფოშტიდგანაც სწრაფათ გავსნიეთ, – 21-ი ვერსტი 50-ს მინუტზე გავირბინეთ, და გრეზნუხას ფოშტაში მივედით. – ამ ფოშტაში სადილი ვიგემეთ. –

სადილს უკან კუალად ჩავსხედით, გავსნიეთ, 24-ი ვერსტი 1-ს საათზე გავარბენინეთ, და კამენსკის ფოშტაში მივირბინეთ. –

აქედგანაც საჩქაროთ წავედით, 31-ი ვერსტი 2-ს საათზე გავირბინეთ, და უსტბალეინაის ფოშტაში მივედით. –

აქედგანაც გავსნიეთ, 23-ი ვერსტი 50-ს მინუტზე გავირბინეთ და ტალოვკის ფოშტაში მივედით. – ამ ფოშტაში დაგვიღამდა. – აქვე

პურით ჩაი დავლიეთ და ვახშამიც აქვე ვიგემეთ. – შემდეგ გავსწიეთ და ასეთი ბნელი ღამე დაგვიდგა, რომ გზა აღარა ჰსჩნდა. –

აქ იემშიკმა გზა დაჰკარგა და აქეთ იქით ხეტებით 30-ი ვერსტი; გათენებისას პაბოჩნი მიოდის ფოშტაში მიგვიყვანა. –

აქედგან დიახ სწრაფათ წავედით, 26-ი ვერსტი ერთს საათზე გავირბინეთ, და მინამ 31-ი ივლისი კარგათ გათენდებოდა, – სარატოვის ქალაქში შევიარეთ, – და შუა ქალაქის ტრახტირსა შინა გადავხედით.

ესე ქალაქი დიახ კარგი და საუცხოვო ქალაქი იყო, რომელსაცა მდინარე ვოლგა წინ ჩამოუდიოდა, ესე ქალაქი დიდათ მამენყო და ყოვლის შემკულებით სავსე იყო.

ამა ქალაქსა შინა ხუთი დღე დავყავით, მას მდინარესა ზედა ლოტკებით შევექეცით, და ამ სარატოვში ყოვლის სიამოვნით აღვივსენით. ბრიჩკასაც გაკეთება უნდოდა და კარგათ გავაკეთებინეთ. – ოდეს, 5-ი აგვისტო გათენდა, – და მეთუ საათი დაიწყო. – მაშინვე ბრიჩკაში ჩავსხედით, – გავსწიეთ, 24-ი ვერსტი ერთს საათზე გავირბინეთ, და კლესჩოვკას ფოშტაში მივედით. –

აქედგანაც დაუყოვნებლივ გავსწიეთ, 29-ა ვერსტი ერთს საათზე და ათმინუტზე გავირბინეთ, და იელიმანსკის ფოშტაში მივედით. –

ამა ფოშტიდგანაც საჩქაროთ გავსწიეთ, – 26-ი ვერსტი ერთს საათზე გავირბინეთ, და სინოდსკოის ფოშტაში მივედით.

აქედგანაც სწრაფად გავსწიეთ, – 34-ი ვერსტი ორს საათზე გავირბინეთ, და კლუჩის ფოშტაში გადავხედით.

ამა ფოშტიდგანაც სწრაფად წავედით, 26-ი ვერსტი ერთს საათზე გავირბინეთ, და ვოლსკის ქალაქის ფოშტაში გადავხედით, – აქ სრულებით დაგვიღამდა. – და აქვე ვივახშმეთ. – შემდეგ გავსწიეთ, – 29-ა ვერსტი სამს საათზე გავირბინეთ, და შიროკი ბურიესაკის ფოშტაში მივედით.

აქედგანაც გავსწიეთ, – 29-ა ვერსტი სამსაათს ნახევარზე გავირბინეთ, და ალექსიევკის ფოშტაში მივედით.

ამა ფოშტიდგანაც სწრაფათ გავსწიეთ, – 22-ი ვერსტი სამსაათს ნახევარზე გავიარეთ და ხვოლინსკის ქალაქში მივედით, – სადაც 6-ი აგვისტო გავითენდა, – აქვე პურით ჩაი დავლიეთ. – შემდეგ გავსწიეთ, – 27-ი ვერსტი ერთს საათზე და ხუთ მინუტზე გავირბი-

ნეთ და ფეოდოროვკას ფოშტაში მივედით. –

აქედგანაც გავსწიეთ, – 27-ი ვერსტი ერთს საათზე და ათს მინუტზე გავირბინეთ, და ნაინოვკას ფოშტაში მივედით.

აქედგანაც სწრაფათ წავედით, – 24-ი ვერსტი ერთს საათზე გავირბინეთ და სიზრანის ქალაქში მივედით. – ამ ქალაქში კარგა ხანი დავეყავით. – სადილიც აქვე ვიგემეთ.

სადილს უკან გავსწიეთ, 26-ი ვერსტი ორსაათს ნახევარზე გავიარეთ და ბაშლი იკატიჩის ფოშტაში მივედით, ამ გზაზე დიახ ცუდი ცხენები შეგვხვდნენ, ამისთვის ნელა ვიარეთ, – აქვე დაღამდა. ესე ღამე ამავე ფოშტაშივე დავეყავით.

ოდეს 7-ი აგვისტო გათენდა, – მაშინვე პურით ჩაი დავლიეთ, – შემდეგ გავსწიეთ, და ვოლგის მდინარესა პირსა ზედა ჩავედით. – აქ დიდი ლოტკა მოგვიმზადეს, ჩემი ბრიჩკა შიგ იმ ლოტკაში გადაიტანეს, – ცხენებიც შიგ ჩააყენეს, – ჩვენც მას ლოტკაში ჩავსხედით, – ერთი აფრა აუშვეს, ქარმან იგი აფრა გაშალა და აფრამ ეს ლოტკა სწრაფათ გაღმა გაიტანა. –

ჩვენ მდინარის პირსა ზედა გადავხედით, – ჩემი ბარიჩკაც გადავიტანეთ, – ცხენები შევაბით, ჩვენც შიგ ჩავსხედით, – გავსწიეთ, – ბაშლიკაიჩიდგან, მალი იკასტიჩამდისინ ათი ვერსტი იყო და ერთსაათზე ძლივ მივედით, –

აქედგანაც სწრაფად გავსწიეთ, – 15-ი ვერსტი სამს რუბზე გავირბინეთ, და მილნოეს სოფელში მივედით.

ამ სოფლიდგანაც დაუყოვნებლივ გავსწიეთ, – 25-ი ვერსტი ერთს საათზე გავირბინეთ და კატერინოვკას სოფელში მივედით. – ჩემი დაღალვის გამო ამ სოფელშივე დავიღამეთ; –

კარგათ რომ დავისვენეთ და საღამოჟამი მოვიდა, მაშინვე პურით ჩაი დავლით, აქვე ვივახშმეთ, – შემდეგ გავსწიეთ, – 20-ი ვერსტი სამ საათზე გავიარეთ, და ღორნის სოფელში მივედით. –

აქედგანაც დიახ წყნარა წავედით, ასე რომ 8-ა აგვისტო სრულებით რომ გაგვითენდა, – ვოსკრესენსკოის სოფელში მივედი და 20-ი ვერსტი გავიარეთ.

აქედგანკი დიახ სწრაფათ წავედით, – 12-ი ვერსტი ნახევარს საათზე გავიარეთ და სამარის ქალაქსა შინა მივედით.

ამ ქალაქში საღამოჟამამდისინ დავეყავით, – დიახ დავისვენეთ და რაც შეიძლებოდა კარგათაც შევექეცით. –

სალამოჟამზე გავსწიეთ, – 27-ის ვერსტი ორსაათს ნახევარზე გავირბინეთ, და ალექსეევსკის ფოშტაში მივედით. –

აქედგანაც ვირბინეთ, – 30-ი ვერსტი 2-ს საათზე და სამს რუბზე გავირბინეთ და მოჩინსკის ფოშტაში მივედით. –

აქედგანაც გავისწრაფეთ, – 33-ი ვერსტი სამს საათზე გავირბინეთ, – რომელიც გზაზე 9-ა აგვისტო გაგვითენდა, და ფეოდორ-ოვკას ფოშტაში მივედით. – აქვე ვიჩაიეთ და ვისაუზმეთ, – შემდეგ გავსწიეთ, 25-ი ვერსტი, ერთს საათზე გავირბინეთ და ბორსკაის ფოშტაში მივედით. –

აქედგანაც გავსწიეთ, – 34-ი ვერსტი ორს საათზე გავირბინეთ და მოიკანავინკას ფოშტაში მივედით. –

ესე ფოშტა ერთს გადამდგარს პოლკოვნიკს ეჭირა და ამ ფოშტასთან ერთი პატარა სოფელი იყო, რომელიცა მისივე იყო.

ამ სოფლის თავსა ზედა საუცხოვო სახლი ედგა, და იგი იმაში ცხოვრებდა. –

მინიციკი მას პოლკოვნიკთან ცხენების სათხოვრათ წავიდა. –

მცირეხანი აღარგამოვიდა, რომ თვით იგი მოხუცებული პოლკოვნიკი მოვიდა და დიდის თხოვნით მთხოვა, რომ მის სახლში მივსულიყავ. –

მე გაცნობა ვთხოვე და ვკითხე თავისი გვარი.

– მან მითხრა, მე გადამდგარი პოლკოვნიკი ვარ, სახელათ ივან ივანიჩი და გვარი ხრისტი.

მეც ჩემი გვარი და სახელი განუცხადე, მაგრამ უარი ვუთხარ მიუსვლელობისა.

იგი არ მამემო და დიდის თხოვნით წამიყვანა, – ეგრეთვე კაროვინი წამოიყვანა.

მიგვიყვანა, თავის სახლში შეგვიწვია და თავის ცოლშვილი გაგვაცნო. –

ამის ერთი შვილიც გადამდგარი იყო სამხედროს სამსახურიდგან. თურმე კაროვინი და ის ერთს პოლკში ყოფილიყვნენ. –

კაროვინმა რომ დაინახა, დაიძახა, ახ! ნიკოლაი ივანიჩ. – იმანაც, ახ! ნიკოლაი ანდრეიჩ, და ერთმანეთი დაჰკოცნეს.

რალა გავავრცელო, – იმ დღეს და იმ ღამეს არ გამოგვიშვეს, დიახ კარგათ დაგვხვდნენ, სხვათა შორის ყოვლის სიკეთილით სავსენი იყვნენ. –

ოდეს 10-ი აგვისტო გაგვითენდა, – ჩვენ დიახ მადლობით გან-  
ვშორდით, – გავსნიეთ, – 16-ი ვერსტი ნახევარს საათზე გავირბი-  
ნეთ და ბუზულუკის ქალაქში მივედით.

აქედგანაც დაუყოვნებლივ გავსნიეთ, – 29, ერთს საათზე გა-  
ვირბინეთ და პოლრომნაის ფოშტაში მივედით.

აქედგანაც საჩქაროთ გავსნიეთ, 17-ი ვერსტი 35-ს მინუტზე გა-  
ვირბინეთ და ტოტსკაის ფოშტაში მივედით. – აქავე ვისადილეთ და  
კარგახანიც დავყავით, შემდეგ გავსნიეთ, – 29-ა ვერსტი საათნახე-  
ვარზე გავირბინეთ და სარაჩინსკაის ფოშტაში მივედით, აქვე დაგ-  
ვილამდა, – აქვე პურით ჩაი დავლიეთ და გავსნიეთ. – 21-ი ვერსტი  
ორსაათზე გავიარეთ და ვარაბიოვსკოი უმოდის ფოშტაში მივედ-  
ით.

აქედგანაც წავედით, – 26-ი ვერსტი სამსაათნახევარზე გავი-  
არეთ და ნოვო სერგიევსკაის ფოშტაში მივედით. – აქვე 11-ი აგვის-  
ტო გაგვითენდა. აქვე პურით ჩაი დავლიეთ, – შემდეგ გავსნიეთ,  
24-ი ვერსტი ერთს საათზე გავირბინეთ და პოლტავსკის ფოშტაში  
მივედით. –

ამ ფოშტიდგანაც სწრაფათ გავსნიეთ, – 20-ი ვერსტი სამს რუბ-  
ზე გავირბინეთ და პერევალოტსკაის ფოშტაში მივედით, – აქვე ვი-  
სადილეთ, – შემდეგ გავსნიეთ, – 22-ი ვერსტი 50-ს მინუტზე გავი-  
რბინეთ, და ტატისჩევის ფოშტაში მივედით.

აქედგანაც მეყვსეულათ გავსნიეთ, – 35-ი ვერსტი, 2-ს საათზე  
და ათმინუტზე გავირბინეთ და ჩერნარეჩინსკაის ფოშტაში მივედ-  
ით. –

აქედგანაც სწრაფათ გავსნიეთ, 28-ა ვერსტი საათ ნახევარზე  
გავირბინეთ და კარგათ რომ დავვალამდა, ორენბურლის ქალაქსა  
შინა შევიარეთ, – მივედით, და ტრახტირსა შინა გადავხედით. –

მეორეს დღეს მინიციკიმ მუნდერი ფორმით ჩაიცო, – და მთავ-  
რობასთან წავიდა გამოსაცხადებლად. – კაროვინიც თავის დის  
საძებნელად წავიდა. –

ორსაათს უკან მინიციკი სიხარულით მოვიდა, და მითხრა. –

– შტაბნაჩაღნიკი რაკასოვსკი ვნახე, – რომელიც მასთან წიგნე-  
ბი მქონდა, სულერთიანათ წაიკითხა, და მერწმუნე კნიაზო, რომ  
ყოველი შენი გარემოება, დიახ კარგათ მოხდებოა. –

– მე ვკითხე – სადა ვარ დანიშნული, რაკასოვსკიმ თქო თუ არა?

– ვერხნის ურალსკში 9-ს ლინეინის ბატალიონში ხართ დან-  
იშნული. –

– კვლად ვკითხე – აქაური მთავარმართებელი სადარის?

– კასპიის ზღვის გაღმა, ახალის ალექსანდროვსკის ციხის სა-  
ნახავათ წასულა, და ჩილაევიც თან წაუყვანია.

მე ჩილაევის აქ უმყოფლობა დიდათ მეწყინა, ამისთვის, რომ  
დედიჩემის მცნობი იყო. –

– მასკვან ვკითხე – აქაურის მთავარმართებელის ჩინი და გვარი  
განმიცხადე?

– ლენერალლეიტენანტი და ლენერალადუტანტია, სახელად  
ვასილი ალექსეიჩი ჰქვიან, გვართ პეროვსკი, და ხელმწიფისა საყ-  
ვარელი არის. შემდეგ მითხრა, შტაბნაჩაღნიკმა დაგებართ ხვალ.  
მაგ ქართულის ტანისამოსით უნდა წაგიყვანოვო. –

– მე ვუთხარ, მგონია. ურიგო იყოს.

– არა, არაფერია. და მაინც დღეს თქვენი სამუნდირე მივცეთ  
შესაკერათ, და შემდეგ მუნდირით გამოცხადდითო.

ერთი ურია დავიბარეთ, რომელმანცა ჩემი მუნდირის განყოფი-  
ლობა იტვირთა, ამ სამ დღეზე მოგართმევთო, – და წავიდა.

იმ დღის საღამო ჟამზე კაროვინი მოვიდა და თავის დის შეყრა  
ილაპარაკა, – იმ ღამესვე არ გავუშვი და ერთს ოთახსა შინა და-  
ვიძინეთ სამთავე.

მეორეს დღის მეთერთმეტე საათზე, ქართულის ტანისამოსით  
მინიცი და მე წავედით და შტაბნაჩაღნიკი რაკასოვსკი ვნახე. –  
რომელმანცა დიახ კარგათ მიმიღო და მითხრა, მინამ კორპუსნის  
კომანდერი არ მოვიდეს, მანამდისინ, – ვერხნის ურალსკს ნუ წახ-  
ვალთო. –

მე მადლობა გადავიხადე. – და პატარახანს უკან წამოველ.

ორ დღეს უკან ლინეინის ბატალიონის პრაპორშიკის მუნდირები  
ჩავიცვი. – წავედი შტაბნაჩაღნიკთან, დევიზიონის კამანდერთან  
და ბრილადნის კომანდერთან გამოვცხადდი, – რომელთაცა დიახ  
პატივით მიმიღეს. – მეც მათის მადლობით ჩემს ოთახსა შინა მოვე-  
დი.

– მინიციკიმ და კაროვინმა მკითხეს, როგორ მიგიღესო?

– დიახ პატივით და სიყვარულით მიმიღესმეთქი.

შემდეგ ამისა, აქაურნი მოსამსახურე ადუტანტები, პოლიც-

მეისტარი, და კიდევ სხვა კეთილშობილები გავიცან. –

17-ს აგვისტოს მინიციკი დიდის მწუხარებით გამამესამლა, და საქართველოსაკენ წამოვიდა, – რომელთაც ჩემიანებს ყოველთა ნიგნი მივსწერე, და ჩემი მშვიდობით ყოფნა და ჩემი გარემოება, ყოველი განუცხადე. –

ჩემს ბედნიერების ვარსკვლავს კი! სატრფიალო ნიგნი მივსწერე, – ცრემლის დენით.

ოდეს მინიციკი გამეყარა, – მე ორენბურლის პოლიცემისტრის ძმამ, ლინენის ბატალიონის უნკერ ფეოდორ სჩერბაჩევმან მთხოვა, რომ იმასთან ერთათ დავმდგარვიყავ. –

მე დიდათ მიამა, ამისთვის, რომ კარგი და კეთილი ყმაწვილი კაცი იყო. –

ჩემი ბარგი მის სახლსა შინა გადავატანინე და მასთან დავდეგ. –

ერთს დღეს დამატარა, ეს ქალაქი სრულებით მაჩვენა. – დიახ მამეწონა.

ამ ქალაქს დიახ მაღალი და განიერი მიწის გალავანი ევლო და შიგ ეს ქალაქი უცხოს პლანით იყო აშენებული. – წინ სამხრეთით ურალის მდინარე ჩამოუდიოდა და ამის გაღმა პირზე საუცხოვო ჭალა, მწვანედ გაფენილიყო, სხვადასხვა ბესეტკებით და პატარა გზებით დაყოფილი. – მე ამ ქალაქის მდებარეობა მართლად მამეწონა. –

ამ ქალაქსა შინა ვიმყოფებოდი და ორ-სამ დღეში ერთხელ შტაბ-ნაჩალნიკს ვნახამდი ხოლმე. – და ეგრეთვე სხვებთან დავდოდი.

2-ს სექტემბერის დილას, მე და ახლად მცნობი ერთი უცხო კეთლშობილი აფიცერი ფრინვლების სანადიროთ წავედით. –

სალამომდისინ მრავალი იხვი და სხვა ფრინვლები დავხოცეთ. –

შინ რომ შევედი, ჩემი ბიჭი მომეგება და მითხრა, – თქვენთან ერთი ადუტანტი იყო; – შინ რომ არ იყავით, მითხრა ალექსანდრეს მოახსენე ჩილაევი შენთან იყო და გთხოვათ, ჩემთან მობძანდეთქო. – ამ დროს კაროვინი მოვიდა, და მითხრა კორპუსნის კომანდერი პეროვსკი მოვიდაო. – ამ დროს კიდევ ჩერბაჩოვი გარედგან შემოვიდა, და იმანაც ეს მითხრა.

მე საჩქაროთ სერთუკი ჩავიცვი, წავედი და ჩემი ჩილაევი ვნახე. –

რამწამს დამინახა, დიდათ იამა, მოვიდა, გადამეხვია, და რაოდენჯერმე დამკოცნა. – შემდეგ დავსხედით და ლაპარაკი დავინ-

ყვეით. – თავის ძმების და თავის სახლის ანბავი მკითხა?

მე იმათი მშვიდობიანობა ვუანბე. მასკვან ბატონიშვილის დედი ჩემის წიგნი მივეცი, რომელმაცა გულმოდგინეთ წაიკითხა და მერე გულმტკივნეულად მითხრა. – ნურაფერზე ნუ შენუხდები, დიახ პატოსანი და კეთილი ვორ. კომ. *[მთავარმართებელი]* გვყავს და ხელმწიფისა საყვარელი ხომ. – რასაკვირველია არის. ამისთვის იმედი მაქვს დიდათ შეგეწევა. გარდა ამისა, კორპუსნის კამანდერ-მა ახალ ალექსანდროვსკის ციხეში დამნიშნა ნაჩალნიკათ და უთუ-ოთ თქვენც თან წაგიყვანთ. ახლა მითხარით, რომელს ბატალიონში ხართ დანიშნული?

– ვერხნი ურალსკის, 9-ს ბატალიონში პრაპორშიკათ. –

დაღონდა და მასკვან მითხრა.

– ბევრს ნულარას იფიქრებ, რომ უთუოთ თან უნდა წაგიყვანო. –

– შტაბნაჩალნიკთან რომ მოილაპარაკოთ, დიახ კარგი იქნება, ამისთვის, რომ დიდი მონაწილეობა მიიღო ჩემს ბედში.

– დიახ კარგი იქნება. –

ერთ მემამულიშვილებმა – სხვადასხვა ლაპარაკით ერთს საათ-ამდის ვისიამოვნეთ, მერეთ ავდექ და წამოველ.

მეორეს დღეს მეთორმეტე საათზე მივედი და მითხრა, წადი, მოემზადე, შტაბნაჩალნიკთანაც ვიყავი და კორპუსნის კომანდერ-მა კიდეც დაგნიშნაო. –

მე წამოველ და რაც მესაჭიროებოდა, მოვიმზადე. წინა დღეს ჩემს მცნობებთ ყველას გამოვესამლე და ამის მეორე დღეს ჩემს ამხანაგსაც გამოვეთხოვე და მწუხარებით გავიყარენით. საღამო ჟამზე ბრიკაში ჩავჯექი და სერგეი გაბრილიჩის ჩილავესა ავე-დევენე.

11-ს სეკტენბერს, შუაღდიდგან მეექვსეს საათზე, მე ჩემს ბრიკა-ში, სერგეი გაბრილიჩი თავის კარანდასში ჩავსხედით, გავსწიეთ, 28-ა ვერსტი ორს საათზე გავირბინეთ და ჩერნორეჩინსკაის ფოშ-ტაში მივედით, – აქვე ჩაი დავლიეთ და ვახშამიც აქვე ვჭამეთ, – შემდეგ ჩავსხედით, გავსწიეთ, 35-ი ვერსტი სამს საათზე გავირბინეთ და ტატისჩევის ფოშტაში მივედით.

აქედგანაც სწრაფად გავსწიეთ, 30-ი ვერსტი ორსაათს ნახე-ვარზე გავირბინეთ, 20-ი ვერსტი საათნახევარზე გავირბინეთ, და რაზინაის ფოშტაში მივედით, ამ ფოშტიდგანაც გავსწიეთ, – 16-ი



ვერსტი სამს რუბზე გავირბინეთ, და მუხრანსკის ფოშტაში მივედით. –

აქედგანაც დიახ სწრაფათ გავსწიეთ, მაგრამ შუა გზაზე გაგვი-  
თენდა და 16-ი ვერსტი გზაც კიდევ სამს რუბზე გავარბინეთ  
და სტუდენოის ფოშტაში მივედით. – აქვე პურით ჩაი დავლიეთ,  
შემდეგ გავსწიეთ, 15-ი ვერსტი ნახევარს საათზე გავირბინეთ და  
კლიდელინსკოის ფოშტაში მივედით.

ამ ფოშტიდგანაც გავსწიეთ, – 25-ი ვერსტი ერთს საათზე გა-  
ვირბინეთ და იტეცკის ფოშტაში მივედით.

ამ ფოშტიდგანაც ჩქარა გავსწიეთ, – 16-ი ვერსტი 40-ს მინუტზე  
გავირბინეთ, და კირსანოვსკოის ფოშტაში მივედით. – ამ ფოშტაში  
ვისადილეთ, – შემდეგ გავსწიეთ, – 14-ი ვერსტი ნახევარს საათზე  
გავირბინეთ, და გენვარსკოის ფოშტაში მივედით. – ამ გენვარსკო-  
ის ფოშტის გზაზე დიახ დიდი წვიმა მოგვივიდა და დიადი ქექა იყო  
და საშინელნი ღრუბელნი აქეთ იქით მიმოენქეროდა.

აქედგანაც დიახ დაუყოვნებლივ გავსწიეთ, 22-ი ვერსტი ერთს  
საათზე გავირბინეთ და გნილოვსკოის ფოშტაში მივედით, ამ ფოშ-  
ტაში დაგვიღამდა. –

აქედგანაც სწრაფად გავსწიეთ, – 22-ი ვერსტი ერთს საათზე  
გავირბინეთ, და ურალსკის ქალაქში შევიარეთ. – მივედით და  
პოლკოვნიკის პაკატელოვის სახლში გადავხედით, – რომელიც  
ურალთ ყაზახების ატამანი არის. –

პოლკოვნიკმა დიახ კარგათ მიგვიღო, სერგეი გაბრილიჩმა,  
რეკამანდიცია მიყო.

მან ორი დღე არ გაგვიშო, დიდის პატივით და სიყვარულით დრო  
გაგვატარებინა. –

ოდეს 15-ი სექტენბერი გათენდა. – ჩვენ დიახ მადლობით გამ-  
ოვესალმენით. – ჩავსხედით, გავსწიეთ, 12-ი ვერსტი 25-ს მინუტზე  
გავირბინეთ და კულლო ოზეროტსკში მივედით.

აქედგანაც სწრაფად გავსწიეთ, – 22-ი ვერსტი ერთს საათზე გა-  
ვირბინეთ, და ჩერნეგონსკოის ფოშტაში მივედით.

ამ ფოშტიდგანაც სწრაფათ წავედით, – 22-ი ვერსტი ერთს საა-  
თზე გავირბინეთ, და კოშურალსკოის ფოშტაში მივედით. –

აქედგანაც დიახ საჩქაროთ გავსწიეთ, 22-ი ვერსტი, 55-ს მინუტ-  
ზე გავირბინეთ, და ბუდარინსკოის ფოშტაში მივედით.

აქედგანაც დიახ საჩქაროთ წავედით, – 22-ი ვერსტი, ერთს საათზე გავირბინეთ, და ბოიხაროვსკის ფოშტაში მივედით.

აქედგანაც გავსწიეთ, – 15-ი ვერსტი 27-ს მინუტზე გავირბინეთ და ლბისჩევის ფოშტაში მივედით. აქედგანაც გავსწიეთ, 15 ვერსტ 1/2-ი ნახევარს საათზე გავირბინეთ, და გორიაჩინსკოის ფოშტაში მივედით.

ამ ფოშტიდგანა საჩქაროთ გავსწიეთ, – 15-ი ვერსტი 26-ს მინუტზე გავირბინეთ, და კარშინსკოის ფოშტაში მივედით. – ამ ფოშტაშივე დავიღამეთ, აქვე ვიჩაიეთ და კიდევ ვივახშმეთ. შემდეგ გავსწიეთ. 18-ი ვერსტი ერთს საათზე გავირბინეთ და კარშინსკოის ფოშტაში მივედით.

აქედგანაც სწრაფად გავსწიეთ, 16-ი ვერსტ 1/2-ი სამს რუბზე გავირბინეთ, და სახარნის ფოშტაში მივედით.

აქედგანაც სწრაფად გავსწიეთ, 12-ი ვერსტი ერთს საათზე გავიარეთ და კალინოვსკოის ფოშტაში მივედით. – აქ ცუდი ცხენები შეგვხვდა და დიახ წყნარა გვატარა.

აქედგანაც გავსწიეთ, 16-ი ვერსტი სამს რუბზე გავირბინეთ, და ლებიჟინსკოის ფოშტაში მივედით.

ამ ფოშტიდგანაც სწრაფათ გავსწიეთ, ათი ვერსტი ნახევარს საათზე გავირბინეთ და ანტონოვსკის ფოშტაში მივედით. ამ ფოშტაშივე 16-ი სეკტენბერი გავითენეთ. – აქვე პურით ჩაი დავლიეთ, – შემდეგ გავსწიეთ. – 12-ი ვერსტი 26-ს მინუტზე გავირბინეთ და კრულლოის ფოშტაში მივედით.

აქედგანაც ვირბინეთ, 10-ი ვერსტი 25-ს მინუტზე გავირბინეთ და კოტელინკოის ფოშტაში მივედით. –

ამ ფოშტიდგანაც ვირბინეთ, 18-ი ვერსტი ნახევარს საათზე და 5-ს მინუტზე გავირბინეთ, – და კალმიკოვსკის ფოშტაში მივედით. – ამ ფოშტაში ვისადილეთ. შემდეგ გავსწიეთ, – 15 ვერსტი ნახევარს საათზე გავირბინეთ და კრასნოიარსკოის ფოშტაში მივედით. აქედგანაც ვირბინეთ, – 17-ი ვერსტი სამს რუბზე გავირბინეთ, ხარკინსკოის ფოშტაში მივედით. აქედგანაც სწრაფად გავსწიეთ, 14-ი ვერსტი ნახევარ საათზე გავირბინეთ, და ინდერსკის გორის ფოშტაში მივედით.

აქედგანაც გავიქეცით, 17-ი ვერსტი 37-ს მინუტზე გავირბინეთ, და გრებენსჩიკოვის ფოშტაში მივედით. –

აქედგანაც დიახ დაუყოვნებლივ გავსწიეთ, – 14-ი ვერსტი ნახევარს საათზე გავიღებინეთ, და კულაღინოვის ფოშტაში მივედით.

აქედგანაც დიახ სწრაფათ გავსწიეთ, 12-ი ვერსტი 28-ს მინუტზე გავიღებინეთ, და არლოვსკის ფოშტაში მივედით.

აქედგანაც დაუყოვნებლივ გავსწიეთ, 14-ი ვერსტი ნახევარს საათზე გავიღებინეთ და ზელენოვსკოის ფოშტაში მივედით. – ამ ფოშტაში დაგვიღამდა, აქვე ვიჩაიეთ, და კიდევ ვივახშმეთ. –

შემდეგ გავსწიეთ, 16-ი ვერსტი სამს რუბზე გავიღებინეთ და ტოპლევს ფოშტაში მივედით.

აქედგანაც დიახ ჩქარა გავსწიეთ, – 12-ი ვერსტი ნახევარსაათზე და 4-ს მინუტზე გავიღებინეთ და კარმანოვსკის ფოშტაში მივედით.

აქედგანაც სწრაფათ გავსწიეთ, – 12-ი ვერსტი ერთს საათზე გავიღებინეთ და ბაქსაევსკის ფოშტაში მივედით.

აქედგანაც სწრაფათ გავსწიეთ, – 12-ი ვერსტი ერთსაათზე, და 15-ს მინუტზე გავიარეთ, და ემანხალინსკის ფოშტაში მივედით.

ამ ფოშტიდგანაც საჩქაროთ გავსწიეთ, – 22-ი ვერსტი საათ-ნახევარზე გავიღებინეთ, და სარაჩინოვსკის ფოშტაში მივედით, – რომელიც 17-ი სეკტენბერი აქვე დაგვითენდა და აქვე პურით ჩაიდავლიეთ. კარგახანი რა დავყავით, შემდეგ გავსწიეთ, 11-ი ვერსტი 28-ს მინუტზე გავიღებინეთ, და მეორეს სარაჩინსკოის ფოშტაში მივედით.

აქედგანაც დაუყოვნებლივ გავსწიეთ, – 9-ი ვერსტი 22-ს მინუტზე გავიღებინეთ, და რედუტსკოის ფოშტაში მივედით.

აქედგანაც საჩქაროთ გავსწიეთ, – 12-ი ვერსტი ნახევარ საათზე გავიღებინეთ, და კანდაუროვსკოის ფოშტაში მივედით. აქედგანაც საჩქაროთ გავიქეცით, 16-ი ვერსტი, 38-ს მინუტზე გავიღებინეთ, და შუადღის დროს გურიევის ქალაქში შევედით.

## ნიგნი მპოპელთან საქართველოს მეფის ირაკლის ასულს თეკლას

გადაგდებული თქვენი შვილი ჩემს ამბავს გიამბობთ, როგორი მოგზაურობა შემემთხუა ამ ჩემის შორის გზითა.

*მაგრამ ჩემი გულის და სულის მწუხარებისას აღარას გაგიხსენებთ, ვითარ ინწყლოდა გული და სული თქვენის მოშორებით. გრძნობისას ვერას გაგიხსენებთ, ვითარ გრძნობდა თქვენსას და მამულის მოშორებას. ამისთვის სამჯობინარო მაქვს, სხვას მოვყევი. გრძნობისა არა განვაგრცელო [მოვიხსენიო] რა.*

თუმცა არ შემიძლიან, ყოველი საგანი რაოდენიცა ვნახე, ნამდვილად გამოვხატო, მაგრამ მაინც რაოდენ შევიძელე, ეგოდენ აღვწერე და უმდაბლესად მოგართვი უსუსყვარლეს მშობელს ჩემსა.

ქ. ტფილისის რომ განვმორდით, საბურთალოს მინდორზე გამოვედით, ავდარს ასე წაეხდინა გზები რომ გათენებამდისინ 12-ი ვერსტი ძლივს გამოვიარეთ და შარაგზაზე დავექით ცხენების დასასვენებლად შუა დიღმის მინდორში. მინამ მზე ამოვიდოდა, გამელვიძა და თვალი მიმოვაველე ამ მინდორსა.

ეს მინდორი ბევრჯველ მინახამს, მაგრამ ასე არ გამიჩხრეკია.

მინდორი ეს ათასი დღიური უნდა იყოს, იქნება მე ვცდებოდე მომატებულნაკლები იყოს მარამ ეს შედომილება არა იქნება რა.

მინდორი ეს კალოსავით არის მოყვანილი, რომელიცა ბევრჯველ გინახამსთ. აღმოსავლეთით ამ მინდორსა მტკვარი ჩამოუდის და სამსა სხვა მხარესა მაღალი მთები და მოდაბლო გორები აქვს მოვლებული.

უგანათლებულესო მშობელო! აი ძველის ივერიანელების და ივერიის გულში შესავალი მაგარი კარები! ამ მინდვრიდგან ჩრდილოეთის მხარეს შესავალი გზა, ვინრო და მაგარი ხეობა წავა, რომელშიაც მდინარე მტკვარი ჩამოივლის. დასავლეთისაკენ, და დასავლეთ ჩრდილოეთისაკენ ამ მინდორსა, დიდი მაღალი და გძელი ხეობებით სამსე მთები მობია ერთიერთმანეთზედ გადაბმული და ასეთი მაგარი მხარე არის ესა, რომ ვერა ძლიერება მტრისა ვერ უნდა შესვლიყოთ ქართუელებსა საქართუელოში აქეთის მხრიდგან, თუ სცოდნოდათ ამის გამაგრება. აღმოსავლეთისაკენ მტკვარგალმა ხომ რალა მოგახსენოთ, როგორი მაგარი დიდი განოლილი ტყიანი მთა მოაბია, ეგრეთ შეუვალი მაგარი, საიდგანაც

სამხრეთის მხრიდან ამ მინდორსა უფრო ადვილი შემოსასვლელი აქვს და სიმაგრეთ მოდაბლო გორები უძევს ჩავლებული დიღმის სოფლიდან მტკვრამდინ. ვინ იცის ამ მინდორზე რავდენი ბრძოლა ყოფილა!.... რავდენის ვაჟკაცების ძვლები დამინებულა აქ, რომ მძლავრსა მტერსა მოუნდომებია, ამ მინდვრიდან შეუვიდნენ ქართუელებსა, შუა გულს საქართუელოში, სადაც ქართუელების ძალა შეუპოვრად მდგარან ზურგ მიყრდნობით მინდვრის თავში და მთის ძირში საქართუელოს დასაცველად: აქ იქნებოდა მტრებისაგან ერთმანეთის ბღვერა, ძახილი, კივილი, თხლეშა, გლეჯა, კვლა, მოწყვეტა, მოსპობა და ნყაროებრ სისხლის დენა!... სანყალს ქართუელებს რა არ გადახედიათ და თავიანთის მამულისთვის, რა გამოცდილება არ მიუღიათ გარეშე კაცთაგან? *მათს მწუხარებას ენა ვერ გამოსთქვამს! გონება ვერ წარმოიდგენს! და კალამი ხომ ვერას აღწერს!* მაგრამ მაინც ქართუელებს თავის სახელი არაოდეს არ დაუკარგავთ და თავიანთ კაცობა მარადის უდიდებით!

ქართუელებს რამთენი მაგარი ადგილები ჰქონიათ, სადაც მტერი სრულიად უნდა მოეწყლათ, არამცთუ საქართუელოში შემოეშოთ, მაგრამ მაშინ არც სტრატელია და არც ტაკტიკა ყოფილა, რომ ყოველი პლანით ეკვლიათ და ანგარიშით მოქცეულიყვნენ. მხოლოდ მაშინ, მტრის შემოსვლის გაგონებაზე, შეიყრებოდა ჯარი და მხნეობის მიმდობნი არა მძლავრსა ჯარსა არა დაერიდებოდნენ; თუ დამარცხდებოდნენ არ გამოუდგებოდნენ, რომ სამძღვრამდისინ მაინც ჩაჰყოლიყვნენ და დასასრულზე რიგიანი შერიგება მოეხდინათ. თუ დამარცხდებოდნენ, მაშინვე სიმაგრეში შეიხიზნებოდნენ და ვედარ მოიფიქრებდნენ, რომ მცირედი ჯარით ყოველს ვინროს და მაგარს ადგილებში დახვედრიყვნენ და უეცრათ მტერი ეწყლათ. ისტორიით ვიცით, საქართუელოში, რომელიც კარგი მეფე გამოსულა, საკურველი საქმეები უქნია, გარეშე სხვა მამულებიც შეუძინია გარდა საქართუელოსი. ასეთი კაცნი ყოფილან, რომ იმათგან მეფე რას არ შეიძლებდა თუ სცოდნოდა მოხმარება. ვახტანგ გორგასლანს მივხედოთ ქართუელებით, ვითარი საკურველი საქმეები ჰქმნა! დავით აღმაშენებელს განვცვიფრდეთ, მტრისაგან გაოხრებული საქართუელო ქართუელებით ვითარ ააყვავა და სხვანი... იმ უებროს დედაკაცსა თაყვანი ვცეთ მოწინებით ყოველმა ქართუელებმა, რომ თამარ მეფამ ვითარი დიდი სახელი მოიპოვა

ქართულებით! აქ ცხადად ვხედავთ იგი ცოტა ივერიანელები როგორი საკურველი კაცი ყოფილან! და გარეშე ხალხზედა ვითარი წარმატება მიუღიათ!.. და დასასრულ, სანატრელმა და დაუფიქრარმა მამათქვენმა მეფემ ირაკლიმ, იმ მცირედის ქართველებით ვითარ განითქვა დიდება ყოველს ქვეყანასა და მარადის ვითარ აქებდიან თავის ქართულებით იმას! აქ ცხადად ვხედავთ, ის ძუელი ქართულები ვითარი საკურველი კაცი ყოფილან და გარეშე ხალხზედ ვითარი წარმატება მიუღიათ, მაშინ როდესაც რომ კაცი ჰყოლიათ!

მაღლა მზე რომ ამოვიდა, ბრიჩკა შევებით და გავსწიეთ. მცირედი წავიარეთ, ვინროს ხეობაში შევედით, რომლებშიაც მტკვარი ჩამოვივლის. ჩვენი წინაპარნი, ამ ხეობის დასაწყის გზისათვის ამბობენ, რომ ზევით მთაში დევები ცხოვრობდნენო, ერთი იმათგანი ჩამოვიდა, კლდეზე დაიჩოქა, იქიდგან გადაენაფა, მტკვრის წყალი დალია, და როდისაც აღიმართა, დახედავდა რომ იმის მუხლს კლდე გაერღვიაო. თუმცა ეს ზღაპართ სიტყვაობა არის, მაგრამ დღევანდლამდინ იმ გზას. „დევის ნამუხლს“ უძახიან. სჯობს სწორეთ გავარჩიოთ რაისათვის უძახიან დევის ნამუხლად.

იმ ხეობის დასაწყისი გზა, მეტად მაგარი და ვინრო შესავალი გზა არის; სამხრეთის მხრიდგან ამ ვინროსა გზასა დიდი ფრიალო მთა წამორქვენილსავით ადგას და ჩრდილოეთის მხრისაკენ, იმას გზას კარგათ ქვევით ძირში, მტკვარი გამოეველება, მაგარს კლდეზე მომდინარე საიდგანაც ფრიალოდ გადაჰყურებს ეს გზა, იმ მიმჩქეფარეს მტკვარსა. ეს გზა დიდი კლდიანი ადგილი ყოფილა, რომელსაცა შემძლეს კაცსა ვისმეს გაუკეთებია და ერთი საურმე გზა ძლივს გაურღვევია. მაშინ ამაზედ უთქუამთ. „ის კაცი სწორეთ დევია, რომ ამისთანა დიდი კლდე გაარღვია და საურმე გზა გააკეთაო.“ შემდეგ ეს სიტყვა დევის ნამუხლად გაკეთებულა. მგონია ეს ასე უნდა იყოს? –

ახლა მცხეთის ქალაქისთვისა ვთქუათ და კიდევ სხვა.

ზოგი იტყვის მცხეთის ქალაქი მცხეთოსმა დააფუძნაო და ზოგნი იტყვიან პირველად მესხნი მოვიდნენ და იმათი სახელი მცხეთად გაკეთდაო. არცერთს ამას, მე უარს არა ვყოფ, მაგრამ მეც ჩემს აზრს ვიტყვი რაისათვის უწოდებიათ მცხეთა თავდაპირუელ. რომელიც რომ თავდაპირუელ კაცი მოსულა ჩავარდნილს ცხელს მთის

ძირში, მაშინ მგონია ადგილობის და ჰაერის მიხედვით, დაერქმიათ: ცხელმთა და ბოლოს გაკეთებულიყოს: მცხეთა? – ეს ჩემი შენიშვნა არავინ უნდა ითაკილოს – უნდა კარგმა გამომძიებელმა, ღრმათ გამოიძიოს. რადგან ძველად, ჩვენში ჩვეულება ყოფილა, რომ სადაც ახლად დადგებოდნენ და შენობას ჩამოაგდებდნენ, რაც იმ ადგილს თვისება ჰქონდა, იმ ადგილის თვისების სახელს უწოდებდნენ, მაგრამ ზოგიერთსა შეცვლით, სახელს გაუკეთებდნენ. ვინაიდან გლეხური ლაპარაკი უფრო სხვაგვარი მდაბალი ლაპარაკი არის თავადების ლაპარაკთან. ვითარცა: სოფელი მუხრანი. ამ სოფელს მუხრანი კი არ უნდა ერქუას, მუხნარი უნდა ერქუას, ამისთვის რომ დიდი მუხებიანი ადგილი გაუკაფამთ; იმ მუხებიანს ადგილზე სოფელი გაუკეთებიათ და დაურქმევიათ, მუხნარის მაგიერათ მუხრანი. ვითარცა: სოფელი ავჭალა<sup>1</sup>; ამისათვისკი სწორე სახელი დაურქმევიათ იმ ადგილზე წვრილმანიანი ჭალა ყოფილა ნადირებით სავსე და ამის გამო იმისათვის დაურქმევიათ: ავჭალა; რომლებიცა სულ ერთიან საქართველოს სოფლები და ქალაქები, ადგილის თვისებისამებრ წოდებულა იმათი სახელი სწორეთ ასე. იქნება ასეც იყო, რომ როდისაც მესხნი იქ დასახლდნენ პირველათა, იქ შენობა იყო და ერქუა: მცხეთა. ცხელმთიდგან გაკეთებული? – ეს მეორე ფაქტით ცნობილი რომ არარის, ამისთვის ეს მართალი არ გვეგონება. მაგრამ: მცხეთოსმა რომ პირველათ მცხეთა გააკეთაო. ეს რა თქმა არის? – ის მცხეთოსი თუ რომ მართლა მცხეთოსი არ იყო? – უთუოთ ქართუელი იქნებოდა ვინმე იმის დამაფუძნებელი, რომელსაცა ადგილობის მიხედვითა უთქუამს: ცხელმთა და ბოლოს დარქმევია: მცხეთა? –

*ვითარცა ტფილისი, აბანოების თბილის ნყალის მიზეზით დაურქმევიათ ტფილისი და კიდევ სხვანი. ისე მცხეთა უნდა იყოს.*

თავისდროზედ მცხეთა, დიდი და მშვენიერი ქალაქი ყოფილა. კარგი მატემატიკი რომ იყოს, შეიტყობს რამდენი მცხოვრები მდგარა, თუმცა ნამდვილად და სწორეთ ვერ აღრიცხავს, მაგრამ ცოტას შეცდომილებას მოახდენს. სივრცე უნდა აღრიცხოს, რაოდენს ადგილზე მდგარან და იქიდგან შეიტყობს.

*მაგრამ ადგილიც უნდა გაჩხრიკოს, დიდი კაცები სად იდგებოდ-*

<sup>1</sup> ეს მუხრანი და ავჭალა იმისთვის მოვიხსენე, რომ მცხეთაზე უფრო მახლობლად არის.

ნენ, მოქალაქეები სადა და მდაბალი ხალხნი რას ადგილას და ამათ ყოველთა თავთავისი ადგილი რაერთი მოუნდებოდათ. ქალაქი ესე ნარეკვავიდან დაწყებული მდინარე არაგვის მოახლოვოდ [...]რაოდენ სივრცეზე მდგარან, მაგრამ საჭიროდ არა ვრაცხ ამისთვის, რომ მრავალთ იციან [...]

ამ ქალაქსა ერთი სავაჭრო ადგილი ჰქონია, სახელათ ქულბაქი, სადაც დანიშნულს დღეზე მთელი ივერიანელები იქ შეიყრებოდნენ და ყოველი სავაჭრო იქ გაიყიდებოდა, ივაჭრებოდა სყიდვით თუ გასყიდვით. მდებარებს დევის ნამუხლართან დიღმის მინდორში მტკვრის მოახლოვოდ, რომელსაცა ახლა ჰქვიან ნაქულბაქევი, ესე იგი: ნაბაზრალი.

მინამ ეს ქალაქი მცხეთა სრულიად აჰყვავებული იყო, სხვა ქალაქი მეტოქეთ არა ჰყვანდა, მეფეებს თავიანთი სვეტი იქ დაფუძნებული ჰქონდათ, მინამდისინ ივერიაც სრულიად აჰყვავებული და ბედნიერი იყო და არც გარეშე მძლავთა მტერთაგან ეშინოდათ. როდისაც ვახტანგ გორგასლანმა შენობა დაუნყო ტფილისს, მაშინ ივერიის მეფეებს მკვიდრი სვეტი მოეშალათ დედაქალაქსა შინა, ხან სად ჰქონდათ ცხოვრება და ხან სადა. თვით ვახტანგ გორგასლანცა ცხოვრობდა უჯარმასა. ამის გამო მცხეთა შემცირდა და ველარც ტფილისი გააშენეს რიგიანათ. ივერიანელებსაც და თვით მეფეებსაც მცხეთის ქალაქზე ჰქონდათ გული. რომ იგი არ დამდაბლებულიყო. ქალაქ ტფილისისა ხომ სრულებით არას ინაღვლიდნენ; იყო სადმე თუ არა, სრულებით არ იცოდნენ. მხნე, გონიერს და ვაჟკაცს მხედარს ენა რომ მოსჭრან და თვალები დასთხარონ, იგი შეიძლებსლა რასმე? ისე დედაქალაქის ნახდენა და დამდაბლება არის ხალხისთვის. თამამათ ვიტყვი, თუ დედაქალაქი არ დამდაბლებულიყო, ივერიანელებისათვის დედაქალაქი არ მოეშალა ვახტანგ გორგასლანსა, ვერაოდეს არ მიიტაცებოდა და ივერია უფრო წარმატებაში იქნებოდა მაინც, რაც უნდა ძალა დასტანებოდა მტრისაგან.

ვახტანგ გორგასლანის განძრახვისამებ, ის ქალაქი მცხეთა ახლა გამქრალია, ესე იგი ერთს პატარა სოფლათ გადაქცეული, ქალაქ ტფილისის შენობის გამო რომ პირველად იმან დაიწყო ტფილისის აშენება, რომელსაცა აღმოსავლეთის მხარეს მდინარე არაგვი ჩამოუდის, სამხრეთით მტკვარი და ორი ესე მდინარენი იმ მცხეთის



სოფლის ბოლოს ირევიან ერთმანეთში.

კარგა მზემ რომ ამოიარა, მცხეთას მივედით და სვეტიცხოვლის ეკლესიის გალავნის კარების წინ გადავხტით. გალავანი შევიარეთ, მღვდელს ეკლესიის კარები გავაღებინეთ და ვრცელს ეკლესიაში შევედით.

სვეტიცხოვლის კვართის საუფლოს წინ პარაკლისი ვახდევინე მღვდელსა. შემდეგ პარაკლისისა, სადაც წმინდა მირონის ადგილია, იმის წინ დავემხე *შუბლი იმის ნიშნის პირზე დავდე მტვერში და ჩემს გულში ამას ვიტყვოდი ცრემლით: გულმხურვალეს ცრემლით, ამ სიტყვით ჩუმათ. „იესო ქრისტეც ძეო მლთისაო! ჩვენთვის ჯუარსცმულო, მიიღე ტანჯვა ძნელი და ჯვარზე წამება, რომ ჭეშმარიტი სარწმუნოება მოგენიჭებინა ერისათვის და იგი სარწმუნოება არს ზეციური კეთილი რჯული, საიდგანაც გადმოიტანე და უქადაგე ერსა, ამისთვის მტარვალთ მიგიყვანეს და ჯვარზე გაცვეს შენ – ჩუენის კეთილის სარწმუნოების მოსანიჭად. მაშინ როდესაც რომ შენს ტანისამოსზე წილი განიგდეს და განგებითა კვართი შენი ერგო ქართუელებსა, ივერიანელს, სახელით ელიოზს, სადაც ამ სვეტის ძირში დაფლულია ის, საიდგანაც მის კვართიდგან წმინდა მირონი ამოდიოდა ამ ადგილზე და სადაც ეხლა შუბლი მიძევს ძეო მლთისაო მამისაო! შენ გევედრები, უცხოებიდგან მოსვლა მაღირსო და სვეტიცხოვლისა ამის თაყვანის ცემა, შენი ქართუელები შეინყალო და შენი მოწყალება მოილო უბედურებზე, თუნდა მე ათას მთას იქით ვიყო გადაგდებული.“*

კვართის საუფლოს სვეტიდგან მამი თქვენის მეფე ირაკლის საფლავთან მივედი, გულმტკივნეულად იმას თაყვანი ვეც და გულითადის სურვილით ვემთხვიე. დიდათ შესანუხებელი არის, რომ წამდვილათ და სწორეთ ვერავინ ვერ იცნობს მეფე ირაკლის. მეფე ირაკლი დიდი ისტორიის ღირსი ბძანდება... და დიდ კაცებთა შორის ადგილი აქვს იმას, აღირიცხოს! მერე უბედურს თქვენი ძმის მეფის გიორგის საფლავს. უბედური მეთქი, მაგრამ მეფე ირაკლიც კი ასე.

ამ ვრცელს ეკლესიაში თვალი მოვავლე, ერთი მარმარილოს საფლავის ქვა ვნახე ჩაზნექილი და დამტვრეული იყო ანბიონის ცოტა მოშორებით; ღვდელსა ვკითხე იმის დამტვრეულობის მიზეზი, რომელმაცა ამოიოხრა და მასუკან მითხრა.

– „აი, საქართველოში რა საშინელი დრო ყოფილა! როდისაც

გალმამხრის კახეთი გალექებულია, მაშინ რამთენიმე გალექებულნი ქართველნი წამოსულან, ამ განძრახვით აქაური მხრის ხალხნიც მიიზიდონ; ამ დიდს ეკლესიაში რომ შემოსულან, ერთს იმადგანს მოუნდომებია ამ ქვის ამოღება, რომ ოსმალოს დიდკაცს მიართოს ფეშქაშით. ხელი დაუვლიათ გადასაბრუნებლათ; რამთენიც ცდილან, ვერ გადაუბრუნებიათ, ამაზედ ერთს გაჯავრებულს დიდი ქვა შემოუტანია, დაუცია და ასე დაუმტვრევია როგორც ეხლა ხედავთო.“ რომელმაცა იმ მღვდელზე მეც ნაკლებ აღარ ამოვიოხრე. და გულმტკივნეულმა ვკითხე.

—ეს საფლავი ვისი უნდა იყოს?

—წარწერა არ ჩანს, ვისი უნდა იყოს, ამისთვის, რომ მეტათ ძველია, მაგრამ როგორც გამიგონია, მგონია, მეფის ვისიმე უნდა იყოს.

გალმამხრის კახეთის გალექების დროს, დიდი საშინელება ყოფილა საქართველოში, რომელმაცა თქვენ უფრო კარგათ იცით ჩემო უგანათლებულესო მშობელო, მაგრამ როდესაც ყმანვილს კაცს მეფეს ირაკლის თავი ეცნა და ის საშინელება დაენახა საქართველოზე, მაშინვე თავგადადებული ამხედრებულიყო, ლეკნი გაერეკა, კახეთი ისევ გაექრისტიანებინა, საქართველოსათვის თავისუფლება მიეცა და შემდგომ დიდს ანტონი ქათალიკოზს ვრცელი ესე ეკლესია ისევ გაეპატიოსნებინა, ლეკების და გალექებულის ქართველებისაგან, საჯინბოდ შეცვლილი და ცხენების ნეხვით სავსე. რომელშიაც ქრისტიანობის სარწმუნოება აღედგინა ისევ. ყოველი უწმინდურება მოესპო, ტრაპეზით და კანკელით მოერთო, სარწმუნოება ისევ ისე განეახლებინა მას ვრცელს და მაღალს ეკლესიაში, როგორც ადრითვე. თუ დაწვრილებით აღვწერო ქ. ტფილისიდან მცხეთამდისინ რაც ძველათ შემთხვეული გარემოებანი მომხდარა, მეტათ ვაგძელდება. ამისთვის საერთოთ ვიტყვი და მოკლეთ.

საქართველოში ერთი ნაბიჯი ადგილი არარის, რომ ღირს სახსოვარს ისტორიას არ ეკუთვნოდეს! საითკენაც კაცმა მიიხედ—მოიხედოს, ყოველს ადგილზე საკურველი ამბავი მომხდარა! სიმწარე, თუ სიხარული!

ეს სვეტიცხოვლის, კვართი საუფლოს ეკლესია დიახ დიდი არის, სივრცით და სიმაღლითაც, მაგრამ ძველს დროებში უფრო ბევრით დიდი ყოფილა ახლანდელს ეკლესიაზე; სიგანითაც, სიგძითაც და სიმაღლითაც, მაგრამ ჩინგისხანი რომ შემოსულა იმას შეუმუსრავს

და საფუძვლამდისინ დაუყვანია.

შემდეგ საქართველოს პირველმა ალექსანდრე მეფემ ასე გააკეთებინა, როგორც ესლა ვხედამთ.

უკანასკნელად სვეტიცხოველს თაყვანი ვეცი, მერე დაღონებულ-ლი გამოვტრიალდი და წამოველ. მაგთენი ხანი არა გამოვიდა რა, ბრიჩკამ საჩქაროთ მიგვიყვანა ღართის კარში, სადაც ცხენების გამოსაცვლელი ფოშტა არის. იმის წინ ბრიჩკიდგან გადავხტით და კარგს ფოშტის სახლში შევედით. მაგთენი ხანი აღარა გამოვიდარა თავადი ალექსანდრე სუმბათოვი და იმისი ცოლი სოფიო მოვიდნენ ქ. ტფილისიდგან და მითხრეს.

– „შენ ხომ წუხელის წამოხუელ, მაგრამ აი ჩუენც როგორ ჩქარა მოგეწიენით, მაშინ როდესაც რომ დღეს მზე რომ ამოვიდა მაშინ გამოვედით ქალაქიდგან.“

ჩვენ როგორიც ძნელი გზა შეგვემთხვა და ან როგორ ძნელად მოვდიოდით, ყველა უანბე. მასუკან ფოშტის ცოტა ქვევით დაბლა ჭალა არის, იმის ერთს ხის ძირში სადილს გაახელით, სადილს უკან ყველანი დაიფანტნენ და მე და სოფიო დავრჩით რომელმაცა მითხრა.

– „მე თქვენი ცოლის ეკატერინესი სამრიგათა ვარ მადლობელი, პირველი ამითი, რომ დიდათ უყვარვარ და მეცა იმისთანა სიყვარული მაქვს იმისი; თითქმის უფრო მეტათაც მიყვარს მე ისა. მეორე ამითი რომ ჩემი ნების ქმარი შემერთო, რომელსაცა დიდის სურვილით უყვარვარ და ეგრეთვე მე ის. და მესამე ამითი რომ თქვენ ჩვენი მეგობარი ძმა ბძანდებით. ამის ნიშნათ ჩემს ფირუზის ხელთას მოგართმევთ ურთიერთის ჩვენის ძმობისას.“ თავის მშვენიერის სპეტაკის ხელის შუათითიდგან გამოილო და მე ნეკზე გამიკეთა. ის ხელები და ჩემი ეკატერინეს ხელები, ერთგუარი ხელები იყო ორივესი, ერთი ფერი თეთრი და თანა სწორე ტოლებიც. მე და იმის ქმარი ბევრჯველ გაუჩხრეკდით ორსავ ხელებს, ბოლოს მე ჩემს ეკატერინეს გადუეკოცნდი და ის თავის სოფიოსა.

მე მადლობა გადავიხადე და შემდეგ უთხარ.

– მე დიდათ მოხარული ვარ სრული ბედნიერი ბძანდებით თქვენს ქმართან. ეკატერინეს სიყვარულს რომ ამბობთ, საკვირველი არარის, ამისთვის რომ ჯერ იმის მიზეზით მოხდა თქვენი ცოლქმრობა და მერე თქვენი ქმარი, იმის ბების ძმის შვილი არის ე. ი. ეკატერინესი, მესამე, თქვენი უფროსი შვილი გიორგი ჩემი

ნათლულია, და ამ მიზეზებით, რასაკვერელია დამოკიდებულება უნდა გვექონდეს ჩუენა.“ აქ განყვიტა ლაპარაკი და მასუკან სხვა დაინყო დაღონებით. – „თუმცა დიდათ მინდოდა, ნუხელის მეც თქვენსა ვყოფილიყავ, მაგრამ ეკატერინეს საცოდაობას მოვერიდე. ეკატერინეს მწარეთ შენუხებულს რომ ვნახამდი, ტირილით მოვეკვდებოდი.“ ამ სიტყვასთან მსხვილი ცრემლები გადმოყარა, მშვენიერის ჭროღას თვალებიდგან, მშვენიერს მრგვალს თეთრს პირზე და ამასთან უნდა რალაც ეთქუა, მაგრამ მე აღარ დავაცალე.

– „ჩემო დაო სოფიო. კარგი მოხდა იქ არ იყავ. მე როგორც კაცი, გული გავირკინე, მაგრამ ეკატერინევი ვაებაში იყო. კარგი მოხდა იქ არ იყავ ჩემო დაო.“

– „ვიცი, ვიცი აგრე იქნებოდა.“ იმან მითხრა და მასუკან კიდეც გადმოყარა მსხვილი ცრემლი თუალებიდგან. ბოლოს როცა მოიმზრალა, ასე მითხრა შეინროებილის გულით.

– „ხშირათ ვიქნები მე ეკატერინესთან; ყოვლის ღონით ვეცდები იმის სიამოვნეს დაკმაყოფილებას.“ მე ამისთვის დავალეებითი მადლობა განუცხადე. ამ დროს სოფიოს ქმარი მოვიდა და გვეკითხა. რას ლაპარაკობთ? სოფიომ ყველა უანბო. ამაზედ აღექსანდრე ცრემლით გადაამეხვია.

– „ახ, საყვარელო ძმაო აღექსანდრე! სანამ პირში სული მიდგას, არც შენ და არც ეკატერინეს არ დავიგინებთ. ეხლაც შენის გულისათვის წამოველ, კიდეც მენახე ღართის კარის ფოშტაში, თორემ ერთს კვირას უკან ვემზადებოდი სოფლისაკენ წამოსვლას.“ ამ ლაპარაკში, ცხენებშებმული ბრიჩკა მოიტანეს და ჩვენ წინ დააყენეს.

ჩემო მშობელო ბატონიშვილო დედაე! რადგან თქვენგნით ნაბძანები მქონდა, კოცნით ნურავის გამოესამლებიო, ამისთვის მხოლოდ თავიდაუკარ და სიტყვით გამოვესალმე. მერე უკან ბრიჩკაში ჩავჯექი თქვენებურის გარკინებულის გულით დედაე! როგორიც მაგალითი თქვენ მე მაჩვენეთ, სწორეთ იმისთანა გულით, მაგრამ აღექსანდრე და სოფიო კი ცრემლით იღვრებოდნენ.

ბრიჩკა სწრაფათ მოაბრუნეს შარაგზაზედ და შემდგომ რუსეთისკენ მივრბიოდით კურიელის ცხენებითა, რომლებსაცა იემშიკი დასძახოდა შოლტნის ქნევით ზედა: ნუნუუუ, პაშოლ, – პაშოლ სკარეი. და სხუანი...

ეს ღართისკარის ფოშტა ის ადგილი ვახლავსთ, ოდესმე თარხან დიდმოურავმან საქართველოს მეფეს რომ უმუხანათა, ყიზილბასში ჩავიდა, ყიზილბასის ხელმწიფეს მძლავრი ჯარი გამოსთხოვა. „ნავალ, მთელს საქართველოს მცხოვრებთ ავყრი, ყიზილბასში გადმოვასახლებო და თუ არ დამმორჩილდებიან, სულერთიან მუსრს ვავაველეფო.“ ამ განძრახვით დიდი ჯარი გამოატანა, მოვიდა და ამ არემარეში ჩამოხტა. ამ ამბის გამგონენი მთელი საქართველოს მცხოვრებნი აიყარნენ და ჩვეულებისამებრ სიმაგრეებში შევიდნენ.

საკვირველი არის. თუ საქართველოს შვილები ხელს აიღებენ საქართველოზე და მტერს მიეყრდნობოდნენ, მაშინ უხილავი ძლიერება ჰფარავდა საქართველოს და თუ საქართველოს შვილებს ძლიერება ჰქონდათ, მაშინ უხილავსა ძალასა ხელი ალებული ჰქონდა საქართველოზე. ამასა ზედა ბევრი დამტკიცება მაქვს, მაგრამ მეტათ ვავრცელდება ლაპარაკი, ამისათვის ეს უკანასკნელი ვიკმაროთ მის დიდმოურავისა ამბავი.

დიდმოურავი ჯარით რომ შემოვიდა, მაშინვე საქართველოს მცხოვრებნი დაიმაღნენ. მიკვირს, რისთვის იმალებოდნენ? მაშინ, როდესაც რომ, რაც მოურავს ყიზილბასის ჯარი ჰყვანდა, ერთი ორათ უფრო ბევრი მოიკრიფებოდა მთებში და საქართველოში ყიზილბასზე უფრო ვაჟკაცნი და უფრო ომის მონადინენი, რომელთაცა ქართველებმაც კარგათ იცოდნენ, მაგრამ რიგიანი მოთავე რომ არა ჰყვანდათ, ამისთვის ქართველებმაც აღარა დასდიესრა. და ან უთავოთ ფეხებმა რა უნდა ქნას. აჰა, ძლიერება ჰქონდათ ქართველებსა, მაგრამ უხილავმა ძალამ გონება დაუხშა. ხელი ალებული რომ ჰქონდათ, ამისათვის გონება დაეხშათ და ახლა, როდესაც რომ საქართველოს შვილები მფარველად აღარ ჰყვანდა საქართველოს, მასკვან უხილავი ძალა შეიქნა საქართველოს მფარველად. საღამო ჟამზე დიდმოურავი კარავში რომ შევიდა და მოსვენებას მიეცა, მაშინვე სრულის გონიერებით იფიქრა. დიდმოურავი თუმცა გათათრებული იყო და ამით მეორეთ ამხედრდა საქართველოზე, მაგრამ ამ დროს ღმერთმა სხვა ფიქრი მიანიჭა.

– ღმერთო ჩემო! მიკვირს, რასა ვშვრები და ან რა განმიძრახავს. საქართველოს ქრისტიანნი შვილები უნდა ავყარო! და თუ არ დამმორჩილდნენ უნდა კიდეც მოვსრა! მე ვინა ვარ, თუ არ იმათსავით საქართველოს შვილი და ან იმათსავით ქრისტიანი? – ჩვენ ქართ-

ველებს მაგიერათ ვინ მამიყვანია, რომ ეს მაჰმადიანნი საქართველოში დაეასახლო და მე საძაგელმა ჩვენი მშობელი მამული უცხო თესლთ მივცე? რისთვის? მეფის მცირეს სამღურავისათვის, რომ ჩვენს მშობელს მამულში სხვანი დასახლდნენ და ჩვენ მაგიერათ უცხო თესლნი დღესასწაულობდნენ საქართველოში? ოჰ, გულით და სულით მდაბალო დიდმოურაო! ვინ გეძახის დიდს მოურავს შენა? ახლა ერთის უკანასკნელის მენახირობის ღირსიც აღარა ხარ, არამცთუ მოურაობის, რომ ყიზილბაშთ ემსახურები და იმათ სასიამოვნოს და სასარგებლოს საქმეს შვრები? ღმერთო! მამიტევე შეცთომილება, რომ ჩემს მშობელს მამულს ვყიდი, მაგრამ თუ აწვე არ დავიფარო ან ეხლავ არ გამოვიხსნა, შუა ჯოჯოხეთიც ცოტა იყოს ჩემთვის.

ამასთანავე დიდმოურავმა თავის საკუთარი შინაყმანი გაისტუმრა საიდუმლოთ საქართველოს დიდკაცებთან; ამათ მეფე მოიბირეს, სწრაფათ საქართველოს ჯარები შემოიკრიბეს, ყიზილბაშებს მოუხდნენ, დიდმოურავიც ამათ მოემხრო და ასე განწყვიტეს ყიზილბაშის ჯარი ამ არემარეში, რომ მოანბეც ველარ გავიდა. ამით დიდმოურავმა ისეთი ადრინდელზე უფრო დიდი კაცობის სახელი მოიპოვა, ვითარცა იცით! და მამული გამოიხსნა თავის მიერ დანთქმისაგან.

მინამ მზე ჩავიდოდა, დუშეთში მივედით, მინამ ჩაის დავლევდით, მზე სრულებით ჩავიდა, შემდეგ გავსწიეთ, მინამ კარგა დალამდებოდა ანანურს მივედით. ანანურის ამბავი ხომ ცხადია, ქსნის ერისთავს და არაგვის ერისთავს ერთმანეთში რა მოუხდათ? –

ქსნის ერისთავმა მაგიერისათვის მეტათ და დიდათ გადაახდევინა არაგვის ერისთვიანთ. ასე უწყალოთ არ უნდა გამოემეტებინა ერთის ქალის შეურაცხყოფისათვის. პირველად ჯერ მეფე ჰყვანდათ, უნდა იმისათვის ეცნობებინათ და თუ იმას სამართალი არა მიეცა რა, მაშინ ერთი ორათ მიეგოთ მაგიერი, რომელიცა ბევრს შემთხვევას იპოვიდა და არა ასე უწყალოთ მოჰქცეოდნენ, მაგრამ მაშინ ფეოდალიზმი ასე განძლიერებული იყო, რომ რაც უნდოდათ, იმას შვრებოდნენ. ქსნის ერისთვიანთ მარტო არაგვის ერისთვიანთ არ უყვეს ამისთანა უწყალოება. ამითი ლეკებმა საქართველოს ყოველი გზები და ადგილები კარგად ისწავლეს; ამაზედ შემოეჩვივნენ და საქართველოს ოხრება დაუწყეს. რომელნიცა შემდეგ

თვითონაც დიდათ ინანდნენ ლეკების მოყვანას, მაგრამ რაღა გაეწყობოდა. გაუფრთხილებლად მუშამ ჭურჭელი გატეხა და რაც შიგ წმინდა წყალი იდგა, სულ დაღვარა. სანატრელმა მეფე ირაკლიმ, ქართლის და სომხეთის მეფობაც რომ მიიღო, ქართლის და სომხეთის თავადებს თვალი შემოავლო. ნახა, რომ ვერც სიყვარულით მოიბირა იგინი და ვერც წყალობით, რაც ძალა ჰქონდათ, კიდევ ის უნდა ჰქონიყოთ და რაც ექნათ, კიდევ ის მოინდომეს. ჯერ მეფე ირაკლიმ განიძრახა, ძლიერებით მოექცია იგინი, მაგრამ საქმეს დახედა, რომ არ შეიძლებოდა. ამისთვის ხელოვნობა იხმარა. ჯერ საიდუმლოთ კაცები შეუჩინა და ერთმანეთში სამდურავი ჩამოუგდო, მასკვან ერთიერთმანეთზე დააჩვილა თავისთან, მერე ერთს წაართმევდა ყმასა და მამულს, ანუ ხელობას, რაც კი ჰქონდათ და მეორეს მისცემდა. ამაზედ წაეკიდნენ და ერთმანეთს აღარ მიენდვნენ და ამისათვის ყველამ მეფეს მომართა. ამის გამო მეფე ირაკლი მათზე სრული ბძანებელი შეიქნა და თავის ნების ქვეშა დაიმორჩილა.

აქ ანანურში ვახშამი ვიგემეთ, ვახშმის შემდეგ ბრიჩკაში ჩავსხედით და გავსწიეთ. თან ერთი ცხენიანი ყაზახი წავიმძღვარეთ წინ, რომ ბნელი ღამე იყო და გზა არ შეეშალა იემშიკსა. ნახევარ საათის გზა არ გამოგვევლო, ბრიჩკის უკან, მარჯვენა თვალი დაიღენა, რომელიცა არცმაგთენი მაგარი ჩემი ხუთთუმნიანი ბრიჩკა იყო და არც კარგა მოდიდო, რომ იემშიკით, ჩვენ ხუთნი, ჩვენი ბარგით ერთათ ეზიდა. თუმცა შევწუხდით მაგრამ რაღა გაეწყობოდა. მინიცკიმ საჩქაროთ ყაზახი დააბრუნა და ორი ფოშტის პოვოსკები დაიბარა; პოვოსკების მომლოდინეთ, მივწექით და თავი ძილს მივეცით.

ალიონმა რომ აინია, წამოვჯექე და ზეცას შევხედე.

ზეცისა სამყარო დაწყებოდა, ვარსკვლავნი სინათლესა ჰკარგევდენ და ზეცისა სფერა ბუდიდგან გამოიხედებოდა. თუმცა ზეცას, თალხი გულისპირი გადაეხდებოდა, მაგრამ ნაცვლად ამისა სამხიარულო ციაგი მიეფინებოდა და დილის მარაოსა უგერებდა ქვეყანასა. ამ სასიცოცხლოს ჰაერისა ჟამსა კიდევ გათენდა და ყოველი საგანი დავინახე, შიგ შესასვლელი დიდი ვიწრო ხეობა, რომელსაცა აქეთ იქით დიდრონი მთები წამოსდგომოდნენ ტყით შემოსილი და ფოთოლნი ღამაზათა შრიალებდენ წყნარის ნიავითა,



სადაც ტყის ჩიტები ჭიკჭიკობდნენ საამოთა. მარჯვენა მხარეს ტყეში, ვილამაც მთიელმა დახილი შექნა.

– „ბერუაავ, ბერუაავ. ეეეი ბერუაავ. არ გესმიის? ვაჟობერუავ სად დამეკარგე? ცამ ჩაგყლაპა თუ ქვეყანამ ბერუაავ? – აბაიმე. ბიჭო ბერუაავ. დაგწყევლოს ღმერთმა ბერუაავ. მგელმა შეგჭამა თუ დათვმა ბერუაავ. ეხლა რომ ჩამივარდე თავს მოგჭრი შე ძაღლის ნაყოლო ბერუაავ. იალბუზის ეშმაკმა წაგილოს რომ აღარ გამოჩნდე ბერუაავ.“ იმის ყვირილს მთებიც იმას ხმას აძლევდნენ და მოთმინებისაგან გასული დაჩუმდა.

ამდროს ჩემა ამხანაგებმაც გაიღვიძეს, ჩაიდნისათვის ცეცხლი ავანთებინეთ ჩემს მოსამსახურეს, რომლებსაცა დილისაგან ცოტა შეციებულთ მეტათ გვიამა ცხელი ჩაი. ჩაი რომ დავლიეთ, მზე ამოვიდა, ფოშტიდგანაც ორი პოვოსკები მოგვივიდა და თან ფოშტის ზედამდეგი მოჰყვა. რაც ბარგი ბრიჩკაში გექონდა, ორ პოვოსკაში გადავანყევით; გატეხილი ბრიჩკა მინიცკიმ ფოშტის ზედამდეგსა ჩააბარა და ამასთან მეც ფული მივეცი რომ ქ. ტფილისში უნდა გაესტუმრებინა. შემდეგ მე და მინიცკი ერთს პოვოსკაში ჩავსხედით, გადამდგარი პორუჩიკი კაროვნი და ჩემი მოსამსახურე მეორეში; გავსწიეთ, და ახლა უფრო სუბუქად ვირბინეთ. აქამდისინ ერთი პატარა ბრიჩკის დიშლაზე შებმულის ზარის ნკარანკურით მოცული იყო ის ხეობა, და ახლა ორი პოვოსკის ზარების ხმიანობამ, უფრო მოიცო ის ხეობა.

მაგთენი გზა არა გაგვივლიარა; ავდრის გამო მკვირცხლ მომღვრიოს არაგვის პირზე, დადიოდნენ რამთენიმე მთიულეები და ბარჯებით ორაგულსა ნადირობდნენ.<sup>1</sup> ერთს თეთრს წვერას, მარჯვენა მხარზე შუბი გაედო და სამთითიანი რკინა ბოლოზედ ჰქონდა გაკეთებული, რომელსაცა ჰქვიან ბარჯი. მარცხენას ხელით გძელი ნკეპლა ეჭირა; რომელს ნყალში და ადგილას ორაგული ეგულვებოდა, ის ნკეპლა, იმ ნყალში ჩამოუტარა და თვითონაც თან მიჰყვა მაგრამ ამდროს არ შეხვდა. მასუკან ჩვენ რომ დაგვინახა, დაიძახა – „ღმერთო! იმ მგზავრების ბედო.“ ამ სიტყვასთანვე გამოეკიტა და კარგა შორს მიჰყვა. ერთს პატარა მორევეთან რომ ჩავი-

<sup>1</sup> მთიულეებმა იციან, ზაფხულში რომ არაგვი აიძვრევა ავდრისგამო, ჩამოვლენ და ორაგულს ინადირობენ. რადგან სიმღვრივის გამო ველარ ხედავს ორაგული, ამისთვის უფრო ადვილად იჭერენ.



და, უეცრად შედგა და წკეპლა გააჩერა. ამდროს ბარჯი მოიმარჯვა წკეპლის პირდაპირ მორევში დასცა და ორაგული ზევით ამოაგდო. წკეპლა და ბარჯი ხმელზე გადმოყარა; თვითონ ორაგულს გადაანვა და ვეება ორაგული წყალიდგან გამოიყვანა. ჩვენ პოვოსკა დავაყენებინეთ, ჩემი მოსამსახურე გავგზავნე და იმ თეთრ წვერიანს კაცსა ჩვენთან მოვატანინეთ ორაგული. მინამ ჩვენთან მოვიდოდნენ, რაღასაც ელაპარაკებოდა ჩემს მოსამსახურეს ის თეთრწვერა და გვანდა რომ ჰკითხამდა რასმე?

ორაგული ჩვენთან მოიტანა, წინ დაგვიგდო და ფორთხანი შექნა, დავხედეთ, წელი ჰქონდა ჩაპობილი. მე ქისა ამოვიღე, მიხლოდა ორი მანათი მიმეცა, მაგრამ ამაყის სიტყვით მკითხა.

– „ქისა“ რად გინდა შენი კვნესამე?“

– „ორი მანათი მინდა მოქცე მეთქი.“

თავი გაიქნია და დაღონებით მითხრა.

– „აბაიმე. შენ მეფე ერეკლეს ქალის შვილი იყო და ფული გამოგართო? – ღმერთს რათ მიწყრომებ შენი კვნესამე?“ ამ სიტყვასთან თავი დამიკრა, გატრიალდა; თვალებზე ხელი მიიფარა და სწრაფათ წავიდა. რამთენიცი უძახე დაბრუნებულყო, მაგრამ უფრო და უფრო გასწია. „შენი სახელი მაინც მითხარ. ვინახარ მეთქი?“ მაგრამ ვერც სახელი ვათქმევინე ვინ იყო.

თუმცა ორაგული ჩემს მოსამსახურეს თან წამოვადებინე, მაგრამ იმ კაცის ქცევამ შემანუხა და ვნაღლობდი ჩუენის ქვეყნისათვის. ცოტა გზა რომ გამოვირბინეთ დაღონებულმა, ხეობას ცოტა გაშლილი ველი იყო, ზოგიერთი მოხევენი იმაზედ ცხოვრობდენ, საიდგანაც იმათი სახლები გადმოკიდებულსა გვანდა და თვითონაც სახლებს წინ რომ ისხდნენ, ასე გვეგონა დიდრონი ფრინველები არისო.

სწორესა და შარა გზაზე ჩვენი პოვოსკები სწრაფათ მორბოდნენ. ასეთისა სიარულით არსად არ შევდექით და ფასანაურის ფოშტაში გადავხტით. აქ მინიცკიმ პოვოსკები ჩქარა მოამზადებინა, ჩვენც საჩქაროთ ბარგი გადავანყეთ შიგა, მერე ზედ დავსხედით ბარგზე და ეგრეთისავე სირბილით გამოვსწინეთ ხეობაში, სწორედ გზაზედვე და კაიშაურის მთის ძირში მივედით, რომელსაცა ჰქვიან ქვეშეთი. მინიცკიმ მითხრა.

– „მინამ სხვა ცხენებს ვიქირავებდე, მინამ პოვოსკებს მაღლა

ამოვატანინებდე, თქვენ წყნარწყნარა ქვეითი ადით და ზევით მამიცადეთ.“ თუმცა მე არა ვშვრებოდი: მეც მოგეშველებით მეთქი. მაგრამ არაქნა. მასუკან ჩემს მოსამსახურეს ჩამადნიდგან ღურბინდი ამოვალებინე, გამოვართვი და ამ დაჰკიდებულსავით გზის თავზედ ავედი. მგონია ასი ან ორას საჟენი მეტი სიმაღლე ჰქონდეს, ქვეიდგან თავამდისინ ამ აღმართიანს გზასა? – დავჯექ და ცოტა რომ დავისვენე, მერე ავდექ. დასავლეთ ჩრდილოეთისაკენ პირი მივმართე და მიმოვიხედე.

ამ ხეობას აქ დაანყდა ტყიანი ხეობა, და ამას იქით, მარჯვენას მხარეს, დიდნი და უდიდესნი მწვანოვანი მთები დაინყება, ერთი ერთმანეთზედ ფრიალოებით მობმულები და ჩრდილოეთისა მხრისაკენ განვენილ გაგძელებული, რომელშიაც რამთენიმე წვრილი ბილიკები შეივლიდა, რომლებზედა მთიულები თამამათა დადიოდნენ, საიდგანაც გადმოხედვაც ძნელი იყო უცხო კაცისაგან, არამც თუ ზედ სიარული ამ მთებს შორის, საუცხოვო მწვანე ყანები ფიფინებდნენ ნიავის შემწეობით, სადაც მთის წვერებზე თვალი რომ მოვავლე, ერთს კლდის ძირში, ერთი რალაც საგანი დავინახე, საიდგანაც ღურბინდში გავიხედე, რომელმაცა ერთმა კაცმა დაიჩოქა და თოფი მალლა გაუნიშნა, ამ დროს კიდეც გავარდა და მალლა კლდიდგან რალაც ცხოველი გადმოვარდა მოთეთრო და იმ კაცის მახლობლად კლდეში ჩამოვარდა. ის მოთეთრო ცხოველი, მგონია ჯიხვი იყო? მთიელი მონადირე გაექანა და ისიც იმ მომალლოს კლდის შუაში შევიდა, რომელმაცა აქ მე ღურბინდს თავი დავანებე და მალლა შევხედე. დიდრონი გაფართოებული სვავები მალლა ჰაერში მიფრინავდნენ სამხრეთისკენ და მიემურებოდნენ. ეტყობოდათ ველზე სადმე მძოვრს ხედავდნენ. შემდეგ აღმოსავლეთისკენ რა მოვბრუნდი და წინ გადმოვიხედე.

ჩვენ რომ ხეობაში მოვდიოდით, იმის შორის არაგვი მოდიოდა და დიდრონს ქვეზედ მიმომტვრევით და მიმოკლავკენით მირბიოდა გძელსა ხეობაში. ეს მდინარე ქვეშეთთან ჩამოირბენს დასავლეთის მხრისაკენ, რომელზედაც შარაგზის ხიდი არის გადებული, რაზედაც ჩვენი პოვოსკები გამოვარბეინეთ და ქვეშეთში მოვედით, სადაც საქართველოს მიკიტნები სამიკიტნოს ჰყიდნენ; მგზავრებსაც ცხენებს და ხარებს აქირავებდნენ ეკიპაჟის მალლა ასატანათ, როგორც ამის ზევითა ვთქვი. მერე მიმოვიხედე და ყურება დავინყე.

ერთს უდიდესს ბორცვს რომ დავინახამდი, იმაზე უკეთესი აღარ მეგონა და მინდოდა მოუცილებლად იმისთვის მეყურებინა, მაგრამ როდესაც სხვას შევხედავდი, უფრო უდიდეს და უკეთეს რომ დავინახავდი, ხან ერთს შევხედავდი, ხან მეორესა, არვიცოდი რომლისათვის უფრო უნდა მეყურებინა, ასე ერთი ერთმანეთზე უკეთესები იყვნენ, ღრმა ხეობით შემკობილი და პონორამად სანახავი, საიდგანაც ხან დურბინდით ვიყურებოდი და ხან ისე. ამდროს ჩვენი პოვოსკებიც ამოვიდნენ და ჩემს მახლობლად დააყენეს. ჩვენც მაგთენი ხანი აღარ დავდეგით, ნაქირავი ცხენები რომ დააბრუნა მინიციკიმ, ჩავსხედით და გავემართენით.

ეს გზა, გძელს ვაკე აღმართათ შეივლიდა, რომელზედაც ისე სწრაფათ ველარ მოარბენდნენ პოვოსკებსა, როგორათაც ქვემოთ, ამისთვის რომ ოღროჩოღრო ქვებიანი გზა იყო. მაინც შუადღის დროს, კაიშაურში მივედით და ფოშტაში გადავხტით. კარგათ მოშიებულებმა ორაგული ცივათ მოვახარშვინეთ ჩემს ბიჭსა და ძალიან კარგათ მადიანათ შევექეცით, მაგრამ ჩემს ყელში აგრე რიგიანათ ველარ მიდიოდა; რამდენიც ჩუენს ქუეყანას ვშორდებოდი, ანუ ჩემსა თავისიანებსა და მეტად ჩემს კატიანს ანუ ჩემს შვილებსა, იმთენი გული ხავსდებოდა მწუხარებით.

რალა უნდა ვთქვა ბატონიშვილო დედავ! თქვენგნით ბძანება მაქვს: უბედურობაში არ გატყდეთ. ეჰ, ამის შემდგომ რალა უნდა მოგახსენოთ, სადილს უკან, ფოშტიდგან უნაგირიანი ცხენები მოაყვანინა მინიციკიმ, ამისთვის რომ ძნელი გადმოსასვლელი მთის გზა იყო და პოვოსკები ადვილად ვერ გადმოივლიდნენ. სამს ცხენზე ბარგი ავაკიდებინეთ, დანარჩენზე ჩვენ შევსხედით, გავსწიეთ და პირი ჩრდილოეთისაკენ მივმართეთ.

კაიშაურიდგან მცირედი გზა რომ წავიარეთ, აღმართიანი გზა შეუდგებოდა მთაზე გადმოსასვლელი, საიდგანაც ამის მარჯვნივ მხარეს, დიდნი და მაღალნი მთანი მოსდგომოდნენ ჰაერში აყუდებულები, ცოტა კლდიანები სულერთიან მწვანით შემოსილი: სხვადასხვითა სახით წამომდგარი!... რომელსაცა იმ ერთიანს გადმოსასვლელს მთასა უწოდებენ მოხვეენი ანუ მთიულები: „ლუდის მთას.“ და გადმოსასვლელს მთის თავზედ რომ ავალთ, „ჯვართ ვაკესა“.<sup>1</sup> რისთვის უწოდებენ, ჯვართ ვაკესა, შემდგომ ვიტყვი,

<sup>1</sup> საქართველოს მხარეს, იმ ხეობის მცხოვრებს ჰქვიათ: მთიულები. და პირაქეთ

მარამ მინამ ჯვართ ვაკეზე ავიდოდეთ, სხვა დავიწყოთ.

როდისაცა იმ მთას შეუდექით, მის ცოტა გზა რომ გავიარეთ, ღრმას ღრანტიანს ფრიალოს ნაპირს რომ მივედით და მერე იმის გზაზედ დავადექით, იმას: გვერდძნელს<sup>1</sup> უძახიან.

იმის ფრიალოს რომ გადავხედე მარცხნივ მხარეს; სიღრმით მეტი დიდი იყო ჩაყუდებულსავით, რომელშიაც იმ ღრანტიანს ხეობაში, ის არაგვი, მკვირცხლად-სწრაფათ მიიკლავდა თავსა, საქართუელოს უბნისაკენ, სადაც და იმისი მიმჩქეფარე ხმიანობა ძლივ გვესმოდა იქ ზევითა, ასეთი ღრანტე არის იმის სიღრმე. იმ ღრანტიანს ხეობაში, გაღმა და გამოღმა არაგვისა ნაპირებზე დგანან ის მთიულნი, რომლებიცა მამა პაპის ადგილებზე, მამაპაპის წესისამებრ, იქ ცხოვრებენ შვილნი, ძენი ძეებისა. ის იმათი სახლები, როგორც დიდი მფრინველები, ისე პატარათა ჩანდა ზევიდგან, საიდგანაც დავყურებდით.

იმ ღრანტიანის გვერდძნელისა გზიდგან. აქედგან იმ ჯვართ-ვაკისაკენ წავედით და ცოტახნის შემდეგ, იმის მალალს თავზედ აღმართად ავედით, სადაც იმის წვერზედ, შარაგზის მარცხენას მხარეს, დიდის მთისა მოახლოვოდ თითქმის იმის ძირში ასასვლელი გორაკია, რომელსაზედაც მაღალი თლილი ქვისა ჯვარი დასვენებულია ერმალოვის დროსა იქაურის ნაჩალნიკის დავით ქანანოვისაგან. იმ გორაკას ძირში, ცხენებიდგან ჩამოვხტით და იმაზედ ისე ავიარეთ ქვევითებ ძნელად, სადაც ზევით კიდევ გვითქომს, რომელმაცა იმის ჯვარსა თაყვანი ვეც, გულმხურვალედ. მასუკან მინიცკიმ მითხრა.

– „თქვენ პატარახან აქ მოიცადეთ, აქედგან ბუნების ჭვრეტიც ისიამოვნეთ, მინამ მე დავინაურდები, კოპის ფომტაში ჩავალ და პოვოსკებს მოვამზადებინებ თქვენ ჩამოსვლამდინ.“

მართლა რომ კარგი სანახავი არის იქიდგან: უცხო და დიდრონი მთები ჰაერში აღმართულები! საიდგანაც აქეთ-იქით იმ ჯვართვაკიდგან, სასიამოვნო ხეობანი მოჩანს, დასავლეთისაკენ: მთიულეთისა. და აღმოსავლეთისაკენ: მოხევეებისა, რომლებიცა ორივ ესე გვარი ხალხი არის ქართუელები.

იმ ჯვართან ანუ ჯვართ ვაკეზე, მთის ზაფხულის ცივიგრილის

---

ლადიკავაკაზის მხარეს: მოხევენი.

<sup>1</sup> ასე უწოდებენ იმ გზას: გვერდძნელს.

ჰაერითა, არ იყო რომ არ გვცვიოდა, ცოტათ მაინც, სადაც მზის სხივი ძლივლა მოქმედებდა იმ მთაზედ. ზევით რომ ვთქვი: ჯვართ ვაკისა ამბავს შემდეგ ვიტყვი მეთქი. აი ახლა გავიგონოთ.

სადაც რუსულს წიგნში წამიკითხავს, ახლანდელს ჯვარზე სხვა ჯვარი ყოფილა ადრე დასვენებული და ასე ეწერა იმის თხზულებაში. „დიდმა პეტრემ დაასვენებინაო.“ რა ვიცი საიდგან როგორ? – ან რათ და ან რისთვის? მართალია ქართლის ცხოვრება ამაზედ არას ამბობს, მაგრამ ჩემის აზრით მეკი ასე მგონია, რომ რადგან იმ ჯვართვაკიდგან, იმის პირდაპირ სამხრეთისკენ, არაგვგალმა მთაზედ ეკლესია არის წმინდის გიორგისა, რომლებიცა იქაურნი და თვით საქართუელოს ხალხიც იმის ხატის სასწაულის გამო იმ ეკლესიას უწოდებენ: ლომისად. იმისთვის იმ ჯვართ ვაკის გორაკაზე; იმ მოხევეთა, იქ ნიში იმისთვის დაუდვიათ პატარა ჯვარი, რომ როგორც ძუელად საქართუელოს ჩუეულება არის; იმ ეკლესიის დღესასწაულში, ის მოხევენი რომ წამოვიდოდნენ თავის სოფლებიდგან და იქიდგან პირველად ლომისის ეკლესიას დაინახამდნენ; იქიდგან იმას თაყვანს სცემდნენ და შეევედრებოდენ. ეს მე მგონია ასე იყოს? – თორემ პეტრე პირველი საიდგან რაო? –

იმ გორაკზე ცოტა ვაკეც არის და როდისაც ძუელ დროს მოხევე მცხოვრებნი იქ ნიშის ჯვარსა დაასვენებდნენ, მაშინ იმას იმ გორაკსა დაარქმევდნენ: ჯვართვაკესა. ამისთვის რომ იქ ჯვარიც ესვენებოდა და ვაკეც არის. მე ეს ასე მგონია და მართალიც უნდა იყოს ესა, რომლისაცა იმ ეკლესიის დღესასწაული რომ მოვა ხოლმე, მთელი მთიულეთი და მოხევენი იქ მივლენ წინადლით, სადაც იმ ღამეს და მეორე დღის სადილსუკანობამდისინ, იმ ეკლესიის დღესასწაული არის კაცისა და დედაკაცებისა. ბევრმა იციან რომ იმ ეკლესიის დღესასწაულის სწორზედ წავლენ ხოლმე იმის თაყვანის საცემლათ.

იმ ჯვართ ვაკის გორაკზე ვიდექ და მიმოვიხედებოდი. იმ ადგილიდგან იმის გარემო ბუნება მშვენიერი და საკვირველი სანახავი არის!

*თუ შესაძლებელი ყოფილიყო, სულსა, გულსა, გონებას, ცნობას და გრძნობას ჩემსას მას გორაკზე დავავადებდი და ხორცი ჩემი სადაც უნდა, თრეულიყო, მაგრამ ისევ სჯობია დაუნანებლივ ბედს დამორჩილდეს კაცი და რაც შეეგმთხვას, მისთვის ხმა აღარ*

ამოილოს. როგორათაც რუსთაველი ამბობს: – „რაცა ბედმა შენმა მოქცეს, დასჯერდი და მას უბნობდი.“

რუსთაველის თხზულება ვეფხვისტყაოსანი რა კარგი რამ არის! როგორათაც გამოჩენილმა მხატვარმა ჩინებული დიდი ყვავილი დახატოს და იგი ყვავილი ასეთს მრავლის ნათელის და სხვადასხვის თალხის ფეროვნებით იყოს შეხამებული, რომ იმ ყვავილში ბევრი საკვირველება იყოს! ბევრი მშვენიერება! ბევრი საუცხოება! ბევრი კმაყოფილება! ბევრი სიამოვნება! ბევრი სიხარული! ბევრი გონება! ბევრი აზრი! ბევრი გული! ბევრი სული! ბევრი გრძნობა! და მის ყვავილის ყურება ადამიანს არ მოსწყინდეს, იგი რუსთაველის თხზულება მას განსაცვიფრებელს ყვავილს ემზგავსება?..

ბოლოს სამხრეთისკენ მქონდა პირი და ვიყურებოდი. იმის მარცხენას მხარეს, ერთს მაღალს მწვანოვანს მთაზე დურბინდით გავარჩიე, რომ ცხვარი ბალახს სძოვდა, აქა იქ ახალს მოლსა სწინკნიდნენ. არვედის ცოტა მოშორებით, ერთს პატარას კლდეზე ერთი შეიარაღებული მთიული მწყემსი იდგა თოფზე დაბჯენილი ამაყათა, ამდროს თოფი მოიმარჯვა და ცხვრისაკენ გაექანა, ამ დროსვე მგელი ცხვარში დაერია, მგელმა ცხვარი ცხვრებიდგან გაიტანა და სირბილით მოარბენინებდა მთისა ზურგზე, რომელმაცა იმ მთიელმა მწყემსმა მაშინათვე მგელსა ნაუჩოქა და მყისვე იმის თოფი გავარდა. მგელმა ცხუარი პირიდგან გამოუშო და თვითონ იქვე გადაიქცა მთაზედ. მწყემსმა თოფი მხარზე გადიკიდა, ფეხის აუჩქარად წამოვიდა, მოკლულს მგელს თავს დაადგა, მერე მგელს წამოჰკრა ფეხი და ცოტა იქით გადააგდო, შემდეგ დაჯდა და ყურება დაიწყო აქეთ იქით. პატარა ხანი გამოვიდა, პირიქიდგან მეორე მწყემსი ამოვიდა რამეთენიმე ძაღლებითა, მოვიდა და ამხანაგს თავს დაადგა. იმ ძაღლებმა მკვდარი მგელი რომ დაინახეს, მოვიდნენ, დასუნეს რამდენჯერმე, მაგრამ პირიკი აღარ შეახეს, სადაც მცირე ხანი კიდევ ვიყავ, მერე გამოვჩიე და წამოველ პირაქეთ ვინწროს ხეობაში დაღონებით, ჩრდილოეთის მხრისაკენ მთის ძირში, სადაც გზას ზევით, მეფის ირაკლისაგანა დაყენებულია იქაური მთიული კომლეული ბიდარაშვილი და ამის გამო იმ ხეობას სადაც მოვდიოდით ჰქვიან. „ბიდარა.“ მეფეს ირაკლის იმისათვის დაუყენებია ის კომლეული იმ ადგილზე, რომ ზამთრისაგან გაჭირებულს მგზავრსა მიემველოს და თავის სახლში შეიხიზნოს,

რომლებსაცა ერთი მგზავრი მოგვეწვინა ჩუენ, გვითხრა: გამარჯვება. მეც: გაგიმარჯვის მეთქი. მერე ვკითხე.

– „ვინ ხარ ძმაო?“

– „მოხვევარ აქაური.“ იმან მითხრა.

– „სად ყოფილხარ და სად მიხუალ.“

– „კაიშაურს ვიყავ, საქმე მქონდა. ახლა შინ მივდივარ.“

– „მითხარ კაცო, აქ ზამთარი დიდი იცის?“

– დიდი იცის. ბევრჯველ ასეთს თოვლს ბარდნის, რომ თითო თოვლი ხელის გულის ტოლა არის. ერთს საათზე ასე შეჰკრავს მთასა, გავლა აღარ შეიძლება. ნამეტურად დიდ ქარის ქროლას რომ მოჰყვება, ასე გეგონებათ ქვეყანა იქცევაო! იმდროს თუ მოასწრო ვისმე, შენი მტერი, რაც მოუვა იმას. ამ ზამთარში ერთი ოსი მოდიოდა ურმით ჯვართ ვაკისა მთაზე, ამდროს ქარს დაეწყო ქროლა და თოვლიც თურმე წამოვიდა. მაშინავე ის ოსი და ურემიც თავის ხარებით წაეხვია თოვლსა. როდისაც რომ ქარი დაწყნარებულიყო და ხეობის ხალხი მოსულიყვნენ გზის გასახსნელად, უეცრათ იქ ეპოვათ თოვლში წახვეული ის დამხრჩვალე ოსი თავის ურმით ხარებითა. ერთი ხომ არა, ბევრი ამბებია, აქ მომხდარი იმისთანა არეულს დროს ამ გზებზედა, ნამეტურად მთებიდგან, რომ თოვლის ზვაჳი ინმინდება და ჩამოდის, მაშინ უფრო ბევრი განსაცდელი არის. აი ერთს ამბავსა მოგახსენებთ. ეს ხუთი თუ ექვსი წელიწადი არის, თოვლისაგან იყო გზა შეკრული და ხალხი გამოგვეზავნეს გზა გაგვეხსნა. დაფანტული აქა იქ მუშაობით ხალხი თოვლს ვწმენდდით გზიდგან. ერთს ადგილსა ექვსი კაცი ედგნენ მწკრივათ და ნიჩბებით თოვლსა ხვეტდენ გზისგამოსაჩენათ, ამდროს ზევით მთიდგან, იმ ექვს კაცზე ზვაჳი წამოვიდა. დაინახეს, რომ იმათზე მოდის და გაექცნენ, მაგრამ ველარ წაუვიდნენ და ქვეშ დაიტანა. ჩვენ გვეგონა, დაილუპებოდნენ, დიდი ზვაჳი გადაწავათ იმათ და ველარ ვიაზრეთ სად ვინ უნდა ყოფილიყო, მაგრამ ამ დროს ვნახეთ, ერთმა კაცმა ნიჩბის ტარი ამოყო თოვლიდგან და ზედ ქუდი ჩამოეცო ნიშნათ: აქა ვარო. მაშინ გავექანეთ, საიდგანაც სამი კაცი ცოცხალ-მკვდარი ამოვიღეთ და სამიკი ველარ. ვინ იცის სად გადაიტანა დიდმა თოვლმა ხევში. ვეცადეთ და არ იქნა ვერ ვიპოვეთ ის სანყალნი ზაფხულამდინ – ზაფხულშიკი, თოვლმა დნობა რომ დაიწყო, მაშინ ქვემოთ ხევის ძირში დავინახეთ სამი მკვდარი,



საიდგანაც წავიღეთ თავიანთი სახლისკენ. ამის გარდა, კიდევ გეტყვით ორს ამბავს, გამიგონეთ. თქვენ რომ წელან ღრანტის პირზე გადადექით და არაგვს მდინარესა დაჰყურებდით ქვემოთ. ერთს გაზაფხულს, როდისაც ზვავი ჯერ არ იყო ჩამოსული, ამ დროს იმ გზაზედ იქაური ერთი კაცი მოდიოდა, არაყდალეული; უთხრეს: ნუ მიხუალო, დღეს ზვავი უნდა ჩამოვიდესო. მაგრამ იმან ზვავს არ დასდია, გასნია და გაეშურა: გაუსწრაფა. პატარა რომ წაიარა, ამ დროს მოსქდა ზევიდგან ზვავი და სალასავით სწორე ჩამოცურდა. კაცმა რომ დაინახა, ველარ გაუსწროფს, გაექანა და იმ ჩამოცურებულს ზვავზე აიჭრა: ეგება იქით გადავიდეთ. მაგრამ განიერი დიდი იყო, ვერ გადაუსწრო. ამ დროს კიდევ ჩამოვიდა ღრანტეს პირზე და მინამ ზვავი ღრანტიანსა ხეობაში წავიდოდა, კაცმა ლომისის ეკლესია დაინახა გაღმა მთაზედ და შესძახა გულმხურვალეთ: წმინდაო გიორგიო, ამ საშინელს განსაცდელისაგან გამამიხსენო. თურმე ის ზვავი მაგრა ყოფილიყო გაყინული და სალასავით ბრუნვით ქვე წავიდა და მინამ ზვავი ძირზე ხეობაში ჩავიდოდა, ორჯერ თურმე შეუწუხდა გული კაცსა და ორჯელ გონს მოვიდა. მესამეთ რომ შეუწუხდა, ამ დროს ზვავი ძირს დაეცა და რამთენსამე ნაგლეჯათ დაიბნია. ვენაცვალე ჩუენს ლომისას წმინდა გიორგის, იმის სასწაულით კაცი თოვლზედ ყოფილიყო რბილათ, ძირს დაეცა, საიდგანაც გამოვიდა და იქ მოახლოვოდ მთიულები იდგნენ; იმათთან რომ მისულიყო, იმათ ეკითხათ.

– „კაცო მაგ ზვავში რა გინდოდა? –“

იმასაც ყველა ეთქვა კანკალი შიშით. მაშინათვე წაეყვანათ, ლომისის წმინდა გიორგისკენ, სადაც პარაკლისი გადაიხადეს და მადლობდენ იმის სასწაულსა.

კიდევ ზვავის ჩამოსვლის დროს ერთს გაზაფხულზე ამ ბიდარის ხეობაში ერთი მთიული მოდიოდა და სახლისკენ მიეშურებოდა, საქმე ჰქონდა; ეგებაო ზვავს როგორმე გაუსწროვო. მაგრამ იმ მარცხენას მალალის მთიდგან, დიდი ზვავი წამოვიდა, აგერ ვინრო ხეობაში (ხელით დაგვანახა ის ადგილი.) და მაშინვე დაიტანა ის საწყალი. ეგონათ: ესესარის ზვავმა მოკლა ის კაციო, სულით ხორციით დაიკარგაო. მაგრამ თოვლმა დნობა რომ დაიწყო, რამთენიმე მიდიოდა იმ გზაზე, სადაც ზვავს ის დაეტანა; იმ თოვლიდგან იმის ქვეშ, რალაც ყვირილი გაეგონათ, ამოთხარეს და ის კაციკი



ამოიღეს იქიდგან, მთელი უვნებელი. ყველამ ჰკითხეს: კაცო რათ იყავ მაგ ზვავებშიო. – იმან უთხრა: ჩქარი საქმე მქონდა, სახლში მივეშურებოდი, გაუხსნობ ზვავსა მეთქი. ამ დროს ზვავი მოსქდა და ამ ხევეში ჩამამაგდო, ვთქვი, ესესარის მოვკვდიმეთქი, მაგრამ ღმერთი კაცს რომ დაიფარამს, ასე გამოიხსნის, შევხედე ამ ხე-ვზედ, გაყინული ზვავის თოვლი ზედ დაანვა და ოთახსავით მე შიგ ჩავრჩი. ჩემი სიცოცხლისთვის ღმერთსა ვმადლე, მაგრამ ვთქვი, ვინ გამიყვანს აქედანა? ვწუხდი ამაზედ. მერე ხანჯლით თხრა დაუწყე თოვლსა, გავალ სადმე მეთქი. ამდროს თოვლის თხრაში, ერთს დიდს მკვდარს დათვსა მივადექ და ვთქვი. ღმერთმა ჩემს საზოდო მამცა, რომ თოვლის ზვავს გადმოუტანია დიდი დათვი მეთქი. მივყავ ხელი და წვრილწვრილათა ვჭამდი იმის ხორცსა. ბევრჯველ მიდიოდმოდიოდნენ მგზავრნი ამ ზვავზედ, ვუყვიროდი იმათ, მაგრამ არ ესმოდათ, ახლა ღმერთს ვმადლი გაიგონეთ. და აქედგან ამამიღეთ. გმადლობთ ჩემის გამოსხნისთვის.

რა დროს ანუ რა დღეს დაეტანა, ანგარიში ნახეს, რომ ერთი თვე მეტი ყოფილიყო, იმ თოვლის ოთახში სადაც დათვის ხორციტ გა-მოიზდებოდა თურმე.

მასუკან მე ვკითხე.

– „ეგ მართალი, მაგრამ არ შეეძლო, თოვლი გაეკაფა ხანჯლით და იქიდგან დახსნილიყო ისა? –“

– „არა, არ შეეძლო გაყინული თოვლი გაეკაფა, თუნდა შესძლებოდა, საიდგან გავიდოდა? – აქეთიქით გძელი ხევი სავსე იყო დიდის თოვლით და ის ოთახი იმ თოვლისა, პატარა ყოფილიყო. მეტი ღონე რალა ჰქონდა, მოეთმინა ზაფხულამდენ: თოვლი დადნებო, მაშინ გავალ, მანამდისინ ამ დათვის ხორცი მეყოფაო. ბოლოს როდესაც თავის სახლში მისულიყო, იმის ცოლშვილებსა სახლიდგან გამოეგდოთ: შენ ეშმაკი იქნებო, თორემ ჩვენი კაცი ზვავმა დაიტანა, მოკვდებოდა ის საწყალი. ნადი, დაიკარგე შე ეშმაკო. რამეთინი შეეფიცა, მაგრამ მაინც კიდევ არ შაეშოთ, მინამ მონმეები არ მივიდნენ, თურმე აღარ იჯერებდნენ. მასუკან კი დიდი სიხარული შესდგომოდათ.“

ამის ხეობაში თავვეე მივიდოდით აღმოსავლეთის მხრისაკენ და გზაზედ მჟავე წყაროები ამოსჩქეფდა, რომლებსაცა მაჭრის გემო ჰქონდათ, პირსა გვიხუხამდა, რომ დავლევდით ხოლმე და ტანშიაც

გამკრა ორჯელათ.

ხეობა ეს ვინრო ხეობაა. პირველათ დიდრონი მთები რომ ვნახე კაიშაურის ხეობაში, ის დიდრონი მთები, ამ დიდრონს მთებსა მოაბია, მაგრამ ჯვართ ვაკიდგან ეს მთები, აღმოსავლეთის მხრისაკენ შემოუბრუნდება და აღმოსავლეთისაკენ წავა განვენილი ხეობაებითა გაყოფილი ჯვარედინათ.

იმ ხეობას და იმის მთებსა ვუყურებდი სიამოვნით, სადაც კიდევ დაბინდა და კოპის ფოშტასაც დავახლოვდით, მოვიხედე და ის მონაბე მთიული მოვიკითხე, მინდოდა ზოგიერთი იქაური ამბავი კიდევ მეკითხა, მაგრამ მითხრეს: უკან დარჩაო. ამაში კიდევ დავალამდა და მცირე ხანის უკან კოპის ფოშტაშიაც ჩამოვედით.

ამ ფოშტაში ჩაი რომ დავლიეთ, შემდგომ პოვოსკები მოიტანეს, შიგ ჩავსხედით და გასწიეს, რაც შეეძლოთ ჩქარა, პოვოსკების ზარებისა წკარანკურით.

ბნელი ღამის გამო, ორი ყაზახი გაიმძღვარა მინიცკიმ წინ, საიდგანაც ორსაათზე, სტეფანწმინდის ფოშტაში გადავხტით. თუმცა იმ ღამესვე წასვლა მოინდომა მინიცკიმ, მაგრამ კარგი წვიმა წამოვიდა და ამიტომ დავრჩით იქვე. სადაც ჩუენის მცირეს ვახშმის შემდეგ, მივწეით და დავიძინეთ პახოტურათ შინლებს ქვეშ, ტყავის დივნებზე. მაგრამ ჩემი ძილი, ტანჯვა იყო: ვშორდებოდი მშობელს მამულს, ჩემს სასურველს მშობელს მამულს, მასუკან ჩემიანებს და მერეთ ჩემს კატინას... „კარგი, და მე მწუხარებავ, მოკვდე მამულისთვის, ნუ ვინაღვლი თავსა.“

20-ს ივლისისა დღემ რა ინათლა, მაშინათვე გამეღვიძა, რომელმაცა ჩემი ამხანაგებიც გავაღვიძე, სადაც ამ დროს ჩემი მოსამსახურე შემოვიდა, მეც ვკითხე: დარი როგორია? –

– „წვრილი წვიმა მოდის, ნისლიც ჩამონოლილა.“

ჩვენ პირი დაგვეღრიჯა, ხმა ველარ ამოვიღეთ, ბოლოს მინიცკიმ ჩაის გაკეთება უთხრა დაღონებით. ჩაი რომ დავლიეთ, პოვოსკები მოიტანეს და ჩუენც კარზე გამოვედით. როგორც ჩემმა მოსამსახურემ თქვა, სწორეთ იმისთანა ნისლი იყო, რაშიაც დაღონებით ჩავსხედით და გავსწიეთ კიდევ ჩქარა.

სტეფანწმინდას რომ გავცილდით,<sup>1</sup> ვაკე თავდაღმართის

<sup>1</sup> ჩემ ყმანვილ კაცობაში ერთის მოხვევის მთიულისაგან გამიგონია, რომ სტეფანწმინდის დასავლეთის მხრითა, ზევით შორსა მთაში, გამოქვაბული კლდეთა, რომ-

გზაზე დავადექით ჩრდილოეთის მხრისაკენ, რაზედაც პოვოსკე-  
ბი თამამათ მორბოდნენ. ამ გზას ჩავცილდით, თერგის მდინარეს  
მივადექით, რომლებიც იმის პირზე მივიდოდით, ცუდი გზის გამო,  
ახლა წყნარა, სადაც ბურუსი იდგა და წვიმასაც სცრიდა ნელიად.  
თუმცა მდინარე იმ ბურუსისა გამო აღარა ჩნდა, მაგრამ იმის ხმაუ-  
რობა ასე გრგვინვით იყო, რომ მე და მინიცკი ერთათ ვისხედით და  
ჩვენი ყვირილი ლაპარაკი ძლივს გვესმოდა. ასე წყნარის სიარუ-  
ლით დარიელას ჩამოვედით დაღმართს გზაზე, სადაც თექვსმე-  
ტის წლისამ ვახტანგ გორგასლანმა ომის უნახავმა გაიმარჯვა  
ძლიერს ბაყათარზე, მოკლა ჯერ ის და მასუკან იმის ოსეთისა ჯარი  
დაამარცხა. ამ დროს ნისლიც აიყარა, არა ისე, რომ სრული ბუნება  
გამოჩენილიყო, მაგრამ თერგის მდინარეკი სრულად ჩანდა. პოვო-  
სკიდგან გადავხტი, მივედი და ხიდიდგან გადავხედე იმ მდინარეს,  
რომელიც ცოტა მოდიდებულიყო და ამღვრეული მოდიოდა, სამხ-  
რეთი მხრიდგან, ჩრდილოეთის მხრისაკენ მიმდინარე, რომელშიაც  
მაღალის მთიდგან, თავის თავათ ჩამოგორებული, დიდრონი კლდ-  
ის ქვები შიგ ეყარა, რაზედაც გამალებული მდინარე გადირბენდა  
იმ ლოდებზე. იმის გამოქანებული წყალი ლოდიდგან ლოდს, ანუ  
ქვიდგან ქვაზედ რომ ავარდებოდა, იმის თავზედ ასეთს ტალღას  
შეისროდა, იმის ასროლილი წყალი, მაღლა ტოტებათ იყოფოდა,  
საიდგანაც გაყოფილი ტოტების გაკეთებული წინწკლები, უფრო  
მაღლა ტრიალებდნენ გაბნევითა და სხვა კიდევ სხვა წინწკლე-  
ბი გაცრილსავით კეთდებოდა, უფრო მაღლა შესროლილი, ან თუ  
შეტყორცილი. ასე ქვებიდგან ქვებსა გადასჩქეფდა, გადარევით გი-  
ჟურათა თერგი ისა.

მთელი ეს თერგი სხვისა და სხვის სახეთ დულდა აღქაფებით  
და ამ სახითა ხეობაში მირბოდა დიახ ჩქარა, თვითონ ჩქარი, რო-  
მელსაცა იმ მკვირცხლს თერგსა, ძლივს ვასწრობდი თუალსა იმის

---

ლიდგანაც ჩამოკიდებული არის განწყვეტილი ჯაჭვი კარგა მაღლა. შიგ იმ მაღაროში  
მითამ თეთრათ რაღაც ჩანდეს და ამბობენო: მამა აბრაამის კარავი არის და კარავში  
უფალი იესო ქრისტეს აკვანი იდგეს.

იმისგანა ესეც გამიგონია. იმ მხარესვე მთაში, გახეთქილი დიდი ყინული იყოს  
დაუდნობელი, რომელსაცა იმის ქვეშა წყალი გასდიოდეს და იმ ყინულზედ თეთრი  
დიდრონი ცხოველი მატლები ისხდეს. იმ მატლისგან ერთი მატლი ცხელს წყალში  
რომ ჩააგდონ, მაშინვე ის მატლი დადნებოდეს და იმ ცხელსა წყალს გაჰყინამდეს.  
არვიცი როგორ დავიფიქრო ესა? –

სისწრაფესა. აქ კვდებოდა ჩემი გული, აქ დაიხშო კარი ჩემი – ჩემი სამშობლო მამულისა.

კიდევ-კიდევ მოხველ მწურახებავ ჩემთან? – კარგი, კარგი ნადი, ასე უთხარ ჩემიანებს ჩემი, ნამეტნავად ჩემს ცხოვრებას სიცოცხლესა, თავის დახრით, გულზედ დაკიდებით: ნაიყვანეს და-კარგესთქო. აღარ გამოვუშვით ხანი, ჩვენს გზასვე გავუდექით, მაგრამ ქვებიანი გზის გამო წყნარა მოვდიოდით, რომლებიცა ამისთანა სიარულით ლარსში ძლივს მივედით მეთერთმეტე საათზე და იმის ფოშტის წინ გადმოვხტით.

იმ ფოშტაში ცხვარის ხორცი ვაყიდვინეთ, იყვნენ იქა ქართუ-ელები; ჩემს ბიჭსაც კარგი მწვადის შეწვა ვუთხარ, რომელსაცა შევექეცით და ვსვით ღვინო, მაგრამ უკანასკნელი დარჩენილი ერთი ბუთლიკა და ისიც დავლიეთ.

ამის შემდგომ ლარსის ფოშტას რომ გავსცილდით, იემშიკმა და-იდახა. – „ამას იქით კარგი გზაა.“ დაჰკრა ცხენებს შოლტი: ნუნუს, ძახილითა და სირბილით წაგვიყვანა. მე ბალიშზე თავი მივდე და ძილს მივე ფიქრი. ძილში რომ ვიყავ, მინიციკიმ გამაღვიძა.

– „კნიაზო, გაიღვიძეთ ლადიკავკაზის ქალაქს დავახლოვდით.“ მეც წამოვჯექ.

უკან ხეობას გამოცილებული ვიყავით, წინ თვალუნდომი მინდორი გვედო, ქალაქზედაც მახლობლად მოვედით, სადაც აღარც ნვიმა მოდიოდა, სრულებით მოენმინდა. ამას იქით ქ. ორენბურღამ-დისინ აღარა არისრა დასანერი, მხოლოდ თუალუნდომი მინდორი და მინდორი, შიგ სოფლები–ქალაქები, რომლებსაცა მდინარენი ჩამოუდის თევზიანი. ეს რუსეთი ვრცელი, დიდი ვრცელი არის!.. ხალხსიმრავლე ბევრი, რომლებიცა ერთს მთავარს ხელმწიფესა მორჩილებენ – ასე მორჩილებენ, რომ თავს გასწირვენ იმისთვის... თურმე ამისთანა ხალხის მორჩილებას ძალა მიუცია ხელმწიფობი-სათვისა და ამისგან გაძლიერებულა ეს რუსეთი დიდათ!..

*გავრცელებით აღარას დავნერ ამის მეტს, რომ ლადიკავკაზის ტრახტირში გადავხტით; მავთენი ხანი აღარა დავიგვიანეთრა, ჩაი დავლიეთ, პოვოსკები მოიტანეს და თან ცამეტი ყაზახი მო-ჰყვა, ამისთვის, რომ თუ ფოშტისათვის მოგვეცადა, რამთენიმე დღე უნდა გველოდინა, რომ უშიშრად წავსულიყავით. ამისთვის მინიციკის ცამეტი ყაზახი მოეთხოვა კომენდატისთვის, რომელსა-*

ცა მინიციკის თხოვა აღესრულებინა და დაუყოვნად მოეცა ჩვენის უშიშრად ნასვლისათვის. უფრო ჩემი საჩქაროთ წაყვანისათვის.

როდისაც ლადიკავკაზის ქალაქს გამოვცილდით და თვალუნვდომს სწორეს მინდორზე გამოვედით, მარცხნივ მივიხედე. მყინვარე მთა დავინახე (მომატებული სახელი რომ დაარქვეს ეხლა „ყაზიბეგის მთა“) და მისი გაბმული ბორცვები! ჩემთვისა ვთქვი ეს ორიოდ სიტყვა.

„ახლა სრულადა ვგრძნობ ჩემის სულის მწარედ შეინროებას! რამეთუ გულსასიკვდინო მწუხარება დამრჩა ამა მთების იქით! თვითონ შენ კავკაზო! ასე გგონია ადვილად გავეყარო და ჩემი სრული გრძნობა შენ ძირში არ დავაგდო? სადაც უნდა ვიყო, შენ მოვიგონებ და შენთვის ავტირდები მწარეთ...! ამ სიტყვასთან ლაპაღუპით გადმომცვივდა ცრემლი და ჩავკიდე თავი დაბლა. მინიციკიმაც შემამცნია და ისიც შეწუხდა ჩემთვის. ქ. ტფილისიდან ამ მოკლე გზამდისინ სრულად დავემეგობრდით და გული გაუერთეთ ერთმანეთსა.

კავკაზიდან დაუსრულებელს მინდორზე ვირბინეთ სწრაფი ფოშტის ცხენებითა ქა. ორენბურლამდისინ, რომელთაცა უწვიმრო დღეები მოგვცა ღმერთმა და ამის გამო კარგი გზები იყო. დატყეცილ გზებზე ფრინველივით უფრო მოვრბიოდით.

ქ. ორენბურლამდისინ და იმას იქითაც ეგრეთვე დიდრონს მინდვრებს ამბობენ, მაგრამ მას რუსეთის თვალუნვდომს სწორე მინდვრებზე მშვენიერი ქალაქები არის, ლამაზის, მშვენიერის პლანის შენობითა და სოფლების ქუჩები ეგრეთისავე პლანით არის გასწორებული, მაგრამ რაც შენობა ვნახე სოფლებში, სულ ხის შენობა იყო და უმრავლესი სახლების ბანები სულ თივით ვნახე დაფარებული. ზაფხულის დილის სინათლესთანვე აანთებენ ფეჩებს და სადილ-ვახშმის საჭმელს მაშინ მოხარშავენ, რადგანაც დილის ნოტიოა დადებული, თორემ როდისაც მზე დაადგება და სოფლის სახლების ბანებს გააფიცებს, ველარც კი აანთებენ ფეჩებს, ამისთვის, რომ მცირის ნაპერწკლისა ეშინიანთ; ფეჩის სასულიდგან ბანზე არ გადმოარდეს და ცეცხლი არ წაეკიდოს, რომელიცა ხშირი მაგალითები არის ცეცხლის მცირის ნაპერწკლიდგან და ამისთვის ყველანი გაფრთხილებული არიან.

დაუყოვნათ მაშინათვე ლადიკავკაზიდან რომ გამოვედით, საქა-

რთუელოს მხარეს მოვხედე, ამდროს მყინვარე მთა კავკაზისა (ყაზი-ბეგი) დავინახე და ცრემლები გადმამცვივდა, ველარ შევიმაგრე.

აქ დავსუსტდი დედავ ბატონიშვილო, თქუენი დარიგება ველარ შევძელ, მამიტევე ღმერთი გადღეგძელებს.

თქვენი უძღური ძე ა. ორბელიანი.

### ჩემო მაცოცხლებლო კატინო!

თუ გსურს ქ. ტფილისიდან რომ გამოველ, ჩუენი მგზავრობისა შეიტყო რამ, ბატონიშვილს დედასთან მონერილსა ჩემგნით წიგნში წაიკითხავ. ამას თავი დავანებოთ, ახლა ამას გეტყვი, კატო! მოგშორდი, – მოგშორდი იქნება საუკუნოდ, მაგრამ ჩემი სული შენთან რჩება შენმა გაზდამ. ჩუენს მშობელს საქართუელოს ხომ აღარ ეშვება ჩემი გონება. ჩემი სული შენთან იყოს შენიჭირიმე, ნუ გაუშვებ ნურსად, ემანდ შენს გულისპირში შეინახე საცოდავი და ჩემი გონებაკი ჩვენს მამულსა მიეც, მანდ იყოს მაგ უბედურს ჩვენს მამულში, სადაც იმას ყური უგდე, მაგ ბედკრულის მამულიდგან არ გავიდეს არსად. კარგათ ფხიზლად იყავ ამაებზედ ჩემო, ჩემო!.. ეჰ სხუა რა გითხრა? – თუ მე მოვყვე შენს სიყვარულს და ჩუენს მშობელს მამულზედ, ბევრი მოვა, – ბევრი, ძალიან ბევრი... ამიტომ ამას გავათავებ და სხვას დავინყო ჩემს ამბავსა, როგორ კარგათ მიღებული ვიქმენ აქ ორენბურლს, ვიცი გიამება, იტყვი: ჰო, ესეც კარგი ნუგეშია მისთვისო.

ქ. ორენბურლს რომ დავახლოვდით, პირველი ღამე იყო 11-ი აგვისტოსი, სადაც სრული მთვარე ანათებდა მონმენდილის ზეციდგან. მინიცკიმ შემამხედა და კმაყოფილის სიტყვით მითხრა.

– „კნიაზო, ახლა ახლოსა ვართ ორენბურლზე, ამ ნახევარ საათზე მივალთ.“ იმან რომ კმაყოფილებით მითხრა; მე უკმაყოფილოთ ვუპასუხე.

– „დიდათ მოხარული ვარ, ჩემი გძელი გზა დასრულდება, მაგრამ მიკვირს, **ამტოლა ქვეყანა აქვს რუსეთს, სხვას ცოტას რაღათ ეჭიდება?**“

– „ამიტომ, რომ კეთილმდგომარეობა და მშვიდობა მიანიჭოს ხალხსა.“

– „არა, რადგან კაცის გულს შემატების საზღვარი არა აქვს დასრულებისა, ამისთვის არც რუსეთი დაიძრახება, თორემ თუ ეს ასე არ იყოს, **მაშ ჩვენი მემკვიდრე მეფეები რათ ამოხოცა რუსეთმა? მაშინ როდესაც რომ, ჩვენი მეფის სახლს რომ დამოყვრებულიყო რუსეთის სახლობა, უფრო კარგი იქნებოდა**, მინამ ლერმანის კაროლების მოყვრობასა.“

*მაშინ ჩინებული კეთილმდგომარეობაც იქნებოდა საქართველოში. გარდა ამისა ჩვენის მეფობისაგან უფრო მეტი სარგებლობა იქნებოდა რუსეთს, მინამ მარტო მფლობელობით.*

ჩემი ეს ლაპარაკი იმას არ იამა, ამაზედ იმან ხმა არ გამცა და დავჩუმდით ორნივ. მაინც ყოველთვის ასეა, თუ ოდესმე საქართველოსთვის ხმასა ამოვიღებთ ქართველები, მაშინვე რუსები ხმასა ჩაგვაკმენდინებენ ხოლმე, რაც არ მოენონებათ იმათ ჩუენი.

მაგთენი ხანი აღარ გამოვიდა, პატარა ლამაზ ქალაქს ორენბურღში შევიარეთ და ჩამოვხტით ერთს ტრახტირში. ამ ქალაქსა თხრილი ახვევია გარსა სიმაგრეთა,<sup>1</sup> მაგრამ სამხრეთის მხრით ღია არის და მდინარე ურალი წინ ჩამოუდის. კარგა ქვემოთ დაბლა, საიდგანაც ურალს გაღმა ქალა არის რამეთენიმე ხეივნებით დაყოფილი, ზაფხულში შესაქცევი ორენბურღის მცხოვრებთათვის, სადაც უქმე ღღეში მუზიკას უკვრენ, რომლებიცა ქალნი კაცნი ერთათ სეირნობენ.

მეორე დილა გათენდა, იქაურს ნაჩაღნიკ-შტაბთან წავიდა მინიცკი, კაროვინმაც თავის დის საძებნელად გასწია და იქიდგან რომ მოვიდა მინიცკი, თვითკმაყოფილებით მითხრა.

– „კნიაზო, მამილოცავს ყოველი თქვენი საქმე კარგათ წავა, აგრე ქართულის ტანისამოსით დაგიბარათ ნაჩაღნიკშტაბმა ესლაავ, რომელმაცა ესეც მითხრა: უნდა შევეწინებეთ და როგორც იყოს გამოვიხსნათო.“ მე ესე მიამა. გარდა ამისა, იმანვე დაინყო. „ყოველს აქაურს ნაჩაღნიკებთანაც ვიყავი და ისინიც თქვენი მასიამოვნებელი იქნებიან.“ ესეც მიამა. მასუკან ვოენი ლუბერნატორისა ვკითხე. იმან რაღა გითხრათ მეთქი?

– „ვოენი ლუბერნატორი პეროვსკი, ახალს ალექსანდროვკაში

---

<sup>1</sup> თხრილი ეს დიდსა ეკატერინას მოუვლია ქალაქისთვის, რადგან მაშინ ყირღიზები ეცემოდნენ რუსებს, რომლებიცა ახლა მშვიდობაში შემოსულან, მაგრამ აღაჩუხებშიკი დგანან კიდევ და შინიდგან ბინაზედა გადადიან გადაცვლითა.

ნასულა კასპიის ზღვის გაღმა, სადაც ციხეს აშენებენ ეხლა იმის სა-  
ნახავათ. მე ამასაც გეტყვით, რომ პეროვსკი და ხელმწიფე ერთათ  
შეზღიდნი ყოფილან სიყმანვილით; იმის დიდი საყვარელიც არის  
თურმე და ამისთვის დიდსა შემწეობას მოელოდეთ იმისგან.“ ესეც  
რასაკერელია მიამა.

– „სახელათ რა ჰქვიან პეროვსკის?“

– „ვასილი ალექსეიჩი.“ იმან მითხრა.

– „ნეტა მითხრა, პეროვსკის ადუტანტი ჩილაევი სად იქნება?“

– „ისიც ვიკითხე! პეროვსკის ნაჰყოლია და იქნება იქაც დარჩეს  
კამენდატათ.“ ასე მითხრეს. მე ეს არ მიამა, ამისთვის რომ ჯერ ქა-  
რთველი კარგი კაცისშვილი იყო, და მასკვან ბატოიშვილი დედის-  
ჩემის წიგნი მქონდა იმასთან.

როდისაც ორენბურლის კორპუსის კომანდერის<sup>1</sup>, ნაჩალნიკ-  
შტაბმა კაბინეტში მიგვილო და ლამაზ განყობილს ოთახში შემიყვა-  
ნა ლაქიამ, რა შავხედე ნაჩალნიკშტაბს, მაშინათვე მამაგონდა, რომ  
მთავარმართებელს პასკევიჩთან იყო სამსახურში საქართუელოს,  
სადაც ხშირათ შემხვდებოდა იმის ნახუა, რომელმაც იმანაც მიც-  
ნა. თუმცა ერთმანეთის ცნობა არა გვქონდა, მაგრამ მაინც მახლო-  
ბელს მცნობსავით დამხვდა სიამოვნით. ბატოიშვილის დედი ჩემის  
ამბავი მკითხა, ჩემი ცოლშვილებისა და ჩემი გარემოებაც. მეც  
ვუანბე დანვრილებით. კიდევ მცირე უბნობის შემდეგ, სიამოვნით  
შემამხედა და მითხრა.

– „თუმცა უმაღლესის ნებით, თქვენ ვერხნი ურალსკში<sup>2</sup> ხართ  
დანიშნული, მეცხრეს ლინეინის ბატალიონში, მაგრამ მინამ ახ-  
ალის ალექსანდროვიკიდგან კორპუსნის კომანდერი არ მოვიდეს,  
მანამდისინ აქ იყავით.“ მე მაღლობის თავი დავუკარი. როდისაც  
ნამოსასვლელად ავდექ იმან მითხოვა, ხშირათ მევლო იმასთან, რო-  
მელიცა მეც კმაყოფილი ნამოვედი.

ამის მესამის დღის დილაზე, ლინეინის ბატალიონის მუნდირი  
ჩავიცვი აფიცრისა იქაური მკერვალის შეკერილი ურიისა, რომელ-  
იცა ასე ნაველ, ჯერ პირველათ ნაჩალნიკშტაბ რაკასოვსკისთან,  
მასუკან დევიზიონი კამანდერ შემჩუჟნიკოვთან, მერე ბრილადნი

<sup>1</sup> პეროვსკის ორივ ღირსება ჰქონდა. ვოენი ლუბერნატორობისა და ორენბურლის  
კორპუსის კომანდერობისა. –

<sup>2</sup> ორენბურლზე ვერხნი ურალსკი 500-ი ვერსტი ზევით არის.



კამანდერს სტელიხთან და ბოლოს კამენდატთან, რომლებმაცა ყველამ პატივით მიმიღეს.

ამ დღეს მინიციკი პოლიცემისტერთან ნასულიყო, საიდგანაც ლაქია მამივიდა: „სადილათ ნულარ მამიციდიო.“

მეც კაროვინი მინდა დამეჭირა, სადილათ აღარ გამეშო, მაგრამ მითხრა: ამთენი წელიწადების უნახავი ვარ ჩემის დისა და შენუხ-დება თუ არ წავალო.

*მე მაშინვე სიამოვნის ღიმილით ხელი გამოვართვი და უთხარ.*

*– ეხლა ჩემ სიამოვნეს თქვენი დის სიამოვნე მირჩევენია. ვთხოვთ, ყოვლის ღონით იმის სიამოვნეს ეცადოთ.*

დავრჩი მარტო, რომელიცა სადილსუკან, მცირედ დავიძინე, შემდეგ ძილისა, ტანისამოსი რომ ჩავიცვი, დავჯექე, გაღებულს ფანჯარაში ყურება დავიწყე. მაგთენი ხანი აღარა გამოვიდარა, მინიციკი შემოვიდა და რამთენიმე კეთილშობილები შემოჰყვნენ. მოიყვანა, ყველანი გამაცნო. იმათ შორის პოლიცემისტერიც გავიცან. დავსხედით და კარგახანი მოვიუბნეთ, ამდროს ერთი უნკერი შემოვიდა, მინიციკიმ ისევ გამაცნო.

– „ეს აქაურის პოლიცემისტრის, ამათი ძმა არის.“ მე ხელი გამოვართვი და დავსხედით ერთათ. რა ყველანი წავიდნენ წამოვიდნენ, მინიციკიმ პოლიცემისტრის ძმა არ გაუშო, სთხოვა, მცირეს ხანს ჩვენთან დარჩენილიყო, რომელიცა დარჩა. მომეწონა, უცხო პატიოსანი კეთილშობილი ყმაწვილი კაცი, რომლებიცა მაშინვე ძმასავით დავახლოვდით, რომელსაცა ვთხოვე ხშირათ ევლო ჩემთან მინამ ვერხნი-ურალსკს წავიდოდე.

17-ი აგვისტო რომ გათენდა, მინიციკიმ ბარგი ჩაალაგებინა; სადილი კიდევ ერთათ ვიგემეთ, სადილს უკან მწუხარებით გავიყარენით და საქართველოსაკენ გამოსწია, – გამოსწია, მაგრამ მე ერთიან წამამილო ჩემო სიცოცხლეო კატინოჯან!

ამის მეორე დილას პოლიცემისტარის ძმა, უნკერი სჩერბაჩევი შემოვიდა ჩემთან, მარტო უამხანაგოთ რომ მნახა, მთხოვა, იმასთან ერთათ დამდგარვიყავ, რომელიც სიამოვნით გადავედი ჩემის მცირეს ბარგით, სადაც ვიყავ იმასთან და უცხოთ ვატარებდით დროებს. რაც ორენბურღში კარგი საზოგადოება იყო, უფროსი ერთი გავიცან; ყველამ კარგათ მიმიღეს, კაცთა და ქალებმაც და სიყვარულით მექცეოდნენ ყველანი. კვირაში ორჯელ ნაჩაღ-

ნიკ-შტაბთან მივიდოდი სანახავათ და ბევრჯველ სადილათაც, რომელიცა ალერსით და სიამოვნით მიმიღებდა ხოლმე. ორენბურლის საზოგადოებას არ უნდოდათ მონყინებისთვისა მიმეცა თავი. ნამეტნავად ქალნი უფრო ისურვებდნენ, მაგრამ გული ჩემი საითკენაც ყოფილა, მაინც კიდეც იქითკენ იყო და თვალეზი ჩემი იქითკენ იყურებოდა. მე იმათი დიდი მადლობელი დავრჩი, ესეთი მადლობელი, რომ საუკუნოთ დამავალა ორენბურლის საზოგადოებამ. მაგრამ გული ჩემი საითკენაც ყოფილიყო, კიდეც იქითკენ გაიწვედა და თვალეზი ჩემი იქით იყურებოდა, რომელიცა ხშირათ წარმოვსთქვამდი ამა რუსთაველის ლექსსა.

„ღმერთო! ღმერთო გეაჯები რომელი ჰვლოზ ქვენაზესა,  
შენ დაბადე მიჯნუროზა შენ აწესებ მისსა წესსა,  
მე სოფელმან მამაშორვა უკეთესსა ჩემსა მზესა!  
ნუ ამოფხვრი სიყვარულსა მისგან ჩემთვის დანათესსა.“

.....

ერთს საღამოზე რამთენიმე ყმანვილი კაცი იყო ჩემთან და ვატარებდით დროსა სხვისადასხვის ლაპარაკით, ვახშმის შემდეგ სამმა პიროზა დავდევი, რომ ხვალ სანადიროთ წავიდეთო. მე ჩემს ამხანაგს თოფიარალი გამოვართვი და წავედით მეორეს დღეს.

სამ ცხენებ შებმულს, ერთს თავდაუხურავს გძელს ჩასაჯდომში დავხსედით აქეთიქით გძელს ფიცარზე, რომელიცა ამ ახლოს დროს მოუგონიათ ეს საჯდომი და სახელათ დაურქმევიათ კარანდასი. ამისთანა კარანდასის მომგონი, მგონია პირველათ, ციმბირში სადღაც ყოფილა და იმის მამგონს, გვართ კარანდასოვი<sup>1</sup> რქმევია?

ჩავესხედით, ქალაქს გარეთ თვალუნდომს სწორეს მინდორზე გავედით, სადაც ჭაობიანი ადგილები არის, დავიარეთ და ჩვიდმეტი იხვი მოკკალით. გამარჯვებული გამოვბრუნდით მზის ჩასვლის-დროსა და ბინდზე თავთავის სახლებთან გადავხტით.

შინ რომ შეველ, ჩემი ბიჭი მომეგება ამ სიტყვით. – „თქვენთან ერთი ადუტანტი იყო, შინ რომ არ იყავით, მითხრა: ალექსანდრეს

<sup>1</sup> იქ ორენბურლში ასე თქუეს, რომ იმ კარანდასოვს, ის კარანდასი შემთხვევით მოეგონოს. გძელს დროზე იჯდა თურმე, ნახა ისე ძალიან არ აწველეს და მითამ აქედგან შამოელოს, თავის გვარის სახელი კარანდასოვ, ბოლოს კარანდასი გაკეთებულიყოს? – ეხლა იმ ჩასაჯდომსა საზოგადოთ უძახიან, ტარანტასი.

უთხარი, ჩილაევი<sup>1</sup> თქვენთან იყო და გთხოვსთ ჩემთან მოხმანდეთქო.“ ამდროს კაროვინი შემოვიდა და პეროვსკის მოსვლა პირველათ იმან მითხრა.

მე სერთუკი საჩქაროთ გადავიცვი ტანზედ და ნავედი ჩქარა, რამწამს ჩილაევმა დამინახა, მაშინათვე მომეგება, მომეხვია და რამდენჯერ გადამკოცნა. შემდეგ დამსო თავის გვერდით და ლაპარაკს შევუდექით. ყველა, ყველა ვუანზე და ბოლოდროს ბატოიშვილის დედი ჩემის ნიგნი მივე, რომელმაცა გულმოდგინედ ნაიკითხა და მერე გულმტკივნეულმა მითხრა.

– „ნურაფერზედ ნუ შენუხდებით, დიას პატიოსანი და კეთილი კორპუსნის კამანდერი გვყავს, ხელმწიფის საყვარელი ხომ რასაკვრელია, ამისთვის იმედი მაქვს შეგეწვევათ. ახლა მითხარით რომელს ბატალიონში ხართ დანიშნული?“

– „ვერხნი ურალსკს, 9 ბატალიონში პრაპორშიკათ.“

მეგათ დაღონდა და მასუკან მითხრა.

– „მე ახლა, კორპუსნის კამანდერმა, ახალს ალექსანდროვსკის ციხეში დამნიშნა ნაჩალნიკათ და უთუოთ თქვენც წაგიყვანთ თანა. ნურას ფერზედ ნულარ იფიქრებთ, უთუოთ უნდა წამოხვიდეთ. თუმცა ცუდი ადგილია ახალი ალექსანდროვკა, მაგრამ მაინც ჩემთან გირჩევნიათ, მინამ ვერხნი ურალსკის. თქვენ ჩემთან ძმასავით იქნებით და ვერხნიურალსკის ბატალიონში, უბრალოს აფიცრათ.“

– „ჯოჯოხეთშიაც საამოა ჩემი თქვენთან ყოფნა, არამცთუ ახალ ალექსანდროვსკის ციხეში.“

– „უთუოთ, უთუოთ თან წაგიყვანთ, თორემ ვერხნი ურალსკში უპატრონოთ იქნებით.“

– „უცხო და კეთილი საქმეა ეგ სურვილი თქვენი, მაგრამ ნაჩალნიკებთან რაკასოვსკისთან რომ მოილაპარაკოთ, დიას კარგი იქნება, ამისთვის რომ დიდი მონანილეობა მიიღო იმან ჩემზედ და ბევრი კარგი უნდა ჩემთვის.“

– „დიას კარგი იქნება, ამაღამვე ვნახამ მე იმას.“

ერთ მემამულისშვილებმა, ერთ საათამდინ კიდევ ვისიამოვნეთ სხვისა და სხვის ლაპარაკით, მერე ავდექ და გამოვეთხოვე. ჩილაევიც ნაჩალნიკებთანაკენ წავიდა.

მეორე დილაზედ, ნაჩალნიკებთან ვესტავოი მამივიდა, დავე-

<sup>1</sup> ქართულათ: ქილაშვილი. დუშელი აზნაურშვილები არიან.

ბარებინე, ნაველ, მითხრა.

– „ჩილაევმა თქვენი სურვილი მიანბო, თუმცა ეგ სურვილი თქვენი მამწონს, მაგრამ ესკი უნდა გითხრათ, რომ საშინელი გაუძლებელი ადგილია, ამისთვის მეშინიან ავით არ გახდეთ და ვნება არა შეგემთხვათრა?“

– „სწორე მოგახსენოთ, მე ჩილაევს კარგად ვიცნობ იქვე საქართუელოში, სადაც უნდა ვიყო იმასთანა, – იმასთან ჩემთვის კარგი იქნება.“

– „ვიცი კნიაზო, მეც ვიცი რასაკვრელია. თქვენთვის კარგი იქნება იმასთან. რადგან თქვენი სურვილი უთუოთ აგრე არის, კარგი აგრე იყო, მაგრამ მინამ მე კორპუსნის კომანდერთან არ წარგადგენთ, ჯერ ვერას ვეტყვი მე იმას, ამისთვის ხვალ დილით მეათე საათზედ მოდით კრპუსნის კომანდერთან, სადაც ყველანი იქნებიან ფორმით და იმათ შორის თქვენც წარგადგენთ ხვალვე, სადილათ მოდით ჩემთან და ამბავსაც გეტყვით რასაც თქვენზე მოვილაპარაკებთ მე და კორპუსნის კომანდერი.“

ავდექ მაღლობითა და იქიდგან ჩილაევთან მოველ, რომელსაცა ყველა ვუთხარ. ისიც მოემზადა, ჩემზედ უთხრას რამე პეროვსკის. როგორც მითხრა, მეორეს დილაზედა ნაველ სრულის აფიცრის ფორმით, კორპუსის კომანდერის სასახლისაკენ, სადაც კიდეც შეყრილიყვნენ იმის ზალაში, იქაური საზოგადო ჩინოვნიკნი და პეროვსკის გამოსვლას ელოდნენ. რადგანც ლინეინის ბატალიონის პრაპორშიკათ ვიყავი, ნაველ და ერთს კუთხეში დავდექ, საიდგანაც ვუყურებდი იქაურს საზოგადოებას, ვინცკი ჩემი მცნობნი იყვნენ, მოვიდნენ, და ხელი გამამართვეს ალერსიანის ლაპარაკით. პატარა ხანს უკან ნაჩალნიკშტაბიც შემოვიდა ზალაში, ყველას თავი რომ დაუკრა და ზოგთ გაელაპარაკა, შემდეგ თვალი გადმოავლო და კუთხეში დამინახა. ჩემკენ წამოვიდა, ჩილაევიც თან წამოიყვანა, მოვიდა და ღიმილით მითხრა.

– „უცხო, კარგი ადგილი ამოგირჩევიათ, ვასილი ალექსეიჩი, ყველას რომ ჩამოუვლის, ბოლოს აქ თქვენთან მოვა და უფრო გამოგკითხავს თქვენს ამბავს.“

მე ამის ფიქრი სულ არა მქონდა, მაგრამ ზდილობა მოითხოვდა, მეც ეს მეთქვა.

– „როდისაც ორენბურღში მოველ, როგორც ვხედავ, ჩემი ბედი

კიდევ ჩემკენ არის და ის ჩემი კარგი ბედი თქვენგნით არის. აქ კუთხეშიაც კი არ დამაგდეთ, აქაც მიპოვნეთ. რასაც ვამბობ არა პირსათნოთ, დაგარწმუნებთ ამას პლატონ ივანიჩი.“ სიამოვნით გაილიმა და წავიდა შორსა.

ათი მინუტი არ გასულა, კორპუსის კომანდერი პეროვსკი ზალა-ში გამოვიდა, საშუალო ტანის კაცი, მხარ-ბეჭვანიერი, მრგვალი პირისახე ჰქონდა, თმანი ქერა და ეტყობა, რომ გონიერი პატიოსანი გულის კაცი უნდა ყოფილიყო, თან კეთილიც. ცოტა სქელ უღვაშზე ხელის გადასმითა გამოვიდა, რომელმაცა ყოველს მხარეს მოიხედა, თან უკრავდა თავსა ყველას შესაფერად და თან მოვიდოდა გალაპარაკებით, ზოგთან რასა და ზოგთან რას. ეტყობოდა, რომ ამაყიც უნდა ყოფილიყო.

ყველას რომ ჩამოუარა, ბოლოს სადაც მე ვიდექი, იქ მოვიდა იმ კუთხესთან, მოვიდა და თან ნაჩაღნიკშტაბიც მოჰყვა. მოვიდა და მჭრელი ქროლას თვალებით, ჩამამხედა თვალებში. მეც შევხედე შეუკდიმათ, რომელმაცა ამ დროს ნაჩაღნიკმა შტაბმა, დაბლის ხმით მოახსენა. – „თქვენო აღმატებულებავ, გუშინ ქალაღებო რომ მოგართვით და პირათაც მოგახსენეთ, ეს ის კნიაზი ორბელიანია.“

ამაყისა სახით შემამხედა და კეთილის ხმითა მკითხა.

– „თქვენ პირველათ იმსახურებოდით სადმე?“ –

– „მეშვიდეს კარაბინერნის პოლკში, რომელიცა ყმანვილობითვე შეველ იქა.“

– „რაოდენი ხანი იმსახურეთ სამხედროს სამსახურში?“

– „შვიდ წლამდისინ.“

– „მასუკან მიზეზი რა იყო თქვენი სამსახურიდგან გამოსვლა?“

ჩემი სამხედრო სამსახურიდგან გამოსვლის მიზეზი, თუმცა შენი სიყვარული იყო კატო, ეს შენც კარგათ იცი, მაგრამ რადგან ჩემ გადადგომის არზაში მოხსენებული მქონდა სახლის გარემოება, ამისთვის ვუპასუხე.

– „ჩემი სახლის გარემოება ითხოვდა, სამსახური დამეტევეებინა.“

– „შემდეგ სამხედრო სამსახურისა აღარსად გიმსახურიათ?“

– „სპარსეთის კამპანიაში, მეც მონაწილე ვიყავ, მაგრამ ამდროებში ჩვენი ტფილისის უეზდის კეთილშობილთ წინამძღომელი გარდიცვალა და რადგან მე იმის კანდიდატათ ვიყავ აღრჩევამი

საზოგადოებისაგან, იმისი ადგილი მე მამცა. შემდეგ სოვეტნიკათ ამამარჩიეს ისპოლნიტელის ექსპედიციისაში, სადაც უკანასკნელამდის იქ ვიმსახურებოდი.“

– „იმედი მექნება, კარგათ იმსახურებთ.“

– „ვეცდები რაც შემიძლიან.“

– „ცოლშვილიანი ხომ არა ხართ თქვენ?“

მე უნებურად ამოვიოხრე და მასუკან ვუპასუხე.

– „დიახ თქვენო აღმატებულეზავ.“

– „რათ დაგიგდიათ საქართველოში? თქვენ სანუგეშოთ უნდა წამოგეყვანათ ისინი.“

– „ჩვენი სახლის გარემოება არ ითხოვდა თქვენო აღმატებულეზავ.“

– „მე მგონია უფრო ამისათვის, რომ უფრო ჩქარა დაგაბრუნონ საქართველოში?“

ასე მართალი თქვა, რომ ხმა აღარ ამოვიღე. მაშინ ჰეროვსკიგატრიალდა და სხვა მხარეს წავიდა.

მეც მაგთენი ხანი აღარა მოვიცადერა, შინათკენ წამოველ, სადაც ჩემი ამხანაგი ფეოდორ ნიკაილაიჩი სჩერბაჩივი შინ დამხვდა და ყოველი ვუთხარ, იმან მიპასუხა.

– „იმედი მაქვს, ამას იქით, თქვენი საქმე კარგათ მოვა და ჩქარაც დაბრუნდეთ შინათკენ.“

– „ეგ რომ აგრე მოხდეს, რა კარგი იქნება ფეოდორ ნიკაილაიჩ.“

– „უთუოთ გქონდეთ იმედი.“ იმან მითხრა.

შუადღიდან ორი საათი რომ სრულდებოდა, ნაჩალნიკ შტაბთან წაველ.

როდისაც კაბინეტში სკამზედ დავჯექე, კმაყოფილებით მითხრა.

– „თქვენი სურვილი ვაცნობე ვასილი ალექსეიჩის, ახალს ალექსანდროვკაში თქვენი სამსახურის მონადინეობა, დიდათ მოენონა, ამისთვის რომ ამ ახლო ხანებში დაიწყეს აქ ციხის გაკეთება, სადაც თქვენთვის სასარგებლო იქნება თქვენი სამსახური იქა, იმ ციხეში იმსახუროთ დროებითა, მაშინ ვასილ ალექსეიჩის, კარგი მიზეზი ექნება თქუენი შეწვევისა და თქუენზედაც დიდი მონაწილეობა მიიღო იმან. ახლა იმან იცის და განკარგულებაც მოვახდინეთ თქვენი ახალ ალექსანდროვკაში წასვლა. ღმერთი იყოს თქვენი შემწე.“

მე მადლობა განვუცხადე გულითადი.

ამის მესამეს დღეს ჩემი მცნობები დავიარე, ყველას გამოვე-სალმე, ჩემს ამხანაგს ხომ რასაკერელია და სალამო-ჟამზედ ჩემის ბრიჩკით<sup>1</sup> ავედევენე უკან, ჩემს ახალს ნაჩაღნიკსა.

*კასპიის ზღვიდგან გასვლა.*

ნარსრულს სეკტენბრის თვესა, რიცხვსა თერთმეტსა. –

შუადღიდან მეექვსეს სათზე გამოვლეთ ორენბურღის ქა-ლაქი; აქედგან დამოკიდებული გზა, ვიდრე გურიევის ქალაქამდე, სწრაფის ფოშტის ცხენების გამოცვლით გამოვარბენინეთ, 17-ს სეკტენბერის შუადღის ჟამს, შემოვლეთ ქალაქი გურიევი და სოტ-ნიკი ნაზაროვის სახლში გადავხედით.

ამ სახლიდგან ერთი ყმანვილი დედაკაცი ეზოში გამოგვეგება; სიმაღლით ჰაეროვანი, პირმრგვალი, შავთვალწარბა, ცხვირსაშუ-ალო, ტუჩბალახიანი, შავგვრემანი და ტანათ სქელი. საუცხოვო ჭრელი თაღის ჩითის კაბა ტანზე ეცვა და დაბლონდვილი თეთრი ჩეფჩიკი თავსა ეხურა, საიდგანაც თმანი გიშრათ გამოიბზინე-ბოდენ; რომელმაცა სიამოვნით მიგვილო და თავის სახლსა შეგვი-წვია ბოდიში მოიხადა თვისის მეუღლის შინ უმყოფლობისათვის; ქ. ასტრახანს ნასულიყო საჭიროებისათვის, ჩემი რეკამანდაციისა და რაოდენიმე ხანის შემდეგ ყაზახისა ურადნიკი მოვიდა, ნაჩაღნიკ-თან გამოცხადდა და მოახსენა.

– „ურალის წყალზე სუდნა თქვენ გელით, რას გვიბძანებ?“

ბძანების მიმცემმა უთხრა.

– კარგი, თვით მე მოვალ იმის სანახავათ.

ბძანების აღმასრულებელი გატრიალდა, წავიდა.

სადილისა და ყავისა შემდეგ, მე და სერგეი გაბრილიჩი დავრ-ჩით და ვლაპარაკობდით. ლაპარაკში ისე უფიქრელათ ვკითხე.

– „ამ სახლის პატრონის მცნობი უნდა იყვნეთ?“

– „ამასწინათ კორპუსნის კომანდერი აქ იყო ჩამომხდარი, მაშინ გავიცანი.“ – ამ ლაპარაკში ავდოთი ფეოდოროვნა ისევ შემოვიდა და მაცნობა, რომ ჩემთვის ოთახი მაღლა ატაჟაში მოემზადებინა, მე თანხმობის მადლობა გადავიხადე.

<sup>1</sup> დონის ქალაქს ჩერქესკში რომ გამოვიარეთ, ეს ბრიჩკა მაშინ ვიყიდე სამოცდათ-მანათ თეთრ ფულათ. –

ერთს საათს უკან გამოველ, მოვიწოდებ ჩემ დანიშნულს ოთახში ასვლა, კარზე ყაზახის კაპიტანი დამხვდა, მითხრა.

– „გთხოვთ მაცნობოთ, აქ ვინ არის ჩამომხდარი?“

– „კორპუსის კომანდირის ადუტანტი ჩილაევი“.

– „რათ მოვიდა?“

– „ახალს ალექსანდროვკაში მიდის ნაჩაღნიკათ“.

– „რა ჰქვია?“

– „სერგეი გაბრილიჩი.“

– „თქვენ ვილა ხართ?“

– „იმის პოჩინენი ჩინოვნიკი.“

გვანდა ხანგრძლივ ლაპარაკი უნდოდა, მაგრამ მე განვეშორე და ჩემს დანიშნულს ოთახში აველ. ჩემს მოსამსახურეს ქვეშაგები გაეშალა ჩემთვის, მე მეტათ მიაბა და ვთქვი.

„კურთხეულ ხარ შენ განსვენებო და გიხაროდენ მცონარებო.“

– ზედ მონყვეტილსავით მივეგდე. მცირედი რომ მოვისვენე, ავდექ და თვალი მოვაველე ამ ოთახსა. აღმოსავლეთის მხარეს კარი ება, ის გავადე, წინ გალერეა ჰქონდა და იმაზედ გავეღე. ვნახე, ამ სახლსა და სრულიად ქალაქს, ურალი წინ ჩამოუვლიდა; გაღმა და გამოღმა მწვანოვანი თვალუნდომი სწორე მინდორნი მოჰყვნოდენ და შუაში ეს მდინარე კანკლელა მოდინდებდა. მეხუთე საათამდისინ აქ დავყავი და ამათის ჭვრეტით ვსიამოვნობდი.

მეხუთე საათის დაწყების დროს, სერგეი გაბრილიჩთან ჩამოველ, რამწამ დამინახა, მოვიდა და კმაყოფილების სახით მითხრა.

– „ყოველი განკარგულება მოვახდინე და ახლა მზათა ვართ წასასვლელათ.“

– „მამ რას ველით, არ მივდივართ?“

– „ზუდოსტია. (ესე იგი ჩვენთვის წინაღმდეგი ქარი.)“

მზე ჩასასვლელათ მოემზადა და მე გამოვეთხოვე, სუღნა მენახა.

მოტრიალდა, მითხრა.

– „ქალაქის ბოლოსა დგას, აქედგან ვერსტ ნახევარი იქნება. თუ გინდა კასნოთ წადი?“

მე მიაბა და ურალის პირზე ჩავეღე.

კასნოი წყალის პირზე იდგა. რვა დანიჩბულის ყაზახებით, ოთხი ერთს მხარეს ისხდნენ და ოთხი მეორესა მხარეს.



ეს კასნოი ნავის მაგვარია, მაგრამ ასე დიდი იყო, სამას პუდ-სა თურმე იტვირთავდა, ერთი იალქანი ჰქონდა, ორი აფრებითა განყობილი. ამ კასნოის თავსა, ერთი პატარა ზარბაზანი ეკრა და ეს მიმომცურავი ნავი, ზღვაში თამამად თურმე სცურავდა, ბძანებაც ჰქონდათ, ჩვენ სუდნასთან გამოჰყოლიყო.

მენავემ რომ დამინახა, გძელი ფიცარი იმას ხიდათ მიადგა, მე იმასზედ აველ და უკან ტახტზე ჩამოვჯექე.

მენავემ ნავი მიატრიალა და მომსმელთ ნიჩბები ერთ პირათ მოუსვეს.

ასი საჟენი არ გაგვივლია, სუდნა გამოჩნდა, რომელმაცა თვალი ველარ მოაშორეს. ჩემს დღეში არ მენახა და რაღაც ფანტაზიად მეჩვენებოდა, ის სუდნა თვალუნდომსა წყალზედ. მოკლეთ გითხრა ჩემო კატო! ეს ზღვის შემამკობელი სულერთიან გავჩხრიკე და წამოველ. მაშინ მოგზაური ქარი ჰქროდა, მენავემ მთხოვა აფრა გაეშალათ. მე ნება მივეცი, მეყვსეულად ერთი თეთრი აფრა გაიშალა და ნავი გამოაქანა, სადაც ჩქარა მოველ ბინაზედ.

სერგეი გაბრილიჩმა კითხვა დამინყო. მე ქება ვთქვი სუდნისა და კასნოისა, ამასთან ვთქვი.

– „ნეტავ ჩქარა ნავიდეთ, მეშურვება ზღვა ვნახო მეთქი.“

იმან გაცინებით მითხრა.

– „თუმცა გესწრაფება ზღვის ნახვა, მაგრამ ასე შეგანუხებს თავბრუსხვევა და პირიდგან ზიდილი, რომ წყევლო“.

მე კასკასით გავიცინე და ვუთხარ.

– „უთუოთ ქალაჩუნა გგონივართ?“

– „ვაჟკაცობაზე ხომ არ არის დამოკიდებული.“ მე სიტყვა აღარ შევასრულებინე და ვუპასუხე.

– „ამ ჩემ თავს მოვიჭრი, თუ მართლა ეგ შემემთხვა“.

– „აი, მე ხომ მითქომს, და თუ მე მაშინ ბევრი არ ვიცინო და ნახავ?“

მე სრულებით გავუტრიზავე, მაგრამ იმან კიდევ მითხრა.

– „მე ვიცი, რაც მოგივა, მაგრამ წინათვე დარიგება მამიცია, თაბრუც დაგესხმის და პირითაც ზიდილი მოგივა, მაგრამ ნურც შეგეშინდება და ნურც შენუხდები, ზღვის და ხომალდის წესი პირუელათ ისე არის, მინამ შეეჩვევი. მეც პირველად ისე მამივიდა, მაგრამ როცა გადამივარდა, ავდენი ვიცინე, სიცილით ველარ დავდეგ.“

მე არ ვუჯერებდი და სასაცილოთ ვართმევდი.

17-მა და 18-მა სექტემბერმა, წინააღმდეგი ქარი ჰქროლა, 19-ს რიცხვსაც ეგრეთ გვეგონა, მაგრამ ამ უკანასკნელმა რიცხვმა, შუადღის დრომ რომ მოატანა, ქარი ჩავარდა, ასე რომ მცირედი სიო აღარ სისინებდა. ორ საათს უკან ჰაერმა რყევა შექნა და ნიავმა ფოფინი დაიწყო. ყაზახის ურადნიკი მოიჭრა და ნაჩაღნიკს მოახსენა.

– „ნორდოსტი ჰქრის.“ ესე იგი (ჩვენთვის<sup>1</sup> მოგზაური ქარი.)

ბძანების მიმცემმა უთხრა, სუდნა ზღვაში შეეცურებინათ თვრამეტ ვერსტამდისინ და იქ ლუზაზე დაეყენებინათ.

მე მესწრაფებოდა წასვლა, მაგრამ ნაჩაღნიკსა კიდევ საქმეები ჰქონდა, ამაობაში კარგახანი გავიდა. როდისაც საქმისაგან მოიციალა, ავდოთი ფეოდოროვნას გამოვეთხოვენი და კასნოიში ჩავსხედით.

წყალის პირზე შევხედე, რამდენიმე დედაკაცები იდგნენ თავიანთის წვრილი შვილებითა, რომლებიცა ზოგნი ცრემლეოდენ, ზოგნი მშვიდობით იძახდენ და ზოგნი ხელაპყრობით ღმერთს ევედრებოდენ.

მე იმათი ვინაობა ვიკითხე.

მენავეებმა მიპასუხეს – „ჩვენი ცოლ-შვილები და ნათესავები არიან.“

მე ველარ შევძელ, რომ მძიმე ოხვრა არ ამამეშო და დაფარულად ცრემლი არ გადმამეყარა. მოკლეთ გითხრა, უკანასკნელად გამოეთხოვენ და დაიძახეს. „მშვიდობით, მშვიდობით“ და კიდევ განვშორდით. მე თავი დაბლა დამეკიდა და მონყვეტილსავით მქონდა ისე.

ნავმა წყალი შეარღვია, მდინარესა შეცურდა და პირი ზღვისაკენ გამართა. მე ბალიში მარჯვენას მხარეს დავიდე, ზედ წამოვწექ, წყალის შრიალს ყურს ვუგდებდი და გონება ჩემი კარგათ იცი სად იქნებოდა იმ დროს?..

ერთხელ როდისმე ჩვენ სოფელს კაზრეთში ვიყავი, იმის წყაროს თავზე ვიჯექი და იმის წანწკარს ყურს ვუგდებდი. იყო მშვენიერი საღამო ჟამი. ამ დროს, ვილასიც ფეხის ხმა შემომესმა, შევიხედე, ვნახე, რომ ჩვენი სოფლის კაცი იყო და წიგნს მაძლევდა. გამო-

<sup>1</sup> ზუდოსტ, ნორდოსტ ქარის სახელები არის და სხუანი კიდევ.

ვართვი და კითხვა დავუწყე, რომელშიაც ეწერა.

„ჩემო ს... სულსა ჩემსა ველარ მოუთმენია უშენობა, გევედრები ჩქარა წამოხვიდე და ნულარ დაიგვიანებ.“

შენი ე...“

წაკითხვისა უმალ წამოვხტი, ჩემი დილიბოზის წითელი ცხენი შევაკაზმვინე, ზედ მოვევლე და ტფილისის ქალაქადისინ ცხენ დაუსვენებელი ჩამოვიჭერ. ჩვენი<sup>1</sup> სახლის ეზოში გადავხე, ცხენი მოსამსახურესა მივეცი და მე გალერეას ავედი. ზალის ფანჯარაში რომ შევიხედე, ვნახე ჩემი ე... თავის მშობლებს შუაში უჯექ და ვახშამს შეექცეოდით. ჩემსა ე... გეტყობოდა დიდათ სწუხდი. რამწამს დაგინახე, ტრფიალებამ ამიტაცა, მაგრამ გული დავიმშვიდე; მოვედი და მორიდებით კარი შემოვალე, შენ რომ შემოიხედე და თვალი შემამასწარ, გინდოდა წამომხტარიყავ, მაგრამ განიშენ არ ამდგარიყავ, ამასთანვე გავალე კარი და შემოველ. შეგვექნა სიხარული. ჩემო ე... შენ ჩემს მხარეს გადმოხვედი, სპეტაკი ხელები გამოგართვი და ბევრი ვაკოცე შენს მშვენიერს ხელებს ბევრის სიამოვნით.

მერეთ დავსხედით და მოვიუბნეთ, საათი ვნახე, რომ სამოცი ვერსი, ოთხს საათზე გამომერბინა, რომელმაცა ყურში მიჩურჩულე.

– „ჩემო ს... კარგია ჩვენი საწოლისაკენ წავიდეთ.“ მე სიხარულით წამოვდექ, მარჯვენა მკლავი გითავაზე. შენ ალვის შტოებრივი მკლავი მკლავში გამიგდე, მშობელთ გამოვეთხოვენით და ჩვენს საწოლში შევედით.

ჩემო ე...ო, შენ დივანზე დაჯექ და მეც გვერდით დამისი, მასუკან საწყლად ამოიოხრე, მარცხენა მკლავი მხარზე გადამხვიე, თავი გულზე გადმომიდგე და მწუხარებინას სულთქმით ჩამსუნთქამდი გულში. მე გაშტერებული დავრჩი და ვერ შამეტყო, რისთვის მწუხარებდი? –

ერთი საცოდავით ამოიკვენესე და მასუკან მითხარ.

– „ახ, ჩემო ს... რომ იცოდე, ამ ჩემს გულსა და სულსა როგორც უყვარხარ, მერწმუნე არც ერთს მინუტსა არ მამშორდები.“ რამთენი ამგვარი ცხადი ამბებია ჩემი შენთან, ახლა მხოლოდ ფიქრით უნდა ვიყო შენთან.

<sup>1</sup> ჩვენი სახლი და ჩემი სიამარის სახლი მეზობლათ არის ერთმანეთთან. ჩემი ე... მამწინ თავის მშობლებთან იყო. –

ამ დროს და ამ ფიქრში რომ ვიყავი, თოფის ხმა შემომესმა, შემოვიხედე, სერგეი გაბრილიჩის დაცლილი თოფი ხელში ეჭირა და მდინარის მხარეს რალასაც უყურებდა. მე შემომხედა და შეკდი-მეებით მითხრა.

– „შორს ისხდენ ის ბატები, თორემ ერთერთს მოვკლავდიო.“  
მე გავიცინე და ვუთხარ.

„არა, ის ბატები დაჭრილები ნავიდნენ საჩივლელად თქვენზედ.“  
მაგრამ ჩემთვისა ვთქვი.

„ნეტავ ეს ჩემი ფიქრი არ მოგეშალა, იმ ბატებსა ეს მერჩივნა მეტქი.“

ვიცინოდით და შევექცევოდით, ამაოებაში.

კიდევ ფიქრმა წამილო, – კიდევ შენმა კატო და რამდენი რაები მაგონდება შენთან... ჩვენი მშობლის მამულისა ხომ რალა გითხრა?.. ამას ახლა თავი დავანებოთ, ამას მოვყვით კიდევ.

ჩვენი ნავი თავის ცხვირსა წყალსა ახვედრებდა, უკან პიდლის წყალი ორკაპად გაიპობოდა და ბოლოს ორად გაიგძელებდა. ხანდისხან გადაექან გამმოქანებოდა აკვანისავით და წყალსა შემოგვაჭყაპუნებდა. ასე და ამ სახით მიცურავდა ნავი შებერვილი აფრით, ჩვენის სუდნისაკენ.

იმგრგვლივ მოვიხედე.

გალმა და გამოლმა სხვა არა იხილვებოდარა, თვინიერ აშლილი ლელის მეტი, რომელიცა ნიავი უხილავსა ფრთებსა მათზე იქნევდა და ეს ნორჩნი მოწინებით, ვითა თავსა დაგვიკრავდენ.

ბინდმა დასალონებელი ფარდა მზესა შეუფინა, სხვა თალხი ზენარი ქვეყანასა გადმოშალა და ჩვენც ქალაქი მიგვეფარა თვალით.

ამ წყალიდგან ისმოდა იხვთა ყიყინისა ხმები, მცირე ხანი რომ გამოვიდა, ვნახეთ, მარჯვნივ წყალის პირზე იხვნი დაცურავდნენ; როდისაცა დაგვინახეს, აფრინდენ და ჩვენ მხარეს გამოსწიეს, სერგეი გაბრილიჩმა თოფი მოიმზადა, მე კი ვუკიჟინე.

– „ვაი, იმ იხვების ბრალი.“

ამის მეტი არა მითხარა.

– „ვნახოთო.“

ამ სიტყვასთანვე, მარჯვენა მუხლი დაიჩოქა და მარცხენა წინ დაიდგა, იხვებმაც ჩვენ მახლობლად მოატანეს, ამან გაუნიშნა, იხვნი დაგვიპირდაპირდნენ. თოფი გავარდა და წინ მიმფრინავი იხვი,

თავქვე ტრიალით წამოვიდა. მენავემ ნავი გაატრიალა, მე სიცილით ვუთხარ.

– „ნუ გეგონებათ, რომ მოგეკლათ, უთუოთ თაბრუ დაეხვეოდა.“

– „ხომ იცინი და ვნახოთო.“

იხვი თავგადაგდებული წყალში ეგდო, მენავემ ნავი ახლოს მიიტანა და საბრალო იხვი წყალით ამოიღო, ვნახეთ რომ სამი საფანტი თავში ჰქონდა მოხვედრებული და ოთხი ტანში. სერგეი გაბრილიჩმა გაცებით მითხრა.

– „ოლოლო, ოლოლო.“

– „ტერტერამ უღელი რომ გადააგდო და კურდღელი მოკლა, თქვენც ისე მოგივიდათ მეთქი.“ როგორც ქართულები ისე ვიყავით გულგაშლილები ერთმანეთთან.

– „შენ ხომ აგრე ამბობ და ამაღამ კარგს ვახშამსა შევექცევით ჩვენს სუდნაში.“

მე იხვის სურვილით პირი ჩავიმტკბარუნე და სერგეი გაბრილიჩმა მხიარულის სიტყვით დაიძახა.

– „ოჰ, იხვის სიყვარულით პირს წყალი მოუვიდა.“

მივდიოდით ხან ლაღობით, ხან სხვისა და სხვის ლაპარაკით და ხან დაფიქრებით.

ჩემი მოსამსახურე ჩვენს მახლობლად იჯდა და ერთს მენავესა ჰკითხა.

– „პოჟოლუსტა სკაჟი, ეტოი სუდნოი კაკოია?“ და ხელებით ნიშნება დაუწყო, მითამ როგორია, ანუ რამტოლაა?

ჯერ მენავე ვერ მიხვდა და გაცეცხებული უყურებდა, მერე მიხვდა და დაიძახა.

– „და და და, პონიალ, პონიალ. აი ამისთანა არის. სიგძე ოცი ადლი (არშინი.) ექნება, სიგანე ექვსი, სიმალლე ხუთი. თავი და ბოლო მრგვლათა აქვს მოყვანილი, ერთი დიდი ოთახი თავის მხარესა აქვს, მეორე პატარა ოთახი რულოსთან<sup>1</sup> არის დივნით განწყობილი და ორი პატარა ფანჯარა აქეთ იქით გვერდებზედ აქვს დატანებული. ეს ოთახი აფიცრებისა არის. შუა სუდნის თავზე, ერთი დიდი იალქანი ახვია აქეთ იქით დათოკილ კბილიანი; მეორე იმაზე ბევრით პატარა იალქანი, პატარა ოთახის თავს ასვია. ეს იალქნები თოკებით არის მოვლებული და აფრებით მოსხმული, თავთავის

---

<sup>1</sup> რულო. ქართულათ არის პიდალი.

ადგილს და თავის სახელებით. სიღრმეს წყალში ხუთს ფუტზე დგას და ფერით ბნელი არის. ჩემმა ბიჭმა მენავეს ლაპარაკი ვერ გაიგონა და ჰკითხა.

– „კაკოია?“

– აკი გითხარ. –

ჩემმა მოსამსახურემ ყურზე ხელი დაიდო, მერე აიღო და ის ხელი აქეთ იქით გაუქნია. მენავე მიხვდა და უკმაყოფილოს სიტყვით უთხრა.

– „ეკატი ბუსურმანინ, დახატული ხომალდი მაინც არ გინახავს?“

ჩვენ გულმოდგინეთ ყურს ვუგდებდით და იმათ ბოლოს ლაპარაკზე მაღლა გაგვეცინა.

კეთილ სასიამოვნო ნიავი იცემებოდა, აფრა ფრიალებდა, ნავით გარღვეული წყალი ხანდისხან შეითამაშებდა და წვრილსა წინ-წკალებსა გადმოგვაყრიდა. ასე მონარნარეობით მისცურავდა ნავი და რომელიმე მენავე ზღვაში თევზების ნადირობის ანბავს უანბობდა თავის ამხანაგებს. მე იმას სრულებით ყურს არ ვუგდებდი და სხვას ვფიქრობდი.

ის რომ ამის ლაპარაკში იყო, ამ დროს ერთმა მენავემ დაიძახა.

„აი ზღვა?“

ზღვის ნახვის მოწადინე წამოვდექი, სადაც პატარა ზარბაზანი იყო, იქ მივედი და გადავიხედე. ვნახე, რომ ვარსკვლავებიანსა ღამეს სიბნელე ზედ გადაეშალა, წყალი ლურჯათ მოჩანდა და მეგონა: წმინდა ჰაერი აყუდია ზღვაზედ მეთქი. პირველათ წინ გავიხედე, მერე მარჯვნივ და მარცხნივ მოვიხედე, მაგრამ ვერა დავინახერა, თვინიერ წყალის და ცის სამყაროს მეტი, რომლებიცა ერთმანეთში იყვნენ გართხმულები. შემდეგ უკან მოვიხედე, ურალის აქეთ იქით ნაპირები კიდევ ცოტათ ჩანდა ვარსკვლავებიანსა სიბნელეში.

ჩემს ადგილსვე მოველ და ბალიშზე მივდე თავი, წამოვწექი, კიდევ მაინც იმრგვლივ მოვიხედე, სრულიადი წყალი გარს გვერტყა და ეს ნავი ამოსულსა რასმე გვანდა წყალის უფსკრულითა. ამ დროს წინ მდგომელმა ყარაულმა დაიძახა.

„ჩვენი სუდნის ანთებული ფარანი ჩანს.“

შიგნით ზღუდე ერთი ახლათ ამოსულსავითა ვარსკვლავი დავინახე, ვკითხე.

– „აბა ფარანი?“

იმ სინათლეზე ხელი მიიღო.

– „აი თქვენო ბრწყინვალეზავ.“

– „აქედგან რავდენი ვერსტი იქნება?“

– „მგონია რვა ვერსტამდისინ იყოს კიდევ.“

ამ დროს არ ვიცი რა ჰაერი მამხვდა, თავიდან ფეხების თითებამდე ის ასეთმა ჟრუანტელმა დამიარა, რომ სრული აგებულება შემიძრნოლა, რომელიცა მაშინვე ბალიშზე მივწექი და საბანი თავზე წავიფარე.

*როდისაც ტფილისის ქალაქიდან გამოსვლას ვაპირებდი, ჩემს ე... ვთხოვე, „რადგანაც უნდა განგშორდე, ამისთვის შენის პატრეტით ნუ დამავდებ და ჩემს სანუგეშოთ გამომიგზავნე.“ პირობა მომცა, მინამ დანიშნულს ადგილს მივსულიყავ, იქ უნდა დამხვედროდა. მე ამისთვის მადლობა გადავუხადე და ბუდეშურთა ხელთა დავკოცნე.*

*თქვენო უგანათლებულებსობავ, ვგონებ, ჩემის ყბედობით შეგანუხეთ, მაგრამ ვთხოვთ მომიტმინოთ.*

მე რომ ორენბურღის ქალაქში მოვედი, მესამეს დღეს ფოშტაში მიველ, ფოშტის გამგეს ვკითხე.

– „საქართველოს ტფილისის ქალაქიდან წიგნი ხომ არა მოსულარა ჩემს სახელზე?“

ქალაქიდან და საქმეში მოძებნა, მაგრამ არა მოსულიყორა, მე დაღონებული წამოვედი.

ავგისტოსა 11-ს მოველ, ქ. ორენბურღსა და 11-ს სეკდენბერსა გამოვედით იქიდგანა და ასე გაშინჯე, უკანასკნელად ბრიჩკაში რომ ჩავჯექი, მაშინაც მიველ და ჩემს სახელზე წიგნი ვკითხე, მაგრამ კიდევ ცარიელი დავბრუნდი.

*რას გადავვეკიდენით? არ მოსულა, არა და არა. ამ პასუხით დამაბრუნეს.*

რალა ვითხრა, ვწუხდი ძალიან, გზაზედ და ზღვაშიაც, საბან დაფარებული თავზე. ამ დროს უეცრათა გულზედ ხელი მოვისვი და ოთხკუთხიანი ხელისგულის ტოლა ფიცარიკი გულზე მეკიდა. სანთელი ავანთებინე, ვნახე, რომ შენი პატრეთი კიყო, მე სიხარულმა ამიტაცა და იმას დავუწყე ტრფიალება.

სერგეი გაბრილიჩმა კითხვა დამინყო.

მე სახე დავანახვე და ყოველი ვუთხარ.

– „მართლა ანბოზ თუ ტყუი? მგონია თან ნამოილებდი მაგ სახესა და ახლა იგონებ?“

მე დარწმუნებით დავაჯერებინე შინიდან ნამოულებლობა, იმანაც ზოგი ერთი დამტკიცებები მოიტანა შეძლებისა.

თუმცა მსურდა გრძნობა ჩემი დამეფარა, მაგრამ გულმა ველარ მოითმინა. ის შენი პატრეთი ჩემ წინ დავისვენე: ხან ვეტრფიალებოდი და ხან განცვიფრებული ვუყურებდი. სერგეი გაბრილიჩი ასე რომ მხედვიდა, თურმე სწყინდა. ანაზღად ხელი ნამოავლო პატრეთს, ზღვაში გადაავდო და გაჯავრებულის სიტყვით მითხრა.

– „ის პატრეთი დაილუპოს, შენს სიკვდილსა ის სჯობია.

– „უიმისოთ რადლა მინდა სიცოცხლე მე.“ ამ სიტყვასთან წამოვხტი და ზღვაში გადავვარდი. მინამ მე ზღვა დამძირავდა, ვიღამაც საყელოში ხელი მტაცა და ჩემი ამოყვანა მოინდომა. მე ჩემ თავსა არ ვაძლევდი, ის იქითკენ მენეოდა. შემოვიხედე, კასნოიდგან ყაზახები მეხვეოდენ და ნაჩალნიკი ფიცხლად უბძანებდა ჩემს ამოყვანას. მოვიხედე და ვედრებით ვთხოვე ზღვაში დავეგდე, მაგრამ ჩემი თხოვა არ ესმოდათ და ნაჩალნიკი კიდევ უბძანებდა სწრაფად ამოყვანას ჩემსას. მეც რაოდენ შევძელ, არ ვაძლევდი თავსა, ისინი იქითკენ მენეოდენ, მე აქეთ ვინევი და ვიძახდი „თუ აქედგან ცოცხალს ამომიყვანთ, თავს მოვიკლავ მეთქი.“ არ იქნა, არ ესმოდათ ჩემი თხოვა, ისინი უფრო მეკიდებოდენ და მეც ვუძალიანდებოდი რაც შემეძლო.

ამ დროს ერთი ძახილის ხმა გავიგონე და წამოვხტი, მეორე უფრო მაღალი გავიგონე.

წარმოიდგინე ნამძინარევი, ჩემთვის ეს სიზმარი? მაშინვე თოფს ხელი ნამოვავლე, პირდაპირ გავიხედე, ჩვენ მოშორებით, შავი რაღაც დავინახე. ზღაპართსიტყვაობის წიგნში ყარამანიანში წამიკითხავს, რომ ყარამანს საშინელნი მხეცნი შემოხვდნენ ზღვაში. ის მამავონდა და კიდევ დავამტკიცე, უთუოთ მხეცის ყვირილი არის მეთქი. უფრო დაბლა გავიხედე, ვნახე ჩვენი ნავი იმაზედ მივიდა, შევხედე ვიცანი, რომ ჩვენი სუდნა იყო. შეძახილისა მიზეზს ვერ მივხვდი და ვიკითხე.

მენავეებმა მითხრეს.

– „რადგან ჩვენ იალქანზე ფარანი არა გვქონდა აშვებული, იმ



მესუდნეებს ჩვენი მიმავლობა აღარ ჰგონებიათ და იმათაც აუხსნიათ. ახლა დაგვინახეს, გვიცნეს და თავის მხარეს გვეძახიან.“

მე არ შევიმცნიე, მითამ ის თოფი უბრალოდ ავიღე, მაგრამ ცოტათი შემრცხვა.

ჩვენი ნავი სუდნაზედ ასე ახლოს მიიტანეს, თანასწორად ზედ მიაკრეს; სუდნიდგანაც თოკის კიბე გადმოუშვეს, რაზედაცა ავედით და რაც ბარგი გვექონდა, ისიც ავატანინეთ. როდისაც ჩვენს ოთახში ჩავედით ჩვენ, მე დივანზე ნამოვნიეკი და ვთქვი.

„ვიმ, ამაღამ რა საუცხოვოთ დავიძინეფ.“

სერგეი გაბრილიჩმა.

„ვიმ, ამაღამ რამდენს ვიცინებ.“

– „ძალიან გინდათ, რომ იცინოთ, მაგრამ თქვენის გულისად არ გავხდები.“

ჩემს ბიჭს ქვეშაგები მოვატანინე და ჩემ კრაოტზე გავაშლევინე. სერგეი გაბრილიჩმაც მეორეს მხარეს გააშლევინა. მასუკან პალუბზე ამოვედით. (ქართულად არვიცი პალუბს რა ჰქვია, თუნდა ჭერი დავარქოთ). ნაჩალნიკმა სამი დიდრონი ანთებული ფარნები ამოატანინა; პატარა ოთახის თავზე რულს ახლოს კანპასი იდგა, ერთი იმ კანპასთან დაადგმევინეს და ორი ფარანი სხვა საჭიროებისათვის დაჰქონდათ. კანპაზს გვერდით ერთი გამოცდილი მატროსი უჯდა და იმ რულის ღერძის თავები ხელში ეჭირა.

სერგეი გაბრილიჩმა სამოარის დადგმა უთხრა და ამასთან უთხრა, ლუზა მოელოთ და აფრები გაეშალათ. მორჩილი მატროსები ბძანების აღსრულებას შეუდგნენ. ჯერ ლუზა ამოიღეს და თავის ადგილს დაჰკიდეს, მასუკან შეიქნა თოკების განევა, გამონევა და დანევა.

შევხედეთ, ვნახეთ, რომ იალქნებზე თეთრი აფრები მოესხა, რომელიცა მოკმაზულს პატარძალსავითა მოირთო სუდნა; ზღვა დაუყოვნად გაარღვია და კანპაზიკი ყოლაუზათ გაუძღვა. ის მატროსი კანპაზთან რომ იჯდა, იმ კანპაზედ დაჰყურებდა; რულის ღერძის თოკები აქეთ იქით მიჰქონდ მოჰქონდა, ღერძი მისკენ ტრიალებდა და სუდნას დახედნილს ცხენსავითა მიაბრუნებდა.

როდისაც სუდნა გაიმართა, თვისსა გზასა გაუდგა, ნაჩალნიკი თავის ოთახშივე ჩავიდა და მე ისევ ზევით დავრჩი, რომელიცა ხან კანპაზსა დაყურებდი, რომლისაგანაცა სუდნა, იმის ძალით გზა-

სა ჰპოვებდა, ხან სუდნასა მოვავლებდი თვალსა, ხან მოჩადრულსა იალქნებსა გულსა გადავატრფობდი, რომელიცა საქართველოს კეკლუცთა ქალთა წამამიდგენდა და ხან ზღვისკენ მიმოვიხედებოდი სატრფიალოს თვალებითა, ამდროს ერთი მატროსი დავინახე მოაჯირზედ გადამდგარიყო, გძელი თოკი ეჭირა, თოკის წვერზე ერთი დიდი ტყვია ება და მითი ზომდა ზღვის სიღრმესა.

პირველათ კასნოიში რომ ვისხედით, ის კასნოი აფრა აშვებული თან მოგვდევდა და იმისი აფრა, ფანოსსავით ანათებდა ანთებულის სანთლისაგან.

ეს ჩვენი სუდნა შეურყეველად მისცურავდა, ასე რომა მცირედ ვგძნობდი იმის რყევას.

როდისაც სუდნა გაიმართა, შუადღიდგან მეათე საათის ნახევარი იყო; სადაც მე ვიჯექი, იმ ადგილსა სამი რუბი დავყავ და სიამონვით ვუყურებდი აქეთ იქით, აქ ვილაცა გამელაპარაკა.

– „მობძანდი, ჩაი მიირთვიო.“ ჩაველ ოთახში სერგეი გაბრილიჩთან. ჩაი რომ დავლიე, ისევე მალლა ამოვედი და იმავ ადგილს დავჯექი.

მერულე მატროსმა მთხოვა.

– „გთხოვთ საათი დანიშნოთ, მინდა უზლა ზღვაში გადავაგდო, ერთს მინუტზე რამთენს უზლას ნავალთ.“

მატროსებმა წვლილკანაფი დახვეული, ერთი ფირფიტა მოიტანეს, კანაფის წვერზე, მუშტის ტოლა ხე ჰქონდა მობმული, მე საათი დავნიშნე, იმათ უზლა გადააგდეს ზღვაში და წვრილი კანაფის იონლარი თან მიუშვეს. როდისაც მინუტი შესრულდა, კანაფი ამოსწიეს, ზომით ნასკვები ჰქონდა, ის ნასკვები დაუთვალეს და მინუტში 7-ს ნასკვს მივიდოდით, ესე იგი 7-ს უზლასა. იანგარიშეს, რომ საათში 7-ს ვერსტსა მივდიოდით, ნელიადის ქარით.

მე მცირეს ხანს კიდევ ვიჯექი იმ ადგილსა მასუკან ოთახში ჩავედი, რომელიცა სერგეი გაბრილიჩი წამონოლილი ფრანციცულს<sup>1</sup> წიგნსა კითხულობდა, მე იმას აღარა ვუთხარრა, დასაძინებლად მივწექი.

სერგეი გაბრილიჩმა მკითხა.

– „ვახშამს არა სჭამ?“

– „არა, არა მშინ მეტეი.“

<sup>1</sup> კარგათ იცოდა ფრანციცული.

– „მეც შენი გამოჯავრებული არასა ვჭამ.“ ბიჭს სანთელი გავ-  
ატაინეთ და ძილს თავი მივეცი.

მე დიახ გულის ძილში ვიყავ, ამ დროს ამისთანა ძილში გულმა  
შფოთვა დამინყო, წამოვჯექ და ვხედამდი, რომ სერგეი გაბრილი-  
ჩის სიტყვა აღმისრულდა.

სერგეი გაბრილიჩმა სიცილით.

– „ოჰ, მამილოცავს.“

მე კარგახანი მასლოკინა, ის კიდევ თავის კრაოტზედ კასკასებ-  
და. რა სლოკინი გადმივარდა, ბალიშზე მივესვენე და მაღლა რომ  
შევიხედე, ვნახე ეს ოთახი ტრიალებდა, მე საჩქაროთ საბანი წავი-  
ფარე და ძილს თავი მივეცი, ძილში რალაც დიდი ხმები შემომესმა,  
გავიღვიძე, ეს სუდნა, ადიოდა, გადადიოდა და დადიოდა გადაქან  
გადმოქანებითა.

მე ქანების მიზეზი ვიკითხე.

სერგეი გაბრილიჩმა მითხრა.

– „თუმცა მოგ ზაური ქარი მოჰქრის, მაგრამ დიდი ქარი ადგა და  
ზღვამ ღელვა დაინყო.“

ყური მივუგდე, ქარი შხუოდა, ზღვა ღრინამდა და ორი ესე  
გაერთებული ხმა ძალიანი იყო. მაგთენი ხანი აღარა გამოვიდა-  
რა, სუდნა გვერდზე მოიქცა და ჩემი მხრის ფანჯარაში წყალმა  
შემოათხლაშუნა. სერგეი გაბრილიჩმა თქუა. „მეცხრე ზვირთი<sup>1</sup>  
დაეძგერა ჩუენს სუდნასა.“

მოვინდომე მაღლა ავსულიყავ, ზღვისა ღელვისათვის მეყურე-  
ბინა. კრაოტისგან ძირს რომ ჩამოვედი, სუდნა გვერდზე გადმო-  
ქანდა, წყალმა ფანჯარაში შემოაშხაპუნა, მე მაშინვე წავიქეცი და  
კიდევ სლოკინს მამაყოლა პირიდგანა.

სერგეი გაბრილიჩმა კიდევ სიცილი აიტეხა.

მე რალა მეთქმებოდა, პირველად ჩემ თავს ვექადოდი, ახლა  
ამყოფით რომ შევიქენი, სირცხვილისგან თავი დივანს ქვეშ შევი-  
ტანე და იქ ვასლოკინე კარგათ. როგორათაც ჩვენში არის თქმუ-  
ლი: „ბატკნები ყარახაჩზე<sup>2</sup> გავისტუმრე.“ ახლა ისე იყო ჩემი საქმე.  
სლოკინი რომ გადმივარდა, ცოტა მოვისვენე და ჩემს ქვეშაგებზე  
მივწექ ისევ.

<sup>1</sup> მეცხრე ზვირთი, ნავების შემანუხებელი არის.

<sup>2</sup> ყარახაჩი კარგი ცხვრების საძოვარი მთა არის ჩვენი, ორბელიანებისა.

მოკლეთ გითხრა, ეს კასპის ზღუა ასე აგვიღებდა, რომ მცირეს ბურთსავითა თამაშობას მოაყოლა სუდნას, რომელმაცა მეტის მღელვარებისაგან, კრაოტიდგან ძირს გადმოგვყარა და ზედსაგები დაგვაყარა თავზე. სასაცილო ეს იყო, ხანდისხან წამოვინევიდი, ქვეშაგებიდგან გამოსვლა მნადდა; ნახავდით, ხან საბანი, ხან ქეჩა, ხან ხალიჩა და ხან ზენარი პირბადესავითა მქონდა თავზე და პირზე ჩამოფარებული ხოლმე. ამდროს ერთიანი ზვირთი დაეძგერებოდა, სუდნა გვერდზე მოიქცეოდა და მაშინვე გამაგორებდა. ასე გამიჭირდა, რომ ცხრაჯერ ბატკნები გავგზავნე ყარაჩაის მთაზედ. ამ ჩემს ყოფაში სერგეი გაბრილიჩი კი იცინოდა, კასკასებდა. მე მეტათ დასუსტებული შევეხვეწე.

– „თუ ღმერთი გნამს სერგეი გაბრილიჩი შემიბრალებ.“

– „სწორეთ მითხარ, როგორ მოგნონს?“ სიცილით მითხრა.

– „ღმერთმა ზღვაც დასწყევლოს და ვისაც ზღვაში სიარული მოუგონია ისიც.“

კიდევ სიცილს მოჰყვა და კასკასსა.

ამაზედ მე ცოტათ უკმაყოფილოს სიტყვით ვუთხარ.

– „ახ, სერგეი გაბრილიჩი, ნეტავი ხუთი წლის სიცოცხლე დამკლებოდა და თქვენი გულისათკი კარგად გავმხდარიყავ.“ ამ სიტყვაზედ უფრო გაიცინა, მე ასე გავჯავრდი, რომ სიმხნე მამეცა და ვუთხარ.

– „მაგ სიცილს თუ თავს არ დაანებებთ.“ შევფიცე. „ეხლავ, თავს ზღვაში გადავიგდებმეთქი.“

უფრო და უფრო აიტეხა სიცილი და მე ასე გავფიცხდი, რომ ზღვაში გადავარდნა მოვინდომე.

– „ხომ არა გჯერათ, მამ თუ არ გადავარდე და ნახავთ?“ –

კიდევ სიცილით მითხრა.

– „აი შენ ნუ მამიკვდე, შენ ზღვაში ვერ გადავარდე.“

– „მართლა?“

– „აბა თუ კაცი ხარ?“

– „თქვენი ნათქვამი ვიყო, თუ არ გადავარდე.“ ამ სიტყვასთან წამოვხტი; წამსვე წავიქეცე და სუდნამ აქეთ იქით მიმაგორა.

მაღალის სიცილით თავის გიორგი ბიჭს დაუძახა, საჩქაროთ შემოსულიყო, რომ სანთელი აენთო, გიორგიმ სანთელი აანთო, მაგრამ ბობლით შემოიტანა, როდისაც წამოდგა, შანდალი უნდა და-

ედგა, სუნდნა გადაგვერდავდა, სანთლით ზედ გადმამანვა; სანთელი გაქრა და უფალმა გიორგიმ ჩემ თავზედ გამოგზავნა ბატკნები ყარაჩაის მაგივრათ. კიდევ კარგი, რომ თავზე საბნის ნაფარება მოვასნარ, თორემ საზარელი და გასვრილი შევიქნებოდი.

მე რომ ის ვნახე, ჰატარა ნუგეში მამეცა და ვიცინე ს. გაბრიელიჩმა ხომ რასაკვრელია. გიორგი, სლოკინით და ვაეებით მალლა აბობლდა.

ეს ღამე ამ ყოფით ამ ოთახში გავატარე, გარიჟრაჟის დროს ორს მატროსსა დაუძახა ნაჩაღნიკმა და ჩემი აყვანა უთხრა მალლა. მატროსებმა ხელი მომკრეს, ორსავე მხრებში შემომისხდენ და მალლა ამიყვანეს. როდისაც გახსნილი ჰაერი მამხდვა, მოვსულიერდი. მატროსებმა ერთს კარგს ადგილს დამსვეს და თვითონ ჩემი ქვეშაგების ამოსატანათ გაეშურნენ. ქვეშაგები რომ ამოიტანეს, მე საბანი მამაგონდა და იმისი განმენდა ვუთხარ. იმათ მითხრეს.

– „თქვენს საბანს განმედა აღარ ეჭირება, მაგრამ თქვენს ახლოსკი ნაეხდინა.“

შევხედე, სასაცილოთ მიგდებდენ და პლუტობით მეუბნებოდენ.

ჩემ ქვეშაგებამდისინ ძლივს მივედი, ასე დაოსებული ვიყავ ბატკნების გარეკითა, თავი მოაჯირისაკენ მივდე ბალიშზედ და მონყვეტილსავით დავეგდე ქვეშეგებში.

საბანი გავშინჯე, წმიდათ იყო, მერეთ გადავტრიალდი, მარცხენა ხელი ყბას ქვეშ ამოვიდე და გონება განსვენებას მივეცი.

თუმცა ისევ ისე ირყეოდა სუნდნა, მაგრამ განსხვავებით, ამისთვის, რომ აქ გახსნილი ჰაერი შემწეობდა, მეორე, ჭერზე ისე არ ექანებოდა სუნდნა, როგორც ქვემოთ ოთახში, ნამეტნავათ შუა იალქნთან, სადაც მე ვინექი, დიახ შვებით ირყეოდა. მატროსებმაც მითხრეს: „ქვემოთ ოთახში რომ არ ჩასულიყავით, აქ ისე არ შეგანუხებდათო.“

როდისაც გონებამ განისვენა, ზღვის ზრიალმა მოიტაცა ჩემი ფიქრი, მე საბან ქვეშ მწოლსა, ზღვის მღელვარება ყურთა სმენას მეტკბო, ქარი ჩემზედ მირბიოდა, ცოტათაც გრილათ ვიყავ ტანში და მაშინვე დამეძინა დიახ კარგათ.

ამ მოსვენებულს ძილში რომ ვიყავი, სერგეი გაბრიელიჩმა გამაღვიძა, როდისაც თვალი ავახილე, მზეს შევხედე, მალლა იყო ამოსული და ჰაერი უცხოთ ციალებდა.

მთელი ეს ზღვა თეთრათ დუღდა, ლადოებით ზვირთებითა და ღელამდა ასე, მოზერის ქარისშხალით.

აფუტკვნილი წყალი გარსა გვერტყა, სრულიადი ეს ზღვა დიდრონ გორებათ გადაქცეულიყო და სუდნაც იმათზე მიყელყელობდა.

ჩვენი კასნოი, ჩვენს სიახლოვეს მოსცურავდა, მაგრამ ერთი ზვირთი მაღლა რომ აიტანდა და სხვას დაბალს ტალღაზე გადიტანდა, ზვირთებს შუა სრულად დაიფარებოდა და მინამ სხვა ზვირთი აიტანდა ზევით, მეგონა: დაილუპამეთქი. ძალიან დიდიკი არა, მაგრამ კარგი ქარიშხალი იყო, ასე რომ მხოლოდ იალქნის წვერის აფრა, რომელსაცა ჰქვიან: ბრანტოფ. შუა იალქანზედ გაეშალათ და მარტო იმ ჰატარა აფრით, ის სუდნა აჩქარებით მიცურავდა, რომელზედაც ხანდისხან მცირე ლადოს წყალი ამოვარდებოდა ზევით, ქერზე დაიფანტებოდა და საჩქაროთ მოაჯირის მიღებში ირბენდა.

სერგეი გაბრილიჩმა მეკანპასე მატროსს უთხრა, იალქნის კიბეზე ასულიყო და იალქნის წვერზე მოჰქცეოდა. მაშინვე თოკის კიბეზე ასე შეირბინა, როგორათაც სახლის კიბეზე და იალქნის წვერთან ერთი კაპი იყო, იმ კაპზე მარჯვენა ფეხი შედგა და მარჯვენა ხელი იალქნის წვერს მოჰკიდა. ეს ყელმოღერებული მატროსი იალქნის წვერზედ მიკრულსავით იყო, რომელიცა ოთხსავ მხარეს გადასდევდა აქეთ იქით და იალქნის წვერი სწორეთ წელამდისინ ადგა, ასე მაღლა იყო კიდევ იმაზედ ასული. იქ ხუთ მინუტს იდგა და მასუკან ჩამოირბინა.

– „რათ აგ ზავნეთ?“ მე ვკითხე.

– „შენს საჩვენებლათ“ იმან მითხრა.

– „წყალში რომ გადავარდნილიყო?“

– „სრულებით ეჭვი არა მქონდა, ამისთვის რომ განსწავლულები არიან. სწორეთ რომ გადავარდნილიყო, ანუ დამხრჩვალყო, საკვირველი რა არის? – კაცი ადრე მოკვდეს ანუ გვიან, სულ ერთია. ყველანი სიკვდილის შვილები ვართ, უთუოთ უნდა დავიხოცნეთ. ეხლა ეს სუდნა წვრილათ რომ დაილენოს, მე ჩემს სიკვდილს ასეთის დამშვიდებულის გულით შევხედავ, არცკი შევიმცნევ, ვიხრობი თუ ცოცხალი ვარ.“

– „დიახ მართალია, მაგრამ უდროოთ სიკვდილი, შესაწუხებელი არის.“

– „ამისთვის რომ სიკვდილისა გეშინიან.“

– „მე სიკვდილისა სულ არ მეშინიან, მაგრამ სწორეთ ვიტყვი, ჯერ არ მინდა მოვკვდე. მინდა კიდევ ვიცოცხლო, ეგება ჩვენს ქვეყანას ვარგო რამე.“

ამ სიტყვაზედ ღრმით დაფიქრდა. ხმა არ გამცა.

ბოლოს ვიღამაც დაიძახა. „შეხედეთ ამ პალუბზე, რა ანბავი არის?“ წამოვჯექი, ვნახე რომ ჩემსავით უცხოები, ზოგი პირქვე ეგდო, ზოგი თავ წაღებულნი დაჩოქილები იყვნენ და ზოგი მოაჯირზედ მისვენებული, რომლებიცა ზოგი იფურთხებოდა, ზოგი ბატკნებს ერეკებოდნენ და სხვისა და სხვის სახით იყო ყველა. მეორეს მხარეს გადვიხედე, ჩემმა ბიჭმა თავი გადაიღო მოაჯირზედ ზღვისაკენ და ბატკნები გადალალა იქით. მე ესენი ასე სასაცილოთ დავინახე, სიცილი ამივარდა. ავდენი ვიციხე, რომ სიცილი ველარ დავაყენე; ამით დაღალულსა ძილი მამერია და ძალიან კარგათ დამეძინა. ორ საათამდისინ განსვენებით მძინებოდა. როცა გავიღვიძე, ვიგრძენ, რომ სრულებით კარგათ ვიყავ. ზღვაც დამცხრალიყო, აღარც ისეთი ქარი ჰქროდა და აფრებიც სულ ერთიან ფრიალებდნენ იალქნებზედ. მე ეს მიამა, საჩქაროთ ავდექ და ჩემ ბიჭსა დავუძახე.

– „როგორ იყავ მეთქი?“

– „რალა როგორ ვიყავ, დედის ხსენისაგან დავიცალე.“

– „ახლა როგორ ხარ?“

– „ახლა კარგათა ვარ.“

პირსაბანი ბოხჩა და წყალი მოვატანინე, მოაჯირზე გადავდექი და პირი დავიბანე. მე რომ პირის ბანას მოვრჩი, სერგეი გაბრიილიჩი ოთახითგან ამოვიდა და დაიძახა.

– „ოჰ გაცოცხლდი? – აკი გითხარ ბევრს იცინებ და კარგათაც შეიქნები მეთქი?“ მერე მიტრიალდა, ბიჭს ჩაის მოტანა უთხრა.

ჩვენ სუდნის თავთან გადავსხედით ზღვისაკენ, სადაიდგანაც ორის რითიმე ვსიამოვნობდით ჩვენ. პირველი ზღვის ბუნების მშვენიერებითა და მეორე ცხელცხელის ჩაითა. ჩაი რომ გავათავეთ, აგებულება გავგიცხელა, მერეთ მოსამსახურეს იხვის მონვა უთხრა ნაჩაღნიკმა.

ერთი პატარა ფეჩი, პატარა ოთახის თავსა იყო აგებული მარჯვნივ მხარეს ზღვისაკენ. ეს ფეჩი ორათ იყო გაყოფილი, ერთში

სამი სალდათის პური გამოცხვებოდა, მეორეში ორი მოდიდოს ქვაბებითა საჭმელი მოიხარშებოდა, რომელიცა გაფრთხილებით შიგ ცეცხლი აანთეს, რაშიაც იხვი მოწვეს მოდიდოს ტაფით და ჩვენც გემრიელათ შევექეცით იმ იხვს. თანაც ცხვრის სამწვადეები გვექონდა წამოღებული და ხის შანფურები, რომელიცა ისიც საჩქაროთ ავაშიშხინებინეთ და მცვრიანი მწვადი მოგვიტანეს ცხელცხელათ. როდისაც იმის სუნი გვეცა, პირში წყალი მოგვივიდა. რომ არ გაციებულებოდა ანუ იმის გემრიელი ცვარი არ დაგვეკარგა, საჩქაროთ ერთმანეთსა შევეუთაღეთ და ის ცხელი მწვადი თავის გემრიელის ცვარით, გემრიელად შევექეცით. ზედაც სოტერნის ღვინო ვასხით, გულის გამამხიარულებელი და მწუხარების ფიქრის დამკარგავი. ბოლოს ეს ღარიბი სადილი ავიღეთ, დღეც მშვიდობიანი დაგვიდგა და კეთილის ქარით სუდნა კარგათ მისცურვიდა თავის სწორეს გზაზედ ზღვაში, სადაც ზოგიერთი მეთევზეთა სუდნა შეგვხვდა ასტარხნისა, რომლებმაცა ერთი დიდი ჯამი ახალი ხიზილალა გვითავაზეს, ჩვენც გავსცილდით მადრიელი იმათ.

მივდიოდით სხვა და სხვის ლაპარაკით და ხან მდუმარეობით. როდისაც მეთევზენი თვალთა მიგვეფარნენ, აღარც სხვები შეგვხვდნენ, მოვიხედე, ზღვის<sup>1</sup> ძაღლები ამოჰყოფდნენ თავსა და ისევ ჩქარათ წყალში დაიმალებოდნენ. ამ დღეს ასე მშვიდობით მივიდოდით, ბოლოს ღამის სიბნელემ მოიცო ზღვა და ვარსკვლავნი ცაში კაშკაშებდნენ. აქ სუდნისა დგომა უთხრა ნაჩაღნიკმა და მასუკან მე.

– „ამალამ, ჩუენ აქ დავდგეთ ასე ნელა, ნელა რომ მივიდეთ, უფრო კარგი არის, ის მე ვიცი რათაც.“

მორჩილმა მატროსებმა სუდნა ღუზაზედ დააბეს, კასნოიც ჩვენ მახლობლად დადგა. ამ ღამეს ვიყავით, მეორეს დღის ალიონმა, რომ მალლა აინია, მე ავდექი, სუდნის წინ თავზე დავჯექე და შენ გიგონებდი ჩემო სიცოცხლეო კატო! ახ, რამთენი ამისთანა კარგი გათენების დრონი მაგონდება შენთან, სულ ერთმანეთზედ უკეთესი.....

შენი ჭირიმე მამიტევე, ველარ გავაგრძელებ მომატებულათა, რამთენიც მე ვიტყვი შენს სიყვარულს, ცეცხლსავითა რაღაც მეკიდება. მინდა გავუფრთხილდე ჩემს თავს, ეგება კიდევ გნახო შენა,

<sup>1</sup> ტულენ.



იმედი მაქვს კიდეც მოვეხვივნეთ ერთმანეთსა, კიდეც ჩვენის გიჟურისა სიყვარულით.

ამ ფიქრით მოცული მე, გაფრიალებული აფრა მომხვდა, მცირედი მიკლდა, რომ ზღვაში არ გადავვარდი, საჩქაროთ შემოვიქეც, სერგეი გაბრილიჩთან ჩავე ქვემოთ. შემატყო, რომ დაფანტული ვიყავ და სხვისა და სხვის ლაპარაკით გამამიხსნა. ბოლოს მითხრა.

– „როგორი დღე არის?“

– „უცხო დღეა და მზეც მალლა არის ამოსული.“

საათი ნახა მერვე საათი იყო.

ეს დღე კარგათ გავატარეთ, რაც შეიძლებოდა ისე.

მოვიდა საღამო, ამ დროს დიდ სახედ ჩავიდა მზე ზღვაში წითლათ და ჰაერი გაკვეცილსავით იყო ზღვაზედ.

ზეცას ავლებოდა მზის სინათლე და ზღვას მოეფინებოდა თალხი ბნელი ღამე, მობჭყვიალე ვარსკვლავებიანი.

ამ დროს მე მალლა მოაჯირთან ვიდექი, სერგეი გაბრილიჩი მოვიდა და მითხრა.

– „სჯობია ამაღამაც აქ დავდგეთ, ნუღარ ვივლით. თუ რომ ეს ქარი არ მოიშალა, ხვალ უთუოთ ალექსანდროვკაში მივალთ.“

– „თქვენი ნება არის მეთქი.“

მატროსებს სუდნის დაყენება უთხრა, რომლებმაცა ჯერ აფრები იალქნებისა მოხსნეს, მერე ღუზა ზღვაში გადააგდეს და მეორეს ღამესაც აქ ვიდექით. მე ჩემს ქვეშეგებში გულის ძილში ვიყავ ტანით გაუხდელი, რომ ამ დროს ვიღამაც გამაღვიძა. წამოვჯექი, სერგეი გაბრილიჩი თავს მაღვა.

– „ამდენი ძილი იქნება? მეცხრე საათია?“

მზეს შევხედე, მალლა იყო ამოსული. მითხრა.

– „მამილოცავს, თითქმის კაიდაკის ყურეში ვართ, ალექსანდროვკის ციხე კარგათა ჩანს მაღლობზედ.“ წამოვდექი, ერთიანი, თანასწორი მაღლობი, უქედო მთა ზღვის მახლობლათ ბნელათ მოსჩანდა.

იქით, თვალუნვდომი მინდორი დავინახე და ვიკითხე? –

მატროსებმა მითხრეს.

– „ბუზაჩის მინდორია ისა და იმ მინდორში ყირგიზები დგანან ალაჩუხებში.“ მერე სერგეი გაბრილიჩმა მითხრა.

– „ადეგ, კასნოით დავწინაურდეთ და ზღვის ნაპირზე ადრე მი-

ვიდეთო.“

კასნოი სუდნის გვერდზე მოიტანეს და იმაში გადავსხედით, კასნოის წვერის აფრაც გაუშალეს იალქანსა, ამასთან მატროსებმა ნიჩბებიც მოუსვეს და ასე სწრაფათ წაიყვანეს, რომ ერთი ორათ ცურვა მოუმატა სუდნაზედ. ოც ვერსამდინ კიდე ვავირბინეთ, სადაც მარჯვნივ მხარეს ვინროთ იყო ჩავარდნილი ის ზღვა, რომელმაცა შთავარდნილობისა მიზეზი ვკითხე მატროსებსა.

მატროსებმა მითხრეს.

– „თუმცა იმ ადგილიდგან იანგარიშება კაიდაკის ყურედ, სადაც თქვენ ჩასხეთით კასნოიში, მაგრამ სწორე კაიდაკის ყურე, ეს ზღვა არის. ახლა რომ იკითხავთ თქვენ.“

– „ამ კაიდაკის სიგძე და სიგანე რა ერთია?“

– „სამასი ვერსტი სიგძე ექნება. სიგანეცა ადგილს ოცდაათი და ადგილს თხუთმეტი.“

ამაობაში ალექსანდროვკის ზღვის ნაპირზედ მიაცურეს ნავი და იმის პირზედ გადავხტი. ეს ჩვენი ცურვა ბედნიერი იყო, მხოლოდ იმ ერთს ღამეს ზღვის ღელვა მოგვიხდა, სხვა სულ კეთილად ვიარეთ. ასე რომ ხუთასი ვერსტი ღრმოცდა ორს საათზე მოვირბინეთ და გადავხტი ზღვის ნაპირზედ.

ალექსანდროვკიდგან ნაჩაღნიკს ცხენი მოუვიდა, ზედ შეჯდა და მე მითხრა.

– „აქ მოიცა, ცხენს ეხლავე გამოგზავნი შენთვის.“

მინამ ცხენი მოვიდოდა, მანამდისინ ამ ადგილებს ვჩხრეკდი.

ალექსანდროვკის ციხე იდგა შუა მომალლოს სწორეს ადგილზედ, ზღვის მხარეს, პირი ზღვისკენ მომართული, რომელიცა ზღვასა დაჰყურებდა ზევიდგან. როგორც მე მგონია, ამ ციხესა, ნახევარ ვერსის სიმაღლე უნდა ჰქონდეს ზღვიდგან, პირისპირ რომ გაიზომოს ისე მაღლა ამ ციხიდგან. მთა ძირამდისინ დაღმართათ ჩამოივლის ზღვის პირამდინ ორი ვერსი, ანუ მეტნაკლები, ხევებითა, მაგრამ ეს ადგილი სრულიად უნაყოფო მწირი იყო, ჩვენის სოლოლაკის მთასავითა.

ამ დროს ჩვენი სუდნაც მოაცურეს ზღვის პირზედ, სადაც ღუზაზედ დააყენეს, მეც ამ დროს ცხენი მამივიდა ზევით ციხიდგან, რომელზედაც შეეჯექ და წამოველ. მცირედი რომ გავიარე, უკან მოვიხედე, ერთი ცხენიანი ყაზახი მამდევდა უკან, იმას ვკითხე.

- “ზღვის პირიდგან ციხემდისინ რავდენი ვერსტი უნდა იყოს?”
- „ამბობენ: სამი ვერსტი იქნებაო.“
- „სულერთიან ეს ადგილი როგორია?“
- „თქვენო ბრწყინვალეზავ, ეს ადგილი დაწყევლილი არის.“
- „როგორ თუ დაწყევლილი?“
- მაისის თვეს აქეთ ღრუბლიანი დღეები არ გვინახავს, არამც თუ წვიმა მოსულიყოს. ძალიან სიცხეც იცის აქა. ამის გარდა მოუწყვეტელი ქარი ჰქრის, აი, როგორც ხედამთ ასე, და ხშირათ დიდი ქარიშხალიც.<sup>1</sup> იქნება თვეში ერთხელ ძლივ ჩავარდეს, ისიც ერთს საათსა.
- „ეს ხევები რომ ჩამოსდევს, ამაში ნაყოფიერება იცის რამე? –“
- „ამ ხევებს რომ ხედავთ, ზოგიერთში წყაროები არის, ისიც ასეთი მლაშე, რომ უცხო ადამიანი ორს თვეს ვერ შეეჩვევა.“
- „მამ რასა სვამთ?“
- „ჰუ, მამ რასა სვამთ? – თქვენო ბრწყინვალეზავ, მამ რა ვქნათ თუ არ დავლიოთ, რომ სხვა კარგი წყალი არ არის აქ არსად?“
- „კიდევ, რა არის აქ?“
- „რალა, რა არის: გველით, მორიელით, ღრიანკალით და სხვა მინისმძრომით სავსე არის ეს კლდეები.“
- „რა და რა ფრინველი იცის აქა?“
- „ამ კაიდაკის ყურეში იცის: ყოველი გვარის იხვი, ვარხვი, წითელი ბატი და სხვა. აქ ხმელზედაც არის, ტრედი, გვრიტი, კაკაბი, მწყერი, ტოროლა და სხვა და სხვა ქრელი ჩიტი. ძერა და სვაიც მკვიდრობს აქა.“
- „ნადირიც იცის რამე თუ არა?“
- „ზოგიერთს კლდიანს სიმაგრეებში ჰგვარობს: ჯიხვი, გარეული თხა, მშველი,<sup>2</sup> (საიგავ.) კურდღელი, მელა, ტურა და სხვა. ასე გაშინჯეთ, რომ გარეული ცხენებიც ჰგვარობს აქა ამ ადგილების მოახლოვოდ.“
- „ამ ციხის მოახლოვოთ ყირგიზები ცხოვრებენ თუ არა?“
- „დიახ ცხოვრებენ თქვენო ბრწყინვალეზავ.“
- „რა გვარი ცხოვრება აქვთ?“

<sup>1</sup> ურაგანი, ქარიშხალათ ვთარგმნე.

<sup>2</sup> მე რომ ეს მოკლული ვნახე, უფრო ჯერანსა ჰგავს და ყირგიზებიც ამას უძახიან: საიგავ. თვითონ ყაზახებიც.

– „ამ გვარი ცხოვრება აქვთ, ზამთარ ზაფხულ ალაჩუხებში დგანან, მაგრამ სამს და ორს აულზე<sup>1</sup> მომატებული, ერთს ადგილს ვერ თავსდებიან, ამიტომ უფროსი ერთი თავთავისთვის ცხოვრებს, სამსა და ოთხს ვერსზე ერთმანეთზე.“

– „ხვნა და თესვა აქვთ თუ არა?“

– „ამათ ხვნა თესვისა არა იციან რა.“

– „მაშ რით ცხოვრებენ?“

– „აქლემებით, ცხენებით, ცხვრებით, და თხებითა.“

მე აღარ დამცალდა, დანვრილებით მეკითხა იმათი ამბავი. ამ დროს ერთი ცხენიანი ყაზახის აფიცარი მოგვეწვია, რომელმაცა თან წაიყვანა და ჭენებით წავიდნენ ციხისაკენ ჩქარა.

მე მარტოკა მივიდოდი და იმის მიდამოს ადგილებსა ვჩხრეკდი. სადაც გზაზედ მოვიდოდი, მთისა ძირამდისინ მინდვრად მოდიოდა. ამ დროს რაღაც ხმიანობა შემომესმა, მარჯვნივ მოვიხედე, ერთის ხევიდგან ოთხი დათოფიანებული ყირგიზები ამოვიდნენ და ცხენები ჩემკენ გამოქუსლეს. მე დავიდასტურე: უთუოთ ჩემ სასიკვდილოდ მოაჭენებენ ცხენებს მეთქი. მაშინვე ცხენიდგან გადავხე, საფრათ დავიყენე წინა და ტყვიით გატენილი თოფი მოვიმზადე, მაგრამ ყირღიზებმა რაღასაც ტრიალი დაუნყეს და თოფს რაღასაც ესროდენ; შევხედე, ერთს მელასა ეხვეოდნენ, ზედ ყიჟინას სცემდნენ. მაგრამ საბრალო მელამ გზა იპოვნა და ჩემის მხრისაკენ გამოსწია; მე საჩქაროთ ცხენზე შევჯექ და მელას გადავეგებე წინა. რა რომ მელამ დამინახა, მთის მხრისაკენ შეუხვია და გასწია რაც შეეძლო, მაგრამ რომელს ცხენზედაც მე ვიჯექი, იმას მელა ველარ წაუვიდა; ოცდა ათს ნაბიჯზე რომ მივუახლოვდი, თოფი მოვიმარჯვე და შევსტყორცე განიშნული. თოფის გავარდნასთან მელა რამთენჯერმე დატრიალდა და გულალმა გადაიქცა. მიველ, ზედ დავხედე, ვნახე, მარჯვენა მხარში ტყვია ქონდა მოხვედრილი, ამ დროს ყირღიზებიც მოვიდნენ და თავს დამადგნენ, ბოლოს როდისაც ნატყვიარი ნახეს, შემამხედეს და დაუნყეს გაკვირვებით თავს ქვენვა. თან მეტყოდნენ ხშირათ: ბერექალა, ბერექალა. მე ის მელა იმათ მივეცი და ჩემს გზაზედ გამოვსწიე.

ყირგიზებსა რომ განვშორდი, ნახევარ ვერსტი გავიარე, კიდევ მოველ მთის ძირში და დავადექი მთის მალლობს გზაზედ. შუა

<sup>1</sup> აულს კომლეულს უწოდებენ ყირგიზები.

მთაზედ რომ ამოველ, ცხენი მოვაბრუნე აქეთიქით მიმოხედვით, სადაც მთის ძირიდგან შუა მთამდი, კლდის დიდრონი ქვები იყო ერთიერთმანეთზე დაწყობილსავითა, მაგრამ ურიგოთა და ტოლმეტი, აქეთ იქით გზის მოახლოვოდ, რომლებზედაც ჯოჯოები და ხვლიკები მიმორბოდნენ. აქედგან უფრო კარგათ ჩანდა ალექსანდროვსკის გარემო ადგილები, კაიდაკის ყურე უფრო კიდეც კარგათ, სადაც ამის მიდამოს ადგილებში ბევრი ბორცვი იყო, განგებ მიმოზნეულსავით და ზოგიერთს ადგილს დაბალი ბალახიც ჩანდა, მცირეს ველით, ცხელის მზისგან მოფშვნიტილი. ეტყობოდა, რომ გაზაფხულზე მწვანე ბალახი უნდა ყოფილიყო იმ პატარას ხევის ველებში. დაბლა უნაყოფო მინდორზედაც პატარა გორაკები მოფენილი იყო, ისინიც უნაყოფო და ქვემოთი ეს მინდორი თავის გორაკებით, სრულიად თიხის ფერად ჩანდა, რომ ბალახი არსად არ ეტყობოდა, რომელიცა ერთიანი ეს ბუნება დიახ დაჩაგრული იყო, ასე რომ მხიარულს ადამიანს რომ ენახა, სევდა მოიცავდა. ბუნებასა ამას კარგახანი ვუყურებდი, – ვუყურებდი, მაგრამ ჩემს სევდიანს გულსა რაღა ეს უნდოდა? – წამოვედი, მაგრამ დაღრეჯილი, დახავსული.

როდესაც იმის მაღლობს თავზედ აველ, ავშინიანი თვალუნდომი სწორე მინდორი დავინახე, რაზედაც არაფერს მაღლობს ადგილზედ, თვალი არსად არ მიდგებოდა, თვინიერ მხოლოდ ციხეზედ, საიდგანაც ზღვასა დაჰყურებდა ქვემოთ, ორს ვერსზედ ზღვის პირამდინ, რომელმაცა ცხენი მარჯვნივ მოვაბრუნე და ციხისკენ წაველ. ცოტა გზა რომ გავიარე, ციხეს შეველ და ძველის ნაჩაღნიკის სახლთან გადავხტი, სადაც სერგეი გაბრილილიჩი სრული ნაჩაღნიკი და ციხის ბძანებელი შეიქნა, რომელსაცა ძმასავით ვუყვარვარ ამ მწირს ხრიოკს და გადმოვარდნილს ადგილში, ეს ჩემთვის დიდი ნუგეშია. დავრჩით აქა, ცა ქვეყანას რომ დაეცეს, ჩვენ ვერაფერს ვერ გავიგებთ, ასე მოშორებულია ქვეყნისაგან, დაწყევლილი ღვთისაგან ეს ადგილი. იქნება იმისთანა დრო მოვიდეს, რომ ეს ადგილიც იყოს ქვეყანათა? – აქ ვინ მოგვიკითხამს ჩვენა, თუ არ საჭირო საქმისთვისა, რომლებიცა სრული ზამთრის სამზადისით ვიმყოფებით აქა. ეს ის არის: წადით, ან ქვეყანა სრულად ჩვენი უნდა იყოს მთელი აზიისა, ან არადა ჩაიკალით თავი ემანდ, ამ სოფლის ჯოჯოხეთშიაო. ამას ეუბნება რუსეთი რუსებსა.

*თქვენო უვანათლებულებსობავ, ეს კი დამავინწყდა, ვერ მოვახსენეთ, ასე შემიყვარდა ნავსა შინა ჯდომა და ზღვასა ზედა სიარული, რომ ყოველთვის მსურს და მონატრე ვარ, ნავსა შინა ვჯდე და ლადოთა ზედა მიმოვექანებოდე.*

ჩემო სიცოცხლეო კატინოჯან!

როდისაც ციხის საქმე დავასრულეთ, მე ჩვეულებად მივიღე, უქმე დღე რომ მოვა, თუ სამსახურს არას ვასრულებ, სადილს უკან ზღვის პირზედ დავსეინობ. ესეც ერთი რაღაც ნუგეშია ჩემთვის. ჩემი ჩუეულებისამებრ, ერთს კვირას სალამოჟამს, ზღვის ნაპირზე დავიარებოდი. ფიქრმა ერთ გორაზე ამიყვანა, ერთსა ქვაზე დავჯექ, რომელსაცა ზღვის მცირედი მღელვარება ყურთა სმენას მეტკბო. ზღვის ნაპირზე მოვიხედე, ის იყო ერთი სუდნა მოსულიყო ახლად და ზღვის ნაპირზე ერყეოდა მცირეს მღელვარებით. ამ დროს ზღვიდგან დიდი შეკრული ღრუბელი წამოვიდა, ხმელზე გადმოვიდა, მე მინდოდა, რომ გამამესწრა, მაგრამ მაშინათვე ეს ადგილები დაჰფარა და მეც გავეხვიე იმ ღრუბელში, სადაც ათს ნაბიჯზე იქით, აღარა გამოჩნდარა. დავრჩი იმ გორაზედ, იმ ქვაზედ, იმ ღრუბელში, რომელიცა ეს ღრუბელი საუცხოვოს წმინდას ცვარსა სცრიდა და ჩემს გულსაც დიდი სევდა მოერია რაღაც.

მე ვინ მაგონდება აქა ჩემო კატო? – განა იცი, – იცი განა? – ჯერ მამული და მასუკან შენა. მამული ამ გვარათ, რომ იმის უბედური სვენი, ათასობით მამულის შვილით ლენამს მიწაზედა უსამართლოთ, რომელიცა დიახ ძნელი არის ჩემთვის ესა და შენ ჩემო კატო, შენი მოშორება დამალონებს, დამასევდებს და ავათ მხდის შენი სიყვარული!

ამდროს ჩემო კატო, ოთხი დიდი სვავი, რა ვიცი საიდგან გაჩნდნენ. ჩემზედ ფრენა იწყეს ტრიალებით და ყრიყინი შექნეს, ეტყობოდათ, უნდა შევეჭამე, მაგრამ ვერ გაბედეს იმ მზარავთ მფრინველებმა. იმ დროს მე ასეთსა გულზე ვიყავ, თავს მივცემდი შესაჭმელად იმათ, თუ რომ გაებდათ.

მცირედისა ხანის შემდეგ, ის შეკრული ღრუბელი გადიყარა მობერვილის ქარისაგან, ორბებიც თავის ქვეყნისაკენ გაეშურნენ. სადაც იმ დროს მე ვიჯექი, ერთი იმის ახლოს სხვა გორაკი იყო, რომელზედაც ერთი ქალი იჯდა, თეთრის ჩადრით წამოსხმული, თე-

თრი ხელცახოცი პირზე მიეფარა და ტიროდა საცოდავად. მე გაკვირვებამ ამიტანა, მაგრამ გრძნობამ რაღაც მითხრა და ჩემთვის ვთქვი: საცოდავი, ასე მწარედ რომ ქვითინებს, ის ვინ უნდა იყოს? – ან აქ ამ ჯოჯოხეთს ადგილებში ვინ მოიყვანა, რომელი ჩადგა იმის ცოდვაში? ღმერთო დაიფარე. მასუკან ვთქვი: გავალ ვნახამ, შევიტყობ ვინ არის? – გაველ და იმის წინ მორიდებით მიველ; მეგონა რომ ხელცახოცს მოიხსნიდა პირიდგან და მეტყოდა რასმე, მაგრამ ხელცახოცი არ მოიხსნა და არცარა მითხრა. არამც თუ მითხრა – გული უფრო ამოუჯდა და ტიროდა სანყლად. ბოლოს განკრძალვით ვკითხე.

– „მონყალეო ხელმწიფავ, გთხოვთ მაცნობოთ ვინა ხართ თქუენ? – ან რა უნდა იყოს თქვენი ცრემლის მიზეზი?“

ხმა არ გამცა და ტიროდა ეგრეთ.

– გვედრებით მიბძანოთ რამე? – მეორეთ ვკითხე.

ხმა არ გამცა; კიდევ უფრო ატირდა. დიდათ ვწუხდი, არ ვიცოდი, როგორ მოექცეოდი, რომელსაცა ჩემი სიმწარე დამავიწყდა და მეც იმასთან ავტირდი, ისე როგორც ის ტიროდა. ვტიროდით და ვქვითინებით, არ ვიცოკი რათა? – ბოლო დროს გული გავიმაგრე, ვუთხარ.

– „თუმცა ჩემგნით შეიძლება, მომატებით თქვენი შეწუხებაა, მაგრამ ეგრე მწუხარეს რომ გხედავთ, მინდა თქვენი შევიტყო რამე, იქნება გარგოთ რამე.“

კიდევ მაინც ხმა არ გამცა, მე ამაზედ გაჯავრებით და ფიცით ვუთხარ.

– „თუ რომ არას მეტყვით, თავს მოვიკლავ ჭეშმარიტად და თქვენ შეიქნებით ჩემი სიკვდილის მიზეზი.“

მაშინ ყური ჩემკენ გადმოიღო, ეტყობოდა კიდევ უნდა მეთქვა რამე, მაგრამ პირზედ ხელცახოცი კვლავ ეფარა. ვკითხე.

– „იქნება მშობლებისთვის იყოთ აგრე?“

არცკი შეიმცნია.

– „იქნება შვილებისთვის ტირით თქუენა?“

სრულებით არა თქვარა.

– „მაშ ვისთვის ხართ აგრე გულმონყლული?“

ამ სიტყვაზე სულთქმა აღმოუშო ასეთი, რომ მეგონა, დამეცა რამ თავზედ. მოვინდომე კიდევ მეკითხა რამე, მაგრამ ვერ გავბედე

და დავფიქრდი. მასუკან ჩემთვისა ვთქვი: არა, უნდა ვკითხო უთუ-  
ოთ.

– „ნუ თუ ქ?“... ამ ასოსზე მეტი ვერა ვთქვირა და დავფიქრ-  
დი ეგრეთ. შემდგომ კიდევ ჩემთვისა ვთქვი. „ახლა უთუოთ უნდა  
გავბედო.“

– „მონყალეო ხელმწიფავ, მე თქვენ უნდა გკითხოთ რამე, იმედი  
მაქვს, სწორეთ მეტყვით.“

უფრო ახლოს მოიტანა ყური ჩემკენ.

– „თქვენ, მგონია.“ მე აღარ დამაცალა მეთქვა; კიდევ შემატყო,  
რომ კითხვას ველარ შევიძლები და ჩემს აკანკალებულს სიტყვაზე  
მარჯვენა ხელის შუა თითი დამანახვა.

– „ახ, შენა ხარ ჩემო კატინო? გვედრები, ეგ ჩადრი გადინიო და  
შენი სახე დამანახო.“ ვეხვეწე, მაგრამ არ ისმინა ჩემი ხვეწნა. შემ-  
დეგ დაჩოქებით ვთხოვე.

– „არა, არ ისმენ ჩემს ვედრებას? – არ გენყალვის ჩემი გული,  
რომელიცა საუკუნოდ შენი არის?“ – ვეხვეწებოდი და ვვედრებო-  
დი, მაგრამ არ ესმოდა, კიდევ მოჰყვა ტირილს. მე კიდევ განკვირ-  
ვებამ ამიტანა გულში ასე. „ეს მარჯვენა ხელი და იმის მშვენიერი  
თითნი ჩემი კატოსია, ამ შუა თითზე ეს ბეჭიდი, ჩემს მიცემულს  
ბეჭედსა გავს, მაგრამ ხმას რომ არა მცემს, იქნება ვცდებოდე, ის  
არ იყოს?“ ვიყავ ამ ფიქრით და გაშტერებული შევეყურებდი. ბო-  
ლოს მოვიწოდო ჩადრი გადმენია, მაგრამ მაინც ვერ გავბედე, იმის  
შენუხებას მოვერიდე. ამ დროს სრული მთვარე წარმამიდგა ღრუბ-  
ლიდგან გამომკრთალი. თავი ჩემკენ გადმოაგდო და საამოს ღიმ-  
ილით შემამხედა.

„ღმერთო ჩემო ვისა ვხედავ! ჩემი კატო.“ მაგრამ ჩემს თვალებს  
აღარ ვუჯერებდი და ვამბობდი ჩემთვის.

„იქნება მე შევიშალე? თუმცა თავი რიგზედ აღარ ხურამს, მოშ-  
ლილი აქვს, მაგრამ ნამდვილი თვითან ის არის, რომლისაგანაც  
სიცოცხლე მაქვს.“ ვიყა ასე და ველარა მეთქვა რა, დარწმუნებით  
დავამტკიცე: უთუოთ შევიშალე მეთქი. მერე იმან ხელცახოცით  
ცრემლი მოინმინდა თვალებიდგან და მასკვან შემამხედა ამ სი-  
ტყვიით.

– „განა ველარ მიცნობ ჩემო სანდრო?“ –

– „მე მგონია მოჩვენება იყო ეხლა შენა?“



ამოოხვრით მითხრა.

– „ეგ კი არა, ეხლა შენ გაცივდი ჩემზედ“.

– „რათა, რისთვის კატო?“

– „სარატოვში მითხრეს, ის ვილაც რომ იყო დედაკაცი შენთან, ის ლამაზი, რატო მე არ მოგაგონდი მაშინ? – მეორეთ რომ ორენბურღში მოხველ, იქაც მითხრეს, ის ლამაზი დედაკაცი ვილა იყო შენთან? – ჩემაგიერი იმათ მოეხვიე განა? – არა სანდრო ნუ შეგ-რცხვება, ვიცი ეხლა საჭიროა შენთვის, ეგებ გული გაირთო და დაჰკარგო სევდა მწუხარება შენი. მომიტევებია შენმა სიცოცხლემა. ვიცი, დარწმუნებული ვარ, ჩემი სიყვარული არ ამოვა შენის გულისაგან, მაგ უბრალოს შენის დროს გატარებით. ეს ჩემი თქმა საყვედური არ გეგონოს, არ გენყინოს, გეთაყვანოს ჩემი თავი, მე და შენ ხომ ყველას ვეუბნებით ერთმანეთსა, არ ვმაღავთ ერთმანეთთან არაფერსა? ეგ რომ ჩემთან ახლოს შეგმთხვეოდა, მოვკვდებოდი, შორს კი არაფერი, ჩემო სანდრო. აბა ახლა მოჩვენებას რომ აბრალებ, მოჩვენება არის შენი კატო?“

– „მაშ ვინ მოგიყვანა ჩემო კატო აქა? –“

– „ორენბურღის ქალაქიდგან შენ რომ წიგნი მოგენერა ჩემთვის, შენი ალექსანდროვისკენ წამოსვლა, უშენობა ველარ მოვითმინე, ჩვენი სამი შვილით მოვემზადე და საჩქაროთ სარატოვიდგან ორენბურღში მოველ, წამოვედი. იქიდგან ქ. გურიევსა, იქ ზღვის პირიდგან სუდნა მოდიოდა აქეთ, რითაც წამოვედი და ეს ერთი საათია აქ მოვედი აგერ იმ სუდნითა, რომელმაცა მე შენ დაგინახე აქეთ მოხვიდოდი. თუმცა მინდოდა უეცრათ შეგხვედროდი, მაგრამ შემეშინდა, ვიცი არ მოელოდი ჩემს მოსვლას, ისე უცებ ჩემის ნახვით არა დაგმართოდა რა, ამისთვის ამ გორაზედ ამოვედი, გხედავდი რომ აქეთკენ მოხვიდოდი და აი დაგხვდი ისე, რომ შესაკრთობი არ ვიყავი შენთვის. მე სრულად ვგრძნობ ჩემო სანდრო, ვითარი სიყვარული გაქვს ჩემი! ამ ჩემს გულზედ ეგრეთვე დაბეჭდილი სიყვარული არის შენი, – შენმა სიცოცხლემა!“

– „დიახ, დიახ, ვიცი ჩემო კატო, შენც გიყვარვარ და არ ვიცი ვითარ გადვიხადო ეგ მაღლობა, მაგრამ აბა სად არიან ჩვენი შვილნი, ის სულელები ჩვენი?“ – ორი ხელით ჩადრიდგანა ერთი პატარა ყმანვილი მამცა ხელში.

„ჩემი დარეკოა.“ დავიძახე და დავისვი ჩემს მუხლზედ.

მეორე ყმანვილი კიდევ ისე მამცა.

„ჩემი დათიკა.“ ისიც იმის გვერდით დავსვი.

მესამე ყმანვილი კიდევ მამცა.

„ჩემი პატარა მაიკოა.“ და ისიც ჩემს მეორეს მუხლზე დავსვი.

„მოდით ჩემთან, ჩემნო სასურველნო, მოდით, გამაბედნიერეთ ცოლშვილობის სიყვარულით. ჩემნო სიცოცხლენო ჩემო შვილნო, მოდით ყელზედ გადამეხვიენით, შვილობრივის სიყვარულით დავტკბე. და შენ ჩემო სიცოცხლეო, ჩემო ეკატერინა, მოდი ჩემთან, მოდი შენს მეუღლესთან, შენს საუკუნოს მეგობართან, რომელსაცა გული, სული შენთვისა მაქვს შენირული.“

ჩემი ხელნი გავშალე, მინდოდა ყველას მოვხვეოდი, გულს მიმეკრა ყველა. რა რომ ვადვებვიე, ამ დროს ხელები სველის ქვიდვან ჩამამისხლტა და გორაზე ჩამოვგორდი, უკან მოვიხედე, ერთი დიდი მოთეთრო ქვა, წამოვიდა ჩემზედ დასაცემათ, მაგრამ მოვასწარი, წამოვხტი საჩქაროთა, რომელსაცა გვერდზე გამიარა და რახრახით ქვემოთ მიწაზედ, დაეცა. მაშინათვე გული ამიშფოთდა, გონება რიგზედ აღარ მქონდა და წამოველ, რაც შამეძლო ჩქარა.

მინამ ციხეში ამოვედი, სულ დაბნელდა, ნისლმაც უფრო დააბნელა და წყვდიადი ღამე მოხდა.

*ამ ღამესა ამ ფიქრით ჩემს ოთახში მიმოვიხედებოდი. ამ დროს ვილაცის ტირილი შემომესმა; ყური დაუგდე, ჩემს ეკატერინეს ტირილს გვანდა. მე მეყვსეულად მივმართე მას ტირილსა; თუმცა ხან აქ და ხან იქ წავიქცეოდი სისწრაფის გამო, მაგრამ საჩქაროთვე წამოვხტებოდი და მივეშურებოდი. ტირილს რომ დაუახლოვდი, ვნახე, ერთის სახლის კედლის ძირში ერთი შალმონვეული ქალი იჯდა და სანყლად სტიროდა, რომელსაცა ვავეხმაურე.*

– ჩემო ეკატერინე, რად სტირი?

*იმან შემამტირა და რუსულათ მითხრა.*

– თქვენო ბრწყინვალეზავ, ჩემი ქმარი რალაზედაც გამიჯავრდა, გამამაგდო და ვახშამი აღარ მაჭამა (ეს დედაკაცი არათუ ცოლი იყო იმ კაცისა, ვისიც მითხრა, არამედ ზედშესრულად ჰყვანდა).

– მაგაზე ტირი?

– დიახ, თქვენო ბრწყინვალეზავ.

*მე გაჯავრებული გამოვტრიალდი და წამოველ. მცირედ გამოვიარე, ერთის მხრიდვან სხვა რალაც ძახილი მომესმა. ყური დაუგ-*

დე. ვცან, ჩემი ეკატერინე ჩემს სახელს იძახდა და თავისკენ მიხმობდა. მაშინვე გავუქანე; კარგა შორი ადგილი რომ გავიარე, იმის ხმა აღარ მომესმა. ამ დროს ვილამაც დამიყვირა. „კტო იდიოტ.“ მე იმის დაყვირებაზე შევკრთი და ხმა ვერ გავეცი. მეორე უფრო მალე დამიყვირა. „კტო იდიოტ, თქვი თორემ მოგკლავ“.

– სალდათ, სალდათ მეთქი.

– შენ იძახდი ჩემს სახელსა?

– არა, მე თქვენთვის არ დამიძახნია, თქვენო ბრწყინვალეზავ.

– მე ჩესავოი გახლავარ და სიგნალს გავწევ ხოლმე.

თუმცა გამოვტრიალდი და წამოველ, მაგრამ ჩემ თავის გამობა დაუნწყე ავდენის არეულობისათვის. გზაზე რომ მოვდიოდი, ერთი ვილაც ქალი დამხვდა. გავეხმაურე, ხმა არ გამცა. დავაცქერდი, ვცან ჩემი ეკატერინე კი იყო. – „ახ, ჩემო კატინო!“ ამ სიტყვასთანვე გადავეხვიე და გულზე მივიკარ.

იმან მითხრა.

– თქვენო ბრწყინვალეზავ, უკაცრაოდ, ვისაც ეძებთ, ის არ გახლავარ.

შევხედე, რომ ჩვენს მზარეულს ვეხვეოდი და გულზე მაგრამ მიმეკრა. მართლა ასე შემცხვა, მწუხარებით ველარ დავდექი და ჩემ ოთახში შევირბინე.

ჩემს ოთახში რომ შევედი და კრაოტზე დავჯექე, ჩემი ბიჭი შემოვიდა, უნდა მეთქო რამე, ველარ ვუთხარ და მაშინვე გული შემინუხდა და შემდგომკი აღარ ვიცი რაღა მოხდა? – როდესაც სრულათ უკეთ შევიქენი: ჯერ ღთისაგან, მასუკან დობტურის კარგის წამლობითა, ჩემი ეს ანბავი, ყველა წვლილად ვუთხარ ჩემს ნაჩაღნიკს ჩილიაევსა, რომელმაცა მიპასუხა.

– „გეგნი სულ ბელიგარიაჩისა<sup>1</sup>, იმის სენი არის. კიდევ კარგი, მთისა ძირში არ შეგემთხვა გულშემოყრა, თორემ იქვე მოკვდებოდი, ვილა გიპოვიდა იმ ღამესა? – “

თქვენო უგანათლებულესო მშობელო თეკლა!

უკანასკნელს მინუტებში, მე რომ შინიდან გამომგზავრებას ვაპირებდი, თქვენ ხომ თქვენს საწოლში იმყოფებოდით და მე თქვენ

<sup>1</sup> არ ვიცი რა სწეულობა უნდა იყოს ბელიგარიაჩკა, რომელიცა გიყსავითა შეიქენება? – ბელიგარიაჩკა, ქართულათ: თეთრი სახადი.

რძალთან ვიყავი, რომელთაცა ჩვენი გაყრა ასე იყო მაშინ, ზოგიერთებს სურდათ შეეტყოთ ანუ ენახათ როგორ გავიყარენით მე თქვენი რძალი. რომელიცა ორნი მხოლოდ სანოლში ვიმყოფებოდით, ჩვენი ესე განშორებული დრო რაღა მოგახსენოთ, ვითარის მწუხარებით იყო.. მხოლოდ ამას გაიმბობთ მცირეს.

აი, შეიტყოთ შეინჭიმე, როგორ მარტივად გავიყარე. მაგრამ თუ მე ჩემი კატინა ადრეთვე არ მომეტყუილებინა, ხვალ დილით ვაპირებ ნასვლასა მეთქი, მეტის მწუხარებით ველარ მოითმენდა მას გაყრის მინუტსა და საშინელს სავალალოს ცრემლს ამოუშვებდა. მეც იმას აყვებოდი და ვაება გამრავლდებოდა. ამისთვის წამოსვლა რომ დავაპირე, წამოვდექ და ჩემს ეკატერინეს ვუთხარ.

– აბა, ერთი შემამხედე. შემამხედა და მე ჩემს თვალებს ვუთხარი ჩემთვის. „თვალნო ჩემნო, ეს ეს არი, უკანასკნელად ამის ჭვრეტით განსძეხი და წამსვე განემორე.“

ჩემთა თვალთა მხედველობა მისთა თვალთა მხედველობასა შიგან გამოენონა და ორთავ ასე გვეგონა, რომ ურთიერთის სულელები ერთმანეთს ვადაეხვიაო. რაოდენსამე მინუტსა ერთმანეთსა თვალთა შევცქეროდით და როდესაც მინუტი მოვიდა ჩემი აქეთკენ წამოსვლისა, ანაზღად გამოვტრიალდი და ერთი ესლა დავიძახე. „მშვიდობით!“ და მეორეს კარში გამოველ.

მეორეს ოთახსა მესმოდა მოსაწყვლელი ქვითინი იმ ოთახიდგან, სადაც პირველად მე ვიყავ. ეს ტირილი ვიცან. ჩემი ეკატერინე ტიროდა.

ამწუთს ერთი ღვთიანი ადამიანი როგორ არავინ არ გამოჩნდა, ჩემს გულსა ზედა მახვილი დაეცათ და ის ცრემლი ჩემს გულზე დამყრიყო, რომ ჩემს უკანასკნელს სულთქმას იმის ცრემლისთვის ეჭვრიტა. ახ, ვითარ ბედნიერი ვიქნებოდი!

ასე იყო ჩემი ყოფა, ჩემო კატო! არა დავაგდერა, ყველა აღგინერე ჩემი. ახლა ამის შემდგომ სხვა იქნება, მაგრამ შენთან აღარ, ისე ცალკე წაიკითხავ. მანამ მშვიდობით. ნუ დამაგდებ შენის წიგნით, ჩემთვის დიდი ნუგეშია შენმა მზემამ.

შენი ალექსანდრე.

25-სა ნოემბერსა 1834-ს წელსა.

ახალის ალექსანდროვკის ციხიდგანა.

*ახლა სხვა დავინყოთ.*

როდისაც სრული ნაჩაღნიკობა მიიღო სერგეი გაბრილიჩმა და იმისი მოადგილე წამოვიდა ალექსანდროვკადგან<sup>1</sup>, ერთს დილას მოადრევოდ დაიარა ციხე და მეც თავისთან დამატარა. რომელსაცა ბევრი გაკეთება უნდოდა, რაოდენ შეიძლება, რომლებიცა შევედქით და დავინყევით მუშაობა, დიახ ჩქარაც შევასრულეთ.

ამის შემდგომ მე ძალიან ავათ გავხდი, როგორც ზევით მითქვამს, ისე. ბოლოს თუმცა უკეთ შევიქენ, მაგრამ რიგიანათ ველარ ვიყავ, მთელი ზამთარი ზერაქვერათ გავატარე. სერგეი გაბრილიჩი ძალიან სწუხდა ჩემთვის და ძალიან ყურსაც მიგდებდა.

ამ ქვეყნისა რალა გითხრა? – ეს ქვეყანა სრულებით გაცალკეეებული არის სწორე ქვეყნებზედა და გადავარდნილსავით რალაც, რომელსაცა გურიევისა ქალაქს და ამას შუა უძევს ხუთასი ვერსტი კასპიის ზღვა, სადაც შენობა არსად არის, ზოგიერთი ყირლიზების აულისა ანუ ალაჩუხის მეტი და დასასრულ შვიდას ვერსამდისინ გზას ამბობენ ხივის ქვეყნამდისინ.

არ ვიცი, აქ ციხე როგორ გააკეთეს, ამისთანა საშინელს ადგილში? –

ზამთრის ყინვა ისე ძლიერ არ იცის აქ. მაგრამ ტერმომეტრმა ზოგჯერ ოცს გრადუსამდინ აინია და ამდროს კარგათ ციოდა. ამ ყინვისთვის ვილა ინალვლიდა, მაგრამ დაუნყნარებელი ქარი რომ ჰქროდა, ხშირათ ქარიშხალიც, ეს ძნელია, ეს ანუხებს მეტათ კაცსა, სადაც დიდებულსა თოვლსა ხვეტს და მიაქვს არეულათ.

იმის წყალი ხომ პირუტყვსაც არ დაელევა, არამც კაცსა. წარმოიდგინე, იმის წყაროს წყალი, ერთი შამპანსკის ბუთლიკა დაადულეს ცეცხლზე, საიდგანაც სამი მისხალი კირი დადგა. აბა ვინც იმ წყალს დალევს, რა კეთილი დაემართება? – აი ჩვენ ვსომდით იმას და არც კარგი მოგვივიდა. იქ სულ ასეთია იმის წყაროები, მდინარეკი იქ არ არის.

ეს ადგილი მეტი გაუძლებელი ადგილია, ზევითაც ვთქვი ესა, ამასთან ჰაერიც დიდი სავნებელი. ზაფხულს თურმე ციებცხელებაც იცის, რომელიცა მე არ ვიყავი ამ დროს, ასე მითხრეს და ზამთარში სკორბუტია ძლიერ, იმისი კი მოწამე ვარ. ხუთასი კაცის

---

<sup>1</sup> ეს ციხე ბოლოს გააუქმეს და მანგიშლაკს გადიტანეს, რადგან გაუძლებელი ადგილი იყო ყოვლისფრითა ალექსანდროვკისა ციხე.

ატრიადიდგან<sup>1</sup>, ერთი არავინ გადავურჩით, რომ არ გვჭირებოდა ეს სკორბუტი, ზოგს მომატებულათ და ზოგს ნაკლებ. ვინც კი მომატებულათ ავით გახდებოდა, ჯერ ღრძილები დაუსივდებოდა, მერე ღრძილებიდგან ფეხებში ჩავიდოდა ის სიმსივნე და მასუკან გულში ავიდოდა, რომელიცა კიდევ მოკვდებოდა. ზოგს კი სუბუქათ გაგვიარა, მხოლოდ ღრძილებისა სიმსივნითა.

ერთი ჩინოვნიკი არ მომკვდარა, უფრო სალდათები და ყაზახანი დაიხოცნენ. უფრო იმიტომ, რომ იმათ ისეთი სასმელ საჭმელი და ის ნამლები არა ჰქონდა, როგორც ჩინოვნიკებს ჩვენა. კიდევ კარგი დოხტურს მობიცს<sup>2</sup>, თავისი საკუთარი კარგი სხვადა სხვა ნამლები წამოელო, მაგრამ რა იქნებოდა, დიახ ცოტა, რომელიცა იზოგავდა ნაჩალნიკისათვის და ჩვენ ჩინოვნიკებისთვის. ჩინოვნიკები სადილ ვახშმით სულ იქ ნაჩალნიკთან იყვნენ, მაგრამ მათენი არა იყორა იმის სტოლი ხოლმე, სამი რიგი საჭმელი ძლივს, ისიც ხანდისხან წვნიანი რამ და კიდევ სხვა. მე არ მახსოვს ტკბილი რამე ყოფილიყოს იმის სტოლზედ. ისიც ფთხილათ იყო, შუა ზამთარში არ დაგვკვლებოდა, თორემ ძალიან ხელგაშლილი პურადი კაცი არის ნაჩალნიკი, როგორც შვენის ჩვენს ქართველსა, სწორეთ ისეთია. თუ რომ მართლა ასე ფთხილათ არ ყოფილიყო, ცარიელს პურზე დავრჩებოდით, ამისთვის რომ ზღვა შეიკრა ზამთრის სქელის ყინულითა და მდიდარი ყირლიზები აღარ იყვნენ ციხის გარშემო, რომ იმათაგან ცხვრები მოგვევაჭრა, ფარჩეფისა და საწვრიმალოზედ, რომლებიცა გაგვიცვლიდნენ ხოლმე. ყირლიზებთან ეს ვაჭრობა არის: აქლემი, ცხვარი, ცხენი და საქონელი, მეტი სხვა სულ არაფერი. მინამ კიდევ ზღვა გახსნილი იყო, იმედი რამ გვქონდა ამბავისა ხმელეთიდგან, ერთხელ კიდევ მოგვივიდა, მაგრამ როცა შეიკრა, სულ იმედი გადაგვიწყდა. ვიყავით იმ ვაებთანს იმ უდაბურს ადგილს, მითამ ვატარებდით დროსა, მაგრამ ჯერ ქვეყნის მოშორებისაგან და მასუკან იმის ბუნების გამო მოწყენილობა უფრო ბევრი გვქონდა. ბევრჯველ ვიტყოდით ჩვენ.

„ნეტა რა ანბავი უნდა იყოს ქვეყანაზე? იქნება იქ საკვირველი

<sup>1</sup> ეს ატრიადი შედგებოდა: ნაჩალნიკი ჩილაევი, იმის პერეგოჩიკი, ორი ჩვენ ლინეინის ბატალიონის აფიცრები, ორი აფიცარი კიდევ ყაზახისა და რამთენიმე უნკრები. ერთი უნკერი კავალსკი მწერლათ ჰყვანდა ნაჩალნიკსა. ეს იყო პალიაკი, 1831-ს წლის საქმისათვის გამოგზავნილი.

<sup>2</sup> ამ მობიცს შემდგომ დოხტური სკაჩკოვი იყო და მობიცის ადრე აღარაა ცკი.

მოხდა რამე, ჩვენ არა ვიცოდეთრა?“ აი ჩვენი ნუგეშის მცემელი სიტყვა ეს იყო, სხვა არსაიდგან არაფერი. ვიყავით კარგახანი ასე, რომელიცა ხმელზედ გურიევამდისინ 700-ს ვერსს გზას ამბობენ და ზღვაზედ ხომ ვიცით ზევით, რაერთია.

ატრიადსაც ჰქონდა ცხვრის სალანინა, (დამარილებული ხორცი) რომლებიცა იმას სჭამდნენ და ზედ იმ წყალს სომდნენ, ხანდისხანაც არაყს დაალევიებდნენ, მაგრამ რას უზამდა იმათ ის მცირედი შემწეობა იმ ადგილში? –

ზრუნვა დიდი ჰქონდა ნაჩალნიკს ატრიადისა, მაგრამ არსაიდგან გზა არ იყო, რომ სხვა ქვეყნიდგან მოეშველათ რამე, ატრიადის სიმრთელისთვის. ზრუნვა ჰქონდა ნაჩალნიკსა, მაგრამ იმის ზრუნვა უფრო მწუხარებას გვანდა, მინამ საშუალობა მოეპოვა. საშუალობა ამისთვის, რომ არსაიდგან ღონე აღარ იყო არაფრისა, ასე შევიკარით და დავემწყვდით იმ ადგილში.

ბოლოს ესეც გამოგვიჩნდა, რომ პური უნდა დაგვკლებოდა იმ ზამთარში, ამიტომ რომ ძველმა ნაჩალნიკმა კა... მოატყუა ჩილაევი წინააღმდეგობის გამო, მითამ ზაფხულამდინ პური იყოს იქა, მაგრამ ბოლოს ეს გამოჩნდა.

ნაჩალნიკი ჩილაევი იმაზედ აყაყანდა და ჯავრობდა ძალიან, მაგრამ გულისმოსვენებით იყო აუჩქარებლათა, რომელმაცა მაშინათვე თავის მწერალი კავალსკი და ერთი ყირგიზი ორუმბაი, რომელმაც რუსული იცოდა, გამოგზავნა ხმელზედ ორენბურღში წერილებით, ვოენი ლუბერნატორს პეროვსკისთან, პური მოაშველონ. *მეც სიხარულით გამოვატანე თქვენთან წიგნი, რომელიც კალულაში მოგერთოთ და მეორეც ჩემს ეკატერინას მოვწერე ქ. ტფილისში, ყოვლის სიყვარულით სავსე წიგნი!* მაშინ როდესაც რომ თოვლი მოდიოდა ქართით, გამოგზავნა, მაგრამ გზაზედ ძალიან ეშინოდა, რომ არ დაეხოცათ ყირღიზებსა. ანუ თოვლსა არ დაეხრჩო. ეს გაბედვა უღონობის ღონემ უყო.

ერთხელ ვსხედვართ მე და ნაჩალნიკი, რომელიცა მხიარულად მელაპარაკება რაღაებსაც და მეც გაუხუმრე.

– „სერ. გაბრ. ხუმრობთ, მაგრამ თუ პური დროზედ არ მოვიდა, რა ვქნათ? –“

გაიცინა და მერე თქუა.

– „ეგ ადრევე მიფიქრია, ნახევარის ატრიადითა ნავალ, სადაცა

იქნება დავეცემი; ყირგიზების ბევრ ცხუარს მოვიტაცებ, ესეც ჩვენი პროვიანტი.“

– „უცხენო ყაზახებით ხომ ვერ ნახვალთ და თქვენი საჭირო ცხრა ცხენი კი ცოტა არის, რომლებსაცა იმათ ძლივს ინახავთ, ამისთანა მწირს ადგილში? –“

– „ქვეითის ჯარით ნავალ, სულ ერთია.“

– „ეგ ხომ აგრე, მაგრამ კავალსკისა მეშინიან, ამ თოვლს ქარში არ დაიხრჩოს სადმე? –“

– „რა ვიცი? – ყირღიზულად კარგათ თბილად ჩავაცვი და მგონია ფიქრი აღარ ჰქონდეს? –“<sup>1</sup>

მეორე პერევეოჩიკი, გვართ გრიგორევი ერთხელ ჩემთან შემოვიდა სხვა და სხვას ლაპარაკში, უცნაური ამბავი თქვა გასაგონათ ყურის მისაპყრობი, მაგრამ საამოთ კიარა. არაფერი. აი ამბავი ის, რომელმაცა ყირღიზების ამბავი ყველა კარგათ იცის.

„ორი ძმები ყირღიზები და ერთი ბაშკირი<sup>2</sup> მოდიოდნენ ყირღიზების აულიდგან ორენბურღში, იყო ზამთრის პირი და მინდვრათ მოდიოდნენ. ამ დროს აუქროლდათ ქარიშხალი, თოვლმა ძალიან აურია, რომლებმაცა ველარ დაინახეს ვერაფერი, სრულად. გზა დაკარგეს და მინდორში დაეხეტებოდნენ, არ იცოდნენ, სად და რომელს მხარეს მიდიოდნენ. ამ დროს არეულობამა უარესათ მოუმატა, გაგძელდა ეს არეული ქარიშხალი, თითქმის ოთხი თვე იქროლა ასე მოუწყვეტლათ. იმათ სიარულში გავიდა ათიოდ დღე, საქმელი იმათ პირს არ ენახა, გაუჭირდათ შიმშილითა, აქ ცხენების კუდებიდგან

<sup>1</sup> ცხენის ტყავი ხალათურათ არის შეკერილი, ბენვი გარედგან აქვს საჩენზე და შიგნითი პირი სარჩულით არის გადაკრული, რომელთაცა ამის ქვემოდგან კიდევ სხვა თულუფი აცვიათ და შალვლადაც ამის ტყავსა ჩაიცომენ და საშინელს თოვლიან ქარიშხალში ნავლენ და არადროს არ დაერიდებიან ხოლმე არა მგზავრსა. აი ის ლაპარაკი: ყირღიზს არა უშავსრა, რაც უნდა დიდი თოვლი და რაც უნდა დიდი ქარისაგან არეულობა იყოს, ყირღიზს არ ეშინიან და ვინც იმასთან არის უცხო კაცი, იმასაც და თავის თავსაც მშვიდობით გადაარჩენს, თუ თავიანთებური თბილი ტყავის ჩასაცმელი აქვთ და თავზედაც შაქრისებური ქუდი ხურამთ, არაოდეს არ შეეშინდება ყირღიზს, იმ მოხვენილს მინდორში და იმისთანა არეულობაში.

<sup>2</sup> თუმცა, ბაშკირები გაყოფილი არიან ყირღიზებზე, მაგრამ მაინც ერთი ჩამომავლობისანი უნდა იყვნენ, ამისთვის რომ სახე ერთი აქვთ, ტანისამოსი ერთგვარი აცვიათ, და ენასაც ერთგვარსვე ლაპარაკობენ წამხდარს თათრულს ენას, მაგრამ ბაშკირები ამითი უფრო სხვანი არიან ყირღიზებზე, რომ ზამთარში სახლებში ცხოვრებენ და ზაფხულში მინდვრად გავლენ და ალაჩუხებში დგანან. ზამთრით სახლებში რომ დგანან, ის რუსებს უსწავლებიათ დრო და უამის გამო.



სისხლი გამოუშვეს, ის მოწოვებს,<sup>1</sup> იმითი გაიმაგრეს თავი და კიდეც წამოვიდნენ. ამ ყოფით როგორც იყო, კიდეც რვა დღე მოდიოდნენ, მაგრამ დიდათ გაუჭირდათ შიმშილით. მეტი ღონე რომ აღარ ჰქონდათ, ერთი ცხენი დაკლეს. რაც უნდოდათ, იმის ხორცი ჭამეს და სხვას, რასაც მოერივნენ, წამოიღეს, წამოვიდნენ, მაგრამ მაინც ვერ გაიგეს გზა. მოკლეთა ვთქვათ, ის ცხენებიც თითვეულად დაკლეს, ისე ჭამეს, ისე წამოიღეს, როგორათაც იმ პირველის ცხენის ხორცი, მაგრამ მაინც არა ეშველათ რა, გზა ვერ გაიტანეს საშინელი ქარიშხლის და არეულის თოვლის გამო. ბოლოს ძალიან რომ გაუჭირდათ შიმშილით, იმ ორთა ძმათა ყირლიზებმა, ის ბაშკირი მოკლეს; იმის ხორცი ჭამეს და თანაც წამოიღეს, მაგრამ მაინც არა გაეწყობოდათ რა, კიდეც ისეთი არეული დრო იყო, რომლებსაც კიდეც გაუჭირდათ შიმშილით, იქამდისინ, რომ ის ყირლიზი ძმები, ერთმანეთს აუმტერდნენ, რომელიცა ის ერთი დაეშურა, მიეპარა თავის ძმასა და მძინარე მოკლა. გაძღა იმის ხორცი და იმისივე საგძლის ხორცი წამოვიდა. ამასთან ის ძლიერი ქარი დადგა, ასე ჰგონია, განგებ და იმ ძმისა მკვლელმა, ორენბურღის გზა იპოვა, მოვიდა იქ, სადაც ყუელა იმის პირით გავიგონე, როგორც ყოფილიყო. მე არ ვუჯერებდი, მაგრამ მან თავისი ძმის ხელი, უზიდგან ამოიღო და სიმწარით დაიძახა ტირილითა: ნულარც ახლა დაიჯერებთ, აი ჩემის ძმის ხელი.“ აქ დასრულდა ეს ანბავი, თქმული პერევეორჩისა, მაგრამ არ მიაბა მე ამისი გაგონება; პირი დამელრიჯა და ხმა ველარ ამოვიღე კარგა ხანი. შემდგომ გონებაზე მოველ, ვკითხე.

– „მამ ცხენებმა იმთენი შიმშილი როგორ მოითმინეს, იმ დიდს თოვლში, იმისთანა ქარიშხლის დროსა?“

– „იმათი ცხენები და საქონელი ისე არის დაჩვეული შიმშილში და სიცივეში, როგორც თვითონ ყირლიზები. ჩემი თვალთ ვნახე დიდის ყინვის დროსა, ძროხამ ხბო მოიგო გარეთ მინდორს იმ ყინვას თოვლში; ძროხამ მაშინათვე თავისი ხბო ქვეშ ამოიღო და თვითონ ზედ გადააწვა. მინამ თავის მუცლის სისველე ჰქონდა, არ გაუშო

---

<sup>1</sup> ყირლიზებს შიმშილით რომ გაუჭირდებოდათ, ასე იციან თურმე, რომლებსაც ბევრი ამისთანა მაგალითები მოუხდებოდათ ხოლმე, ნამეტნავად ერთიერთმანეთზე ბარანტადრომ წავლენ, (ესე იგი სათუოდ) ოთხას და ხუთას ვერსს ერთმანეთზე და საჭმელს რომ ველარ იშოვნინან ორი კვირა მეტი, მაშინ თავიანთის ცხენების კუდებიდან სისხლს გამოუშვებენ წოვნას და რამთენსამე დღეს ამით მოიკვლენ თავიანთ შიმშილსა.

და როდისაც წმინდათ გაულოკა ენით, თვითონ ადგა და ხბოც ფეხზე დადგა, რომელზედაც ყინვამ ველარ იმოქმედა, ხბო სრულებით კარგათ დარჩა უვნებელი. შემდგომ ძროხამ თოვლი ფეხით თხარა და ბალახი ჭამა იმთენი, რომ გაძღა. ისე იმათი ცხენებია, იმათვისა ის სიცივე, სრულებით არაფერი არის.“

რაც რომ ყირლიზები მე გავჩხრიკე, სწორეთ მეც ასე დავინახე ის ქოჩარი მინდვრის ხალხი.<sup>1</sup>

გარდა ამებისა, იმათ სარწმუნოება მაჰმადიანთი აქვთ, მაგრამ სწორეთ კი არ უჭირავთ. ყირლიზი ლოცვის დროსა ჯერ წრეს შემოივლებს გარსა და მასუკან შიგ ილოცავს. მელდრე, იმათი სახე კალმუხისა არის. მესამე, დედაკაცი კაცს არ ემალება, ვინც რომ უნდა იყოს. მელთხე, დედაკაცებს და კაცებსა თითქმის ერთგვარათ აცვიათ ტანთა და შაქარსავით წონოლა ქუდებიც ერთი არის. მესუთე, სულ ცხენებით, აქლემებით დაიარებიან, ქვევითნათ კი ზარმაცობენ. მეექვსე, ვაჟკაცობით სულ არ ვარგებულან, ცხენზე კი ყირლიზი ტანტალს ბევრს აიტანს, იმდონს სიარულსა ძნელათ შესძლებს ვინმე. მეშვიდე, იმათი ყოფაქცევა ბრიყვულია, კაცისა და დედაკაცისაც. მერვე, პურს არ სჭამენ, იმათი სამუდამო საჭმელი, უფრო ცივათ გაკეთებული ხორცი: ცხვრისა, ცხენისა, აქლემ-კოზაკისა, ანუ საქონლისა. სასმელათაც ცხენის მყავე რძე აქვთ, რომელსაცა ჰქვიან: ყუმიზ. მითხრეს, მითამ იმ ყუმისის დედა ბევრსა, ათასის წლისა კიდევ მეტი ჰქონდეს. სწორეთ მე ვერ დავამტკიცებ ამას, მართალია თუ არა? – რაც რომ მითხრეს, იმასა ვწერ, ვინც პირველათ იმას დალევს, სულ არ იამება, ბოლო დროს კი მართლა კარგი სასმელია, ნამეტნავად, ვინც რომ კარგათ გააკეთებს. მეცხრე, სტუმართ მოყვარულები არიან. მეათე, იმათი აქიმობა სხვისა და სხვის ოინებით და ძახილით არის, მითამ ეშმაკს აგდებს ავანტყოფობისაგან, მაგრამ ბევრი იმათი ავანტყოფი ასეთის სასოებით მიიღებს იმ ოინებს, რომ ავანტყოფი კარგათ შეიქნება. მეთერთმეტე, ღარიბი ყირლიზები მეტი შესაბრალისნია. ჩემი თვალით ვნახე, ცხვარის ძვლებსა ჰკრეფდნენ ციხის გარეშემო, ეს მიჰქონდათ თავის ღარიბს ალაჩუხებში, იმას კარგათ მოხარშავდნენ და იმის გამოხარშულს წვენსა სომდნენ ხოლმე. ეს იმათი სარჩო იყო და ძლებოდნენ კიდევ, ყოველს დღესა მონაკრეფის ძვლებით,

<sup>1</sup> ქოჩარი თათრული სიტყვაა და შესაბამი სიტყვაც არის ჩვენი.

ჩვენი სამზარეულოსი და სალდათების კუხნებიდგან გადაყრილი.

ერთს იმათგანს ყირღიზს ვკითხე.

– „რუსები რომ აქ არ იყვნენ, რით რჩებოდით მეთქი?“

– „სადაც სარჩოს მქონე ყირღიზები დგანან, იმათ მახლობლათ ვდგევართ ხომ და იმათის ნასუფრალის ძვლებით ვრჩებით, მაგრამ ახლა რუსებისაგან უფრო ბევრს ძვლებს ვშოვობთ და კარგათაც ვძღვებით.“

რა დროსაც გაზაფხულის ჰაერი შევიდა ზამთარში, თავიანთის წესისამებრ ყირღიზები, ბინებიდგან აიყარნენ; წყნარაწყნარა წამოვიდნენ თავიანთის ალაჩუხებით და კარგ სიცხემდისინ რუსეთის სამძღვრამდისინ მოაწიეს. ესე იგი, ათასზე და ათასხუთას ვერსზე თუ კიდევაც მეტი არა, თავიანთის აქლემ-ცხენებ-ცხვრებით და საქონლით, რომლებიცა რუსებს გაუცვლიან ამ პირუტყვთა, ნამეტნავად ცხვრებსა,<sup>1</sup> თავიანთის საჭიროებისთვის, ფარჩაფურჩაზედა, კვალად სანვრიმალზედა და სპილენძსაც გაიტანენ ქვაბ ტაფებსა, ანუ ჭურჭლებს, სადაც იქვე პურის ფქვილსაც იყიდნიან, კიდევ გაცვლით. ჯერ კი ფული არ მუშაობს ყირღიზებში, რომლებიცა იმ ფქვილს ადუღებულს წყალში ხსნიან, ბევრს ხომ არა, ცოცოტას და დალევენ ისე, როგორათაც ჩვენ ვსომთ ღვინოს. ამას ჰქვიან ყირღიზულათ: ბალამიკ. ამას უფრო ზამთარში სმენ, რადგან მაშინ ჭაკი ცხენი არ ინველის; ზაფხულშიკი სულ ყუმბისა. ამის დედა ყოველთვის აქვთ. როდესაც კიდევ შემოდგომის პირი, ახლა იქით იმ რუსეთის სამძღვრიდგან იყრებიან, წყნარა ნელა ისევ მივლენ, იმ პირველს ზამთრის ადგილებში, უფრო ცოტათ თბილა. ასე ამ წესითა, ხან ქვემოდგან ზევით წავლენ რუსეთისკენ და ხან იქიდგანა ქვემოთ ჩავლენ. ცხოვრება ყირღიზისა, აი ასე არის. არც ჩვენ დავრჩით უყირღიზოთ, აქაც მოვიდნენ აქ ციხისგარეთ ვაჭრობის ცვლა გაიმართა, ჩვენ ერთი აქლემი, ცხენიც გამოვართვით, მომატებულათა ცხვრები, ეს უფრო საჭირო იყო ჩვენთვის, რომლებმაცა ჩვენც იმათ მივეცით მაგიერი ესა: პურის ფქვილი სალდათური, პატარა უბრალო სარკეები, ნემსი ქინძისთავი, სათითე და კიდევ სხვები სანვრიმალო. ამასთან ფარჩაფურჩა მდარე. ეს ვივაჭრეთ აფიცრებმა, ნაჩალნიკის ბძანებითა სულერთიან ატრიადისტვის, მაგრამ იქ იმთენი შემძლებელი ყირღიზები არ მოვიდ-

<sup>1</sup> უფრო ეს ბევრია ყირღიზებში.

ნენ, თუ მოვიდნენ, დიად ცოტა, ამიტომ რომ ციხიდგან ცოტას რასმე გაიტანდნენ, იმათ ეს იცოდნენ კარგათ, ამიტომა დიდი ძალი და მდიდარი ყირლიზები, რუსეთისკენ გაიმართნენ შორით მინდვრიდგან და ბოლოდროს ციხიდგანაც იქით გაემგზავრნენ. ეს ნასყიდი ჩვენი, კარგახანი გვეყოფოდა ჩვენა და შემდგომ უფრო ადვილათ ვიძოვდით იმ ზაფხულის სათიბში. მართლაც ასე იყო, მოდიოდნენ ყირლიზები და მოგვეყიდნენ ცხვრებსა, რაც საჭირო იყო ჩვენთვის. მოდიოდნენ შიგნით მინდვრიდგან, არც მდიდარნი, მაგრამ ჰო კიდევ ჰქონდათ რამე. ისინი მოდიოდნენ, ვინც მინდორში დარჩნენ, რუსეთისკენ არ წავიდნენ.

როდესაც ყირლიზი ორუმბაი და კავალსკი გაისტუმრა ნაჩალნიკმა, ერთ თვეს უკან ორუმბაი ისევ მოვიდა ალექსანდროვკაში გურიევიდგანა და წიგნები მოგვიტანა ფოშტით მოსული გურიევში. ზღვა რომ შეკრულიყო ყინულითა, იქ იყო დარჩენილი ის წიგნები, რომელთაცა დიდათ გავიხარეთ.

ბატოიშვილის დედიჩემის წიგნმა, ბევრი, ბევრი სიამოვნე მამცა, მაგრამ ბოლოდროსკი შემანუხა. სიამოვნე მამცა იმითი, რომ მშვიდობით იმყოფება; მნუხარება ამიტომ, რომ აი, რა ვთქვი ცრემლით:

„არ ვიცი დედა ჩემი, იმ ცივის ჰაერში ქ. კალულაში, როგორ გასძლებს? მინამ მე იმის ვნებას გავიგონებ, ღმერთსა ვთხოვ, რომ ჩემი სული მიიბაროს.“

ჩემი ეკატერინეს წიგნებიც ოთხი ერთათ მამივიდა, ყოვლის სიყვარულიანის სურვილითა სავსე და მწარე ცრემლიანი, რომელსაცა უნებურათ მეც იმისთანა ცრემლი გადმამცვივდა, რა ვქნა ველარ შევიმაგრე და ვტიროდი კარგახანი, უძლური და მცირე სული. თავის პატრეთისა მოენერა – „მოვინდომე ჩემი სახე მხატვარს დაეხატა, ის პატრეთი მანდ მოგვგლოდა, მაგრამ შენმა ნათესავეებმა ასე მითხრეს: პატრეთის გაგზავნა, ავათა გვაქვს დაცდილიო. მე არ ვიცი საიდგან რა დაუცდიათ, მაგრამ დავუჯერე. მაინც შენთანა ვარ, შენ წინ ვდგევარ განუშორათ და შენ ჩემთან ჩემო სანდრო.“

ასე თუმცა ჩვენი პატარა შვილების კარგა მყოფობა მოენერა, მაგრამ თან ესეცა დაეტანა: დათიკა შეუძლებლობს და ავათ მყავს ძალიანო. გული ამიშფოთდა, იმთენი დახოცილი ჩვენი შვილები მამაგონდა და იმ დათიკოსიც იმედი გადამინყდა.

ბოლოს სერგეი გაბრილიჩთან გამოვედი, ვუთხარ ყველა, რო-

მელმაცა ნუგეში მცა. მასუკან ორუმბაის დააძახებინა, შემოვიდა და დაუნყო კითხუა.

– „აქედგან რამთენსა დღეზე მიხვედით თქვენ გურიევსა?“

– „ათ დღეზედ, მაგრამ დღე და ღამეც ვიარეთ.“

– „მერე კავალსკიმ შესძლო?“

– „ძალიან ძნელათ.“

– „როგორი დღეები დაგიდგათ აქედგან?“

– „პირველი დღე ცუდი და მასუკან დიახ კარგი.“

– „საჭმელი ხომ არ დაგაკლდათ?“

– „რაც აქედგან საჭმელი წავიღეთ, ხუთ დღეზე შევჭამეთ, მაგრამ გზაზედ ყირღიზების აულები მოდიოდნენ, იმათ ვართმევდით ხოლმე, ცხენისას და ცხვრის ხორცსა.“

– „მერე კავალსკი, კარგათ სჭამდა ცხენის ხორცსა?“

– „უცხოთ და კარგათ, როდისაც მოშივდებოდა.“

– „გურიევს ბევრი ხანი მოიცადა კავალსკიმა?“

– „გურიევს რომ მივედით, მაშინვე თქვენი წიგნი მიუტანა იქაურს ნაჩალნიკს, დაუყოვნად პოვოსკა მოატანინა, შიგ ჩაჯდა და სწრაფათ გასნია, რომელმაცა თქვენი წიგნებიც, სულ ერთიან თან წაიღო.“

– „მაშ კავალსკიმ წიგნი არ მომწერა?“

– „დიახ მოგწერათ.“ ამოიღო, მოსცა. ნაკითხვის შემდეგ.

– „შენ რამთენი ხანილა დაგიგვიანდა გურიევს?“

– „ხუთი დღე, ამისთვის რომ გურიევის ნაჩალნიკი ფოშტას მოელოდა, როდისაც მოვიდა, მაშინვე გამამისტუმრა და პარკით წიგნები გამამატანა თქვენთან, რომელიცა წელან მოგართვით.“

– „გურიევიდგან რამთენი დღე იარე აქამდისინ?“

– „ორი კვირა.“

– „რათა, რა მიზეზმა დაგაგვიანა?“

– „ერთი კვირა დიახ კარგი დღეები დამიდგა, მასკვან დიდი ქარები დაიწყო, თანაც თოვლი, რომელიცა წყნარა წყნარა მოვიდოდი და გზას ძლივს ვიგებდი, ნამეტნავად ერთს დღესა, სულ ველარა გავიგერა, საშინელი არეულობის გამო. მეტათ რომ შევწუხდი იმ თოვლის ქარისაგან, მივედი და ერთს დაბლობს ადგილში ჩავწექი. მაშინვე ქარმა თოვლი გადმაფარა ზედა და მინამ საშინელი არეული თოვლიქარი იყო, შიგ ვინეკი თოვლის ქვეშა.“

– „მერე ბევრი ხანი ინეკი თოვლის ქვეშა?“

– „ერთი დღე და ღამე.“

– „მიკვირს, როგორ გასძელი?“

– „ბევრი იმისთანა დროები შეგვემთხვევა ყირღიზებსა და რამ-თენსამე დღესა, თოვლის ქვეშ ვწევართ.“

– „თოვლს ქვეშ რომ იწეი, სულს საიდგან იბრუნებდი?“

– „მათრახის ტარი ცხვირთან და ტუჩებთან მეჭირა; სასულეს ვიკეთებდი და იქიდგან ვიბრუნებდი სულსა.“

– „მამ შენი ცხენი სადღა იყო იმ დროს?“

– „ყირღიზების ცხენები დაჩვეული არის. როდისაც იმისთანა შემთხვევა მოგვიხდება ხოლმე, ჩვენს გარეშემო ტრიალებენ; ფეხის ფრჩხილით თოვლსა სთხრიან, პირით ბალახს იღებენ და იმასა საჭმენ.“

– „თოვლის ქვეშ რომ დარჩებით, არაგცივათ?“

– „არც ცივა და არც თბილა.“

– „არეულობის დაწყნარებას, როგორღა შეიტყოფთ?“

– „კარგათ გვესმის იმისი ხმა. როდესაც დაწყნარდება, წამოვდგებით, ტანისამოსს ხელით გავიბერტყამთ, ცხენზე შევჯდებით და ჩვენს გზასა წავალთ.“

– „მამ ახლაკი წადი, პური ჭამე, მე ვიცი რომ გეშიება?“

– „არა, აგრე რიგათ არა მშიან, რომ მოთმენა არ შემეძლოს.“

– „მე ვიცი, რომ დღეს მშიერი იქნები შენ?“

ორუმბაიმ გაიცინა და მასუკან მოახსენა.

– „არამცთუ დღესა, მთელი ერთი კვირა იქნება, არა მიჭამიარა.“

– „როგორ, მართლა?“

– „მართლა მოგახსენებ. ერთი კვირა აულებზე მოვიდოდი, იქ ვჭამდი, მასუკან თოვლი ქარი რომ დაიწყო, არეულობისა გამო, ველარ გავიტანე, აქამდისინ მშიერი ვარ.“

– „მერე აულები არსად იყვნენ, იქ გეჭამა?“

– „არა, აღარ შემხვდა, არსად იყვნენ.“

– „მამ კიდევ შეგიძლიან, შიმშილი მოითმინო?“

– „ოთხოდღე დღე კიდევ.“

სერგეი გაბრილიჩმა მზარეულს დააძახებინა, უბძანა, რომ ურუმბაისათვის ერთი ცხვარი მიეცა, როგორც უნდა, ისე გაეკეთებინა თავისთვის.<sup>1</sup>

<sup>1</sup> ბევრი ყირღიზი თურმე სანაძლეოზედ თვითო ცხვარს შესჭამს. იმას ეძახიან:

სერგეი გაბრილიჩმა რამთენიმე ორენბურლიდან წამოყვანილი ყირლიზები გაისტუმრა და შორ მინდვრიდგან ყირლიზები მოაყვანინა დასამეგობრებლად, რომელნიცა კარგის საჩუქრებით გაისტუმრა და ყველანი დაემეგობრნენ.

ამ დროებში ამისთანა ზამთარი რომ შეიმუსრა, იმისთანა უსიამოვნო ბუნებაზე ზამთარი მოკვდა და გაზაფხული გვეწვია. ზღვამაც ყინული ჩაიდნო და მცირე ხომალდებმა ზედ სიარული დაიწყეს თეთრი აფრებით. თუმცა ქარიშხალი კიდევ და კიდევ ჰქროდა, მაგრამ იმას ვილა დასდევდა. ამისთვის ჯიანჭველებსავით კარზედ გამოვხედეთ და ზღვას ტრფიალება დავეუნყეთ ყველამ. ნამეტნავად მე...

იმ ზამთარში ის სკორბუტი დაგვერია და როგორათაც ზევითა ვთქვი, არ გადვურჩით არვინა, მაგრამ ჩვენ კი სუბუქათ გავვიარა, მხოლოდ ღრძილების სიმსივნითა, როგორც ზევით ითქვა.

ჩვენ ჩინოვნიკებს კი არაფერი, კარგის წამლობით და რიგიანის საჭმლით, იმ სენისგან მოვრჩით, მაგრამ სალდათ-ყაზახები შესაბრალისი იყვნენ. ხუთასის კაციდგან ბევრი დაიხოცა, მგონია ასამდინ, სწორეთკი არ მახსომს. გამოგზავნილი სალდათი პალიაკებიც ბევრი იყვნენ,<sup>1</sup> ისინიც კარგა დაიხოცნენ. ის საწყალნი არ ნალვლობდნენ სიკვდილისთვის, თითქმის უხაროდათ კიდევც. იმათზედ რა ვთქვა რალა?..

ისინიცა ისე იყვნენ ჩემსავითა თავის მამულიდგან განდევნილი 1831-ს წელსა, როგორც მე ჩემი მამულისათვის. ამისა მაყურებელს, ჩემი გული მტკივნეულად იყო იმათთვისა.

იმთენის მსხვერპლის გამო, ბოლოს წესად დასდეს, რომ ექვს თვეში ერთხელ გამოცვალონ ის ატრიადი და კიდევ ცვლა დაუნყეს, ერთი გაზაფხულზე და მეორე შემოდგომას, მინამ მანგიშლაკზე გადიტანდნენ ციხეს.

იმისთანას დაღონებულს დროსა, იმ ზამთარში ჩვენი დიდი შექცევა ის იყო, რომ ნაჩალნიკთან ვიყავით სადილვანშმათ აფიცრები, ჩვენის დობტურითა და სხვისა და სხვის ლაპარაკით ვატარებდით დროებას. მეტათ უფრო დობტურთან, კარგს კაცთან, კარგს მსწავლულთან და საუცხოვოს მოლაპარაკესთან, თორემ აფი-

---

ბათირ. ჩუენებურათ გამირი. გამოჩენილს ვაჟკაცსაც ამას უძახიან.

<sup>1</sup> 1831-ს წლისთვის პოლშიდგან.

ცარებთან მაგთენი არაფერი. იმათთან უფრო სამსახურზედ, ანუ ამ გვარებზედ; ღობტურ მობიცთან კი ყველაფერზედ, რაც გნებავდათ. ახ კარგი აქიმი იყო და კარგი ქკვიანი მოლაპარაკე, მაგრამ ისიც იმ კარგ სიტყვებს გადაჰყლაპავდა და შესაბრალისად დაღონდებოდა.

ჩვენი ნაჩაღნიკი ყოვლის ღონით ცდილობდა, რომ ჩვენ როგორმე დროები გაგვეტარა კარგათ, ანუ მხიარულად, მაგრამ იმ საშინელს ბუნებას, მასუკან იმთენს ავანტყოფებს და მომაკვდავებს რომ მოვხედავდით, ყოველი სიამოვნე ჩაკვდებოდა ჩვენს გულში და მაშინვე სევდა მოგვიცავდა. მეორეც ეს იყო ჩვენი დროების გატარება, რომ ნაჩაღნიკს ცოტაოდენი რუსული წიგნები წამოეღო თანა და იმას ვკითხულობდით ხოლმე, რომელთაცა თითო რუსული წიგნი, მგონია სამჯერ მაინც გადავიკითხეთ. ის კი უფრო ფრანციცულს წიგნებს კითხულობდა, ბევრიც ჰქონდა თანა.

*ერთს დილაზე ადრიან დაიძახეს. სუდნა მოჩანს და გურიევის მხრიდგან მოდისო. მე და სერგეი გაბრილიჩი, ესე იგი ნაჩაღნიკი, გამოვედით, თავთავის დურბინდში გავიხედეთ. გავარჩიეთ და ვნახეთ, რომ სამოც ვერსზე მოჩანდა, მოგ ზაურის სწრაფი ქართი საჩქაროთ მოცურავდა სრულის ასხმულის აფრებითა. უნამეტნავესი ჩვენი სასიამოვნო ამბავი ეს იყო ხოლმე, როდესაც ჩვენსკენ მომცურავს სუდნას დავინახამდით, ამისთვის, რომ ქვეყნის ამბავს და წერილებს მოველოდით, მაგრამ დიახ იშვიათად მოგვედიოდა ესრეთი სუდნა და ამბავი. მომცურავს სუდნას კარგა ხანი ვუყურეთ და შემდგომ შინ შემოვედით.*

ამაში ერთს დილაზე დაიძახეს. – „კავალსკის ჩუენტვის პროვიანტი მოაქვს ყინულზედ.“

ყველანი სიხარულით გამოვეცვივდით, მე და ნაჩაღნიკმა თავთავის დურბინდებში გავიხედეთ, ვნახეთ, რომ გურიევის მხრიდგან, უფრო ზღვის ნაპირის მახლობლათ, გაბმულს სქელს ყინულზედ, დიდი გძელი ქარავანი მოდიოდი, მარხილებზე დადებული პროვიანტი ცხენებ შებმულები, რომლებსაცა მე და ნაჩაღნიკსა უფრო მომატებით გვიამა ეს, ამიტომ, რომ წინა ღამეს ნაჩაღნიკმა საიდუმლოთ მითხრა: „თუ ამ სამს დღეში პროვიანტი არ მოვიდა, მეტი ღონე აღარ არის, უნდა ყირღიზების ცხვრები მოვიტაცო, სადაც იყოს იქიდგან. ჯერ კი ეს საიდუმლოთ გქონდეს შენა.“



მოვიდნენ და მოვიღვეით პროვიანტი. ჩვენს გასაკვირად ძველს ნაჩაღნიკს ნამოელო პეროვსკის ბძანებითა და კავალსკიც იმას მოჰყვა თანა, რომელიცა ძველი ნაჩაღნიკი ისევ გატრიალდა საჩქაროთ იმავ მარხილებით და ნავიდა გურიევის ქალაქისკენ, სადაც მანძილ მანძილ თივა ქერი ცხენებისთვის, ყაზახებს მოეტანათ სამზადისი, იმავ გზაზედ ყინულზედა გურიევის ქალაქამდინ. კარგი სქელი ყინული დაეჭირა ზღვას, ზღვისა ნაპირიდგან შიგნით ზღვაში მგონია ასი ვერსი კიდევ მეტი, ასე გაბმით გურიევის ქალაქამდინ, რაზედაც ის ქარავანი მოდიოდა. აქ ცოტათ გავიმაგრეთ თავი, კიდევ რაღაებიც მოგვივიდა, კანფეტი და ხილი, ამასთან გაზეთები წასაკითხის წიგნებით, რომლებმაცა ცოტათ ვინუგეშეთ, მაგრამ მაგთენათ არაფრათა. ის ადგილი, ის ჰაერი და ის წყალი, მეტათ გვიჩაგრაგდა.

გავატარეთ როგორც იყო ის ზამთარი, ბოლოს, როცა ზღვა გაიხსნა და ყინული აღარ იყო, მგონია აპრილის გასულს? ამ დროს ყაზახების ნავი გაჩნდა გურიევის ქალაქიდგან და ანბები მოგვიტანა, ამასთან მონერილი წიგნებიც. გვიამა და გავიხარეთ; უღიმარი ჩვენი პირი, ახლა ღიმღიმს მოჰყვა.

ხანი რამე კიდევ რომ გამოვიდა, ერთს დილაზე დაიძახეს გართ: „გურიევის მხრიდგან ზღვაში სუდნა მოდის.“

კიდევ დურბინდებით გავარჩიეთ, რომ სამოცს ვერსზე, ჩვენკენ სუდნა მოცურავდა, მოგზაურის ქარით კარგა ჩქარა, ასხმულის აფრებითა. რასაკვერელია ესეც გვიამა. იმ მომცურავს სუდნას კარგახანი ვუყურებდით ცნობის ნდომით, გვსურდა ჩქარა შეგვეტყო რამე? –

შუადღის დროზედ ზღვის პირიდგან ყაზახი ამოვიდა და ნაჩაღნიკს მოახსენა.

– „გურიევიდგან წამოსული სუდნა, ეხლა ზღვის პირს მოდგა და თქვენი მაგიერი ახალი ნაჩაღნიკი მოიყვანა თანა, თქვენს გამოსაცვლელად.“

– „რა ჩინი აქვს და ან რა გვარია?“

– „პოდპოლკოვნიკი ლიხაშოსტოვი.“

ნაჩაღნიკი მე მამიბრუნდა და კმაცოფილის სიტყვით მითხრა.

– „როგორც ვასილი ალექსეიჩი დამპირდა: გაზაფხულზე გამოქცვლიო. სწორეთ ისე ამისრულა, მაგრამ თუ შენ მაგიერი აფიცარი

ეხლა აქ არ არის, როდისაც ორენბურღში მივალ, ნაჩაღნიკ-შტაბს აღარ მოვასვენებ და ჩქარაც გამოვავზავნიებ შენს მაგიერსა.“

მე მადლობა ვუთხარ.

შემდგომ კიდეც მითხრა.

– „მაგრამ მანამდისინ ლიხაშოსტოვი ამოვიდეს აქა, მანამ დობ-ტურ მობიცთან უნდა გადახვიდე და იმასთან დადგე.“ ახლა დობ-ტურ მობიცს.

– „მე თქვენ ამას ჩაგაბარებთ, თქვენ იცით და ამან.“

– „სარწმუნო იყავით თქვენ მაგაზედ. მაგრამ თუნდა თქვენ არ გეთქოთ ჩემთვის, მაინც მე და ამას, დიდათ გვიყვარს ერთმანეთი.“ დაუყოვნად ჩემი ბარგი გადაზიდეს მობიცთან და მეც დავე-დევენე უკან, ერთათ დობტურითა, რომელმაცა გვაზედ მითხრა.

– „მე იმ ლიხაშოსტოვს დიას კარგად ვიცნოფ. ის არის მკაცრი ნაჩაღნიკი და მართალი. ის არის კეთილი და პატიოსანი. იმედი მა-ქვს დრო მივიცე იმასთან, რომ ბევრი კარგი ვუთხრა თქვენზე და არც ტყუილს ვეტყვი.“

მე იმას ხელი გამოვართვი მადლობისა და მაგრათ მოვუჭირე.

რა მცირედი ხანი გამოვიდა, ახალი ნაჩაღნიკიც ამოვიდა ზღ-ვის პირიდგან ციხეში, რომელსაცა დობტური მობიცი მუნდირით მიეგება წინა, ცხენით გადამხტარსა და ერთათ შეიარეს სახლში. მაგთენი ხანი აღარ გამოვიდა, მეც იმათ დავებარებინე, რომელი-ცა დაუყოვნად წავედი. შესვლის უმალ, ჩილაევმა ხელი დამიჭირა, მიმიყვანა და წამოსადეგ კაცსა ჩამაბარა, ახალს ნაჩაღნიკსა. იმან ხელი გამამართო და აღუთქვა: სერგეი გაბრილიჩი, დაგარწმუნებთ, რომ მე ამისთვისა ვიქნები, როგორც თქვენ იყავით ამისთვისა.

უსერგეი გაბრილიჩით, რომელსაცა ჩემს მეგობრათ ვსახავ-დი, ახლა დავრჩი უიმისოთ და შევწუხდი ძალიან. როდისაც ზღვის პირზედ გამეყარა და კასნოთ გამემართა, გულმკვდარსავით წამ-ოვედი ზევით ციხისაკენ და მალეიდგან კარგახანი ვუყურებდი იმის ნავსა. ამ დროს უცებ დედა ჩემი ბატონიშვილი მამაგონდა, რო-მელმაცა მაშინათვე დავიძახე: ნარვედ, დაიკარგე მოკლე სულო-ბაო. და წამოველ მოსვენებულისა გულით.

ვიცი, ბევრი კარგი ეთქვა დობტურს ნაჩაღნიკისთვისა ჩემზე, რომელმაცა კარგათ შემითვისა, სადილვანშმათაც იმასთან ვიყავ განუყრელად, ერთათ დობტურითა.

ერთს დილაზედ, იქ იმასთან ვიყავ, რომელიცა დიდათ სწუხდა, რიგიანი ჩინოვნიკი არავინ არა ჰყვანდა, რომ იმას შესწევნოდა. თუმცა კიდევ უღონოთა ვიყავ, მაგრამ ისე შეწუხებული რომ ვნახე, ვუთხარ: „დღესვე კარგამყოფობისა რაპორტს მოგცემთ და როგორც თქვენ გინდოდეთ, ისე მომიხმარეთ.“ დიდათ იამა და მადლობა მითხრა.

მართლა ამის შემდგომ, თავი აღარ დამიზოგავს, ვემსახურე, რაც შემეძლო ჩემის ღონით, რომელიცა დიდი მადრიელი იყო ჩემი. ასე კარგათ და ერთგულად რომ მნახა, ადუტანტათ დამაყენა; ამასაც ვუსრულებდი კარგათ და სხუეხსაც. ამით იმის გულმა მოისვენა, ახლა სრულათ უჯავრელათ იყო, რომელმაცა ძალიან შემიყვარა და პატივსა მცემდა, რაც დობტურს ჩემი ეთქვა ნაჩაღნიკთან, იმის სიტყვაც გავამართლე და ეს კიდევ უფრო მიამებოდა.

როდისაც რომ კარგათ დავახლოვდი და მოსვენებით იყო ნაჩაღნიკი, ამ დროს ორენბურღიდგან ბძანება მოუვიდა ჩემზე, საიდგანაც ჩემი მაგიერი აფიცერი მოვიდა პროპორშიკი ვოლმერი (პალიაკი) და მე დავებარებინეთ.

სწორეთ თქმა სჯობს გულახდით, რომ რაოდენ მიამა იმ ადგილიდგან მოშორება, ეგოდენათ სწუხდა ნაჩაღნიკი ჩემს მოშორებას, ამისთვის რომ ის მოსული პროპორშიკი 1831-ის წლისთვის გამოგზავნილი ყოფილიყო პოლშიდგან, რომელიცა ბევრად უკეთესი იყო სამსახურში ჩემზედ, მაგრამ პალიაკი რომ იყო, არ იამა ნაჩაღნიკსა იმის მოსვლა, როგორც რუსსა ის პალიაკი, ანუ პალიაკებსა როგორც რუსნი ეჯავრებათ. ამაზედ ბევრი ვიცინეთ მე და დობტურმა.<sup>1</sup> მეც ხომ გამოგზავნილი ვიყავ, მაგრამ არა, იმ ორგვართა როგორც ერთმანეთი ეჯავრებათ, იმისთანა სიძულვილი არ იქნება.

იმ ვოლმერმა სხვა სალდათების კამანდა მოიყვანა ავანტყოფების გამოსაცვლელათ და ყაზახების გამოცვლასაც მოელოდნენ, ამის გამო წამოსვლას დავეშურენით მე და ერთი აფიცარი ჩვენის ავანტყოფების კამანდითა, რომელსაცა ჩვენს ნაჩაღნიკს გამოვესალმენით, და ეგრეთვე ჩვენს დობტურსა. მე კი ძალიან ვწუხდი იმათ მოშორებას; ისე კარგათ რომ ვიყავი ნაჩაღნიკისაგან ანუ დობტურისაგან მიღებული; იმათი კარგი მამაგონდა, ამან შემანუხა და იმათაც ცრემლი მოუვიდათ თვალებში. ეგრეთ ჩვენს დობტურსა.

<sup>1</sup> ნემეცი იყო დობტურ მოზიც.

ალექსანდროვიკის (კასპიის) ზღვის პირიდგან ვიდრე შუა ზღვამდისინ რაც აღვწერე, პირველშივე ნაიკითხავდით მას ჭემმარიტ მოთხრობაში. რომელიცა ზოგიერთი თქვენც კარგად იცით ჩემო უგანათლებულესო მშობელო! ჩემი ცოლქმრობის ამბავი. თუმცა მას მოთხრობაში სხვაზედ ვლაპარაკობ, მაგრამ პირდაპირ ჩემზედ რომ დამეწერა, უფრო სასიამოვნო არ იქნებოდა, ამისთვის სხვაზედ დავინყე ლაპარაკი, ვითომც იგი სხვა იყო და მე კი აღვწერე.

სუდნა ზღვაში შევაცურეთ და პირი გურიევისკენ გავმართეთ, მაგრამ 7-ს ივნისს შუა ზღვაში ასეთი ლელვა მოგვიხდა, რომ ცოტას გვიკლდა, არ დავიღუპეთ. რომელიცა ჩემს მოთხრობაში აღწერილი მაქვს იგი ლელვა მას ჭემმარიტ მოთხრობაში და მშვიდობითვე გადარჩომა.

## ჭეშმარიტი სიყვარული

ე. გაიგონე.

ჯერ ეს უნდა ვთქუა, რომ მგონია საჭირო აღარ იყოს, ახალი ციხის ალექსანდროვკისა რამე აღინეროს, რადგან ჩემი წიგნებით წვლილად იცი. ახლა მხოლოდ გთხოვ, რომა ესეც გაიგონო.

ახალს ალექსანდროვკაში, როგორც ვთქვი, ახლა ნაჩაღნიკობს პოდპოლკოვნიკი ლიხაშოსტოვი, რომელიცა კასპიის ზღვის ცამეტ სუდნასაც ის ბძანებლობს და ესე სუდნანი ალექსანდროვკის ზღვის ნაპირზე ერყევთან და საითკენაც საჭიროება ითხოვს, იმ პოდპოლკოვნიკის ბძანებლობით მოქმედებენ ის სუდნანი.

*თუმცა მხედრობა და სუდნა პოდპორუჩიკს კ... ჩააბარა, მაგრამ უხუცეს მატროს, კამანდის უნდეროფიცერს მოუწოდა და გვითხრა:*

*– „რადგანაც პოდპორუჩიკი კ... აპირებდა წასვლას ე. ურალსკს თავის ბატალიონში, ამისთვის არ შეიძლებოდა, რომ იმისთვის არ ჩამებარებინა სუდნა და კამანდა, ამისთვის, რომ უფროსი ის არის, მაგრამ მე დარწმუნებით ვიცი, მინამ ბატალიონში გამოცხადდება, სიმთვრალისაგან თავს ვერ აიღებს. მასკვან ჩემზედ ხელი მოაშვირა და თქო. – „ამისთვის ამას (პრაპორშიკს ორბელიანს) დამორჩილდით, როგორც ამან გიბძანოთ, ისე მოიქეცით“. მერე მე მომიტრიალდა.*

*– „მე თქვენგნით ვიმედოვნებ, რომ თქვენ თანამდებობას არ დაივინებთ. და როდისაც გურიევის ნავთსადგურზედ დააყენოთ სუდნა, მაშინ როგორც უნდა, ისე განაგოს უფალმა პოდპორუჩიკმა.“ მე აღსრულების თავი დავუკარ.*

*უფალი პოდპოლკოვნიკის სიტყვა დიახ ჭეშმარიტი იყო.*

*რალა გავაგძელო, მას სუდნაშივე იმყოფებოდა ერთი ფერჩამკრთალი თ ა ვინმე ა... ო...*

პოდპოლკოვნიკმა ლ... ახალის ალექსანდროვკიდგან მხედრობა გამოისტუმრა ერთის კარგის სუდნით, რომელმაცა პოდპორუჩიკს კილხინს ჩააბარა მხედრობა, ქალაქს გურიევს მიეყვანა, მაგრამ შემდეგ მე დამრჩა იმ მხედრობის და სუდნის ბძანებლობა, რადგან ავით გახდა ისა.

მეც ასე გავენყე სუდნაში ჯდომას ზღვაზედ სიარულს, რომ ყოველთვის მონატრე ვარ, მღელვარე იყოს, ზღვაში ვიყო და მე ნუ-

შასა ანუ დრომინში მჯდომელს თავის ლადოებზე მიმაქანებდეს.

მაშ, გთხოვ, წარსულის 7-ის ივნიის მლელვარეობა გამიგონო, ვითარ ზრიალებდა კასპიის ზღვა და კიდევ სხვა ამბავი.

1835-ს წელსა. 1-ს ივნიის სალამოჟამზედ.

ახალის ალექსანდროვკის ზღვისა ნაპირიდგან გავშალეთ სუდნის აფრები და მოკლეთა ვთქუა, რომ დაუდგრომელი ჰაერის გამო ხან ჩამოვხსნიდით აფრებს, რომელნიცა სუდნას ღუზასა დავაბამდით და ხან ისევ შევფენდით. ასეთის ტაატისა სიარულით ვაცურეთ სუდნა, ორასი ვერსტი რას ყოფით გამოვიარეთ და 5-ს ივნიის, შუადლის დროს კიდევ ღუზა ჩავაგდევეთ და ორს საჟენს სიღრმეზე დავდექით.

მცირე ხანს უკან ასეთი მონმენდილი ჰაერი ჩამონვა, რომ მცირედი სიო არსაიდგან არა სისინებდა: სრულიადი ზღვა, თვალუნდომ სნორე მინდორსავით გარს შემოგვერტყა, რომელიცა ჰაერისა და წყალის მეტი სხვა აღარა იხილვებოდა რა, თვინიერ გადმომზერი პირისპირი მზე ცხელს შარავანდედს ზედ გადმოგვეცემდა, ამისთვის დამყუდროებული ზღვა უცხოთ კრიალებდა და ჩვენი შეურყეველი სუდნა მედიდურად იდგა ზღუაზედ.

რომელიცა ერთი ვინმე იყო იქა, დიახ ფერჩამკრთალი, შენუხებულის სახით. სახელათ ერქო ა... იმან იკითხა:

– „ჩემს მოსამსახურეს თაბრუ კიდევ ესხმის?“

მატროსთ უპასუხეს.

– „დიახ, კიდევ ესხმის *თქვენო ბრწყინვალეზავ* და კრაოტზე *უგრძნობელსავით* გდია“.

ამის გამო იმ ა... ერთი მატროსი ემსახურებოდა, სახელათ პეტრუშკა.

– „პეტრუშკი, პეტრუში“ ა... დაიძახა.

საჩქაროთ ქუდმოხდილი იმის წინ გამოიჭიმა და ჰკითხა. – რა გნებავთ?

– „წადი, პირსაბანი ბოხჩა ამოიტანე, პირი დავიბანო.“

გატრიალდა, ოთახში ჩავიდა და პირსაბანი ბოხჩა ამოიტანა. ის ა... სუდნის მოაჯირზე გადადგა და საპნით ხელების ბანა დაიწყო. როდესაც საპნის ქაფით თითებს ისრესდა, უეცრად მარჯვენას შუათითიდგან ოქროს ხელთა წასძვრა და ზღვაზედ დასაცემად წავიდა. ის ა... ბეჭედს გადაეწოდა, უნდოდა, ჰაერში დაეჭირა, მა-

გრამ ველარ დასწვდა და ბეჭედი წყალზე დაეცა, რომელიცა ისიც თან გადაჰყვამინამ იმას ზღვა დასძირავდა. სადაც ბეჭედი დაეცა, ზედ მარჯვენა ხელი დასცა და ხელში რალაც დაიჭირა.

თუმცა ტანისამოსი წყალმა დაუმძიმა, მაგრამ ოთხნი მატროსნი სწრაფად გადაეშველნენ და საჩქაროთ ხელში აიყვანეს, რომ წყალს აღარ დაანდეს.

სუდნის მოაჯირზედ გადადგნენ, ვინც ზევით იყვნენ, ზოგნი თავს გადაუდებდენ, ზოგნი ისწავლებოდენ, როგორ ამოიყუანონ, როგორ მოქცეულიყვნენ მიმშველებელნი მატროსნი ზოგმა თოკის კიბე საჩქაროთ გადაუშვეს, რომელზედაც გაფთხილებით ამოიყუანეს. იმ ა... მუჭი რომ გაშალა, რომელშიაც ბეჭედი ეგულვებოდა, დაგვანახუა, მაგრამ თვითონვე რომ დახედა, წამსვე მკვდრის ფერი დაედო. ფერი ეკრთო სახეზე. მატროსებმა ჰკითხეს: – „თქვენო ბნენვალეზავ, ეგრე ჩქარა როგორ გაყვითლდით? რა დაგემართათ?“

– „ფერი რად გეკრთოთ სახეზედ?“

იქნება, ვგონებ, შენც ბეჭედი გეგონა, დამუჭვილი ხელი რომ ამოიტანა? – ნაცვლად ბეჭდისა ერთი პატარა ზღვის სადაფი კი იყო.

მეტის მწუხარებით ხმა არავის გასცა, მიტრიალდა, ხელი იალქნის თავს გადაავლო და იმ ადგილსვე ყურება დაუნყო, სადაც ბეჭედი დაეცა.

*[მე მივედი და მწუხარების მიზეზი ვკითხე. იმან მითხრა].*

ერთი ვინმე მივიდა და მწუხარების მიზეზი ჰკითხა. იმან უთხრა.

– „რათ გინდათ შეიტყოთ?“ *[მე მეტათ გადავეკიდე]*

ის მაინც არ მოემო, უნდა მითხრათო. იმან გაჯავრებულის სახით უთხრა.

– „რას გადამეკიდენით? ის ხელთა ჩემგან ძნელი დასათმობი იყო ამისთვის, რომ ზოგთ თითო რისამე სურვილი ექნებათ და იმის სურვილი მაქვს, რომელიცა იმავ სიყრმიდგანვე აქამომდე დიდათ მიყვარს“.

*მაშ იქნება მე განსაკიცხი ვიყო, რომ ჩემი საუკუნო მეგობარი გულითადის სიყუარულით ასე მიყუარდეს?*

იმის ამისთანას უმზგავსოს პასუხზე საჩქაროთ მოშორდა *[განვეშორე]* და აღარა უთხრა რა. მაგრამ ჩემთვის კი ესრეთ განგვაჯე: *უთუოთ ამას ძლიერი სიყვარული უნდა ჰქონდეს ვისიმე.*

ამთენის ყმანვილკაცების ოხვრას ვინ უნდა გაუძლოს? რისთვის ან რათა? მაგრამ რა ქნან სანყალთ; სიყვარულისაგან შემსჭვალულ-ლი არიან და სიყვარული სწყლავთ.

თუმცა ზოგიერთ ყმანვილკაცებს მოუხდებათ ამგვარები, რაც უნდათ ტყუილად იცელქონ, ყოველივე მოუხდებათ. მაგრამ ზოგიერთისა მოხუცებულებისაგან მიკვირს, რათ სულთქმენ და ან რათ კვნესენ, რომელთაცა მაგთენი სისხლი აღარა აქუთ? რომელთაცა ბურნუთისგან ცხვირი გამოსტენვიათ და იმისი გემოვნება ტუჩებზე რომ ჩამოსდით, რომელთაცა სისხლი დამდორებიათ, რომელთაცა სურვილი გამოსწურვიათ, რომელთაცა აღარც წადილი აქვთ, აღარც სული და აღარც გული და კიდევ სხვანი. რომელთაცა გული გაჰყინვიათ და სული ჩაჰქრობიათ. ის სანყალნი წარსულისთვის რომ ოხვრიდნენ, შეეფერებათ, მაგრამ არა, მითამ ახლა ისინიც სიყუარულში არიან. ამისთანა მოხუცებულებსა არშიყობას რომ ამცნევდეთ, ჰოუ, როგორ იკლაკნებიან და ანუ ჭკვას ძალას როგორ ატანენ! არ უხდებათ და არც შეეფერებათ. ჩემს რჩევას ხომ არავინ გაიგონებს, არამცთუ დაიჯერებდენ? მაშ, ვისაც იამებათ, იმათ სასიამოვნოდ სიყვარულის გრძნობას წარმოვთქომ.

ერთს რომელსამე შეკრებილებაში ერთიმეორის მომწონე რომ იყვნენ, ისინი მოსურნენი იქნებიან, დრო იპოვონ, იმათ დაიწყონ ტკბილი საუბარი. რომ მიიცვენ დამატკობელი ნეტარება. მინამ ამ შემთხვევას მიიცემენ, იმათი გაპარებული თვალების მხედველობა ერთმანეთს ეკაფებიან და თვალების გაქანებულს ხაიათსა ურთიერთსა აგებულებაში ჩაუგდებენ, რომელნიცა დაძაფნულსა სიცოცხლეს ერთმანეთს გამოაცლიან და თავიანთ აგებულებაში სიამოვნით, ნაზათ, ნარნარად, წყნარად და მოწინებით შთაიქცევენ. როდესაც ერთმანეთს თვალებს გაუშტერებენ, ერთმანეთის თვალებიდან სიამოვნეს სწოვენ და მოეზიდებიან, რომელიცა ცხადათ ესმით გულთა თვისთა სწრაფად ძგერა. სახე მათი ხან უწითლდებათ და ხან გაუყვითლდებათ, მრავალფერად ეცვლებათ. რომლებმაც იმ დროს იმათ აღარ იციან სად არიან, რას შვრებიან ასე მოიტაცებს სიყუარული იმათ. ბოლოს, როდესაც შემთხვევას მიიცემენ და დაიწყებენ საუბარსა, არა ბულბულთ სტვენა, არა მშვენიერთა ჩიტთა ჭიკჭიკი, არა არფთა ხმობა და არა მგოსანთ გალობანი ვერ დაატკობს იმათ სასამენელსა, როგორც თავიანთი საუბარი.



უკუეთუ მათ გულში იჯდება ვინმე, იგი ცხადათ დაინახავს მათ გულის ჩაღებების მოქმედებას, თორემ გამოთქმა შეუძლებელია. უბნობისა დროსა ისინი რაღასაც სიცოცხლის კმაყოფილებასა გამოაცლიან და ერთმანეთსავე მისცემენ. ვითა რაითმე სძლებიან და კიდევ სწყურდებათ. მაშინ მათი გული, ვინ იცის, რამდენი უხილავი კმაყოფილების წყარო, სიამოვნით გაებანებათ და გაუბზინდებათ. ოდეს განშორდებიან, ვითომც ყოვლის კმაყოფილებით აღივსებიან, მაგრამ ოდეს შინ მივლენ, ვითომც და აკლია რამე ანუ დაუკარგამთ, ამისთვის იმათი გული იმ კმაყოფილების წყაროთი იქნება ისე მშვენივრად გაბანილ-განმენდილი, რომ სარკეს სინმიდეს შეედრება.

ორი პლატონიზმი რომ იყვნენ ერთს შეკრებილობაში, ისინი მძებნელი იქნებიან, შემთხვევა იპოვონ, ერთმანეთს უპერჩატო ხელები მაინც მიაკარონ. როდისაც ის ხელი ხელს მოხვდა, მაშინ ერთმანეთის აგებულებიდან დამდნარსავით რაღასაც სიამოვნეს გამოსწოვენ და ფიცხლად ის სიამოვნე ერთი მეორეს გულზედ გადაეველებათ, მასუკან ძარღვებში გადავა, მერეთ ტვისნა მოხვდებათ და ბოლოს როგორც ჩაღბი, ეგრეთ დაიწყებს ტრიალს იმათ აგებულებაში.

ესე სიამოვნება იმათ ტანში დაიწყებს ტრიალს, აღარ ენდომებათ, ერთმანეთს განაშორონ ხელნი და იმათი სული, მის სიამოვნის ძალით, ვინ იცის, რავდენის სიხარულით აეთახთახებათ ან რავდენის სიმხიარულებით შეემოსებათ.

და უკუეთუ ესე პლატონიზები ერთს ოთახში იქნებიან დამწყვეთულნი და ერთმანეთს გადაეხვევიან, წამსვე მაგნიტებრი ჟრუანტელი მიმოსიარულს დაიწყებს იმათ აგებულებასა შინა და ყოველს გვამის ნანილს ეგონებათ, ეს ეს არის, სრულებით დავდნებითო. როდესაც ბავეთ გაუერთებენ და ერთმანეთს აღმოზიდებენ. ბავეთ ძაფები რაღასაც მოჰკრეფენ გულის აუზიდგან და იგრძნობენ, ვითომც უკვდავების წყარო ერთმანეთის ბაგეებიდგან აღმოჰქონდეთ საუკუნოს ცხოვრებისათვის. რომელთაცა აღარ ეგონებათ, სიკვდილილა იყოს სადმე ანუ სიკვდილი იმათ უზამდეს რასმე, ესრეთ ძალად იგრძნობენ თავის სიამოვნებას. გარნა ოდეს განშორდებიან, ღია ვაებით გაიყრებიან, მაგრამ როცა სულს განისვენებენ, მრავლად გამხიარულდებიან და მრავალს ფუფუნებასა შინა

*დასტკებთან, რადგანაც მიიღებენ სავსეს ნეტარებას.*

იმათ იმისი სიყვარული რომ მოხვდება, იმისი ვნება ასე მოედებათ გულსა, იმავ წამსვე წუალებაში შეიყუანს იმათ და ტანჯუას დაუნყებს. მაშინ სული ვითა ღალადებს თავის მწუხარებას და ვითა ჩივის თავის წამებასა. გარნა სანუგეშოდ ეძებს ზმანება ღვიძლების შესამსუბუქებელს რასმე, საშუალობა იპოვნოს რაიმე, რომ სიყვარულის მიზეზს მისცეს სული და გული მოწყლულებისაგან გამოიხსნას. შემდეგ ეს ზმანება მოიტაცებს, მიიყვანს და იმის მიზეზს იმას შთაძახებს: მაშინ გონება მასთან იშვებს, გული სიხარულებს, სრული აგებულება განისვენებს და სურს, საუკუნოდ აღარ მოშორდეს. თუ ამ ზმანებასა დაუშლის რამე, ეგონება, სიყუარული წამართუესო. მაშინ უნებურად ამოიოხრებს, მერე სულთქმას დაიწყებს და ბოლოს ასე ამოიკვნესებს, გულის მოწყვეტა ეგონება. *ამასთანავე ასეთი მოუთმენელი და გამწარებული მწუხარება მიესევა, რომ უნდა განიღვიძოს თავი თვისი.* ამ დროს აღგზნებულის გონებითა თავის გარეშემო იყურება და აღარ იცის რა ქნას: მართლა მოიწყლას თავი თუ ჯერ არა. როდესაც გონება დაუმშვიდდება, სისხლი ღელვისგან დაუნყნარდება და სრულს გონებას შემოიკრებს, მაშინ მომავლისათვის იმედიანობს და ფიქრობს: რა ვქნა, როგორ მოხდება ჩემი ამბავიო? ამ იმედის მიმღები მისი წარმოდგენით ხეტებას დაიწყებს, მას მისდევს. არ იცის, სად ანუ რომელს მხარეს მიდის. – ასეთის სიყვარულით შემსჭვალული იქნება ის, მაგრამ მაინც ფთხილობს, არავინ შეამცნიოს და როდესაც მცნობი შეხვდება ვინმე, დიახ კარგის მცნობობით დაუნყებს ლაპარაკს, მითამ იმან სულ არა იცის რა, რომელიცა თავის სახეს კი აღარა ჰკითხავს, ყოველს სულის საიდუმლოს იმის სახეზე ამოიკითხება.

ეს *მიმომხეტებელი* შეყუარებული სადაც მშვენიერს ბუნებას ნახავს, მაზედ განისვენებს და ბევრს გულის საშვებელსა რასმე იფიქრებს, მაგრამ სულ ამაოდ შეექნება, მერე მწუხარებით თავის სახლისაკენ წამოვა, ეგება, თავისი მწუხარება შინ მაინც მოიქარვოს. მომავლობაში ის რომ შეხვდეს, ვისთვისაც სული აქვს შენირული, ეცდება, თავისი ვნება დაჰფაროს, მაგრამ როგორ? რომელსაცა გონება აერევა, გული ძგერას დაუნყებს, სული ფრიალს შეიქნს, მუხლები აუკანკალდება და სახეს მკვდრის ფერი დაედება, მაშინ თავსა იწყველის გაჩენისათვის, მაგრამ რა ჰქნას? თუ შეძლოს, რომ

გულით განიშოროს ისა, აბა როგორ იქნება? როდესაც პირველათ უნახავს ისა, იმის გამოქანებული სახის სიყვარული ასე დასძგერე-ეზია, რომ წამსვე თითვეული ასოები ზედ გაჰფენია და თვითეულ-თა ასოთა თავთავისი ფესვები გაუდგამთ ყოველს ძარღვში. მაშ, როგორღა ამოიღოს მისი სახე? მე ვერაფერ ვერ დამარწმუნებს, თუ ძლიერად უყვარს ვისმე ვინა, იმისი სიყვარული გულიდგანდა ამოიღოს?

სიყვარული ერთი რაღაც მკვიდრობს, *ბძანებლობს* ადამიანის გულში, რომელიც არც დაინახება და არც შეიპყრობა. *მხოლოდ იმის სული აღევზნება, გული აღეჩქეფება და გონება განცვიფრდება.*

როდესაც მცირედ გიყვარს ვინმე, გულსა რაღაც გიღელავს. – როდესაც საშუალოდ გიყვარს, გულსა რაღაც გიძგერავს და როდესაც სრული და ნამდვილი სიყვარული მოგეცემა, მაშინვე იგრძნობ, გულსა რაღაც აღეჩქეფა და ეს აღჩქეფილი გულზე გადმოედინება. *ასე გეგონება, შიგ ალარა დარჩაო.* გულიდგან ყოველს გვამის ნაწილსა მოუვლის ჟრუანტელად, მაგრამ ისევ უკანვე მოიტანს სული, წაიღებს და მასზე ასე გადაავლებს, რომელიც შეგყვარებია, რომ გეგონება, ჩემი აგებულება იმის აგებულებას გაუერთდაო.

თუ რომ სრული და ნამდვილი სიყვარული მოგვიხდება ვისმეს, შენ დარწმუნებით იცოდე, სხვას მეორეს ველარ შეიყვარებ. *ამისთვის, რომ გადმოდენილი შეიძლებაა აიკრიფოს?*

რო იცოდეთ, რა დაუფასებელი საუნჯეა ნამდვილი სიყვარული! რაც უნდა გულმღრძო, ანუ მტარვალი, ანუ საშინელი, ბოროტი ადამიანი იყოს, თუ მას ნამდვილი სიყვარული მიეცა, ასე დაამშვიდება და ასე გააკეთილებს, რომ მარადის ესურვება, ყოველს ადამიანს ეთავაზოს და ასიამოვნოს.

კიდევ უნდა ვთქო, რომ შეყვარება ერთი იქნება და არა ბევრი. თუ რომ ერთი უყვარს, იმისი სიყვარული გულზე დაბეჭდილი ექნება, – იმისთვის გონებას მოაცლის, მას სატრფიალოდ წარმოიდგენს, გული მის საპყრობილედ ექნება, სული მის მსხვერპლად განემზადება და მისის სიყვარულით იცოცხლებს. ეს სიყვარული იგი არის, რომ საუკუნოდ ორთა იცხოვრონ და ერთმანეთის სიყვარულით დასტკბენ. ჩვენც მიუზნერთ მათ: „*ი ნამდვილნი ცოლ-ქმარნი!*“ – ზოგნი შეიყვარებენ მოწონებით, მრავალს დროს მას ეფიფინებიან და როდესაც წამსა მიიღებენ, გული აუცრუვდე-

ბათ და სხვას შეუდგებიან. ამას ვუნოდებ მე *ორჩოფეხულს*, ზედშესრულსა და არა სიყვარულსა. მაგალითათ ჩვენში იციან: „ერთ საჭმელზე უკეთეს სხვა საჭმელს რომ ნახავ, განა მოგინდებაო?“ – თუ ეს უგვანი მაგალითი იცის, ეს რატომ აღარ იცის, რომ სახლი ცოლ-ქმარისაგან დაიფუშება? ასე რომ, თუ მეუღლენი მეუღლეობის წესსა ვერ აღასრულებენ და სხვას ვილაცას გამოუდგებიან, მაშინვე *ორჩოფეხულის*, ზედშესრულის ფიქრი შეიპყრობს მათ, რომლებიც არ დაზოგვენ თავის საცხოვრებელ ფულსა, არც მოასვენებენ თავსა, აღარც სახლისათვის ინაღვლიან, აღარც შვილებისათვის იზრუნვენ და ველარც სახლეულობის სიტკბოებით იშვებენ, მაშინ იმათ შვილებს ყოველი საჭიროება დააკლდებათ. აბა ამის პასუხი მომცენ, ვილამ იზრუნოს იმათთვისა თუ არ მეუღლეთა? *ვკითხამ და მითხრან*. ცოლ-ქმრობის წესსა მკვიდრი მაგარი ხასიათი უნდა ჰქონდესთ. ვინიცობა არის, თუ უგვანსა საქმესა სდევნენ, დღეს გაუტყდებათ სტაქანი, ხვალ ბუთლიკა, ზეგ გრაფინკა, მაზეგ ჭურჭელი დაემტვრევათ, მერე სახლს კარები ჩამოუვარდებათ, მასუკან სახლს გვერდი ჩამოექცევა და შემდეგ სახლი დაეფუშებათ. სახლის პატრონი ცოლსა ჰკითხავს. „ეს რა ანბავია? რატო სახლს ყურს არ უგდებდი, რომ ასე გაგვიფოლიაქდა?“ თუმცა ცოლი თავის მართლებას დაიწყებს, მაგრამ სახლს კი აღარა ეშველება რა: როდესაც მთიდან კლდე გადმოვარდება, მასზედ ველარ მიეკვრის, ისე მეუღლეობის თანამდებობა არის, თუ რომ მეუღლენი თავის თანამდებობასა ვერ აღასრულებენ, კლდის ნაგლეჯსავით დაიფანტება მათი სიყვარული და სახლის გარემოება.

თუნდა ესეც მოვიხსენიოთ, რომლისაგანაც წარმოდგება *ორჩოფეხული*, ზედშესრული?

ა. ჩაგონებისაგან, ბ. მიბაძვისაგან და გ. თავის თავის მშვენიერების გამოხატულობით ასე, რომ ზოგთ თავის სახის მშვენიერება უკვირთ და ზოგთა თავის გონებისა.

*გარნა ამათი მიზეზი რა უნდა იყოს? ვგონებ, სულქარიანობა. არა ყველაზე ვლაპარაკობ ამას, არამედ ზოგიერთს ადამიანებსა ზედა.*

ჩაგონება ეს არის: ერთი რომ *ორჩოფეხულის*, ზედშესრულის საქმეში იქნება და სხვას ხედვიდეს უმანკოსა ვისმე, რასაკვირველია, მისთვის ეშურვება მისი ანგელოზებრივი სული, ამისთ-

ვის ეცდება, სხვისა და სხვის ჩაგონებით მოიზიდოს ისა და თავის მეგობრათ შეითვისოს. მიბაძვა ამისაგან არის, უნცროსი რომ ხედავდეს უფროსის ქცევასა, რასაკვირველია, იმის ქცევას ჩვეულებად მიიღებს და თვითონაც ისე მოიქცევა, როგორც უფროსი. მშვენიერებასა აქვს მაღალი ფიქრის წარმოდგენა(!) ის სად მოისურვებს თავის ჩინებულებასა, თუ არ *ორჩოფეხულში*, ზედშესრულებაში? *გონების მშვენიერებაცა ამისგან არის, სიყრმით მიღებულს ზედშესრულის ჩვეულებასა რომ არა ექნება რა შემნედ, ამისთვის ჭკვას ძალას დაატანს, ამით გამოიჩინოს თავის თვისისა ნიშანი. და სხვა საგანნი კიდევ არიან, რომელთაცა ზედა ლაპარაკი კიდევ განვრძელდება, ამისთვის ესე შემოკლებული ვიკმაროთ და ვრცლად კი გავიგონოთ.*

თუნდ ესეცა ვთქუათ.

ამ *ორჩოფეხულს*, ზედშესრულს რამეთენი ნიშნები აქვს?

ა. თავის მოწონება, ბ. ამპარტავნება, გ. კეკელობა, დ. არშიყობა, ე. ტრფიალება, ვ. ჩვეულება, ზ. სიმხურვალე, ეი. ბოროტი, თ. უწყალოება, და ი. სიკვდილი.

როდესაც ჩაგონებული ანუ მიბაძვით დაჩვეული, ანუ მშვენიერების მაჩვენებელი და ანუ გონების გამომჩინებელი ნახავს *ორჩოფეხსა* ზედშესრულსა, მაშინვე *წარსული დაავინყდება...* თავს მოაწონებს. თუ შემთხვევაც მიეცემა და ისიც აჩვენებს ნიშანსა? ამპარტავნობით კეკელობას დაინყებს და მასკვან ცხადადაც აჩვენებს არშიყობას. კარგათ ვიცით: არშიყობიდგან *უთუოდ უგვანი საქმე* ტრფიალება წარმოდგება, ტრფიალებიდგან ჩვეულება, ჩვეულებიდგან *უთუოთ გარყვნილება* სიმხურვალე, სიმხურვალისგან ბოროტი და ბოროტიდგან უწყალოება და უწყალოებიდგან სიკვდილი, რომელსაცა ერთს ჭეშმარიტს და მართალს შემთხვეულობასა ვიტყვი, არა იმის სახელს, ვისგან და ანუ სადა.

ერთი ქმრიანი დედაკაცი დიახ სიმხურვალის მოყვარული იყო. იმისმა ქმარმა ყოველივე იცოდა და ყოველთვის ურჩევდა დატევებას, რომელსაცა დიდათ სწყინდა ქმრისაგან დარიგება და ამისთვის სურდა, თავისუფლად ემუშავა. *რომელმაც* იზოვა *საშუალება* დრო, ერთს აქიმს გაუარშიყდა, მისცა გული, მერეთ სთხოვა შხამი და მით მოკლა ქმარი.

გარნა ეს კი აღარ ვიცით, ღმერთი რა არის და მისი საკვირველე-

ბანი როგორ მოქმედებენ?

ის დედაკაცი ერთს ნელინადზე ასე შეიშალა, რომ ჯაჭვით იყო დაბმული და მხეცურის ხმით იძახდა: „მე ვარ მკვლელი და მე მოკვალი!“

ის აქიმი კი იქ ნაბრძანდა, სადაც მკვლელნი განისვენებენ.

მე ხომ იმაზე არ ვლაპარაკობ, თავის მოწონება თავის პატიოსნებისათვის არ უყვარდეს ანუ ამპარტავნება ამბიციისათვის? ანუ კეკელაობა სინმინდის ტანადობისათვის? ანუ არშიყობა ერთის საუკუნოს საგნისათვის ანუ ტრფიალება ერთგულებისათვის? ანუ ბოროტი კეთილისათვის? ანუ ჩვეულება განსვენებისათვის? ანუ უწყალოება მშვიდობისათვის? და ანუ სიკვდილი სიმართლისათვის? არამედ ნახდენილს ბუნების თვისებაზე ვლაპარაკობ, იმას ვებასები. *ტრფიალებას რომელიცა ღირსება აქვს, იმას ვამბობ.* მაგრამ სიმხურვალეს *გარყვნილებას* ზევით ამ საგნებში ვერ მოვიხსენიებ, ამისთვის, რომ ბედნიერების ჩრჩილი არის იგი.

აი, რა ვთქუა? –

როდესაც ძალუმათ ერთმანეთი მოეწონოთ: ჯერ პირველად უნდა განსაჯონ, შეუძლიანთ მეუღლეობის თანამდებობის აღსრულება თუ არა? თუ რომ შეუძლიანთ, გული და სული ერთმანეთს უნდა გაუერთონ სიტკბოებით, რომ იმათი მეგობრობა საუკუნოდ სუფევდეს. თუ ეს შეუძლებლად მიიღონ, არცერთი რომ არ ჩავარდნენ ცოლქმრობის ვალში, ისა სჯობია, ნურც არავის ეგონება, დასაძრახავნი იყვნენ ისინი ამისთვის, რომ ცოლქმრობის ვალი დიდი თანამდებობა არის.

*ნეტავ ჭეშმარიტი ცოლქმრობის თანამდებობის აღსრულებას რა ღირსება აქვს?*

იცით, ცოლქმრობა რა არის?

ეს არის, რომ ცოლ-ქმარნი ჭეშმარიტ თანამდებობასა აღასრულებენ, რაც რიგია. იმათი ცხოვრება სისუფთავეა. იქ არის; სიყვარული, *სასულიერო ან სამოქალაქო* მეგობრობა, დატკობა, განსვენება, *საშვებელი* განცხრომა, მხიარულება, სიხარული, სიცოცხლე და სულ ერთიანათა ვთქუა, რასაც ადამიანი კარგს კეთილსა წარმოიდგენს, სულერთიანათ კარგს ცოლქმრობაში იპოვება. მაშასადამე, ნამდვილი ცოლ-ქმრობისთანა ქვეყანაზედ სხვა უკეთესი არა იქნება რა.

თუ ქმრიანს ქალსა და ცოლიანს კაცსა სხვა ვინმე მოეწონოს და ერთმანეთს არშიყობა დაუნყონ, იმათ უნდა წარმოიდგინონ, რას ფიქრობენ ანუ რას შვრებიან. შენ მოარშიყე მეუღლეო, როდესაც ეარშიყები ვისმე, შემდეგ რას სვინდისით ეხვევი შენს საუკუნოს მეგობარსა მეუღლესა? ანუ რას გულით ეტრფიალები? რომელ-თაცა ღვთის ტრაპეზს წინ აღვითქვავთ ერთმანეთისათვის სულის შეწირვით სიყვარული?... თუ გრძნობდე, ამა სოფლის ჯოჯოხეთი არის.

მითხარ შენ, მოარშიყე მეუღლეო?

როდესაც არშიყობიდგან შემოიქცევი შინ, შენი წვრილი შვილები რომ მოგეგებებიან, ხელში აიყვანო და გულში ჩაიკრა, მითხარ, რას სულით ჩაიტკობ ანუ რას სიტყვით ეტრფიალები იმათ? რომელსაცა მაგათ წინ ვილასაც ევლებოდი? – აქ კიდევ ბევრია სათქმელი, მაგრამ ამით გავათავე, მოვრჩი.

*რაოდენიც მოგეწონებათ, ვნახოთ და ყველას გაუარშიყედეთ, ღმერთმა შენს მტერსაც ნუ მისცეს იგი ამისთვის, რომ გული თავს კლდეზე გადაგვაგდებინებს. გული ზღვის მსგავსი არის და ზღვის უფსკრულებასავით ღრმა. ოდეს მოვიწონოთ ვინმე, წამსვე უფსკრულებაში უნდა დავიღუპოთ და არა აღვაშფოთოთ.*

*ზეციურნო და საცოდავო ქალებო, ნუ ენდობით პირსათნოთა კაცთა, რომელთაცა გაქებენ და სიყვარულს გარწმუნებენ; თქვენ მე დამიჯერეთ, ცარიელი ქარი არის იმათი ქება და რწმუნება. უნდათ, თქვენი თავიდგან გვირგვინი აგხადონ და თავის თავზე დაიმსხვრიონ.*

*მზეს და იმის სისტემის პლანეტებს მივხედოთ და ჩვენთვისა ვთქოთ:*

*„აი ჩვენთვის მაგალითი სიყვარული დაუნესებია ღმერთსა!“*

*როგორათაც საყვარელი ერთმანეთს აძლევენ გულით ცხოვრებასა სულის შემწეობით, ისე მზე და პლანეტანი არიან. თავის წერტილიდგან გადმომზერელი. მზე გამოსცემს სხივსა და სხივი სიცხოველესა, ზედაც გადასცურვენ მზის სისტემის პლანეტანი და მზეს გარშემო ეხვევიან. რომელნიცა მზე პლანეტებით სცხოვრობს და პლანეტანი მზითა, ესრეთ რომელ მზის გამოცემული შარავანდედი მოსწოვს პლანეტების ძალთა, რომელნიცა იქმნებიან ჰაერად. დახვენილსა უწმინდესსა ცივსა სინედლესა თვით*



მიიზიდავს თვისის სიმხურვალის განსაგრძობლად და მსხვილს სინედლესა პლანეტებზე გადააბნევს ნაყოფიერების აღმოსაცენად. აი ასე უყვართ და ასე ერთმანეთით სცხოვრებენ.

ახ! მოვა დრო, რომ პლანეტანი მზესა შინა ჩაჰქრებიან!.. და მზე დაუსრულებელსა შინა განჰქრება!!!

ნუ ვიშიშვით; ის დაუსრულებელი ასეთი რამ სინათლე იქნება, რომ ნეტარება, განსვენება, სიამოვნე, სიხარული, სიმხიარულე, სიყვარული, ტრფიალება, განცვიფრება და კიდევ სხვა ამისთანანი სულ ცხადად დაინახებიან იმ სინათლესა შინა, რომელიცა არს სასუფეველი, რომლითაცა სულნი უმდიდრესის, უძვირფასესის და უმაღლესის ხარისხის ფუფუნებით განცხრებიან და მის სასუფეველის ნეტარით აღივსებიან. მაგრამ მინამდისინ მზე დაუსრულებელსა შინა არა განჰქრება, მანამდისინ ჩვენი სული მზის პლანეტების სიმრგვლით გარეთ ვერა გავა, მხოლოდ ღვთის საკურველს დანესებულებათა ცხადათ იხილავს; მისით ინუგეშებს და მისის დიდებით განკვირვებულ იქნება. იქამდისინ ვინ იცის, რამთენი მილიონი წელიწადები გავა?

რაოდენიმე დიდნი მდინარენი მომდინარებენ და ეს მდინარენი ერთათ იკრიბებიან ერთს განვრცელეებულს ადგილზე, რომლებიცა შეადგენენ ზღუასა არსად მომჩქეფარე მდინარე მრავალს ყურეებით მოხვეული, მრავალს ჭალაკებით მოფენილი, სხვათა და სხვათა მფრინველით სავსენი და ზღვისა ძალებით მოდებული, რომელიცა: ხშირად ყვირის, მაღლად იძახის, აღწევნილადა ღაღადებს, შესაძრწუნებლად ზრიალებს, საშიშრადა ღრიალებს და იმისი გაჭირვეულებული ღადონი არაიშვიათად მუსვრენ: ნუშათა, კოპანოთა, კარაპანთა, ქულასინთა, კარაფინათა და სხვა ნავთა. ამას უწოდებენ კასპიის ზღვას. თუმცა ესე დიდად დაუდგრომელი და მოუსვენებელი არის, გარნა ხანდისხან ასეთის ჰაერით მოირთვის ხოლმე, რომ მისი ჰაერის სისუფთავე განსაკვირვებელი არის. ხოლო ნამდვილ უცნობელი არის, იმაში ჩამდინარე... მაგრამ აქამომდისინ ვერავის ვერ შეუტყვია, სად ილუბებიან იმთენი მდინარენი ანუ სადა აქუს გასავალი?

შენუხებული ა... სუდნიდგან ზღუასა დაჰყურებდა და საშუალებას ეძებდა, ჩავარდნილი ხელთა როგორმე ამოელო. გარნა ამოოდ



ხადიდა ყოველსა იმედსა. იმ ა... მატროსები ასე დაღონებულს რომ უყურებდნენ, თავიანთვის ამბობდნენ.

სუდნის პალატებზე მდგომარენი მატროსნი გაშტერებულნი უყურებდნენ, მაგრამ არა რომელს ვერ გაებედა, რომ ეკითხა ზღვაში გადავარდნის მიზეზი და მწუხარებით ერთმანეთს ეუბნებოდნენ.

„რატომ ასეა ჩვენი კნ. [კნიაზი] და ან რათ არის შეწუხებული?“ პეტრუშკა მივიდა და ჰკითხა.

– „თქვენო ბ., [ბრწყინვალეზავ,] გნებავთ, გამოსაცვლელი ტანისამოსი მოგართოთ, სველი ხართ?“

იმან დაღონებით მოხედა და უთხრა.

– „კარგი იქნება“.

პეტრუშკამ ტანისამოსი მოუტანა, იმანაც საჩქაროთ გამოიცვალა, მაგრამ ისევ მიტრიალდა და იმ ადგილსვე დახედა, სადაც ბეჭედი დაეცა და თავისთვის ამბობდა.

– „მე შენგნით განშორებულს მქონდა ნუგეშათ ხელთა შენი ჩემს ამ უცხოებაში ჩემი მწუხარების განსაქარვებლად და იყო ჩემი კარგი მხიარული ამხანაგი, და არასდროს არა ვნაღვლობდი, რომ მე უცხოებაში ვიმყოფები და არცა უბედურობასა ვჩიოდი, რადგანაც რომელიცა შენის ყმანვილობის სახსოვარსა მოუცილებლად ზედ დავტრფოდი ყოველთვისა. ახლა ეს ხელთა ზღვაში დამელუპა. როგორ დაგთმო ხელთავ? ან ამ ზღვის უფსკრულებაში უნდა დავინთქა ან არადა, ჩემ შუა თითზე კიდევ დაგინახო“.

ეს ლაპარაკი მწუხარებით წარმოთქო, მერე დაღონებული მოაჯირზე გადაწვა და ღრმას ფიქრში წავიდა. საგონებელში რასმე შთავარდა, რომელიცა იმის ფიქრი ძნელად გამოსათქმელი არის, მხოლოდ ჩვენმა გულმა უნდა იგრძნას მისი აზრი. ამ ყოფით საღამომდინ უსმელ უჭმელი ერთს ადგილს იჯდა და ზღვაზედ დაჰყურებდა. როდესაც ზღუაზე სიბნელე გადაეფარა, სულერთიან ზღვა წმიდა თალხის სინათლით მოიფინა და ოქროთ მოფენილმა ცამ კაშკაში დაიწყო, ამ დროს დახვეწილი ჰაერი ცივად გადმოვიდა ჩუენზედ, მაგრამ ასეთი დასუსტებული ჰაერი იყო, რომ მეგონა, ქუეშაგებში ჩავარდნილს, დაჭლექებულს ნაზ ქალსავითა საუკუნოდ ველარ აღდგებოდა. ზღვის ზოდიაქს თავის საპყრობილესა შინა დაემწყვდია. ერთი ბენო სიო არსაიდან არა სისინებდა.

[*მანც კიდე ვერ მოვითმინე, რომ იმისთვის კიდე არ მეკითხა და ნამდვილი არ შემეტყო.*] ამ დროს კიდე მივიდა იმასთან და ჰკითხა.

– „გთხოვთ, არ გენყინოთ და მითხრათ, ერთის ბეჭდისათვის აგრე როგორა ხართ შენუხებულები?“

[*იმას უნებურნი სულთქმანი ზედაზედ აღმოსცვივდნენ და თავის მწუხარების მიზეზი მითხრა.*] იმან უცებ ამოიოხრა და მერე უთხრა, რომ თავის მეუღლისაგან ჰქონდა ხელთა სახსოვრად.

– „დიახ მცირეს რაზედმე ყოფილხართ შენუხებულები. შეიძლება, იმისთანა ბეჭედი კიდე გააკეთებინოთ?“ *გალიმებით უთხრა.*

– „*თქვენ თუმცა ჭეშმარიტად ამბობთ, მაგრამ*

– „*თუ თავის შესაწყენად არ მიიღებთ, ჩემს დაწვლილებით ამბავს გიამბობთ. ისტორიას სულ უკლებლივ გიამბობთ, საიდგან და ან როგორ იყო? თუმცა თქმა არ მინდა, მაგრამ ასე მოხდა, უთუოთ უნდა გიამბოთ, რათაც ვწუხვარ იმ ბეჭდისათვის,*“ მწუხარებით უპასუხა.

[*მე დიახ გულმოდგინეთ ვთხოვე, რომ ეთქო. მან ხელი გამომართო, თავის გვერდით დამისო და მოჰყვა.*]

გაიგონე.

ვ.

„ჯერ ეს უნდა გითხრათ, ტფილისს ქალაქს როგორი მდებარობა აქვს და მასკვან ჩემს ამბავს გიამბობთ“.

„*თუმცა ამ ქალაქის მცხოვრებნი გაშლილს ადგილზე სცხოვრობენ, მაგრამ თანასწორ მინდორად არ ითქმის. ამისთვის, რომ ბრუნდეთ და ურიგოთ არის მოყვანილი. დასავლეთის ქალაქის დასაწყისიდან ვიდრე აღმოსავლეთის მდინარის მტკვრამდისინ დიახ დაღმართი ჩამოეგლება, თუმცა სამხრეთიდან უფრო დაღმართი დამოეგლება... ამ ქალაქს სამხრეთის კერძო უნაყოფო მთა აქვს მოყუდებული, რომელსაცა სამხრეთის ქალაქის მცხოვრებნი ზედ მიჰკვრიან და მისწყვედიან. დასავლეთისაკენ ნახევარმთვარისებური მთა წამოადგება, შიგადაშიგ ბალახოვანი ადგილი და კლდე, სადაც შუა მთაზედ პატარა წმიდის დავითგარეჯის მონასტერი არის. უცხოდა სჩანს, თეთრად მოჰკრიალებს, როგორცათა ქალაქის გულის პირში გარჭმული მარგალიტის ქინძისთავი<sup>1</sup>* როდე-

<sup>1</sup> სადაც უცხო გრიბოდოვი არის მიღებული და ეს მთაწმიდა, წმიდის დავით გარეჯის სახელზედ არის აღმენებული.

საც სალამო შეიქნება და მნახველი შეხედავს, ეგონება, ფარგალში გამოწვრილდა ჰგავსო ეს მთა. სადაც სამხრეთისა და დასავლეთის მთების ბოლოები დააწყდებოდა, იქ ერთმანეთს შეერთდებიან მოზურვილსავით და უმზეოს დილაზედ რომ შეხედოთ შორიდგან, ასე გეგონებათ, ეშმაკების საცხოვრებელი არისო. სადაც მთები ერთმანეთს შეერთდებიან, იმ მთების ძირების მოახლოვო ბალები არის მოფენილი და ბალებს ქვევით ქალაქი დაიწყება. თუმცა ჩრდილოეთისაკენ მთიანი ადგილი არ არის, მაგრამ კავკაზიის ამფიტიატრები ასეთის სახით დაინახება ქალაქიდგან იმ შიგნითს ხეობაში, მართლათ მოსანონად. *მგრძნობელი გული იგრძნობს, ვითომც საკურველს ლამაზს ქედებზედ დასეინობდეს და მის სიცოცხლის ჰაერს ჰყლაპავდეს და სულთქმედეს. რომლებსაცა აღმოსავლეთის ქალაქის მცხოვრებთ ჩამოუდით წინა: მორბინარე, მომჩქეფარე, მომღიმარე, მომბზინარე, აღმასთმბნევეარე მოკამკამე წმინდა მტკვარი, ქვიანს რიყეზედ მიმოკლაკვნი, თამაშობით მისეინობს. მართლა დენილობით მოთამაშობს, ეს მდინარე, მშვენიერმა ქალმა გაშლილს და თეთრს მხრებზედ გადმოშლილს თმაზედ რომ სავარცხელი ჩამოივლოს, იმას მიემზგავსება.*

ის დაბადებულება, ის ქალები რა საუცხოვო კარგი რამ არიან! [რა საუცხოო დაბადებულება არის ქალი!] არა, რომ არ ვიცით!

– ქვეყნის შემამკობელნი და იმისი უძვირფასესი საუნჯენი, – ის ბუნების მშვენიებელნი და იმათზედ მიმობნეული ყვავილნი! ჰაერსა ზედა უწმიდესი მასულდგმულებელნი, ის მზის სხივსა ზედა მაცხუნებელნი, ის დილისა სიხარულნი, ის დღესა ზედა განცხრომანი, ის სალამოსა ზედა უკეთესი მანუგეშებელი, ის ზეფირსა ზედა მონარნარენი, ის გასამტერებელი ნეტარებანი და სხუანი... იგი ბულბულთა ზედა მომსტინარენი, იგი ვარდებთა ზედა ნაზ საყნოსველნი, იგი საზოგადოათვის მახარობელნი, იგი მწუხარეთათვის გამამხიარულებელნი, იგი სნეულთათვის სალბუნებელნი, იგი სულთქმანი, იგი უკვდავებანი!..“

ის ა... ვე ამბობდა.

„ახლა ეს ქალაქი შუაზე გავყოთ. მაგრამ არა დაწვლილებით სათქმელად, ამისთვის, რომ ლაპარაკი განგრძელდება. ნახევარი ქალაქი სამხრეთისკენ დავაგდოთ და მეორე ნახევარი ჩრდილოეთისაკენ, სადაც ამ შუა ქალაქის აღმოსავლეთის მტკვრის ნაპირზე

ჩვენი ორატაჟიანი სახლები იყო მაშინ, სადაც ჩვენ ვიდექით. თუმცა ეს სახლები მიწისა იყო, მაგრამ დიახ მაღალ ქვიტკირის საძირკველზე იდგა, ასე რომ, ვგონებ, ათი ადლი სიმაღლე ექნებოდა ამ საძირკველსა. რომელსაცა მომდინარე მტკვარი ძირში გამოეფლებოდა და გამოეფლალდებოდა.“

„მონყალეო ხელმწიფევე, თუმცა ეს სახლები დიახ მძიმეთ გამოვთქვი, ორატაჟიანი არის-მეთქი, მაგრამ მერნმუნეთ, ჩვენს გვარიშვილობას არ ეკადრებოდა, იქ ვმდგარიყავით.“ და რადგანაც მე სიცრუით ლაპარაკი მეჯავრება, ამისთვის, არ შემძლიან, რომ სწორე და მართალი არა ვთქო.

„ამ სახლების ქვემოთი ერთიანი ატაჟა თავლათ იყო გაკეთებული, სადაც ცხენები იდგნენ და ზევითი ატაჟა კი ორ წვრილ სახლებათ იყო გაყოფილი, რომელშიაც ჩემი მშობელნი ცხოვრებდნენ. აი ასე იყო სახლის შენობა“.

ახლა გარეშემო სახლების დანყობილობა გითხრათ. უცხოთ დანყობილსა ამა სახლსა მოაჯირი ჰქონდა, გარეთ ნახევარს მოვლებული, რომელიცა მტკვრისკენ და მარჯვენას ეზოსკენ გადაკიდებული, რომლიდგანაც ორსავ სახლში შეივლიდა კარები. სხვა აღარ მახსოვს, თორემ წვრილათ გიამბობდით. მაგრამ რაც შეეფერებოდა ამ სახლს, თავის ურიგო დანყობილობა კიდევ ჰქონდა. ამისთვის, რომ ჩემი ყურადღება მხოლოდ იმ თავლის სუნსა ჰქონდა მიღებული (მოცული) და სხვას არა სახლის დანყობილობას. ეს ამისთვის ასე მახსოვს. მაგრამ ესეც კი უნდა გითხრათ, რომ ამ სახლებს ქირით ვქირაობდით და თვე და თვე ფულს ვაძლევდით.

აქ მე ვკითხე.

– „მიკვირს, სადაც უნდა მდგარიყავით, არ შეგეძლოთ, რიგიანათ დაგენყოთ სახლის განყობილება?“

იმან ჩაიღიმა და მასუკან მითხრა.

„ეგ ჩვენი ქართველების უთაურობა არის, ცხოვრების მაღლი ჯერ ღმერთს ჩვენთვის არ მოუცია.“

ის ა... ვე ამბობდა.

„ახლა ეს ლაპარაკი გავათაოთ და სხვა ლაპარაკი დავინყოთ“.

„როგორც მე სიზმარსავით მახსოვს, ერთს დილას ადრიანათ გამელვიძა, მაშინვე ჩავიცივი და კარზე გავეღ, ვნახე, დაბურვილი ნისლი მიმოერყოდა. ასე დაეფარა ბუნება, რომ ორმოცს ნაბიჯს

იქით აღარა დაინახებოდა რა. მცირედი ნიავი<sup>1</sup> ქვეიდან იცემებოდა და ერთიანი ის ნისლი აფრააშვებულს ხომალდსავით წყნარად მირბოდა, მაგრამ ხანდისხან სადმე გაიხსნებოდა და ორკეცი ნისლი რომელსამე სახლს გარს შემოევლებოდა და სხვას იქით შეერთდებოდა და ერთიანათვე მიჰქროდა. ეს უფიგურო ნისლი ამ ყოფით დასეირნობდა წმინდა ცვარის მბნეველი შავნაბად წამოსხმული კაცები მიმოსიარულობდენ საქმისათვის, რომელთაცა წმინდა წინწკლები ზედ ნაბადზე დასდიოდათ და დაუხეთქელად ზედ დაჰკრივალდებდენ.“

„რომელიმე ლამაზი მოახლე ბნელს ტალახზე წყნარად მიაბიჯებდა, ჩითის კაბის კალთა ფეხების კოჭებამდისინ მალლა აენია და მწვანე ქოშებში ჩადგმული ტიტველა ფეხები ასე უჩნდა ბნელს ტალახზე, მითამ თეთრი ჩლუქები სცმოდა და თეთრს კოჭებზედ თეთრის ძაფით მორთული შეიდიში უცხოთ დაჰყვაროდა. *რომ ენახავისმე, სიამოვნის ნერწყვით პირს და ყელს ჩაიმტკბარუნებდა. ამ დროს ერთი ყმანვილი კაცი, მოსამსახურე კარზე გამოვიდა და ის მოახლე რომ დაინახა, დაიძახა. – „ოჰ, ამ დაწყევლილს რა თეთრი ფეხები აქვს, დაინოს შენი თეთრი ფეხები.“ მოახლემ დიახ გაჯავრებულის გულით უთხრა. – „იი! მეხი კი დაგეცა, რას თავს იციებ და მიჰქარამ; ბატონი არ მამიკვდება, ბატონს მოვახსენებ მაგ შენს ლაყბობასა“. მოსამსახურემ შიშის სიამოვნით მოახლეს თვალებში შეჰღიმა და საჩქაროთ განემორა, რომ არავის არ შეემცნია.“*

„ამა ნისლიდან რომლისამე მხრიდან ისმოდა მაღალი ლაპარაკი. – „დასწყევლა ღმერთმა, ამ დროთ კაცი ვარ და ამ ქალაქზე ამისთანა ჩამონოლილი ნისლი არ მინახავს.“

„მეორე ხმა უპასუხებდა. ღმერთს რათ აწყენ, ხომ იცი, რომ ღმერთმა უფრო კარგად იცის ყველაფერი.“

„პირველივე ხმა. ეგ მართალია, მაგრამ ამ ავდრის მიზეზით დღეს ბაზარში ველარ ჩავალ რომ საჭირო საქმე მქონდა და სანყალმა ჩემმა წვრილმა შვილებმა დიდათ შემანუხეს. შიმშილით ტირილი დაინყეს, რომ ნაყიდი პური აღარ მქონდა. არ ვიცი, რა ვქნა ამ ავდრის მიზეზით?“

„მეორე ხმა. შე დალოცვილო, ორს პურს როგორ ვერ ისესხებდი

<sup>1</sup> როდესაც აღმოსავლეთ სამხრეთის ჰაერი რყევას დაიწყებს, მაშინვე ცრიანტელიანი დრო მოხდება და აქაური მცხოვრებნი ამას უწოდებენ: ქვენა ქარი.

მეზობლისაგან?”

„პირველი ხმა. რა ვქნა, ქუჩის მეზობლები სულ შევაჯერე, მაგრამ ჯერ გამომცხვარი არავის არა ჰქონდა.“

„მეორე ხმა. მას რასა იქ, აბა ცას ხელს ხომ ვერ მოაფარებ და ამ ავდარს ვერ დაიჭერ?“

„პირველი ხმა. პატარას კიდევ მოვიცდი ეგება გამოიდაროს“.

„მეორე ხმა. რომ არ გამოიდაროს?“

„პირველი ხმა. მეტი ღონე რომ არ მექნება, ჩემ შვილებს მშვივრებს ხომ არ დაეხოც. ცოტას კიდევ მოვიცდი და თუ არ გამოიდარებს, მაშინ ნავალ ბაზარში.“

„მეორე ხმა. სწორეთა თქვი, ძმაო; მე მგონია, უფრო გეზარება და მიზეზებს იგონებ? ეხლა მეც რის ყოფით წყალზე ჩამოველ, რომ მეტათ მეზარებოდა.“

„პირველი ხმა. რისთვის ჩამოხველ?“

„მეორე ხმა. რას ამბობ? წუხანდელს აქეთ ჩემს ხიზანს წყალი არ დაუღვევიათ და წუხელის გათენებამდისინ ჩემი ხუთი წლის ბიჭი იძახდა.—„ვაიმე, წანი მინდა, მამავ, წანი დამანევიინე,— დედალო, ლა ვქნა, წანი მწუნიან.“

„პირველი ხმა. შე უღმერთო, მერე არ შეგბრალდათ?“

„მეორე ხმა. რა ვქნათ, ძმაო, დიდათ გვებრალებოდა, მაგრამ ძილს ვერ ავუდექით.“

„პირველი ხმა. მას სანყალი გათენებამდისინ ხომ დაიტანჯებოდა?“

„მეორე ხმა. სანყალმა გარიჟრაჟამდისინ ბატკანსავით იბლავლა და როცა გარიჟრაჟდა, ჩემი ცოლი წამოდგა, ყუთიდგან ორი ვაშლი ამოიღო, მიუტანა, ტირილით შვილს გადაეხვია და ცრემლით ხვენ-ნა დაუნყო, დაჩუმებუღიყო. შვილმა რომ დედა დაინახა, ყელზედ მოეხვია, გულზედ თავი გადაუგდო და გულამოჯდომით ატირდა. ამ ყოფით დედა-შვილი გენახა, იმათი ყოფით დაინვებოდი. მე რომ ესა ვნახე, მეც ველარ შევიმაგრე ცრემლი, გული მწარეთ ამიდულ-და და ცრემლი ღაპალუპით გადმომცვივდა. მაშინვე წამოვდექი, მიველ და ორივე რას ყოფით დავაჩუმე.“. მერეთ ამანვე პირველს მოლაპარაკეს ჰკითხა.—„ნეტავ მითხრა, ამ დილით სად მიხვალ?“

„პირველმა ხმამ უპასუხა. რახანია, ჩემი თორმეტი წლის ქალი წყალზე გამოვგზავნე. არ ვიცი, ხომ არა აუტყდა რა, აქამდისინ არ-

სად არა ჩანს. კიდევ კარგი, შორს არა ვდგევარ წყალზე, თორემ ამ ტალახის და ამ ავდრის მიზეზით შორს რომ მქონიყო სახლი, სწორე გითხრა, არ გამოვიდოდი.“ ამ სიტყვასთან ამანვე დაიძახა. – აი ჩემი პატარა ქალიც მოდის. – „შვილო, აქამდისინ სად იყავ?“ ქალმა დალალულის და სუსტის ხმით უპასუხა. – „რა ვქნა, მამავ, დიდი ტალახია, ძლივს მოვდივარ და ქოშიც ტალახში მრჩება.“

„რაოდენიმე დაჩუმების შემდეგ ამ პირველმა მოლაპარაკებვე დაიძახა. ეს კი ვერ გითხარი, გუშინ დილით კარზე რომ გამოველ და ქურჩის ბოლოში მივედი, იქ ქისით ფული ვიპოვნე. გავხსენ, ვნახე, თორმეტი მინანთული კი ეყარა, სულ მანათები და გუშინდელს აქეთ ჯიბეში მიყრია. არ ვიცი ვისია და ან რომლის საწყლის კაცის იქნება? აი ძმაო, შენც გირვენებ. მაიტა, ხელი გამოშალე. ამასთანავე თვლას მოჰყვა. ერთი, ორი, სამი და თორმეტამდინ რომ დათვალა, მასუკან თქო. სწორე გითხრა, ძმაო, ღარიბი ვარ, ჩემთვის ეს ფული კარგი შემწე არის, მაგრამ ჩემი სვინიდისი უფრო ძვირათ მიღირს.“

მეორე ხმამ. რატომ ქურჩაში არ დაატარე, იქნება ქურჩელებს დაეკარგოთ?

პირველმა ხმამ. სუყველას ვკითხე, მაგრამ ყველამ უარი თქვეს. ჩვენი არ არისო.

მეორე ხმამ. იმ დღეს მე ტყიდგან მოვდიოდი და ვირით შეშა მომქონდა შინაურობისთვის. ქალაქს დაგუახლოვდი. იქ ერთი ცხენიანი მოქალაქე დასეირნობდა. მე რომ დამისწორდა, ცხენი გაქუსლა და უნდოდა, გაეჭენებინა. ცხენმა სამი ოთხი კამარა რომ გადითამაშა, ის საწყალი ცხენზე ველარ დადგა, გადმოვარდა და დედამინაზე ასე დაეცა ფეხებაშვერილი, გულაღმა, რომ მეგონა, გასქდებოდა-მეთქი. ცხენი იქვე დადგა ფეხმოუცვლელი. მე რომ ეს ვნახე, საჩქაროთ გავექანე, მივედი, რისყოფით წამოვაცყენე, ასე სტკენოდა მარჯვენა ბეჭი. მე კიყინობა დავუნყე. „ტო, ყაიმ ბრნე რატომ არ ქენი-მეთქი და აბა რა შენი საქმე არის ამისთანა ცხენზე ჯდომა, შენ ერთს ჯაგლაგზე უნდა იჯდე და იმითი დასეინობდე?“ მერე იმან მითხრა. – „ვა, დოჭამია ქართველო, როგორ თუ არ არისა, ამა ცხენში თხუთმეტი თუმანი მიმიცემია.“ მე გამეცინა და ვუთხარ. „შე პოიავ, თხუთმეტი თუმნათ მეტად გიღირს ეს ცხენი, მაგრამ შენი მხედრობა ორ ფულათაც არა ღირს.“ მასუკან ტანისამოსი გავუნმინდე, ცხენზე რისყოფით შევსვი და ასი ნაბიჯი არ გაეარა,

ნინ როგორღაც დავიხედე და ვნახე იმ გადმოვარდნის ადგილზე ერთი ალმასის ბეჭედი ეგდო. საჩქაროთ ავიღე, იმ მოქალაქესვე მივეწიე და ვკითხე, შენი ხომ არ არის-მეთქი. დაიძახა. – „ვაი, ვაიმე, თითიდგანა უცება გამძრობია. გუშინა ათი თუმანი მიმეცა და ჩემისა ნიშნობისათვისა მეყიდნა. წინა ღამა დაკარგული არ შეიქნა?“ მაშინვე გამამართო, მარჯვენა შუა თითზე წამაიციო და წავიდა. ასე გაშინჯე, ერთი ღმერთმა გიშველაც არ მითხრა, არამცთუ ეჩუქებინა რამე. სწორე გითხრა, ძმაო, ყოველდღე მე ჩემი ვირით შემა მამაქვს ტყიდგან, იმას ვყიდი და ამ წვითა და დავგით ჩემ ცოლ-შვილსა ვკვებამ, მაგრამ მე კი უფრო მდიდარი ვარ იმ მოქალაქეზედ.

იმან რომ ეს გაათავა, ორთავ ერთად დაიძახეს. – „აააა, მარტირუხას გაგიმარჯოს, მარტირუხ, ამ დილით სად მიხვალ?“

მარტირუხამ. არისასი ხორბალი მიმყავს გასარეცხათა და ანა თქვენა აქ რათ დამდგარხართ?

იმ ორთ ყველა უნანბეს. მარტირუხამ ფულის პოვნა და ალმასის ბეჭდის ამბავი რომ გაიგონა, დაიძახა. – ვა! აბა გიჟო ქართველებო? შინ *ფერდები გიხმებათ*, მშვირები იხოცებით და თქვენი გიჟური ამპარტავნებანი კიდევა არა დაგიშლიათ?

იმ ორთ. რა ვქნათ, დიახ საჭირო არის ჩვენთვის, მაგრამ, აბა, სირცხვილი არ არის მარტირუხ, ან ჩვენ სინდისს რა ვუთხრათ და ან კაცს როგორ ეკადრება ამგვარი საქმე?

მარტირუხამ. ახ, არ იქნება, სვინიღისები ამ მტკვარის წყალში გღია.

იმ ორთ დიახ მალლა გაციინეს.

მარტირუხამ. – „აბა, ერთი ხელში მამეცით ეგ ქისით ფული, ერთი მაინცა დავხედო და მაგის სიმძიმე ხელშია მაინც დავიჭირო.“

პირველმა ხმამ. – აჰა, ჩემო მარტირუხ.

მარტირუხამ. ახ, შენი გამჩენისა ჭირიმე ვერცხლო, რა კარგი რამა ხართ. ნეტავი ოცი ათასი თუმანი ამისთანა ჩემსა ხელშია ეყაროს. ოხ! რა კარგი რამა იქნება? – აჰა, ძმაო, შენია ნაპოვნი ქისითა ფულია, შენთვისვე მომიცემია, მაგრამ ჩემი სული კი თანა გამოჰყვა მაგა ფულსა. ერთი ესა სწორეთა მაინც მითხარი, ძმაო. ანა შენმა ცოლმა რა გითხრა მაგისა პოვნისთვისა?

პირველმა ხმამ. ისიც დიდათ შენუხდა და ანბობდა, ვინ იცის, რომლის ღარიბისა იქნება? მაშინვე ისიც საკითხველად წავიდა, მა-



გრამ არავინ არ გამოჩნდა.

პირველმა ხმამ. რასაკვირველია, გეცოდინება, რომ ეს ქალაქი სამ ნაწილზედ მეტი, სულ სომხები არის და ესეც ხომ გეცოდინება: ასეთი ქართველის ქუჩა არ არის, რომ სამი და ოთხი კომლი სომეხი იმ ქუჩაში არ იდგეს, არ იქნება? მაგრამ იმ ჩვენს ქუჩაში არცერთი სომეხი არ დგას.

მარტირუზამ. ვაიმე! ვაიმე! – გეთაყვანე, ძმაო, ერთი კიდევა მა-მეცი ეგა ქისით ფული, რომ ერთი კიდევა ხელში დავიჭირო.

პირველმა ხმამ. აჰა, მარტირუზ, ეგ ხარბი თვალი გაიძღე. ამ სიტყვისთანავე რალაც ჭიდილის და კვნესის ხმა მოისმა და ერთმანეთის გინება.

ჩვენს ნახევარ მხრის სახლსა მოაჯირი ჰქონდა მოვლებული სამხრეთისკენ, რომელიც ეზოს დაჰყურებდა აღმოსავლეთისკენ მტკვარსა. ზედ იმაზე შემოვირბინე და დასასრულს მოაჯირის ხარ-იხაზე გადავეყუდე. მინდოდა, იმათის ჩხუბისათვის მეყურებინა. *მევონა, კარგათ დავინახავდი იმათ ჩხუბსა, ამისთვის, რომ ჩასავალსა ვ ზაზედ ჩხუბობდნენ.* მარცხენა გვერდზე რომ შემოვიხედე, ნისლის გამო ძლივს ჩანდა. საჩქაროთ უკანვე შემოვირბინე. *დასავლეთის მხარეს კიბე ჰქონდა მოდგმული ამ მოაჯირს და ზედ ჩამოვირბინე, მარჯვენა მხრის ათი ნაბიჯი...* ეზო გავირბინე, ალაყაფის კარებში გავედი, რომლებიც ამ კარებთან ჩხუბობდნენ. ამასთან ჩვენი მოსამსახურენიც თან გამომყვნენ. ვნახეთ, რომ ის ორი ქართველი იმ მარტირუზას ეჭიდებოდნენ და ჯიბიდან რალსაც ართმევდნენ. მარტირუზა იძახდა. „ვა, თქვე მხეცო ქართველებო, ჩემი ფული არის, რათა მართმევთ?“ ქართველები იძახდნენ. – „შე უსვინდისო სომეხო, სირცხვილი არ არის შენთვის, ტყუილს ანობ და იგონებ?“ იმათ მოშორებით თორმეტი წლის ქალი იდგა გულხელდაკრეფილი, რომელსაც მშვენიერის მოყუყუნეს შავის თვალებიდან უსიტყვო და დაფარული მარგალიტური ცრემლი დასისხლებულს ლოყებზე ჩამოევლებოდა და თეთრსა გულზე ეცვარებოდა. საცოდავის თვალებით მამას შეჰყურებდა. არ იცოდა, რა უნდა ექნა. ამაოზაში პოლიციის რუსის დესეტნიკები მოსცვივდნენ და სამნივ წაიყვანეს. იმ საწყალმა ქალმა მამას კალთა დაუჭირა და ტირილით უთხრა. „მამავ, შენ გეთაყვანოს ჩემი თავი, სად მიჰყევხართ? მეც შენთან წამოვალ და შენთანვე მომკალი.“ მამა შვილს მოუტრიალდა და

გულდარღვევით უთხრა. – „შვილო, აქ მოიცადე, ეხლავე მოვალ. ხომ იცი, პოლიცია შორს არ არი?“. ამასთან გატრიალდა და ქალი თავის სამსეს კოკაზედ ჩამოჯდა სანყლად მტირალი.

*გულდამობიერს და მგრძობელს რომ ენახა ვისმე, ასე ეგონებოდა, ბუნებაც ამა მშვენიერებასთან ტირის და ცრემლს აბნევსო.*

„რაც ჩვენი მოსამსახურენი იყვნენ, სულ იმათ თან გაჰყვნენ და მე ჩემმა მოხუცებულმა ლალამ ხელში ამიყვანა, ნახევარ თავისი ნაბადი ზედ მამახვია, ფეხმოუცვლელად იქვე დადგა და იმ ქალს ეხვეწებოდა, დაჩუმებულიყო, მაგრამ ამას იყო იმის ხვეწნა, ასე გულამოჯდომილი ტიროდა. კარგა ხნის გასვლის შემდეგ ის სომეხი მოვიდა, თავისი არისის ხორბლიანი თაბახი თავზე შემოიდგა და სადღესასწაულოს სახით, დაფარულის ღიმილით სწრაფად წავიდა, რომ ხმა არავის არ გასცა. ამის შემდეგ *მაგთენი ხანი არა გამოვიდარა, რომ ის ქართველები მოვიდნენ და რაღასაც მობუტბუტებდნენ. ქალმა მამა რომ დაინახა, მაშინვე გაექანა, ყელზედ გადაეხვია და სიხარულით კოცნა დაუნყო, მამამაც სიამოვნით აკოცა. თვალე-ბი მოსწმინდა თეთრის ხამის ხელსახოცით, მასკვან ქალის კოკა თვითონ შემოიდგა მხარზე. მერეთ იმ ორთ ქართველებმა ქუდები მოიხადეს, ქუდაშვერით ზეცას შეხედეს და მოსანყვლელის ხმით დაიძახეს. „ახ, ამ ქალაქის სომხებო, ღმერთმა ამოგაგდოთ. რომ თქვენი სინსილა აღარ იხსენებოდეს. ამასთანავე გატრიალდნენ და წავიდნენ. ჩვენი მოსამსახურენიც მოვიდნენ და იმათგანმა ერთ-მა დაიწყო ლაპარაკი, რომელსაც ერქო ოთარა. „ჩვენ იმათ რომ გაყვევით, მე გზაზედ ვიფიქრე, მოდი, დავნინაურდები და პოლიციაში ადრე მივალ, ვნახო, როგორ გადაწყდება ამათი სამართალი-მეთქი? პოლიციაში მივედი, იქ სამი მოვაჭრე მოქალაქეები იყვნენ და რაღაც საქმე ჰქონდათ. მაგდენი ხანი აღარა გამოვიდარა, ის მოჩხუბრები მოიყვანეს და თავთავისად ყაყანებდენ; მოქალაქეებმა ისინი რომ დაინახეს, მივიდნენ, დესეტნიკებს ხვეწნა დაუნყეს: „ჯერ პოლიციაში ნუ შეატყობინებთ, მინამ ამათ არ გამოჰკითხოთ“. თუმცა დესეტნიკები არა შევებოდენ, მაგრამ ერთმა მოქალაქემ ჯიბიდგან რაღაც ამოიღო და ერთს დესეტნიკს რაღაც მისცა ხელში, რომ ჩემის მეტმა ვერავინ ვერ დაინახა. დესეტნიკები მაშინვე თანახმა შეიქნენ და მოქალაქეებმა მოჩხუბრებს კითხვა დაუნყეს. მოჩხუბრებმა თავთავისი ლაპარაკი რომ გაათავეს, ერთი*

მოქალაქე მივიდა, მოჩხუბარს სომეხს ჩუმად დაუნყო ლაპარაკი და რაღასაც არიგებდა. სხვა მოქალაქეებმა ყაყანი შექნეს ტყუილად და იმ ქართველებს მითამ გამართლება დაუნყეს, რომ დამრიგებელის მოქალაქისაგან დარიგება არავის არ შეემცნია და ყველას ფიქრი იმათ ყაყანმა მოიტაცა ჩემი ფიქრის მეტი. ლაპარაკი რომ გაათავა, მაშინვე გამოტრიალდა, პოლიციაში შევიდა და სხვა მოქალაქეებიც თან შეჰყვინენ. ათი მინუტი არ გამოვიდა, ორი სომეხი პერეოჩიკები კარზე გამოვიდნენ. *იმათთან მოვიდნენ და კითხვა დაუნყეს.* ქართველებმა ლაპარაკი რომ გაათავეს, მასკვან მოჩხუბარს სომეხს გაჯავრებულის გულით კითხეს. სომეხმა თქო. „ესენი ყველას მართალს ამბობენ, მაგრამა მე რომა ჯიბეშია ფული ჩავიდე, ის კი ხუმრობითა იყო და გაცინებისთვისა ვქენი. და აი ისა ქისითა ფული აქა მაქვსა.“ ჯიბიდგან ქისა ამოიღო და უფროსს პერეოჩიკს მისცა, პერეოჩიკმა ჯიბიდგან ფული ამოიღო და თვლას მოჰყვა. თვლა რომ გაათავა, ერთი მანათი გადაასხლიტა და იმ სომეხს ხელის გაპარებით ასე მისცა, რომ ვერავინ ვერ შეამცნია ჩემის მეტმა და იმანაც ქურდულად ჯიბეში ჩაიდო. მერე პერეოჩიკები იმ ქართველს მოუტრიალდენ, რომელსაცა ფული ეპოვნა და გაჯავრებით უთხრეს. „შენ როგორ გაბედე, გუშინ ფული იპოვნე და მაშინვე პოლიციაში არ გამოაცხადე? არ იცი, ამისთვის პოდსუდში მიეცემი და საუკუნოთ ციმიბირში დაიკარგები?“ იმ ქართველს სუდის ხსენებაზე მკვდრის ფერი დაედო სახეზე. პერეოჩიკებმა შიში რომ შეამცნიეს, მაშინვე იმ სომეხს მოუტრიალდენ და უთხრეს. „ტო, დუნ გნა“. ის მეარისე სომეხი გამოტრიალდა და საჩქაროთ წამოვიდა. იმ საწყალმა ქართველებმა ეს რომ ნახეს, პერეოჩიკებს ხვეწნა დაუნყეს, ამ მწუხარებისგან გამომიხსენიო. პერეოჩიკებმა ასე გაუძნელეს, რომ ცა ქვეყანას შემოახეთქეს და ბევრი შეუძლებლობა უთხრეს, მაგრამ ორ თუნგ ღვინოზე თანახმა შეიქნენ და იმ ღარიბს ვალათ დასდეს. პერეოჩიკებმა ორი თუნგი ღვინის დაპირება რომ გაიგონეს, სიხარულით უთხრეს. „ახლა შენ ნურაფერზე ნულარ იშიშვი, ამ ფულს პოლიციაში ნაპოვნად გამოვაცხადებთ და ახლა შეგიძლიანთ უშიშრათ წახვიდეთ.“ *ჩვენზე ეჭვი აღარა გქონდესთ რა.* ის ქართველები მხიარულათ გამოტრიალდენ და წამოვიდნენ. მე კიდევ იქ ვიცადე, მინდოდა, იმათი სწორე შემეტყო რამე: ვნახოთ, პოლიციაში გამოაცხადებენ თუ არა? ეს ჩვენი მოსამსახურეები არ

გამოვუშვი და შევეხვეწე, აქ მომიცადეთ, ეხლავ გამოვალ-მეთქი და ამასთანავე პერეოჩიკებს შევეყვებო პოლიციის სამსწროლოში. სამსწროლოში რომ შევიდნენ, ის მოქალაქეები მოეგებნენ და კითხვა დაუწყეს. პერეოჩიკებმა სიცილით უთხრეს. „ის ვირი ქართველები ისე შევაშინეთ და ასე დავთესეთ, რომ პირაქეთ, ორი თუნგი ღვინო გამოვართვით და პირობა მოქვცევს, ხვალ დილით მოგიტანთო.“ მერე ქისიდგან ფული წამოყარეს და სიცილით გაიყვეს. სამი მინანთული ერთმა პერეოჩიკმა აიღო, სამი მინანთული მეორემ და ხუთი მინანთული სამმა მოქალაქემ გაიყვეს. მე იმათ მაგიერა ასე შემრცხვა, შუბლზე ოფლი მენურებოდა. ანახდად ფიქრი მაშვიდა: „მოდი, ამათი აკვაცობა, რაც ვნახე, სულერთიანათ პოლიციაში გამოვაცხადებ-მეთქი?“ მაგრამ სირცხვილმა და სინდისმა არ გამიშო. მაშინვე გამოვტრიალდი და წამოველ.<sup>1</sup>

*ჩემმა მოხუცებულმა ლალამ სულ არათქო რა, მაგრამ ასეთი ამოიხრა, რომ გულის მონყვეტა გეგონებოდათ. არაერთგზის ზოგთ ქართველთაგან გამიგონია, რომ ტფილისის ქალაქის სომხებთანა დიდი ერთობა მქონდეს, ამისთვის, რომ ჩემი სამი შვილი*

<sup>1</sup> ამისმეორედლის დილაზემამაჩემიერთს დიდსსომხისთავადიშვილთანყოფილიყო, სადაც სხვა სომხის დიდრონი კაცებიც იქ ყოფილიყვნენ, ამ დროს პოლიციის პერეოჩიკი შემოსულიყო და სხვათა ლაპარაკსა შორის ეთქო იმ ქართველების და იმ სომხის ამბავი, რომელთაცა ქართველებზე ეცინათ. თუმცა მამაჩემი სომხურათ არ ლაპარაკობდა, მაგრამაზრი კი ესმოდა. როდესაც პერეოჩიკს ლაპარაკი გაეთავებინა, მასკვან მამაჩემს ჩამოეთვალა. – „აი შენ, პოლიციის პერეოჩიკმა რა და რა თქვი და ამ დიდრონმა კაცებმაც ჩვენ ქართველებზე იცინეს. ახლა ჩემი რიგი არის, ვთქო. საქართველოს სომხები, აი, როგორი არიან. პირველი, როდესაც გიჭირთ, ადამიანს ფეხქვეშ ექნებით და როდისაც თქვენსას მიიღებთ, იმისი კეთილი დაგავინყვებათ და ვინიცობა არის, თუ იმისთანა საქმე რამ შეგემთხვათ, იმას მოჰკლავთ, რომელმაცა გამოგიხსნათ. მერე, დიდრონს კაცსა ესათნობით და მცირეზე დღესასწაულობთ. მესამე, თქვენს ერთს მშობელს ძმასა არ გაუმეგობრდებით, თუ იქ სარგებლობას არას ხედავდეთ. მეოთხე, თქვენს უსამართლო შეძინებისათვის საყდარში შეხვალთ, ტრაპეზზე ხელს დაადებთ, ტყუილათ დაიფიცავთ და მასუკან იცინებთ.“ ამ უკანასკნელს სიტყვასთანავე გამოტრიალებულიყო და წამოსულიყო. როდისაც შინ მოვიდა, მე ბატონიშვილს დედას კალთაში ვუჯექ და გულზე მიყრდნობილი ვეჭირე. მაგოდენი ხანი აღარა გამოვიდა რა, თვით ის სახლის ბატონი მ... ბ... მოვიდა, სადაც მამა ყოფილიყო. ყოველივე ყოფილი იმანვე უანბო ბატონიშვილს დედას დაახ დამდაბლებულის გულით, მასუკან ბოდიში მოიხადა და მამას უთხრა. – „გთხოვთ, დაუტეთო და ნულარ ჯავრობთ. მერნშუნეთ, ის პერეოჩიკი ჩემი სახლიდგან დავითხოვე.“ მერეთ მამა მიუბრუნდა და უკმაყოფილოს სიტყვით უთხრა. „არამცთუ ერთხელ, ათასჯერაც რომ დაითხოვოთ, მაგითი საქართველოს სომხები თვისებას და ხასიათს ვერ გაიკეთებთ.“

სომხებთან იყოს მონათლული და მე სომეხთ შვილებს ვნათლევდე. სწორეთ ვიტყვი. მე საქართველოს სომხებსა პატივს ვცემ. ამისთვის, რომ არიან საქმის მიმხვედრნი, არიან მცდელნი და საქმის მომხერხებელნი და არიან ერთ თანხმანი, მაგრამ იმათი თვისება და ხასიათი? ჩემი მკვლელი არის.

„ჯერ ისევ კარზე იდგნენ ჩვენი მასამსახურეები, რომ იმ სომეხს არისის ხორბალი გაერეცხა და წყალიდგან მოდიოდა; როდისაც დაგვიახლოვდა, სიცილით და ყვედრებით დაიძახა. „ხიდქვემ ქართველებო, ჰეე, წელანა ქართველებსა რა უყავით ჩვენა სომხებმა!“ ამ სიტყვაზე ჩვენი მოსამსახურეები გაჯავრდნენ, მკვირცხლად სომეხს მისწვდნენ, თაბახი გამოგლიჯეს და სხუებმა დაიძახეს. ასწიეთ ეს უსვინდისო სომეხი და წყალში გადავაგდოთ. მაშინვე, სწრაფათ წამოავლეს და წყალისაკენ წაიღეს. სომეხმა ეს რომ ნახა, ასე მოიკატუნა თავი, ცრემლები გადმოყარა და გულამოჯდომით ხვენწა დაუწყო. ჩვენ მოსამსახურეებს შებრალდათ და მაშინვე გაუშვეს. თავის თაბახი თავზე შემოიდგა და სასწრაფოთ წავიდა. ჩემმა მოხუცებულმა ლალამ სომხის შიშზე ბევრი იცინა. მასუკან გამოტრიალდნენ და ალაყაფის კარებში შევიდნენ. მე ხელშივე აყვანილი ვყვანდი ჩემს ლალასა. თუმცა ვეხვეწებოდი, გამიშვი-მეთქი, მაგრამ არ გამიშო. მოაჯირის კიბის პირდაპირ სამზარეულო იყო. იმ სამზარეულოში შევიდნენ და რალასაც ხუმრობდნენ. ერთმა მოსამსახურეთაგანმა თქო. – „ღმერთმა ადღეგძელოს ეს ჩვენი ბატონი, იმის მოწყალება არა გვაკლია რა, მაგრამ დღეს საუზმე არ მიჭამია.“ მეორე მხრიდგან მეკუჭნავე გიორგიმ წამოიძახა. „მე ხომ ვიცი, გიგოლი, შენი მუცლის გვერემა რაც არის? წამოდი, წავიდეთ, ძმებო, ბატონი თავის მოწყალებას არ დაგვიშლის და არც გაგვიწყრება.“ გამოტრიალდენ და სამზარეულოდგან გამოვიდნენ. სამზარეულოს მარჯვენა გვერდზე საკუჭნაოში შევიდნენ, ფარდაგები ძირს გაიშალეს; ჯერ ჩემი ლალა დაჯდა და მე მარჯვენა მუხლზე დამისო. მასკვან ყველანი გარს შემოუხსდნენ ჩემს ლალას. მეკუჭნავემ კიდობნიდგან პურები ამოიღო და ყველას ნახევარი პური მისცა, მერე ერთი თუნგი წითელი ღვინო ჩამოასხა ტიკიდგანა. მოიტანა, შუაზე დადგა და ვერცხლის თასი ზედ დააფარა და თვითონაც ერთს ადგილს ჩაჯდა. ჩემმა ლალამ თქო. „გიორგი, კარგი მასპინძელი ხარ, მაგრამ ყველი რომ არა გაქვს, ეს

კი არ ეკადრება შენს მეკუჭნაობას“. მეკუჭნავე კარზე გავარდა, მაგთენი ხანი არა გამოვიდარა, ერთი ვეება ნაჭერი ყველი შემოიტანა, ლუკმა-ლუკმათ დასჭრა და ყველას თითო ნაჭერი მისცა. ჩემმა ლალამ ჰკითხა. – „სწორეთა თქვი, გიორგი, ეს ყველი სად იშოვნე?“

მეკუჭნავემ. „შე დალოცვილო და კურთხეულო, შენ ხილი ჭამე, ხეს რათ კითხულობ.“

ჩემმა ლალამ. „მაინც სად იშოვნე?“

მეკუჭნავემ. ჩვენს გვერდით გამოვართვი.

ჩემმა ლალამ. ამ საკუჭნაოს გვერდით ნაისახარ გამდელი რომ დგას, იმას გამოართვი?

მეკუჭნავემ. იქით, ლომისახარს გამოვართვი.

ჩემმა ლალამ. მე რამთენჯერმე დამკოცნა და მასუკან თქო. „აი ამ ჩემი პატარა ბატონის გამდელი არის, ღმერთმა უშველოს, კარგი დედაკაცია.“

მეორე მხრიდგან ერთმა მამიჩემის საყვარელმა და ჭალარიანმა მოსამსახურემ დაიძახა: შე დალოცვილო ბერელავ, რა დროს ლაპარაკი არის? მე შიმშილით პირწყალი მამდის. ღმერთი ახსენე და ეგ პური გატეხე, ჩვენ შენ გიყურებთ.

ჩემმა ლალამ. ოჰ, ძმაო სოლომან, მგონია, მუცელი ნაგახდა. ამასთანვე თქო. ღმერთო დიდო! შენ დაგვლოცე და შენ მონყალე-ბას ნუ მოგვაკლებ! პირში ლუკმა ჩაიდო, სხვანიც ამას შეუდგნენ და წლაპანლუპს მოჰყვნენ. რამდენისამე ლუკმის შემდეგ მეკუჭნავემ სამსე თასით ღვინო მიუტანა ჩემს ლალას. ჩემმა ლალამ გამოართო, პირჯვარი დაინერა და თქო. „დიდება ღმერთსა! ღმერთო, ადღეგრძელე ჩვენი ბატონიშვილი მეფის ირაკლის ქალი თეკლა და ჩვენი ბატონი ვახტანგ ყაფლანიშვილი და თქვენც გაგიმარჯოთ.“ ყველამ თავის დაკვრით. ღმერთმა შენც გაგიმარჯოს. მინამ ღვინოს დაღევდა ჩემი ლალა, მეკუჭნავემ ლუკმა აიღო და შეჭამა. ღვინო რომ შესო, დაცლილი თასი ფჩხილზე დაიკრა და მასუკან დაიძახა. „ასე მტერი დაეცალოს ჩვენს ბატონებს. ღმერთო, შენ მოეც ჩვენს ბატონებს კარგი მოსავალი. მართლა რომ კარგი ღვინო არის და თავის გვერდით ერთს ხნიანს მოსამსახურეს თასი კალთაში ჩაუგდო და უთხრა. „ნინიას გაგიმარჯოს. ბიჭო, რას მოგიწყენია და ან თავპირი რას ჩამოგიშვია? ასე გგონია, შენი კოჭებიდგან გამო-

დიოდეს ეს ღვინო.“

ნინიამ მხიარულის ხმით დაიძახა. ღმერთმა შენც გაგიმარჯოს. ღმერთმა შეარცხვინოს, ვინც შენზე მხიარულათ არ იყოსო.

ღვინო ორჯელ თუ სამჯერ დაუსვენებლივ ჩამოირიგეს; მეც მეხვეწებოდენ პურის ქამას და ღვინის დაღვევას, მაგრამ არცერთი არ ვქენ, ამისთვის, რომ ჩაის ველოდი. ღვინომ ტვინი რომ გაუცხელოთ, უნამეტნავესად გამხიარულდენ და ლაღობას მოჰყვენენ. ლაღობა რომ გაათავეს, პური და ყველიც აღარ ჰქონდათ და უკანასკნელი ღვინოც ჩამოინრიტეს.

ჩემმა ლალამ თქვა.

– „აღარც პური გვაქვს, აღარც ყველი და აღარც ღვინო. მაშ, მინამ ჩვენი ბატონები გაიღვიძებდნენ, მანამდისინ გაიმბობთ რასმე.“

ყველამ ერთხმით დაიძახეს.

თუ ღმერთი გნამს, ბერელავ, თქვი რამე.

ჩემი მოხუცებული მოჰყვა.

გაიგონე.

ა. – „მე ახლა მოხუცებული ვარ, სამოცდაცხრამეტის წლის კაცი ვარ და მეოთხმოცე წელში ვდგავარ. მაგრამ ხომ ხედავთ, როგორ კიდევ ჭარმაგათა ვარ? მე შვიდის წლისა ვიყავი, როდესაც მამაჩემს მე ობლათ დავარჩი და დიდმა ბატონმა მოსამსახურეთ შემეყუანა თავის სახლში. დიდი ბატონის დიმიტრისათვის მიმსახურია, იმის შვილის ვახტანგისათვის მიმსახურია, რომელიც ამის მამა ბძანდებდა, ჩვენი ახლანდელი ბატონი და ახლა ამ პატარა ბიჭს ვემსახურები. მე ჩემი ერთგული სამსახურები რომ მოგიტვალათ ამათი სახლისა, ბევრი ლაპარაკი მოვა და გაგძელდება კიდევ. ამიტომ მოკლეთ ვიტყვი, რაზედაც დავინყებ ლაპარაკსა.“

*მეფე ირაკლი ინდოეთს ბძანდებოდა ნადირშასთან ქართული ჯარით, დიდი ბატონიც თან ახლდა და მეც იმას ვახლდი. რალა გითხრათ ქართველთ ვაჟკაცობა, რომ ნადირშა ვაკვირვებული იყო. სადაც ბატონი მეფე ნაბძანდებოდა და ან ომში იქნებოდა, ჩემი დიდი ბატონიც იმას ახლდა ხოლმე და მეც მოუშორებლივ ჩემ ბატონთან ვიყავი. ამ ჩემი ბატონის შთამომავლობანი, რომელიც მე ვიცი, სულ ომში, მტრის ხელით იხოცებთან. ელიზბარ ეშკალაბაში ყოფილიყო, ომში მოეკლათ, ელიზბარის შვილი, ჩემი დიდი ბატონი ჩემთან მოუკლავსთ და ეხლანდელი ჩემის ბატონის ეჭვიცა მაქვს,*



რომ ჩემთან არ მოკლან, ამისთვის, რომ ამათ დიდი ვაჟკაცობა მოსდგამთ.

ამათი სახლი დიდათ დაცემული იყო, ასე რომ ლუკმა პური ენატრებოდათ, ამისთვის, რომ სომხითის აოხრების შემდეგ ამათ მამული აღარ დარჩათ შენათ და ჩემი დიდი ბატონი წვითა და დაგვით ჰკვებავდა თავის ცოლშვილსა.

როდესაც ჩემი დიდი ბატონი მოკლეს ლეკებმა საგურამოში ლევან ბატონიშვილთან, თერთმეტი წლისა დარჩა ჩვენი ბატონი ვახტანგ სილარიბეში, ყოვლის შეუწევნელობით ორის უნცროსის ძმითა და ორის დითა, მაგრამ ღმერთმა საუკუნოს ცხოვრებაში განუსვენოს მეფეს ირაკლის, თვითონ ის შეიქნა მათი მზრუნველი. როდისაც თექვსმეტი წლისა შეიქნა ჩვენი ბატონი ვახტანგ და ცხენზე შეჯდა, ასეთს ომში არ დაესწრა ბატონს მეფესთანა, რომ ლეკის თავი არ მოერთმევიანა, არ იქნებოდა. ბატონ მეფეს დიდათ მოსწონდა და ყოველთვის ხალათს აძლევდა. ასე გაშინჯეთ, ამ ყმანვილმა კაცმა ასე გამოიჩინა თავი, როგორც ვაჟკაცობითა, ისე ჭკვითა და გონებითა, რომ ქართლ-კახეთის თვადაზნაურობას დიდათ შეაყვარა თავი, რომელმაცა თავის ყმანვილობით თავის ორი დები კარგს ოჯახებში მისცა და ქორნილი გადაუხადა ორთავ კარგი.

მეფე გიორგიც დიდათ სწყალობდა. როდესაც ოცდაორის წლისა შესრულდა, ბატონმა მეფემ საგარეჯოს მოურაობა მისცა დიდის ერთგულობისათვის. თავის დის, ეკატერინეს შემწეობით საგარეჯოს მოურაობაც იძოვა.<sup>1</sup>

---

<sup>1</sup> თავის სიკვდილის წინა წელიწადს უბოძა საგარეჯოს მოურაობა ამ სიტყვით. – „თუმცა საგარეჯოს მოურაობას გაძლევ, მაგრამ ჯერ ნამდვილად არ გიმტკიცებ ამისთვის, რომ მინამ კარგათ არ გამოიცდები მაგ საქმეში, ჯერ კიდევ თა ქაიხოსრო ჩოლოყაშვილის სახელზე უნდა ისაქმო და იმის სახელზე დალსრულებდე მოურაობას და როდისაც კარგათ გამოიცდები, მაშინ სრულად დაგიმტკიცებ და წყალობის წერილსაც მოგცემ“. ქაიხოსრო ჩოლოყაშვილიც ვეჭილი იყო, საგარეჯოს მოურავი, ჯამასხი ჩოლოყაშვილი რომ გარდაიცვალა, იმის პატარა შვილის თადიასი და როცა გაიზდებოდა, მაშინ თადიას მისცემდნენ, ვინაიდან ამის სახლს ეკუთვნოდა საგარეჯოს მოურაობა, მაგრამ ჯამასხი მოურავის მეუღლემ, ყმანვილმა ქალმა ეკატერინემ სთხოვა მეფეს ირაკლის, ჩემი ძმა, ვახტანგ ორბელიანი დააყენე ჩემი შვილის თადიას ვეჭილადო და ამისთვის უბოძა საგარეჯოს მოურაობა, მაგრამ ცარიელი სიტყვით, ისე, როგორც ზევით ითქვა, მხოლოდ ცარიელი სიტყვის ბძანებით აღასრულებ საგარეჯოს მოურაობას, მაგრამ როდისაც მეფე ირაკლი გარდაიცვალა, მეფე გიორგიმ წერილით დაუმტკიცა და მინამ თადია კარგად



რაც ლეკები იქით მხარეს სცემდნენ, ასე მალე შეაშინა, რომ ლეკის კვალი ვეღარ ვნახევით, არამცთუ ჩაფაულილა მოეტაცნათ. შემოდგომა იყო. საგარეჯოდგან თავის დას ეკატერინესთან გადმოვიდა ყარაბულახზე. ერთი კვირა რო გავიდა, ერთს დილაზე, ბატონი მზვარეში შეექცეოდა, ამ დროს ხაშმიდგან კაცი მოიჭრა და ბატონს მოახსენა. „დღეს, გათენებისას ერთი ბაირახის ლეკი დაესხა და ნახევარი ხაშმის საქონელი მოიტაცეს. ეს არის, სამგორის მინდორს მიატანეს და ხაშმის ნაცვალმა თქვენთან გამამგზავნა. ღმერთი გადღეგძელებსთ, გვიშველე რამე? ამ დროს ეს ჩვენი ბატონი ცეცხლის ალსავით წამოხტა და დაიძახა...

ეს ლაპარაკი რალა გაგიგძელოთ? ბატონიშვილის გიორგის შუამდგომლობით მეფე ირაკლიმ თავის ქალს თეკლაზედა დანიშნა და შემთხვევისა გამო საგარეჯოს მოურაობაც მისცა ჩვენი ბატონის დის, ეკატერინეს ქმრის სიკვდილისა შემდგომ, რომელიცა იყო მოურავი საგარეჯოსი და რომელსაცა დარჩა პატარა თადია ორის პატარა დითა. მინამ თადია გაიზდებოდა, ჩუენი ბატონი ვახტანგ უნდა ყოფილიყო მოურავათ იქა. ჩუენმა ბატონმა ვახტანგმა იქით მხარეს ასე გამოიჩინა თავი, რომ თითქმის იქით მხარეს ლეკმა ვეღარ გაიარა იმის შიშით. ამ დროებში შემოდგომის პირში თავის დას ეკატერინესთან მივიდა ყარაბულახს საგარეჯოდგან, რომელიცა ახლოს არის და იქ დაჰყო რამთენიმე ხანი თავის დასთან, სადაც მოდიოდნენ გარეჯელნი და იქ უწყვეტდა სამართალსა.

სამი თუ ოთხი დღე გამოვიდა, ერთს დილაზედ ხაშმიდგან კაცი მოიჭრა, ამ დროს ჩუენი ბატონი ვახტანგ მზუარეში იყო და აჩქარებით მოახსენა.

– „დღეს გათენებისას ერთი ბაირახის ლეკი დაგუესხა, ნახევარ ხაშმის საქონელი მოიტაცეს მინდვრიდგან და ეხლა ისინი შუა სამგორის მინდორში უნდა იყვნენ, ასე ჩქარა მიერეკებოდნენო, რომელმაცა ხაშმის ნაცვალმა გამამგზავნა იქიდგან, მოგახსენო.“ მაშინვე ჩუენი ბატონი წამოხტა და დაიძახა. – „ნადი, ნაცვალს უთხარ, იმისი მდევარი ჩემთვის საჭირო არ არის, მე ეხლავ დავაყრევინებ.“ ის კაცი გაიქცა და წავიდა. მასუკან მე მამიტრიალდა. „ბერელავ, ჩემი ზერდაგი ცხენი ახლავ გამოაყვანიე“. იმ წამს თოფიარალი ზედ გადიგდო და მეც შეკაზმული ცხენი საჩქაროთ

---

გაიზდებოდა, მამაჩემი მოურაობდა საგარეჯოს.

მოვართვი, რომელზედაც მოევლო და გაქუსლა. ერთი მე გავყევი, მეორე პატარძელის ნაცვალი, მესამე საგარეჯოსი და მეოთხე თვით ყარაბულახის ნაცვალი. ასე გაშინჯეთ, ასე გავეშურენით იმ მზვრიდგანვე, რომ თავის დას ეკატერინეს არც კი შეატყობინა. თუმცა ბატონ ყმით ჩვენ ხუთნი ვიყავით, მაგრამ ძალღებსავით ვღრინამდით, ჩქარა მოვწეოდით. [როდისაც სამგორის მინდორში ავედით, ვნახეთ, რომ ყარაიაზის მინდვრის გორებთან კი მიატანეს ლეკთა; მაშინვე ცხენები დავაყენეთ, ბატონმა დურბინდში გაიხედა და თქუა. „ერთი ბაირახის კაცნი არიან და ბაირახი გაშლილი მიაქვთ. რაც საქონელი მოუტაცნიათ, სულ წინ მიუღით ათ ცხენოსნიან კაცსა და დანარჩენი ჯარი უკან ჩამოსდგომია. ეტყობა, ამ ჯარის ბელადი კარგ ბელადსა ჰგავს.“ დურბინდი ჯიბეშივე ჩაიდო და ცხენები გავქუსლეთ. მაგთენი არა გავვირბენია რა, რომ ის ლეკები ყარაიაზის გორებს მიეფარნენ.] როდისაც სამგორის მინდვრის პირში მივედით, იქ ბატონი ცხენიდგან გადახტა, ჯერ სამგორის მინდორი დაათუალიერა, მასუკან დურბინდში გაიხედა და თქუა: იმ ერთმა ბაირახის ლეკებმა ყარაიაზის გორებს მიატანეს და საქონელი პირიქით გადარეკეს. პატარა ხანს უკან კიდევე: „ალარ ჩანან, მიეფარნენ. პატარა ხანს კიდევე მოვიცადოთ და ისე წავიდეთ, რომ გული გულს დაიდონ, მდევარი ალარ მისდევს იმათ. იმედი მაქუს, თავიანთი ყარაული ასე დაარწმუნებს და ამისი იმედიცა მაქუს, რომ ისინი იქვე გადახტებიან დასასვენებლად, იმიტომ, რომ იქ კარგი ბალახი იცის, თორემ იმ უბალახო ყარაიაზის მინდორს ველარ გაუდგებიან ისე შორსა, ამისთვის, რომ წუხანდელს აქეთ ცხენები მშივრები ეყოლებათ და დალაღულიც. მგონია, ის ლეკები მთელი ღამე ივლიდნენ, აგერ აიქ უდაბნების ყელეზიდგან წამოსული დაფარულს ადგილებში, რომ არავის ენახა დღე ისინი, რომ გათენებისას დაჰკრან სადმე. უთუოთ ასე იქნება და კიდევე მოვიცადოთ აქ.“

ყარაიაზის გორებს როდესაც დავუახლოვდით, იქ ცხენებიდგან გადავხედით, მოსართავები გავუმაგრეთ და ზედვე შევსხედით ჩვენი ცხენებისთვის რომ შეგეხედათ, ამას იტყოდით, მასკვლავებს ეთამაშებიანო.

პატარძელის ნაცვალს უბძანა ბატონმა. „წადი, ამ ჩვენს პირდაპირ გორაზე გადახედე, ნახე, ის ჯარი რა იქნა?“ ნაცვალი ცხენიდგან

გადახტა და ყარაბულახის ნაცვალს მისცა, თვითონ თოფი მოიმზადა და ქვეითი ავიდა გორაზე. ამ გორიდგან იქით რომ გადაეფარა, კარგა ხანი არ მოვიდა. სწორე გითხრა, ჩვენ იმისთვის შევწუხდით და ტორტმანი დავინყევით. ამ დროს ამ გორაზედვე გადმოვიდა და ორი შეკაზმული ცხენები მოასხა, ერთი ლურჯი და მეორე წითელი. თავის თოფის გარდა, სხვა ორი თოფი ყელზედა ჰქონდა ჩამოკიდებული. ჩვენ გაგვიკვირდა და კითხვა დაუნყევით. იმანა თქუა: ამ გორაზე რომ ავედი, ვნახე, ამის ძირში ორ ლექს ეძინა, ეს თოფები გვერდით ეწყობდა და ეს ცხენებიც ავშრებოდათა სძოვდენ იმათ გუერდით. მე ფეხაპარვით ეს თოფები ასე მოვპარე, ვერა გაიგეს რა და მგონია, ბუზით მთვრალსაც ჰგვანდნენ. იქიდგან სხვას გორაზედ შევდექი და ჩუმათ გადავათვალიერე. ასე უფიქრელათ არის ის ჯარი, რომ მდევრის მონვეისა სულ არ ეშინიანთ. ამიტომ მოტაცებულს საქონელსა სამი კაცი აძოვებს ჯარზე კარგა მოშორვებით. სტვირით და ლეკურის თამაშობით შეექცევიან. რომელს გორიდგან მე დავზვერე, იმ გორიდგან ორასი თუ სამასი ნაბიჯი უნდა იყოს, სადაც ჯარი არის ჩამოხდომილი. იქიდგან რომ შემოვტრიალდი, პალოებზე დაბმული ცხენები ავხსენ და აი ჩემო ბატონო, თქვენთვის მამირთმევიანო.“ ბატონმა უთხრა. – „ეგ ცხენები და თოფები შენთვის მიჩუქებია. თუ ღვთის მონყალებით და მშვიდობით გადვურჩით, კარგს ხალათსაც ჩაგაცმევ.“ პატარძელის ნაცვალმა ბუტულაშვილმა კალთაზე აკოცა. მასუკან ჩვენ მოგვიტრიალდა და გვითხრა. „ამან თავისი იშოვნა და სირცხვილი არ არის, ჩვენ ცარიელი დავრჩეთ.“ ჩვენ გაფიცხებულთ თოფების ფალიებს წამალი გამოვუცვალეთ, ის ცხენები იქ დავაბით და საომრათ მოვემზადენით, მაგრამ ბატონმა თქუა. „სჯობია, ის მძინარე კაცები დავიჭიროთ, ჯარის ამბავი გამოვკითხოთ.“ მე განგება ვთქვი, ვნახოთ, ბუტულაშვილი რას იტყოდა. – „ნაცვალო, რატო ის ძაღლები იქვე არ დახოცე, რომ ახლა თავში საცემი გაგვიხადე?“ ის მამიტრიალდა და მითხრა. „ბერელავ, მე ხომ ვიცი, მაგას ხუმრობით ამბობ და მე კი სწორეთ ვიტყვი, რომ ვაჟკაცს როგორ ეკადრება, მძინარე კაცი მოკლას.“ მე მხარზე დაკვრით ვუთხარ. „ნაცვალო, ნუ ჯავრობ. მე გამოსაცდელად გითხარ.“ ნაცვალმა ჩაიციინა და აღარა სთქო რა. მერე ქუევეითი ნავუძეხით *ჯილავენაყრილს* ცხენებს, გორას გადავედით და მძინარე ლეკებს თავზე დავადექით. საგარეჯოს ნა-

ცვალმა ორსავ ფეხი ნაჰკრა, მაგრამ ისე ეძინათ, ძლივ გაიღვიძეს. თვალი რომ აახილეს, ნამძინარევთ თავისი ამხანაგები ვეგონეთ და ლეკურათ რალაც თქვეს. ყარაბულახის ნაცვალმა კარგათ იცოდა ლეკური და ამან იმათ რალაც უთხრა. ამის სიტყვაზე ასე შეიქნენ, გაშტერებულნი დარჩნენ. მაშინვე გავექანენით და ორსავ ხელე-ბი შევეუკართ. ავაყენეთ და ჩვენს ბინაზე გადმოვიყვანეთ. მინამ გადმოვივლიდით, ბატონმა ყარაბულახის ნაცვალს ჰკითხა. „ან ამ ლეკებმა რა თქვეს და ან შენ რა უთხარი.“ ნაცვალმა თქუა. „ამათ თავისი ამხანაგები ვეგონეთ და ამბობდენ, პატარა მოგვასვენეთ, ეს ორი დღე და ღამეა, სულ ჩვენ ვყარაულობთ და აქ მდევარი არ გამოგვიდგებაო. ამის პასუხათ ვუთხარ მე. რას გაგიჟებულხართ, ეს საგარეჯოს მოურავია და თქვენ რას ამბობთ-მეთქი. ამ სიტყვაზე თვითონ თქვენა ნახეთ, როგორ შეიქნენ.“ როდისაც ბინაზე გადმოვივლიდით, ყარაბულახის ნაცვალი გორაზე აგზავნა ბატონმა და თვითონ თათრულად კითხვა დაუნყო. თუმცა ლეკებმა თათრული იცოდენ, მაგრამ ქართულსაც ლაპარაკობდენ. ერთმა ლეკმა ბატონს მოახსენა. „ვალაჰი, მოურავო ვახტანგ და რჯულის მადლმა, კარგი ვაჟკაცი და პურადი ხარ და შენს ვაჟკაცობას ჩვენში ლაპარაკობენ, მაგრამ ჩვენ გულში კი სიკვდილი სულ ყამიეჭოა. *კბილში ფრჩხილი ამოიკრა და თქვა. ამტოლა შიში ჩვენ გულში არ არის.* ბარემ უბძანე, დაგვხოცონ.“ ამ ფიცხს კაცს, რომელსაც ვიცნობთ, რომ თავის მონინააღმდეგისაგან მცირედი მაღალი სიტყვა ცეცხლსავით აანთებს, მაგრამ ლეკისაგან დიდათ მოეწონა და გულის დამშვიდებით უთხრა. „მე რასაც გკითხავ, ის მითხარი, მე სიკვდილს არ გეუბნები.“

კაცსა ფიცხსა თან დიდსულოვნებაც უნდა ჰქონდეს, თორემ სულ სიფიცხით ვერას შეიმატებს.

იმ ლეკმაც დიას დამშვიდებით უთხრა. – „ვალაჰი, მოურავო, ჩვენ სულ არას ვიტყვით და ჩვენ ჯარს არ ვუღალატებთ, თუნდა ტყავები დაგვაძრო.“ ბატონი ფრინველსავით ნამოვარდა, ორისავ ხელ-ფეხი მაგრა შეგვაკვრევინა და იმათ ცხენების პალოებზე ასე გამოგვაბმევინა დაშარტულები, რომ მოძრაობა აღარ ჰქონდათ. მაშინვე ბატონი და ჩუენა ცხენებზე გადავსხედით, ჩოხების კალთები შევიკეცეთ, ქუდები შუბლქვეშ შევიტეხეთ და თოფ-იარაღები მოვიმარჯვეთ. ბატონი მოგვიტრიალდა და გვითხრა. „ხომ კარგათ იცით მამაპაპის

ჩვეულობა, ერთის მეტს თოფს არ გასცლიან მტერზე. თუმცა ესენი ბევრნი არიან, მაგრამ თქვენ მე მხარი შემინახეთ და როგორც მე მოვიქცე, ისე თქვენ მამყევით. მასკვან მე ვიცისო. თუ ბატონი მეფე ირაკლი შეიტყობს, რომ მეორეთ დაგვიტენია თოფები, დიდათ ეწყინება. ამისთვის იმის წყენას მოვერიდნეთ, თუნდა სულ დავიხოცნეთ.“ ჩვენ ომის ნდომით *ფურცელსავით ვთრდოდით*, ვკანკალებდით და არა ვუთხარით რა. შეგვატყო, რაც გვენადა, რომელმაცა გვითხრა. „იმედი მაქვს ღვთითა, ასე დავამარცხო ისინი, რომ თვალი აღარ ავახამხამებინოთ.“ ამ ჩვენი ბატონის სახე რომ გენახათ, ასე იტყოდით, *სისხლი გადმოსდისო*, აღმული ასდის სახეზედაო, მაგრამ დიას დამშვიდებით იყო. ქედზე რომ ავედით, ვნახეთ სამი ცხენიანი ლეკები გამოდგნენ იქით მეორე გორაზედ. *რომელზედაც ბუტულაშვილი იდგა ყარაულათ*. რა რომ იმათ დაგვინახეს ჩვენა, ცხენები გაატრიალეს და ყვირილით ჩააჭენეს ქვემოთ. ჩვენც სწრაფად ცხენები გავქუსლეთ, იმ ქედიდგან შავხედეთ, ვნახეთ, რომ ის ჯარი აყრილიყო და კარგის რიგით მიდიოდნენ ტყვე საქონლით წაყრილი წინ. ჩვენ რომ იმათ დაგვინახეს, რამთენიმე კაცი იმათის დასტიდგან გამოურჩივნენ და თოფები შემოგვტყორცნეს. ბატონმა დაიძახა. „აი თქვენი ჭირიმე ბიჭებო, აბა ახლა მამყევით.“ ცხენებდანკეპილები ხუთნივ თანასწორედ წავედით და იმ დასტიდგან გამოსული ლეკები იქვე შევრეკეთ. სხვა თორმეტამდე ლეკები გამოგვეგებნენ და თოფები შემოგვტყორცნეს, მაგრამ როდესაც ადამიანს ღმერთი ჰფარამს, ყოველთვის წარემართება. მინამ ჩვენ იმათ არ დავუახლოვდით, მანამდისინ არ ვესროლეთ და ისინიც ერთს ადგილს ცხენებს ატრიალებდენ. ათ ნაბიჯზე რომ დავუახლოვდით, თოფები მოვიმარჯვეთ და ხუთთავ ერთად შევტყორცნეთ. ღმერთი ნუ გაგინყრეთ, იმათ ცხენის ტრიალმა ვერა უშველა რა, მაშინვე თვითო ლეკი ჩამოვადეთ. საჩქაროთ თოფები ყელზე გადავიგდეთ და დამბაჩები მოვიმზადეთ.

ამ ჩემი ლალის ლაპარაკზე ჩვენი მოსამსახურეები სულ ტოკავდენ, ასე გეგონებოდათ, ესენი ომობენო. ასეთის ყურადღებით ესმოდათ ჩემი ლალის ლაპარაკი.

ჩემი ლალავე ამბობდა. ის ლეკები ასე შეიშალნენ, რომ არ იცოდენ, რა უნდა ექნათ. დამბაჩებმაც თითო ლეკი რომ ინაცვალეს, დამბაჩები მხრებზე გადავიგდეთ, ხმლებს მოვუსვით ხელი და დიდ დასტას შევუტიეთ. აქ ბატონმა დაიძახა. „დედა შეერთოს ცო-

ლათ, ვინც უსიკვდილოთ გამობრუნდეს.“

თავგადადებული კაცი რას არ შეიძლებს? თუ მეომარმა სასიკვდილოდ გადადო თავი, უთუოთ მტერსა დაამარცხებს. გაქცევით სიკვდილს როგორ ნაუფა?

ამასთანავე დასტავს მივუხდით, რომელმაცა ტორტმანი შექნა გასაქცევით და რამდენიმე კაცები კიდეც გაიქცნენ. ერთი შავგვრემანი კაცი იყო, დიდ, შავ თვალებს აელვარებდა და საუცხოვოს შავსა ცხენზე იჯდა საუცხოვო იარაღით მორთული, რომელიცა დასტის კაცსა უტრიალებდა და ძალიან უყვიროდა, რომ არ გაქცეულიყვნენ, მაგრამ იმის ძახილი სულ აღარავის ესმოდა.

როდესაც ადამიანზე ღმერთი თავის საფარველს აჰყრის, იქ ცდა აღარა იქნება რა. ღმერთმა ნაპალიონი საკურველსა ბორცვის თავზედ აიყვანა, მაგრამ როდესაც დრო მოვიდა, იქიდანვე ასე გადმოაგდო, რომ თავის მფარველობა აღარსად აღარ მისცა და ბოლოს ელენეს კუნძულში მივიდა მწარეს მწუხარებით და იქვე დაფლეს საცოდავი. უხილავმა ძალმა ასე იცის და ისეც. რათაც ასე შვრება, კიდეც იმან იცის, რისთვის?..

იმ შავგვრემანმა კაცმა დაბრუნება რომ ვერავისი შეიძლო, ხმაღს ხელი მოისო და მარტოკა შემოგვიტია, მაგრამ ბატონი ასეთი ძახილით მიუხდა, რომ წამსვე მოშალა, ხმალი მხარში გადაჰკრა და ცხენიდგან გადმოაგდო. დასტის კაცთ იმის გადმოარდნა რომ ნახეს, მაშინვე გაიფანტნენ; ჩვენც შიგ გავერიენით და სულერთიან გავაქციეთ, ასე რომ ვინ წინ და ვინ უკან. *კუდიტ ქვა ვასროლინეთ აბა ჩვენ ცხენებს ის ცხენიანი ლეკები როგორ ნაუვიდოდნენ? – ის მოტაცებული ნახირი დავაყრევიანეთ და მასუკან ერთმანეთსა დავუძახეთ. „აბა, ვინ უფრო ხელს გამოვიღებთ?“ შევარდენი გუნდს მტრედში რომ გაერიოს, იმას ვგვანდით. ამას ტრაბახში ნუ ჩამომართმევთ. თვითონ თქვენ მიცნობთ, რომ ტყუილი ლაპარაკი ასე მეჯავრება, ჩემი მკვლელი არის. ადამიანი სწორეთ არის დაბადებული, სწორეთ უნდა დაბერდეს და სწორეთვე მოკვდეს. ეს არის კანონი გულისა. დაიჯერეთ, რომ ბატონმა და ჩვენ ოცდაშვიდი ლეკი ჩამოვყარეთ მარტო ხმლით, რომ სხვა იარაღები არ გვიხმარია. თერთმეტმა ლეკებმა კი თოფიარაღები გადაყარეს და ტყვეთ მოქვცეს თავი. სხვა გაქცეულებზე ხელი ავიღევით, ამისთვის, რომ დამარცხებული ლეკის ჯარი ველარ დაბრუნდება,*

რაც უნდა დიდი ჯარი იყოს, გაიქცევა და უკან აღარ მოიხედავს. ის ლეკები ხელეშეკრულები ქვეითი გამოვყარეთ და წამოვედით. დაყრევინებულს საქონელს მოვადევით, რომელშიაც ექვსი ხაშმური ტყვეები იყვნენ ხელეშეკრული, ისინიც განვათავისუფლეთ, ლეკების თოფ იარაღები მივეცით, იმათ ცხენებზევე შევსხით და გამოვნიეთ. რაც საქონელი იყო, ერთათ მოვაგროვეთ, წინ გამოვიყარეთ და პირველს ბინაზე გადმოვედით. მინამ ბატონი ცხენიდგან გადახდებოდა, მე და პატარძელის ნაცვალს გვიბძანა. „ეს ხაშმური ბიჭები წაასხით, იმ ნაომარს ადგილს გადადით, რაც დაჭერილი ლეკები იყოს, ისინი წამოასხით და მკვდრებს კი თავები დასჭერით, ხურჯინებში ჩაანყევით და აქ გადმოიტანეთ. ამის გარდა, იმათი ცხენები ან იმათი დარჩენილი იყოს რამე, ისინიც აქ მოაგროვეთ. ჩვენ ნაომარს ადგილს გადავედით, იმ ადრინდელს ტყვეებს გარდა, ცამეტს დაჭრილს ლეკებს იარაღები ავყარეთ, ხელები შევუკარით და ხაშმელ ბიჭებს გამოვატანეთ. იმ ცამეტში ის შავგვრემანი ლეკიც მხარში დაჭრილი გამოვგზავნეთ. ოცდახუთს მკვდარს ლეკს კი თავები დავსჭერით, იმათი იარაღები სულ შემოვძარცვეთ და ან რაც ცხენები იყო დარჩენილი, ისინიც ერთად მოვაგროვეთ და სულერთიანათ ესენი ბატონთან მოვიტანეთ. ბატონი მე მამიბრუნდა და მითხრა. „ბერელავ, ეს შავგვრემანი ლეკი იცი, ვინ არი?“ – მე მოვახსენე. – „ვინ გახლავ შეინჭიმე?“ – „ბელაქნელი აჰმად ბელადი არის, სამოცდაათი რჩეულის კაცით წამოსულა დოუთალაბათ, რომ უთუოთ ხაშმის საქონელს მოვიტაცებო, მაგრამ ეს კარგი ბელადი კი ჩვენს მახეში გაება. ამ ყარაულებს ავინებს, რომლებიც ადრე დავიჭირეთ, რომ ამათის იმედით ყოფილან. გუშინ ბინდისას მონასტრის ყელებიდგან წამოსულან, გათენებისას ეს ექვსი ხაშმური ბიჭი ხაშმის პირში დაუჭერიათ, იქიდგან გამობრუნებულან, იორის მდინარის გამოღმა ნახირი მოუტაცნიათ და წამოსულან. ჩემი სახელი რომ ვუთხარ, დიდათ იამა და ბევრი კარგი მითხრა.

*ნახეთ? დალისტნელნი ასე გათამამებულნი იყვნენ უწინდელს დროში საქართველოზე, ტყეში აღარ კადრულობდენ ჩამოხდომას და ჩაფაულმოტაცებული ყარაიაზის მინდოროში განისვენებდენ. ნახეთ? დალისტნელნი ასე გაამპარტავნებულნი იყვნენ საქართველოზე, რომ წინ სოფლებს აღარ კადრულობდენ, ნახედინათ და შუა საქართველოში იყო ალოხრება.*



რასაკვირველია, ჩემი ბატონის კაიკაცობა მიაშვებოდა.<sup>1</sup> იმ ბელადმა სთხოვა ბატონს, მკლავები მაგრა შეკრული მაქვს და მიბძანეთ, ცოტათი მომიშონო. ბატონმა არამცთუ მოაშვებინა, სრულებით გაუხსნევინა, ის ბელადი წამოდგა და ბატონს მუხლზე აკოცა და უთხრა. ვალაჰი მოურავო, კარგი კაცი ხარ, მაგრამ ჩემს კაცობასაც უნდა ენდოვო. მაგთენი ხანი არა გამოვიდა რა, შუა სამგორის მინდორში ერთი დასტა გამოჩნდა. ჩვენ კიდევ ლეკები გვეგონენ და შევშფოთდით. ბელადმა თქუა. „სჯულის მადლმა, მე ხომ ლეკი ვარ, მაგრამ თქვენთან სისხლს დავღვრი, ამიტომ, რომ ჩემს კაცობას ენდენითო.“ განვიძრახეთ, ათამდინ საქონელი დაგვეხოცა, საფრათ გარშემო მოგვეწყო და უსიკვდილოთ არა მიგვეცა რა, მაგრამ ბატონმა დურბინდში რომ გაიხედა, თქუა. „ისინი ჩვენი მღვერის კაცნი არიან და მგონია ასამდისინ კაცი უნდა იყოს.“ ერთს ცხენის გამოსაჭენებელზე რომ დაგვახლოვდენ, ვნახეთ ხაშმის წინამძღვარი თავისის კუნკულით, თავისის ხუთის ბერით და ორის ღვედლით დათოფიარაღებულნი იყვნენ თავის საწინამძღვროს კაცებითა. ამ დროს ერთმა დათოფიარაღებულმა ლამაზმა ყმანვილმა კაცმა ცხენი გამოიგდო, თოფი მხრიდგან გადმოიღო და ბატონს მოუხედა, „ჯერ ვერ ვიცანით და ვთქვით. „ეს მშვენი ყმანვილი კაცი ვინ უნდა იყოს?“ მინამ ბატონს თავს არ დაადგა, მანამდისინ ვერ ვიცანით. შევხედეთ, ჩვენი ბატონის და ეკატერინე კი იყო. აბა რალა გითხრათ ჩვენი სიხარული? ბატონი გიჟსავით წამოვარდა, თავის და ცხენიდგან გადმოიღო, რომ ჩამოხდომა აღარ დააცალა და ერთმანეთს სიხარულის ცრემლით გადაეხვივნენ. მასუკან წინამძღვარს მიეგება და ხელზე ემთხვია. ამასთან ასეთი სიხარული შეიქნა, ენა ვერ გამოსთქომს. მერეთ ბალახზე ნაბდები გავაშლევინეთ; ბატონები და უფროსი კაცები ზედ დავსხედით, ჯარისკაცები კი თავს დაგვადგნენ. რაც გადაგვხედოდა, ბატონმა სულ მე მათქმევინა, წინამძღვარმა სამადლობელი პარაკლისი გადაიხადა გულმხურვალეს ცრემლით და ბატონს მრავალი მადლობა უთხრა. ამასთანავე

<sup>1</sup> ეს ამბავი ყოფილა, აღამამადხანი მეორედ კიდევ რომ წამოვიდა საქართულოზე და მოკლეს, იმის შემდგომ. იმ დროს მამაჩემი ჯერ ნამდვილი მოურავი არ ყოფილა საგარეჯოსი, მაგრამ მართუელობა ჰქონია თავის დის, ეკატერინეს თხოვით და როდისაც ნამდვილი მოურავი იყო იმისი, ერთი მაშინაც გაუმარჯვნია ლეკებზე, რომლისაცა მეფე გიორგის წიგნი არის ჩუენს სახლში ამაზედ, მამაჩემთან მონერილი.



ბატონის და გატრიალდა, იმ დანარჩენს ლეკებს ხელები დაუხსნევინა, რომელიც დაჭრილები იყვნენ. წყლულზე მაღამო შემოახვევინა და ის დახოცილი ლეკები სულ დავმარხეთ. აბა რაღა გითხრათ? ის ტყვეები სულ მე გამამატანეს ორმოცის კაცით ბატონ მეფეს ირაკლისთან და თვითონ ყარაბულახსვე წავიდნენ. მე ტყვეები ქალაქის პირში რომ მოვიყვანე, კიდეც დაღამდა და მეორეს დღეზე მეფეს ირაკლის მივართვი. მეფეს ასე იამა, რომ თავის დიდრონ კაცებში დაიძახა. „ვახტანგ ორბელიანმა დიახ ბევრი ერთგულება გამოიჩინა, როგორც ჩემი, ისე მამულის და ამისთვის ვმადლობ იმას საქუეყნოთა.“ მასუკან ლეკები მოასხმევინა და აყვედრა. „სირცხვილი არ არის თქვენთვის, ამთენს ავაზაკობას არ იშლით. თუძცა თქვენ ლეკები ხართ, მაგრამ კავკაზიის ერნი და ქართველები სულ ერთნი და ერთნი ძმანი არიან და თქვენ კი თქვენის ძმის სისხლა სომთო?“ დიახ მრავალი ელაპარაკა ჭკვიანათ და გონიერათ. ასე რომ, ერთმა ხმა ვერ ამოიღო, ასე ასვინდისა.

*ბატონმა ლეკები შეკდიმებული და შეწუხებული რომ ნახა, ხალათები უბოძა, ყოველი დანაშაული მიუტევა და თავის ქვეყანაშივე დაითხოვა. მაგრამ ერთს წელიწადზე შევიტყვეთ, რომ იმ აჰმად ბელადს ქიზიყიდგან საქონელი მოეტაცა. ბატონი დიდათ ეფერებოდა ლეკებს, მაგრამ ისინი კი თავისას არ იშლიდნენ. ბატონს მეფეს უნდოდა, ეგება ლეკებს დაეშალათ თავიანთი ცუდკაცობა და ამისთვის წყალობას აძლევდა, და არ უნდოდა, რომ საუკუნო სისხლი ჩამოეგდო ქართველებში და ლეკებში, თორემ ბატონს, როგორც რიგი იყო, ისე რომ მოენდომებინა, რასაც უნდოდა, იმას უზამდა ლეკებს. ამისთვის დღეს ხვალობით მაყურებელი იყო ბატონი მეფე ირაკლი ლეკებისა, ეგება დაეშალათ, მაგრამ ისინი კი თავისას არ იშლიდნენ.*

*მეორე დღეს ბატონმა მეფემ ჩვენი ბატონი ჩამოაყვანინა და თავის ქალს თეკლაზე დანიშნა. მაგრამ მეფე ირაკლიმ მაგთენი ხანი ველარ იცოცხლა; თელავში წავიდა და იქ გარდაიცვალა და ჩვენი ბატონი უიმედო დარჩა. როდისაც ბატონიშვილი გიორგი გამეფდა, იმანაც მოწყალებით მიიღო და იმანაც აღუთქვა: „ჩემს დას თეკლას შენვე მოქცემ, მაგრამ უნდა მოითმინო.“ მაგრამ აღარც ამ მეფეს დასცალდა და ისიც გარდაიცვალა. ამის გარდაცვალების შემდეგ დარეჯან დედოფალმაც დიახ მოწყალებით მიიღო, რომელმაც თა-*

ვის ქალს თეკლას და ჩვენს ბატონს დედოფალმა ჯვარი დასწერა და ქორნილი გადიხადა.

„ამან რომ ეს გაათავა, თავი დაბლა ჩაჰკიდა და რაღასაც ფიქრობდა. მერეთ მაღლა აიღო და მიძიმე აღმოკვნესითა თქო. – „აი უწინდელი ქართველები სულ ამისთანა კაცები იყვნენ და ახლა?..“

ამ სიტყვისთანავე აღარა თქო რა და აქ ლაპარაკი განწყვიტა.

ჩვენმა მოსამსახურებმა ბევრი მაღლობა უთხრეს და მოემზადნენ, ამდგარიყვნენ. ამ დროს კარები შემოაღეს და ვილამაც თავი შემოყო, შევხედეთ, ჩაის გამკეთებელი ივანე იყო, რომელმაცა დაიძახა.

– „თქვენ დიახ კარგათ შეექცევით, მაგრამ გამდელმა პირშაქარა ვარდისახარმა ბატონებს მოახსენა, მოსამსახურეები კარშეკეტილს საკუჭნაოში თქვენ ღვინოს სმენ და შეექცევიანო.“

მოსამსახურეებმა ჰკითხეს:

– „ბატონებმა რა უბძანეს?“

– „ბატონიშვილმაც და ბატონმაც უთხრეს, რომ ისინიც ისეთი ადამიანები არიან, როგორც ჩვენ, ბატონებიო.“

მოსამსახურეებმა ერთხმათ დაიძახეს–„ღმერთმა ბატონიშვილ-იც ადღეგძელოს და ჩვენი ბატონიც. მართლა, რომ ორივე კარგი ბატონები გვყავსო.“

მერეთ ივანე მე მომიტრიალდა. – „ბატონები გიბძანებენ, ჩაის გელიანო.“

მე საჩქაროთ ავდექ, ათს ფეხიან კიბეზე ავირბინე და აქეთ ოთახში შეველ, სადაც ჩაის აკეთებდენ და სადაც ჩემი მშობელნი არ იყვნენ. რანამს სახლში ფეხი შევდგი, ვილამაც დაიძახა.

„სანდრო, შენ გეთაყვანოს ჩემი თავი“. მინამ მოვტრიალდებოდი, რაღაც შრიალი მომესმა, ამასთანავე ხელში ამიყვანა და სიყვარულით კოცნა დამიწყო. შევხედე, ახალი სოფლიდგან მოსული ჩემი მამიდაშვილი მაკა<sup>1</sup> იყო. მე ყმანვილობის გამო ხილის თხროვნა დავუნყე. მასკვან იმან მითხრა.

– „შენ გენაცვალოს შენი მამიდაშვილი. აგერ შენი სიძე იმ ოთახში არის ბიძაჩემთან და იმას აქუს შენთვის კაკა. ნამო, წავიდეთ ჩემო სანდრო.“

– „ეჰ, არ წამოვალ, წადი, აქ მამიტანე.“

– „იი, უხიაკო, არ იქნება, უნდა წაგიყვანო.“

<sup>1</sup> ნათლობის სახელი მარია.

– „მამასა და დედას მზემ, არ წამოვალ.“  
– „წავალ, ბიძაჩემს ვეტყვი, სანდრო არ მოდის-მეთქი.“  
– „ნადი, უთხარ, მე მამა არ გამიჯავრდება.“  
– „არ იქნება, უთუოთ უნდა წაგიყვანო.“  
– „იი, არ წამოვალ.“ ამ დროს უკანიდგან ვილაც გადაამეხვია, რა-  
ოდენჯერმე დამკოცნა და მასუკან მითხრა.

– „აბა, სად წამიხვალ შე პლუტო, რომ ჩემთან არ მოდიხარ?“  
შეეხედე, ამ ჩემი მამიდაშვილის ქმარი ივანე იყო, რომელიცა მეუბ-  
ნებოდა.

– „სირცხვილი არ არის, ეხლა თითქმის ვაჟიკაცი ხარ და კიდეც  
ყმანვილსავით იქცევი. შენ რომ ეხლა ცოლი გყვანდეს, შვილი  
გეყოლება.“

„ეჰ, დამეხსენით, რა გინდათ?“

მერე ჩემმა მამიდაშვილმა თქუა. – დახედე, შვიდი წლის ვაჟიკ-  
აცი არის და როგორ უხიაკობს? ეხლა ყმანვილობის სახელს, სან-  
დროს კი აღარ უნდა გეძახოდენ, ამას იქით ალექსანდრე უნდა და-  
გიძახონ ხოლმე. ამისთვის, რომ თქვენს სახლში შენა ხარ უფროსი  
შვილი და ამიტომ გმართებს, კარგათ მოიქცე.“

მეორე მხრიდგან ჩემმა სიძემა თქუა. – „შენის გულისათვის ჩამ-  
ოვედით დღეს სოფლიდგან, ცოლი უნდა შეგროთოთ და შენ კიდეც  
ყმანვილსავით იქცევი? სირცხვილია, ჩემო ლამაზო სანდრო, *ან  
როგორ გეკადრება მამისა და დედიშენის შვილსა ეგეთი უხიაკო-  
ბა.*“ მე ცოლის ხსენება დიდათ გამიკვირდა და ყურება დავუწყე,  
მერე მალლა დავიძახე.

– „ვაიმე, მამავ, რა უნდა სიძეს და მაკასა?“

ჩემმა მშობლებმა რომ ჩემი ხმა გაიგონეს, საჩქაროთ გამოვიდ-  
ნენ და კითხვა დამიწყეს. მინამ მე ვიტყოდი რასმე, სიძემ ყველა  
უთხრა. მამამ გაჯავრებით მითხრა.

– „სანდრო, სანდრო, სირცხვილი არ არის, აგრე ურიგოთ  
იქცევი?“ მასუკან თავის დისწულს მიუბრუნდა – „ჩემო დისწულო,  
ეგ ჩვენი სანდრო წამოიყვანე, რომ არსად არ გაუშო, თორემ იქნე-  
ბა ამ ავდრის მიზეზით გაცივდეს.“ და ჩვენი საქმეც სჯობს, რომ  
ეხლავ მოვილაპარაკოთ. მაშინვე გატრიალდენ, მტკვრის მხარეს  
ოთახისკენვე წავიდნენ და მე ჩემმა მამაშვილმა ხელში აყვანილი  
თან წამიყვანა. მე, მშობლების მორჩილმა, ისე გავკმინდე ხმა, გა-

ნაბუღს ხოხობს დავემსგავსე. ოთახში შევიდნენ, მივიდნენ და თავ თავის რიგზე დასხდნენ. მე ჩემმა მამიდაშვილმა კალთაში ჩამისო და ხელების მოხვევით გულზე მიმიკრა. თუმცა ამ სახლების დანყო-ბილობა ურიგოთ იყო, მაგრამ ასეთის ყიზილბაშურის საფენით იყო დაფენილი, თვალი უკეთესს ვერ ნახავდა.

მერეთ მამამ უთხრა სიძეს. – „ჩემო სიძევ ივანე, წელან რაღაც საქმე უნდა გეთქო, ჩვენი სანდროს დანიშვნისა, მაგრამ აღარ დაგვცალდა. ახლა შეგვიძლიან მოვილაპარაკოთ.

სიძემ.

„ამ ოთხი დღის წინათ კახეთიდან წიგნი ხომ მოგწერეთ ჩუენი მშვიდობისა, სადაც მე და ჩემი ცოლი გახლდით ნათესავებში ორი კვირა მეტი, გუშინწინ ყარაბულახს გაიხელით თქუენს დას და დისწულს, ჩემს ცოლის ძმას თადიასთან, სადაც ჩემი დედიდაშვილის ქმრის, დავით ბარათაშვილის წიგნი დამხვდა, რომლებიცა იმ წიგნის გამოსობით წუხელის ჩამოვედით ქალაქში და ესლა ამ დილაზედ აქ გაიხელით თქუენთან. ის წიგნი აქა მაქუს და თუ თქვენ ნება იქნება, წაიკითხეთ?“

მამამ. დიას კარგი იქნება. სიძემ წიგნი ამოიღო უბიდგან, მამას მისცა და მამამაც ხმამაღლათ წაიკითხა.

გაიგონე.

ტ.

– „საყვარელო ძმაო ივანე,

ხომ კარგათ იცი, ჩვენსა და ვახტანგ ორბელიანის სახლში ნათესაობა არის ძველათ. მე და ვახტანგს პირობა გვაქვს, თუ მიზეზი მოგვეცა, უთუოთ უნდა დავმოყვრდეთ. ესეც ხომ კარგათ იცი, ჩემ შვილებში და ვახტანგის შვილებში მეოთხე ნათესაობაა. ამისთვის ჩემი ორი წლის ქალი ეკატერინე დიას კარგათ ერგება ვახტანგის შვილს სანდროს. იმ დღეს შენ დედიდაშვილს, ჩემ ცოლს ბარბარეს სადღაც ენახა ის ყმანვილი და მას აქეთ იმ ყმანვილის ტრფიალია ის. ამისთვის გთხოვ, ძმაო, ჩვენი და ვახტანგის მოყვრობა აახდინო და ნათესაობა გაგვიახლო.

შენი სიძე და ძმა დავით ბარათოვი.

ქ. ტფილისით.“<sup>1</sup>

<sup>1</sup> ის წიგნი 1826-ს წლამდისინ მქონდა და მასკვან არ ვიცი, სად დავკარგე.

მამამ რომ კითხვა გაათავა, ყველამ თავები ჩაჰკიდეს და რაღასაც ფიქრობდენ. მასუკან ბატონიშვილმა დედამ მაღლა აიხედა და დანყნარებული სიტყვითა თქო.

– „ჭეშმარიტად დავით ბარათაშვილის მოყვრობა დასაწუნარი არ არის, მაგრამ, აბა, ყმანვილების დანიშვნა როგორ იქნება? ბოლოს იქნება მოხდეს რამე, სამდურავი გამოგვიხდეს ჩვენსა და დავითის სახლში?“

მასკვან მამამა თქო.

– „რა ვქნა, არც მე გავერევი, ამისთვის, რომ ცოლქმრობის ვალი დიდი თანამდებობა არის.“

მერეთ ჩემმა მამიდაშვილმა თქო.

– „დახ მართლს ბძანებთ ბიძიავ, მაგრამ თვითონ დავითი რომ ითხოვს, ამისას რას იტყვით?“

იქიდგან სიძემ დაიძახა.

– „ამას იტყვის, აი ვახტანგმა მოყვრათ დამიწუნა და არ მიკადრაო.“ მასუკან დედას მიუბრუნდა. *ამათ ეს ლაპარაკი ერთგვარად წარმოთქვებს და დამშვიდებით. შემდეგ სიძემ დაიხ გულმოდგინეთ დაიძახა.*

– „თქვენ მზეს ვფიცავ, ბატონიშვილო, ასე მინდა თქვენში მოყვრობა მოხდეს, რომ მეტი არ იქნება. დავითი და იმის ცოლი ბარბარე მეტათ კარგი და კეთილი ადამიანები არიან. ამას გარდა, ძველათ მოყვრობაცა გაქვთ, ამისთვის ახსენეთ ღმერთი და თანახმა შეიქენით, ძველი მოყვრობა კიდევ გაიახლეთ. ნურც მამაპაპის ჩვეულობას დავკარგავთ, რომ ყმანვილები არ დაინიშნონ.“

მამამ წელი წინ წამოიწია და მაგრის სიტყვითა თქო.

– „ჩემო სიძე იოვანე, აბა რა ვქნა? თუ სხვისი ქალი ყოფილიყო ვისიმე, ჭეშმარიტად, არც კი გათქმევიწებდი. ვინ იცის, ყმანვილების დანიშვნას რა მოსდევს. ახლა სულ სხვა დროა, მაგრამ დავითი და იმისი ცოლი ბარბარე ასე მიყვარან, როგორც ჩემი დაძმანი და ესეც, რომ ძველად ნათესაობა გვაქვს. ამისთვის მე კი ვერას ვიტყვი და ახლა ამ ჩემი ბატონიშვილის ნება არის.“

ბატონიშვილი დედა სიყვარულიანი სახით მიუბრუნდა მამას და უთხრა.

– თქვენ ნუ მამიკვდები, არც მე შემოძლიან თქვენი წინააღმდეგი, როგორც თქვენ ინებებთ, ჩემი სასიამოვნო ის არის.

„რალას ვაგძელებ. დიახ კარგა ხანი ეთავაზებოდენ ერთმანეთს ჩემი მშობელნი თავთავისი აზრი ეთქოთ და იმ აზრის თანახმა შექნულიყვნენ, მაგრამ არცერთმა არა თქო.“ ამისთვის, ორნივე გაფთხილებულნი იყვნენ, არამცთუ წინააღმდეგოსას, ერთმანეთთან არც კი დაილაპარაკებდნენ მომალლოთ.

„ამათი გადუნყვეტელი ლაპარაკი ისე დარჩა, შემდეგ აღარა თქვეს რა. სიძე უკმაყოფილოს სახით წამოდგა, ხმა არავის გასცა და სადღაც წავიდა. საღამოჟამისას მე მოაჯირზე დავხტოდი და ვთამაშობდი.“

„დიახ უცხო საღამოჟამი იყო. მოწმენდილი ცა მშვენივრად კამკამებდა, ნეღლი სიო მიმოერყეოდა. ამ დროს კიბზე წვერჭალ-არა კაცი ამოვიდა, მე ხელში ამიყვანა, კოცნა დამიწყო და ხელში აყვანილი ჩემ დედამამსთან შემიყვნა. როდისაც შინ შევიდა, მე ძირს დამსო, ორივე ხელების დიდრონი თითები სარტყელში ჩაირჭო, კარების ცოტა აქედან დაბლა თავი დაუკრა და მოახსენა“.

– „დავით ბარათოვმა და იმის მეუღლე ბარბარემ უმდაბლესად მოკითხვა მოგახსენეს და გთხოვენ, ხვალ სადილათ ეწვივნეთ.“

„მამამ და ბატონიშვილმა დედამ მალლა გაიცინეს და მერე თქვეს. – „ეს უთუოთ ჩვენი სიძის საქმე არის.“

„რასაკვირველია, თანახმა შეიქნენ და უთხრეს. – გოგიავ, დავითს და ბარბარეს მოახსენე, ხვალ მხიარულათ და სიხარულით მოვალთ თქუენტან-თქო.“

„გოგია რომ წავიდა, ჩვენი სიძე შემოვიდა და სიცილს მოჰყვა. მამამ და დედამაც ბევრი იცინეს. სიძე მივიდა, თავის ცოლს გვერდით მოუჯდა და მასუკან სიცილით და საყვედურსავითა თქო.

– „აბა, ახლაც ნუ ეთანხმებით?“

– „მიკვირს, შვიდი წლის ყმანვილს როგორ დავხსომდათ ყოველი?“

– „სრულებით საკვირველი არ არის, ამისთვის, რომ ყმანვილს ასეთი ხსოვა მქონდა, რომ თორმეტის წლის ყმანვილს ასეთი ხსოვა არ ექნება, როგორც შვიდი წლისას მე მქონდა. და ესეც, რომ ყმანვილს ნამეტნავად თავისი გარემოება უფრო დაახსოვდება. ნამეტნავათ ჩემი გარემოება უფრო დამახსოვებოდა ამისთვის, რომ ეს გარემოება გულზე დაბეჭდილსავით დამესო, ყოველი წელილათ მახსოვს.“

*იმ ა... ისევ დაიწყო.*

*თუ ჩემი გარემოება სულ დაწვლილებით ვიამბო, მეტათ გაგ-  
ძელდება. ამისათვის სჯობია, რომ მოკლეთ ვითხრა.*

„მეორეს დღის შუადღისას ჩემნი მშობელნი, ჩვენი სიძე და ამის ცოლი ქვეითები წავიდნენ, ის მასპინძლები შორს არ იდგნენ ჩვენ-ზე და მე წინ გამიმძღვარეს. ჩვენ ალაყაფის კარებს რომ გავედით, ბატონის მეიდანე გავიარეთ, იქ ერთს ეზოს კარებს მივადექი, რომ-ლიდგანაც ერთი უცხო წამოსადეგი კაცი და ერთი ამის თანამიმდე-ვარი ქალი გამოგვეგებნენ. ესენი იყვნენ თვით ის დავით ბარათოვი და ამის მეუღლე ბარბარე.“

„ორნივე მხარენი დიას სიყვარულით შეიყარნენ. მაშინვე მე სიძემ ამიყვანა, თავის ნათესავს ბარბარეს ხელში მიმცა და მხიარულის სიცილით უთხრა.

– „აი შენი სიძე.“

„იმან დიას სურვილით გულზე მიმიკრა და ტრფიალებით კოცნა დაამიწყო. ეგრეთვე იმისმა ქმარმა.“

„ჩემი დედამამ ჩინებულს სახლში შეიწვიეს, ესეც ისე უთაუ-რათ იყო დაწყობილი, როგორც ჩვენი სახლები. ყველა თავთავის ადგილას რომ დასხდნენ, ამ დროს ჩვენმა სიძე მუჯასამ ქოლიხ-ანანაკრული ერთი პატარა პირისფერკაბიანი ქალი გამოიყვანა მეორეს ოთახიდგან, რომელსაცა პირი მასკვალეზრ უბზინავდა და შავთვალწარბნი გიშრულად უციალებდა. მოიყვანა, მე ხელში მომ-ცა და მითხრა.

– „სანდრო, აი შენი ცოლი კატინა.“

„არ ვიცი, რა იყო? მაშინვე გადავეხვიენით ერთმანეთსა და ერთმანეთს კოცნა დაუნყეთ? ან მე რა ვიყავი და ან ის რა იყო, მა-გრამ სული სულს იცნობს, გული გულს.“

აქ ლაპარაკი განწყვიტა ა... თავი დაბლა ჩაჰკიდა და გონებადა-კარგულსავით შეიქნა.

*[მე მინდოდა, რომ კიდევ მეკითხა, მაგრამ იმისი ფიქრი ვერ მოუშალე და იმისი უნებურნი ძლიერნი ოხვრანი გულს მიგლეჯდენ და მერღვეოდა.]*

როდისაც შუალამე გადავიდა, მოსაწყველელი ხმა ისმოდა იმ ა... რომელიცა მოაჯირზე გადამჯდარი ამას ამბობდა.

„არა, ჩემო ეკ... მე უშენოთ არ მინდა, ამ წუთს სოფელში დავეხ-

ეტებოდე. შენ კიდევ ცოცხალი ხარ და მე კიდევ ვიმედოვნებ შენი სიყვარულით დავტკბე, მაგრამ როდისაც მნახამ, შენგან მოცემულს ხელთას ხომ მოიკითხავ? მე მაშინ რა უნდა ვთქო? ნეტავი მითხრა, რათ ვიცი ცურვა, თუ ამისთანას გაჭირებაში არ გამოვიყენებ?“

ამ სიტყვასთანავე გიჟსავით წამოვარდა, ტანისამოსი გაიძრო და იმის პირდაპირ ზღვაში გადავარდა, სადაც ბეჭედი დაეცა. დიახ კარგა ხანი იყო დაღუპვილი, შემდეგ მალლა ამოცურდა და მატროსებს დაუძახა, მიშველებოდენ. მატროსებმა საჩქაროთ ამოიყვანეს. ამოვიდა ის ა... და მხიარულის სიცილითა თქო.

„ღმერთი თავის საკუთარს მართალს საქონელს კაცს არ დაუკარგავს. თუ თვითონ არ დაკარგავს. იმ ვინმემ კითხვა დაუნყო ა... ტანისამოსი რომ ჩაიცო, მასკვან უთხრა.

ისევე ამბობდა.

„ზღვის ძირზედ რომ დავეშვი, დიახ კარგა ხანი ვეძებდი ამ ხელთას, რომელიც აი შუათითზე მაცვია, მაგრამ ვერას ცდით ვერ ვიპოვნე. ამაოებაში მე სული შემეგუბდა და მინდოდა, ამოვცურებულყავ. მეორეს მხარეს მოვტრიალდი და დედამინაზე ხელი მოვუსვი; უეცრათ ხელისგული ზედ დავაფარე და მაშინვე ვიცან, ჩემი ხელთა იყო. საჩქაროთ ავიღე და თითზე შემოვიცი.“

როდისაც ნ–მან ივლისმა თავისი ფრთანი გაშალა და ლაჟვარდულს ზოდიქზე ბნელი წმინდა კამკამება მოეფინა და ზღვა დამყუდროებული განისვენებდა, ამ დროს მე გამეღვიძა, რომელმაც ეს დასახულებანი ვიხილე, მაშინვე უნებურნი სულთქმანი აღმომცვიდენ. ფიქრი ჩემი ვინ იცის, სად და სად დაიკარგა. მცირე ხანი აღარ გამოვიდა რა, მატროსთ უხუცესი მოვიდა და მითხრა.

– „თქვენო ბწყინვალებავ, მოგზაურმა ნიავმა დაგვბერა და რას გვიბძანებ?“

– „ეხლავ ღუზა ამოიღევით და აფრები გაშალეთ.“

სუდნა მოკმაზულს პატარძალსავით გურიევის ქალაქისკენ გავმართეთ და გავემგზავრენით. ნახევარ საათს შემდეგ საშუალოზედ ცოტათ მამატებულმა ქარმა ქროლა დაიწყო და ზღვამ მღელვარება შექმნა. მე ამისთანა მღელვარე დიდათ მიყვარს. დიახ უცხო სახენი იხილვებიან ზღვაზე და ზვირთნი შვენივრად მიმოენ-



ქრევიან. ამ დროს ის ა... სუდნის წინა ცხვირზე იჯდა და ზღვას ეტრფიალებოდა და თავის ნათქომ ლექსზე დაბლის ხმით მღეროდა.

„მიმზიდა სოფელმა ყარიბობასა,  
გარნა სახე შენი ვით ვცე თმობასა?  
სავანედ გულს ვიმყოფ, შენად სამკვიდროდ,  
ვსულდგმულობ შენგნით, ყოველს ნამს და დროდ.  
დავებარბი ტრფობას, ტრფობითვე მშვრალი,  
ჩაუქრობლად მცვივა სულთქმისა ალი.  
სული ჩემი დასწვეთს გულზე სიყვარულს,  
ნაზსა, უცხოს, წმიდას, უზადოსა სრულს.  
გემღერები სახეს, ანგელოზებრივს,  
მონარნარეს ედემს, მომფრინარობრივს.“

აფრააშვებული სუდნა ზღვას მიარღვევდა და ყელმოღერებულის მისცურავდა. ამ ყოფით შუადღემდისინ ვიარეთ, მაგრამ შემდეგ ასე ჩავარდა ქარი, მცირედი სიო არსაიდგან აღარ სისინებდა. მე გაჯავრებული მივწექ, მშიერ მწყურვალმა ასე დავიძინე, ფეხი არ გამიქნევია, მაგრამ სიზმარში ასეთს მუთანჯის ფლავს შევექცეოდი, ეხლაც პირი ჩავიმტკპარუნე იმის გემოთი, რომელმაცა სამი სინი ფლავი ასე შევეჭამე, ჩემთან მყოფს არავის არ ვუთავაზე, მაგრამ კიდევ კი მშიოდა. როდესაც გამამეღვიძა, მზეს შევხედე.

მზე ჩასასვლელათ მომზადებულიყო და ბურვილის ჰაერიდგან ასე გამონათდა, ზარბაზნიდგან გამოვარდნილს ცეცხლსა გვანდა. მატროსები ერთმანეთს ეუბნებოდენ. –„ამალამ საშინელი არეულობა უნდა მოხდესო.“ მე მატროსებს ზღვის სიღრმე ვკითხე და ხუთს საჟენს სიღრმეზე დგომა მითხრეს.<sup>1</sup> მერეთ ჩაი მამიტანეს და კარგის სუხრით ხუთი სტაქანი დავლიე და მუცელს მაგარი ბონკინტი შევეუდგი.

როდესაც ბინდმან დასალონებელი ზენარი ზღვაზე გადმოავლო და კაშკაშიანს ცაზე ვარსკვლავთ ბჭყვრიალი დაინყეს, აღმოსავლეთის ნიავემა ფოფინი დაინყო, რომელიცა ჩვენი წინააღმდეგი იყო. ამისთვის კიდე ღუზაზე დაბმული უნდა ყოფილიყო სუდნა და მოგზაურის ქარისათვის გვეყურებინა.

<sup>1</sup> ხუთი საჟენი სიღრმე ამ სუდნისთვის დიახ ღრმა არის მაშინ, როდესაც რომ საშინელი არეულობა მოხდება, ამისთვის, რომ პატარა სუდნით მივცურავდით.

ამ ნიაგმა შუალამემდისინ ერთ რიგად იქროლა და შუალამის ათი მინუტი აღარ გასულა, ერთიანი რაღაც გრიალი მოგვესმა. წინ ყარაულმა მატროსმა დაიძახა. „საშინელი პალასა მოჰქრისო.“<sup>1</sup> აბა ახლა შენ წარმოიდგინე ჩემი სუდნის ნაჩაღნიკობა. ჩემ დღეში მე ზღვისა არა ვიცი რა, არამცთუ იმისი დაწყობილობა, მაგრამ რაც შამეტყო ან წამეკითხა და ან მენახა, ისე ვკამანდობდი და ჩემს ბძანებას აღსრულებდნენ.

წინ მოყარაულესაგან ეს რომ გავიგონე, დავიძახე.

– „ყველანი თავთავის ადგილას დადექით.“ ამ დროს მოგრიალე ურაგანი ასე დაეძგერა სუდნას, ხის ფურცლებსავით შეთრთოლდა, მაშინვე ლუზა მოგლიჯა და შორს გაგვაქანა. მინამ მეორეს ლუზას ჩავაგდებინებდი, ცოტათ დაყურდა ქარი და მეორეს ლუზაზე დაე-ბა სუდნა. ამასთანავე მეორე გრიალი მოგვესმა და კიდევ შემოუბერა, ასე რომ სუდნამ ტორტმანი დაიწყო, გვეგონა, დასაშლელათ ტორტმანებსო. ესეც მეორე ლუზიდგან მოგლიჯა და კიდევ გაგვაქანა. მე უკანასკნელი ლუზა სწრაფათ ჩავაგდებინე, რომელიცა მკვიდრად დაება, მაგრამ კიდევ ურაგანს მოველოდით და თითქმის თავი გავსწირეთ დასალუპავათ.

*თუმცა დიდათ მხნეთ ვიქცეოდი და ყველას ვამხნევებდი და ვითომც არაფრად არ მივიჩნევიდი, მაგრამ ცოტა გული მიკანკალებდა.*

მატროსები ასე ცქვიტათ ტრიალებდნენ, რომ ქორწილში ეგონათ თავი.

*ამას ტრაბახში ნუ ჩამომართმევ, ასეთი გულით ვუყურებდი სიკვდილს, რომ სიცოცხლეს და სიკვდილს ერთად დავცინოდი.*

ურაგანის მომლოდინებმა ველარ გავიგონეთ მისი ღრიალი, მაგრამ ასეთმა შტორმმა<sup>2</sup> დაიწყო ქროლა, მართლა საშინელი რამ იყო. ესე ბეესაბი ზღვა ასე გაჭირვეულდა და ასე აღელდა, რომ მისი გაგიჟებული და შეუპოვარი ზვირთები საცოდავს სუდნას ევლებოდნენ და შუაში მომწყვდეულსა შესაბრალისად ხუთეგდენ, რომ რიგიანათ ლადოებზე ველარ თამაშობდა, ასე ძლიერ ეხეთქებოდნენ ზედ. და ნატეხსავით ზედ ასქედებოდნენ. ხანდისხან უღადო და უზვირთო შტორმი ისე გადააქანებდა სუდნას, წყალსა

<sup>1</sup> ურაგანს აქ პალასას უძახიან.

<sup>2</sup> შტორმი საშინელი ქარია, მაგრამ ერთრიგათა ჰქრისო.

მოაჯირით ამოიღებდა და პალუბზედ გადმოაქცევდა, რომლისა-ცა გადაბრუნება მეგონა ხოლმე. ეს მოუნყვეტელი ქარიშხალი და საცოდავის სუდნის ქანება საათნახევრამდისინ განგრძელდა. ამ საშინელების დროს წინ მოყარაულე მატროსმა დაიძახა. „გურიევ-ის მხარეს ცეცხლის სინათლესავით რალაც გამოჩნდა, მაგრამ ცე-ცხლის ალი სულ არა ჩანს და ეტყობა, გურიევზედ ახლოსა ვართ.“ ყველას გონება იმ ხმამ მოიტაცა და ყველამ მხიარულათ მივხედეთ.

ჰაერი ცეცხლის ელვარებით იყო მორთული და თვითონ ცეცხლი სულ არა ჩანდა. მაგთენი ხანი აღარა გამოვიდა რა, იმ შუა სინათ-ლიდგან ცეცხლის ნაღვერდალსავით რალაც ამონათდა, მცირე ხანი კიდევ რომ გამოვიდა, უფრო მალლა ამოვიდა, კიდევ უფრო აღმოი-წია, ზოგმა თქუა. „გურიევში რალაც იწვის.“ ზოგმა თქუა. „აფრა-ამვებული სუდნა მოსცურავს და აფრიდგან სანთლების სინათლე ჩანს.“ ზოგმა თქუა. „ზღვაში სუდნა იწვის და იმის სინათლე არის.“ ყუელას ჩუენი გონება იმ სინათლემ მოიტაცა, *ადრიდგანვე ვიცო-დი მე, რაც იყო, ამისთვის დავიძახე. –თქვენს თანამდებობას ნუ დაივინყებთ! ის მთვარეა და მეტი არაფერი. მცირედი ხანი აღარა გამოვიდა რა, სამ ნაწილ მილეულმა მთვარემ თავისი ბნელი სიბ-ნელე ზღვასა ზედა გადმოაფინა და ჩვენზე შემოტეული ლადოე-ბი კარგათ დაინახებოდა და გაირჩეოდა ხოლმე.* მაგრამ ამ დროს კიდევ დავინახეთ მესამედი განითლებული მთუარე. იმის წითელს სინათლეში ზღუასა და იმის ლელვის ლადოებსა კარგად ვარჩე-ვდით. ამასთანავე დასავლეთის მხარეს ბნელი შავი ღრუბლები წამოვიდნენ, რომელშიაც მიმოკლაკნული ელვანი ეხვეოდენ და ძლიერი ასათახთახებელნი ჭექანი ზღვასა ზედა დაგრვინარებდა, ხშირათ ისმოდა იქიდგანა. ჩვენზე ახლოს უდიდესს სვეტსავითა რალაც ტრიალებდა ზღუაზე, *რომელსაცა ჰაერისათვის მიებჯინა თავი, რომლისგანაცა საღონარი გრვვინვანი გამოხდებოდა, გრია-ლის ხმა მოდიოდა და მატროსნი უშიშრათ იძახოდნენ.*

„სიფონ, სიფონ.“

ეს სიფონი ჩუენს დანთქმას მოასწავებდა. არ დავიტრაბახებ, სწორე ვიტყვი, რომ მე განსვენებულის გულით ვიყავ, მაგრამ ვინც კი სუდნაში ისხდნენ, ისინი კი შემბრალდნენ, ის დაღონებული სალ-დათები, ქვემოთ კაიუტში იმათი სახე რომ დავინახე სანთელზე, მაშ-ინვე ამოვვარდი პალუბზე და დავემხე გულმხურვალედ ამ სიტყვით.

– „დედაო მლთისაო! შენ დაგვიფარე და ამ საშინელებისაგან გამოგვიხსენ!

მკვდარს ადამიანს რა ძალი უნდა ჰქონდეს, რომ იმას ვთხოვდეთ და ვევედრებოდეთ რასმე? მაგრამ არა, როგორც ჩვენ ვხედავთ ყოვლადძლიერის ძალის დანყობილობათ, რომელნიცა მოძრავნი არიან ცათა შინა და იმის დაწესებულებანი დაგვიმტკიცებენ იმის არსებობას; ისე იმის შინაგანის საიდუმლო რადღა უნდა გვექონდეს საფიქრებლად, რანი უნდა იყოს იმის წმინდა და ვრცელს ფურცელში, რომელსა ეწოდების სავანე?– უკეთუ მან შეიძლო და ყოველი ნივთნი სამყაროში რიგ ზედ დაანესა, მაშინ იმას რატომ აღარ შეიძლებდა, რომ ჩვენი თვალით უჩინარი შეექმნა რაიმე თავის შინაგანის დიდებისათვის.

როგორათაც ჩვენ კარგს შენობას ვჭვრეტდეთ და გვინდოდეს შინაგანის შენობის ნახვა, მინამ შიგ არ შევალთ, ხომ ველარას დავინახავთ?– ისე ყოვლის დამბადებელის ძალი არის. ჩვენ იმის გარეგანთა დანყობილობათა ვჭვრეტთ და შინაგანისა არა ვიციით რა. ნურც არავის ეგონება, მინამ ადამიანის თესლი მკვიდრობს, რომ გონებამ გამოიჩინოს იმის შინაგანი საიდუმლო.

რადგანაც ღმერთმა აუარებელი სოფელნი დაადგინა ცათა შინა, ჩვენ ესე დამტკიცებისათვის უნდა გვექონდეს, რომ უთუოთ ასეთი ცხოველი უნდა შეექმნა, რომელსაცა თვით ის ღმერთი! გრძნობით ეცნა; რომელნიცა აი ვიცნობთ და ვხედავთ იმის საკვირველებათა. თუ რომ ამისთანა მაღალი გონება მოქცვა, ქვეყნის დამბადებელს ვიცნობთ, ქვეყნის კმაყოფილებით ვცხოვრებთ და ძლიერთა მხეცთა ვუფლებთ, მაშა ის საუკუნოდ არა დაგვკარგავდა ჩვენ. ამისთვის აქ გადანყვეტიით, დამტკიცებით ვთქოთ და ღრმას საგონებელში შთავიდეთ, რომ უთუოთ სული ჩვენი იხილავს იმის შინაგანსა საკურველებასა და კეთილს ადამიანის სულს იმ უფლებას მისცემს, სასწაული გამოაჩენინოს. ამისთვის, რომ თვით ის ღმერთი! კეთილად არის აღშენებული.

ყურადღებით რომ ვჩრეკდეთ ყოველსა, ამა სოფელში მრავალს სასწაულს ვიხილავთ.

რა არსება არის სული?

სული არის წმინდა და უწმინდესი იფრიფანა ცხოვრება, ყოვლად შემძლებელის გამოსულთქმული ძალი, შთადენილი ადამიანის აგებულებაში და განრთხმული ყოველს ნაწილსა შორის, რომელიცა

იგი სული იმ ღვთაებრივის დამოკიდებულობით სუფევს საუკუნოდ.  
კაცი ღვთის რალაც ფერფლი არის.

უკეთუ მან შეადგინა ომეოპატი; იმისი ერთი ნვეთი რაოდენს-  
ამე ნვეთათ განიყოფება, რომელსაცა დასასრული არ აქუს და იმი-  
სი დაუსრულებელი უკანასკნელი ნვეთი მოქმედებს ავანტყოფთა  
ზედა, მაშა ღვთაებრივსა ძალსა არა შეეძლო, თავისი უხილავი ცხ-  
ოვრება ადამიანისათვის გადმოეცა, რომ ის ცხოვრება საუკუნოდ  
მოკვდავი არა ყოფილიყო? რომელსაც ენოდება სული?

კიდევ ამას ვიტყვი. იმ შინაგანის ღვთაებისა!... ცხოვრება არა-  
ვინ არ ვიცით. ყველანი სხვას განვსჯით.

ამ დროს უფრო მეტმა ქარმა ქროლა დაიწყო, ასე რომ სუდნის  
ცალცალკე თავებმა და თვით იალქანმა თვით ასეთი ზარი და მო-  
სანყელელი ხმა აუშვეს, რომ გეგონებოდათ, დაბურვილს ტყიდვან  
ბუკების ცემა არისო.

„ბუნებაო, რალა ეხლა გააღე კარი ეგე, რომლისაგანაც გა-  
მოჰქრის ეს საშინელი ქარიშხალი, რომ ამ ბეერაბის კასპიისაგან  
განვთავისუფლებულ ვიყავით და ქვეყანაზე მშვიდობით გადავმხ-  
ტარიყავით“. იქნება თვით შენ ჩემზე დღესასწაულობ, ამა აღრე-  
ნილმა თავის გაცოფიანებულს დორბლებში შთამნთქას?

„განგებო, თვითონ შენ კარგათ იცი, მე შენი რალაც მტვერი  
ვარ. რათ გინდივარ დავინთქა, ამ უდროოთ სოფელს მოვაკლდე?  
აბა რათ გინდა, ჩემის ცოლისა და წვრილის შვილებისაგან მოვის-  
პო?“ აბა რათ გინდა, რომელმანმე ნიანგმა შთანმთქას, რომელსაცა  
ერთ ლუკმათ არც კი ვეყოფი?

„ზღვაო, გახსოვს? – მაშინ, როდისაც რომ შენს პირზედ ტრფო-  
ბით აღვსილი დავდიოდი ხოლმე, უნებურნი სულთქმანი რომ აღ-  
მომცვიოდა? – უნებურნი გულის სატკივარნი ჩემი ცრემლი შენს  
წყალზე რომ დაედინებოდა?“

ამით ვნუგეშებდი. მე მაშინ ვიტყოდი, რომ იქნება, ამა ლადოებ-  
მა ესე ცრემლი ნაიღონ და ჩემს ე... ნახულს წყალს შეერთდეს და  
შეერიოს? რადგანაც ტფილისის ქალაქს წინ ჩამოუდის მტკვრის  
მდინარე და და ამ მდინარეს დაჰყურებს ე...და რასაკვირველია,  
ხშირათ ნახავს ის ე... ამისთვის, რომ ტფილისის ქალაქში ცხოვ-  
რობს. და მტკვრის მდინარე კასპიის ზღვაში შთაერევა? ამისთვის

ამით ნუგეშობდა ის ა... და ამას ამბობდა.

„შენ იყავ ჩემ ნუგეშათ, ზღვაო, შენ იყავ ჩემი დროების განმატარებელი, შენ იყავ ჩემი მწუხარების მონანილე და შენ იყავ იმ უდაბურს ადგილს ჩემ ჭეშმარიტ მეგობრათა. მშვიდობით ზღვაო და კიდევ მშვიდობით. ეს ეს არის, საუკუნოდ ვეღარ გნახავ. თუ შენი წყალი დაილეოდეს, ერთი კარგათ დაგენაფები, შენი გემოვნება სახსოვრათ მაინც ჩავიტანო.“

„ახ, თავო ჩემო, რაებს ლაპარაკობ და რაებს როტავ? – ასე როგორ მოუძღურდი და ასე როგორ იშიშვი, სიკვდილისა გეშინიან? – ფუ, როგორ არ გეთაკილება?“

„შენ რა არ გამოგიცდია? სიხარული მრავლობით მიგიღია ბევრი... და სიყვარულში ხომ გიფუფუნია, მასშიგან განცხრომილხარ ყოვლის სიტკბოებით... სიმწარეში და მწუხარებაში ხომ რასაკვირველია. ერთის სიტყვით, ამ სოფლის ცხოვრებანი ყველა მიმიღია, ავი თუ კარგი. მაშ რალა გინდა თაო ჩემო, კიდევ? იქით გადასულხარ შენ, ალექსანდრე და შენ შენი სრულებით მიგიღია და მოგცემია. – თუმცა კიდევ დროები მაქვს ამ სოფელში ცხოვრებისა, მაგრამ ამ ჩემს ოცდათორმეტ წელიწადში ყველა გამოვცაღე. რალა გინდა უბედურო კიდევ? – ახ, სად არის ის დრო, როდისაც ოცდაორის წლისა იყავი შენ ალექსანდრე? თაო ჩემო?“

„ეხლა დღე რომ იყოს, რავდენს საუცხოვოს სახეს ვნახავ ამ ზღვის ქედებზე? “ რავდენის ტრფიალებით ავივსები?

„შენი აღრეულობა მე განმაკვირვებს, მე შემაძრწუნებს და ვინ იცის, რავდენის კმაყოფილებით ავივსები შენით? – რავდენი დროები უნდა გავიდეს, ამისთანა სახე ვეღარ ვნახო.“

„ეს მთოვარე, ამ სახითა ამოსული, ეს ძლიერი ქარიშხალი, ამ ზღვის გაჭირვეულებული მღელვარება და ამის ღრიალი!– ეს მოჭექარე და მოელვარე შავი ღრუბლები, ეს მოგრიალე და ჰაერში აღმართული წყალის სვეტი, ამ სუდნის შესაბრალისი ქანება, ამის თოკების და ამ იალქნის ზარავარდნილი ხმები, და იგრძენი გულო, რა სახესა შეესწარი, რომელიცა მეორეთ მოსვლისა ამბავსა ჰგავს და საყვირთა ცემის ხმებსა.“

ამისთანა საკვირველი ბუნებისა ნაზავი სადღა უნდა ვიხილო?

„ზღვაო, ზღვაო ჭირვეულო, აი მე მხნეთ მივეგებები ამ შენს ზვირთებს.“

ნულარ ჰყოვნი და ჩამთქას. ეგება ესე განხურვებული გული  
მაგა შენმა ლადოებმა განმიგრილოს.

ის ა..ღიახ დამშვიდებულის სახით უყურებდა იმის აღრეულობა-  
სა და დამშვიდებულის სიტყვებით ამაებას ამბობდა.

ადამიანი სიკვდილში რომ შთავარდეს, იქ ღიახ დამშვიდებით  
უნდა იყოს და უშიშრათ.

ეს დაუვიწყარი მღელვარება ამ ლამესა, ამ საცოდავს ერთს  
ნაფოტსა გარს ერტყნენ, მაგრამ სუდნის სიმკვიდრე და სიკეთე  
დიდს იმედს გვაძლევდა.

რაც კამანდანი იყვნენ, სულ ყოველთ თაბრუ დაეხვათ, რომელ-  
იცა ქვემოთის დიდი ოთახიდგან ზევით ველარ ამოვიდნენ და ზევი-  
თი კარებები დავაფარებინე, რომ ლადოები ზევით ამოდიოდნენ.

ლადოების წყალი ზევით ამოვარდნილი რამდენსამე ნაკადუ-  
ლათ იფანტებოდა და მილებში ვინროებს გაივლიდა. ასე გაშინ-  
ჯეთ, ზოგთ მატროსთ თაბრუ დაეხვათ მეტის ქანებითა, რომელნი-  
ცა ზღვაში არიან აღზრდილნი. ჩქარა გაირბენდა. თუმც ვმხნეობდი  
და თავს ვიმაგრებდი, მაგრამ ჰა, ქანცი კი აღარა მქონდა.<sup>1</sup>

რალა განვაგრძელო, ამ განწირულების დროს, წინ მოყარაულე  
მატროსმა დაიძახა მოსაწყველის ხმითა.

– „დრეიფიტი, დრეიფიტი.“<sup>2</sup>

მატროსები ძალიან მარდათ იყვნენ, მაგრამ მაინც ეშინოდათ და  
რიგიანი ფერი აღარ ჰქონდათ აღარც ერთსა სახე ზედ.

მე წიგნებში წამეკითხა, რომ ხომალდის ნაჩაღნიკი ამისთანა  
შემთხვევებში მაგრა უნდა იყოს და გული არ წაუხდეს. მითამ მეც  
იმათ მივბაძე, მხნეობა გამოვიჩინე და არად ვიმცნევიდი იმ ზღვის  
ღელვას, რომელმაცა შეუპოვრად დავიძახე.

– „ნუ გეშინინთ, ის ტიფონი (ტიფუნი) დასავლეთისაკენ არის  
და ჩვენ სამხრეთისაკენ მიგვათრევს.“ მაგრამ ეს ტიფონი ასე ახ-  
ლოს ტრიალებდა ჩვენზე, რომ მგონია ერთი ვერსტი აღარ იქნე-

<sup>1</sup> მე რომ ალექსანდროვიკიდან ვაპირებდი წამოსვლას, ჩემმა კარგმა მცნობმა  
და კარგმა დოხტურმა მობიციმა ერთი პატარა მინით კაპლი მამცა და მითხრა.  
„ვინიციობა არის, თუ დიდი ქანების გამო თაბრუ დაგეხვიათ, რამთენიმე ამის კაპლი  
შაქრით მიიღეთ და მაშინვე უკუგეყრებათ ის თაბრუს ხვევა. თუმცა დიდად შემწეობას  
მაძლევდა ის კაპლი, მაგრამ მეტი ქანების გამო ველარც ამან მიშველა.

<sup>2</sup> დრეიფიტი ის არის, რომ ქარი ლუზას ველარ მოგლეჯს და ისე თრევას დაუნწყებს  
სუდნას.



ბოდა იქამდისინ. კიდევ სხუა ჩვენი უბედურება, რომ ძალიანის ქარიშხალით ზოგიერთმა სუდნის თოკებმა ველარ შესძლეს და იალქანებზედ ჩამოწყდა. *სრულებით ჩამოწყდნენ, მხოლოდ კიბეების მეტი და იალქანმა რყევა დაიწყო და აქეთ-იქით მიმოეხლებოდა.* ქვემო ოთახიდან გვიყვიროდენ. „სუდნაში წყალი ჟონამს და ცოცოტა წყალი შემოდის.“

ხანდისხან ასეთს ზვირთსა აიღებდა ქარი, რომ დედამინა სრულებით გამოჩნდებოდა, სუდნას მინაზე დაახლიდა, მაგარამ მაშინვე სხვა მეორე ზვირთი დაეძგერებოდა და ისევ აიტაცებდა სუდნას. ვიყავით ამ საშინელებაში ჩაცვივნილი და ყოველთვის ამას ველოდით: აი ეხლა და აი ეხლა დავიღუპებითო.

*აბა რა ვთქო? უკეთუ სულ დანვრილებით აღმენერა ესე ქანება, მეტათ განგრძელდებოდა, ამისთვის, რაოდენ შევძელ, მოკლეთ გამოსთქვი.*

ამ დროს და ამ ამბავში სუდნის წინა ცხვირიდგან ასეთი ღადო ამოვარდა, იალქნის ქვეშ ვიდექი და იმ გამოქანებულმა ღადომ წამაქცია და წყალმა ზედ გადმომლახა. უამისოთაც ლაზარესავით დასველებული ვიყავი. მე მეტის თავბრუდახვევით ველარ შევიძელ ბძანებლობა და ბატკნებს რეკა დაუწყე. მატროსების უხუცესმა უსლონცოვმა და ერთმა სხვა მატროსმა მიმიტანეს, სამზარეულოს გვერდით დამაწვინეს და ჩემი ხალიჩა ტანზედ წამამაფარეს. რას ყოფით მე თავი ავიღე და უსლონცოვს უთხარ.

– „მინამ მოვსულიერდებოდე, შენ იცი. და ამ სამხედრო სალდათებმა. შენთვის მამიბარებია სუდნის ბძანებლობა. მაგარამ ახლავ იალქნები დააჭრევიწე, ამისთვის, რომ ამის მეტი ღონე აღარა გვაქვს.“

– „ღიას კარგი იქნება, თქვენო ბრწყინვალეზავ.“ საჩქაროთ გატრიალდა.

ამ ამბებში ის ჩემი უფროსი აფიცარი ქვემოთ ოთახში ძალიან ავათ იყო და ძალიანი სიცხე ჰქონდა, გულის რევა უფრო თურმე ანუხებდა. *რომლებსაცა მატროსებს ჩავვზავნიდი იმის და კამანდის ამბის შესატყობად.*

*რასაკვირველია, მე ამთენთ ადამიანთ მოვალეს და სუდნის ბძანებელს როგორ უნდა მამესვენა, მაგარამ საკურველი იყო, რამნამს სამზარეულოს ძირზედ თავი მივდე, დასველებული ტანისა-*



მოსი ველარ ვიგრძენ, მაშინვე ასე დამეძინა, რომ ბანგდალეულს ვგვანდი, რომელმაცა შესანიშნავი სიზმარი ვნახე.

*რასაკვირველია, კარგა ხანი მეძინებოდა და რომელმაცა საკურ-ველი სიზმარი ვნახე. აი ის სიზმარი.*

სადღაც, ერთს დიდს, ფანჯრიანს სახლში შეველ. პირდაპირ კედელში კარები იყო დატანებული. მიველ, ის კარები გავაღე და შიგნით შეველ. მივიხედ-მოვიხედე, ვნახე, ერთი პატარა ოთახი იყო. რამთენიცი ვეცადე, რომ ისევ გამოვსულიყავ, მაგრამ ვერას ცდით ველარ გამოვედი. პირდაპირ შევხედე, ვნახე, შემოსულს კარებისა წინ სხვა კარები იყო კედელშივე დატანებული, სრულიად ნიგვზისა, ლაქით მოელვარე. იმ კარებთან მიველ. ვცდილობდი, გამელო, მაგრამ ვერას ცდით ვერ გავაღე. მასუკან რაზას დავუწყე ძებნა, მაგრამ ვერც რაზა ვუპოვნე. დაბლა რომ დავიხედე, შუა კარების ნაპირზე, პტყელი რკინის კლიდე ვნახე კარების პირში დატანებული და იმითი იყო დაკეტილი. დიახ ბევრი ვაცოდილე, გამელო, მაგრამ ვერას ცდით ვერ გავაღე. ძალიან შევწუხდი და მეგონა, აქედგან ველარ გავიდოდი. ამ მწუხარებაში როგორღაც მარცხნივ მოვიხედე, ერთს დაბალს კრაოტზე ერთი შავ ჩაცმული, შავქათიბიანი დედაკაცი ზედა და გაკვირვებით ვთქვი: ჩემი შემოსვლის დროს აქ რომ არ იყო ეს დედაკაცი, ახლა ვინ შემოიყვანა-მეთქი. როდისაც შემამხედა, მაშინვე წამოდგა. შევხედე, საშუალო ხნის დედაკაცი იყო, მოშაო თუალებიანი, თხელი გაყოფილი მოშაო წარბი ჰქონდა, პატარა სუფთა ცხვირი და უცხო მოთეთროს პირმრგუალის სახით მხიარულად მიყურებდა. იმის წამოდგომაზე მე სამი-ოთხი ნაბიჯი გადავდგი წინ, იქიდგან ის მომეგება და ამ დროს მეც ეს ვთხოვე. – დედაშვილობას, თუ იცოდე, ამ ოთახიდგან გამიყვანე და განმთავისუფლე-მეთქი.“ იმან მარჯვენას ხელით გძელი რკინის გასაღები მომცა და მითხრა. – „აი ამით ის კარები გააღე.“ მაშინვე გამოვართვი, მიველ, იმ ნიგვზის კარების კლიტეს ჩავუგდე. რამწამს გადავატრიალე, კლიტემ წკატანი მოილო და კარები თავისთავათ გაილო, რომელიცა სიხარულით გამოვედი და მინდოდა, გარედგან როგორმე დამეკეტა, მაგრამ ველარაფრით ველარ დავკეტე, ისე მიგულვილი დარჩა. შემდეგ მარჯვნივ მოვტრიალდი, ერთი ვიწრო ტალანი იყო, წინ კედელი არა ჰქონდა და გახსნილი ჰაერი სრულად ჩანდა, რომელსაცა კიდევც გამამელვიძა.

როდესაც ავიხედე, მზე მაღლა იყო ამოსული, უნიავო ზღვა ასე დამყუდროებული იყო, რომ სწორე მინდორსავით გარს გვერტყა, მაგრამ სრულებით ამღვრეული იყო დიდი მღელვარების გამო. მე იმედგადაწყვეტილმა, ეს რომ ვანახე, დიდათ მიამა, მაგრამ ახალი ნამძინარევი არ ვიჯერებდი და ჩემთვის ვფიქრობდი. – „იქნება, იმ ზღვაში დავიღუპებით და ჩემი სული ამას ხედავს სადმე-მეთქი?“ – ამას რომ ვფიქრობდი, მატროსების უხუცესი მოვიდა და მხიარულის სახით მშვიდობის რაპორტი სიტყვით მითხრა. მე გიჟსავით წამოვარდი, ხმა არავის არ გავეცი, საჩქაროთ ოთახში ჩავიბრინე, აბგიდან ჩემი პატარა ღვთისმშობლის ხატი ამოვიღე, ერთს კარგს ადგილას დავასვენე, წინ წმინდა სანთელი ავუნთე და მადლობის თაყვანი ვეცი გულმხურვალეს ცრემლის სიტყვებით. მასუკან მაღლა ამოვედი, სუდნას თვალი მოვაგლე, ვნახე, ასე განყობილი იყო, როგორც პირველათ მენახა. მე ამისთვის მადლობა ვუთხარი მატროსების უხუცესს და მერეთ კითხვა დავუწყე.

იმან მითხრა.

– „საკურველი იყო, თქვენ რომ დაგანვინეთ, ხუთი თუ ექვსი ცული არ დაგვიკრამს იმ დიდის იალქნისათვის, ის საშინელი ქარი მაშინვე ჩავარდა.“

– „ის წვრილი ლუზები ამოაღებინე თუ არა?“

– „დიახ, ამოვალებინე, თქვენო ბნყინვალეზავ, მაგრამ ორსავ ოროლი კბილი ჰქონდა მოტეხილი. ეს ახალი სუდნაც ასე შეირყა, თუ კიდევ მღელვარება მოგვიხდა, უთუოთ დავიღუპებით.“

– „ნუ სწუხარ, აღარ მოგვიხდება.“ ამაში ჩემი ტანისამოსი თუმცა გამშრალიყო, მაგრამ მაინც კიდევ ტენი ჰქონდა და სხუა მშრალი ჩავიცვი.

*ჯერ მე ოცდაცამეტის წლისა არავარ შესრულებული, რომ რა არა გამამიცდია და რა არა ვადამხედია? ხუთი წლიდგან, ვიდრე აქამომდე, უბედურება თანა მდევს და შემდეგ არ ვიცი ჩემი გარემოება, როგორ დასრულდება:*

*ა. ვგონებ ხუთი წლისა ვიქნებოდი, მაშინ, როდესაც რომ მუხრანიანთ სახლში ვიდექით, ერთს დილაზე კარზე ვთამაშობდი და თამაშობით დაღალული სამხრეთ დასავლეთის მხრის გაღავნის კედელ ქვეშ დავჯექი და მინდოდა დამესვენა, რომელიცა ეს კედელი დიახ ძველი იყო. ამ დროს კედელი გადმოიქცა და საკურველი*

იყო, ჩემს გარშემო ასე გადმოცვივდა, რომ მე შუაში მომწყვდეულ-სავით დავრჩი და გაშტერებული ვიყურებოდი, რომ მშვილობით როგორ გადურჩი. –

ბ. თავად იოანეს ძის, ლუარსაბ ორბელიანის ქორწილი იყო თა იოვანე ბექთაბეგოვის დიდს დარბაზში, სადაც აუარებლნი სტუმრები იყვნენ. შუალამისას სახლის დანვა დაიძახეს, ეს დუნდ-გო ხალხი, ერთს ქუჩისაკენ გამოსასვლელს კარებს დაეძვერნენ, რომელიცა მას კარებთან ვიდექი, მაშინვე წამაქციეს და ამთენმა ხალხმა გაუკითხავათ ჩემზედ სვლა დაიწყეს, რომელმაცა წამსვე გონება დავკარგე, შემდეგ თვალნი აღვახილე ექვსის წლის ყმანვილმა და ვნახე, რომ ჩემ მშობელს დედას კალთაში უწექ, მამა თავს მადგა და ორნივე მწარის ცრემლით დამტიროდენ. ჩემი გამომხსნელი იყო თა იოსებ გიორგის ძე მელიქოვი (რომელიცა იმის მოვალე ვარ). მასუკან შევიტყევი, რომ სახლის დანვა სიცრუით დაეძახათ, ამისთვის, რომ რამთენიმე მოქალაქე შეთქმულიყვნენ და ხალხის აშლის დროს, სათამაშოს სტოლებს მიხვეოდნენ, ასუნასის და ბიდურის ფულები ეტაცათ, მერეთ იანგარიშეს, ათას ხუთასი თუმანი მეტი დაიკარგა. მამიჩემის ორასი ოქროც იქ შთაინთქა. თუმცა შემთქმელნი იპოვნეს, მაგრამ სირცხვილის გამო დაჰფარეს. ოჰ! უსვინდისო საქართველოს სომხებნო. –

გ. კედლის მისადგმელი კიბე, რასაკვირველია, ვიცით ქართველებმა. ეზოში მისადგმელს კიბეზე იყო ჩამობმული თოკი, რომელსაცა შვიდის წლისა, სიყმანვილის გამო მას თოკს ვეთამაშებოდი, ზედ ვეფოფინებოდი. როგორღაც თოკი გადმოვზიდე, კიბე აღიმართა, მე ველარ გაუსნარ და კისერზე ასე დამეცა, რომ მაშინვე გულს შემამეყარა. როდესაც მოსურხელდი, შევხედე, რომ ჩემ გამდელს კალთაში უწექ; ჩემნი მშობელნი გვერდ მისხდენ და აქიმი სასუნებელს წამალს მასუნებინებდა.

დ. რვის წლის ყმანვილი კრივის საყურებლად წაველ, რომელთაცა ჩემ მშობელთ არ გამოვეთხოვე, ავლაბარში რომ გაველ, იქ ჩემი მარიამა ძიძა დამხვდა და თავის სახლისაკენ წამიყვანა, როდისაც შინ შევედი, მე მარტო დამაგდო და თვითონ ხილის საყიდლათ წავიდა. ამ დროს, ეს დაძველებული სახლი სრულიად ჩამოწვა. მე აღმოსავლეთის მარჯვენა მხრის კუთხეში დავრჩი და ნახე ჩემი ბედნიერება, რომ რომელს მხარესაც მე დავრჩი, იმ ქერის ბოლოე-

ბი არ ჩამოვარდა და კუთხეში მოკუნტული ვიყავი. მაშინვე ქალაქის ხალხთა ჯერი აიღეს და მე მშვიდობით ამამიყვანეს. სანყალი ჩემი ძიძა თმა განენილი, ლოყებ გლეჯით და საცოდავის ტირილით ზედ გადამეხვია.

ე. ამ შემთხვევის შემდეგ ერთი კვირა აღარ გამოსულა, რომ ქუჩაში ვთამაშობდი, ამდროს ჯილაგ დაყრილს ცხენს ვილაც მოაჭენებდა, მე მას ვერ გაუსწარ და ქვეშ მამიტანა, რომელსაც ცნობა მიმელო. ოდეს გონებაზე მოვეგე, ვნახე, რომ ქვეშაგებში ვინეტი, ჩემი მშობელნი გვერდ მისხდნენ და ცრემლით ერთმანეთს ეუბნებოდნენ: „ეს ჩვენი შვილი უბედურობის ეტლზედ არის დაბადებული“. –

ვ. მე ცხრის წლის ყმანვილს, ჩემი პატარა ძმა დიმიტრი ხელში მეჭირა და ეზოში დამყავდა. ამ დროს მოსამსახურეთ თივა გამოიტანეს, ჭიაკოკონა აანთეს და ზედ ევლებოდნენ. მე აღვზნებულს ცეცხლთან მივედი და ზედ დავყურებდი. ამ დროს თაბრუ დამეხვა, მას აღვზნებულ ცეცხლში ჩავარდი და ჩემი ძმაც შიგ ჩავიტანე. მე წამსვე გონება დავკარგე, როდესაც მოვსურვილდი, ვნახე რომ კიდევ ჩემ ქვეშეგებში ვინეტი და მშობელნი გვერდთ მისხდნენ. მაშინვე მე ჩემი ძმა მოვიკითხე. ჩემი ძმა ხელში აყვანილი შემოიყვანეს და იცინოდა. როდისაც ეს შემემთხვა, შუა დიდ მარხვის ოთხშაფათის ღამე იყო (ჩვენში კუდიანების ღამეს რომ უძახიან). –

ზ. ამის შემდეგ ე. ტფილისის დიდი ჭირი გაჩნდა, რომელთაც ერთა შორის შერყეულობა იყო. ერთს დღეს, მე მშობელთ შეუტყობრად ავლაბარში გაველ და სიცვლქის გამო მარტო დავიარებოდი, კუალად ჩემი უბედურობის გამო გული შემინუხდა და მაშინვე ნავიქეც, როდისაც თვალნი ავახილე, ვნახე, რომ ჭირიანი კაცების გვერდით ვინეტი (როდისაც ტფილისის ჭირი გაჩნდა, არამც თუ ჭირიანებს, მცირეთ ავათ ვინმე რომ გახდებოდა, ისიც ჭირიანებთ შორის მოემწყვდიათ და ქალაქს გარეთ ერეკებოდნენ). მე რომ ნაქცეული ვენახეთ, ამ დროს პოლიციის რუსის დესეტნიკებს ჭირიანები თურმე მოჭქონდათ ურმით, მაშინვე მე ავენიეთ და ურემში ჩავეგდეთ, მე რომ ეს ვნახე, მაშინვე ტირილი დავიწყე, მაგრამ ვინ გამიკითხავდა?! ქალაქს გარეთ რომ გაგვიტანეს, იქ რალაც მოთანამდეებე თ ა დავით ეგნატის ძე თუმანოვი დამხვდა. მე რომ შემამხედა, მაშინვე მიცნა და ურმიდგან გადმომაყვანინა. მე ყოვე-

ლივე უთხარი, ჩემ დედმამას შეუტყობრად სიარული და გულის შენუხება. ორი დესეტნიკი გამამატანა და შინ გამამგზავნა. ჩემი დედმამისაგან დიადი რისხვა მივიღე. საკურველი იყო, არც მე გავხდით ავად და არც შინაურნი. როდისაც უხილავი ძლიერება ჰფარავს ადამიანს, ყოვლის საშინელებისაგან გამოიხსნის. –

ფ.

გაიგონე.

ი.

ივლისის რვასა დღესა სუდნა ჩვენი სრულის აფრებით მისცურავდა გურიევის ქალაქისკენ, რომელსაცა ეჭვი აღარ მქონდა, ზღვის არეულობა კიდევ მომხდარიყო, ვინიცობა არის, თუ ღმერთი! გასწერებოდა ჩვენს ცოდასა და კიდევ ეგრეთივე აღრეულობა, მღელვარება მოგვხდომოდა, როგორათაც მეშვიდე ივლისსა შეგვემთხვა, ღმერთმა! შენს მტერსაც ნუ მისცეს; ამისთვის, რომ აუცილებელი დალუპა იქნებოდა ჩვენი. ამისთვის ღვთის! მიმდომთ აღარ გვეშინოდა აღარ გვექონდა ფიქრი ზღვის აღშფოთება კიდევ ყოფილიყო მაგრამ სალამოჟამზედ ქარი დადგა და სუდნა ისევ ღუზაზე დავაბით, დავაყუდეთ. [მინამ ვახშამს ვივებდით, მანამდისინ იმან და იმ ა... დაინყო თავისი ამბავი, მაგრამ სუდნის წინა ცხვირზე ვადამჯდომელმა ასე მოჰყვა თავის ამბავს ა... ] მინამ ყველანი ვახშამს ვჭამდით, მე და ის ა... სუდნის წინა ცხვირზედ ვისხედით, რომელიცა კიდევ მოჰყვა თავის ამბავს.

– „ჩვენმა მშობლებმა და ჩვენმა ნათესავებმა ასე გადახვეული რომ გვნახეს მე და ის ქალი, ბევრი იცინეს. ჩვენი სიძე ივანე მოვიდა ჩვენთან, პატარა ქალი ხელიდგან გამომართო, მე ეს დიდათ მენყინა, პატარა ქალმაც ტირილი დაინყო და ჩემკენვე გამოინია, მოსულიყო. მე რომ ნამტირალევი დავინახე, მივედი და დავაჩუმე. იმან მასუკან ხელი დამიჭირა, მეორე ოთახისკენ წავიდა და მეც თან წამიყვანა. ამაზე უფრო ბევრი სიცილი აუტყდათ ყველას. მაგრამ კიდევ ყველას უკვირდა ყმანვილებისგან, ნამეტნავად პირველისვე ნახვასთანავე ესრეთ რომ შევეთვისენით და რომ ესრეთის სიყვარულით შევიყარენით.

მიმიყვანა, ტახტზე დაჯდა, მეც გვერდით დამისო. მერეთ წამოდგა, ერთი პატარა ყუთი მომიტანა და მითხრა.

– „ეს ჩემი კუკების ყუთი აღის. ერთს კუკას შენ გაჩუქებ. მე რომ გაცუქე, შენც უნდა მაცუქო“. ამასთან ამიღო და ერთი კუკა მამცა. სახსოვარსავით მაჩუქა და ჩემგნითაც ეგრეთვე ითხოვდა. შემდეგ მეფე დედოფლობა ვითამაშეთ, კუკების ქორწილი გადავიხადეთ. ამობაში ჩვენი მშობლები, ჩვენი ნათესავები ჩვენთან შემოვიდნენ და იმათში ერთმა ნათესავმა დაიძახა.

– „აი, ბატონიშვილო, ეხლავ სწავლობენ, ქორწილი როგორც უნდა გადაიხადონ.“

მინამ ისინი იტყოდენ რასმე, მანამდისინ პატარა ქალმა უპასუხა.

– „მამიდა ბაბაღე, ლა გინდა, დაგვეხსენი.“

მამიდა ბარბარემ. – „კატინო, ეგ პატარა ბიჭი რა არის შენი?“

პატარა კატინამ. ჩემი სანდლოა.

ყველამ გაიციინეს.

მასუკან მე მკითხეს. – „სანდრო, ეგ პატარა ქალი რა არის შენი?“. მე ასე შემრცხვა, ხმა ვერ ამოვიღე. მერე პატარა კატინამ მე მითხრა.

– „სანდლო, ასე უთხალი, ჩემი კატინა აღის-თქო.“

ამაზე უფრო ბევრი იციინეს. შემდგომ ყუელამ.

– „ღმერთმა ინებოს, რომ ეს ორივე ბედნიერები იყვნენ.“

„საუცხოვოს ყიზილბაშურის საფენით მოფენილს იმავ სახლშივე ისხდნენ ჩამწკრიებულნი თავთავის რიგზე ყუელანი და სადილს ელოდნენ. ჩვენ ორნი ყმანვილები დედაჩემს ბატონიშვილს გვერდით ვუსხედით, რომელიც ხშირათ გვიალერსებდა. ამობაში სადილის შემკულება მოიგანეს: ვერცხლის სურები, სხვადასხვა ღვინოები, ვერცხლის აზარფეშები, ვერცხლის თასები, ვერცხლის ჩარექები, ვერცხლის სამარილები და საუცხოვო ყალანქრის სუფრები. ესენი სულ დახატულს ხონჩებზე ეწყო. მერე თითბრის ტაშტი და თითბრის ალთაფა მოიგანეს, რომელმაცა საუცხოვოთ ჩაცმულმა მოსამსახურემ, ყიზილბაშურ აბრეშუმ ქრელნიინდიანმა საფენზე გადაიარა, ბატონიშვილიდგან ყველას რიგით ხელები დაგვაბანინა დაჩოქილმა და ეგრეთვე ჩაცმულს სხვა მოსამსახურეს თეთრი ხელსახოცები ეჭირა რიგზე დაკეცილი და თითო ხელსახოცს იმას მიართმევდა, ვინც ხელს დაიბანდა. ხელის დაბანის შემდეგ სუფრები გაშალეს. მასუკან თეთრტარიანი დანა-ჩანგლები და თითო ვერცხ-

ლის კოვზი თვითეულად დაუწყეს წინ. *მერეთ როგორც ვიცით, ისე გაამხიარულეს სადილი და სუცხოვოს საქსონის თეფშებით და მათ-ლაფებით არაიშვიათად იცვლებოდა ახალ-ახალი საჭმელი.* რალა გავაგძელო, სადილი გამხიარულდა თავის რიგის სადღეგძელოებით და სხუა და სხვის მართებულის ლაპარაკით. მგონია, ათი თუ თორმეტი რიგი სხვადასხვა საჭმელები მოგვიტანეს და ყველას წინ ჩაუმნკრიეს. *შეიქნა სიმხიარულე და სხვადასხვა მოსწრობილი ხუმრობა გამრავლდა.* ცოტა ვთქუა, მგონია, სამ საათამდინ გაგრძელდა ის სადილი, ასე რომ, პატარა კატინამ ველარ მოითმინა იმთენი ხანი ჯდომა და ჩემ მუხლზე წამამინუა და ტკბილად ჩაიძინა.“  
თუმცა უშლიდნენ, მაგრამ ბატონიშვილმა დედამ არ მოუშალა ასე წოლა და სანყალმა ასე ტკბილად დაიძინა ჩემს მუხლზე, რომ უკეთესი ძილი არ იქნებოდა.

ასე ტკბილად ნამძინარევი რომ ნახა ის პატარა ქალი თავის-მა მამამ, წამოდგა, ჩემის მუხლიდგან აიყვანა და მეორეს ოთახში გაიყვანა. მე მენყინა. როდისაც სადილი აიღეს, ხელი დაიბანეს, შევხედეთ, ის პატარა ქალი ჩვენთანვე გამოვიდა და ახალი ნამძინარევი ასე წითლად ჰყუაოდა, მაისის დილის ვარდს გუანდა. ჩემთან მოვიდა, პირველს ადგილსავე დაჯდა, რომელთაცა ყველამ ალერსი დაუწყეს, ზოგმა რა უთხრა და ზოგმა რა. უცხოს მოტიტინარეს ენით ისიც ყუელას პასუხს აძლევდა. ამოობაში ყავაც დალიეს. ყავის შემდეგ კაცები მეორე ოთახში გავიდნენ, ქალები იმ ოთახშივე თავთავის მუთაქაზე წამონვნენ და მოსვენებით დაიძინეს. საათ-ნახევრისა თუ ერთი საათის ძილის შემდგომ კაცები ყაბახის მეიდნისაკენ წავიდნენ სასეირნოთ, ქალები თავთავისად დასხდნენ და მშვენიერის სიტყვით საუბრობა დაიწყეს. მე და ჩემი კატინა ცალკეს ოთახში ვიყავით და კუკებს ვთამაშობდით. ამ ყოფით ბინდამდისიმ გავატარეთ. ბინდისას კაცები ისევ მოვიდნენ და სულერთიან იქვე შევიყარენით, სადაც სადილი ვიგემეთ. ამ დროს ჩაიც მოიტანეს, ჩაი რომ დავლიეთ, ჩემმა და კატინას მშობლებმა პირობა დადეს ჩვენის ცოლქმრობისა, რომელთაცა ერთმანეთს გვაკოცნიენს და ყუელამ გულმოდგინეთ დაგვლოცეს ორნივ. მაგრამ როდისაც ჩემი მშობლები შინ წამოვიდნენ, პატარა კატინა უკან გამამეტირა. „მე სანდროსთან წავალო.“ მაშინვე ერთმა მოახლემ სახლში შეარბენინა *ისე მტირალი. სხვები კი, ამის მნახველნი სუყველანი იცინოდ-*



ნენ. მე კი ცოტათ ამამიჯდა გული, რომელთაცა ჩემმა მშობლებმა დამაჩუმეს და სიცილით დამიყვავეს.

მეორეს დღის დილაზე ჩაის ვსომდით, შევხედეთ, ჩვენი მოყვრების მოახლემ პატარა ქალი კატინა შემოიყვანა და ჩემ მშობლებს მოახსენა.

– „თითქმის ნუხელის გათენებამდისინ არ დაუძინია. სულ იძახოდა. სანდროსთან ნამიყვანეთო.“ ჩემმა მშობლებმა სიამოვნით ბევრი იცინეს, ბატონიშვილმა დედამ თავის კალთაში ჩაისო, მერეთ, მე რომ კატინამ შემამხედა, ასეთი სახე გაუკეთდა, იტყოდით, სიხარული გადაეფინაო.

მინამ ქალაქ ტფილისში ვიყავით, მე და ჩემი კატინა ყოველ დღე ერთმანეთს ვხედავდით. ხან ის ჩემთან იყო და ხან მე იმასთან. ამ დროებში მე შკოლაში მიმბარეს, მაგრამ სალამოზედ მაინც კიდე ვნახამდით ერთმანეთს. ამაობაში ის ქალი შვიდის წლისა შესრულდა. ამ დროს მამაჩემი ცოცხალი აღარ იყო და ის ქალი ერთს პატიოსანს, ძველებურად გაზრდილს აზნაურიშვილის ქვრივს მიაბარეს შეგირდათ, რომელსაცა სამლო წერილს ასწავლიდნენ და მეც ამ დროს შკოლაში დავდიოდი რუსულ ქართულისა სასწავლებლად, მაგრამ სალამოჟამზე, შინ რომ მოვიდოდით, მაინც კიდე ვნახამდით ერთმანეთს.

*რალა გავაგძელო. ასე შევიზარდენით ერთათ. მინამ შვიდი წლისა შესრულდებოდა ის ქალი, დღე არ გამოვიდოდა, რომ ერთმანეთი არ გვენახა. მხოლოდ თვინიერ თუ რომ ან სოფელში წასვლა არ გავყრიდა, ყოველდღე ერთათ ვიყავით აღერსით და სიყვარულით. პირველი ჩვენი ნახვა გადარევით და კოცნის გადახვევით იყო ხოლმე; და ჩვენი მშობლები უფრო ამისთვის არ გვიშლიდნენ ერთათ ყოფნას და სიყვარულს, რომ ყოველს ჩვენს სიყვარულს უფრო ყმანვილობას მიაჩემებდნენ.*

ერთს დილაზე, შკოლაში რომ მივიდოდი, იმ ქუჩაში ის პატარა კატინა დამხვდა ერთის თავის დედის მოახლითა, რომელიცა ისიც შეგირდათ მიჰყუანდა. ჩვენ ჩვეულებრივ ერთმანეთს გადავეხვიენით და ერთმანეთს ვაკოცეთ, მაგრამ მკაცრ მოახლეს არ იამა ასეთი ჩვენი თამამობა და გაჯავრებით გვითხრა.

– „ახლა ხომ ყმანვილები აღარა ხართ, რომ კიდე ყმანვილებსავით იქცევით. აქამდისინ კიდე შეგეფერებოდათ ერთმანეთთან



თამაშობა, ახლა კი აღარ შეგეფერებათ.“

გაჯავრებულმა მოახლემ იმედისეულმა მოჰკრა ხელი ქალსა და საჩქაროთ წაიყვანა. კატინამ ტირილი დაიწყო, მეც ამამიჯდა გული, მაგრამ გზაზედ ჩემმა ლალამ ბევრი დარიგება მითხრა.

როდესაც სალამოზე შინ მოვედი, ჩემ მშობლებს გამოვეთხოვე, ჩვენ მოყვრებთან წავსულიყავ, რომელთაცა ნება მამცეს. როდისაც მიველ, თუმცა სიყვარულით და ალერსით მიმიღეს, მაგრამ ჩემი კატინა კი აღარ მაჩვენეს.

იმ შეჩვენებულს მოახლეს ერთიათათ მიეტანა ჩვენი ქუჩის შეყრის ამბავი და იმთენთან ესეც ეთქუა.

– „როგორ გეკადრებათ, რომ მთელი ქვეყანა თქვენ ორს დიდკაცის სახლებზე იცინიან. ორს უსუსურს ყმანვილებს ამისთანა თამაშობის ნებას აძლევთ, რომ სირცხვილით თავი მოგეჭრათ ქვეყანაში?“

მართლა, პატარა კატინას მშობლებს ეფიქრათ, ჩვენი, ქართველების წესით, თუ ერთაჭამა არ ექნათ ჩვენთვის, აღარ უნდა გვენახა ერთმანეთი. მაშინ, როდესაც რომ ერთაჭამადისინ ბევრი დროები იყო. მინამ სრული წლისა არ შევიქნებოდით, მინამდისინ ერთაჭამას ვერ გადაგვიხდიდნენ. ამისთვის ჩემი მშობლებიც თანახმანი შეიქნენ, რომ მე და ჩემი კატინა იმ დრომდისინ ველარ ვნახავდით ერთმანეთსა. მე ამაზედ წელმონყვეტილსავით შევიქენი.

ისის იყო, ველარც ვნახე და ველარცრა გავიგონე რა ჩემი კატინას ამბავი, ასე დაამწყვდიეს.

იმის ნახვით სრულიად უიმედო დავრჩი. სიყმანვილემ იმოქმედა, რომ სრულებით დავივიწყე და აღარც ჩუენს მოყვრებთან გავიარე.

გავიდა თვეები, გავიდა წელიწადები და ამ დროებში ბევრმა ამბებმაც გაიარა. როდისაც ჩვენი მოყვრები დედაჩემთან მოვიდოდნენ, პატარა ქალს აღარ მოიყვანდნენ ჩვენთან და როდისაც დედაჩემი იმათთან წავიდოდა, აღარც მე წამიყვანდა. ასე დავშორდი ჩემს კატინას და დამავინყდა კიდეც. ბოლოს მე 1817-ს წელსა, დეკემბრის თვეს, მეშვიდედს კარაბინერის პოლკის სამხედროს სამსახურში შევედი დედიჩემის ნებითა, სადაც 1819-ს წელსა პრაპორშიკობის ჩინი მამივიდა. მაშინ მე ჩვიდმეტის წლისა ვიყავი და ჩვენმა პოლკოვნიკმა ტფილისის ქალაქში მამიყვანა პირველს

ბატალიონში, რომელიცა ყარაულში დავიარებოდი. ერთს სალამო ჟამს ქალაქის ერთს რომელსამე ქუჩაში მივიდოდი. ამ დროს ერთს სახლის ფიცრულზე ერთი ლამაზი ქალი გამოვიდა და ბოძის მოფარებით ყურება დამინყო, მაგრამ იმან ჩემი ყურადღება ვერ მოიტაცა და სრულებით არა დავდიე რა.

ამის მეორე დილაზე დიახ ადრე გამეღვიძა, ჯერ სინათლე არ იყო ამოსული, მაგრამ მაგთენი ხანი აღარა უკლდა რა გათენებას. რამთენი ვეცადე, დილის ძილით მესიამოვნა, მაგრამ მომჩქეფარე მტკვრის შუილმა აღარ დამაძინა. ამობაში კიდევ ინათლა და ავდექი, დილის ცისკრით მაინც მესიამოვნა. ფიცრულზე გაველ და სკამზე დავჯექი, მტკვრის ნაპირზე მომცურავი ნავტიკი დავინახე ჩვენს სახლზედ მოახლოვოდ და ზედ ერთი ნიჩბიანი ყმანვილი კაცი იჯდა და ერთი ლამაზი ქართველა გვერდით უჯდა, რომლებიცა მხიარულებითა ერთმანეთს შელიმებდნენ და ერთმანეთს დაბლის ხმითა რალასაც ელაპარაკებოდნენ. მტკვრის გაღმა რიყეზე ქართული ურმები მორახრახებდა და ზედ მეხრე გაჭიანურებულის ხმით ოროველას იძახოდა. რიყეს იქით ფრიალო გაშლილი კლდის მთა წამოადგება, რომელსაც ეწოდება ავლაბარი, საიდგანაც ზურნისა და დაბდაბის ხმა ისმოდა და სიმხიარულის ყიჟინა.

ამ გაზაფხულის ჰაერი ასეთი დახვეწილი ჰაერი იყო, უწმინდესი აღარა იქნება რა. ამ დროს აღმოსავლეთის კეთილ სასიამოვნო კარი გაიღო და დიდებული სინათლე თავის დისკოთი თავის საყდარზედ ამოვიდა, საიდგანაც იმის სხივნი ქუეყანასა მოეფინა.

ბუნების ჭვრეტით დავილაღე, მასუკან მოსამსახურეს დავუძახე და აბანოს იარალი მოვამზადებინე. მაგთენი ხანი აღარა გამოვიდა რა, აბანოსკენ მივდიოდი, რომელიცა ჩემი საყვარელი მელიქიანთ აბანო იყო, ამიტომ, რომ იქ ერთი ნელთბილი წყალი არის და სულ იმ წყალში ვბანაობდი ხოლმე.

მივედი და მეაბანოვეს ვკითხე: – „მე რომ აუზში ვბანაობ, ის აუზი ხალვათია თუ არა?“

– „დიახ ხალვათი გახლავსთ, მაგრამ მეორეს ნახევარს აბანოში ქალები არიან.“

– „მე ხომ იმათ არას დავუშლი, იმ ჩემს საყვარელს აუზში რომ ვიბანაო?“

– „არას დაუშლით, სულ არაფერსა.“

ამ აბანოს დაწყობილობა ასე იყო.

ერთს დიდ თაღის სახლს რამთენიმე ოთახები აქვს დატანებული. ამ სახლს იქით პატარა გძელი ტალანი გაივლის. ტალანს იქით ერთი დიდი თაღის სახლი არის, რომელშიაც ერთი დიდი აუზი ცხელის წყლით იმსება. ეს აუზი უფრო უბრალო ხალხის საბანებლად არის. ამის მარჯვენა გვერდით სხვა საუცხოვო არის და მარცხნივ მეორე პატარა აბანოა, რომელშიაც ჩემი საყვარელი წყალი არის, მაგრამ ამ პატარა აბანოს და იქით საუცხოვოს აბანოს შუა, სადაც ხალხის აბანოა, ორსავ აქედგან აქვს შესავალი კარები.

მინამ მე ტანთ გავიხდიდი, შევხედე, ერთი წითელპერანგა მოახლე გამოვიდა პირველს დიდ თაღის სახლში და თავიანთი მოსამსახურე რალაზედაც დასაქმა. მე მეაბანოეს დავუძახე. ვუთხარი: – „თუ ეს აბანო ყორულათ აქუთ, ამ აბანოში აღარ ვიბანებ და სხვაგან ნავალ?“

– „დიახ ყორულათა აქეთ, მაგრამ მარცხენას პატარა აბანოში არავინ არა ბანაობს და ცარიელი გახლავს.“

– „სწორე გითხრა, მე არ მინდა, ჩემი გულისათვის შეწუხდეს ვინმე.“

– „მამ თუ გნებავთ, ნავალ, იმ მოახლეს დავეკითხები ერთი, სათამდისინ გითავაზონ ის პატარა აბანო?“

– „დიახ კარგი იქნება.“

მოახლედგან მოვიდა, მითხრა: – „ჩემ ქალბატონს რალა შევატყობინო, დიახ სიამოვნით უთავაზებსო.“

მე რომ ჩემს დანიშნულს აბანოში მივიდოდი, იმის გარეთ დიდ აბანოში ის მოახლე დამხვდა ქოლიხანანაკრული, რომელმაც ზრდილობიანად თავი დამიკრა. მე მხოლოდ ფუტიანს დიდათ შემრცხვა, მაგრამ უნებურად მეც თავი დავეუკარ და საჩქაროთ აბანოში შევედი, სავსე აუზში ჩავჯექი. ბანების შემდეგ აუზიდგან გადმოველ, ტახტზე დავჯექი აუზის პირდაპირ და მექისეს ველოდი. ამ დროს უკან, კარებისკენ შემოვიხედე, ერთი, კარებში ჩამდგარი, ტანთგახდილი, მხოლოდ ფუტიანი მშვენიერი ქალი დავინახე. მაშინვე წამოვხტი და იმისაკენ გავექანე, მაგრამ ის პირმორიდებით წავიდა თავის აბანოსკენ და მეც ამ დროს მივაძახე:

– „კარგი, თავს ნულარ იმაღავთ, გიცანით.“

ამ სიტყვასთან შემოღიმებით შემამხედა და ხელი ამიქნია,

იმისკენ აღარ წავსულიყავი. მერე კარგახანი დადგა და ერთმანეთს შეეყურებდით. მასუკან გატრიალდა და თავის აბანოში შევიდა.

იმის მრგვალს, თეთრს პირსა ნაბლისფერი თვალწარბნი ასე დაშვენოდა, თვალი უკეთესს ვერას ნახევდა. იმისი მომზინვარე და გძელი გაშლილი ნაბლისფერი თმანი განსპეტაკებულს მხრებზე მღელვარებდა საგანგებოთ. იმის მკერდებზე ასეთი თეთრი მტრედები ასხდნენ, რომ იმათზე მომკვდარიყო ვინმე, თავს ბედნიერად მიითვლიდა. იმის აღნაგულს ტანადობაზე და ეგრეთვე იმის შეუდარებელს სითეთრეზე იუპიტერი რომ გადმოხდომილიყო და სული ზედ დაემსხვერპლა, კიდეც ცოტა იყო.

იმისი თეთრ სპეტაკი და ლამაზად მოყვანილი მშვენიერი ფეხები გამოკვეთილს ალბატროსსა უგვანდა, თავის სწორეს უცხოს ცერებითა, თავის ცოტა მოხრილი შეწყობილის თითებითა, მაგრამ ცერები ცოტა გძელი ჰქონდა სხვა თითებზე, რომლებიც ერთმანეთზე განყობილი, ასე ამშვენებდა, რომ განგებ გამონვრთილსა უგვანდა. ნამეტნავად უკან ქუსლებიდან წინ თითებამდისინ თვალი რომ გადავავლე, ცოტას მომსუქნოს და მონვრილოს ფეხებზე, თავის მოლურჯოს წვრილს ძარღვებზე და პირისფერ მომრგლო ფრჩხილებზე, ასე მეგონა, ჩინებულს ხელოსანსა შეუმზადებია იმისთანა მშვენიერი და განგებ სანახავი ფეხები-მეთქი. მაგრამ იმისმა იმისთანა მშვენიერებამ და იმთენმა იმის საუცხოვებამ ჩემი გული ვერ შეარყია და განსვენებულის გულით წამოველ აბანოდგან.

ამ დროს მოსამსახურემ ლაპარაკი გაანწყვიტინა იმ ა... და გვიოხრა.

– „ვახშამი მზათ გახლავთ. არ მიირთმევთ?“

– „დიახ კარგი იქნება.“ ამისთვის იმ ა... მომავლისთვის დააგდო ის ანბავი.

ვახშამის შემდეგ ძილად მივწექით და მთვარის ამოსვლის დროს ის ა... ადგა და იმ მთოვარეს დაუწყო ლაპარაკი ასე *მას სუდნის ცხვირზედ გადამჯდომელმავე.*

„მთოვარეო, გახსოვს ის ნალკოტი? იმ ნალკოტში ოთხკუთხიანი თალარი, რომელზედაც ვაზნი გადახვეოდენ? ზედ ხავერდული ფოთლები რომ დაჰფოფინობდენ? იმ თალარის გარშემო ვარდ-ზამბახნი და სხვა ყვავილნი შეხამებით რომ ჰყვავოდენ? წინ ნაკადულში წმინდა წყალი რომ მონანწკარებდა? იმის პირზე ნუშის

ხე რომ ერხეოდა და ზედ საყანი მოჭიკჭიკობდენ? ზეფირ ძაფნით ფოთლებზედ რომ ჰგრიანებდა? თალარში მე და ჩემი ე... წვრილი შვილებითურთ რომ შევექცეოდით? იმ პატარებს რომ ვეთამაშებოდით და ისინიც ხანდისხან ყვავილთ მოსწყვეტდენ და მშობლებს გვესროდენ ხოლმე?“

„შენ მთოვარეო, მაშინ სრულის ელვარებით ჩვენზედ დაკამკამობდი. ახლა შენ იმ ნალკოტს ზედ დაჰყურებ; იქნება ეხლა ჩემი ე... თავის წვრილშვილებით იმ ნალკოტში იყვნენ და დედაშვილობრივის სიყვარულით მათ ეალერსებოდეს? *შენც მათის ჭვრეტით სიამოვნებდე?* ახ, ნეტავი მეც ამ დროს მათთან ვიყო.“

ჩემო ე... გახსოვს, ერთს საღამოზე გარეთ გალერეას კრესლებზე რომ ვისხედით. იმ დროს შენ *ვენერას* ბრწყინვალეს ვარსკვლავზე ხელი რომ მიიღე და მითხარ:

– „მართლა ეს ვარსკვლავი სამართლიანად გიყვარს შენ. ჭემმარიტად საყვარელიც არის. ჩემო ს... გთხოვ, სადაც იმყოფებოდე, ყოველ საღამოს *ამ ვარსკვლავს ჭვრეტდე*, ამ ვარსკვლავზე მომიგონებდე ხოლმე.“

ჩემო ე... მგონია, წინათგრძნობამ გათქმევინა. მე შენგნით შორს ქვეყანაში უბედური უნდა ვყოფილიყავ და ეს ვარსკვლავი შენი სახსოვარი ყოფილიყო ჩემი – ჩემს ნუგეშად. *ეს ვარსკვლავი სახსოვრად მქონოდა ამისთვის, რომ შენმა სულმა იგრძნო, მე შენგნით განტოლვით რომ უბედურებაში მივეცემოდი და ჩემს ნუგეშად ვარსკვლავი უნდა ყოფილიყო.*

ჩემო ე... შენგნით მოცემულსა სახსოვარსა ამას მარადის საღამოთი ჭვრეტით ვეტრფიანლები და ვინ იცის მე და შენი რავდენი სიამოვნების და სიხარულის დროებს წარმამიდგენს ხოლმე... მაგრამ ოდეს ღრუბლით მოიცავს ზედა, მაშინ მე მკვდარსა ვგვევარ ხოლმე ამისთვის, რომ ეს ვარსკვლავი აღარ იხილვება და მწარეს დაღონებას მივეცემი.

აქ ლაპარაკი განწყვიტა ა...მ და ღრმას საგონებელში ჩავარდა. მაგთენი ხანი აღარა გამოვიდა რა, მატროსთ უხუცესი მოვიდა და მითხრა:

– „თქვენო ბრწყინვალეებავ, იმედი უნდა გვქონდეს, სადაც არის მოგზაური ნიავი დაგვბერავს.“

– „ღმერთმა ინებოს, ამთენი აფრების ჩამოხსნისაგან გვიხსნას.“

მაგთენი ხანი აღარა გამოვიდა, მცირეს ხანს შემდეგ მართლა რომ აფრებაშლილი სუდნა მისცურვიდა და გათენების წმინდა ჰაერი გვიხაროდა.

აქ ა...მვე დაიწყო მბობა.

გაიგონე.

რ.

აბანოს მეორე დილაზე რომ გამელვიდა, მზე მალლა იყო ამოსული და მბზინვარე ჰაერი მიმოირყეოდა მოსისინეს ნიაჯითა. ოდეს საათს დავხედე, ცხრა საათის გასული ისარი დავინახე, რომ მეათე საათის დაწყებაზე გადაჰყურებდა. საბანი გადვიხადე, წამოვჯექე და

ჩემს ტიტველ ფეხებზე დავიხედე. მაშინვე ერთიანათ წამოვიდახე. „ნეტავ მითხრა, გუშინ აბანოში ქალი რომ ვნახე, ის ფეხები ვინ მოაბა ჩემი ფეხების მაგიერ-მეთქი“. ვუყურებდი ჩემს ფეხებს და მიკვირდა იმისთანა გუანება. მაგრამ ხანდისხან ვიტყვოდი. „ნეტა, რას ვანბობ, იმის მშვენიერს ფეხებს რათ მეგვანება ჩემი ფეხები?“ მაგრამ მასკვან ვიტყვოდი. „არა, სწორეთ გვანდეს, რა გასაკვირველია. თუ დედათ ბუნებას მისცა ღმერთმა მშვენიერების ღირსება, თვალტანადობით თუ ფეხებით ჩვენ კაცშიაც რატომ არ უნდა იყოს ამისთანა ღირსება, ღვთისაგან ბოძებული?“ კარგა ხანი ვუყურებდი ჩემს ფეხებს და ვუაღერებდი, მასკვან განკვირვებული ვიყავ მსგავსებისათვის. ღმერთმა იცის, ყოველივე მის მიერ მოხდება და რაისთვისაცა იქმს, იგი მანვე იცის.

მოსამსახურეს დავუძახე.

მოსამსახურე შემოვიდა, ერთი დაბეჭდილი პაკეთი მამცა და მითხრა.

– „ერთმა მოსამსახურემ მოიტანა ეს წიგნი და დიახ ფთხილად მამცა, მეც თქვენ საიდუმლოთ მოგართოთ.“ აი, რა ეწერა.

„მონყალეო ხელმწიფევ, თა ალექსანდრე.

„როდემდისინ უნდა მოითმინოს ჩემმა გულმა თქვენი ავდენი სიყვარული? არამცთუ დაგინახევდეთ და მაშინ აღმეგზნებოდეს სურვილი? არამედ ყოველთვის უყვარს გულსა ჩემსა თქვენი ნაბლისფერი დაბზინებული ქოჩორი, ეგ ლამაზი თეთრი შუბლი, ეგ მოშაო გაყოფილი წვრილი წარბი, ეგ ყოველთვის მოცინარე მილულეპული ნაბლისფერი თვალები, თეთრწითელი ეგ ლოყები, დაფერილს რძეს რომგავს, უცხოთ მოყვანილი საშუალო ეგე ცხ-

ვირი, ეგ ვარდისფერი ბალახთ ბაგეები. ახ, ვითარ მოვითმინო. თეთრსა მრგვალსა სახეს გარწმუნებთ, რომ ზედ შემოვეტრფი. მოხდენილი თქვენი ტანადობა ყოველთვის თვალწინ მიდგას. არ ვიცი, ავდენს სულთქმას ვინ... მიკვირს როგორ არა ჰგონობთ ჩემსა სიყვარულსა? სადაც გნახავთ, თვალმოუშორებლივ თქუენ შემოგყურებთ, თქუენ შემოგტრფით და თქვენ კი თვალს მარიდებთ. არ ვიცი, მაგარი გული გქონიათ?“

„გუშინ აბანოში ვიყავი, სავსეს აუზის პირზე ვიჯექი, ლულიდგან ჩამოჩხრიალეზულსა წყალსა ყურსა ვუგდებდი და თქვენ მოგიგონებდით. ვნატრობდი, თქვენც იქ ყოფილიყავით და აუზის პირზე გვეტრფიალა. ამ დროს ჩემი მოახლე შემოვარდა და თქვენი აბანოში მოსვლა მითხრა, მე არ ვიჯერებდი, მაგრამ ფიცით დამარწმუნა. მასუკან მოახლეს ვკითხე თქვენი სად ყოფნა. მოახლემ მითხრა, იქით აბანოში შემოვიდაო. აბა იფიქრეთ ჩემი სიხარული? სწორე გითხრათ, მე ვეღარ მოვითმინე; ავდეგ, მოველ და იმ კარებიდგან შემოვიხედე, სადაც თქვენ იყავით. გნახეთ, ახ, რა გნახეთ! სრულიად ტანი გახდილი, მხოლოდ ფუტით. ლულის პირდაპირ ტახტზე იჯექით და თავგადაგდებული რალასაც ფიქრობდით. მე დიახ კარგახანი ვუყურე თქვენსა ტანის სისპეტაკესა და სისუფთესა, რომ თქვენი ტანის სითეთრე განსაკვირებლად მქონდა. ნეტავი მითხრათ, რათ გინდათ ეგ სითეთრე, რომ ჩემს გულსა თქვენის სავსეს გულიდგან და მრგვალის ყელიდგან უკვდავებას არ ასმევთ და ჩემს დაალებულს გულსა არ გაანელებთ? სწორე გითხრათ, მე მაშინ განვიძრახე, თამამად შემოვსულიყავ და თვენსა შეუდარებელსა სითეთრესა და მშვენიერებას გადავხვეოდი, მაგრამ დედათ ბუნების სირცხვილმა არ გამამიშო. შემდეგ კარებისკენ შემოიხედეთ და თვალი შემომასწარით. რაწამს დამინახეთ, მაშინვე ჩემკენ გამოექანეთ, მაგრამ უკაცრაოდ, მე გაგასწარით. მე რომ ჩემ აბანოს კარებში შესვლა დავაპირე, მხოლოდ თქვენგნით ეს სიტყვა გავიგონე: კარგი, თავს ნულარ იმაღავთ, გიცანით.“

„მონყალეო ხელმწიფევე, აი, რახან მიცანით, ამისთვის მეც ვერ დაგიმაღავთ ჩემსა სიყვარულსა, რომ არ გაცნობოთ. ვიცი, დღეს საღამოზე ნიშნობაში მოხვალთ და მაშინ სრულიად მიცნობთ, ვინცა ვარ.“

თქვენი უმორჩილესი მონა .....

ამ წიგნის ამბავი ხომ გაიგონეთ და შემდეგ ამ წიგნის დასრულების დროს კვლავად ვიტყვი, ეს წერილი ვითარ დარჩა აქამომდე ჩემთან.

სიტყვით სიტყვამდის არის გადანერვილი ეს წიგნი იმ მოწერილის წიგნიდგან.

რამთენიმე მინუტის შემდეგ ისევ ჩვენი ქვეშაგებიდან რომ ავდექი და ხალათი ჩავიცვი, სხვა მოსამსახურე შემოვიდა და მითხრა.

– „ლ...კაცი გახლავთ და ამაღამ თავის ძმის დ... ნიშნობაში გთხოვსთ მობძანდეთ“.

მე ამ ნიშნობას წვრილად აღვინერდით, სად და როგორ, მაგრამ არ შეიძლება. სომხისა იყო ანუ ქართველის, არც ეს ითქმის, ამისთვის, რომ იმ ქალის ვინაობა გამოცხადდება და იმის ოჯახის სახელისთვის კარგი არ იქნება.

ამისთვის მოკლეთ თქმა ვიკმაროთ, როგორც შევძლებ, ისე ვიტყვი. ამასაც სიბნელეში დავტოვებ. ჩვენის აზრისამებრ, ასე ბნელში იყოს ისა, ასე ვამჯობინეთ.

მე რომ ნიშნობაში მივედი, სულერთიანათ სტუმრები კიდეც შეყრილიყვნენ, ქალნი და კაცნი ევროპიულს გვარზედ ერთმანეთში არეულნი. ჩემი ნადილი იმ ქალის ნახვა იყო, მაგრამ ვერსად ვერ დავინახე. როდისაც ზალიდგან მეორეს ოთახში ვაპირებდი შესვლას, ამ დროს ჩემ წინ გაიარა იმ ქალმა და საზოგადოებასა შორის ვერ დამინახა. ერთი ყმანვილი კაცი მისდევდა და მიელაპარაკებოდა, მაგრამ ის ქალი თითქმის არც კი აძლევდა პასუხს. როდისაც იმ ოთახში შევიდა, მივიდა და კარებმოფარებით სკამზე დაჯდა. მეც მივედი, იმათ მოფარებით აქეთ მხრის კარებთან დავდექი, მითამ ზალაში მყოფთ ყურება დავუწყე, მაგრამ იმათ ყურს ვუგდებდი, ვნახოთ, რას იტყოდნენ.

ყმანვილმა კაცმა ჰკითხა. – მიკვირს, რათა ხართ მოწყენილი, თქვენც მხიარულების მონაწილე არ შეიქნებით?

ქალმა ცივათ უპასუხა. – თუ შეიძლებთ და თქვენს დას დაუძახებთ, დიდი მადლობელი ვიქნები.

მაშინვე გამოვიდა და ერთს ყმანვილს ქალს უთხრა, იმ ქალთან შესულიყო. ეს ქალი რომ შევიდა და მინამ ყმანვილი კაცი კიდეც შევიდოდა, მანამდისინ იმ პირველმა ქალმა უთხრა.



– „თუ გიყვარვარ და ან ჩემი მეგობრობა გინდა, მაგ შენ ძმას მამარჩინე, რა ვქნა, არ მიყვარს და რას ნყალში ჩავვარდე?“

– „ეხლავ, შენ ნუ მამიკვდებიო.“ სწრაფათ გამოვიდა. სადაც მე ვიდექი, სწორეთ იმ ადგილს შეხვდა თავის ძმასა, რაღაც უთხრა ყურში და იმ ყმანვილმა კაცმა ხმამომალლოდ უპასუხა, მაგრამ დაღონებულის სიტყვით.

– „მერწმუნე, რომ აღარას ვიფიქრებ იმაზე, ძალად სიყვარულს მე იმას არ ვთხოვ.“ ამ სიტყვასთანავე გატრიალდა და საზოგადოებაში დაიფარა. ქალი როგორღაც ჩემკენ მოტრიალდა. მეც მძიმედ დავუკარ თავი. ამისთვის, რომ ჩემი ნათესავი იყო და კარგი მცნობიცი. როდისაც შემამხედა, მითამ გაჯავრებით მითხრა.

– „მე შენთან ბევრი საქმე მაქვს. აქამდისინ არ ვიცოდი და დღეს ჩემმა მეგობარმა მითხრა, როგორი მწვალებელი ყოფილხარ შენ იმისი.“

– „მე არ ვიცი, თქვენი მეგობარი ვინ არის“.

– „აბა აქ შემოდი.“ როდისაც იმ ოთახში შემიყვანა, იმ ქალს დაუძახა.

– „ნეტავ მითხრა, რას დაფიქრებულხარ? აბა აქეთ შემოიხედე.“

როდისაც შემოიხედა და დამინახა, უეცრათ დაიძახა. – ახ! და მაშინვე განითლდა. კიდევ კარგი, იმ დროს იმ ოთახში არავინ არ იყო, თორემ შევრცხვებოდი. როდისაც გული დაიმშვიდა, *იმ განითლებულმა ქალმა* თავის მეგობარს რაღაც უთხრა ყურში და მასუკან ზალაში გავიდა. ის რომ იქითკენ წავიდა, ჩემი ნათესავი მოვიდა და მითხრა.

„ხომ კარგათ იცი, როგორც უყვარხარ მაგ ქალსა? ბევრი ლაპარაკი აღარ უნდა, ეხლავ გასწიე ამ ნიშნობიდგან და ამა და ამ ქუჩაში მოიცადე. ერთის თავის საკუთარის მოახლით და თავის ერთგულის მოსამსახურით გამოივლის. იქ დახვდი და მასუკან თქვენ იცით.“ ამ სიტყვასთან გატრიალდა და საჩქაროთ წავიდა.

მე არ ვიცი, რა უნდა მექნა, ისე გაოგნებულვიით დავრჩი. სიზმრიდგან გამოღვიძებულსავით თავი ავიღე. სახლის პატრონი და იმის ცოლი მოვიდნენ ჩემთან და ალერსით მითხრეს.

– „აქამდის სად იყავით, არა ჩანდით?“

მე ბოდიში მოვიხადე მიუსვლელობისთვის. ჩემგნით რომ წავიდნენ, მეც ჩემს გზაზე გავეშურე და იმ ქუჩაში ველოდი, სადაც

დამინიშნეს. ამ დროს ფარნის შუქმა შემოანათა. *[ქუჩაში ფარანმა შემოანათა და კიდეც დამიახლოვდა, რომელთანაც კიდეც მივედი და მშვიდობა მივართვი. მაშინვე მოსამსახურეს ფარანი გააქრობინა და ჩვენ მკლავებგაბმული ბნელში წავედით. მაშინვე მკლავი ვუთავაზე, რომელმაც ათრთოლებით გამიგდო მკლავი მკლავში და შეშინებულის სიტყვით ესრეთ მითხრა.] ჩემის დანახვის უმაღლ ფარანი გააქრობინა მოსამსახურეს. ამაში მეც მივედი, ჩემი მკლავი ვუთავაზე. თავის მკლავი მკლავში გამიგდო და წამოვედით, მაგრამ შეშინებით დამინყო ლაპარაკი.*

– „არ ვიცი ჩემი მშობლები როგორ დავწყევლო, მოხუცებულს კაცსა მიმცეს ცოლათ; არა, მე იმათ არ დავწყევლი, გავს, ღვთის ნება ასე იყო და ასე მოხდა, რომ შენ უნდა შემეყვარებოდი. ოღონდ ჩემი დედმამანი მშვიდობით იყვენ და მე რაც უნდა მამივიდეს. ახ, ნეტავი არ მენახე? თუმცა ჩემი ქმარი არ მიყვარდა, მაგრამ ერთგული კი ვიყავი. როდისაც შენ გნახე, ერთგულობაც დამავინწყდა და ჩემი თავიც. ახლა მე ბევრს ნულარ მელაპარაკები, რომ გაცეცხლებულის სიყვარულით მიყვარხარ. მგონია გეცოდინება, რომ ჩემი ქმარი ამ დღეებში სხვაგან წავიდა და იქ კარგა ხანი დარჩება? შეგიძლიან ყოველ ღამე ჩემთან იარო, როდისაც თავისუფლათ იყო.“

– „მე დიახ სიხარულით ვივლი, მაგრამ შენს სახლში მოახლებმა და მოსამსახურებმა რომ შეიტყონ?“

– „მე შენ გარწმუნებ, ვერავინ შეიტყობს ამ ორის მეტი და ესენი ასეთი ჩემი ერთგულები არიან, ჩემი გულისათვის სიცოცხლეს გასწირავენ.“

მასუკან ლაპარაკი გადაასხვაფერა და მითხრა. – „ეს კი დამავინწყდა, ვერ გითხარი. როდისაც ნიშნობიდგან წამოსვლა მოვინდომე, სახლის პატრონნი და ჩემი ნათესავები არ მიშვებდენ, მაგრამ ავანტყოფობა მოვიგონე.“ *რომ ავით ვარ-მეთქი და რას ყოფით დავეხნიე.*

რასაც მეუბნებოდა, იმის სიტყვა ერთი ერთმანეთს არ ეთანხმებოდა, არეულობით მელაპარაკებოდა, დიდი შიში ეტყობოდა, მაგრამ მეც გამოუცდელი 17-ის წლისამ არ ვიცოდი, როგორ მოვქცეოდი და მეც არეულობით ველაპარაკებოდი. *რალაცა სტანჯავდა, რომელსაცა დამშვიდებულის სიტყვით დაუწყვავე, შემდეგ ვუთხარ.*

– „მიკვირს, რილას გეშინიან, რომ ძლივლა ლაპარაკობ?“

ბოლოს იმან მითხრა.

– „ახ, რომ იცოდეთ, რა ძნელია ქმრის ლაღატი და იმის ნაცვლად სხვას ვაძლევ გულსა? ამასთან საცოდავით დაიწყო ტირილი. მე ასე შემანუხა იმისმა მწუხარებამ, რომ სანანულად გამიხდა ეს ამბავი.

მასუკან როდისაც ცრემლი მოიწმინდა, გულმტკივნეულის სიტყვით მითხრა.

– „მე შენ ერთს რასმე გთხოვ, პატიოსანი პირობა მამეცი, ჩემ თხოვას აღასრულებ?“

– „რა უნდა იყოს მაგისტანა, მე უარი გითხრა? მიკვირს აგრე რათ მეუბნები? მიბძანე შენი ჭირიმე და მეც სიხარულით აღვასრულებ.“

– „მაგ სიტყვისთვის ჯერ ლალანს ფერს ტუჩებზე გააკოცო და მასუკან გეტყვი.“

– „აი ჩემი თხოვა ეს არის. როგორათაც დაძმასა, ისე გვიყვარდეს ერთმანეთი და ჩემს პატიოსნებას ნუ შეურაცხავო?“ მე დიდის პირობით აღვუთქვი. ამისათვის სიყვარულით დამენება ტუჩებზე. ასე ძლიერად, რომ გვეგონა, ტუჩებს ერთმანეთს აღმოვგლეჯდით.

ამ ჩვენს ლაპარაკში ჩვენზე ცოტათ მოშორებით მოდიოდნენ მოახლე და მოსამსახურე, რომ ჩვენს ლაპარაკს ისინი ვერ გაიგონებდნენ. მაგთენი აღარა გამოვიდა რა, უცხოს მორთულს სახლში მიმინვიეს, მაგრამ დიახ ფარულად.

და მართლა, ასე რიგად შემეყვანეს, რომ ვერა ადამიანმა ვერ მნახა. აი ასე.

ქალმა მითხრა, რომ ქუჩაში მომეცადა; კარგახნის მოცდის შემდეგ მოახლე გამოვიდა და მითხრა, რომ მოახლეებიც და მოსამსახურეებიც სულერთიანათ ვახშამს სჭამენ; ეხლა დიახ კარგი დრო გაქვთ, რომ შემოხვიდეთ, ამისთვის, რომ ქალბატონმა შეუძლებლობა მოიგონა და ამისთვის ყველანი ვახშმის საჭმელად ჩამოვიდნენ ქვემოთ სახლებში, რომ ერთი ადამიანი აღარავინ აღარ დარჩა იმ ზევით სახლებში.“ ჩემი შესვლის დროს მოახლეს უთხრა ქალმა, რომ ზევით ამოსასვლელი კარებები სულერთიანათ დაეკეტა და მასკვან მე მითხრა. – „ახლა სულ ფიქრი აღარა მაქვს, რომ გნახოს ვინმემ, ამისთვის, რომ მოახლეები და სულერთიანათ მოსამსახურეებიც ქვემოთ სახლებში წვანან და მე ამ ერთის ჩემის მოახლით აქა ვნევიარ.“

ჯერ ჩაი დავლიეთ უცხოს ვერცხლის შემკულობით, მასუკან

მურაბას შევექეცით და მერე მცირედი ვახშამი ვიგემეთ. ვახშმის შემდეგ მოახლეს უბანა, სანოლში ქვეშაგები მოემზადებინა. ბოლოს შემოვიდა და მოახსენა: მზად გახლავსო.

იმან რომ ეს თქუა, ქალმა მოახლეს ხელით ანიშნა, გასულიყო და როდისაც ორნი დავრჩით, მითხრა.

– „ნება მამეცი, მე გაგხადო ტანთა.“ თუმცა ნებას არ ვაძლევდი, მაგრამ არ მამეშვა. ტანისამოსი გამხადა, შემდეგ ხალათი გამომიტანა და მითხრა.

– „როდისაც სანოლიდგან დაგიძახო, მაშინ შემოდი ჩემთან.“ ამ სიტყვასთან გატრიალდა და სანოლში შევიდა. მე დორზედ წამონოლილი განსვენებულის გულით ველოდი, როდის დამიძახებდა. ამობაში მიწვევის ხმა მამესმა და საჩქაროთ შევირბინე. უცხოთ იყო მოფენილი ის ოთახი და მხატვრობით შემკობილი. ერთს ვერცხლის შანდალში წმინდა სანთელი ენთო და ერთს მოფარებით თახჩაში იდგა. დიახ მშვენიერი ფარჩის ქვეშაგები ეგო უტახტოს ოთახში და ერთი დიდი სარკე კედელზე ეკიდა სწორეთ ქვეშაგების პირდაპირ. თვით ამ ფარჩის ქვეშაგებში ის ქალი ინვა მინაზებული მისვენებული დაოსებულსავით და ხანდისხან ნელიად აღმოიქმენდა. და მე საამოთა მიყურებდა, მაგრამ გასაშტერებლად მქონდა და მიკვირს, ასე უსურვილოდ რად ვიყავ, რომ რალასაც დიდს ნათესაობას ვგრძნობდი მე იმისას?—როდისაც ერთმანეთს გადავხევივინით და ისე გადახვეულები დავნექით, მაშინვე ასე ტკბილად დაგვეძინა ორთავეს, რომ უტკბილესი და უნეტარესი მოსვენებული ძილი აღარ იქნება. როდისაც გათენდა და გაგვეღვიძა, ისევ ისე ვინექით, შემდეგ წამოდგა და გაკეთებული თავისი თმის მსგავსი დალალები მოიტანა და ჩემს თავზე ისე წყობით გამიკეთა, როგორც თვითონ ჰქონდა. მერეთ რაგვარი ქოლიხანაც იმ ქალზე თავზე ეკრა, სწორეთ იმგვარი ქოლიხანა მოიტანა და როგორც იმას ეკრა, მეც ისე შემამაკრა. მეც ყუელაში ვმორჩილებდი. რაც უნდა ეთქო, უთუოთ ის უნდა აღმესრულებინა. შემდეგ რაგვარი წითელი ყანაოზის პერანგი იმას ეცო, იმის ფერი ყანაოზის პერანგი მოიტანა და ჩემი პერანგის მაგიერად ჩამაცო. მერეთ პერანგი წელამდისინ გადამხადა და თვითონაც გადაიხადა, მასუკან გადახვეულები ისე მივნიქით ბალიშზედ და წელამდისინ ბალიში დავიფარეთ. ერთი საუკეთესო ბალდადის ხელსახოციც თავზე დავიფარეთ და ასე შევითვისენით,

რომ წყალი არ გაივლიდა ჩვენ შუაში. არ ვიცოდი, რას შვრებოდა და ან რათ უნდოდა?

როდისაც მორჩა და სულ გავიკეთეთ, თავის ერთგულს მოახლეს დაუძახა და როდისაც შემოდიოდა, ქალმა ჰკითხა. – „აბა შენი ქალბატონი იცანი, რომელია.“

მოახლემ ბევრიხანი გვიყურა და მასუკან დაიძახა.

– „ჭეშმარიტად არ ვიცი, რომელი არის. თუ მარჯვენას ხელი დავადო, იქნება ეს არ იყოს და თუ მარცხენასა და, იქნება არც ეს იყოს? რა ვქნა, ორნივე ტოლათ წვანან. ორთავ ტანის სინვლილე ერთმანეთს უგავთ. ორთავ მკლავების სინვლილე ერთივე აქვთ? მოიცადეთ, ჩემს ქალბატონს მოფუნჩულს ლამაზს და სპეტაკს ხელებზე და მომრგვლოს ფრჩხილებზე ვიცნობ. აბა, ხელების თითები ერთმანეთში გაუყარეთ. ქალმა ხელი მტაცა ხელში და თითები გამიყარა.

– „ახ, ღმერთო ჩემო, ხელებიც საკურველად უგავთ ერთმანეთსა, რომ გარჩევა არ იქნება და ტანის სითეთრე ხომ არ ვიცი, რომელი უფრო თეთრი არის? ასე ტოლი და ასე ერთფერი სითეთრე როგორ აქვთ? თქუეინჭიმე, პატარა კიდევ მოიცადეთ, ხელსახოცს ნუ გადაიხდით, უთუოთ მშვენიერს ფეხებზე ვიცნობ ჩემს ქალბატონს.“

ფეხებიდგან საბანი გადაგვხადა. ფეხებზედაც ბევრი ხანი გვიყურა და მასუკან დაიძახა.

– „ჭეშმარიტად, ვერც ფეხებზე მიცვნია ქალბატონი, ფეხებსაც ერთფერი სითეთრე აქვთ და გუანებიტაც ასე გიგავთ ერთმანეთსა, რომ გარჩევა არ იქნება. ასე ერთმანეთის მზგავსი ფეხები ჩემს დღეში არ მინახავს. პატარა კიდევ მოიცადეთ. ფეხების სიგძეზე და სინვლილეზე ვიცნობ ჩემს ქალბატონსა.“ თავის მტკაველით ხან მე გამიზომა ფეხების სიგძე და ხან თავის ქალბატონსა, მაგრამ ორივეს ფეხები თანასწორე გვქონდა. მასუკან ძაფით ფეხის სიმგრგვლე გაგვიზომა სამ ადგილასა, ჯერ თითების სადრეკთან, მასუკან შუაგულზე და შემდეგ ფეხის სადრეკთან, მაგრამ სამს ადგილსვე თანასწორე მოგვივიდა, რომ ერთი ბენო მომატებულ-ნაკლები არა გვქონდა ერთმანეთზე. ესე იგი ხუთი ვერშოკის სიგანე და ექვსი ვერშოკი ფეხების მრგვლივ სიგანე. მომატებულ-ნაკლები რომ ვერ გაარჩია, მასკვან დაიძახა. წინ თითების სადრეკთან ოთხი ვერშოკი,

შუაგულზე ოთხი ვერშოკი და ნახევარი, ქუსლის სადრეკთან ექვსი ვერშოკი და ერთი ვერშოკის მეშვიდედი. ვერ ვიჯერებ, მაგრამ ადგილზე რომ გავზომეთ ძაფით, სწორეთ თანასწორე მოგვივიდა.

– „კარგი, ხელსახოცი აიხადეთ, ვერ გიცანით“. მერე გვითხრა.

ხელსახოცი ავიხადეთ და დალალებიანს მე რომ შემომხედდა და მასუკან თავის ქალბატონს შეხედა, უეცრად დაიძახა.

– „ახა ღმერთო! სახეც ასე უგავთ ერთმანეთსა, რომ ერთი დედამამის ნაშობსა გვანან“. „ბევრნი ერთმანეთის მზგავსნი მინახვანან, მაგრამ როგორც თქვენ ერთმანეთს გეგხართ, ასეთი არავინ მინახავს?“

ჩვენ არ ვიჯერებდით, მაგრამ სარკესთან რომ მივედით და ორთავ ერთათ ჩავიხედეთ, არაფრისთანა ცვლილება ჩვენში არა იყო რა, ასე ვგვანდით ერთმანეთსა. თითქმის სიმაღლითაც ტოლები ვიყავით. სიმაღლეს რომ გავზომეთ, მხოლოდ ერთი თითი მე მაღალი ვიყავი იმ ქალზედა.

ახლა უფრო მოკლეთ დავინწყით ეს ამბავი. თუმცა მე ის ქალი მიყვარდა, მაგრამ არა ვნების სიყვარულით, რომ უთმინო სატანჯავი სიყვარული მქონიყო და უიმისოდ ვერ გამეძლო.

ჩემი იმ ქალთან სიყვარული რაღაც დიდი ნათესაური სიყვარული იყო და არა გულის შერყეული. ის ქალიც ჩემს სიყვარულს ისე ჰგრძნობდა, როგორათაც მე იმისას. როდისაც ერთი ერთმანეთს ვეტყოდით რასმე, ჩვენი ლაპარაკი სულ დაძმობის ხსენებით იყო და არა საარშოყოს სიტყვით.

გავიდა ცოტა დროები და ამ ცოტა დროებში თითქმის ყოველდამ იმ ქალთან დავიარებოდი, თუ სამსახურს არას ვასრულებდი და ან საჭირო საქმე არ შემემთხვეოდა.

გაირა ერთმა თვემ, განვლო მეორემ და განვლო მესამემაც. ჩვენი სიყვარული, როგორათაც ზევითაც ვთქვი... ვერავინ ვერ შემოიტანა ეჭვი ჩემი იმასთან სიარულისა.

ასე გაფთხილებით მივიდოდი ხოლმე, რომ ეჭვი ვერავინ ვერ შემოიტანა. აი როგორ დავიარებოდი.

იმ ქალმა თავის უბრალო ძველი ტანისამოსი მამცა და მითხრა, „როცა ჩემთან დააპირო წამოსვლა, ეს ჩემი ტანისამოსი ჩაიცვი და ამით მოდი ხოლმე. თუ ჩვენი მოსამსახურეთაგანი დაგხუდეს, ამ ჩემი ერთგული მოახლის სახელი უთხარი, იმასთან მივდივარ-თქო

და მაშინვე შემოგიშვებენ.“

იმ პირველ ღამის მეორეს დღის დილაზე იმ ქალთან რომ ვიყავი, ის თავის ტანისამოსი მოატანინა თავის მოახლეს და მე მითხრა.

– „აბა ჩაიცვი“. როდისაც ჩავიცვი, სწორეთ ჩემს ტანზე შეკერილსა გვანდა. მოახლის გვარად უბრალოთ დამხურა თავი, უბრალოს ხელსახოცით პირი ამიძაფა თვალებამდის. ფეხებიდგან წითელი წულეები გაიხადა და მითხრა ჩაიცვიო. როდისაც ჩავიცვი, წულეებიც ასე გამამადგა, ჩემს ფეხებზე შეკერილსა გვანდა. *რომელმაც მრავლობით დამკოცნა, ხან თვალებზე, ხან ლოყებზე, ხან ტუჩებზე და მერე მასკვან მითხრა.*

– „იჰ, შენ გენაცვალოს ჩემი თავი, ძმაო. რომ ჩემი ტანისამოსი და ფეხთსაცმელი სულ გამოგადგა“. მერეთ თავის მწვანე ქოშები მამცა, შემდეგ თავის თეთრი ჩადრი ორკეცად წამამასხა და მოახლეს უთხრა, გავეცილებინე.

*მასკვან მე ქალსა ვკითხე.*

– „*ეგ დიახ კარგი, მაგრამ წუხელის მოსამსახურეები და მოახლეები ხომ გნახამდნენ, რომ ერთის მოსამსახურით და ერთის მოახლით მოხვედი. ეხლა მე რომ გასულს მნახვენ, რას იტყვიან? ამას არ იტყვიან, რომ ეს წუხელის ჩვენს ქალბატონს არ მოჰყოლიაო? საიდგან შემოვიდა და ან ვინ უნდა იყოს?*“

– „*როდისაც მოვედი, არც ეზოში და არც ფიცრულზე არავინ დამხვდა და სახლებში რომ შევედით, იქ ხომ სულ არავინ არ იყო. როცა სახლებში შევედით, მაშინვე შეუძლებლობა მოვიგონე და ძილად მიწოლა, რომ ჩემს მოახლეს ყველანი დაეთხოვა. და აბა რაღას ეჭვი გაქვს?*“

*მოახლეს ვუთხარ მე, რომ ჩემი ტანისამოსი, გახვეული რაიმეში, იმ ი... მოსამსახურისათვის გამოეტანებინა, რომელიც წინა ღამით მოგვდევდა და შორიახლოს მამყოლიყო, რომელთაცა ესრეთ ალასრულეს.*

მოახლე კარებამდისინ მამყვა. იქ რამთენიმე მოსამსახურეები დაგვხვდნენ. მე რომ თვალებზე შემამხედეს, მოახლეს ჰკითხეს ჩემი ვინაობა. მოახლემ უთხრა, ჩემი დეიდაშვილი არის, ახალი სოფლიდგან ჩამოსულიო. „...და კერვას სწავლობს. წუხელის ქალბატონი ნიშნობიდგან რომ მოვიდოდა, ზედ იმ გზაზედ გამოვიარეთ, სადაც ეს ოსტატს აბარია, რომელიცა შევტრიალდი და თან წამოვიყვანე.



ახლა ამას იქით ღამე ჩემთან იქნება და დღე ოსტატთან ივლის.“  
იმათ გაცინებით უთხრეს.

– „ოჰო! კარგი დედიდაშვილი გყოლია. შენ მაგიერ რომ ეგ შენი დედიდაშვილი მზითევში მოჰყოლოდა ქალბატონსა, უფრო კარგი იქნებოდა?“ მე ასე საჩქაროთ გამოვნიე, რომ მოახლეს პასუხი ველარ გავიგონე, რა უთხრა. კარგა ქუჩის გზა რომ გამოვიარე, იმ ქალის ერთგული მოსამსახურე ნაბადიანი, ნაბადქვეშ ჩემი აფიცრული ტანისამოსი ეჭირა და შორიახლოს მომდევდა. მეც წავედი და გარეთუბანს ჩვენს ბახში აფიცრის ჩემი ტანისამოსი ჩავიცვი დაბურვილს ვაზებში. *რომ არა სულიერი არავინ იყო იქა.* აფიცრის ტანისამოსის ცმაში იმ მოსამსახურეს ვკითხე – „ასეთი ერთგული რათა ხარ შენი ქალბატონისა-მეთქი?“

– „მზითევში მოყოლილი გახლავართო.“

მოსამსახურე რომ გავიტუმრე, ერთი იმერელი გვყვანდა მე-ბაღეთ, რომელსაცა დიდი ერთგულება ჰქონდა ჩემი, ის ქალური ტანისამოსი იმას მივაბარე და ვუთხარ, არავისთვის არ გამოეჩინა.

მე ამ ამბავში ორი ბინა მქონდა, ერთი ჩვენი სახლი და მეორე კუკია, სადაც ჩვენი ბატალიონი იდგა. *შინ მკითხამდნენ, სად ყოფილხარ, მოსამსახურეც ასე მყვანდა დარიგებული, თუ ეკითხათ, ეთქო კუკიას სძინამსო.* და თუ ბატალიონში ეკითხათ, უნდა ეთქო, *შინ სძინამსოდა მე ხომ რასაკვირველია, ასე ვიტყოდი.* ამისთვის ეჭვი არავის არა ჰქონდა, სად ვიყავი და ან სად დავდიოდი. თუ ბატალიონში მკითხამდნენ, შინ ვიყავი მეთქი და თუ შინ მკითხამდნენ, ბატალიონში ვიყავი მეთქი. მაგრამ სალამო ჟამს რომ მოატანდა, თუ სამსახურში არ ვიყავ და ან სადმე წავიდოდი, მებალის ოთახში ჩავიცმობდი იმ ქალურს ტანისამოსს. *მეზაღე დარიგებული მყვანდა, რომ კილოკავათაც არავისთვის გაეხსენებინა ეს ჩემი ამბავი.* როდისაც ქალის სახლის კარებზე მივიდოდი, ყოველთვის ის ერთგული მოახლე კარებზე მელოდა, რომელიც სიხარულით მამეგებებოდა საჩქაროთ თავის ოთახში ამიყვანდა მალლა. *მაშინვე მარინეს სახელს დამიძახებდა... არა იქ შემინვევდა, სადაც ქალბატონი იყო, არამედ თავის პატარა ოთახში შემიყვანდა თავის ქალბატონის გვერდით რომ იყო.* ვახშმის დრომდინ სხვა მოახლეებს ნება ჰქონდათ, იმ მოახლესთან ყოფილიყვნენ და როცა ვახშმის დრო მოვიდოდა, ყველანი ქვევით ჩავიდოდნენ. იმ მოახლეებს



დიახ დიდათ მოვწონდი და ვილასაც მამზგავსებდნენ, მაგრამ ვერ მოეგონებინათ. იქნება თავის ქალბატონსაც მამზგავსებდნენ, მაგრამ ცხადათ ვერ ეთქოთ. იქნება, ქალბატონს ეწყინოს, რომ ეს უბრალო იმას მივამსგავსეთო. როდისაც მელაპარაკებოდნენ, რაოდენ შევიძლებდი, ქალურის ხმით მივუგებდი პასუხს და დიახ მოკლეთ. მაგრამ იქიდგან ის მოახლე თითქმის არ დამაცლიდა, მეთქო რამე და ჩემ მაგიერად მიუგებდა პასუხს.

*ვიყავით ასეთ სიამოვნებასა და განცხრომაში.* ბევრს კმაყოფილებაში გამოვიარეთ მე და იმ ქალმა და დამძობრივს სიყვარულს ქვეშ ვტკბებოდით ორნივ.

ეს ქალი თავის მცნობთ და ნათესავთ თუ არ დღისით, ღამე აღარავის აღარ უშვებდა, ამ მიზეზით, რომ ვითომც ჩემი ქმარი შეიტყობს და ღამე ჩემთან სტუმრების სიარული არ იამებაო. მაგრამ განძრახვა სხვა იყო. ამისთვის რაკი დაბინდებოდა, აღარავინ აღარ დაიარებოდა ხოლმე, მაგრამ ერთს უცნაურობას კი ვიტყვი.

ერთ საღამოზე მოახლეს ოთახში ვიჯექი და სხვა მოახლეებიც იქ ისხდნენ. ამ დროს იმ ქალის საწოლში დიდის ძახილით ეღვასავით ვილაც შემოვარდა. შევხედე, იმ ქალის მეგობარი და ჩემი ნათესავი იყო, რომელმაც ნიშნობიდგან გამომისტუმრა. *დიახ ხმაურობა დაინყო, ლაპარაკი...* იმ დროს ქალმა ჩუმათ რაღაც უთხრა და ლაპარაკი დაიდაბლეს. ბოლოს შევიტყე, რომ ასე ეთქუა. – „თუ ღმერთი გწამს, დაბლა ილაპარაკე, იმ ჩემი მოახლის ოთახში ამ სახლის მოახლეები სხედან და არა წამოროშორა, წარმოსთქორა.“

ვანშმის დრო რომ მოვიდა, ქალბატონი გამოვიდა, რომელმაცა თავი მოვარიდე და თავის მოახლეს უთხრა.

– „ეს მოახლეები სულ დაითხოვე, ვანშმის საჭმელად ჩავიდნენ ქვევით და შენ მარტო გვემსახურე, ნულარავის ნულარ გარჯი ვანშმის მოტანაზე. როცა მოამზადო, შეგვატყობინე; მე და ჩემი სტუმარი გამოვალთ დიდ სახლში და ვანშამზე დავსხდებით. იმის მოახლეს და მოსამსახურესაც უთხარი, შინ წავიდნენ, ამაღამ აღარ გამოვუშვებ. მაინც ხომ ქმარი შინ არა ჰყავს, სოფელშია და ამაღამ ერთათ გავატარებთ დროს-თქო.“ *დამარტოებულნი.*

მოახლეები წამოდგნენ ღამემშვიდობის თქმით, დაბლა დაუკრეს თავი და გასვლა დააპირეს. ქალბატონმაც ალერსით შელიმა და თავის საწოლში შეიარა. მოახლეები კარებში რომ გადიოდნენ. იმათ-

განმა ერთმა თქუა და სხვანიც დაეთანხმნენ.

– „ღმერთმა ადღეგძელოს ჩვენი ქალბატონი, როგორი კარგი ადამიანია და კეთილი ბძანდება. არავინ არ უნდა შეაწუხოს. თავის მოახლეს უთხრა, შენ მოგვიტანე ვახშამი, არავინ არ გასარჯოვო. ღმერთმა ადღეგძელოს და მრავალი წელი სიცოცხლე მისცეს.“

როდისაც ვახშამი მოამზადა იმ მოახლემ და ზევით ამოსატანი აღარა იყო რა, ამოსასვლელი კარები დაკეტა, ჰაერის მეტი არა გაივლიდა რა. ამ დროს ქალბატონი ჩემთან შემოვიდა და მოახლეს უთხრა.

– „რაგვარი ტანისამოსი მე მაცვია და როგორც მე მხურავს თავი, სწორეთ ასე დახურე ამას თავი და ტანისამოსიც ასე ჩააცვი.“ ამ სიტყვასთან სხვას ოთახში შეირბინა.

მოახლემ ჯერ ოთახის კარები მირაზა, უეცრად ჩემი ნათესავი არ გამოსულიყო, სადაც მე ვიყავი. მასუკან თავის ქალბატონსავით ჩამაცო და თავიც ისე დამხურა. როდისაც მორჩა, ქალბატონთან შევიდა, თვითონ იქ დარჩა და ქალბატონი ჩემთან გამოვიდა, რომელმაცა მითხრა.

– „აღეგ, შენ გეთაყვანოს ჩემი თავი, იმ შენს ნათესავთან შედი, მაგრამ ნურც თავს დაუკრამ და ნურც ხმას გასცემ. მიდი და დორზე წამონეჟი. რაც გითხრას, ხმას ნუ გასცემ, მერე აღეჟ, აჟვე გამოდი, რომ მაინც ხმა არ გასცე.“

შევედი და დორზე წამოვწეჟე. ჩემმა ნათესავმა მკითხა.

– „სწორეთ მითხარი... ჩემი ნათესავი მართლა მოვა თუ ხუმრობით მითხარი?“

მე თვალეზში შევხედე, ხმა არ გავეცი და თავი ჩავლუნე.

– „რატო არ მეუბნები?“

მე ისე შევხედე და მასუკან ოთახს მიმოვავლე თვალეზი.

– „ნეტავ მითხრა, ხომ არ დამუნჯდი?“

მე შევხედე და მაშინვე მოვარიდე თვალი.

– „შენ ნუ მამიკვდეზი, თუ არ მეტყვი, ეხლავ შინ წავალ.“

მოახლემ ჩემ მაგიერათ ლაპარაკი დაუნყო. ამ დროს ავდეჟი და საჩქაროთ გამოველ. ქალმა მითხრა, ორნივ ერთათ შევიდეთ, ხმის გაუცემათ ერთათ გადავიდეთ და ოთახის თავზე ერთათ დავსხედეთ. როგორც მითხრა, ისე შევედით, ოთახის თავზე დავსხედით. მოახლემაც სანთელი მოიტანა, ჩვენ წინ დაგვიდგა და ჩემს ნათესავს

ჰკითხა.

– „აბა იცანით თქვენი ნათესავი და ან თქვენი მეგობარი რომელია?“

ჩემმა ნათესავმა კარგახანი გვიყურა და მასუკან დაიძახა.

– „ემშაკობა ხომ არა არის რა? ასე ნამზავსები ჩემ დღეში არავინ არ მინახავს.“

ჩვენ გაგვეცინა. ძლივს ხმაზედ მიხვდა ვინ ვინა ვართ, რომელ-საცა დიდათ უკვირდა.

– „ნეტავ მითხრა, რათ უნდა ავრე ერთმანეთს გვანდეთ? მიკვირს, რომ კაცურს ტანისამოსში ვერ შევამცნიე, რომ ამასა გვანდი?“

– „მაგისტვის მე რა მოგახსენო? არც მე მეგონა, მაგრამ ახლა ასე გამოჩნდა.“

აბა რაღა უნდა ვთქო? უცხოთ და სიმხიარულით გავატარეთ დრო. მაგრამ ხანდისხან მე და ის ქალი რომ დავჩუმდებოდით, ჩემი ნათესავი შეგვეხვეწებოდა. – „ღვთის გულისათვის, ნუ დაჩუმდებით ხოლმე, ვეღარ მიცვნიხართ, რომელი ვინა ხართ. ვახშმის შემდეგ ჩემს ნათესავსაც ჩვენ გვერდით გაუშლევინეთ ქვეშაგები, რომ დაეჯერებინა, ჩვენში სხვა სიყვარული არა იყო რა, თვინიერ დაძმობის მეტი, რომელიცა სარწმუნო შეიქნა და სწორეთ დააჯერა გული.“

*გასაშტერებელი ყმანვილური ხასიათი ჰქონდა იმ ქალსა.*

ადრევეცა ვთქვი ჩემი იმ ქალთან კმაყოფილება, მაგრამ ორჯელზედიზედ დიდი უსიამოვნო საქმე შეგვემთხვა.

ერთს საღამოზე აბანოში წავედით მე და ის ქალი და მე ქალურის ტანისამოსით ვიყავი. ერთგულის მოახლის და მოსამსახურის მეტსა სხვას ვის წავიყვანდით. დაყორულებულს ადრინდელს ნათქომს აბანოში შევედით მე და ის ქალი და ორნიც ერთათ სამსეს აუზში ჩავსხედით გადახვეულები. ამ დროს არ ვიცი საიდგან, სამი გალოთებული ბიჭები შემოვიდნენ, წამოგვეტანნენ და დაიძახეს. – „ოჰ, ეს ფუტიანი ქალები რა მშვენიერები და თეთრები არიანო.“. ორნიც აუზიდგან გადმოვცვივდით, მაგრამ ქალს სირცხვილით გული დაუსუსტდა და აუზის გვერდით ჩაჯდა. გაჯავრებულმა ერთს ბიჭს ასეთი სილა შემოვკარ ყბაში, რომ კედელზე თავი მიანყვიტა და სხვებს დავუძახე.

– „ბატონიშვილის დედიჩემის თეკლას მზემა, თუ ეხლავ არ დაი-

კარგებით, ხვალ ციხეში დაგასხმევენებთ.“

შემამხედეს და კაცად მიცნეს. ბატონიშვილი დედიჩემის ხსენებაც რომ გაიგონეს, მაშინვე გატრიალდენ და საჩქაროთ წავიდნენ. მე გამოვტრიალდი, ქალი მოვაბრუნე.

მაგთენი ხანი აღარ მოვიცადეთ და საჩქაროთ წამოვედით შინა. ჯერ მაშინ საქირავებელი ბირჟის დროშკები არ იყო და ქვევითი წამოვედით.

იმ ღამეს იმ ქალთან ვიყავი და მეორე დღეს ის ქალი, მე მოახლესავით ჩაცმული და თვალეზამდისინ ხელსახოცახვეული, იმის მოახლე და მოსამსახურე, ეს ოთხნი წავედით და ერთ-ერთს გარეთუბნის მივარდნილს ბახში შევედით და მებაღეს ფული ვაჩუქეთ, *მოსამსახურის ხელით*, რომ საღამომდინ ნება გვქონდეს შექცევისა. იყო მშვენიერი მზიანი დღე და კარგად ცხელოდა.

საუცხოვო საფენი თავის მუთაქით მოსამსახურეს მოატანინა თავის სახლიდგან იმ ქალმა. ერთს გაფუტკენილს ვაზებთანს მწვანოვანს ადგილს საფენი გავშალეთ და ზედ დავსხედით. სადილს რომ დავუწყეთ ჭამა, მოსამსახურეს უთხრა ქალმა.

– „ახლავ წადი და ჩვენ მაგიერ (ჩემზე ხელი მოილო) ამათ ნათესავს სთხოვე, ორნივე ბახში გახლავართ და თქვენც აქ გამობძანდით-თქო, მაგრამ სხვა არავინ არ გამოიყოლოს შენის მეტი. *მგონია, ადვილი საცნობია, ვინც იქნებოდა ეს ნათესავი.*

მოსამსახურე წავიდა და ჩვენც სადილს მოვრჩით. სადილს უკან მოახლეს მუთაქა მოატანინა, საფენის თავთან დაადებინა და მე ღიმილით მითხრა.

– „შენ გეთაყვანოს ჩემი თავი, ჩემო ძმაო, რაც გითხრა, დამიჯერე.“

– „დიდის სიხარულით, შენ ნუ მოკვდები, ჩემო დაო.“

– „მაშ, ტანისამოსი გაიხადე, მხოლოდ პერანგით და ქოლისანით იყავ.“ აღვუსრულე. ქოლისანაც რომ შემოვიკარ თავზე და გაკეთებული დალალები ტიტველა მხრებზე გადმოვიყარე, გადამხვია და მხრებზე კოცნა დამინყო. მასუკან ფეხებზე ხელი მომკრა და ფეხებიდგან ნულები გამაძრო. ფეხებზე რომ შემამხედა, უეცრათ ხელი მტაცა, მარჯვენა ფეხი აიტაცა და ტკბილად კოცნა დაუნყო. ჭეშმარიტად, დიდათ მცხვენოდა, მაგრამ რადგანაც აღვუთქვი, უნდა დავმორჩილებულიყავ. ამ ტრფიალების შემდეგ მითხრა.

– „პატარა მოიცადე. როგორც ახლა შენ მე გამაგიჟე შენის

საუცხოვებითა, თუ მეც ისე ვერ გაგაგიჟო, დაინახამ?“

ნამოდგა და მოფარებით ღრმას ვაზებში შევიდა. მცირე ხანს უკან ფოთლის შრიალი გავიგონე და ამასთან ჩემებური ქოლიხან-ანაკრული, წითელ ყანაოზპერანგიანი, ოქრომკედმორთულიანი, შეიდიშით განსპეტაკებული თეთრი ფეხები მოჰქონდა მწვანეს მოღზე დიას უცხოს მოხდენილობით და მბზინვარე დალალები სამსეს ბროლის მკერდზე მიმოელეღვოდა. ოო! ეს ნიშანი სურვილის ამღვზნებარი ცეცხლი არის, მაგრამ სულ სხვას ვგრძნობდი, ყმანვილურს სიამოვნესა და ისიც ეგრეთვე. როგორც ყმანვილები, მე აქედან და ის იქიდან ერთმანეთს შევექანენით, *გიჟსავით* გადახვეულები გაშლილ ვარდის ძირში გადვიქცით მწვანეს მოღზე *ტკბილის სიყვარულით ვეხვეოდით ერთმანეთსა* და ერთმანეთს ვეუბნებოდით გულისწმინდით. – „ძმაო! და დაო!“ ამ დროს ვილასიც ხმა გავიგონეთ – „აბა, სად არიან?“ ჩემი ნათესავი იყო. თუმცა მე შევეკრთი, მაგრამ იმ ქალმა მითხრა.

– „თუ გიყვარვარ, როგორც ხარ, აგრე იყავი, ხომ კარგათ იცი, როგორ უყვარხარ შენ იმასა და ჩვენი ერთობის მიზეზიც, ხომ იცი, რომ ის არის.“

ამასთან ხელი მომკიდა, მივედით, ვარდებს შუა საფენზე ნამოვნექით, თავი მუთაქაზე მივდევი, პირები მახლობლათ დავანყევით ერთმანეთთან პირდაპირ, ოთხი ხელების თითები ერთმანეთში გავუყარეთ და გულები მახლობლათ დავიჭირეთ. ფეხები ერთმანეთზე შევანყევით და ამ მდგომარეობით თვალები დავხუჭეთ. ზევიდგანაც ნუშის ხის ფოთლები გვიჩრდილობდა.

ქალბატონისაგან ადრითვე დარიგებული იყო მოახლე, რა უნდა ექნა და ამ დროს კიდევ მოვიდნენ, მაგრამ მოახლემ გაფთხილებით მოიყვანა, „სძინამთო“. *მოიყვანა, ჩვენს მახლობლათ დააყენა და დაბალის ხმით ჰკითხა*

– „აბა გაარჩიეთ, ან თქვენი ნათესავი და ან თქვენი მეგობარი რომელია?“

კარგა ხანი გვიყურა და მასუკან გაკვირვებით დაიძახა ხმამოდაბლოთ.

– „ოჰ, ამ მშვენიერებს და ერთმანეთის მზგავსებს, რა მოხდენილ-ნაზის სიტკბოებით სძინავთ. ვინ იტყვის, რალაც ღვთიური ნათესაობა არ იყო ამათში?სახე მზგავსი, სახის ნაკვეთობა მზგავ-

სი, განსპეტაკებული სითეთრე მზგავსი, მრგვალი ყელის მოყვანილობა მზგავსი, ხელები და ხელების თითები მზგავსი, ერთფერი ნითელი პერანგებიც რომ აცვიათ და ნითელი შეიდიშის ოქრომკედის ყვავილები როგორ უხდებათ თეთრ მზგავს კოჭებს. მშვენიერი ფეხების და ფეხების თითების სიმზგავსე ხომ სულერთია. დიდ ხარშენ უფალო და საკვირველ არიან საქმენი შენი! ამ სიტყვაზე ორთავ გაგვეცინა და ქალმა მიატანა.

– „განა გიკვირს? მეც აგრე გაკვირვებული ვარ, მაგრამ ვერა გამიგიარა, რა არის?“ მასუკან უთხრა. – „მე ვიცი, ახალი სადილნაჭამი იქნები? ჩვენ როგორც ვართ, ასე დავიძინებთ და შენც ჩემს გვერდით წამონექი. მასუკან ავდგეთ და კარგათ შევექცეთ.“

„ეხლა ეს არის, სადილი გავათავე და მაშინვე აქეთკენ წამოველ. კარგათა თქვი, მაინც მეძინება და მეც შენთან წამოვწვები.“ ზურგის მხარეს მუთათაზე წამოუწვია და ძილს თავი მივეციტ სამთავ.

სიტკბოს ძილში რალაც შრიალის ხმა შემომესმა ბალახიდგან, თავი წამოვწიე, ვნახე, საშინელი გველი აიმართა და ქალზე შემოვარდნა დააპირა, მაშინვე ქალს ხელი მოვკარ, ჩემკენ გადმოვიგორე და სწრაფად წინ გადვუხტი. ამაში ქალებმაც გამოიღვიძეს, შემოიხედეს და ეს სახე რომ დაინახეს, ორთავ საშინლად დაიყვირეს. ამ დროს გველი შემომვარდა და ჩემს გაფრიალებულს პერანგს მისწვდა და ამით დამიფარა ღმერთმა. არ ვიცი როგორ იყო, მეც თავში მივწვდი, კისერში ხელი ვტაცე, მაგრა მოვუჭირე და გველის თავი ხელის გარეთ დამრჩა. გველმა პირი დააღრინა და ენის ისარს აქეთ-იქით აცოდევილებდა, მაგრამ მე იმის კისერი ასე მეჭირა და ასე მოვუჭირე ორივე ხელები, რომ თვალეები გამოსაცვენად მოემზადა. ისიც კანჭებზე მომეხვია და შარვალსავით ასე გამეხიდა, დიდათ შემანუხა. რაც ძალი და ღონე მქონდა, მე კისერში ვეჭიდებოდი და ის ფეხებსა მხუთამდა. ქალები შორიახლოს იდგნენ და ცრემლით იბანებოდნენ, არ იცოდნენ, რა უნდა ექნათ. ამ დროს არც მოახლე იყო და არც მოსამსახურე. მოვხედე და ორთავ ვუთხარი. „ნუ გეშინიანთ. სტოლის დანა მომიტანეთ.“ საჩქაროთ გაექანნენ და მომირბენინეს. მარცხენას ხელით მაგრა დავუჭირე კისერი, მარჯვენა ხელით კისრის სახსარში გადავუსვი დანა და კისერი გადავჭერ. გველმა ბოლოს დაიწყო აქეთ-იქით წყვეტა, მეც აღარ მოვეშვი, მინამ სრულებით არ მოვჭერი თავი. თავი ძირს

ჩამოვარდა და ტანი იქით გადავტყორცნე. ორთავ ქალებმა საპონი და წყალი მომიტანეს და უცერემონიოთ ხელები დამაბანინეს. მასუკან მიმიყვანეს, მუთაქაზე თავი მივდე; ერთი აქეთ წამამინვა, მეორე იქით, გულიდგან პერანგი გადამწიეს, ერთ მკერდზე ერთმა დამიწყო კოცნა და მეორემ მეორეზე. როდისაც გული დავიმშვიდე, მკითხეს და მეც გველის ვუამბე იმათ. ჩემმა დამ პერანგი გადაინია, თავის მკერდი მოიტანა, ჩემს მკერდზე დააყრდნო და სიყვარულით თქვა: – „ეს თეთრი სავსე გული მაგ თეთრ სავსე გულსა ეკუთვნის საუკუნოთ.“ მასუკან თავის მეგობარს უთხრა სიამოვნით.

– „ხედავ, ჩემო მეგობარო, ეს ჩვენი სავსე თეთრი მკერდები როგორ განყობილია ერთმანეთში და როგორ ლამაზად გამოკრთიან ერთათ და როგორ აშვენებენ ერთმანეთსა. ახლა უნდა იცოდე, რა სიამოვნით სძგერენ ერთმანეთსა ეს ჩვენი მკერდების ძარღვები და ან ჩვენი გულების სისხლი როგორ კმაყოფილებით მოქმედებენ? – ჩემო მეგობარო, ახლა გკითხავ ეს სპეტაკი თეთრი წმინდა გულები ღირსნი არიან, ერთმანეთი უყვარდეთ? “

– „ოჰ, ეს საუცხოვო სანახავი, როგორ ღირსნი არ არიან?“

– „მაშ მოიტა ეგ შენი ლამაზი, შავთვალისანი პირისახე ამ ჩვენს მკერდებს შუა შემოიტანე და რაერთი ხანიც გინდა, ისიამოვნე ტკბილის კოცნით. თუნდა მე წარმამიდგინე ამ შენს ნათესავად და თუნდა ეს შენს მეგობრად. რომელსაც იფიქრებ, ორნიც ერთი მზგავსები ვართ.“

მოიტანა თავისი ლამაზი და ცოტათ მოგამხდრო პირისახე, მკერდებს შუა ჩაგვიდო, ხან ჩემს მკერდს დაუნყო ტკბილად კოცნა და ხან იმისას. ჩვენც ხან ერთმანეთს ვეტრფიალებოდით და ხან ჩემს ნათესავს ვუალერსებდით. ამ ამბავში ჩაგვეძინა. ამ მდგომარეობით კარგა ხანი ვისიამოვნეთ, შემდეგ მოახლე მოვიდა და სამნიც ერთად წამოვდექით. ქალებმა მოახლეს უამბეს გველის ამბავი. მოახლემ გაკვირვებით დაიძახა. – „ჭეშმარიტად ღმერთს დაუფარავხართ.“. მასუკან თავმოჭრილის გველის სანახავათ მივიდა, დახედასთანავე დაიძახა. – „ოჰ, რამტოლა გველი ყოფილა“ (აღლნახევარი იქნებოდა ჩვენი გაზანდრისა და თავის შესაფერი სიმსხოც ჰქონდა).

საღამომდისინ უცხოთ შევექეცით და საღამოზე ჩემი დის სახლში მოვედით. იმ ღამეს სამნიც ერთათ ვიყავით და მეორე დღეს

ჩვეულებრივ გამამისტუმრეს.

ამის შემდგომ მაგთენი ხანი აღარა გავიდა რა, ქმარი მოუვიდა და მე გზა დამეხუთა, იმათ ქუჩაში აღარ გავიარე, არამცთუ იმ ქალთან მივსულიყავ. ერთს დილაზე იმ ქალის წიგნი მამივიდა. „დღეს ჩემი ქმარი სადილათ სხვაგან არის დაპატიჟებული და შუადღის დროს მოდი, მითამ ჩემ ქმართან საქმისთვის მოსულხართო.“ *მივსულიყავი და იმის ქმარი მეკითხა, ვითომც საქმისთვის მინდოდა, რომელიც ის ქალი იმ დროს ფიცრულზე იქნებოდა და მასკვან იმან იცოდა.*

სწორეთ შუადღის დროს მივედი. ამ დროს ის ქალი ფიცრულზე იდგა, მელოდა. მე რომ მოსამსახურეებს სახლის პატრონი ვკითხე, იმ ქალმა გადმამძახა.

– „თუ საქმე გაქვთ რამ, აქ ამობძანდით, მე მითხარით და მე ჩემს ქმარს ვეტყვი.“

რასაკვირველია, მე საჩქაროთ ავირბინე. როდისაც დიდს სახლში შემეყვანა, *სულ არავინ არ იყო იქა*, მითხრა.

– „ნეტავ, ადრე მოსულიყავ? რახანია ჩემი ქმარი წავიდა.“ ამასთან ერთმანეთს გადავხვებინით და რამდენიმე მინუტი ასე შეხვეულები ვიყავით. უეცრად ამ ქალის ქმარმა კარები გააღო და ჩვენთან შემოვიდა. გადახვეულები რომ დაგვინახა, ანაზდად *რამდენსამე სეკუნდს* შედგა, მასუკან გაანჩხლებულმა ხმალს ხელი სტაცა, კედელზე დაკიდებულსა. ამ დროს ქალიც ხანჯალს მისწვდა, ამოიღო და ქმარს *სასიკვდილო გაჯავრებით* შეუტია, მაგრამ მე მაშინვე მივწვდი, ქალი უკან გადმოვადე, რომელიცა წაიქცა. მინამ ქალი ადგებოდა, ამოღებულხმლიანს *მკერდგამოჭიმული* მივეგებე და ვუთხარ.

– „ამ ქალს არაფრისთანა ბრალი არა აქვს რა, აი მე დამკარი და შემცოდე მე ვარ.“ ეს რომ ვუთხარი, უბედურს ქალს გულს შემოეყარა. ქმარმა ჩემზე წამოღებული ხმლიანი ხელი ჰაერში დაიჭირა და თავჩაკიდებით რაღასაც ფიქრობდა. გვანდა, სიანჩხლისაგან გულს იმშვიდებდა. გული რომ დაიმშვიდა, თავი აიღო და შემამხედდა, მიცნა და განცვიფრებით დაიძახა.

– „ოჰ, ღმერთო, რასა ვხედავ!“

ამასთან ხმალი შორს გასტყორცნა და ეგრეთი ხმითვე დაიძახა.

– „ალექსანდრე, შენა ხარ?“



*მე განსვენებულის გულით მივუგე.*

– „დიახ, მე ვარ.“ მე ვუთხარი.

– „ვახტანგ ორბელიანის შვილი?“

– „დიახ, სწორეთ მე ვარ.“

– „ოჰ, ღმერთო, დედამინას ნუ გახეთქ და ნუ ჩაგვიტან შიგა.“

ამ სიტყვაზე გაშტერებით შევხედე, არ ვიცი, რა თქმა იყო ესა? შემდეგ დამშვიდებით მითხრა.

– „ალექსანდრე, რაც მოხდა, შენსა და ამ ქალს შორის დარჩეს. გთხოვ, ნურავის ნუ ეტყვი, ჩვენში იყოს.“

იმისი ამისთანა დიდსულოვნობა რომ ვნახე, ღვთისმშობლის ხატი ავიღე და იმაზე შევფიცე, რომ მე იმისი ცოლი დაძმობის სიყვარულით მიყვარდა და არა აუგათა. ეს ჩემი დარწმუნება დიდათ იამა, ასე რომ მეტი აღარ იქნება. *მეგონა, ზეციდგან რაიმე სიხარული მიენიჭა-მეთქი.* მასუკან სიამოვნით მითხრა.

– „გთხოვთ შემენით, რომ ჩემი ცოლი მოვასურელოთ, მართალი შენი და.“

როდისაც მოვასურიელეთ და თვალი გაახილა, პირველი იმისი სიტყვა ეს იყო.

– „ახ, ძმაო ალექსანდრე“ და თვალი ისევ დახუჭა. ქმარმა სიამოვნით შესძახა.

– „თ... შენი ძმა ალექსანდრე კარგათ არის და აქ შენთან არის ეხლა.“ ეს რომ გაიგონა, მცირედ და მცირედ გონებაზე მოვიდა. *გაიკვირვა, რომ ასეთი დაშოშმანულება მომხდარიყო და არა სისხლის დანთხევა.* მერე დიახ დიდათ იამა, რომ მშვიდობა მომხდარიყო. ბოლოს იმისმა ქმარმა მითხრა.

– „ალექსანდრე, მე ახლა სტუმრათ მეშურვება წასვლა და ხვალ სადილათ ჩემთან მოდით, ყველას გეტყვით, რაც ვიცი.“ ქალმა ეს *ქმრისაგან ასეთი აღერსის სიტყვა* რომ გაიგონა, სიხარულით შემამხედა, მეც დაბლა თავი დავუკარ ორთავ და ჩემის ბედის მადრიელი წამოველ შინ, მაგრამ იმ დღეს და იმ ღამეს სულ იმას ვფიქრობდი, რა უნდა ეთქუა იმ ქალის ქმარსა ჩემთვის? *ჯერ ისა ვთქოთ, როგორ მოგვასწრო იმ ქალის ქმარმა?* ბოლოს შევიტყე, რომ იმ სტუმრობაში მამულებზე რაღაც ბაასი მომხდარიყო და იმ ქალის ქმარს ვერ დაერწმუნებინა წინააღმდეგი მობაასე. მასუკან გაჯავრებით ეთქუა.

– „ეს ჩემი სიტყვა ხომ არა გჯერათ. თუ ეხლავ არ მოვიტანო მაგ მამულის სიგელი დაინახამთ?“ საჩქაროთ ცხენით ნამოსულიყო, ცხენი მეჯინიბისათვის მიეცა და თითონ ზევით ამოსულიყო, სადაც ჩვენ ორნი ვიყავით ერთათ. *ეჭვი არა გვექონდა მე და იმის ცოლსა, რომ ესრეთი უეცრება შეგვემთხვეოდა.*

ამის მეორე დღეს შუადღის დროს მივედი იმათთან. მინამ ისინი სადილს მოითხოვდენ, მე და სახლის პატრონი თავისი ცოლით სხვადასხვას ამზავს ვლაპარაკობდით.

*შევხედეთ, ერთი საუცხოვო ყმანვილი კაცი შემოვიდა. შალვარში ჩამჯდარი, წელში დამბაჩაგარჭმული, ხმლიანი და ჩახაბარნიანი. გადვიდა, სახლის პატრონს და იმის ცოლს ტკბილად აკოცა ხელზე, რომელთაცა სყვარულით დაჰკოცნეს და ალერსი დაუნყეს. სახლის პატრონი გ... ჩემკენ მოტრიალდა და მასკვან მითხრა.*

– „ეს ჩემი შვილი გახლავთ; სოფლიდგან ჩამოვიდა ჩვენ სანახავად.“ მერეთ თავის შვილს მიუბრუნდა.

– „ეს ბძანდება ვახტანგ ორბელიანის და ბატონიშვილის თეკლეს შვილი“. რომელიცა წამოდგა და მძიმეთ დამიკრა თავი. მეც ეგრეთვე თავის დაკვრით გადავუხადე, მაგრამ გამტერებულსავით დავრჩი, რომ ხმა ველარ ამოვიღე, ამისთვის, რომ ვფიქრობდი, ეს ვაჟიკაცი ამ ქალის შვილი როგორ იქნება-მეთქი. სახლის პატრონმა გ... შემატყო, რასაც ვფიქრობდი და მითხრა.

– „ეს ჩემი შვილი ი... პირველის ჩემის ცოლისგან არის ნაყოლი. პირველი ჩემი ცოლი დიდი ხანია, გარდაიცვალა და ეს ქალი ჩემი მეორე ცოლი გახლავთ.“

სადილისა და ყავის შემდეგ, სახლის პატრონმა თავის შვილი გაგ ზავნა რალაც საქმეზე. როდესაც ჩვენ სამნი მარტო დავრჩით, ესე იგი სახლის პატრონი, იმის ცოლი თ... და მე, სახლის პატრონი მოჰყვა კრიალოსნის ჩაგდებით:

– „აი, მე თქვენთვის რა უნდა მეთქუა.“

მე და იმისმა ცოლმა ყურადღებით ყურება დავუნყეთ.

ერთი კარგი კაცის და იმის ცოლის ქორწილის შემდეგ ხუთი წელი გავიდა, შვილი არ მიეცათ. ეგონათ, უშვილონი ვართო და ამისთვის დიდათ მწუხარებდნენ. *იმათი მე ახლო ნათესავი და ეგრეთვე ახლო მეგობარი ვიყავი, რომელთაცა ჩემთან დამალული არა ჰქონდათ რა. იმათ ერთი მშვენიერი მოახლე ჰყვანდათ. ერთი*

დიდი კაცის შვილი და კარგი ყმანვილი კაცი *ეარშიყებოდა*, ეწყობოდა. იმ მოახლის ბატონებმა კარგათ იცოდნენ, მაგრამ არას დასდევდენ. ის სანყალი მოახლე დაორსულდა და ოთხ თვეს უკან ორსულობის მუცელი შეამცნიეს იმის ბატონებმა.

ერთ დილაზე იმ ჩემ მეგობრებთან მივედი. იმათი პირველი სიტყვა ჩემთან ეს იყო: „დიახ უცხო საქმე მოგვიგონია, რომ ღმერთი შვილს მოგვცემს.“ მე ვკითხე: როგორ, საიდგან? იმათ მითხრეს: – „ნუხელის ჩვენს მოახლეს ვკითხეთ, რომელმაცა გულის წმინდით აღიარა, რომ სწორეთ ორსულათ არის იმ ყმანვილის კაცისაგან. ჩვენ დავარიგეთ, რომ თავისი ორსულობისა არავის არა უთხრას რა და ვინიცოდა არის და ჰკითხოს ვინმემ, ასე უთხრას, არ იცის, რის სწეულობით არის ავათ. ამ ახლობანებში განვიძრახეთ, რომ სოფელში წავიდეთ და იქიდგან ჩვენს ნათესავებში წიგნები მივწეროთ, მითამ ჩემი ცოლი ორსულათ არის. როდისაც ის ჩვენი მოახლე დაწვევა, იმის შვილს ამ ჩემის ცოლის ნაყოლათ დავარქმევ და ჩვენის შვილის მაგიერათ გავზდით.“

იმ ქალის თ... ქმარმა იმათი ამბავი რომ გაათავა, მასუკან კიდევ ასე მოჰყუა.

მართლა, როდისაც სოფელში წავიდნენ, თავის ნათესავებში წიგნი მიეწერათ თავის ცოლის ორსულობისა და ტანიც ორსულ დედაკაცსავით ეკეთებინა იმის ცოლსა, რომელსაცა ამით კერძობა დაეჯერებინა, მითამ სწორეთ ორსულათ არის.

მოახლის დანოლის დრო რომ მოვიდა, მე მაშინ იმათთან სოფელში ვიყავი. ერთი ქვრივი დედაკაცი იყო სოფელში, ყოვლისფრით უნათესაო და ერთი შვილის პატრონი, რომელიცა ბებობდა და ორსული მოახლე იმას მისცეს, *დიახ გაფთხილების დარიგებით, ვითომც იმ მოახლეს წყალმანკი სჭირდა*, მითამ ის მოახლე ავათ იყო და ის ბებია მოუვლიდა იმას, მაგრამ განძრახვა კი ეს იყო.

ერთს დილაადრიან მოვიდა ის ბებია და ცოლქმართ ჩუმათ მოახსენა, ნუხელის თქვენი მოახლე დაწვა და ქალი ეყოლაო. ქალმა, ჩემი მეგობრის ცოლმა, ქვეშაგები გააშლეინა, მითამ მასაც მუცელი ასტკივდა. როდისაც ის დღე გავიდა და შუალამე მოვიდა, ბებია იმ მოახლის ნაყოლი ქალი მოარბენინა და მითამ აშობა. ასე რომ ვერავინ ვერ მიხვდა იმ ამბავსა. *მაშინ, როდესაც იმ სახლში არავინ არ იყო, ბებია დაიძახა, მამილოცავს, ქალბატონი დიახ ად-*

*ვილად განთავისუფლდა და მშვენიერი ქალი ეყოლა.*

რალა მოგახსენოთ იმათი სახლის სიხარული! სახლის პატრონმა თავის ნათესავებთან ცხენიანი კაცები გაგზავნა და ყველას აცნობა, ჩემი ცოლი დანვა და ღმერთმა ქალი მოგვცაო. მაგრამ ის საწყალი მოახლე მშობიარობაზედ რალაც სწეულება დაემართა და ორს თვეზე თქვენი ჭირის სანაცვლო შეიქნა. იმის სიკვდილის დროს ბატონი და ქალბატონი წავიდნენ თავის მოახლის სანახავათ, რომელსაცა ცრემლით ეთხოვნა, ჩემს ქალს უპატრონეთ და თქვენს სადღეგძელოთ გაზარდეთო. ამ უკანასკნელს სიტყვასთან სულიც ამოსვლოდა. იმის ბატონი და ქალბატონი რომ მოვიდნენ შინა, თვალებზე ეტყობოდათ, ბევრი ეტირათ თავის მოახლისთვის.

როდისაც ერთი წლის შეიქნა ის ქალი, უმშვენიერესი ყმანვილი არა მინახამს რა. *იმ ჩემ მეგობართ მართლა ასე უყვარდათ, რომ ნამდვილ შვილთან არ გამოარჩევდნენ.* ერთს წელიწადზე იმ ჩემი ნათესავის ცოლი მართლა დაორსულდა და ცხრა თვეზედ ვაჟი ეყოლა და შემდგომ ორი ქალიც, მაგრამ იმ მოახლის ქალი ასე უყვარდათ, შვილებში არ არჩევდნენ და თითქმის უნამეტნავესი ყურადღება იმ მოახლის ქალზე ჰქონდათ.

როდისაც თორმეტი წლისა შეიქნა იმ მოახლის ქალი, ვინც ნახა, გამტერებულნი იყვნენ იმ ქალის შვენებაზე. ამ დროს მე ცოლი მამიკვდა და დავქვრივდი. ჩემი ცოლის სიკვდილის შემდეგ სამი წელიწადი რომ გავიდა, იმ ჩემმა მეგობრებმა მიჩიეს, ცოლი შემერთო. მე რადგან კაცი ვიყავი და სიძვის ცოდოში არ მინდოდა, გავრეულიყავი, ამისთვის დავმორჩილდი და იმათვე ვკითხე. ვისაც ისინი შემრთავდნენ, მეც თანახმა შევიქნებოდი.

აქ ლაპარაკი განწყვიტა იმ ქალის ქმარმა და მე მკითხა:

– „იცით, იმ ჩემი ნათესავების მოახლის მოარსიყე ყმანვილი კაცი ვინ იყო და ან იცით იმ მოახლის ქალი ვინ არის?“

მასკვან იმანვე დაიძახა.

– „იმ მოახლეს რომ ეწყობოდა, მამათქვენი ვახტანგ იყო და იმათი ქალი აი ეს ჩემი ცოლი გახლავთ. და მგონია, ეს ჩემი ცოლი თქვენი დაი იქნება?“

*ზევით რომ ვთქვი, ცხადათ ვერ ვიტყვი-მეთქი მას ქალის ვინაობასა-მეთქი, აი ამისათვის, ამ მიზეზისათვის დავფარე, რომ ბუში ცოლად სახლისათვის სათაკილო არის საქართველოში.*

აბა რალა გითხრათ, ჩვენი სიხარული სულ წვლილათ რომ გიამბოთ, ლაპარაკი გაგძელებდა. ის ქალი ჩემზედ ორწელიწადნახევრით უფროსი იყო. მაშინ ყოფილიყო დაბადებული ის ქალი, როდისაც რომ მამაჩემი დედაჩემზედ ჯვარდანიერილი არ ყოფილიყო.

მაგთენი ხანი აღარა გამოვიდარა, რომ სოფელში წავიდნენ ჩემი და და იმის წლით ხნიანი ქმარი, მაგრამ ორს თვეზე ისევ ჩამოვიდა იმ ჩემი დის ქმარი და ჩემთან მოკითხვის კაცი გამოვეგზავნა და ეთხოვნა, რომ იმასთან მივსულიყავ. ეს დრო იყო საღამო ჟამი (კარგა დაღამებული), კაცი რომ მომივიდა. მე მაშინვე დიახ სიხარულით გავექანე, რომ ჩემს საყვარელს დას ვნახამ-მეთქი, მაგრამ როდისაც იმ სახლში შევედი, სადაც მეგულვებოდნენ, ვნახე ერთი სანთელი კუთხეში ენთო და ერთიანი სამგლოვიაროს ტირილის ხმა გავიგონე, რომ ვილამაც შემამტირა.

ჩვენი ბატალიონი იმერეთისაკენ გაისტუმრეს მთისა არეულობის მიზეზით და მეც იმათში გამგზავნეს. როდისაც იმერეთი დამშვიდდა და ჩვენი ბატალიონი ისევ ქ. ტფილისში მოვიდა, იმ საღამოზე ჩემი დის სანახავათ გავეშურე და სიხარულით სახლში შევედი. მეგონა, ჩემი და წამოხტებოდა და გადამეხვეოდა. ნაცვლად ამისა, იმისმა ქმარმა შემამტირა. სწორეს მიზეზს მე ვერ მივხვდი, რა ანბავი იყო, მაგრამ რომ დავაცქერდი, ჩემი დის ქმარი, შავებჩაცმული, თავის ცოლსა ტიროდა და ჩემს საყვარელს დასა. ეს ხმა ჩემთვის საზარო ხმა იყო. ბევრი ბევრეული ვიტირეთ მე და ჩემი დის ქმარმა და როდისაც ცრემლი მოვიწმინდეთ, მიზეზი ვკითხე ჩემი დის სიკვდილისა. *სანყალი სოფელში მიმავლობის დროსა გზაზე გაციებულებიყო და მინამ თავიანთ სოფელში ასულიყვნენ, მძიმეთ შექმნილიყო ავათ, ასე რომ ხუთ დღეზე საშინელის ანთებისაგან გარდაცვალებულიყო თურმე სანყალი.*

ერთს ავდრის დღეს გაციებულებიყო და საშინელის სათლიჟამით ავათ შექმნილიყო, რომელთაცა მკურნალეებსა ველარ მოერჩინათ და სული ანგელოზებისთვის მიეცა. სანყალი და უბედური თავის მძიმე ავანტყოფობაში თურმე სულ მე მიგონებდა და ცრემლით იტყოდა: ახ, ჩემო საყვარელო ძმაო, ნეტავ ამ ჩემს უკანასკნელს დროში ერთი კიდევ მენახე და ჩემს უბედურ თვალებს ერთი კიდევ შემოხედა შენთვის.

საყვარელო ჩემო დაო თ... ბევრნი იტყვიან, შენ უბედური იყო.

არა, შენ უბედური არა ხარ. ეხლა შენ ღვთის დიდებაში სიხარულობ და ანგელოზებსა შორის სასუფეველში განსცხრები. მშვიდობით ჩემო საყვარელო დაო და კიდევ მშვიდობით. სანამ ცოცხალი ვარ, შენი დაძმობრივი სიყვარული მე არ დამავინყდება და ეგრეთვე შენი ანგელოზებრივი კეთილი გული საუკუნოდ შენს სახსოვრად მექნება.

გაიგონე.

ი.

*1820-ს გაზაფხულზე ჩვენი ბატალიონი გაემგზავრა იმერეთის დასამშვიდებლად. როდისაც მშვიდობა მოხდა იმერეთში, შემდეგ ისევ შემოვიქეციით, ისევ მოვიდა ჩვენი ბატალიონი ქ. ტფილისში შემოდგომაზე.*

მე და იმ ქალის დაძმობის ამბავი ხომ გავიგონეთ. ახლა სხვას ამბავს დავინყებ ჩემსას, მაგრამ ნურცერთს ეგოისტობაში ნუ ჩამომართმევთ. რასაც ვამბობ, სულ მართალი არის.

ერთს სადამო ჟამზე თა გ... თ... კაცი მომივიდა და ეთხოვნა, სხვა თქვენი პოლკოვნიკი ლ... დაპატიჟებული მყავს და თქვენც მენვიეთო.

ჩემი პოლკოვნიკი ლ... თითქმის საქართველოში გაზრდილი იყო, ქართული ენა კარგათ იცოდა და ქართველებიც დიდათ უყვარდა, ეგრეთვე ქართველებსაც ის დიდათ უყვარდათ. კარგი და კეთილი კაციც იყო.

მეორეს დღეს ევროპიულს განყობილს სახლში ვიყავით და ევროპიულს საჭმელებს ვიგემებდით. ამისთვის, რომ ეს თა თ სრულიად ევროპიულს გვარზე ცხოვრობდა, სადაც სიმხიარულე და მოსწრობილი ხუმრობები ბევრი იყო. ამ თ... ერთი გასათხოვარი დისწული ჰყვანდა ს... , მაგრამ ამ სადილზე არ იყო, რომლებიც იმის სტუმრები იმ ქალს *საქებარის* ენით ხშირად ახსენებდენ და მგონია, უფრო მე მასმენდენ, რომ იმის მშვენიერების დალი დამ-მჩნეოდა, მაგრამ მე სრულებით არ ვიმცნევედი. სადილის დას-რულების დროს, როდისაც კახელმა წითელოსანმა ჭაბუკმა *მო-ლაღლაღემ მომწითლო მომლიმარმა ღვინომ* ტვინი გაუცხელათ, ლაპარაკში ერთმა ჯ... მკითხა:

– „ალექსანდრე, ახლა ხომ ვაჟიკაცი ხარ და მიკვირს, რატო ცოლს არ ირთავ?“

ამ სიტყვაზე ყველამ ყურება დამინყეს. მე ასე შემრცხვა, რომ გავნითლდი. ხმა ვეღარ ამოვიღე. ჩემაგიერთ ერთმა უპასუხა ღიმილითა.

– „რახანია ეს დანიშნული არის.“

– „ვიზედ?“ ყველამ ჰკითხა.

– „დავით ბარათოვის ქალზე.“

ყველამ კასკასით გაიცინეს. მე ასე შემრცხვა და ასე გავჯავრდი გულში, რომ კინალამ სადილიდგან ავდეგ და წამოველ, მაგრამ რასყოფით მოვითმინე. *თვალეებში სისხლით სავსემ და გულგაღვერდლებულმა მოვითმინე.*

ყველამ შემატყეს, რაც სახე გამიხდა, ამისთვის სხვადასხვა ლაპარაკი დაინყეს და სხვარიგათ გადაასხვაფერეს.

რამდენიმე დღე რომ გავიდა, ერთმა ჩემმა ახლო ნათესავმა თავის სახლში სადილის შემდეგ მითხრა, სადაც ჩვენ ორნი ვიყავით:

– „მიკვირს, დავით ბარათოვის ქალს რად ირთავ?“

ამასთან მოჰყუა და ამთენი ჭორი მიანბო იმ ქალისა, რომ მცხვენთან, აქ მოვიხსენიო. მე თუმცა არ ვუჯერებდი, მაგრამ არც დაუჯერებლობა იქნებოდა, ამისთვის, რომ ჩემი მახლობელი ნათესავი იყო და კარგი მცნობიც.

ამის მეორე დღეს ჩემმა ერთმა მახლობელმა და დიდკაცმაც დამიმტკიცა იმ ჩემი ნათესავის სიტყუა და იმისი ჭორი. ამის შემდეგ რამდენიმე ჩემი მახლობლებისაგანაც კიდეც ისე გავიგონე. გარდა ამისა, თვითონ დავით ბარათაშვილის მახლობლებისაგანაც გავიგონე ეგრეთივე ჭორი. რაღა განვაგრძელო, იქამდისინ მიმიყვანეს მე, ყმანვილი კაცი, რომ საზიზღრად შეიქნენ ჩემთვის ისინი. არამცთუ დავით ბარათაშვილის ქალი, სულერთიანათ საქალობაც. როდისაც დავით ბარათაშვილი შამომხვდებოდა სადმე, მაშინვე თავს მოვარიდებდი, ასე მეჯავრებოდა. ერთხელ, ერთს ადგილს დ. ბ. მოვიდა ჩემთან და ალერსით ლაპარაკი დამინყო. მე ასე მეთაკილა იმის ლაპარაკი და ასე მენყინა, მოვტრიალდი და სხვა მხარეს გადავედი. იმას ეს ჩემი უზღველობა და სიბრყვე არამცთუ ეწყინა, სრულიად არად ჩამაგდო რა და სიცილით გატრიალდა. *იმ პატივცემულს კაცსაც დიად ეწყინა ეს ჩემგან და მაშინვე შეიტყო, რომ იგი უსიამოვნო იყო ჩემთვის.*

თქვენ, ყმანვილო კაცებო, როდისაც გიყვარდეთ ვინმე და გინ-

დოდეთ იმაზედ ჯვარი დაინეროთ, გთხოვთ, მეჭორეებს ნუ აჰყევი-  
ბით, თუნდა თქვენი მახლობელნი იყვნენ. როდისაც ჭორი გითხრან  
რამე, გონების გახედვით გაჩხრიკეთ და მასუკან ისე მოიქეცით,  
თორემ, თუ მეჭორეებს აჰყევით, თავს კლდეზე გადაგადებინე-  
ბენ. ერთრიგათ მე გასამტყუნარი არა ვარ ამისთვის, რომ ჩვენ  
მოყვრებთან აღარ დავიარებოდი და იმ ქალს ველარ ვხედავდი. მაშ,  
რა უნდა მექნა, თუ იმ მეჭორეებისათვის არ დამეჯერებინა? ნამეტ-  
ნავად, ჩემიანებისთვის? *ეს კიდევ ცოტა არის.*

გარდა ამისა, ჩემზედ მოგონებული აუგები არაერთსა, რამ-  
დენსამე წაელოთ და ამთენი ჭორი ეთქოთ დავით ბარათაშვილის და  
იმის სახლობისთვის, რომ არცერთი არ ითქმის აქა. დავით ბარათ-  
აშვილს თუმცა არ დაეჯერებინა, მაგრამ ერთხელ თავის სახლობა-  
ში ეთქუა.

– „მე ხომ იმ ყმანვილკაცზე არა მჯერა ამთენი ურიგო ლაპარა-  
კი, მაგრამ იმ დღეს ერთს ადგილს იმასთან სალაპარაკოთ მივედი,  
პირი მამარიდა და სხვა მხარეს გადავიდა“. *სწორე გითხრა, ეს კი  
დიახ სანყენი იყო ჩემთვის.*

თურმე რა იყო და რა ამბავი? *ამის ქვემოთ მოვიხსენებ.*

იმ თ<sup>ა</sup> თ... თავის დისწული ს... ჩემთვის უნდოდა ცოლათ. დიდი  
დამოკიდებულებაც ჰყუანდა და მდიდარიც იყო. ყოვლის მხრით სა-  
შუალება იპოვნა, *ჯერ სამდურავი ჩამოეგდო დავით ბარათაშვილ-  
ში და ჩემში და მასკვან ისე ემოქმედა, რომელმაცა კიდევ შეიძლო,*  
რომ ჩვენში და დავით ბარათაშვილში სამდურავი ჩამოეგდო. რაც  
დავით ბარათაშვილის და ჩვენი მახლობელნი იყვნენ, იმათგანი  
ბევრი მიებირა და რაც უნდოდა, იმას ალაპარაკებდა.<sup>1</sup>

ამასთან მე თ<sup>ა</sup> თ... დამიახლოვა. დიახ ხშირად დავდიოდი იმას-  
თან, სადაც სადიღვანშმათაც დავრჩებოდი იქა. ნამეტნავად იმისი  
მშვენიერი და პატიოსანი ცოლი მ... რომ მთხოვდა ხოლმე, აბა, პა-  
ტივი როგორ არ უნდა მეცა? ჩემი რამთენ რიგად ნათესავი იყო და  
ჩუენი სახლის დიდი პატივისმცემელიც, მაგრამ საკურველი იყო,  
ისე ხშირათ ვიყავი თ<sup>ა</sup> თ... იმის დისწული ს... ვერსად ვერა ვნახე  
და ვერც თვალი სადმე მოვკარ. *საკურველი იყო, რომ არამცთუ თ<sup>ა</sup>  
თ... დისწული სოფო, როდისაც იქ ვიყავ, რომ ჩემთან შემოეყვანათ,*

<sup>1</sup> დიდი კაცის შვილის ოჯახებს ასე ღირსეულად აფასებდენ უწინ და ამისთვის  
უნდოდა თ<sup>ა</sup> თ... რომ თავის დისწული ს... მოეცა ჩემთვის.



არამედ ასე დახშული იყო, რომ თვალიც ვერსად მოვკარი. ღვთის წინაშე, არც მე ვათვალიერებდი და არც არაფერი გულში მქონდა.

ერთს დილაზე ჩემ პოლკოვნიკ ლ... მივედი, სახლში მარტო იყო. სხვადასხვის ლაპარაკის შემდეგ დიახ ჭკვიანურის ჩაგონებით მითხრა, თა თ... დისწული სოფიო შემერთო ცოლათ, რომელმაცა უეცრად და უნებურათ პირობა მივეცი. ეს ამბები დედაჩემმა ბატონიშვილმა არა იცოდა რა. არც მე და დავით ბარათოვის სამდღურავი და არც არა ზემოხსენებული ჭორები. ის კი იცოდა, რომ მე თა თ... ხშირად დავდიოდი, მაგრამ რომელიც თვითონ მე მოვახსენებდი ხოლმე, მაგრამ არაოდეს არ მიშლიდა, ამისთვის, რომ იმ თა თ... ცოლი ჩვენი ცოტა შორს ნათესავი იყო.

ჩემს პოლკოვნიკს პირობა რომ მივეცი, მასუკან მითხრა.

– „მაშ, დღესვე მოციქული მიუგზავნე დედაშენს, ნება მოქცეს, ის ქალი შეერთო.“

მე თანხმობის თავი დავუკარ და წამოველ, მაგრამ გზაზე რაღაც მეუბნებოდა. „გცხვენოდეს ალექსანდრე, იმ პირველს შენს დანიშნულს კატინას უშვებ და სხვას ირთავ.“

შინ მოვედი. ღვთიური დედაკაცი დედიდაჩემი ანასტასია ბატონიშვილი გავიხმაურე და ვთხოვე, თავის დასთან ეშუამდგომლა, დედაჩემთან, რომ მსურველი ვარ თა თ... დისწული სოფიო ცოლად შემერთო.

დიახ დაწყნარებულის კეთილის გულით მკითხა.

– „ალექსანდრე, მიზეზი რა არის, პირველს შენს დანიშნულს უშვებ და სხვას ირთავ?“

– „მიზეზი არ შემეძლია მოგახსენოთ, შეინჭიმე.“ ამისთვის, რომ სათქმელი არა არის.

– „შენმა გაზდამ, თუ გაგიგონია რამე, სულ სიცრუე იქნება. დავით ბარათოვი და იმის სულერთიანსახლობა დიახ პატიოსნები არიან.“

ვერას ჩაგონებით რომ ვერ დამაჯერებინა, მასუკან მითხრა.

– „ჩემ დას ვეტყვი, რასაც მეუბნები, მაგრამ ვიცი, დიდათ ეწყინება.“ ამ უკანასკნელს სიტყვასთან უკმაყოფილოდ გატრიალდა და წავიდა.

მცირე ხანს უკან დედაჩემთან მიმიწოდეს. როდისაც შევედი, ვნახე, დორზე მისვენებით მედიდურად იჯდა და ბრძნულისა სი-

ტყვიტ მიბძანა, იმის მახლობლად დავმჯდარვიყავ. შემდეგ ეგრეთისავე სახით მითხრა.

– „რაც ჩემის დის ბატონიშვილისათვის დაგებარებინა, სულ ნვლილად მიბძანა და ყოველივე ვცან, *ზოგიერთის უგვანის ადამიანების აზრი*. მე შენ დამიჯერე, ნურავის სიტყვას ნუ აჰყვები, ჩემოდენათ კეთილი არავის არ უნდა შენთვის. მე შენი მშობელი ვარ და სხვანი სხვანი არიან. ჩემისთანათ გული არავის არ შესტკივა შენთვის.“ მასკვან ალერსით მითხრა. – „შენმა გაზდამ, მე შენს პირველს დანიშნულს კარგათ ვიცნობ, გუშინაც ანჩისხატში ვნახე, ასე მომენონა, რომ რამდენიმე ხანი თვალი ველარ მოვაშორე. ნირვის შემდეგ ჩემთან მოვაყვანინე და რამდენჯერმე დავკოცნე. შენმა გაზდამ, ასე გაკეთებულა, რომ უკეთესი ქალი აღარ უნდა. მე დღეს სალამო ჟამზე იმ ჩემს მოყვრებს შევუთვლი, ამ დღეებში მადლი გადინხადონ და ჯვარის ნერაც ჩქარა მოხდება.“

– „შეინჭიმე, რაც გნებავთ, მიბძანეთ, გამზადებული ვიქნები თქვენის მონებისა, მაგრამ არ შემიძლიან დავით ბარათაშვილის ქალი შევიერთო.“

ამ ჩემს თქმაზე სახე გამოიცვალა და ბძანების სიტყვიტ მითხრა.

– „მე შენის ცოლის შერთვისას არასა გკითხავ, ამისთვის, რომ მე დაჭემშარიტებით ვიცი, ის ქალი როგორც გაგაბედნიერებს შენა. უთუოთ ჩემი ნება უნდა იყოს და ასეც უნდა მოხდეს.“

– „ბატონიშვილო დედავ, როგორც გინდათ დამსაჯეთ და ეგ კი არ შემიძლიან.“

არას ჩაგონებით და ვერას ბძანებით ვერ დამიმორჩილა ბატონიშვილმა დედამ. მეორეს მხრით, დედიდა ანასტასია ბატონიშვილიც დიახ ბევრს მელაპარაკა, მაგრამ არ იქნა, ჩემი გონება ველარ მიიხარეს. შემდეგ ბატონიშვილმა დედამ მიბძანა, რომ თა თ... სახლში აღარ გამეველო, *აღმიკრძალა იმასთან სიარული*, რომელმაცა ეს კი აღვუსრულე და მართლა რომ აღარ გავიარე.

ეს ანბავი *სახალხოთ* საზოგადოთ გამოვიდა და უფრო დამატებით მიმოსთქმიდენ ამ ამბავსა.

რალა უნდა ვთქუა. ორთავ მხარეს გამოიდვეს თავი, იმ თა თ... თავის დამოკიდებულებით, რომ იმის დისწული შემერთო და მეორე მხრით, ბატონიშვილი დედა არა შვრებოდა. იყო მისვლა, მოსვლა, ლაპარაკი, მითქმამოთქმა, ჭორები და რაც შეიძლებოდა ცდა, რომ

დედაჩემი დაეყოლათ, მაგრამ ვერას ცდით ვერ შეიძლეს.

ამაობაში ერთი საუცხოვო ყმანვილი კაცი სიძეთ აუჩინეს დავით ბარათოვს, მაგრამ დედაჩემმა რომ შეიტყო ეს ანბავი, ჩვენი სიძე თა ივანე მელიქოვი<sup>1</sup> გაუგზავნა და შეუთვალა.

– „თუ თქვენი ქალი მიგიციათ ვისთვისმე, საუკუნოთ თქვენი სახლის მტერი შევიქნები. თქვენი ქალი ეკატერინე ჩემი შვილის ალექსანდრეს ცოლია და არავისი სხვისა.“

მასუკან სიძემ მხიარულის სიტყვით მოახსენა.

– „მაგაზე თქვენ თავს ნუ იწყენთ. ის ქალი ანბობს და ღმერთს ჰფიცავს. „თუ ჩემი დანიშნული მე არ შემირთავს და სხვას შეირთავს, მასუკან მე ვიცი...“

ეს სტყვა მე საეჭვოდ მივიღე და ასე გავიგონე, მითამ ჩემს სასიამოვნოდ ამბობდა. *რომელიცა იმისი თქმა არ მამეწონა*. მერე ბატონიშვილი დედა მე მამიბრუნდა და უკმაყოფილოს სიტყვით მიბძანა.

– „გესმის, ალექსანდრე?“

მე თავი ჩავლუნე და ხმა არ ამოვიღე.

ბატონიშვილი დედა ისევ სიძეს მიუბრუნდა და უთხრა.

– „მინც რასაც გეუბნები რომ უთხრა, დიახ კარგი იქნება.“

– „ბატონი ბძანდები, შეინჭიმე.“

ამასთანავე წავიდა. მცირეს ხანს შემდეგ ისევ მოვიდა და მოახსენა.

– „თქვენი მორჩილნი და თქვენი ბძანების აღმასრულებელნი გახლავან შეინჭიმე.“

მასუკან ბატონიშვილმა დედამ ჰკითხა.

– „ის ქალი სადა ჰყავს შენს ნათესავებს? ჩვენი მოახლეები ამბობენ, თავის დედმამასთან აღარ არისო?“

– „ეს სამი წელიწადი იქნება, თავის მამიდას ბარბარესა ჰყავს და მამიდა ზრდის. დღეც და ღამეც იმასთან არის, რომ არსად არ უშვებს და როდესაც იმის დედმამას ქალის ნახვა მოუნდებათ, იქ წავლენ და იქ ნახვენ.“

სიძეს სიტყვა სულ ტყუილი მეგონა და ჩემთვისა ვთქვი. „ჩემი გულისათვის ამბობს-მეთქი.“

ჩემი პოლკოვნიკისა ხომ რალა გითხრათ? გამოიღო თავი, უთუ-

---

<sup>1</sup> თუ გახსოვთ, წარსულში ითქვა ეს სახელი?

ოთ თა თ... დისწული შემერთო. რომელიცა ხშირად მიბარებდა თავისთან და ხშირად მეუბნებოდა: – „თუ დავით ბარათოვის ქალი შევირთავს, საუკუნოდ მე და შენი გადაწყდება.“ არაერთგზის ბატონიშვილ დედაჩემთანაც მოვიდა და გულმოდგინედ სთხოვა, ნება მოეცა თ... დისწულის შერთვისა, მაგრამ ყოველთვის უარს ეუბნებოდა. ამაობაში მე პოლკში წავედი. ზოგიერთნი თ... დამოკიდებულთაგან გამაცვილეს და ვზასა გაყრის დროს კვალად პირობა გამომართვეს, რომ უთუოთ თ... დისწული შემერთო.

ტფილისის ქალაქიდგან არაიშვიათათ მომდიოდა პოლკში წიგნი, წიგნს არ მივიღებდი, რომ თაბახი არა ყოფილიყო და ყოველი წიგნი ჭორებით სამსე იყო ხოლმე. მიკვირს, ამდენ ჭორებს როგორ იგონებდნენ?

რამთენიმე დღეების შემდეგ ჩვენი პოლკოვნიკიც მოვიდა პოლკში. ქალაქიდგან ბევრი სტუმრები ამოჰყვნენ. გაიმართა შექცევა, სიმხიარულე და უცხო დროს გატარება. ეს დრო იყო აღდგომისა შემდგომ და ამ სიმხიარულის ტანცაობის დროსა უეცრად კარზე გამოველ, რომელსაცა ოფლიანსა სიცივე მაძხვდა, მაშინვე ვიგრძენ, შეუძლოთ შევიქნებოდი და ძალიან ავადაც გავხდი. მართლა რომ მთელი ერთი თვე ქვეშაგებიდგან ველარ ავდექი. ამის შემდგომ, როდისაც მცირედ და მცირედ მოველ ღონეზე, წყეულის ციებისაგან და ჩემგნით გადიქაჯა ციება, ამაობაში გაზაფხულის ჰაერი წინამორბედად მოსისინდა თავის ნიავეთა და სამახარაბლოდ მე დასუსტებულს დამქროლა გულზედ: ნულარ იშიშვი, სიკვდილისაგან გამოგიხსენო.

რას ყოფით, დასუსტებული წამოვდექი, ნელიადის ნაბიჯით ფანჯარასთან მივედი, რომ გაზაფხულის მონარნარეს ჰაერისათვის, მზის ამოსულს დილის ბუნებისათვის შემეხედა. მთებსა და გამზეებულს ჰაერს რომ შევხედე, ასე მესიამოვნა ნავანტყოფარს ეს დილა, რომ უკეთესი საამო არა იქნებოდა რა იმ დროს ჩემთვის. ჩაი მამიგანეს, მეტათ მიამა და მეორე სტაქანიც ზედ დავატანე, რომელიცა ნახევარ სტაქანს ძლივს დავლევდი. ჩემს საფარეზო სადილსაც კარგად შევექეცი. რომელსაცა მადა სრულებით დაკარგული მქონდა. ორმა თუ სამმა დღემ რომ გაიარა, კარზედაც გამოველ, წყნარად სიარული დავინწყე და ათიოდე დღე რომ გავიდა, ჩემ პოლკოვნიკ ლ... მივედი და ტფილისში დავეთხოვე. თუმცა

დამითხოვა, მაგრამ მაინც დამარიგა, დავით ბარათოვის ქალი არ შემერთო.

კოჯრის მთიდგან ტფილისის ქალაქს გადმოვხედე, ტფილისის გარშემო მწვანოვანს ბუნებას დავხედე და ზედ მიმოზნეული საქართველოს ქალები რომ დავინახე, უნებურად დავიძახე ბესარიონ გაბაშვილის ლექსი.

„გაზაფხულის შემოსვლისა მხმობელნი,  
ია-ვარდთ-ზამბახთა მახარობელნი,  
სხვა ყვავილთა და სხვა ამბავთ მთხრობელნი,  
შავხავერდმოსილნი, ქუფრად მბზინავნი.“<sup>1</sup>

დედაჩემი თეკლე ბატონიშვილი დიახ სიყვარულით მამეგება. ჩამკრთალს სახეზე რომ შემამხედა, შენუხებით მკითხა.

– „ნეტავი მითხრა, აგრე ჩაყვითლებული და გამხდარი რათა

---

<sup>1</sup> შემდგომ ამ გაზაფხულზედ მე ეს ლექსიცა ვთქვი.  
საქართველოს გაზაფხული.  
ნიმფნი რხევით სეირნობენ,  
ასფოდელსა დარაზმულნი,  
ყვავილთ სწყვეტენ, ნაზად სტროფობენ,  
ჰყნოსვენ სუნთა სიხარულნი.  
ნორჩებზედა გაზაფხული  
დასწრნის სუფთად ხანდაზმული,  
დააკვდება შეკონილი  
მდეღვართ სიოთ სიყვარულნი.  
ეფირ მდელოს მოეფინვის  
სიამითა შეეხვევის,  
იქ ფოთლებში მოიბზინვის,  
შარავანდნი მხიარულნი.  
კარგნი ჩიტნი ჭიკჭიკობენ  
ხმის წყაროთი მოეშხობენ,  
წვრილად, წყნარად გულთ იდნობენ  
სურვილითა შელაშქრულნი.  
მუზნი ეთერთ ცეცხლს ისვრიან,  
საწყალ ამურთ გულსა ჭრიან,  
სულს შენირვით კვლად შესტროფიან,  
ტრფიალებით გაბასრულნი.  
ცა, ქუეყანა, სურიელი,  
გაზაფხულსა შეეხარვის,  
ამ დროსაც კი კაცი ბერი  
მოკვდეს, ვფიცავ, ცოდო არის.

ხარ?“

მე ჩემი ავანტიურების ამბავი უკრამბე. ამის შემდგომ ჩემი საქმე სხვა არა იყო რა, დილას და საღამოს ქალაქგარეთ ქვევითი დავდიოდი და ამითი ასე მოვლონიერდი, სრულებით კარგათ შევიქენ.

რასაკვირველია, კიდევ ჭორები ბევრი იყო და კიდევ უკან დამდედენ ადრინდელი ჩემი ცოლის შემრთველები. მეც გადანყვევითი პირობას ვაძლევდი, რომ თა თ... დისნულს შევირთამდი ცოლათ.

გაიგონე.

ნ.

ერთმა კვირამ გაიარა. *ერთს მზის დანვერების* კვირდღეს საღამოზე ქალაქს გარეთ, ვერის მახლობლად დავდიოდი, მონასტრის ბაღს რომ ეძახიან და შინ წყნარა მოვიდოდი. იმ ბაღის ღობესთან რომ მოვედი, ერთს მშვენიერს თხუთმეტის წლის ქალსა შევხვდი მარტო უეცრათა, რომლებიცა ორივე შევკრთით და შევდექით გაცეტებულსავით და ყურება დაფუნყევით ერთმანეთსა. *ხუთი-ექვსი მინუტი ასე დავრჩით ერთმანეთის მაყურებლები*. ბოლოს ქალი გატრიალდა, ეტყობა, შიში იგრძნა და მინამ ბაღის კარებში შევიდოდა, რამდენჯერმე მოტრიალდა და შემამხედა. იმ ადგილს მინაში გავლილს ისარსავით დავრჩი. *ხიმტს დავემსგავსე*. ამ დროს მომავალმა გლეხების ლაპარაკმა *მოგ ზაურ მოლაპარაკე კაცებმა გამომიყვანეს შთაგონებიდან*, გამამიყვანა გონების დაკარგულობისაგან, თორემ უფრო ბევრი ხანი დავრჩებოდი იმ ერთს ადგილს. თავი რომ ავიღე, უნებურად მძიმედ ამოვიოხრე და შინათვე წამოველ.

მინამ შორს იქით გადავეფარებოდი, რამდენჯერმე მოვტრიალდი და ბაღის კარებს შევხედე, რომ ეგება გამოსულიყო ის ქალი და კიდევ მენახა, მაგრამ ტყუილი იმედილა იყო. არც ეს მამივიდა ფიქრში, რომ იმ ბაღში შევსულიყავ და იმ ქალის ვინაობა მებაღისთვის მეკითხა, რომელიცა იმ ქალის შვენებასა აღგინერთ, რომ იმის სახის შვენების ცნობა გქონდეთ.

მრგვალს პატარას თავსა პტყელი თანასნორი შუბლი წინ მოველებოდა და განგებ გაკეთებულსავით გამოყვანილი გიშერ-მოჟუჟუნარე თვალები უცხოთ გამოილიმებოდენ. მაგრამ ეტყობოდა, რაისამე მიზეზით გამქრალს უგვანდა, იმის მშვენიერს მსხდომარესა თვალთა შეერთებულნი წვრილნი წარბნი შავმშვილდურებ ზედ

მოხროდნენ, რომლებიცა პირისახეს მეტათ კარგად მოხდომოდნენ. ლოყებთან გადმოტანილს ღანვთა წმინდა თეთრს ვაშლს მცირედი სინითლე რომ შეერიოს, იმის ფერისთანა თეთრსინითლე ზედ გადასცემოდა, წმინდა ალიბასტრის ლოყანი ღანვთა ასვენებდა და ღანვთაგან მცირედი რამ ფერი ლოყებსა შეჰპარვოდა ქურდულათ. სწორე და ცოტათ მომრგვლო საშუალო ცხვირი ღანვთა აშვენებდა, ლალისფერი ბალახ[შ]თ ბაგეები ვარდებრივა მლიმარებდენ და ზედ წმინდა სისველე გადაჰკროდა იმ ტუჩებსა. სწორე ყბებიდგან გამოტანილი პატარა ღაბაბიანი ნიკაპი ახალ მთვარესავით სახეს მოხვეოდა, რომელზედაც მომბზინვარე შავნი ლულანბარნი ნიავის ძალით ერხეოდა ზედა. ბადრული იმის სახე გამხდარის მინაზებით უკუ ჩათეთქოდა, მაგრამ მაინც კიდევ განსპეტაკებული სითეთრე ნათელსავით მოჰფენოდა, მხოლოდ რომ დააკვირდებოდი, ბევრი ფერმკრთალობა ეტყობოდა, ასე რომ სითეთრე და ფერმკრთალობა ერთმანეთში არეული იყო. ნვლილი მომადლო ყელი მრგვალს ბროლსავით გამოკრთოდა, სადაც მცირედი ძარღვის ზადი სულ არ ეტყობოდა. ფარგალში გამოყვანილსავით გული სავსეს მკერდებს გასწყობიყო და სოსანისფერს გულისპირში თვით ის გული გამონათდა მეტად თეთრად, ვითარცა ღრუბელსა შინა სინათლემილეული მთვარე, ეგრეთ და იმ გულისპირშივე ორი გულიონი შეხიზვნოდენ, რომელთაცა იმ გულით ბოლოები გულსა ზედა გაეშალათ ცოტა აფუნჩული, თვითონ მკერდებს დაჰბუდებოდენ და თვითო ვაზის კვირტი პირით ეპყრათ, მაგრამ იმ გულით ასე გაეკეთებინათ ბუდე, რომ ბურთებსავით ამოებურცათ კარგა მომადლოთა, რომელსაცა იმ ქალს გრემასის ფერი კაბა იმის საროს და აღნაგულს წელსა წინ ოქროს ხრიკეის ჩარიგებით უცხოთ გასწყობოდა, რომელიცა უკარსეტოდაც დიახ წერწეტი რამ იყო. *ბაშმაკიანი მოგძელო ნვლილი ფეხები ხომ რაღა უნდა ვთქო; არამცთუ ფეხები, არამედ ფეფები უნდა დავარქოთ.* აი ამ შვენებას თაყუანი ვეც და ვემონე სრულის ჩემის გულით ჭეშმარიტად.

თვითონ ჩემს თავს ვკითხამდი: არ ვიცვი, ეს რა მამივიდა ან რა დამემართა. იმ ქალის მშვენიერებამ ასე ჩქარა მამინადირა, რომ იმის ნახვისთანავე, იმ წამს იმის მშვენიერების დალი გულზე ძალიან, მართლა ძალიან დამესო! რა იყო, რა ამბავია ჩემს თავსა?— წარმოიდგინეთ, მინამ შინ მივიდოდი, სრულიად მოვიშალე. ასე

რომ ლელვა გვემულს დამსხვრეულს ხომალდს ვგვანდი.

შინ მივედი და დედაჩემმა სახეზე რომ შემამხედა, განკვირვებოდა მკითხა. *შემატყო, რომ სრულებით შეცვლილი მქონდა სახე.*

– „შვილო ალექსანდრე, რა დაგმართვია, მაგისთანა მოშლილი და აგრე გაყვითლებული სახე გაქვს?“

რასყოფით სიტყვით მოვახსენე.

– „მგონია კიდევ შემაქცია შეინჭიმე და ხელმეორეთ ავით გავხდი.“ *ციება დამანყებინა.*

– „რას ამბობ? რახანია, ციებამ გავიარა. იქნება სხვა მიზეზი იყოს რამე?“

მინამ ვიტყოდი ქვეშაგების დაგებასა, გულსაც შემამეყარა და თვითონ დედაჩემზე გადავიქეცე. თვალეები რომ ავახილე, ვნახე, ჩემი ნათესავები ერთი ყურს მიწევდა, მეორე ლავინსა, მესამე ხახვს მასუნებინებდა, მეოთხე ძმარსა და ზოგნი ჩამძახოდენ, მოვბრუნებულიყავ. როდისაც მოვსულიერდი, მაშინვე ის ქალი მამაგონდა და გახელებულის თვალეებით მიმოვიხედებოდი, ეგება ის ქალი საიდგანმე გამოსულიყო და იმის წინაშე იმის ფეხქვეშ მოვქცეულიყავ. ეგება, შევბრალებოდი. ამ დროს აქიმი ივანე კარაევი შემოვიდა, დანვრილებით რომ გამჩხრიკა, საჩქაროთ დალაქი მოაყვანინა, მარჯვენას მკლავში სისხლი გამამაშვებინა და ამან მამაბრუნა, მაგრამ იმ ღამეს კარგი სიცხე მამცა, ასე რომ არა გამეგებოდა რა, რას ვროტავდი თურმე.

იმ ღამეს ჩემს მოსავლელად ესენი ყოფილიყვნენ ჩემთან: თვითონ ბატონიშვილი დედა, ჩემი მამიდაშვილი მაკა, რომელიცა საიდგანლაც სტუმრობიდამ მოსულიყო ჩვენთან და მე რომ ასე შეუძლოთ ვენახე, ჩემი სიყვარულისათვის იქ დარჩენილიყო იმ ღამეს და მესამე ჩემი მოხუცებული გამდელი. ვახშმის შემდგომ იმათ დასძინებოდათ და ანთებულს სანთლიანს ოთახში სიჩუმის მეტი არა იყო რა. ამ დროს ვნახე, ის ჩემი ნახული ქალი კარებში შემოვიდა და ჩემ წინ დადგა. მაშინვე ნამოვხტი, მინდოდა, გადავხვეოდი, მაგრამ ვნახე, აღარ იყო. ბევრი ვათვალეიერე, ველარსად რომ ველარ დავინახე, ისევ ბალიშზე მივწექ, მინდოდა, დამეძინა. იმ ქალმა ჩემს ბალიშზე ხელი გადმოაწოდა და ჩემს გულსა ხელი დაადო. კიდევ ნამოვხტი, მითამ მინდოდა, დამეჭირა, მაგრამ ველარ დავინახე. კიდევ ბალიშზე რომ მივწექი, ამასთან იმ ქალმა ყურ-



ში ჩამძახა: „სიყვარული!“ მე გაშტერებული მიმოვიყურებოდი და ჩემთვის ვანბობდი.

„სიყვარული, სიყვარული! მშვენიერებაო, მშვენიერებაო! სად ნახველ? სად მიმეფარე? ეხლა აქ ჩემთან იყავ და სიყვარული ყურში ჩამამძახე, რომელიცა გულზედ დალსავით დამაჩნდა და საუკუნოდ აღარ ამოიხოცება ის შენი სიყვარული ჩემგნით. *მე ერთის სიყვარულისათვის ვარ დაბადებული...* მშვენიერებაო, მშვენიერებაო! ნეტავი მითხრა, ვინა ხარ, რომ ასე ჩქარა მამწყალი და ჩემს ცივსა გულსა რაღაც ცეცხლსავით დაასხი? *ასე მომინადირე* მშვენიერებაო! ერთი კიდეე გამამიჩნდი, ერთი კიდეე ჩამამძახე სიყვარული, რომ იმით ვიცხოვრო, თორემ სიყვარული იქნება სასიკვდილოდ შემექნას. არა, არ გესმის? არ გესმის მშვენიერებაო? აკი სიყვარული ჩამამძახე. – სიყვარული, მშვენიერებაო! შენ სარწმუნოდ იცოდე, ეს შენი სიყვარული მე ველარსად ველარ წამივა, რომელიცა ამ ჩემს სულის უბეში შემინახავს, ან ჩემს სასიცოცხლოდ და ან ჩემს სასიკვდილოდ.“

*შენი სიყვარული ამ ჩემს საცოდავს გულზე ცეცხლის ნაღვერდლებსავით აწვა, დაეწყო და სულის საშუალობაში ჰქრება, გონებით ვხედავ, გარნა ძარღვებში იღუბება. ახლა მწყურის, თუმცა ვსვამ იმასა, მაგრამ ვერ ვანმძღარვარ; – მნადს და არსად არ არის; – ვეძებ და ვერსად მიპოვნია. – ნეტავ მითხრა, რა არის, რომ ასე მტანჯავს? მრავალნი რომ ამბობენ სიყვარულსა და ვერავის ვერ გამოუთქვავს. ამისთვის ეხლა რომ ჩემი გული ვასჭრან, მაშინ ვგონებ იტყვიან. „აი, მართალი და ჭეშმარიტი სიყვარული“. მე მგონია, სიყვარული ასე გამჯდომია აგებულებაში, ვითარცა ვანხურვებულს მზესა ქვეშე კვერცხი დასდო და სიცხოველის ძრიელებით იგი შეინოს; ეგრეთვე მე ვიყო.*

ამას რომ ჩემთვის ვანბობდი, ვნახე, კარებიდგან შემოვიდა ისევ ის ქალი, ჩემ წინ გაიარა და ჩემი ტანისამოსის შკაფის უკან აეფარა. მე წამოვდექი და ნელიად მიველ იმ შკაფთან, მაგრამ რას ვნახამდი? – ამაოებაში ბატონიშვილმა დედამ, ჩემმა მამიდაშვილმა მაკამ და ჩემმა გამდელმა გაიღვიძეს. შემამხედეს, შკაფს უკან რაღასაც ვეძებდი. ჩემი მამიდაშვილი საჩქაროთ წამოვარდა, ხელი დამიჭირა და მითხრა.

– „სანდრო, ნეტავი მითხრა, რას ეძებ ამ შკაფის უკან?“

მაშინ მე გონებაზე მოველ და ვუთხარ.

– „არც მე ვიცი, მაკავ.“

მოვტრიალდი, წაველ და ჩემს ქვეშაგებში დავეჩქი. ბატონიშვილ-მა დედამ შემატყო, სიცხე არ მასვენებდა, აქიმის წამალი დამალევი-ნა და მასუკან მითხრა.

– „ალექსანდრე, არ გინდა, ზღაპარი გითხრა?“

– „თქვენი ნება არის, შეინჭიმე.“

*ჩემი გონება იმ ზღაპარმა მიიზიდა და მასკვან ასე განსვენებით დამეძინა, გათენებამდისინ არ კი გადავბრუნებულვარ მეორეს მხარესა. როდისაც კარგათ გათენდა და გამელვიდა, ვიგრძენ, უკეთ ვიყავ და აღარც სიცხე მქონდა, თვინიერ სისუსტის მეტი. მარჯვენას მხარეს თავი რომ გადავიღე, ვნახე, ჩემი აქიმი ჩემ გვერდით სკამზე იჯდა და ჩემი ავანტყოფობის ამბავი მკითხა. მეც უკეთობა ვუთხარ. ერთს კვირას უკან სრულებით კარგათაც შევიქენ, მაგრამ მაინც კიდევ რალაც საიდუმლო მტანჯავდა, დაუნყო ჩემს გულს გემოვნება, რომელსაცა აღარაფრისთანა აღარა მიაძებოდა რა, თვინიერ სულთქმის მეტი და მწვანეს ბუნებაზე ხეტების მეტი. ჩემი ნუგეში ეს უფრო იყო, რომ მას ადგილს მივიდოდი, საცა ის ქალი ვნახე და როდენსამე საათს იმის ნაფხურს ადგილზე დავეგდე-ბოდი და ამით მოვიკლამდი ჩემს ვნებასა. შემდეგ ჩემი უკეთობისა, საჩქაროდ გავსწიე, მის მებაღეს ვკითხე იმ ქალის ვინაობა, მაგრამ ჩემი ბედის გამო ის მებაღე აღარ იყო და სხვა დამდგარიყო მებაღეთ და ამისთვის ველარა შევიტყე რა იმ ქალისა. მასკვან ვიფიქრე, მოდი წავალ, იმ მებაღის მებატონეს ვკითხავ-მეთქი, მაგრამ შემრცხვა და ჩემთვის ვთქვი, სწორეთ რომ ვკითხო, ნეტავ მითხრა, რას იტყვიან? იქნება თქოს, სხვა რიგათ იფიქროს და სხვა ურიგო რამა სთქონ? ამისთვის ამ განზრახვაზე ხელი ავიღე და დავრჩი მწარედ მწუხარე.*

*ორი კვირა რომ განვლო იმ ქალის ნახვის შემდეგ და მე ღმერთმა ცოტა უკეთესობა მომცა, ერთს დილას გაუთენებლივ გამელვიდა. ალიონი ჯერ მოწეული არც იყო, მაშინვე, მოსამსახურის გამოუღვეძებლივ ტანთ ჩავიცვი...*

მოჰყუა. აი, ის ზღაპარი.

იყო ერთი კაცი. სახელად იმას ერქუა ხოჯანასირთუსი. ის ასეთი კაცი იყო, სადაც კი ქუეყანაზე შეწუხებულის ამბავს გაიგონებდა

რასმე, რაც უნდა შორს ყოფილიყო, ის იქ წავიდოდა, იმ ამბავსა წვრილად შეიტყობდა, იმ საქმესა შეუდგებოდა და უთუოთ კარგათაც შეასრულებდა. იმას თითქმის მთელი ქუეყანა იცნობდა.

ერთმა მოგზაურმა იმ ხოჯანასირთუსის უთხრა: ამა და ამ ქუეყანაში იმის ხელმწიფესა ჩუეულებათ დაუდვია, რომ კვირაში ერთხელ სტუმრობას გააკეთებს, თვითონ შესავალს კარებთან დადგება კისერგადაღელილი, გვერდით ოქროს ტაშტი უდგას ცივი წყლით სამსე და სტუმრებმა, ვინც რომ უნდა შეიაროს, ჯერ იმ ტაშტის წყალში მარჯვენა ხელი უნდა დაასველონ, მასუკან ის სველი ხელის სილა კისერში შემოჰკრან და მერეთ სასახლეში შევიდნენ. როდისაც ერთიანათ შეველენ, ბოლოს ის ხელმწიფეც შევა და გადახდის სტუმრობასა უხვად.

ხოჯანასირთუსისათვის ამ ამბისა გაგონება კარგი იყო. დაუყოვნად მიდიოდა იმის გზაზედ. იარა, ბევრი იარა, მივიდა იმ ხელმწიფის ქუეყანაში სწორეთ იმ დღეს, როდისაც სტუმრობა გამართა და ხელმწიფის კარებთან წადგა წინა. როგორც უთხრეს, ისეც იყო. ბოლო დროს ამანაც მოინდომა შესვლა სასახლეში, მაგრამ ხელმწიფემ დააყენა ამ სიტყვითა:

– „ჯერ კისერში დამკარ შენი სველი სილა და მასუკან ისე შედი.“

– „ვერა ხელმწიფეო, მე ვერ დაგკრამ.“ ხოჯანასირთუსიმ მოახსენა კრძალულებით.

– „არა, არ შეიძლება, უნდა დამკრა.“

– „მე შორით უცხო კაცი გახლავარ, მე ვერა გცემ სილას.“

– „სადაური ვინც უნდა იყო, უთუოთ დამკარ შენი სილა და ისე შეიარე. მე ჩემს ჩუეულობას ვერ გადავალ.“

მეტი რაღა ღონე ჰქონდა. დაასველა ხელი წყალში, სცა კისერზე სილა და შევიდა სასახლეში.

სტუმრობის შემდგომ ხელმწიფემ ხოჯანასირთუსი აღარ გამოუშო და როდისაც ორნი დარჩნენ, ხელმწიფემ ჰკითხა.

– „ვილაცა ხარ, კაცო, რატომ წელან სილა არ შემომკარ?“

– „ხელმწიფეო, არამცთუ მე ეგ უნდა მექნა, მე შორის ქუეყნიდგან იმისთვის გხლებივარ, რომ შევიტყო, რათ ნებულობ მაგისთანა უკადრისსა საქმეს?“ გულმტკიცნეულად მოახსენა.

ხელმწიფე დაფიქრდა. მასუკან თავი აიღო და შენუხებით უთხრა.

– „ეჰ, შენ რა გითხრა, ხოჯანასირთუსი უნდა იყო, რომ იმას

ვუთხრა, თორემ შენ რასა იქ?“

– „შენიჭირიძე, თვითონ მე ის ხოჯანასირთუსი გახლავარ.“

– „რახან შენ ხოჯანასირთუსი ხარ, ამა და ამ ქალაქში ერთი ყმანვილი კაცი არის, ის არის ხელმწიფის შვილი. იმას ძველ–ძული გლახის ტანისამოსი აცვია, უბრალო ჯოხი ხელთ უჭირამს, დილიდგან სალამჟამამდის წყალობასა ჰკრებს და სალამოზედ იმ მოკრეფილს წყალობასა სულერთიან გლახებს აძლევს. აბა, ჯერ იმის ამბავი შემიტყე, ის ხელმწიფის შვილი რათა შვება ამას? – მასუკან მოდი ჩემთან და ჩემსას გიანბოზ.“

მაშინვე ხოჯანასირთუსი გზას დაადგა და მივიდა იქამდისინ. როგორც ხელმწიფემ უთხრა, სწორეთ ისე ნახა ის ყმანვილი. იმას უკან გამოუდგა, ესეც იმას სახლში შეჰყუა, სადაც ის ყმანვილი იდგა. იმან მოიხედა. ჰკითხა.

– „რა გინდა, ვინა ხარ შენ?“

– „მე თქუენთან გიახლები საქმეზედა.“ უთხრა ხოჯანასირთუსმა.

– „მოდი ჩემთან, შამო სახლში.“

შევიდნენ, დასხდნენ და ჰკითხა. – „აბა, რა გსურს?“

ხოჯანასირთუსმა ყოველი გარდასავალი უამბო იმ ხელმწიფისა, რომელიც წინათ ნახა და მასუკან უთხრა.

– „ან ეგ თქვენი ძუველ–ძულის ტანისამოსის ჩაცმა რა არის, ან ის წყალობის მოკრეფა და ან დარიგება გლახებზედ?“

იმ ყმანვილმა ისე.

– „ეჰ, შენ რა გითხრა, ხოჯანასირთუსი უნდა იყო, იმას ვუთხრა, თორემ შენ რასა იქ?“

– „მე ვარ სწორეთ ისა.“ მოახსენა.

– „რადგანაც შენ ყოფილხარ ხოჯანასირთუსი და ხელმწიფესაც უთქვამს შენთვის, რომ ჩემგნით შეიტყო ჩემი ამბავი, აჰა, გაიგონე.“

მე ვარ იმის ძმისწული. თვითონ იმან ინება, თავის ცოლის, დედოფალის დისწულზედ მექორწინა, მაგრამ ვეზირებს დავებზედლებინე, მითამ მე იმას სიკვდილს ვუპირებდი და ამაზედ თვითონ იმას განედრახა ჩემი ვნება, რომლისაცა ჩემის დანიშნულის წიგნი მამივიდა ჩუმათ. მოენერა. საყუარელო! ეხლავ, ამაღამვე წადი სადმე, თორემ სიკვდილს მოელოდე ხელმწიფისგან ამ ღამესა. მაშინვე ჩუმათ წამოვედი და იმის შემდგომ ეს ჩემი აღთქმა ასე დავდე და ასე ვასრულებ ამ უცხოს ქუეყანაში. ვიცი, სოფელი ამოა.

ბოლოს ხელმწიფესა ყველა სწორეთ შეუტყვია. გაანჩხლებულს ვე-ზირები გაუყრია თავის ქვეყნიდგან და ჩემთვის მოენერა, ისევ მივსულიყავ, მაგრამ მე პასუხიც არ ვაღირსე. ამისთვის ისიც იმის შემდგომ იმ თავის აღთქმას ისე აღასრულებს, რათ შესცდა ისე ჩქარა ვეზირებისაგან, რომელთაცა ჩუენი ოჯახის დამხობა ნდომებიათ.“

რალა უნდა გავაგძელოთ ამის ლაპარაკი. ის ყმანვილი ხოჯანასირთუსიმ წაიყუნა, თავის ბიძას ხელმწიფეს შეარიგა და იმანაც დიდი ქორწილი გადაუხადა დედოფლის დისწულზედ. ასე ხოჯანასირთუსიმ გააბედნიერა ის ოჯახი, როგორც პირუელ ყოფილიყო.

ერთს დილაზედ ხელმწიფე და ხოჯანასირთუსი სხედან და ხელმწიფეს ჰკითხა იმან.

– „ნეტავი ვიცოდე, სად იქნება კიდევ მწუხარება, წავიდე და იქაც ნუგემი ვცე რამე? –“

ხელმწიფემ უთხრა.

– „რახან მაგ გზაზედ დამდგარხარ და შესდგომიხარ მაგ კეთილსა საქმეს, აი, გეტყვი. ამა და ამ ქალაქში ერთი პირტიტველა ლამაზი მკერვალი არის. იმას აცვია შავები თავიდგან მოკიდებული ფეხებამდისინ და თვითონ ფეხებიც შავებში აქუს. ის შაოსანი მკერვალი შავებსა სჭრის, შავებს ჰკერამს და ამასთან ტირის მწარეს ცრემლით. საღამოზედ დუქანს რომ დაჰკეტამს და თავის სახლისაკენ წამოვა, იმას უჭირამს ხელში ქინძისთავი, რომელიცა ხანდისხან ენას გამოყოფს, იმ ქინძისთავის წვერსა ზედ დაიკრამს და ამასთან იტყვის: სულ ამ ენის ბრალი არისო.“

აი, ამბავი გინდოდა და მეც მითქუამს.“

იქაც ჩავიდა, ისიც ნახა, ახლა იმან უთხრა.

– „რახან შენ ხოჯანასირთუსი ყოფილხარ, ამა და ამ ქალაქში ერთი მოლა არის, ის მოლა როდისაც აზანს გასწევს მეჩეთზე, იმ ქალაქის ხალხი იღვრებიან ცრემლით, ასე მშვენიერის ხმით ამბობს აზანს. იმ დროს იმას ერთი ბალდადის ხელსახოცი ხელში უჭირამს, იმ თავის აზანისა დროსა თუალეზიდგან ლაპალუპით გადმოდის ცრემლი. იმ ხელსახოცით იწმენდს ცრემლსა და თან ამბობს აზანსა. როდისაც რომ კარგათ დაასველებს ცრემლით იმ ხელსახოცს, აზანსაც გასწევეტს. მასუკან ხალიჩაზე დაჯდება, უბიდგან ვერცხლის ჯამსა ამოიღებს, წინ დაიდგამს, იმ ხელსახოცის ცრემლსა შიგ ჩასწურამს, მერე აიღებს იმ ჯამსა და იმ თავის ცრემლსა

სრულად დაღვეს ტკბილად. შემდგომ ადგება, შუა მეჩეთის კიბეზე რომ მოვა, იქ კედელში ფანჯარასთან დაიბარბაცებს და ბარბაცით ქვევით ჩამოვა, რომელიცა ყოველს კვირაში ერთხელ ასე შვრება ის მოლა. აბა ჯერ იმ მოლის ამბავი შეიტყვე რა არის იმის მწუხარება, მასუკან მოდი და ჩემსას გაიმბობ.“

მე ის ზღაპარი ასე მიამა, რომ შემდგომი ველარა გავიგონე რა და განსვენებით დამეძინა – ასე დამეძინა, გათენებამდისინ მეორეს მხარეს არც კი გადავბრუნებულვარ. როდისაც კარგათ გათენდა, გამელვიდა, ვიგრძენ, უკეთ ვიყავ და აღარც სიცხე მქონდა, სისუსტის მეტი. მარჯვენა მხარეს თავი რომ გადავიღე, ჩემი აქიმი ჩემს გვერდით სკამზე იჯდა და ჩემი ავანტყოფობის ამბავი მკითხა, მეც უკეთობა ვუთხარ. ამაში ბატონიშვილი დედა თავდახურვილი და სრულიად ტანთ ჩაცმული შემობძანდა ჩემთან, ჩემი მამიდაშვილი მაკაც თან შემოჰყუა, ჩემი მოხუცებული გამდელი ხომ არ მომშორებია მე და ყუელანი სიამოვნებდნენ ჩემს უკეთობაზე. ივანე აქიმი ხომ მეტი კმაყოფილი ადგა, ნავიდა შინ. ამ დროს ბატონიშვილი დედაჩემის ზღაპარი მამაგონდა, რომელმაცა მოვახსენე.

– „თქვენმა ზღაპარმა მამარჩინა ბატონიშვილო დედავ. ასე მიამა, თქვენს მზესა ვფიცავ, რომ სრულებით გული მომისვენა, მაგრამ სულ ვერ გავიგონე, მოსვენებით დამაძინა იმ ზღაპარმა.“

– „სანამდისინ გაიგონე, შვილო?“ მკითხა.

– „იქამდისინ, იმ შაოსანმა მკერუალმა რომ უთხრა: აბა, ჯერ იმ მოლის ამბავი შეიტყე, რა არის იმის მწუხარება, მასუკან მოდი და ჩემსას გაიმბობ.“

– „კარგი შვილო, ამაღამ კიდევ გაიმბობ.“

იმ დღეს ჩემი ფარეზის სადილი გემრიელათ ვჭამე, ვახშამიც კარგათ და წყალით ღვინოც დავლიე. ვახშმის შემდგომ ცოტათ მივიარ-მოვიარე, მასუკან ქუეშაგებში დავნექ და ბატონიშვილი დედაც მოჰყუა იმ ზღაპარსა.

„ხოჯანასირთუსი რომ მივიდა იმ ქალაქში, იყო საღამო ჟამი მოახლოებული, რომელმაცა ნახა, რომ ხალხი სადღაც მიდიოდნენ. ჰკითხა, საითკენ მიხუალთო. უთხრეს, გეტყობა, ვილაც ახალი ხარ. ჩუენმა მოლამ აზანი უნდა გასწიოს, იქ მივალთ, იმ აზანის გასაგონათაო, რომელიცა ისიც იმათ გაჰყუა.“

ხოჯანასირთუსიმ ნახა მეჩეთის მეიდანზე შეყრილი ხალხი და

ყუელას თუალები მეჩითის მაღალ კოშკის კარებს შეჰყურებდნენ: როდის გამოვაო? მოუთმენლად ბევრნი ამბობდნენ ამას. ამაობაში ერთი ყმანვილი კაცი ამოვიდა, შავი გიშრისფერი პატარა ულვაშ-ნვერი ჰქონდა, სახე თეთრი მრგვალი და ბრწყინვალე შავი თუალები. ტანადობითაც უცხოთ მოყუანილი იყო, მაგრამ ჩათეთქილს და გამხდარს სახეზე კი ეტყობოდა რალაც დიდი მწუხარება. ხოჯანასირთუსიმ თავის გულში თქუა: თითქმის მთელი ქუაეყანა დამივლია და მე ამისთანა მშვენიერი ყმანვილი კაცი არ მინახავსო.

იმ მოლამ დასავლეთის მხარეს პირმიქვეულმა, ზეცისაკენ ხელგანჰყრობით დაიჩოქა თუალებ მაღლა შეხედვითა, რომელსაცა ეტყობოდა, იმ უხილავს განგებულებასა რალასაც ევედრებოდა თავის სანადლისათვის. ვედრება გაათავა, ზე წამოდგა, თავის ჯიბიდგან ბალდადის ხელსახოცი ამოიღო და აზანის თქმა დაიწყო. – დაიწყო ასე რიგათ, რომ ხოჯანასირთუსაც გული ამოუჯდა. შეყრილი დედაკაცი და კაცებიც ქვითინებდნენ იმ აზანზედ. თვითონ იმას, იმ მოლას ხომ დაპალუპით მოსდიოდა თუალებიდგან ცრემლი, რომელიცა არცა ერთსა ცრემლსა მინაზედ არ უშვებდა, იქვე, იმ თავის ღანვზედ, იმ ბალდადის ხელსახოცით იწმენდა ხოლმე.

დაასველა, დაალორტა ხელსახოცი, ბოლოს ხალიჩაზე დაიჩოქა, ის ვერცხლის ჯამი ამოიღო უბიდგან, წინ დაიდგა. ის სველი ხელსახოცი შიგ ჩანურა. შემდგომ აიღო, გემრიელათ სმა დაუნყო. როდისაც სულ დაწვრიტა, კიბეზედ წამოვიდა, მაგრამ იმ ფანჯარასთან რომ მოვიდა მოლა, როგორც უთხრეს, ისე დაბარბაცდა საცოდავი.

ამ დროს ხოჯანასირთუსიმ წინ მოასწრო ქუემოთ. დააყენა და უთხრა.

- „პატიოსანო მოლავე, მე შენთან საქმე მაქუს.“
- „რა გინდა, თქვი.“ მოლამ უთხრა.
- „არა, საიდუმლო საქმეა.“
- „მაშ ჩემს ოთახში შევიდეთ.“

შევიდნენ, დასხდნენ, ჰკითხა მოლამ.

– „აბა, მითხარ, რა საიდუმლო გაქუს ჩემთან? – აქ არა ვინ არის ჩუენის მეტი.“

– „მე შორის ქუეყნიდგან იმისთვის წამოვედი, რომ ეგ შენი მწუხარება შევიტყო?“

იმ მოლამაც ისე.

– „ეჰ, შენ რა გითხრა, ხოჯანასირთუსი უნდა იყოს, რომ იმას ვუთხრა, თორემ შენ რასა იქ?“

– „თვითონ მე ვარ ის ხოჯანასირთუსი, მითხარ ყუელა.“

– „ამის მეტსა ვერას გეტყვი. ამ ქალაქის გარეთ, სამ საათის სავალზედ, ერთი საკვირველი ბალი არის ყოვლის შემკულობით განყობილი, იმაში ჩინებული სასახლეა და იმაში ცხოვრობს ერთი მშვენიერი ქალი, ასეთი მშვენიერი, რომ ასეთი მშვენიერი ქალი არ გინახავს. ის ეხლა დიდ სევდაშია ჩავარდნილი და სულ დაღონებით არის. აბა ჯერ იმის სევდის ამბავი შეიტყე, რა არის იმის მწუხარება? მასუკან მოდი და ჩემსას გაიმბობ.“

– „სახელი იმ ქალისა?“

– „ზიახანუმ.“

იარა, იქაც ჩავიდა ხოჯანასირთუსი, ნახა ბალი, ყოვლის შემკულობით განყობილი, იმას ღობეთ ჰქონდა სულერთიან ვარდის ბუჩქნი ერთი ერთმანეთში გართხმულები, ასე გართხმულები, რომ ღობემძვრალა ჩიტიც შიგ ვერ შეძვრებოდა და ასეთი მაღალი ბუჩქის ღობე იყო, ორი კაცის სიმაღლე მეტი, რაზედაც ლურჯი გამლილი ვარდები, პირისფერი, ყვითელი, წითელი, თეთრი და რასაც კი ფერს ადამიანი იტყვის, სულ იქ იყო. ეს სხუადასხუა ფერები ასეთის შეზავებით გაკეთებული იყო კაცის ხელით, რომ მეტი უკეთესი ხელოსნობა აღარ იქნებოდა კაცისაგან. ამ ღობისა სიმგრვლე იქნებოდა ორი საათის სავალი მეტი, კარგის ცხენიანის კაცისაგან.

ხოჯანასირთუსიმ მიიარ–მოიარა, ბოლოს კარიც იპოვა, სულერთიან ოქროთ მოჭედილი, სხუადასხუა საუკეთესოს მურდან-ილებით გამოჭრილი. რა მივიდა იმ კარებთან, ექვსი კარის მცველნი იდგნენ კარების წინ ოქროს ქსოვილებით ჩაცმულები და ყველას თითო ვერცხლის ჯოხი ეპყრათ ხელში. მივიდა და ჰკითხა. – „ეს ბალი ხომ იმისია, იმ განთქმულის ზიახანუმისა?“

– „დიახ, სწორეთ ის არის.“

– „აცნობეთ იმას ჩემი მოსვლა: თქუენი ნახუა უნდა უცხოს ყარ-იბს, შორით ქუეყნით მოსულსათქო.“

მაგთენი ხანი არა გამოვიდა რა, შეიყუანეს ბახში, სწორეთ ედემსავით მშვენიერში და მაშინვე თორმეტმა ქალმა წარადგინეს იმ ქალის წინ, სადაც წმინდა წყალით სავსეს ბროლის აუზის პირზე,



ოქროს ტახტი ედგა ძვირფასისა თვლებით მოკაზმული და შუა აუზს სჩქეფდა წყალი შადრევანში.

დორზე წამოწოლილმა ქალმა, ხოჯანასირთუსი რომ დაინახა, წამოჯდა და უბძანა.

– „დაჯექ ემანდ სკამზე.“

ოქროს სკამზე დაჯდა თვლებით მოჭედებულზე. რა შახედა იმ ქალს, თეთრ სპეტაკ პირმრგუალს, შავმშვენიერთულალებიანს, ანგელოზს რომ იტყვიან, სწორეთ ეს ის არის! თქუა თავისთვის. მაგრამ დიდი სევდა მორეოდა კარგახანი ვერა უთხრა ხოჯანასირთუსის. ბოლოს შეხედა.

– „ყარიბო, ვინა ხარ, ან საქმე ხომ არაგაქვს რა ჩემთან?“

– „მე თქუენთან გხლებივარ შორის ქვეყნიდგან, შევიტყე თქუენი დიდი სევდა, მიბძანე, რა არის ეგ?“

ამ სიტყუასთან ველარა გავიგონე რა, განსუენებით დამძინებოდა, ამის მეორე ღამეს კიდევ მოვაგონე დედას და ისიც მოჰყუა: იმ ქალმაც ასე უბასუხა.

– „ეჰ, ხოჯანასირთუსი უნდა იყო, თორემ შენ რა გითხრა?“

– „თვითონ მე ისა ვარ, ის ხოჯანასირთუსი.“

– „შენ ხარ, სწორეთ შენა?“

– „მე, სწორეთ მე გახლავარ.“

– „ოჰ, ხოჯანასირთუსო, მე ვარ დიდი კაცის ქალი, ობლათ დარჩენილი, მარტო მე, აუარებელი ქონების პატრონი, რომელიცა ჩემი ბედნიერება და ჩემი შექცევა იყო ეს ბალი და სხუა არაფერი ქუეყანაზე. მინდოდა, ჩემი ცხოვრება და ჩემი სიცოცხლე ამ უმანკობაში გამეტარებინა. ამ დროს ერთს დილაზე ჩემი საყუარელი მოახლე შემოვიდა ჩემთან და დაფიქრებული დადგა ჩემ წინ. ვკითხე, რასა ფიქრობ ანუ რა გაქვს დარდი, მითხარ.

– ვერ გავბედავ ჩემო ქალბატონო, გენყინება. იმან მითხრა.

შევეფიცე. „არა-მეთქი“.

მოჰყუა ის მოახლე.

– „გუშინ დილით თქუენ რომ ქალაქში დამითხოვეთ ჩემის დის სანახავათ, ვიყავ იქა და სალამო ჟამს მოვიდოდი იქიდგან ტახტრევანდით. ქალაქის ბოლოს რომ გაიხელ, მეჩითის კოშკზე მოლა იდგა და აზანსა სწევდა. ჩემო ქალბატონო, ის მოლა ასეთი მშვენიერი ყმანვილი კაცი არის, რომ ქუეყანაზედ იმისთანა მშვენიერი არ

იქნება.“ ესა სთქუა და გაჩუმდა.

– „კარგი, რა გინდა სთქუა მაგითი შენ?“

– „არაფერი, ისე მოგახსენეთ, როგორც მშვენიერი ყმანვილი კაცისა.“

იმ კუდრაჭა მოახლემ მითამ ისე ამბათ მითხრა იმ მოლისა სილამაზე, მაგრამ მე კი თავში დამრჩა ის მოლა და აღარ იქნა, ველარ გამოვიღე ჩემის გონებიდგან ისა. ბოლოს იმ ჩემს საყუარელს მოახლეს ვკითხე.

– „სწორეთ მითხარ, იმ დღეს ის შენი აზრი რა იყო, რომ ისე აქე ის მოლა ჩემთან?“

– „თქუენი შესაფერი საქმრო არის ქალბატონო.“

– „როგორთუ შესაფერი, განა ვირთამ ქმარსა? – განა უნდა მონად გავუკეთდე ვისმე?– ეს ჩემი მშვიდობიანი უმანკი და ეს ჩემი თავისუფალი ცხოვრება რად ღირს!.., სადაც ჩემს ტოლ და ჩემს საყუარელს ქალებში ბედნიერი ვარ მე, ესენი უნდა გავცუალო მონებაზედ და ჩავვარდე უპიროს კაცის ხელში?“

– „როგორ თუ უპიროს კაცის ხელში, ქალბატონო?“

– „მაშ არ იცი, ჩემო დაო, რომ როგორი უპიროები არიან კაცნი? ამას შენ შენის თვალთ ნახამ და იცოდე შენც იმას მიგატან თან. ეხლა ჩემი გული ისე აღარ არის, რომ უკანვე დავაბრუნო პირუელს მდგომარეობაში. მე ეხლა ის მოლა თავიდგან ველარ მოვიშორე, არა გამეწყო რა. *დღეცა და ღამეც სულ თუალნი მიდგას*. მაშ შენ ეხლავ წადი, ეს ჩემი პატრეთი აჩვენე იმ მოლასა და პირათ უთხარ: წამო ჩემთან ტახტრევანდით, აი ჩემმა ქალბატონმა დაგიბარა შენზე ქებინი უნდა გაიჭრას-თქო. მეორე დღეს ის მოლა სწორეთ აქ მოიყუანა ჩემთან იმ მოახლემ. რა შევხედეთ მე და იმან ერთმანეთსა, მაშინათვე ერთმანეთი მოგვეწონა. ის მოლა იყო სრულიად პირტიტველა ქალსავითა, ოცის წლის მშვენიერი ბიჭი. მეც მაშინ ვიქნებოდი მეჩვიდმეტეს წელიწადში. ვუთხარ დამჯდარიყო. დაჯდა ემანდ სკამზე, შენ რომ ზიხარ, სწორეთ მაგაზედ. ვკითხე: *შენ რა გქვია სახელათ?*

– *მოლა მურად*.

– სწორეთა თქვი, ნუ დამიმალავ, ვინა ხარ შენ? შენ კარგს ვისმე გვეხარ დიდი კაცის შვილსა?

იმან მითხრა.

– რახან ეგრე მკითხამთ, მართალს გეტყვით. მე ვარ ამა და ამ ქუეყნის დიდი კაცის შვილი, ობოლი, უდედმამო. მე თქუენის მშვენიერების ამბავი გავიგონე, თქუენი ყოფაცხოვრებისა და ესეც გავიგონე, რომ ქმრის შერთვა არ გნადდათ. ამის შემდგომ მე რალა უნდა მეფიქრა თქუენზედ, მაგრამ სიყუარული თქუენი ველარ მოვიშორე გულიდგან, იქამდისინ, რომ ყოველი ჩემი დიდკაცობის დიდებანი დავუტევე და ნამოველ ჩუმათ. მოველ აქა და შევედი მოლათ ამ განძრახვით, რომ იქნება ჩემი სახის ამბავი რამ მოსულიყო თქუენამდისინ და ჩემი ბედის შენევნითა, თქუენი ქმრობა მღირსებოდა.

ესა სთქუა, გაჩუმადა ის ყმანვილი და თვალეზი დაბლა დაიხარა. ვკითხე.

– „სახელათ რა გქვია შენ?“

– „ჯალალბეგი“. მაშინ სწორეთ შემამხედა. გადანყვევით ვუთხარ.

– „ყმანვილო ჯალალბეგ, მერე შეგიძლიან, რაც მე გითხრა, ის პირობა აღასრულო?“

ზეცისკენ ხელი მიიშვირა. – „იმ მაღალსა ღმერთსა გაძღვე თავდებათ, რომ შევიძლებ.“

– „რახან აგრე. როდისაც შვილი გვეყოლოს, მინამ მე არ გითხრა, არც უალერსო და არც ხმა გასცე. შეგიძლიან ეს მოითმინო?“

– „რასაკვირველია, შემიძლიან.“ მტკიცეთ მითხრა.

რალა გავაგძელო ლაპარაკი, ხოჯანასირთუსო. ვიქორწინეთ, ვიყავით ბედნიერი. ცხრას თუეზედ მოგვეცა შვილი, ვაჟი მშვენიერი. ექვს თუეს უკან ჩემი ქმარი ჯალალბეგი ქალაქიდგან მოდიოდა და და იმ დროს მე ერთს ჩემსა მოახლესა ის ჩემი შვილი გავყვანინე და ტახტზე ქეჩაზე გავაგორებინე სახლში, რომელმაცა დაიწყო საცოდავათ ჩხავილი. ის მოახლეც იმ დროს აღარ იყო იქა. ამ დროს ჯალალბეგი შემოვიდა, რა ის ყმანვილი ისე დაინახა, ჯერ აქეთ-იქით მიმოიხედა, ხომ არავინ უყურებდა, მასუკან მივიდა, აიყვანა ხელში, დაყვავა დაუნყო და თან კოცნა. ამ დროს თავი მოვიამარე, გავვარდი გიჟსავით, ის ყმანვილი ხელიდგან გამოვგლიჯე და შევძახე.

– „შე უპირო კაცო, შე უხასიათოვ. შენ როგორ შეგიძლიან მაგ სუსტის ხასიათებით ჩემთან იცხოვრო, მაგ ხასიათით მალე მოგ-

წყინდები და ამიტომ ეხლავ წადი, დამეკარგე, თუალით აღარ დამენახო.“

მაშინვე გატრიალდა და იქავ მივიდა მეჩითში, სადაც მოლათ იყო. იმას ხელში გაჰყუა ერთი ჩემი ვერცხლის ჯამი, რომლითაცა ჩემის ხელით მივართმევდი წმინდას წყალსა დასალევათ, როდის მოინადინებდა და მეორე ჩემი ხელსახოცი ბაღდადისა, ჩემგნით ნაჩუქები, ჩემის ხელით მოხვეული იმის ყელზედ. მასუკან ის ჩემი საყუარელი მოახლე მოვაყვანინე, ვუთხარ. აკი გითხარ, შენც იმას მიგატან მეთქი. ეს სულ შენი ბრალი არის, ეხლავ დაიკარგე, თუალით აღარ დამენახო შენცა. გაჯავრებულმა ის ჩემი შვილიც აღარ ვნახე, სხუაგან ზდიან.“

მე ვიცი, იმ ქალაქში იმ შაოსანსა მკერულს ნახავდი, შავს რომ სჭრის, შავსა ჰკერამს და მასუკან ქინძისთავით ენას იჩხვლეტს? – ის არის ჩემი საყუარელი მოახლე, რომელიცა ახლა სინანულში არის: რათ მოუვიდა იმისთანა შეცთომილება. ის ჯალალბეგი რომ ისევ მოლათ შევიდა, იმ ბაღდადის ხელსახოცს ცრემლით რომ ასველებს აზანის დროს და მასუკან ვერცხლის ჯამით დალევს ცრემლსა, ესენი სულ იმის მწუხარება ის არის, რომ ეგება ოდესმე შევიბრალო. იმ ფანჯარასთან რომ მივა და დაიბარბაცებს, ესეც ის არის, იმ ჩემს საყუარელს მოახლეს იმ ფანჯარასთან ჯალალბეგისათვის შეეძახა, აზანიდგან ქვემოთ რომ მოდიოდა: ჩემმა ქალბატონმა ზიახანუმმა დაგიბარა, შენზედ ქებინს იჭრისო. როდისაც აზანიდგან იქ მოვა და ის დაბარება მოაგონდება, გონება აერევა და იმისთვის დაიბარბაცებს ხოლმე. აი, ჩემი ისტორია და ანბავი, ხოჯანასირთუსო, მაგრამ მეც ადამიანი ვარ, მეც მაქვს გული. იმ ჯალალბეგის მწუხარებას ხშირათ მეუბნებიან, მე ამას არავის ვუშლი და იმისთვის მეც ვიტანჯები, მაგრამ ჩემს ხასიათს ვერ მოვრევივარ. არ იქნა, ვერ დავძალე ჩემი თავი, დამებარებინა ჯალალბეგი, რომელიცა იმის გამო სევდაში ვარ ჩავარდნილი და იმ ჩემი მოახლის მწუხარებაცა მაქვს ძალიანი.

რა ეს დაასრულა, მასუკან სევდას მისცა თავი და ძლიანს დაღონებაში შევიდა, აქ ხოჯანასირთუსი უყურებდა იმის სახეს რომ მისდიოდა და მოსდიოდა ფერი. ბოლოს თავი აიღო და ხოჯანასირთუსის უთხრა.

– „ასე ხოჯანასირთუსო. დანარჩენი ზეგ საღამოზედ მოვილაპა-

რაკოთ, ახლა დრო არა მაქუს.“

ზეგ სალამო ჟამს ძონეულით მორთულს სახლში იჯდა ქალი და შორიახლოს უჯდა ხოჯანასირთუსი. უთხრა ქალმა.

– „ის ჩემი ამბავი ხომ გაიგონე, ახლა რა გსურს, რომელს მხარეს ნახუალ?“

ამ დროს ხოჯანასირთუსიმ დაუჩოქა და ვედრებით უთხრა.

– ზიახანუმ! მოიბრუნე გული. ღმერთს მომადლე, აპატიე იმათ და ჩემს მოხუცებულობასაც დაავალე. იმ შორის ქუეყნიდგან იმისთვის წამოვსულვარ, რომ მიუტეოთ იმათ და ჩემმა ღვანლმა უბრალოთ არ ჩაიაროს.

მაშინათვე წამოხტა; ხოჯანასირთუსს უთხრა.

– „ადეგ, ხოჯანასირთუსო. მე რა გითხრა მაგაზედ.“

– „არა, მე არ წამოვდგები, მინამ სწორეთ არ მეტყვი.“

ამ დროს დაიძახა ქალმა. „მოიყვანეთ ჩემი შვილი“.

შემოიყვანა მოახლემ სამი წლის უზომო მშვენიერი ყმანვილი, იმ საყუარელმა მოახლემ, რომლის შაოსნობა ზევით გავიგონეთ. უთხრა იმას.

– „ხაჯანასირთუსსა მიე ეგ ყმანვილი და შენ მოდი ჩემთან, შეგირიგო.“

მივიდა, დაემხო იმის წინა და იმანაც შეირიგა. მასუკან დაიძახა.

– „ჩემო ჯალალბეგ! გეყო შენი მაგთენი მწუხარება. მოდი, მამეხვიე.“

ამ დროს გიჟსავით შემოვარდა ჯალალბეგი, ქალმაც ყმანვილი ხელში მისცა თავიანთი შვილი იმას და დაიწყო სიხარულის ცრემლის დენა ყუელას თუალეზიდგან.

აი, ასე სცემდნენ პატივს ხოჯანასირთუსსა მთელსა ქუეყანაზედ!

ის იმისთანა სამი ღამის ისეთი კარგი ზღაპრები, ჩემი სამკურნალო იყო, ჩემი გულის მოსასვენებელი და ჩემი საიმედო რაღაც. მაგრამ ჩემთვის კი ვამბობდი: ჩემი ხომ არა იცის რა ბატონიშვილმა დედამ? – მასუკან დავფიქრდი: ვინ რა უნდა იცოდეს და ვინ რომელი რას ეტყოდა? – ეს ზღაპრები ისე შემთხვევით იყო და მიაბზო როგორც კარგი არაკები.

ამის შემდგომ ერთს კვირაზედ კარგად შევიქენ, მაგრამ მაინც კიდევ ის მახსომდა, ის ქალი, რა ვიცი, ვინ? – რომელსაცა აღარა

მიამებოდა რა, მწვანე ბუნებაზე ხეტების მეტი და მეტმა სურვილმა  
ეს ლექსიც მათქმევინა ბაიათის ხმაზედ:

უეცარი შეხვედრა  
თუალნი ველსა ვინახე?  
იგი სიდგან ვინახე!  
რომ რაღაც სულსა მოსცა  
უკვდავებად ვინახე...  
თავსა დავგმოზ რიდედა,  
მას მშვენს ქალს რათ რიდედა?  
სიცოცხლეს მიათმევდი,  
გულს საფენათ, რიდედა.  
მას შეემკო ედემად,  
ბუნება ის ედემად,  
სიყუარულს მოინვევდი  
ცრემლით სთხოვდი ედემად.  
ნუგეშათ მაქვს საამო,  
ვიტყვი, სად ხარ საამო?  
ცხოვრების მბკურებელი  
სასურველი საამო.  
საგნად თუალთ რა ისურვა?  
რომ წამსვე მცა ის ურვა,  
სურვილი ძალას მატანს  
ჰგავს ჩემთვის ეს ისურვა.

ერთს დილაზე აღრიანათ ჩუმათ გაველ სახლიდგან, ვერა ადამიანმა ვერ შაიტყო ჩემი საკუთარის მოსამსახურის მეტმა, რომელიცა დავარიგე: თუ შინაურებს მოვეკითხე, ასე ეთქო, სასეირნოდ წავიდა თქო.

ქალაქს გარეთ *საბურთალოს მინდორზე* გაველ მტკვარის მხარესა, რომელიცა ჩემ წინ *ჩამოველებოდა* მოდიოდა მომჩქეფარე ლამაზათა, *მდინარე და მოლამაზლამაზე*.

მაგთენი ხანი აღარა გამოვიდა რა, მზის ბრწყინვალეობით განათდა არე ქვეყნისა. *მე ყმანვილმა კაცმა ის სინათლე რომ განვიცადე*, საუცხოვოთ განათლებული *მშვენიერი აღნორჩებული* ბუნება რომ დავინახე, გული ამემღვრა და თავიც გამიბრუვდა. რომელიცა მაშ-

ინვე დავტრიალდი და წამოველ შინათკენ.

„აჰა, მზემან განაელვარა შარავანდედითა ცისა სამყარო, – მზემან თვისი სხივი მოჰფინა ჰაერსა შინა, – მზემან განაბრწყინვა ბუნება, – მზემან აღმოიტანა სიყვარული, და აი მზე თავის ბურჯსა ზედა ამოვიდა. – ხედავ თვალნო? მზესა გვერდით აღმოსდევს ჩემი ბედნიერების ვარსკვლავი. – აგე, მკრთოლვარებს, მაგრამ ჰქრება, – აი, კიდევ გამობრწყინდა, მაგრამ კიდევ განჰქრა.“

„ჩემო ბედნიერების ვარსკვლავო, რახანია გჭვრეტ და ველარა გხედავ.“

„იკმარე და გამომიცხადე ანგელოზებრივი სახე შენი და ნუ მთქავ შენსა სიყვარულსა შინა. მე ვიცი და ვგრძნობ, ვითარ მიყვარხარ და ვითარ ვაფასებ შენსა სიყვარულსა! სასუფეველსა ანგელოზნი ღალადებენ საკურველსა სიყვარულსა ჩემსა. კიდევ გვედრები ჩემო ბედნიერების ვარსკლავო, ერთი კიდევ გამომიჩნდი და ნუ მკლავ.“

„ახლა, ამ მდინარის ჩემ პირისპირ გაღმა ნაპირიდგან გამამიჩნდა, რომელიცა წყალის ნაპირზე ზის თავშიშველი და მხრებთა ზედა დაღალეები გადმოშლია. – ვითარ გამხდარა? – მისთა თვალთა ცრემლი სდიან, – რას ტირის და ვის ტირის? – იქნება მე მკვდარი ვგონივარ? – ჩემო ბედნიერების ვარსკლავო, შენთა თვალთა განა ცრემლი უნდა სდინდენ? – გვედრები ეგე ცრემლი შეინახო ჩემს გულსა ზედა მიწად დასაყრელად.“

ამ ზმანებით რომ ვტკებობდი, ამ დროს თოფის ხმა მომესმა, უკან რომ მოვიხედე, ერთი ჩინოვნიკთაგანი რუსი ტრედებს დასდევდა და მათ ნადირობდა. მე უნებურნი სულთქმანი აღმომვარდა და მასკვან ჩემთვისა ვთქვი. „ო, ზმანებაო, ზმანებაო.“ და კიდეც წამოვედი.

ამ დროს გადავიქეც და გულს შემომეყარა. როდისაც თვალეები გავახილე, ერთი ღვთიანი გლეხი კაცი მადგა თავზე და იმას მოვებრუნებინე. თურმე მგ ზავრათ მოდიოდა და ზედ მომდგომიყო გულს შემოყრილს. მე მრავალი მადლობა ვუთხარი ჩემი მოსულიერებისათვის და ორი მანათი ფულიც ვაჩუქე და შემდეგაც ბევრი კეთილი მიმიძღვის იმ კაცზე. კარგათ რომ მოვსულიერდი, ავდექ და ჩემსა გზაზედ წამოველ.

გზაზედ ერთი ჩემი ცოლის შემრთველთაგანი შემხვდა, ფერჩამ-

კრთალი და გამხდარი რომ დამინახა, დაიძახა.

– „ალექსანდრე, ეგ რა დაგმართვია, აგრე გამხდარხარ, მაგისტანა სახე გაძევს? შენი შეუძლებლობის ამბავი გავიგონე, რამდენჯერმე მინდოდა შენთან მოსვლა, მაგრამ ვიცი, ბატონიშვილს ეწყინებოდა ჩემი მოსვლა, ამისთვის ველარ გავბედე.“ ამასთან ჩემი ცოლის შერთვის ამბავს დაუტრიალდა და დაიწყო რაღაებიც. *ამთენი მელაპარაკა, რომ კოკურს წვიმაზე უფრო ბევრი გადმოაქცია მშვენიერი და ლამაზი სიტყვანი, მაგრამ მე არცერთი ვერ გავიგონე იმისი ჩმახვა და სულ სხვას ვფიქრობდი, რომელსაცა დიახ და არა არც კი ვუპასუხე. ამოობაში გაყრის თავი დავუკარ და ჩვენი სახლის ეზოში შევიარე, რომელსაცა არ ეამა ჩემი ცივათ გაყრა და არა ესეთის არცა პასუხის მიგება, მაგრამ მე მაშინვე თავი დავუკარ და ნამოველ ჩემს გზაზედ.*

ბატონიშვილ დედასთან რომ შევედი, ჩემი მკურნალი ივანე აქიმი იქ იყო თვალ დაკვირვებით მითხრა ასე.

– „მიკვირს, ალექსანდრე, აგრე რად ჩამოხში, კაცის სახე აღარ გაძევს, რომ თითქმის ჭლექსა გევხარ? ნეტავ მითხრა, მიზეზი რა არის შენი სიგამხდრისა? თუ გინდა, რომ თა თ... დისწული ს... შეირთო და იმისთვის იკლავ თავსა? – ოლონდ შენ ცოცხალი იყავ და შენი ნება იყოს, შვილო.“

იქიდგან ივანე აქიმმა დაიძახა. – „სწორეს მოგახსენებ, ბატონიშვილო, ამას რაღაც საიდუმლო აწევს გულზე და არავის არ ეუბნება.“

ბატონიშვილის დედის საყვედური აღარ მინდოდა გამეგონა, ნამოვდექ და ჩემს საწოლის ოთახში შემოვედი. იქ ჩემი მამიდაშვილი მაკა დამხვდა, მოვიდა და სიყვარულით დამკოცნა.

ჩემ ნათესავებთაგან ეს ჩემი მამიდაშვილი მაკა უფრო მომატებულად მიყვარდა სხვებზედ იმ ყმანწვილობითვე. *იმას უფრო შევეთვისე, რომელსაც ზოგიერთს ჩემს სიყმანწვილის საიდუმლოთ არა ვუმალავდი. ქალებისაგან როგორი საყვარელი ვიყავ, რომელიცა ყოველთვის მიჯავრდებოდა ხოლმე, რომ თავისუფლათ სახლში ვყოფილიყავ. იმ ჩემ მამიდაშვილს დიდად სწყინდა, დავით ბარათაშვილის ქალზე ხელი ავიღე და თა თ... დისწულს ვირთავდი. ამისთვის, რომ იმის ქმარი დავით ბარათაშვილის ცოლის ახლო ნათესავი იყო და იმათი მეგობარიც. ეს ამბავი ხომ ადრევეცა ვთქვი.*



ჩემი მამიდაშვილისა ალერსისა შემდეგ ნაველ, დორზე მივეს-  
ვენე, ისიც თან მამყვა და გვერდით დამიჯდა. რამდენიმე სხვადასხ-  
ვის ლაპარაკის შემდეგ მკითხა.

– „თუ გიყვარვარ, სანდრო, რაც გკითხო, ნუ დამიმალავ.“

– „არ დაგიმალავ, მერწმუნე, მაკავ.“

– „აგრე რათა ხარ გამხდარი, რომ კაცს აღარა გეგხარ?“

– „თუ ბატონიშვილს დედას არ ეტყვი და არც არავის სხვასა, გე-  
ტყვი?“

პირობა რომ გამოვართვი, როგორც ის ქალი ვნახე, ან რომელს  
ადგილს, ან როგორი ტანადობა ჰქონდა, ან ტანისამოსი როგორი  
ეცუა და ან სახე, ყველა ვუთხარ.

როგორღაც მხიარულის სახით მკითხა.

– „რა დღეს ნახე ან რა დრო იყო?“

დღე და დროც რომ ვუთხარი, მერეთ აღარ დამაცალა ლაპარაკი  
და გაჯავრებით მითხრა.

– „კარგი, ბევრს ნულარ ლაპარაკობ. ვილაც გინახავს და იმისთ-  
ვის იკლავ თავსა.“

– „შენ ნუ მომიკვდები, მაკავ, არ ვიცი, ჩემი საქმე როგორ იქნე-  
ბა.“

– „კარგია. ბევრს ნუ მელაპარაკები.“ ამ სიტყვასთან ადგა და  
ჩემგნით გავიდა. იმ დღეს იმ ღამეს მე ჩემი ოთახიდგან აღარსად  
წავსულვარ. მეორე დილის მეათე საათზე ჩარდახზე გამოველ,  
ვნახე, ჩემი მამიდაშვილი მაკა გარეთ დამხვდა და მე წუხანდელი  
სად ყოფნა ვკითხე, რომ ჩვენთან აღარ იყო.

– „წუხელის შინ ვიყავ და დღეს შენმა სიძემ დამითხოვა, სა-  
მი-ოთხი დღე აქ, შენთან უნდა ვიყო. ამისთვის ასე ადრე მოვედი  
აქა, თქვენ სახლში, რომ ისევ გეძინა შენა. აბა მხიარულად გავა-  
ტაროთ ეს დღეები, ჩემო სანდრო?“

სხვა ნათესავებიც დავიბარეთ, მართლა ასე მხიარულად გავა-  
ტარეთ ის დღე, რომ იმ დღეს შუალამემდისინ სულ სიმხიარულე იყო  
ჩემთან. *სიცილით გავატარეთ დრო, რომ ჩვენი პირი არ დამდგარა,  
მავრამ მე კი გრძნობას ვფარევედი და მეც ვითომ ვმხიარულობდი,  
მავრამ როდისაც მამერეოდა ჩემი ფიქრი და როდისაც მე დავღონ-  
დებოდი ხოლმე, საჩქაროთ ჩემი მამიდაშვილი მაკა მომიხდებოდა  
და მხიარულის ძახილით გამამაფხიზლებდა. შუალამემდის ეს ყოფა*

იყო ჩვენს სახლში, მაგრამ შუალაშემ გაგვეყარა და სხუა ჩვენი ნათესავეები თავთავისაად წავიდნენ, მაგრამ მე კი მაგდენს რიგად არ მიამებოდა იმათი სიმხიარულე. ბოლოს ყველანი დაიფანტნენ, წავიდნენ შინ ჩემი მამიდაშვილი მაკას მეტი, ის კი ჩემთან დარჩა.

მე რომ ძილი მომერია, ჩემს საწოლის ოთახში შეველ და ისე დავიძინე, როგორც ჩემს სენს შეეფერებოდა. მეორე დღესაც ისე ვაჭარეთ დრო და მესამე დღის დილაზე რომ გამომეღვიძა, საბანს ქვეშ რაღაც მამხვდა ხელში. ავიღე, ვნახე, ერთი დაბეჭდილი კონვერტი იყო. გავჩხრიკე, ჩემთან იყო მონერილი სწორეთ. *მაგრამ გაკვირვებამ მომიცვა, რომ ნეტა ვინ დააგდებდა აქ-მეთქი?* გავხსენ და კითხვა დავიწყე. აი რა ეწერა.

„მონყალეო ხელმწიფევ,“

„რა ვქნა, ძლიერი სიყვარული მაბედვინებს, სირცხვილი იქით გადმიდვია და მე ქალი ყმანვილსა კაცსა გწერთ წიგნსა და სიყვარულს გიცხადებთ. ვფიცავ, სულ ვერა გამიგია რა, რას ვშვები. არ ვიცი, წიგნს რომ გწერ, კარგათ ვშვრები თუ ურიგოთ, სრულებით არა ვიცი რა. მხოლოდ ამას კი ვგრძნობ, რომ ამას, რასაც ვბედავ, მეტი ძლიერი სიყვარული მატანს ძალას და ამისთვის ასე თამამად გიცხადებთ ჩემს სიყვარულს. თუნდა ურიგოთ ჩამომართოთ ჩემი თქვენთან ეს თამამობა, რა ვქნა, მიყვარხარ და სიყვარული მაგდებს ასეთს სირცხვილში.“

„ღვთის წინაშე გეფიცებით, აღარაფრისთანა აღარა მიამება რა, თვინიერ ამის მეტი, მარადის თვალწინ მიდგეხართ და მარადის შემოგფიფინებთ. დაჩაგრული ვარ მწარეს სიყვარულით!“

„თუ შაიძლებოდეს, შაფათს, კარგად რომ დაღამდეს, ბალის ლობესთან მოდიოთ, სადაც პირველად ჩვენ ერთმანეთი ვნახევით. ორი სიტყვა გითხრათ და მასუკან თუნდა მოვკვდე, არას ვინაღვლი.“

„ერთრიგად დარწმუნებული ვარ, არც თქვენგნით იქნება უსიამოვნო, ამისთვის, რომ ვიცი, თქვენც გიყვარვართ. როდისაც ბალის გვერდზე ერთმანეთი ვნახეთ, მაშინ შეგატყეოთ სახეზე, რომ უთუოთ თქვენც უნდა გიყვარდეთ.“

თქვენი უმორჩილესი მონა...

.....

„არ ვიცი მე, სიზმარში ვარ თუ ცხლად არის ეს ანბავი?– თუ

სიზმარი და მოჩვენება არა იყოს რა, ნეტავ ვიცოდე, ეს წიგნი ვინ მოიტანა და ჩემს ქვეშაგებში ვინ ჩამოაგლო?“ წიგნს ვატრიალებდი და ჩემთვისა ვთქვი.

„არა, ეს წიგნი არც მოჩვენება არის და არც მე სიზმარში ვარ, მაგრამ არ ვიცი, რა ანბავი არის?“ ეს რომ ვთქვი, ჩემ მამიდაშვილ მაკას დავუძახე და საიდუმლოდ ვაჩვენე ის წიგნი.

ჩემმა მამიდაშვილმა მაკამაც ღიდად გაიკვირვა და მასუკან მითხრა.

– „ახლა რასა იქ? თვითონ ის ქალი რომ გინვევს, ნახვალ თუ არა?“

– „ღიახ დიდის სიხარულით.“

– „მამ, სულ წვლილად შეიტყე, ის ქალი ვინ არის, ვისი ქალია და ან რა ჰქვინ და ესეც ჰკითხე, რომ ეს წიგნი ვის გამოატანა.“

– „რასაკვირველია გამოვკითხავ.“

საუცხოვო შაფათის საღამომ, *სრულმა მთვარიანმა ნათელმა* საჩქაროთ ცხენით გამიტაცა, ასე რო გაქცეულს ქურდსა ვგვანდი, როდისაც *მდევარი გამოუდგება*. იმ ადგილს მივედი, სადაც ის ქალი მეგულვებოდა, ცხენით გადავხე, ერთს ღობის მარგილზე გამოვაბი და ასე მიძგერდა გული, რომ გაგიჟებულს გვანდა. მცირე ნავიარე, ვნახე, მთვარის ნათელმა არა შორს დამანახვა ის ქალი, სწრაფათ გავექანე და გადარეულსავით ცალის მუხლით იმ ქალის წინ დავიჩოქე, რომელსაცა ორივ ხელი წავსტაცე, ჩემს გულზე დავინწყე და შეფიცვით ვუთხარ.

– „ღმერთს ვფიცავ, რომ ეს ჩემი გული არავის ეკუთვნის, შენის მეტსა და საუკუნოდ შენ ჩემი ხარ.“

იმ ქალმა საცოდავით ამოიოხრა და მასუკან მითხრა.

– „ახ, საუკუნოდ შენი უნდა ვიყო და არავისი სხვისა? ოჰ, მართლა ამბობ თუ ხუმრობ?“

– „ამ ზეცის შემოქმედს გეფიცები, ეს ჩემი სიტყვა ჭეშმარიტია და საუკუნოდ ჩემი უნდა იყო.“

– „მამ ადექ, ნავიდეთ და ამ ღობის ძირში დავსხდეთ, იქ მოვილაპარაკოთ.“

იმ მშვენიერს, დაწყნარებულს ღამეს მივედით და ღობის ძირში დავსხედით.

– „შენ რომ მე მეუბნები, იმ ქალმა მითხრა, „საუკუნოდ ჩემი უნდა იყოვო, აბა წარმოიდგინე, თა თ... დისწული უნდა გაუშო და

სხვა შეიერთო? რას პასუხს გასცემ შენს პოლკოვნიკს და თვითონ თა თ...?“

– „ამას ვეტყვი, რაც იმათ მოახდინეს, არცერთი ჩემი გულის ნადილი არა იყო რა.“ *მე და ჩემი გულის წინააღმდეგადაა ქნეს ყოველი, ამისთვის, რომ თა თ... ჭკვიანის მოხერხებით თითქმის ძალად მათქმევინეს, რაც უნდოდათ.*“

– მასუკან თა თ... [თუმანოვის] დამოკიდებულება ხომ მტრათ გადაგეკიდებიან და ბევრსაც გავნებენ ჩემის გულისთვის?“

– „მე? მე კაცთაგან არ ვიშიშვი. კარგია, თუ ღმერთი გნამს, მეთაკილება, მაგას ნუ მეუბნები.“

– „მამ დავით ბარათოვის ქალს რაღას ეტყვი, რომ შენი სიყვარულით ადამიანს აღარა გავს, ამისთვის ვამბობ მე ამასა, რომ მახლოვლათ ვიცნობ მე იმ ქალსა. ჩემი დიას კარგი მეგობარი არის, რომელსაცა თავის საიდუმლო არა აქვს რა ჩემთან დაფარული?– მერწმუნე, რაც შენთვის ამბავი მოუტანიათ, ყველა ტყუილია. შენ მე დამიჯერე, ისეც დავით ბარათაშვილის ქალი შეიერთე, იმავ სიყრმითვე გაგიჟებით უყვარხარ იმ სანყალსა.“

ამ სიტყვაზედ ასე დამაფიქრა, *ამ ლაპარაკით ასეთს სვინდისში ჩამაგდო, რომ გაშანთული რკინა ცეცხლით რომ ამოიღო და ყინულიანს წყალში ჩააგდო, სწორეთ იმას ვგვანდი.* რომ ღრმა საგონებელში ჩამაგდო და ვფიქრობდი დაღონებით.

მასუკან მოუთმენლად დაიძახა.

– „კარგი, მოდი, გადამეხვიე. მე ვარ ის კატინა და დავით ბარათაშვილის ქალი, რომლებიცა ყმანვილობით ერთად შევიზარდენით.“

– „ახ, კატინო, კატინო!“ ამის მეტი ველარა ვთქვი რა და იმის მუხლებს მოვეხვიე დაჩოქილი. ჩემმა კატინამ საჩქაროთ აინია, გულზე მამეყრდნა, მასუკან ერთმანეთს ლაპალუპის ცრემლით გადავეხვიენით და ამის მეტს ველარას ვამბობდით.

„კატინო და სანდრო.“

აბა რაღა გითხრათ ჩვენი სიხარული? თვითონ თქვენ წარმოიდგინეთ, ვითარ გვიამოდა ერთმანეთის ნახვა, ნამეტნავად ამგვარის უეცარის შემთხვევითა. როდისაც გული მოვიოხეთ, დავმშვიდდით, ვკითხე: როგორ მოხდა, ამ ბალის ლობესთან უეცრად ერთმანეთსა შევხვდით?

დაინყო.

„აი ასე იყო. იმ დღეს დედაჩემს სტუმრობა ჰქონდა ამ ბაღში. შენი მამიდაშვილი მაკაც ჩვენთან იყო თავის ქმრითა დაპატიჟებული. მე დიახ შენუხებული, დაღონებული ვიყავი. სწორე გითხრა, როდისაც გავიგონე, მე მიშვებდი, სხვას ირთავდი, იმის შემდეგ მე აღარა მესიამოვნებოდა რა, ასე რომ ჩემი ტუჩები გაღიმებული ველარავინ ნახა და მაშინვე დავემზადე მინაში დასამარხავათ, მაგრამ გული როგორღაც მეუბნებოდა, რომ უთუოთ შენი უნდა ვყოფილიყავ და ამისთვის იმედს არა ვკარგავდი.“

„იმ სტუმრობის დღესაც დიახ დიდად ვიყავ დაღონებული. რამთენსაც ცდილობდენ, რომ დაღონებისაგან გამოვეყვანეთ, მაგრამ ვერას ცდით ვერ შეიძლეს. იმ სტუმრებთაგანმა ერთმა ჩვენმა მახლობელმა დაიძახა. ღმერთმა გკითხოს და კიდევ დაგწყევლოს, ვიღაც ალექსანდრე ხარ, რომ ამ სანყალს ქალს უდანოთა ჰკლავ. აბა მე გაუთხოვარსა ქალსა ხმა როგორ ამამელებოდა, პასუხი მიმეცა? მაგრამ ასე შევწუხდი იმის თქმაზე, რომ ჩემს გულში ვამბობდი: ოჰ, ღმერთო, ნუ გაუგონებ, რასაც ეს ამბობს. ღმერთო, ჩემი სანდრო ასე გააბედნიერე, როგორც იმის გული სთხოვდეს და მე რაც უნდა დამემართოს.“

ამ სიტყვაზედ არ შემეძლო, ცრემლით არ მოვხვეოდი და რაოდენჯერმე არ მეკოცნა.

„შენმა მამიდაშვილმა მაკამ რომ გაიგონა შენი წყევლა, სარჩვლა დაგინყო და მე დიდათ მიხაროდა. იმათ წაკიდებას მე ვედარ გავუძელ, მეტათ ხმამალლა დაინყეს ლაპარაკი, ავდექ და ხეივანისაკენ წავედი. შუა ხეივანს რომ მივედი, ვნახე, ერთს გაშლილს ვარდზე ერთი ასეთი მშვენიერი პეპელა იჯდა, ჩემ დღეში იმისთანა მშვენიერი პეპელა არ მინახავს, რომელმაცა მოვინდომე დამეჭირა, მაგრამ რათ მინდოდა, მეც არ ვიცი. როდისაც წავეტანე, აფრინდა და სხვას ვარდზე გადაჯდა, ახლა იქ რომ წავეტანე, მასუკან სხვას ვარდზე გადაჯდა, მერეთ იქიდგან კიდევ სხვას ვარდზე გადაჰფრინდა. აღარც მე მოვეშვი, უთუოთ მინდოდა დამეჭირა. იქამდისინ მატარა, რომ ბალის გარეთ გამომიყვანა და ამ დროს კიდევ შემხვდი შენა. მაშინვე გიცანი და გაშტერებული დავრჩი, რომელიცა შენც ისე გაშტერდი და ისე დარჩი, როგორათაც მე. როდისაც კი გონებაზე მოველ, შემეშინდა, არავინ ხომ არ გვიყურებს-მეთქი? თუმცა ბაღში შეველ, მაგრამ მაინც მოვტრიალდი და ლობიდგან

დაგინწყე ყურება, მინამ იქით მხარეს არ გადახველ, მანამდისინ თვალი არ მამიშორებია შენთვის. გხედამდი, რომ შენც მოტრიალდებოდი და აქეთკენ იყურებოდი.

*ვინ იცის, რავედენის სიხარულით მეშლებოდა მე გული. არ შემოიძლიან, რომ ის სიხარული მე წარმოვთქო. როდისაც სრულებით აღარ გამოჩნდი შენა, მაშინ მწარეთ ამოვიოხხრე და უნებურ ცრემლის გადმოცვივინით დავიძახე.*

მე მაშინ ვამბობდი. „ახ, ღმერთო, შენ გევედრები, ასე მოახდინე, რომ ჩემი სანდრო ისევ ჩემი იყოს.“

ამ სიტყვასთან ცრემლით გადავეხვივინით ერთმანეთსა და კატინამ დაიძახა.

– „სანდრო! აი ღმერთმა როგორ გაიგონა ჩემი ვედრება, შენ ისევ ჩემი ხარ და ღმერთს ვფიცავ, რომ ახლა ვერა ძლიერება ვერ წამართმევს შენს თავს მე. განა სანდრო, მართალს არ ვანბობ?“

– „მართალს, მართალს ანბობ, ჩემო კატინო, რომ საუკუნოდ შენი ვარ.“

თუ ღვთის განგება არ არის აქ, რომ ის ქალი ჩემი ცოლი უნდა ყოფილიყო, მაშ არ ვიცი ის პეპელა რა იყო, რომ თითქმის მოტყუებით წამოიყვანა და სწორეთ იმ დროს იქ დამახვედრა, სადაც მე უნდა გამეარა? ღვთის განგებას კაცი ვერ მისწვდება!

„ჩუენ რომ ბალიდგან შინ მივედი“, დაინყო ქალმა მბობა, „მე მწუხარებაში ჩავვარდი, ხშირად ღვთის წინაშე დაჩოქილი ვიდექი და მოუწყვეტელის ცრემლით ვევედრებოდი: ისევ ჩემკენ გამოგტრიალებოდა გული. ერთ დღეს შენი მამიდაშვილი მაკა მოვიდა სიხარულით, მე საიდუმლოდ გამიხმომ და მითხრა.“

– „მამილოცავს, კატინავ, ღმერთი შენკენ არის და ჩემი ბიძაშვილი ალექსანდრე შენთვის გაგიჟებულისა.“ ყველა წვრილად რომ მიანბო, მასუკანა თქო:

– „მაგრამ არ იცის, თუ შენ ვინა ხარ.“ ამბობს, ნეტავ, ვინ უნდა იყოს, რომ ასე უწყალოდ მამწყლა, რომ თითქმის გაგიჟებულსა ვგევარ? და როდესაც მე გამოვკითხე, როგორი სახის ქალი ნახა, შევატყე, რომ სწორედ შენ უნდა ყოფილიყავ, ამისთვის, რომ როდისაც შენი ნახვა მე ჩემმა ბიძაშვილმა მითხრა, სწორეთ იმ დროს შენ ბალის გარეთ იყავ და ამისთვის უთუოთ შენ უნდა იყო?

„ამ სიტყვასთან ისეთი სიხარული გადამეფარა გულზე, რომ

მუხლები ამიკანკალდა სიხარულით და სადაც ვიდექ, იქვე ჩავიკეცე. მერეთ აკანკალებულის სიტყვით ვუთხარ: – სწორეთ მე ვარ, ძალუა მაკავ, რომ შენმა ბიძაშვილმა მე მნახა.“

„საჩქაროთ გაიქცა, ცივი წყალი მოიტანა და მომასურებდა. როდისაც დამალევიან, როდენიმე ხნის შემდეგ მოვსულიერდი. მერე მითხრა, წიგნი მამენერა შენთვის და ამასთან დაატანა: ჩუმათ ქვეშაგებში ჩავუგდე, ხელში მიცემა არა სჯობსო. ბოლოს ესეცა თქუა, რომ ეს შაფათი სალამო დაუნიშნე, სადაც გნახა, იქვე მოდი-თქო, და ესეც მითხრა, რომ იმ ჩემს დანერილს წიგნსა ქვეშაგებში ჩავიგდე, როდესაც გძინებო. მე მაშინვე დავჯექე და როგორც იყო ჩემი გარემოება ანუ როგორც ვგრძობდი შენს სიყვარულს, ისეთი და ან როგორც შევძელი, ისეთი წიგნი მოგწერე, რომელმაცა დაბეჭდილი გამოვატანე, რომ არ წაეკითხა და რა დღეც შენმა მამიდაშვილმა მითხრა, ის დღეც იმ წიგნში მოვიხსენიე, რომ ამ შაფათს სალამოს აქუნდა მოსულიყავ. რომელმაცა გავბედე და იმასვე გამოვატანე ის ჩემი მონერილი წიგნი. მინამ დღევანდელი შაფათი სალამო მოვიდოდა, სწორე გითხრა, ეს ორი ლამეა, არა მძინავს სიხარულით. ამ დღეებში მე ვაგვიყებულ შემლილს ვგვანდი და არ ვიცოდი, რას ვმვრებოდი და რას არა, სულ ვერა გამეგებოდა რა სიხარულით. ჩემი მშობლები გაკვირვებული იყვნენ, რომ ატაცებულსავით ვიყავ, მაგრამ იმათ ვინ რას გაუხსენებდა ამ ამბავსა? ამის გამო დღეს სალამო ბინდზე ამომიარა მაკამ, თან წამამიყვანა ბატონიშვილის დედიშენის ეკიპაჟით, მითამ გასასეირნებლად მივიდოდით, მაგრამ ამ შალის ახლოს რომ მოვედით, მაკამ იცოდა, შენ ამ გზაზე მოხვიდოდი და ეკიპაჟი იქით მხარეს დააყენებინა, რომ შენ ის არ გენახა.“

მე აღარ დავაცალე, კიდეც ეთქუა რამე და დავიძახე.

– „იმ ეშმაკმა მაკამ დღეს რომ ბატონიშვილს დედას ეკიპაჟი [დროშკა] სთხოვა, მითამ გასასეირნებლად მინდა წავიდეო, თურმე იმის ეშმაკობა ეს ყოფილა.“ მე სულ არა ვიცოდი, რას შევიტყობდი?

ეს რომ ვთქვი, ჩვენზე არა მოშორებით ვილამაც თავი აილო ლობეს მოფარებით და დაიძახა.

– „მე ვარ განა ეშმაკი, სანდრო? კარგი, კარგი, კატინას ვეტყვი, აღარ შეგიყვაროს.“ სამთავ სიხარულით გაგვეცინა.

როდენიმე მოლაპარაკების შემდგომ ორთავ პირობა გამო-

ვართვი, რომ ეს ამბავი არავინ არ შეიტყოს. არავის არ უთხრან იმისთვის, რომ ჩემ შეცდომილებას მიაწერდნენ და ასე იტყოდნენ, რომ მე მეჭორეებს და მიმთქმელ მომთქმელებს ავყევი და იმათ დაუფუჯერე და ჩემი ამაყი გული ამას არ იკადრებდა. მაგრამ ღვთის წინაშე მგონი, გასამტყუნარი არ ვიყო, ამისთვის, რომ მიზეზი ხომ თქვენც იცით, რა მიზეზითაც მოახდინეს ესა. რომელთაცა პირობა დამიმტკიცეს, რომ თავის დღეში არავისთვის არ ეთქოთ. პირობის შემდეგ ჩემ მამიდაშვილს მაკას ვკითხე, დედაჩემმა ამ ამბავისა ხომ არა იცის რა? – „არა, შენ ნუ მომიკვდები, სანდრო, რომ კილოკავ-ათაც არ იცის და არც ეჭვი აქვს.“ მასუკან მაკას ვკითხე.

– „აბა მაკავ, მითხარი, როგორ მოახდინე ეს ამბავი?“

– „აი ასე. იმ დღილაზე რომ მითხარი ვილასაც ქალის ნახვა, მე მაშინვე გულმა რაღაც მიგრძნა და ამიტომ გკითხე, რა დღეს ნახე ან რა დრო იყო-მეთქი? როდისაც დღე და დრო გავიგონე, მაშინ მივხვდი, უთუოთ ეს უნდა ყოფილიყო, ამისთვის აღარა გათქმევი, რომ ეჭვი არ აგელო. რა ვიცი, კიდეც როგორმე არ გადატრიალებულიყო საქმე. ამისთვის ასე მოვახერხე. აბა ახლა მადლობელი ხარ ჩემი თუ არა?“

ამისთვის, რომ ვიცოდი შენი ხასიათი, რომ რასაც იტყვი, იმ სიტყვაზე დაფუძნდები და ველარა გადაგათქმევიანებს რა და ამისთვის მაშინვე ვიფიქრე, „იქნება, თუ რომ შეიტყოს, რომ დავით ბარათაშვილის, პირველი თავის დანიშნული უნახავს, იქნებ კიდეც უარი ჰყოს და ამისთვის სხვა რიგათ მოვიქცევი-მეთქი. რომელმაცა კიდეც შევძლე და ამისათვის დიდი მადლობელი უნდა იყო.“

რა ვიცი, იქნება სხვარიგათ გადატრიალებულიყო საქმე, თუ ამის სახელი გამეხსენებინა. ამისთვის ასე დაფარვით მოვახდინე, რომ ასე მოხდენილს ველარ წაუხვალ და საუკუნოთაც ამისი ხარ ეხლა. მაშ, მადლობელი ხარ ჩემი თუ არა?

– „დიახ, დიახ, მადლობელი ვარ, ჩემო მაკავ, ღმერთი თუ გადგიხდის მაგიერსა, თორემ მე არ შემძლიან.“

„მე რომ ამას წიგნი დავანერინე, როდესაც მე შენთან მოვიტანე, დიახ დილა იყო, მაგრამ ვიფიქრე, თუ ეხლავე ქვეშავებში ჩაუგდო, იქნება ეჭვი შევიდეს, რომ ამას უთუოთ ჩემი მამიდაშვილი მაკა იქმოდა და ეს უთუოთ იმის საქმე იქნება, ამისთვის განგებ ჩვენი ნათესავები დავაპატიუებინე, რომ ჩემზე ეჭვი არა მოგეტანა რა



და ამისთვის ორი დღე გამოვუშვი, რომ სულ ჩემზე კილოკავათაც არა გეფიქრა რა და მესამეს დღეს, გარიჟრაჟის დროს ქვეშავებში ჩამოვიგდე ამის წიგნი, რომ სულ ვერარა გაიგე რა, ასე გეძინა და თუნდა კიდეც რომ გაგელვოდა, სულ ველარ მიცნობდი, ამისთვის, რომ სხვა რიგათ მეცო.“ აქ განწყვიტა ლაპარაკი და მასკვან დაიძახა.  
– დანარჩენი სხვა ანბავი ხომ ამან გითხრა?

– „აბა ახლა რალა გინდა, ძმაო? ყველა ხომ შეიტყუე, როგორც იყო? ამას იქით ღმერთმა შეგაბეროსთ ერთმანეთსა შენ და ესა, ჩემო სანდრო და კატო.“

ეს რომ თქუა, მე და ჩემი კატინა ერთმანეთს შევეხვიენით. აღარ ვუშვებდით ერთმანეთსა, ტკბილის ცრემლით ვიბანებოდით და დაწებებულს ტუჩებს აღარ ვაშორვებდით ერთმანეთსა.

ამ სიტყვასთან გადავეხვიეთ მე და ჩემი დანიშნული ერთმანეთს და ასე ტკბილცეცხლშეზავებით ვაკოცეთ ერთმანეთსა, რომ უსიამოვნესი კოცნა არ იქნებოდა... ნეტარებას ვეძლეოდით... ასე და ამ ყოფით გვინდოდა გაგვეთენა მას ადვილსა. ასე შეკონილები თითქმის ერთ საათამდის დავრჩით. მეორე მხრიდგან მაკამ ნახა, რომ აღარ ვუშვებთ ერთმანეთსა, გვითხრა.

– „კარგი, ღვთის გულისათვის, დრო არის, ნავიდეთ, ბატოიშვილს არა ეგონოს რა“.

ჩვენ გადანყვევით ვუპასუხეთ. – „აქვე დავიხოცებით და ველარ მოვშორდებით ერთმანეთსა.“

მაკამ იგრძნა, ჩვენი მოშორება ძნელი იყო, თავის ძლიერის ხელლებით მოგვწვდა და რას ყოფით მოგვაშორა ერთმანეთსა, რომელმაცა ხელი სტაცა კატინასა და ასე სწრაფად გააქცია, ხუთი წლის ყმანვილსავით.

როდისაც მე ცხენზე შევჯექი, შემომესმა ეკიპაჟის თვლების ხმაურობა. ყური დავუგდე იმის თვლების ხმასა, მინამ იმის ხმაურობა მიწყდებოდა, ჩემი ცნობა იმან მოიტაცა და მისდევდა იმ ხმას თანა. როდისაც მონყდა მისი ხმა, მთვარეს შევხედე და მასკვან ასე მძიმეთ აღმოვისულთქმე, რომ მეგონა, გული აღმომივარდა-მეთქი.

რალა მეტად განვაგრძელო.

ჩემმა მამიდაშვილმა მაკამ იმ ღამესვე ასე რიგად მოახერხა, მეორე დღის დილაზე ბატოიშვილი დედაჩემი ჩემთან შემობძანდა და აღერსით დამიწყო ლაპარაკი, დავით ბარათაშვილის ქალი კა-

ტინა შემერთო. რომელიცა თანახმა გავხდი და *ორთავ ხელებზე დაჯოცნე*. ადრინდელის შეცდომილებებისთვის ბოდიში მოვითხოვე, მაგრამ ლაპარაკი გამანწყვეტინა ამ სიტყვითა.

– „საჭირო არ არის, ბოდიშს იხდი, იმ შემოჩენილებმა აგრე რიგად მოახდინეს, რომ იმათთვის არ დაგეჯერებინა, არ იქნებოდა.“

ერთს კვირას უკან საზოგადოთ მაღლი გადიხადეს მე და ჩემი კატინოსი და ღვთის განგებით ასე მოხდა, როგორც ზევით ითქვა ყველა, მაგრამ რაც ჩუენზედ ამბები და მითქმა–მოთქმა დაიწყეს, იმისი რალა უნდა ითქუას? მეათედი ნაწილი რომ გაიგონოთ, იმისთვისაც ყურებში თითებს დაიცუამთ. *ასე დავინინდენით, მაგრამ აჰ, ღმერთო! რალა უნდა ვთქო, რაც შემდეგ მოხდა, იმისი რალა მოგახსენო. რაც ანბავი და მითქმა მოთქმა შეიქნა და ღავღავი დაიწყეს ჩვენზე. იტყვიოთ. – „კარგი, თუ ღმერთი გნამს, დაჩუმიდი და ხელმეორეთ ნულარ გავგავაგონებ მაგ საზიზლარ რალაებსაც.“*

*არამცთუ ჩვენზე ლაპარაკით კმაყოფილნი შეიქნენ, არამედ დაუცხრომლად, უწყალოდ დავგინყეს მტრობა მე ცალკე და ჩემ დანიშნულს ცალკე. ნამეტნავად ჩემი პოლკოვნიკი ასე გაანჩხლებული იყო, რომ თუ შეძლებიყო, მგონია, თავფეხებიანად ჩამეყლაპამდა, რომ თავის გაასპიტება ამით მოეოხებინა. ის შეჩვენებულები და დანყველილები მაშინ, ერთ დროს ყოფილიყვენ ჩვენი მტრები, თითქმის შეენდობათ, მაგრამ არა, აქამდე გვდევენ და ეგრეთვე გემტრობენ; ნამეტნავად თვალეები გაკაპასებულს გოშიას რომ მიუგავს.*

მაღლის გადახდის შემდეგ ჩემს მამიდაშვილს მაკას ვთხოვე, ჩემი სიდედრ–სიმამრისთვის ეთხოვა, ჩემი დანიშნული ეჩვენებინათ ჩემთვის, რომელიცა ბატონიშვილის დედიჩემის ნებით მაშინვე წავიდა და სთხოვა. თუმცა ისინი უარს ამბობდნენ, მაგრამ ჩემი მამიდაშვილი არ მოშვებოდა.

– „უთუოთ კიდე გინდათ, ერთი რამ მოიგონონ, კიდე არეულობა მოახდინონ თქვენში? – გარდა ამისა, ახლა ხომ რუსობა არის, თქვენმა სიქემ თქვენთან რომ დაიწყოს სიარული, თავის დანიშნული ნახოს ხოლმე, უზდელობა აღარ იქნება.“

იმ ღამესვე ჩემს დანიშნულს, ჩემს კატინას გვერდით ვუჯექ და დაუფასებელის ღიმილით შევღიმებდით ერთმანეთსა. რომელიცა ამის შემდგომ ყოველდღე დავდიოდი ჩემს კატინასთან.

რავდენს სასიცოცხლო ნეტარებას ვკრეფდი, როდისაც იმასთან ვიყავი ხოლმე, მაგრამ როდისაც განუშორდებოდი და შინ წამოვიდოდი, უჩემკატინოთ თითქმის მკვდარსა ვგვანდი და ჩემი კატი-ნაცა ეგრეთვე გრძნობდა. მეორე დღე ისევ ვაგვაცოცხლებდა, ერთმანეთს რომ დავინახამდით. ჩემგნით იმის მოშორება ღამით ორივესი მწუხარება იყო, შინ რომ წამოვიდოდი და მეორე დღეს სიხარული, როდისაცა მივიდოდი ჩემს კატიანასთან იქა.

[ამ სიხარულს შთავარდნილთათვის, მაგთენმა დღეებმა აღარა განვლორა, რომ პოლკში გამომიცხადეს წასვლა. როდისაც ჩემ კატიანას გამოვესალმე, ამ გამოსალმებისას მე აღარას გეტყვით, ამისთვის, რომ თქვენმა გულმა იგრძნას ჩვენი გაყრა. როდისაც კოჯრის ვზის მთაზე ავედი...]

ამ დროს გამამიცხადეს პოლკში წასვლა. ახლა თქვენ შაიტყვით ანუ მიხვდით, ჩუენი გაყრა როგორის გულის მწუხარებით იქნებოდა? – თუმცა მაშინდელის წესით, არ ვიმცნევდით, მაგრამ სახე ჩუენი დახავსული იყო მწუხარებით.

როდისაც კი მაღალს მთაზე ავედი მე, იყო სიცხე შუადღისა, თუმცა არა ძალიანი, მაგრამ მაინც კიდევ. მთიდგან ქვემოთ და ქალაქზედ ვიხედე, ჩემი სიმამრის სახლი დავინახე, თვალი დავაკვირე, ერთი ქალი იდგა ბანზე. ვთქვი, „უთუოთ ჩემი კატიანა იქნება-მეთქი.“ ცხენით გადავხე და იმას დავუწყე ყურება. ამ დროს სხვა მეორე ვილაც ამოვიდა ბანზე. იმის ამოსვლაზედ გატრიალდა ის ქალი ჩემი კატიანა და ორივე ქვევით ჩავიდნენ. რომელიცა სრულეებით მიმეფარა აქ თვალიდგან და ველარ დავინახე, მაგრამ მე იმ ადგილს დავრჩი. აღარ მინდოდა, რომ იქიდგან წავსულიყავ სადმე. ბოლოს ცხენზე შევჯექ და გავმგზავრდი ჩემს გზასა დალონებით. ოცდაათი ნაბიჯი არ გამეარა, რომ მოვბრუნდი და მას სახლსვე ვადმოვხედე. ვგონებ, ხუთჯერ თუ ექვსჯერ წავიდოდი, ისევ შემოვიქცეოდი და მას სახლსვე ვადმოვხედამდი, რომელნიც მოსამსახურეები მე თან მახლდნენ. ამ დროს ერთმა მოხუცმა ჩემმა მოსამსახურემ, თევდორემ, რომელიც ჩემი დიახ საყვარელი იყო, მითხრა სიცილით.

– „ბატონო, მაინც ხომ თქვენ წასვლა აღარ გინდა ქალაქიდგან. ღმერთი გადღეგძელებს! ბარემ ამ ზაფხულს ამ მთაზე დავრჩეთ, აქ მოვიზაფხულოთ? თუმცა მე შევლიმე, მაგრამ შეინროებულის

გულით, ცხენს მათრახი ვკარი, ხმის გაუცემათ ნავედი. გზაზე ჩემი მოსამსახურეები ცდილობდნენ, დაფიქრებისაგან გამოვეყვანეთ, მაგრამ იმათი ლაპარაკი მე არ მესმოდა, ჩემს ფიქრებში ვიყავ.

ორი კვირის შემდეგ პოლკოვნიკი ამოვიდა პოლკში ტფილისის ქალაქიდან და მე ნება მამცა დედიჩემის თხოვით ტფილისში წავსულიყავ. მე დაუყოვნებლად საუცხოვოს ცხენით გამოვნიე, წამოველ რა კარგის სიხარულით. ასი ვერსი ცხრა საათზე მოვირბინე, რომლებიცა ჩემი მოსამსახურეები, ისინიც კარგსა ცხენებზე იხდნენ. ტფილისს რომ დავუახლოვდი, ცხენი ჩამოვატრიალე ვინრო კლდიანს გზებში და გამოველ ქვიტკირისა ხიდზედ. ეს გზა უფრო ახლოს არის ქალაქზედ, მინამ სხუები, ადრინდელი, კოჯრის გზა, რომელმაცა ამ გზაზე წამომსვლელმა მე ზავრმა ქალაქის აბანოებს წინ უნდა გამოუაროს და აქედგან ქალაქში შემოვიდეს. აქედგან სოლოლაკის მთაზე ჩამოვედი, ამ მთის ძირში ჩვენი ბალი იყო რომელიცა ახლა ტფილისის ქალაქისა შენობამ დაიტანა და მგონია, ეს ჩუენი ბალი იქნებოდა ოცი კარგი დღიური.

ოქუანთ ხიდის გზა წავკისის გზაზე ჩამოვივლის; ამ სოლოლაკის მთაზედვე დამოკიდებული და როდისაც ამ გზის ბოლო დააწყდება მთის ძირზედა, აქ ტფილელის ბალი დაიწყება ჩვენ ბალამდის, მაგრამ ჩვენ ბალსა და ტფილელის ბალს შორის კარგა ცარიელი ადგილი იყო დარჩომილი. რომელიცა სოლოლაკზე ჩამომსვლელნი მე ზავრნი, ტფილელის ბალსა და სოლოლაკის მთის ძირში არა განიერი გზა გამოვივლიდა და ქალაქისკენ წავიდოდა.

თუ ამ მთასა დანვრილებით აღვწერ, დიახ განვრცელდება წერა, ამისთვის მოკლეთ ვიტყვი. ჩვენი ბალის მახლობლად დასავლეთის მხარეს სხვა ერთი ბალი იყო, ტფილელის ბალს უძახდნენ. ჩვენი ბალი აღმოსავლეთისკენ იყო და ტფილელის დასავლეთისკენ, რომელსაცა ტფილელის ბალის მხრისკენ ჩვენს ბალს ჰქონდა ძველი აუზი სოლოლაკის მთის ძირში. ეს აუზი ცოტა მომალლოს ადგილზე შემდგარი, შემენებული იყო. ამ გორის თავს ცოტა რამ სიგანიერე ჰქონდა ველივით გაშლილი და ეს აუზი სიგანით იქნებოდა ექვს ადლამდის; სიგძე თერთმეტ ადლამდის და სიღრმე ოთხ ადლამდის. რომელიცა ეს აუზი სოლოლაკის მთაზე ჩამოვლებულის წყალკასკადის სანისქვილოს წყლით ივსება. ამ აუზის მომალლოს ადგილზე გაზაფხულით და ზაფხულით მრავალნი შეექცეოდნენ ხოლმე.

ზოგი ისე სასერიოდ გამოვიდოდნენ ხოლმე, რომ გაფურჩხნილის ბუნების მშვენიერებით ესიამოვნათ და ბრილიანტის მზგავსის კასკადისთვის ეყურებინათ. მეტადრე გაზაფხულის დროს მშვენიერი რამ იყო ეს ადგილი. ნამეტნავად მაშინ, როდესაც ზოგნი სადილს შეექცეოდნენ, მიირთმევდნენ აქა და ზოგნი, უფრო ბევრნი, ჩაის მიირთმევდნენ სალამო ჟამზედ. ჩვენი ბალის და ტფილელის ბალის შორის ცოტა მინდორი ჰქონდა შუაზე, რომელიცა ამ მინდორზე გზა ჩამოივლიდა სოლოლაკის მთიდგან ქუემოთ. დასავლეთის მხარეს ჩვენი ბალის ღობის შიგნით თავში, სოლოლაკის მთის ძირში, მომალღოს გორაზედა კარგა მოდიდო აუზია ქვიტკირისა ძუელი. ლამაზის მწვანოვანობით შემკული. ამ აუზში მოდიოდა ერთი კარგი ნაკადული წმინდა წყალი, ზევით მთიდან კასკადათა თეთრის ქაფებით მომჩქეფარე, სადაც ამ აუზის მახლობლათა ყვავილიანს მწვანეს ბალახზედა სეირნობდნენ ქალნი, კაცნი სიამოვნით და თან ჩაის სვამდენ. მიირთმევდნენ კარგის გემოვნებით, საუცხოოს ფაქსიმატით გემრიელად.

სოლოლაკის მთიდგან ტფილელის ბალის ღობის თავთან ქვეითი ჩამოველ, აქ ერთმა მოსამსახურემ ცხენზე შეჯდომა მითხრა, მეც შევჯექი და ცოტა რომ გამოვიარე, იმანვე დაიძახა.

– ბატონო, ხედავ, თქვენს ბალის აუზის თავზე რამდენი ქალები, კაცები არიან ამ საუცხოვოს სალამოს ჟამსა? აგერ ხედავ იმათ ახლოს ძერა რომ დასტრიალებს, დაჰფრინავს? – აჰა, ეს ტყვიით გატენილი ჩემი თოფი, ეგება ის ძერა მოკლათ და იმათ წინ ჩამოაგდოთ.“

– „რომ ვერ მოვკლა, ხომ სირცხვილი იქნება?“

– „თქვენგნით იმედი მაქვს, არ დააცდენთ.“

ამ სიტყვასთან კიდევ მამცა თოფი და მეც ცხენსა ქუსლი ვკარი. ცხენი გამალეზული წავიდა. იმ ძერას რომ დაეუახლოვდი, აუზის თავიდგან დაიძახეს. „ალექსანდრეა, ალექსანდრე.“

თოფი რომ გაულე, იქიდგან ჩემი მამიდაშვილის მაკას ძმამ, თადია ჩოლოყაშვილმა დამიძახა.

– „ალექსანდრე, თოფი არ დააცდინო ძერას, თორემ ეს შენი დანიშნული აღარ მოგიწონებს.“ ამ დროს კიდევ გავარდა თოფი და ძერა იმათ წინ ჩამოვარდა.

მაშინვე სიხარულით გამამეგებნენ და მეც საჩქაროთ აუზის

თავზე შევირბინე. მე და ჩემმა კატინამ ერთმანეთს რომ შევხედეთ, ფერი გვეკრთო და გულმა ძგერა დაგვიწყო. თურმე ჩემ სიმამრ-სიდედრს სტუმრობა ჰქონოდათ იქ და მისთვის ყოფილიყო ეს ყრილობა.

ლაპარაკის გაუგრძელებლობისათვის, 1823 წელს ივლისის 8-სა დღესა საღამოზედ, მე და კატინასა ჯვარი დაგვწერა ბატოიშვილმა დედამ და ქორწილი გადაგვიხადა. რაც გვინდოდა მე და ჩემს კატინას, მივხვდით იმ სანადელსა, იმ ბედნიერებას. *იმ ღამეს თვალი არ მოგვიხუჭამს*. ჯვარის დაწერის მეორე დღის სინათლის დროსა სხვასა და სხვას სატრფიალოს ლაპარაკში თავის სპეტაკი თეთრი ფეხები გამამიშალა და ღიმილით მითხრა ჩემმა კატინამ.

– „სანდრო, აბა თუ ამისთანა მშვენიერი ფეხები გინახამს?“

იცოდა, რომ ქალის ლამაზი ფეხები მიყუარდა. დავხედე, მართლა რომ განწყობილი მშვენიერი ფეხები ჰქონდა. მაშინვე ხელი ვტაცე და ტკბილად დავუწყე კოცნა. მასუკან ჩემს რიგში ვუთხარ.

– „კატინო, მაგაზე ნაკლები ფეხები რომ არ გაჩვენო, რას იტყვი?“

– „აბა სანდრო, მითხარ, ვისა აქვს?“

– „აბა საბანი გადასწიე?“

ჩემს ფეხებს რომ დახედა, ჯერ ბევრი აკოცა და მასუკან მითხრა.

– „შენ ნუ მამიკვდები, შენც ჩემსავით მშვენიერი ფეხები გქონია.“

ჩუენ თითქმის მე და იმასაც ერთმანეთს გვიგვანდა, მხოლოდ იმას ჩემზედ ცოტათ წვრილი ჰქონდა და ტანის სიმაღლე კი ერთი ტოლი გვექონდა ორსავ. ამაში ჩემი კატინა როგორღაც დაღონდა, ვკითხე.

– „კატინო, რას დაღონდი, გეთაყუანე?“

ხმის გაუცემათ წამოდგა, ქუეშაგებზე გადაიარა და თავის შკაბტულკიდამ ერთი პატარა შეხვეული ქალღმერთი ამოიღო, მოიტანა, ხელში მამცა და კოცნით მითხრა.

– „სანდრო, იცი, ამ ქალღმერთს რა არის?“

მე ჩხრეკა დავუწყე და მასუკან გადახვევის კოცნით ვკითხე.

– „რა არის, ჩემო კატინო?“

ყელზე მოხვევით მითხრა.

– „შხამი არის, ჩემო სანდრო.“

– „როგორ თუ შხამი და ან რისთვის გინდა?“

თავი გულზე გადმომიგდო ცრემლით.

– „ეს შხამი მომზადებული მქონდა და ღმერთთან აღქმა, თუ ცოლათ არ შეგერთე, ამით უნდა მომენამლა თავი.“

ქალალდი შორს გავტყორცნე, ჩემი კატინა ჩემკენ მოვიზიდე ქვეშაგებში და ორთავ გადახვევით ტირილი ამოვუშვით ქვითინით.

ოჰ, რა კარგი რამა ხარ ყმანვილობავ და სიყუარულო!..

მაშინ მე ოცდამეერთეს წელიწადში ვიდექი და ჩემი კატინა მეჩვიდმეტეში და მაშინ ჩვენ ყმანვილთ ადამიანთ ცრემლი, არ ვიცი, ვითარის ტკბილის სიტყვით გამოვთქო, ნამეტნავად ერთ ქვეშაგებში დანაცვარი.

მაგრამ ჩემი კატინას თვალტანადობის ნაკვეთიერება სულ წვრილად აღმინერია ზევით და ხელებისა არა მითქომს რა. მე სამი ქალის ხელები მინახამს, რომ აქამომდე მე მზგავსი არა მინახამს რა. პირველი თა შანშე ერისთვიშვილის ქალის მელანიასი. ერთს მხეცს რუსსა ჰყუანდა ცოლად სახელით მელნიკოვსა! როდისაც გაათხოვეს, დედა აღარ ჰყუანდა ცოცხალი მას მღვთიურს ქალსა მელანიას და მისი კეთილი მამა მოატყუა მისმა ტყუილმა მეგობარმა ფულის გულისათვის, ერთმა გორელმა სომეხმა. მე მეზობლად ვიდექი მას მელნიკოვზე; მისი ცოლი მელანია ჩემი მახლობელი ნათესავი იყო და შემდეგ ასე დამეგობრდნენ ჩემი კატინა და მელანია, რომ არაფრისთანა დამალული არა ჰქონდათ რა ერთმანეთთან და ჩემი კატინასავან ვიცი, როგორ აწუხებდა იგი მხეცი მას მღვთიურს ქალსა და ან როგორს დიდსულოვანს მოთმინებაში იყო ისიც კარგათ ვიცი. დღე როგორ გავიდოდა, ორჯერ ან სამჯერ არ გამხეცებულეიყო სახლში იგი მელნიკოვი და ქალისთვის გული არ გადმოებრუნებინა.

მეორე მშვენიერი ხელები ჰქონდა თა გიორგის ბაგრატიონ-მუხრანსკის ქალს სოფოს. ჩემი კატინას ახლო ნათესავმა შეირთო ცოლად კატინას შუამდგომლობითვე თა ალექსანდრე სუმბათოვმა და მესამე მშვენიერი ხელები ჰქონდა ჩემს ეკატერინეს. ამ სამივეს ხელები სიგრძითაც ტოლები იყო და სიწვრილითაც. მე მახსომს, ერთხელ სტუმრობა მქონდა, მელანია და სოფოც ჩვენთან იყვნენ. სადილს უკან ხელების ქება ჩამოვარდა. ზოგმა ვისი



ხელები აქო და ზოგმა ვისი. მასკვან ერთმა ნათესავმა მელანიას გამოაშლევინა ხელები და თქო.

– „აბა თუ ამისთანა მშვენიერი ხელები გენახოთ?“

მასკვან ალექსანდრე სუმბათოვმა თავის ცოლს გამოაშლევინა და შემდგომ მეც ჩემს კატინას გამოვალევინე. შორიახლოს ვისხედით და ვერ გაირჩეოდა. მერე სინათლესთან სტოლზე დავანყობინეთ სამთავ ექვსი ხელი და ყველამ ჩხრეკა დაუნყეს. ვერცერთის ნაკლებულება ვერავინ ვერა თქო და სამივეს ხელები დიდათ აქეს ყველამ, რომ ამისთანა მშვენიერი და ნაზი ხელების მნახველნი არა ვართო. ბევრჯელ ეს სამნი ქალნი ხელების თითებს ერთმანეთში გაუყრიდნენ და ნაზნი თითები ერთმანეთის ხელებს რომ გადახლებოდნენ, ასეთი მშვენიერი სანახავი იყო იმათი თეთრსპეტაკი, წვრილგძელი გაყრილი თითები ბუდეშურად მოყვანილის ფრჩხილებით, რომ თვალი უკეთესს ვერას ნახევდა. ეს სამნი ქალნი დიახ დიდი მეგობრები იყვნენ და პირველი შვილი გიორგი მე მოვუნათლე სოფოსა. სამივ მშვენიერი სახისანი იყვნენ ეს ქალები და ტანათაც ერთი ჰაეროვნობა ჰქონდათ. მაგრამ მელანიას კი ცოტა სუსტი სახე ჰქონდა და დიახ მინაზებული თავისის მოჭყუყუნეს შავის თვალებითა.

გაიგონე.

პ.

ჩვენი ცოლქმრობის ბედნიერებისა რაღა ვთქუა. რამთენიც დროები გავიდა, უფრო და უფრო ვბედნიერდებოდით. ასე რომ ერთი საათის მოშორება ორთავეს უბედურება იყო. ამის გამო მე სამხედრო სამსახური დაფუტევე და განუშორებლად ვიყავით ერთად მე და ჩემი კატინა. ხანდისხან სოფელში რომ წავიდოდი, ბევრჯელ გზიდგან შემოვიქცეოდი, სადაც ჩემი კატინა ცრემლიანი დამხვდებოდა და დანახვისთანავე კიდევ გავბედნიერდებოდით ჩვენ.

1826-ს წელსა საქართველოზე რომ მოდიოდნენ ყიზილბაშები, დიდის სურვილით საქართველოს ჯარი გაჰყვა რუსეთის მხედრობასა პირისპირ ყიზილბაშების ჯარისა და მეც იმათში წაველ. მე და ჩემს კატინას გაყრაზე საცოდაობა იყო და ბოლოს რას ყოფით დავმორდით ერთმანეთსა. დილის ჩვენს გაყრაზე საშინელება იყო. ჩემს კატინას რამთენჯერმე გულსა შეუნუხდა და ბოლოს რას



*ყოფით დავამშვიდე. იმ დღეს აბანოს ხიდიდგან ექვსჯერ წაველ და ექვსჯერ დავბრუნდი ქალაქის პირიდგან. ბოლოს რასყოფით საღამოყამზედ ჩემმა სიძემ, ივანე მელიქოვმა წამიყვანა ქალაქს გარეთ, ცხენის ჯილაგში ხელი მიტაცა და აღარ დამაბრუნა.*

მაგრამ იპრიანა ღმერთმა და სამი თვის მეტი არ ვიყავით ჯარიანობაში, საიდგანაც დავბრუნდი კიდეც სიყუარულში.

1827-სა წელსა კიდეც წავედით ქართველები, კიდეც ჩუენი გაყრა ისე იყო, მე და ჩემი კატინასი, როგორც პირუელათა. ექვსის თვისა შემდგომ, ერევნის ციხე რომ აიღო ღენერალმა პასკევიჩმა, ქართველები დაგვითხოვა და მოვედით ქ. ტფილისში. ქ. ტფილისში რომ მოვედით მშვიდობით, მაშინვე სიხარულით შევირბინე ჩემ კატინასთან. ჩემი კატინას შეწუხებულს გამხდარს სახეს მაშინვე მწუხარება გადაეყარა და სახეც ისე დაუშვენდა, ამ დროს იუპიტერს რომ ენახა, იგიც არ მოაშორებდა თვალს. ვიყავით განუშორებლად და ბედნიერად ვცხოვრობდით ერთმანეთით. მე და ჩემი კატინა ვიყავით ბედნიერს სიყუარულში – სიყუარულსა განუშორებელში.

იმის ხასიათი რაღა ითქუას? იყო გონიერი, ჭკვიანი, იყო კეთილი, იყო წყნარი, იყო მშვიდობიანი, იყო ღვთის მოყვარული და ჭეშმარიტი ქრისტიანი, მაგრამ საშინელი ეჭვიანი იყო. არა თავისი ახლო ნათესავი და არა ჩემი არ იამებოდა ჩემთან. არათუ მე მანუხებდა თავის ეჭვებითა ერთს უბრალოს მცირეს საქმეზედა ტყუილად სტანჯავდა თავის თავსა. თავის ძლიერის ეჭვის გამო, სულ სხვაგვარად ხედავდა საგანს. მე რომ ჩემი ნათესავისათვის სწორეთ შემეხედა, ჩემი კატინა სრულებით დადნებოდა, ასე ეგონა, რომ ეს ეს არის, ქმარი წამართვესო. არავინ არ იამებოდა ჩემთან თვითონ თავის მეტი. თუ რომ ჩვენთან მოვიდოდა ვინმე ჩემი ნათესავი ქალი, ვცდილობდი, როგორმე მოშორებული ვყოფილიყავ მე იმისგან, რომ ჩემი კატინასთვის მიზეზი არა მიმეცა რა. ღვთის წინაშე უნდა ვთქვა, რომ მეც დიდი ეჭვიანი ვიყავი, იმაზე ნაკლები აღარ, რომელსაცა არც მე მიაჩნებოდა იმის ნათესავი იმასთან არავინ. მინამ ჩუენგნით წავიდოდა, მე კი სული მიქრებოდა, ამისთვის ერთმანეთის მეტი აღარავინ აღარ გვინდოდა სხუა, აღარც ყმანვილი ქალი და აღარც ყმანვილი კაცი.

1823-სა წელსა დავინერე ჯვარი ანჩისხატის ეკლესიაში პირიმლ-თისას წინ და 1832-ს წლამდის ასეთი ბედნიერი ვიყავით მე და ჩემი კატინა ერთმანეთით, რომ მეტი ბედნიერება აღარ იქნება!.. მაგრამ ამ უკანასკნელმა წელიწადმა ყოველი ჩვენი ესე ბედნიერება ჩაგუაშხამა.

11-ს დეკემბრის ღამეს ჩვენ დატკობილს ძილში შუალამის მეორე საათის შემდგომ, ორნივ რალაც საშინელებამ გაგვალვიდა დაბნელებულს უსანთლოს ოთახში. ჩემს ახლოს ჩემმა კატინამ ძრწოლა დაიწყო შიშით. თუმცა მეც იმას ვგრძნობდი, მაგრამ როგორც კაცი, ისე გაჩუმებული ვიყავ. ჩემმა კატინამ ბორგვა რომ შექნა, მე დაბლის ხმით, *დანყნარებით* ვკითხე:

– „კატინო, თუ გლვიძამს, რატო არას მეუბნები?“

– „ასე მეგონა, ჩემს სანდროს სძინამს მეთქი.“ *და მოგერიდე, არ გაგალვიძო-მეთქი.*

– „კატინო, რატომ აგრე ძრწნი?“

– „საშინელი სიზმარი ვნახე.“

– „როგორ თუ საშინელი სიზმარი?“

– „მამაჩემი ვნახე საშინელის სახით შეწუხებული და ამ შეწუხებულს დროსა პირიდგან ერთი ტაშტი სისხლი ამოაღებინა. მე ვწუხდი, რა დამართა-მეთქი. ამაში კიდევ გამელვიდა. არ ვიცი, რას უბედურებას მოასწავებს ეს სიზმარი?“

მე იმის შეწუხებას მოვერიდე და ამისთვის გატრიზავებით ვუთხარ:

– „ჯერ სიზმარი დასაჯერებელი არ არის. ადამიანი ბევრს კარგსა და ავსა ნახამს, რომ სულ არაფრათ გაივლის. რახან დასაჯერებელი იქნება, მამ სწორედ აგისხნი, რასაც მოასწავებს ეგ სიზმარი“.

– „ჩემო სანდრო, აბა, რას მოასწავებს, სწორედ მითხარი!“

– „შეწუხებულის სახით რომ ყოფილა, ეგ სიმხიარულეს მოასწავებს და სისხლი რომ ამოუღებინებია, ჯავრის დაკარგვა არის.“

– „ღმერთმა ინებოს, ეგ მართალი იყოს, მაგრამ რა ვიცი...“

– „მითამ რა სიტყვაა, რა ვიცი?“

– „ეჰ, რალა უნდა ვთქო?..“

– „თუ ჩემი სიყვარული გაქვს, მითხარი.“

– *რახან მე ჩემ დღეში შენთვის წინააღმდეგი არ მითქვამს, არც ეხლა გეტყობდი, მაგრამ...*

– „რადგან აგრე მეუბნები, აგრე იყოს, გეტყვი. ეხლანდელს ყმანვილს კაცებს რომ განგიძრახავთ და შეთქმა გაქვთ, რუსები აქედგან გარეკოთ როგორ იქნება? მაშინ როდესაც რომ ერთი ბენო საქართველოს ბრძოლა არ შეუძლიან რუსეთისა. ნამეტნავად ეხლანდელს დაუნდობელს ხალხს... და ეს ამბავი ეხლანდელს დაუნდობელს ხალხში რომ მოგიფენიათ, იცით, ერთერთი მაინც არ გაცემსთ მცირეს თავის სარგებლობისათვის?“

– „სწორედ გეტყვი, კატინო, ეს ჩვენი განძრახვა ასე რიგად დაიწყო, შეუძლებელია, არ გამოცხადდეს.“

– „მაშ რატომ ქენით და ამისთანა ძნელი საქმე დაიწყეთ?“

– „რუსეთიდან მოსული ყმანვილი კაცები და მე ამ საქმისათვის რომ გავერთდით, რჩევა მოვასხდინეთ: როგორ დავიწყოთ? აი, ჩემი პასუხი: „ეს საქმე ჩვენის მეტმა სხვამ არავინ არ უნდა შეიტყოს, ამისთვის, რომ მინამ გარემოება თავისთავად არ მოიტანს საქმეს, არასგზით არ შეიძლება, რომ აღსრულებაში მოვიყვანოთ ეს განზრახვა ეხლანდელს ქართველებში. ისევე სჯობია, მხოლოდ ჩვენ ვიცოდეთ და გარემოებას მოვუცადოთ. ვინ იცის, იქნებ ღმერთმა მოიტანოს რამე გარემოება-მეთქი. ამაში ზოგიერთნიც დამყვენ, მაგრამ სხვებმა ეს ჩემი რჩევა ქალაჩუნობაში ჩამომართვეს. ამაში გავიდა დღეები, გავიდა კვირები, გავიდა თვეები და ამობაში პოლშა აიშალა. ზედ დატანებით კიდევ რუსეთიდგან მოვიდა – არ იქნა, ვერას გზით ვერ დავითანხმე მე ისინი, მეც ამხანავთ ვერ უკუ ვუდექ. მაგრამ ეს კი უნდა ვთქვა, რომ ამობაში ორი კარგი გარემოება მოგვცა ღმერთმა (შეგვემთხვა). ერთი პოლშის გადადგომა რუსეთიდგან. თუ ჩქარა არ დაეთრგუნა რუსეთს პოლშა, ჩვენი საქართველოც გადაუდგებოდა და მეორე დალისტანშიც ...[ვერ ამოვიკითხე – ნ. გ.]. ამის გამო იმათ უკუ ველარ ვუდექ და შევუდექით საქმეს დიდს გულმოდგინებით ისე, რომ მშობლის მამულის მეტის სიყვარულით ავად ვსაქმობდით თუ კარგად, ველარა გავიგეთ-რა. ისე, რომ მე ჩემი თავი აღარ მოვასვენე იმ საქმეში და ისინიცვე, ჩემი ამხანაგნი, დიდი მცდელნი იყვნენ იმ საქმისა, ნამეტნავად თა ელიზბარ შანშეს ძე ქსნის ერისთვის შვილი, რომელიცა ყველას ჩვენზედ უპირველესი მცდელი ის შეიქნა.“

ამ სიტყვასთან პატარას ხანს უკან მოაჯირზე რაღაც რახარუხის ხმა შემოვიდა. მინამ ის ხმა მიწყებოდა, სადაც ჩვენი შვილები

ინვენს, იმ ოთახში სანთელი გაქრა, ამასთან, ჩვენს ოთახში ერთი მოახლე შემოვარდა და შეშინებულის ხმით დაიძახა:

– „ბატონებო, სალდათები მოვიდნენ და ფანჯრიდან გვიყურებენ.“

ჩემმა კატინამ შიშით ხმა ველარ ამოიღო, მე საჩქაროდ წამოვდექე, მოახლეს სანთლის ანთება ვუთხარ, კატინაც თან ამყვა ამ სიტყვით:

– „ვაი, ჩემს თავსა! იქნებ შეუტყვიათ და აცხადდეს ჩემი სიზმარი!“

– „კატინო! სწორედ გეტყვი, ამის შემდეგ უბედურებაში ჩავარდები. თუ ღმრთის მადლობით მოითმენ, ღმერთი კიდევ მოგვხვდავს და თუ მოთმინებით არ იქნები, იმედი ნუღარა გაქვს ჩემი ნახვა კიდევ გელირსოს ამისთვის, რომ უბედურობის მომთმენს ღმერთი სწყალობს და მოუთმენელზე, *მოკლესულზე* ხელაღებულია.“

ღმრთისშობლის წინ დაიჩოქა და გულმხურვალეს ცრემლით დაიძახა:

– „ამის მადლს ვევედრები მე, სუსტს დედაკაცსა, შენი უბედურება მომათმინინოს! მაგრამ მე რომ შენ უბედურებაში მეგულეობდე, როგორ უნდა მოვითმინო?!“

– „კატინო, მაგისთვის შენ ნუ სწუხარ, მე ვიცი ჩემს თავს როგორ გამოვიხსნი უბედურობიდან, ოღონდ შენ მოთმინებით და დიდსულოვნებით იყავ.“

მინამ ჩემი კატინა მეტყოდა რასმე, ჩემი დედიდაშვილი თა გიორგი რევაზის ძე ერისთავი ჩვენთან შემოვიდა და განსვენებულის გულით, *მკაცრის სიტყვით* მითხრა:

– „ალექსანდრე, კამენდატი და პოლიცმეისტერი ჩვენს ოთახში შემოვიდნენ, სადაც მე და შენი ძმა ვახტანგ ვდგევართ და გვითხრეს, ბარონ როზინმა<sup>1</sup> დაგიბარათო. ეტყობა რომ ჩვენი შეთქმა გამოცხადებულა. ახლა რა ვქნათ?“ *შემდეგ ჩემს კატინას მოხედა. ნახა, რომ საშინლად შეწუხებული იჯდა ხალათით კრაოტზე, რომელსაცა ნუგეში სცა, მაგრამ კატინამ ხმა არ გასცა. მასკვან ისევ მე მამიბრუნდა.*

– „ამის მეტი ჩვენ ველარ გამოვიხსნის რა, რომ რაც უნდა გვტანჯონ, არ გავტყდეთ.“

<sup>1</sup> გვართ ბარონ როზინი ერქო მაშინდელს საქართველოს მთავარმართებელსა.

გიორგის სიტყვის თქმა აღარ დასცალდა, რომ ვახტანგ შემოვიდა, პოლიცემისტერი თან შემოჰყვა, მოვიდა და მითხრა: *მე თუ-ლუფმოსხმული წინ მივეგებე და ვკითხე, რა გნებავთ-მეთქი?*

– „ბარონ როზინმა საჭირო საქმეზე დაგიბარათ, მაგრამ რაც ქალღმერთები გაქვთ, ისიც თან უნდა წავიღოთ.“

მას უკან ჩემ კატინას მიუბრუნდა და გულღრმოს ცბიერის ღიმილით უთხრა:<sup>1</sup>

– „თქვენ ამაზე ნუ შეწუხდებით, ამ ორს საათზე თვენი ქმარი აქვე მოგივით.“

ჩემმა კატინამ მედიდურის სახით უპასუხა, რომელიც დაუვინყებელი არის ჩემთვის:

– „პოლიცემისტერო, რასაც მეუბნებით, თქვენი სიტყვა მართალი არ არის, მაგრამ მე კი სწორედ გეტყვით, სადაც ამ ჩემს ქმარს დასომთ საპყრობილეში, მეც ამასთან რომ შემიყვანოთ და განუშორებლად ამასთან მამყოფოთ, უფრო მადლობელი ვიქნები.“

ჩემი კატინაც ერია ჩუენს საქმეში, სხვანი ქართველი ქალებიც ბევრი, რომელსაც ჩემს კატინას ვალად დასდეს, რევოლუციის ბაირახი შეეკერა.

ამ სიტყვაზე პოლიცემისტერმა ხმა არ ამოიღო.

ჩემს დედიდაშვილს გიორგის და ჩემს ძმას ვახტანგს თვალეში ცრემლი მოერიათ, მე შემომხედეს, რომ გულხელდაკრეფილი მე და ჩემი კატინა ერთმანეთს შევცქეროდით *მწარეთ დაღონებული*. მაგრამ მე ის მაშინვე მოვიშორე და ტანსამოსი მოვითხოვე ჩასაცმელად. ამ დროს გიორგი და ვახტანგი თავის ოთახში გავიდნენ, პოლიცემისტერი იმათ თან გაჰყვა და ჩემი საკუთარი ქალღმერთებიც თან წაიღო.

მე რომ ტანისამოსი ჩავიცვი, ჩემს კატინას გამოვესალმე (მისახვედრია, როგორც), ბოლოს კიდევ ეს სიტყვა მოვაგონე:

– კარგად გახსოვდეს, კატინო, რომ *უბედურისათვის მოთმინებაზე უკეთესი არა იქნება რა*. რომელს უბედურსაც მოთმინება ექნება, ღმერთი გამოიხსნის.

ამ სიტყვაზე ჩემმა კატინომ *საზარელი* სულთქმა ამოუშო უსიტყვოდ. მეც შეწუხებული გამოველ და აქედგან *ბატონიშვილს*

<sup>1</sup> რადგან ჩემმა კატინამ რუსული არ იცოდა, ჩემმა ძმამ უთარგმნა და პასუხი ამისგანვე უთხრა.

დედაჩემთან შევედი. ბატონიშვილის დედიჩემისათვის ადრითვე ეცნობებინათ პოლიცემისტერისა და კამენდანტის მოსვლა, რომელმაც არა იცოდა რა და მიზეზი მკითხა მოსვლისა უდროოთა. მე აღარა დავუმაღლე რა და ყველა გამოვუცხადე. ჯერ მცირედ დაფიქრდა და მასუკან შეურყეველის გულით მიბძანა. იმან ყველა იცოდა ჩვენი ამბავი, მხოლოდ ჩემგნით და ჩვენმა ამხანაგებმა კი არ იცოდნენ იმისი არაფერი. როდესაც ყველა განვუცხადე, მითხრა:

– „მაგ საქმის ამბავი ჩემი ხომ არავინ არა იცის რა, რომ მეც ვიცი ეგ საქმე?“

– „მე არავისთვის არა მითქომს-რა,“ მე მოვასხენე.

– „რადგან არავინ არა იცის-რა, უთუოდ ეგ აგრე უნდა ყოფილიყო, აი, ამიტომ, რომ მე ეხლა საჭირო ვარ თქვენ ყველასთვის. ამას თავი დავანებოთ, ეხლა ეს გაიგონე?“ – თავის შესაფერის გულით მოჰყვა ასე:

– „მაგისთანა პატიოსანს განზრახუასთან სანანურად ნულარ მიგაჩნდებათ თავი, შენი ცოლშვილებისათვის შენ ნულარას ინაღვლი, მე იმათი მომვლელი და პატრონი ვიქნები, ოღონდ რაც უბედურება მოგადგესთ, მოთმინებით მიიღეთ. და ამასაც გეტყვი, რომ მეც აღარ დავსცხრები თქვენ სამთა ძმების გამოსა... კარგით, ნადით, ღმრთისათვის მიმიბარებიხართ ერთობ თქვენა.<sup>1</sup>

ვახტანგის და გიორგის ოთახში იყვნენ პოლიცემისტერი და კამენდატი. მე რომ იმათთან შევედი, კამენდატმა გიორგი წაიყვანა, რადგან სამხედრო სამსახურში იყო. მე და ჩემი ძმა ვახტანგ პოლიცემისტერმა გამოგვიყვანა. მე ერთ ჩასტნის პრისტავს გამატანა, ჩემი ძმა – მეორეს პრისტავს და ორივე ცალ-ცალკე წაგვიყვანეს მეტეხის ხიდისაკენ. მაგრამ გაგვაცალცალკევებს. ისე წაგვიყვანეს, რომ შემდეგ ერთმანეთი ველარ ვნახეთ.

მეტეხის ხიდს რომ გავცილდით, მე მეტეხის საპყრობილის ციხისაკენ შევბრუნდი, მაგრამ პრისტავმა ავლაბრისკენ ამატარა. წამიყვანა და აფიცრების კაზარმაში შემიყვანა, საიდგანაც ყარაულის აფიცერი გამოვიდა, მალლა ეტაჟში ამიყვანა. ერთს გამარტობულს ოთახში დამსვეს და შიგ ჩესავოი დააყენეს თოფისიარაღით.

მცირეს ხანს უკან ყური დავუგდე. დიდი ფეხის ხმიანობის,

<sup>1</sup> გიორგის და ვახტანგს უნდა ვკითხო, იმათაც ნახეს ბატონიშვილი თუ ველარ.

წასვლის-წამოსვლის ხმა იყო გარეთ კარიდორში და კარების ჯახ-აჯახი. მივხვდი, ჩემს ამხანაგებსაც ჩემსავით სხმენ საპყრობილესში-მეთქი. მასკვან დავფიქრდი: „ნეტავ, შემატყობინა, ვინ გაგცემდა-მეთქი?“ ვინც იყო, შემდგომში გამოჩნდება.

როდესაც კარგად გათენდა, რუსის კალატოზი შემოვიდა. ფანჯრებზე სქელი გაჯი წაუსო და სახლი ასე დააბნელა, რომ მზის შუქი ძლივს დაინახებოდა. მე იმ დღეს არა მკითხეს-რა. სადილობის დროს სტოროჟი შემოვიდა, სადილი შემომიტანა და ამის მეორე დღის დილაზე ყარაულის აფიცარმა და ხუთმა შტიკიანმა სალდათმა ქვემოთ ატაჟაში ჩამიყვანეს და ერთს დიდს სახლში შემგზავნეს.

იმ სახლში იყვნენ ორი ლენერალი, ერთი პოლკოვნიკი და სამი – ოთხი აფიცერი. ამათგანმა პირველმა ლენერალმა ბაიკოვმა სკამზე დამსო და ზდილობიანის კითხვით მითხრა:

– „კნიაზო, თქვენ რამეთენსამე საქართველოს თავდებსა შეთქმა გქონიათ წინააღმდეგ რუსეთის მთავრობისა. ახლა თქვენი საქმე წვრილად ვიცით, ამისთვის თქვენცა გკითხამთ, თქვენც ალიაროთ გულის წმინდით და არა დაჰფაროთ-რა?“

იმის კითხვაზე მე დამბეზლებელის საბეზლარი ქალაღი მოვითხოვე.

მეორე ლენერალმა<sup>1</sup> ერთი დასტა დანერილი ქალაღი გადმოიღო და წინ დამიდო. და მკითხა. – „ამის დამწერს იცნობთ, ვინ არის?“

რა წამს დავხედე, მაშინვე ვიცან, რომ ჩვენი ამხანაგის თა იასე იოსების ძისა ფალავანდოვის ხელი იყო. მაგრამ უარვყავი, ვითომც ვერ ვცნობ-მეთქი. თუმცა მოვინდომე თვით მე წამეკითხა, მაგრამ არ დამანება და თავითონ დაიწყო კითხვა, რომელმანცა, მგონია, სამ საათამდისინ იკითხა.

იმ საბეზლარის წიგნით მივხვდი, რომ ჩვენი ყოველი საქმე დღიურ ზაპისკებად ეკეთებინა. მე აღარ დავაცალე კითხვა, რომ ბოლომდისინ ჩასულიყო და დამბეზლებელი მოვითხოვე. ვინც დაგვაბეზლა, აქ შემოიყვანეთ, რომ პირში წამამიდგეს-მეთქი. არც დამბეზლებელი შემოიყვანეს და არც მისი სახელი გამოაცხადეს.<sup>2</sup>

<sup>1</sup> შტაბნაჩალნიკმა ვალიხოვსკიმ.

<sup>2</sup> თავად იასე ფალავანდოვის ჩამამავლობის ამბავი. იმათი პირველი გვარი გლეხნი იყვნენ და გვართ ყორჩიშვილი ერქოთ. ახლანდელს დროში ამისი უფროსი ძმა ნიკოლოზ თავის ეშმაკურის და გაიძვერის ხასიათით, ჯერ აზნაურიშვილი შეიქნა და გვარად მიქაიჩი დაირქო, მასუკან თავადად იწოდა და გვართ ფალავანდოვი

მაგრამ შემდგომ ღმერთმა მუხანათებს მოავლინა თავის რისხვა, რომ დღესაც იგინი უბედურნი შეიქნენ. იმათ გადაახდევინა და თავისი რისხვა მოავლინა მათზედა.

რვა დღემდისინ ყოველს დღეს ავად მეკიდებოდნენ, გავტეხილიყავ, მაგრამ ვერასგზით ვერ გამტეხეს. მეგონა, ვერავის ვერ გასტეხენ-მეთქი. იმისთვის, რომ ადრითვე პატიოსანი პირობა დაგვედო ჩვენ ამხანაგებს, „თუ გამოცხადდეს ეს ჩვენი საქმე, არ გავტყდეთო.“ და ამასთან ბევრი თქმულობა იყო გაუტეხელობაზე. მხოლოდ იასე ფალავანდოვის საბეზღარზე ვერასგზით ვერ გამტეხდენ, მაგრამ რადღესაც ჩვენ ერთიან დაგვიჭირეს, იმ დღეს ვისთვისაც კი ეკითხათ, მაშინვე გატეხილიყვნენ. იმათი ჩვენებაც თვითოეულად მაჩვენეს.

მესამე ღამის თერთმეტს საათზე მთავარმართებელს ღენერალ ბარონ როზინთანაც წამიყვანეს ბნელის კარეკით შტაბნაჩალნიკ-მა ღენერალმა, პოლკოვნიკმა ტრიტილევიჩმა და ერთმა აფიცერმა რამდენიმე ცხენიანის ყაზახების შემოხვევით, მაგრამ ვერც იმათმა ძალადატანებამ გამტეხა და ისევ ისე მომიყუანეს უკმაყოფილო სიტყვებითა ჩემს ბნელს ოთახში, სადაც ვიყავი უსინათლოს ბნელს ოთახში მხოლოდ პურსა და წყალზედ რვა დღესა. და ამ დღის საღამოს ყამს პირველი ღენერალი ბაიკოვი ჩემთან შემოვიდა და გულმტკივნეულის სიტყვით მითხრა:

– „დღეს თვითონ თქვენ ნახეთ თქვენი ამხანაგების ჩვენება, რომ აღარავინ აღარ დარჩა გაუტეხელი. გარდა ამისა, ყველა ამას ამბობენ, ამ შეთქმის თავი და დამწყობი თქვენ იყავით. აბა, რასა იქთ, რომელს თქვენის ამხანაგის ჩუენებას უარსა ჰყოფთ? ნამეტნავად, თქვენის ძმისას და ახლო ნათესავებისას?“

– „ღენერალო, რასაც მიბძანებთ მართალია, რომ თითქმის ყველანი მე მახეზღებენ, მაგრამ მე არა ვიცი რა.“

– „კიდევ მე არა ვიცი რა? დამიჯერეთ. აღიარეთ, თორემ ღმერთს

---

შეიქნა, მერე საქართველოს სამოქალაქოს ლუბერნატორობა მისცეს რუსებმა, შემდეგ პირველის ოჯახის თავადისშვილის ქალი შეირთო ცოლად, დასასრულ თავის ძმას იასეს საქართველოს ამთენი თავადები გააუბედურებინა და ბოლოს თავის მფარველი მთავარმართებელი ბარონ როზინი დააბეზლა ხემნიფესთან, მაშინ, როდისაც რომ საქართველოში მოვიდა. დაბოლოს, ღმერთის სასწაულით, თვითონაც იგი სამსახურიდგან გამოავდეს და საზოგადოსაგან მოძაგებული სახლში გდია და იშვიათათ გამოდის კარზე.



ვფიცავ, მოხუცებულს დედათქვენსა დააპყრობილებენ და თქვენს ცოლსა და შვილებსაც. აბა, ღრმით დაფიქრდით, ჩუენ ხომ ყველა ვიცით და ერთი თქუენი უარი რას შეგმატებთ თქუენ? უფრო მაგით თქუენს ქუეყანას ევენება, მე ამას გარნმუნებ თქუენ. ბარონ როზინს უნდა, რომ თქუენც გულისნმინდით აღიაროთ და ამის გამო ხელმწიფის განრისხებული გული ღმობიერად შესცვალოს თქვენს ქვეყანაზედ. ძალიან კეთილი კაცია ბარონ როზინი.

მცირე მოფიქრების შემდეგ პასუხად მივუგე:

– „ღენერალო, მაგის პასუხს მე ეხლა ვერას მოგცემთ ამისთვის, რომ მე ეხლა შეუძლოთ ვარ შფოთიანის გონებითა და თუ თქვენინება იქნება, პატარა ხანს უკან აქ ჩემთან ამობდანდით და სრულს პასუხს მაშინ მიიღებთ, ოღონდ ეხლა დამეხსენით პატარა ხანს.“

– „კარგი იქნება. კიდევ მოვიცდით.“

იმის გასვლის შემდგომ მე ფიქრში ჩავვარდი.

*მოხუცებული ბატონიშვილი დედაჩემი... ჩემი გაუტეხელობის მიზეზით საპყრობილეში უნდა დასონ? ... თუ მე არ გავტყდე, ჩემი სასურველი და საყვარელი კატინა საპყრობილეში უნდა დაამწყვდიონ? ...*

„შეჩვენებული იუდა იასე ფალავანდოვი გუშინ რომ მომადგა კამისიაში და ღენერლები დაარნმუნა, რომ ყოველი ამ საქმის მიზეზი მე ვიყო, ამისთვის ეტყობათ, ჩემგნით იმედი აქვსთ, რომ მე ბევრს რასმე გამოვუცხადებდე, მაგრამ ესეც არის, რომ დანვრილებით გამოცხადება კამისიისათვის რალა საჭიროა მაშინ, როდესაც რომ იასე ფალავანდოვს დანვრილებით გამოუცხადებია და ყველა კარგად იციან? რა ვიცი, იქნება მართლა ჩემის გატეხით ჩემს ქვეყანას ერგება რამ, მეტი ღონე აღარა მაქვს, გავტყდები და მეც ყველას ვიტყვი, მაგრამ სჯობია, რომ თავი დავისუსტო, ეს უფრო გამოგვიხსნის, იტყვიან სულელები ყოფილანო და ბოლოს იქნება ამით ვარგო რამე ჩვენს ქვეყანას.“

ერთმა მცოდნე ჩინოვნიკმა პ... მითხრა წინათ, თუ ეს ჩუენი საქმე გამოცხადდა და დავგიჭირეს, მე მხოლოდ თქუენზე დიდს ნაკლულებას ვიტყვი. იციან, მე და თქვენ დიდი მეგობრები ვართ, ამის გამო მე აღარ გავტყდები და თქვენთვისაც სასარგებლო იქნება. ისეც იყო, თავის თავსაც არგო და ჩვენცა, ისიც დაიჭირეს, მეც იმის ეს მახსოვდა და მეც იმის კვალს მივყევ. მართლაც რომ სასარგებლო იყო ეს ჩუენთვის, ამისთვის, რომ ჩუენს ყმანვილს სულელობას

მიაჩემა მთავრობამ ჩუენი ეს საქმე.<sup>1</sup> იმან ფორმა და კანონი კარგა იცოდა, როგორც უნდა მოქცეულიყო.

ყოველი კამისის ამბავი რომ დაწვრილებით აღინეროს, მგონია, რამდენსამე ტომად გაკეთდეს. ამისთვის სჯობია შევამოკლო, რომ მონყენილად არ ეჩვენოთ მკითხუელებსა. შემოკლებით თქმა ვიკმა-როთ და ბევრათ კი დავინახოთ. მეც მერვეს დღის დილაზე გავტყვი და ქალაღზე აღვიარე, მაგრამ თვითნოდებული თა ისე ფალავანდოვი მოვსპე, მოვთხარე და როგორც ჩვენში იტყვიან, გავალაფიანე. აღარც მე დავზოგე და ვაება დავეცი. იმაზე უფრო დამნაშავეთ აღმოვაჩინე. მაგრამ ესეც ცოტა არევით დავნერე, როგორც სუსტის გამძრახველმა. იმის შემდგომ მეც დავნერე, რაც ვიცოდი, ნამეტნავად ისე ფალავანდოვს მივყავი ხელი, რაღას დავზოგავდი იმ იუდას და დიდ დამნაშავედ ამოვაჩინე, თუმცა კამისის ჩლენები ყოვლის ღონით ცდილობდენ იმის გამართლებას და გამოსხნას, მაგრამ იპრინა ღმერთმა; პეტერბურლიდან ღენერალი ჩევიკინი მოვიდა კამისის პრედსედატელად და იმან ძირინად ამოიღო ისე ამისთვის, რომ ისე დიდი დამნაშავე იყო. ასე გაუჭირეს რომ კამისიაში მამადგა და აღიარა: „მე მთავრობისაგან შემოჩენილი შპიონი ვიყავ თქვენში, რაც თქვენში განზრახვა იყო, უნდა შემეტყო და გამამეცხადებინა. მე თქვენში რასაც ვლაპარაკობდი და ვსაქმობდი, სულ ცბიერობა იყო, რომ თქვენი განზრახვა ყველა წერილად შემეტყო. შევიტყე და წვრილადაც მამიხსენებიაო.“

ხედამთ, ჯერ პირველად ისე ფალავანოვი შპიონად და დამბეზლებლად რომ არ ჩნდებოდა? პირველი კამისის ჩლენებიც რომ ჰფარავდნენ? მაგრამ შემდეგ ასე გაუჭირე, მეტი თავის გამოსახსნელი ველარა იპოვნა რა და შპიონათ იძახა თავის თავი კამისიაში. მაგრამ ვერც ამითი გამოიხსნა თავი და ღიანდაში უსუდოდ გაგზავნეს. *საღდათათ, თუ სადაც ძლივს იშოვა აფიცრობა სამხედროს სამსახურში.*

კამისიაში ბევრმა საქმემ გაიარა. ბოლოს ვაებით დაასრულეს

<sup>1</sup> ისე ფალავანდოვის საბეზლარი დანერილი დასტა ქალაღი შემდგომ ველარავინ ნახა კამისიაში, რადგან ყოვლის ცდით ისეს ჰფარავდნენ დამბეზლებლად და სხვას უცოდველსა აბრალეზდნენ. რადგან იმის ძმა ღუბერნატორი იყო, ამისთვის რუსების მთავრობა ცდილობდა, რომ ისეზე ეჭვი არავის არ ჰქონოდა დაბეზლებისა. ამისთვის სხვას უცოდველს აბრალეზდნენ. ახლა კი ვიტყვი, ხალხს თურმე ჩემზედ აღაპარაკებდნენ, მაგრამ ფალავანდოვმა და იმის ძმამ ისემ დაგვლუპა ყველანი.

ჩვენი საქმე.<sup>1</sup> მაგრამ რაც მე გადამხდა, ჩემს მოსისხლეს მტერსაც ნუ მისცეს.

თუ მე მართლა თავი არ დამესუსტებინა და ჩემს ზოგიერთ ამხანაგებამდისინაც არ მიმეხნევიებინა, რომ იმათაც ისე ეთქოთ ჩემზე, მაშინ მთავრობა ჩუენს საქმეს ისე სუბუქად აღარ მიიღებდა და საუკუნოდ დავიღუპებოდიტ ყველანი. მაგრამ ამ ჩვენი შეთქმის თავი პირველთაგანი მე რომ სუსტად დამინახეს, ამისთვის ყველანი იძახდნენ რუსნი თუ ქართველები: „სულელებს და ყმანვილებს მოუხდენიათ შეთქმა და იმათგან რა შეთქმა უნდა ყოფილიყო.“

მართალია ბევრი კარგებიც ერივნენ ჩვენს საქმეში, მაგრამ ვისი სახელი და ამბავი იასემ იცოდა, იმათი გამოჩნდა და ვისიც არა იცოდა-რა უფრო მომეტებულებისა, იმათი არა გამოჩნდა-რა, ისე დაფარულად დარჩა იმათი საქმე.

ბოლოს გამოძიების კამისია დასრულდა და ხელმწიფესთან წარადგინეს. ხელმწიფიდგან გადანყვეტილება მოვიდა, ზოგის პატიება, ზოგის რუსეთში გაგზავნა და ზოგის სუდში მიცემა. სადაც ღენერალი ახლოსტიშოვი იყო პრედსედატელი და შტაბაფიცერი ჩლენებად, ამ სამართალმა თავისი გადანყვეტილება მთავარმართებელს ბარონ როზინს გაუგზავნა. ბარონ როზინმა თავისი აზრი ხელმწიფესთან წარადგინა და ხელმწიფისგან მინამ გადანყვეტილება მოვიდოდა, ჩვენს ცოლ-შვილებს და ნათესავებს ნება მისცეს ჩვენთან სიარულისა. ამ დროს მე და ჩემი ძმა ვახტანგ და ის ჩინოვნიკი პ... (იმისი ამბავი ადრე ითქვა) სამნი ერთს ოთახში ვიყავით დაჭერილები.

ერთს დილაზე, ის იყო ჩაი დავლიეთ და ტანისამოსი ჩავიცვით, მოვინადინეთ სასეირნოთ გავსულიყავით კარზე, ამ დროს ჩვენი თავმდეგი, კაპიტანი იეკუბოვიჩი შემოვიდა და ჩვენ ძმებს გვახარა, – „დედათქვენი ბატოიშვილი მობძანდა და ნება აქვს მთავარმართებლისაგან, რომ თქვენი ნათესავები მოვიდნენ თქვენს სანახავათ. როგორც თქვენთანა აქვთ მოსვლის ნება, ისე სხვებთან თავის ნათესავებსა.“

ჩვენ დიდის სიხარულით მოვემზადენით. მცირე ხანს უკან კარები გააღეს და პატივსაცემელი ბატოიშვილი დედაჩვენი, მედიდურის სახის მქონე, განსვენებულის სახით შემობძანდა და ორ-

<sup>1</sup> მგონია, 14-ს თვეზე დასრულდა გამოძიება და სუდიც.

თავ სიამოვნით შემოგვლიმა. ჩვენ, იმისმა შვილებმა, ერთმან ერთს ხელს შევტაცეთ და მეორემ – მეორე ხელსა და კარგა ხანს ტუჩებიდან ველარ მოვიშორეთ. ასე ხელზე კოცნით წამოვიყვანეთ და ჩემს კრავოტზე დავსვით. ბატონიშვილმა დედამ მალლა რომ აიხედა, ჩვენმა ერთის ოთახის ამხანაგმა, დიახ ზდილობიანათ მდაბლათ დაუკრა თავი. ბატონიშვილმა დედაჩემაც მაგიერი გადაუხადა.

ერთ საათამდისინ დაჰყო ჩვენთან ბატონიშვილმა დედამ. ჩვენი ნუგეშინისცემა იმისგნით ამის მეტი არა იყო-რა: „ჯერ თქვენი უბედურობა არ დასრულებულა. რაც უბედურობაში კიდეც უნდა ჩაცვივდეთ, ის კიდეც სხვა იქნება. ამიტომ კიდეც გეტყვით, რომ კიდეც მოითმინოთ. ჩემი დიდი ბებია ქეთევან დედოფალი იმისთანა უბედურობაში ჰყვანდა შააბასსა საპყრობილეში დამწყვედეული, მაჰმადიანთ სარწმუნოება მიიღეო, მაგრამ არ ინება. ვერას ჩაგონებით რომ ვერ დაითანხმავეს, შააბაზ განრისხდა და საშინელი ტანჯვა დაუნიშნა. ეს ამბავი შირაზში იყო. ერთ დილაზე შირაზის ხანი მწარეს ცრემლით მივიდა საპყრობილეში და ძრწოლით გამოუცხადა, როგორი სასჯელი დაენიშნა შააბაზს იმისთვისა და ამასთან მახვილები დაუყარა წინა: აი, ამით უნდა დაიტანჯო, თუ შააბაზის სურვილს არ აღასრულებო. საკურველი დიდსულოვანი ქეთევან დედოფალი უცრემლოდ, მამაცურად, დამყუდროებულის გულით წამოდგა და მტარვალთ შესძახა – ჩემს სულთან საქმე არ გაქვთ რა, ღვთისა არის! აჰა, ხორცი ჩემი და მახვილი თქვენი, ნულარ ჰყოვნით, მანამეთო! ამ სიტყვაზე ხანი ველარ დადგა მწუხარებით, ტირილით კარზე გამოვარდა. რალა უნდა გავაგძელო ლაპარაკი იმაზედ. *მაშინ მტარვალნი მოვიდნენ და საშინლად აწამეს ქეთევან დედოფალი, რომ ქუეყანაზედ თითქმის მაგალითი არ მომხდარა.* ისე სტანჯეს დედოფალი ქეთევან მტარვალებმა, რომ ენითაც ძნელი სათქმელია. მაგრამ ასე მოთმინებით იყო, არც კი ამოუკვნესია, აი, უბედურობაში მოთმინების მაგალითი ქეთევან დედოფალია. ნამეტნავად დედაკაცისაგან ამგვარი საქმე უფრო გასაკვირველია! თუ დედაკაცმა იმისთანა საშინელი უბედურება მოითმინა, კაცებს რალა გმართებთ?!“

ბევრი მაგალითები გვითხრა და დასასრულზედ ესეც გვიბძანა: – „ნუ შეწუხდებით, ჩემს თავს აღარ მოვასვენებ თქვენის გამოხსნისათვის და იმედიცა მაქვს, ღვთის მონყალეებით მალე გამოგისხნით.“

ზოგიერთი ჩვენი ამხანაგის დედები მწუხარებით დაიხოცნენ თავიანთის შვილების დაჭერაზე, რომელთაცა ერთი და ორი შვილი იმათთან დარჩა სანუგეშოდ. მაგრამ დედაჩვენს სამი შვილის მეტი არა ჰყავდა-რა, რომლებიცა სამივე უბედურებაში ჩავცვივდით.<sup>1</sup> შემდგომ იმაზედაც როგორი უსამართლობა მოიღეს, იმასაც შემდგომში ვიტყვი. თუმცა დიდად გრძნობდა ჩვენს უბედურობასა, მაგრამ ძრიელის ხასიათით არ იმჩნევდა და მოთმინებით ბძანდებოდა.

ერთს საათს უკან წამოდგა, წასასვლელათ მოემზადა და მე მიბრძანა:

– „ალექსანდრე, ვიცი, გიამება, – შენს კატინას გამოგიგზავნი და ბინდამდისინ აქ იყოს შენთან.“

მე გავექანე და ორივე ხელები გადაუკოცნე. ბატოიშვილი დედა რომ წაბძანდა, მაგთენი ხანი აღარა გამოვიდარა, ჩემი კატინა ნახევარის სიხარულით და ნახევარის მწუხარებით შემოვიდა და სურვილით გადავეხვიენით ერთმანეთსა, მასუკან ჩემ ძმას მიესალმა, მერე ჩვენს ამხანაგს თავი დაუკრა, რომელსაცა აღრითვე ჩემს მეგობრად იცნობდა, ჩემთან რომ მოვიდოდა ხოლმე. შემდეგ დავსხედით, დავინყევით ლაპარაკი. კარგა მოუბნობის მერე ჩემი ძმა და ჩვენი ამხანაგი სასეირნოდ წავიდნენ გარეთ. მე და ჩემი კატინა დავრჩით ორნი. თავი გადავუხარე და ტკბილად რომ ვაკოცეთ ერთმანეთსა, მასუკან ვკითხე:

– „მე რომ წამამიყვანეს, რა ანბავი მოხდა ჩვენ სახლში და ან როგორ იყავ შენა?“

– „ახ! სანდრო, რალა მოხდა? მთელი ქალაქი შეძრწუნდა თქვენ დაჭერაზე და ფერი აღარავის აღარ ჰქონდა. ასე ეგონათ, ჩვენც დაგვიჭერენო, ასეთი შიშის ზარი დასცეს ხალხსა. ჩვენთან ხომ ველარავინ ველარ დადიოდა. ასე შეშინებულები იყვნენ ყველანი, შენი მეგობრის თაჲ პავლე თუმანოვის, იმის ცოლის რიმსიმესი და შენი მამიდაშვილის მაკას<sup>2</sup> მეტი სხვა ველარავინ ველარ ბედავდა ჩვენთან სიარულსა. ჩვენი ნუგეშინისმცემელნი ეს სამნი იყვნენ და ღმერთმა მშვიდობა მისცეთ სამთავ. შენ რომ წამოგიყვანეს, სავა-

<sup>1</sup> შუათანა ჩემი ძმა დიმიტრი უსუდოთ გაგზავნილი იყო რუსეთს ქ. კალულაში და ამ დროს საქართველოში აღარ იყო.

<sup>2</sup> ადრევე იყო ამის სახელი ზევით ხსენებული.

ლალ ტირილი გავმართე, მაგრამ ბატონიშვილი დედა შემოხანდა ჩემთან, ასეთი მრისხანეს სიტყვით მიბძანა დაჩუმება, რომ იმათის თავაზის გულისათვის მაშინვე დავჩუმდი, ხმა ველარ ამოვიღე. მერეთ გვერდით დამიჯდა, სხვადასხვის გონიერის ლაპარაკით გამამაგრა და ასეთი მოთმინება მასწავლა, რომ ღვთის მადლობით მივითვალე შენი უბედურებაში შთავარდნა. ამის შემდეგ თავის ოთახიდგან აღარ მიშორებდა, განუშორებლად გვერდით ვახლდი დღეცა და ღამეც. თუ შენუხებულს მნახამდა, სხვადასხვა ლაპარაკს დამინწყებდა და თავის საუცხოვო ლაპარაკში გამართობდა. ოჰ! როგორ დამავიწყდება მე თეკლე ბატონიშვილი! ის ბძანდებოდა ჩემი ნუგეში და იმედი, თორემ უეჭველად მოეკვდებოდი. აი, ჩემო სანდრო, ვინც მომათმენინა შენი უბედურება.“

– „ჩემო კატინო, შენ ნუ მომიკვდები, ბატონიშვილი დედაჩვენი საკურველი დედაკაცი არის!..“

– „მართალია, მართალია, ჩემო სანდრო, შენ ნუ მომიკვდები!“

მინამ ხელმწიფიდგან ჩვენი საქმის გადაწყვეტილება მოვიდოდა, ყოველ დილაზე ჩემი კატინა მოვიდოდა ჩემთან და ბინდზე წავიდოდა. ბატონიშვილი კი კვირაში ორჯერ გვნახამდა, ხან ერთ საათს და ხან ორ საათამდისინ ბძანდებოდა ჩვენთან. ამობაში კარგი ხანი გავიდა.

ბოლო დროს 1834 წელსა, გაზაფხულის ერთ საღამოზე, ცხრა საათი რომ შესრულდა ღამისა და ჩემი კატინაც წასული იყო შინათკენ, უნტეროფიცერი მოიჭრა და ჩვენი ოთახის კარებს კლიტე დაადო გარედამ და როგორც ჩვენს პირველ ამბებში იყო დაკეტილი, ისევე ისე დაგვირაზეს კარები. ჩვენ სამნივე გავშტერდით: რა ამბავი უნდა იყოსო. მცირედი დავაცალეთ, კაპიტანი იეკუბოვიჩი შემოვიდა სრულის ფორმით და მკაცრის სიტყვით გვითხრა. – „ქვემოთ კამისიაში ჩამოხანდითო.“ კარიდორში რომ გამოვედით, ოთხი უთოფო სალდათები შემოგვეხვივნენ, ქვემოთ ჩაგვიყვანეს და სადაც ადრე გამოძიების და სუდის კამისია იყო, იქვე შეგვიყვანეს. სულ ერთიან ჩვენი ამხანაგები იქ დაგვხვდნენ. მარჯვნივ რომ შევიხედეთ, სადაც ადრე სტოლი იდგა ხოლმე და ჩვენები იმ სტოლის გარშემო ისხდნენ, ისევე ისე იდგა სტოლი, ისევე იმისთანა წითელი მაუდი გადაეფინათ და სტოლის თავს შტაბსნაჩაღნიკი ვალხოვსკი იჯდა სრულის ფორმით შექმუხვნილის სახით. წინ რაღაც დან-

ერილი ქალაქი ედო და რამთენიმი აფიცრები სრულის ფორმით იდგნენ ცოტა იმის მოშორებით. ჩვენ რომ იქ შევედით, ჩვენ ამხანაგებში ჩავდექით, ნაჩაღნიკშტაბმა მოახლოვით მიგვიხმო, ჩვენც წავდექით წინა. შემდეგ დღესასწაულის და მკაცრის სიტყვით დაიძახა:

– „თქვენი შემცოდება ხელმწიფე იმპერატორმა განიხილა და თავისი მოწყალე ყურადღება თქვენზე მოაქცია. აი, მისი მოწყალე გადამწყვეტილება, რომლითაცა ყველამ უნდა იგრძნოთ იმის მოწყალეობა.“

ჩვენ ყველამ თავი დავუკარით. კიდევ მოჰყვა:

– „არტილერიაში ნამსახურს პრაპორჩიკს, შემდეგ გადამდგარს პოდპორუჩიკსა თა ელიზბარ ერისთოვს აეყაროს ჩინი, არა თავადობის ღირსება და რედავით გაიგზავნოს ლიფლანდიაში, მაგრამ ნამსახურობით ისევ დაუბრუნდეს ჩინი.“

რადგან ამის შემდეგ მეორე პირი ვიყავი შეთქმისა. ამისთვის ახლა მე გამიყვანეს წინა და წამიკითხა:

– „გადამდგარი პოდპორუჩიკი, თა ალექსანდრე ორბელიანი სამხედროს სამსახურში დაინიშნება ორენბურლის ლუბერნიის ერთ-ერთს ლინეინის ბატალიონში პრაპორშიკად და თორმეტის წლით გაიგზავნოს. მაგრამ შემდგომ თორმეტის წლისა უნდა საქართველოს მთავარმართებელს ეკითხოს, შეიძლება იმისი საქართველოში მოყვანა თუ არა.“

რალა გავაგძელო, ყველას თითო ამგვარი წაუკითხეს და ჩემს ძმას ვახტანგსაც კალულაში შეხვდა ჩვენს ძმა დიმიტრისთან.

ამის მეორე დღეს განითქვა მთელს ქალაქში ეს ამბავი, რომლებიცა ყველანი მადლობას ამბობდნენ ხელმწიფე იმპერატორისას, რომ ასე სუბუქად დააბოლოვა ჩვენი საქმე და არაფრად მიიღო. მაგრამ მესამე დღეა რომ გათენდა, მეთორმეტე საათზე ბატონიშვილი დედა და ჩემი კატინა შემოვიდნენ ჩვენთან და მოგვილოცეს სუბუქად დაბოლოება საქმისა. ბატონიშვილი დედა განსვენებულის გულთ ბძანდებოდა და ჩემი კატინა, თუმცა არ იმჩნევდა, მაგრამ დიდი მწუხარება ეტყობოდა სახეზე. სიყვარულიანს ლაპარაკს შემდეგ ბატონიშვილმა დედამ ბძანა:

– „ეს თქვენი საქმე დიახ კეთილათ დაბოლოვდა, მაშინ, როდისაც რომ მეგონა, უბედურებაში ჩაცვივდებოდით. გავს, ღმერთი



გწყალობსთ. მაგრამ მე ერთი რამ უნდა გამოგიცხადოთ, თუ არ შენუხდებით?...“

მე გულმოდგინეთ ვთხოვე თქმა, მაგრამ მინამ პირობა არ გამოგვართო, არა ბძანა.

– „ჩვენს სახლიდგან თქვენს სამს ძმებსა გარდა დღეს მეც გამამიცხადეს: ხელმწიფის ნება არის, რომ თქვენც კალულაში უნდა წაბძანდეთ თქვენს ორ შვილს დიმიტრის და ვახტანგთანაო.“

ამ სიტყვაზე მე და ჩემს ძმას ვახტანგს ფერი გვეკრთო, მაგრამ მაშინვე ბატონიშვილმა დედამ მოგვატანა:

– „ჰაა, მწუხარება არ შეიმცნით!“

ჩვენ თავები ჩავლუნეთ, მწარედ დავღონდით. მეორეს მხრით ჩემი კატინა წამოდგა, ბატონიშვილს დედას უკან მოეფარა, ფანჯრისაკენ თავი მიიღო და მსხვილი ცრემლები გადმოყარა. ყოვლის ღონით ცდილობდა, არავის შეემცნია ცრემლი.

*ამ დროს ბატონიშვილმა დედამ მოხედა, მოიხმო და დარიგება უბძანა, მაგრამ ჩემმა კატინამ მოუთმენელის გულით და მწარის ცრემლით მოახსენა. – „ჩემო ხელმწიფავ ბატონიშვილო! მე სუსტმა დედაკაცმა როგორ მოვითმინო? თქვენი მოშორება მოვითმინო თუ თქვენი შვილის, ჩემი ქმრისა? ნეტავი, ჩემი ერთ-ერთი მაზლი მაინც არ გაეგ ზავნათ და სახლი არ აეოხრებინათ. ამ ჩემი სანყალი და წვრილის შვილების პატრონი ვინ იქნება?“*

ბატონიშვილმა დედამ მოთმინების გულით ბძანა:

– „ასე არის დაუდგრომელი სოფელი. მინამ ადამიანი ცოცხალი არის, სოფელი არ ასვენებს. მე უბედურობისა არ მეშინია, მაგრამ უსამართლოდ რომ მსჯიან, ეს კი საგრძნობელადა მაქვს, მაგრამ ამასაც ღმრთის მადლობით მოვითმენ და ჩემს გულსა აგრე ჩქარა ვერ შემირყევენ. მე მეფის ირაკლის ქალი ვარ და იმის მაგარ გულზედ გაზდილი, რომელიცა თავისგნით არ მიშორებდა მე. ამასაც ვიტყვი, რომ რადგან რუსების მონებაში ვიმყოფები, მეტი ღონე არა მაქვს, უნდა თავი დავიმდაბლო და ვითხოვო, უსამართლოდ ნუ მსჯიან მე და ჩემი თავისუფლება ისევ დამიბრუნონ.<sup>1</sup> თუ ჩემი თხ-

<sup>1</sup> უსამართლობას ამაზედ ამბობდა, რომ რადგან ბევრი შემცოდენი გამოუშვეს დაუსჯელი, წამეტნავად იმ მეფის ირაკლის ქალს სულ არ უნდა შეხებოდა მთავრობა. მართალია, ჩუენი ყოველი საქმე სულ იცოდა და დაფარვით ჩუენი მონაწილეც იყო, მაგრამ დიახ გაფთხილებით.



ოვნა შეინყნარეს, მადლობელი ვიქნები, თუ არადა, ამ ჩემს ცოცხალს თავსა რაც ნებავედეთ, ის უყონ.“

ამ უკანასკნელს სიტყვასთან გაჩუმდა და მედიდურის მამაცურის სახით კედელზე მიესვენა. მე სწრაფათ ბალიში მივართვი, ბეჭებსა და კედლის შუა ჩაიდო და გადასვენებით მიეყუდა.

ამაობაში ჩემმა კატინამ თვალები მოიმშრალა ბალდადის მწვანეს ხელსახოცით, რომ ბატოიშვილმა დედამ ვერ შეამცნია. მასუკან მოვიდა და ცოტა მოშორებით დაჯდა ბატოიშვილს დედასთან.

სადილობამდისინ ჩვენთან ბრძანდებოდა, სხვადასხვა მაგალითებს გვიანბობდა. შემდგომ ნაბრძანდა და ჩემი კატინა ჩემთან დარჩა. სადილი რომ გავათავეთ, ჩემი ძმა ვახტანგ და ჩვენი ამხანაგი სასეირნოდ გავიდნენ კარზე. იმათ გასვლასთანავე ჩემი კატინა კალთაში ჩამიჯდა, მარჯვენა ხელი ყელზე მამხვია, თავი მხარზე გადმამადლო და შეწუხებულმა მითხრა:

– „სანდრო, შენ გეთაყვანოს ჩემი თავი, სადაც იყო, მეც შენთან მამყოფე.“

მე მშვენიერს გულზედ ვაკოცე სიტკბოებით და გადანყვეტილის სიტყვით ვუთხარ.

– „სიხარულით ნაგიყვან. შენი ყოფნა ჩემთან, ხომ იცი, ჩემი ბედნიერება არის, მაგრამ არა სჯობია.“

– „რატომ, ჩემო სიცოცხლეო სანდრო?“

– „ამიტომ, რომ მე ვხედავ, ჩვენი სახლის დამხობა უნდათ ჩვენს მტრებსა, თორემ არცერთი ჩემი ძმა არ უნდა გაეგზავნათ, მაშინ, როდესაც რომ უდიდესი შემცოდნი აქ დააგდეს და მცირედის დამნაშავის მქონებელი ჩემი ძმები უნდა რუსეთში გაიგზავნონ? ნამეტნავად მოხუცებულს ბატოიშვილს დედას და დედაკაცს რაღას ემართლებიან, თუ ჩვენი სახლის დამხობა არ უნდათ?“

– „მე რომ შენ ნამიყვანო, მაგიტომ რად დაიმხობა, ჩემო სანდრო?“

– „მე რომ შენ ნაგიყვან, ჩვენი წერილი შვილებიც ხომ თან უნდა წავასხათ. ჩემი ძმა დიმიტრიც ხომ თავის ცოლშვილს დაიბარებს კალულაში და უთუოდ წაიყვანს. მაშ, ჩვენს სახლში ვილა დარჩეს? თუ ჩვენი სახლი ჩვენი დაცარიელდება, აღარავინ აღარ დარჩება, ჩვენი მტრები უფრო განძლიერდებიან და უფრო ბევრს გვავენებენ. თუ რომ შენ შენი შვილებით აქ იქნები, ჩვენი სახლობის ფიქრი კიდევ აქეთკენ გვექნება და მაშინ ყველანი ვეცდებით, დროისათ დავბრუნდეთ.“

– „ნეტავ ვიცოდე, ჩვენი მტერი ვინ არის?“

– „ჩვენი მტერი ლუბერნატორი ნიკოლოზ ფალავანოვია.“

– „რა მიზეზი აქვს ჩვენს სახლზე იმას?“

– „როდისაც თავადობის ღირსებას ეძიებდა, მამაჩემი მაშინ უეზდის მარშალი იყო, რადგან მამაჩემს მართალ კაცად იცნობდნენ ყველანი, ყოველი ბოროტმოქმედება საზიზღრათ მიაჩნდა, ამისთვის ის წინ აღუდგა იმას მთავრობის წინაშე. არამცთუ თავადი იყოს, ნიკოლოზი, აზნაურიშვილიც არ არისო. შემდგომ მამაჩემისა, ნიკოლოზმა თავადობა დაიმტკიცა და გვარად ფალავანდოვი შეიქმნა. მაგრამ მაინც არ იკმარა, დრო იპოვა და რადგან ახლა მთავრობასთან ძალა და გავლენა ბევრი აქვს იმას, ამიტომ მამიჩვენის ჯავრსა ჩუენს სულერთიანს სახლზე ყრილობს. თუ ლუბერნატორი ნიკოლოზ ახლო მეგობარი არ ყოფილიყო მთავარმართებელის ბარონ როზინისა, ის ასეთი კეთილი კაცი არის, რომ ჩემს ძმებსა გასაგზავნად არ გამოიმეტებდა, თორემ ბატონიშვილს დედას როგორ შეეხებოდა, მაგრამ ლუბერნატორი მეგობრობას ვეღარ წასვლია და ამისგან იღუპება ჩვენი სახლი.“

– „ეგ, დიახ მართალია, მაგრამ თავის ძმა იასე რალად გააგზავნინა?“

– „პირველათ იასეს ამართლებდნენ, უთუოდ კიდეც გამოუშვებდნენ, მაგრამ მე რომ ის მკლამდა, მაშინ აღარც მე დავზოგე და ასეთს დამნაშავედ აღმოვაჩინე, რომ თუ იმის ადგილას სხვა ყოფილიყო, უნდა დაეხრჩოთ. მაგრამ მხოლოდ რუსეთს გაგზავნეს სამსახურში და იმ დიდის უბედურებისაგან მოარჩინეს.“

– „რასაც ამბობ, უთუოდ აგრე უნდა იყოს. ახლა მეც ვხედავ, რომ სწორედ ნიკოლოზს დაუღუპავხართ, ამისთვის, რომ ვისაც იჭერდნენ და ან კითხუაში ჰყავდათ, ყველანი შენზე ლაპარაკობდნენ, ალექსანდრეს დაუბეზლებიაო. ან თქვენს კამისიაში თუ იმისთანა მოხდებოდა რამე, იმასაც შენ გაბრალებდნენ. დიდისა პატარამდისინ სულ შენ გწყევლიდნენ და შენზედ იყო განგაში ყველასგან. ასე გაშინჯე, ჩუენც ვჯავრობდით შენზე.“

– „ამისთვის, რომ ლუბერნატორზე ეჭვი არავის არ მიეტანა და ესეც, რომ ჩვენი სახლის საწინააღმდეგოდაც აალაპარაკა ხალხი ჩემზე.“

*მე არავიზედ არა დამენერა რა, მაგრამ იასე ფალავანდოვი*

საიდუმლოთ კამისიის ორს ლენერალს ვალხოვსკის და ბაიკოვს არ-  
ნმუნებდა, რომელნიცა იასეს მხარენი იყვნენ, რომ ესა და ეს ამბავი  
და ესა და ეს საქმე ალექსანდრემ იცისო. მინამ ლენერალი ჩევიკინი  
მოვიდა კამისიის პრედსედატელად, მანამდისინ ნაჩალნიკშტაბი  
ლენერალი ვალხოვსკი სულს მართმევედა და რასაც იასე ეუბნებო-  
და, ძალდატანებით მანერინებდა. მეტი ღონე არ იყო და მეც დავი-  
სუსტე და რასაც მეუბნებოდა, იმას ვნერდი. როდისაც ლენერალი  
ჩევიკინი მოვიდა, იმასთანაც შემასმინეს, იმანაც ძალა დამატანა და  
რაც უნდოდათ, კიდევაც მათქმევინეს. ამაში მე ჩემთვისა ვთქვი.  
„მეტი ღონე არ არის, ვიტყვი, მარამ როდისაც ჩემზე ეს საშინელე-  
ბა დანყნარდება, მაშინ მე ვიცი, როგორც გავამართლებ ყველას  
და ან როგორც გამოვიხსნი.“ რალა უნდა ვთქო, მასკვან ჩემს მხ-  
არეს დატრიალდა ლენერალი ჩევიკინი, ამისთვის, რომ ყიზილბაშის  
პახოტში გავიცან და მახლობლად ვიცნობდი ღვთის შენევნით ამ  
საქმემ გასჭრა და შემდეგ მე ვიდღესასნაულე იასე ფალავანდოვზე  
და ღვთის სამართლის ვაება დასცა იასე ფალავანდოვს ლენერალმა  
ჩევიკინმა.

ჩემმა კატინამ მე აღარ დამაცალა.

– „ღმრთისგან იმედი მაქვს, ლუბერნატორ ნიკოლოზ ფალავა-  
დოვსაც გადაახდევინებს, მაგრამ ბატოიშვილი დედა ვინ დააბეზ-  
ლა?“

– „არ ვიცი, ჭეშმარიტად. თუ იასე ფალავანდოვის ბეზლით გზა-  
ვნიან, არ დავიჯერებ, რომ იასეს დაბეზლებით დასჯიდნენ.“<sup>1</sup>

– „მაშ, რა მიზეზისათვის გზავნიან?“

– „იქნება, კიდევ ლუბერნატორის ფალავანდოვის ეშმაკობა  
იყოს რამე ბატოიშვილის დედას გაგზავნა, თორემ სხვა მიზეზს მე  
ვერასა ვხედავ.“

ამ სიტყვასთან ამოიოხრა და მას უკან დაღონებით მითხრა:

– „ჩემო სანდრო, მაშ აქ უნდა დავრჩე, ნელინადები გავიდეს,  
რომ ველარა გნახო?“

– „ჩემო სიცოცხლეო კატინო, მეტი ღონე არ არის, უნდა მოით-  
მინო. მაგრამ შენ დედ-მამასთან უნდა გადახვიდე წვრილი შვილებ-  
ითა და იმათთან იცხოვრო, მინამ ღმერთი კეთილად დააბოლოებ-

<sup>1</sup> მართალია, იასე კამისიაში მამადგა, ბატოიშვილი დედაშენიც გარეული იყო ჩვენშიო, მაგრამ კამისიამ ყური არ ათხოვა, არამცთუ დაეჯერათ.

დეს ჩვენს საქმესა. შენ სარწმუნოთ იცოდე, რაკი მე ამ კამისიას გადავურჩი, რუსეთიდგან მოსვლა უფრო ადვილია – ნიკოლოზ ფალავანდოვი აღარ იქნება, რომ საქმე ჩამიშალოს. სადაც უნდა ვიყო, იმედი მაქუს, ყველანი შემიყვარებენ და მოინადინებენ, დროისათ დამაბრუნონ.“

– „ჩემო სანდრო, კიდევ მოვიტმენ,“ ცრემლით მითხრა. „მაგრამ ძვირად დაუფდება ჩემს სიმრთელეს იმთენი მოტმენა.“

მე ჩემის ხელსახოცით მშვენიერნი თვალები მოვწმინდე და ალერსიანი სიტყვით დავამშვიდე, მაგრამ გული კი მიკვდებოდა, *მე-ბასრებოდა*.

ამ დროებში ჩემნი ამხანაგები თვითეულად წაიყვანეს თავთავის დანიშნულს ადგილს რუსეთისკენ. ივნისის გასულის რიცხვებში მე და ჩემი ძმა ვახტანგიც გამოგვიყვანეს, ქირის დროშაში ჩაგვსხეს, მთავარმართებელ ბარონ როზინთან მიგვიყვანეს და კაბინეტში შეგვინვიეს. ბარონ როზინმა კეთილგონიერებით დაგვარიგა და დასასრულზე გვიტხრა:

– „ხელმწიფის ნება არის, ბატონიშვილი დედათქვენიც კალულაში წავიდეს და თავის ორს შვილთან იცხოვროს.“

ჩვენ რას ვეტყოდით. თავები ჩავლუნეთ და ხმა აღარ ამოვიღეთ. შემდგომ მითხრა:

– „ეს თქვენი ძმა ვახტანგ ბატონიშვილს დედათქვენს გაჰყვება, ერთად წავლენ კალულისკენ. რადგან თქვენ ცოლშვილიანი ხართ, ამისთვის თქვენთვის ნება მომიცია, ორი კვირა მეტი თქვენს ცოლ-შვილში დაჰყოთ და შემდეგ ჩემს დანიშნულს აფიცერს გამოგატანთ და ორენბურლისაკენ წახვალთ.“

მე მადლობის თავი დაუკარი.

მართლა რომ ორი კვირა მეტი დავყავი ჩემს სახლში და რაოდენ ჩვენს უბედურს სახლს შეეფერებოდა, ვმხიარულობდით, მაგრამ როდესაც ჩემს კატინას მოაგონდებოდა ჩემი წასვლა, სახე ზაფრანის ფერად შეეცვლებოდა. მე მაშინვე მივიდოდი და ნუგეშს ვცემდი სიყვარულიანის ალერსით.

*ღმერთს ვმადლობ, რომ ამისთანა საუცხოვოს დედაკაცსა ასე ვუყვარვარ და ღვთის წინაშე, მეც ნაკლებ არ მიყვარს იგი. მე რომ ორენბურლისკენ გამოვემგზავრე, იმ ჟამის ამბავს აღარას ვიტყვი, ჩემი კატინა ვითარ სწუხდა! ამისთვის, რომ წვრილათ რომ მოვყვე,*

გულის და სულის შესახებ თველი არის, მხოლოდ ეს ვიკმაროთ.

მე და ჩემი კატინას გაყრას აქ ველარას ვიტყვი, მხოლოდ ამის მეტსა, რომ ჩემი კატინადგან ბატონიშვილის დედასთან შევედი. ბატონიშვილს დედას ხატებისთვის თახჩაში წმინდა სანთლები ანთებული ჩაემწკრია ღმრთაება უცვალელებისთვის და ღმრთისმშობლის ხატებისთვის. ბატონიშვილმა დედამ მიბძანა:

– „შვილო ალექსანდრე, ქვეყანაზე ბევრი უბედურნი არიან, რა ვქნათ, იმათ შორის ჩვენი სახლიც უბედური იყოს ღმრთის მადლობით მოვითმინოთ. ამ ცოტა ხანში მეც გამამისტუმრებენ და შენს ძმას ვახტანგსაც. განსვენებული გულით მივდივარ მე. თუ შენ ჩემი შვილი ხარ, შენც ჩემსავით მაგრა იყავ და უბედურობას ნუ გაუტყდები. კარგი, ნადი, ღვთისათვის მიმიბარებიხარ.“

წამოვდექ და მიწოდდა, ორსავე ხელზედ მეკოცნა, მაგრამ არ მიმიშო და ამ სიტყვით მიბრძანა:

– „ნადი, იმ ხატებს ემთხვე, ეს სჯობია!“

მიველ, გულით ვემთხვიე, მას უკან კიდეც მიბძანა:

– „უწინდელს ჩვენს დროში, ვინც შორს გზაზე წავიდოდა, მხოლოდ სიტყვით გამოესალმებოდა და არა კოცნით. თუ ჩემი სიყვარული გაქვს, ნურავის აკოცებ და სიტყვით გამოესალმე.“

მდაბლად თავი დავუქარ და მოაჯირზე გამოველ.

ამ დროს დიდი ელვა-ჭექა იყო და თქეში წვიმა მოდიოდა. ყველანი ამბობდნენ, მშვიდობიანი მგზავრობა ექნება და ღვთით ჩქარაც დაბრუნდება, ამისთვის, რომ თვით ზეცა მოასწავებსო (უწინდელს დროში ვინც შორს გზაზე წავიდოდა და თან წვიმა დაჰყვებოდა, სწორეთ ამ სიტყვას იტყოდნენ).

ამ ჰაერის არეულობასა არა დავდიე რა და მოაჯირზე გამოველ. მოაჯირზე რაოდენიმე ქალები შეკრებილიყვნენ, ჩემი ნათესავები, რომელნიცა ელოდნენ, რომ ყველას ვაკოცებდი. იმათ ყველას სიტყვით გამოვესალმე – კიბეზე ჩამოვედი და შებმულს ბრიჩკასთან მივედი. ბრიჩკასთან დამხვდა ჩემი ჭეშმარიტი მეგობარი პავლე თუმანოვი, ჩემი მამიდაშვილი თა თადია ჩოლოყაყვი, რომელიცა ამ საღამოს სოფლიდგან ჩამოვიდა ჩემს გამოსასალმებლად და რომელთაცა დიდად გვიყვარდა ერთმანეთი, და ჩემი სიმამრი თა და ვით ბარათოვი. ბრიჩკასთან რომ მივედი ჩასაჯდომად, ჩემი მეგობარი პავლე მოვიდა ჩემთან და შენუხებულმა მითხრა:

– „საყვარელო მეგობარო ალექსანდრე, მე ვგრძნობ, შენ მშვიდობით დაბრუნდები, მაგრამ მე ცოცხალი აღარ დაგხვდები. გთხოვ, უკანასკნელად მაკოცნინო პირზე, რომ საუკუნო გამოსალმება იყოს.“

იმის სიტყვაზე გულმა წუხილი დაიწყო. ამ დროს ჩემი სიმაჟრი მოვიდა და იმანაც მამობრივი გულმტკივნეულობით კოცნა მთხოვა. და რაც პავლემ თქვა თავისთავზე, იმანაც ის მითხრა. მე სიტყვის თქმა აღარ დამცალდა, ჩემმა მამიდაშვილმა თადიამ კისერზე ხელი გადამხვია და იმანაც კოცნა მთხოვა და სწორეთ იმანაც ისა თქუა თავის თავზე, რაც იმათა თქვეს. მე მწარეთ დალონებული დავდექი, არ ვიცდი, რა უნდა მექნა, მაგრამ მე მაინც ბატონიშვილის დედაჩემის სიტყვა ვერ გავტეხე, ვერცერთს ვერ ვაკოცე, ნუგეშინის ცემით სამთავ სიტყვით გამოვესალმე. ამასთანავე ბრიჩკაზე ავედი და იქით მხარეს გადავჯექი. ჩემს გვერდით დაჯდა ნიჟეგოროდსკის დრაგუნის პოლკის პორუჩიკი მინიცკი, რომელიცა მთავარმართებლისაგან იყო დანიშნული ჩემს წასაყვანად. ჩვენს პირდაპირ დაჯდა ერთი გადამდგარი პორუჩიკი, რომელიცა ორენბურლის ქალაქში მივიდოდა თავის სახლში. ბრიჩკის კოზლაზედაც ჩემი საკუთარი მოსამსახურე დაჯდა ფოშტის იემშიკთან, რომელსაცა ნება მომცეს, წამეყვანა. ჩვენ რომ ბრიჩკაში გავსწორდით, ხმამაღლითა დავიძახე:

– „ყველას ერთიან მშვიდობით! გთხოვთ, ნურავინ ნუ შეწუხდებით!“

ამ სიტყვაზედ ოთხცხენიანი ბრიჩკა გაქანდა და დიშლაზე შებმულმა ზარმა წკრიალი დაიწყო. ამ დროს აღარც ელვა-ჭექა იყო, აღარც წვიმა მოდიოდა და ღამე კი ბნელი იყო.

1834-ს წლის 17-ს ივლისს ღამის მეთერთმეტესა საათზე ჩემი სახლიდგან წამიყვანეს ორენბურლის ლუბერნიისკენ და პირი აქეთ გამოვმართეთ.

ქალაქი ტფილისი სწრაფათ გამოირბინა ბრიჩკამ და ვერის ზასტავასთან დააყენეს ყარაულეებმა. მინიცკიმ რომ თავის სახელი განუცხადა, მაშინვე გავვიშვეს და ზასტავას გავცილდით, რომელსაცა თვალეებში ცრემლი მომერია და დალონებული მივნიქ ბალმზედ.

„მშვიდობით უუსაყვარლესო მშობელო დედაო ბატონიშვილო!

ჩემო თვისტომო, უნამეტნავესად ჩემო სიცოცხლეო კატინო! და სანყალნო ჩემო წვრილნო შვილნო. ყველას ერთიანათ გესალმებოთ, მშვიდობით! ამ წუთისოფელში რომ აღარ მეღირსოს თქვენი ნახვა, იმ სოფელში მაინც გნახამთ. ახ, ნეტავ ვიცოდე, ეხლა ჩემი კატინა რას ფიქრობს?– მე ის მწარეთ მტირალი დავავადე. იქნებ, კიდევ მწარეთ სტიროდეს და სავალალო ზარი მოემრავლებინოს? მაგრამ ბატოიშვილი დედა შინ ბძანდება. ის ნუგეშსა სცემს და აღარ ატირებს. ჩემო სიცოცხლეო კატინო, ეგ ცრემლი შეინახე და როდისაც მოვკვდე, ჩემს საფლავზე დააყარე. “

ორენბურღში რომ მოვედი, ერთს თვეს უკან, ალექსანდროვკის ციხისაკენ მივაჭენებდი ბრიჩკას, სადაც ცხრა თვე დავყავი. შემდეგ ამისა, როგორც ზევითა ვთქვი, 1-ს ივნისს ხომალდში ჩავსხედით და ზღვაში შევედით, რომელიცა ორენბურღშივე უნდა მივსულიყავ და კიდევ მოვედი, სადაც მონყენილობის გამო ჩემი ესე ამბავი აღვწერე. სხვა პირზე გაკეთებული პირი დავნიშნე ჩემ მაგიერ და ვითომც ჩემ მაგიერ იგი ყოფილიყო. არ მგონია, უსიამოვნო იყოს, ვინც წაიკითხამს.

სხვა ჩემი ამბავი დედაჩემ ბატოიშვილთან მაქვს მიწერილი წიგნით, რომელსაცა იმედი მაქვს, არც ის იქნება უსიამოვნო.

ჩემი ბედნიერება და უბედურება ღმერთმა იცოდა და შემდგომიც იმანვე იცის და იმის ნებისამებრვე აღსრულდეს.

აი, ჩემი ბედნიერებისა და უბედურობის ამბავი ეს არის,

თ ა ა. ვახ. ძე ჯ. ორბელიანი.

1835-ს წელსა.

ქ. ორენბურღს.

ახლა ზღვიდგან მშვიდობით გამოვედით პატარა ქალაქს გურიევსა, სადაც ქალაქ ორენბურღში დამინერია ეს მე. ეს ჭეშმარიტი სიყვარული და მართალი.

თ ა ა. ვახ. ძე ჯ. ორბელიანი

1835-ს წელსა.

ორივ აქა სადაც ის ზღვის ღელვარება შეიმუხრა და ჩვენ განვერენით. 11-ს ივნისს შუადღისას გურიევის ნაპირი დავინახეთ, რომლებსაცა სიხარული შეგვიდგა ჩვენ, ამისთვის, რომ თუ კიდევ ღელვა მომხდარიყო, ადრინდელი ღელვისგან ასე შერყეული იყო სუდნა, უთუოთ ნახდებოდა და ჩუენც დავილუპებოდით, მაგრამ



სალამოჟამზე გურიევის ზღვის ნაპირზე მივიდა სუდნა, მასუკანა ურალისა მდინარეში შეაცურეს, მაგრამ აქ ავდენი კოლოები აგვეხვივნენ აშლილის ჩალებიდან, თავსა და ბედსა ვწყევლიდით ჩუენის გაჩენისთვის, ასე შეგვანუხეს. ისე ფეხზე დავდიოდით, ხან ვიდექით, ძილი როგორ იქნებოდა და სულ იმათ ვიგერიებდით, მაგრამ მაინც ჩუენზედ დუნდგო-დუნდგოთ დაგვეფრინამდნენ და გვასწრობდნენ კბენას.. მეორე დღეს ველარც ერთმა ვერ ვიცანით ერთმანეთი, ასე რიგათ გვექონდა სახე სიმსივნითა ამომჯდარი: მფრინველი ბუ რომ არის, ისე გვექონდა ყველას სახე, სადაც კარგათ რომ გათენდა ქ. გურიევის ნაპირს მიაცურეს სუდნა და ჩვენც იქ გადავხტით.

სამი დღე და ღამე დავრჩით გურიევსა, თუმცა კოლოები ისე აღარ იყო იქ, მაგრამ მაინც მოცემულსა სახლში (კვარტირაში) არ მასვენებდნენ თავის სტვირებითა და კიდეც მკბენდნენ ხანდისხანა. *მჩხვლეთდნენ კარგად. კოლოებმა ისე შეგვანუხეს, ვნატრობდით ზღვაშივე ვყოფილიყავით და საშინელი მღელვარება გარსა გვრტყმიყო.*

სამი დღე და ღამე დავრჩით იქა, ამიტომ, რომ ამ დროებში მდინარე ურალი მოდიდებული მოდიოდა რამდენსამე ვერსზე განიერთ, რომელსაცა შარაგზაც დაეჭირა ხელში. მინამ აფრების დიდი ნავი არ მოვიდა შიგნით ზღვიდან, იქ ვიყავით და როდისაც მოგვივიდა, მეოთხე დღესა, ჩავსხედით და წამოვედით. ხან აფრების გაშლით, როცა მოგზაური ქარი იყო და როდისაც არა, ყაზახები ნიჩბებს მოუსომდნენ და წყნარს ურალში მოვდიოდით ასე.

ამ ყოფით ორი დღე და ღამე მოვიდოდით, სოფლებშიაც მივდგებოდით ხოლმე, მაგრამ ცოტას ხანსა და მასუკან ისევ მოვიდოდით ჩქარა. ამისთვის, რომ ყაზახები მოეშურებოდნენ, დროით დაბრუნებულიყვნენ სხვის სამსახურისათვის.

ბოლოს ერთს სოფლის პირს მივადექით, აქ ჩემს ამხანაგს გამოვეთხოვე და ჩემი ბარგით სტანციაში მიველ, თანაც ჩემი ჩასაჯდომი მივიტანე,<sup>1</sup> ნავით წამოვიღე გურიევიდან, საიდგანაც გამოვსწიე. *ხმელზე პოვოსკაში ჩავჯექე და ფოშტის ცხენებით რამთენსამე დღეზე ორენბურღში მოველ და ჩემს მეგობარს შჩერბაჩევთან გადავხტე სალამო ჟამზედ, რომელიცა სიხარულით მამეგება*

<sup>1</sup> იქ გურიევში დაგდებული მქონდა.



და მეც სიხარულით მოვეხვები. იმ ღამეს არავისთან არ წავედი სანახავათ. მე და სჩერბაჩევმა სიამოვნით გავატარეთ ორთავ დრო, რომელმაცა ყოველის ქვეყნის ამბები ძლივს გავიგონე იმისაგან.

მეორე დღეს, რაც ფორმის რიგი იყო, ისე წაველ, ჯერ სერგეი გაბრილიჩის ჩილაევთან და როდისაც იმის წინა სახლში შეველ, ჩემი ხმაურობა გოსტინაში გაიგონა და ხმამაღლა დაიძახა.

– „ჩქარა, ჩქარა, ალექსანდრე ჩემთან შემო.“ შეველ ჩქარა. მამეხვია და შემდგომათ მითხრა.

– „ვმადლობ ღმერთსა, ალექსანდრე, იმ ადგილსა დაეხნე, მოხველ ცოცხალი. მე რომ მოველ აქა, ნაჩაღნიკშტაბი რაკასოვსკი ვნახე, ვუთხარი შენზედ ყველა და იმანაც შეგიბრალა, აი, მოგიყუანა კიდეც. აქედანვე ჩემგნით წახვალ რაკასოვსკისთან მადლობისთვის.“

– „დიახ, უთუოთა, მაგრამ ჯერ თქუენ უნდა განგიცხადოთ ის მადლობა.“

ალარ დამაცადა შემესრულებინა.

– „არა, არა, ნურას მეტყვი.“

მასუკან დამსვა, ყველა მკითხა იქაური, მეც ვუამბე წვრილათ, შემდგომ ავდექ და წავედი რაკასოვსკისთან. გამოსვლისა დროსა მითხრა, ხშირათ მეველო მე იმასთან. მეც აღვუთქვი, მაგრამ ამ დროს დობტური მობიცი მომაგონდა და მეც იმას მოვაგონე. მითხრა: ისიც ჩქარა მოვა უთუოთა.

ნაჩაღნიკი შტაბი რაკასოვსკი მეტათ კარგათ დამხვდა. მე მადლობა ვუთხარ ჩემი, მაგრამ მაგთენი არც იმან მათქმევინა. ბოლოს დამსუა თავის მახლობლათა პირდაპირა და ამბავი გამამკითხა იქაური, იმ ციხისა. მეც ვუამბე ყველა და ბოლოს ვთქვი.

– „თუ მთელს ქვეყანაზედ იმისთანა გაუძლები ადგილი იქნება სადმე, არ ვიცი?“

– „მართალია, ყველა აგრე ამბობს. ამას იქით ექვს თვეში ერთხელ გამოვცვლი იქაურს ატრიადს.“

როდისაც რომ ავდექ და წამოველ, გამოსვლის დროსა მთხოვა, ხშირათ მეველო იმასთან და ამასთან სადილათაც.

თუ დანვრილებით მოვყვე ჩემი ორენბურღში ყოფნა, მეტათ გაგძელდება, ამისთვის ორიოდე სიტყვით ვიტყვი, რომ ყველასგან კარგათ ვიყავ მიღებული, სადაც დავიდოდი ყოველს სახლ-

ში. ჩემის მშობლის ქვეყნისა და ჩემიანების მოშორების მეტი სხვა მწუხარება მე არა მეონია რა, თვინიერ შექცევისა და სიამოვნის მეტი. მე იმათ დიდათ დამავალეს, მაგრამ მაინც უცხოება ჩემთვის სასიკვდილო იყო და ძალიანი ავანტყოფობაებიც გამოვიარე, სხუა განსაცდელებს გარდა.

მგონია ქვეყანაზე არა იყოს რა დარჩომილი, მწუხარება თუ სიხარული, მე არ ვადაძხედოდეს, თვინიერ ერთის მეტი და ესეც გამოვცადე.

სიცხის დროს ზაფხულში, ვოენის ლუბერნატორის კანცელარიის სეკრეტარი, პაველ ივანიჩი გაეესკი მოვიდა ჩემთან და ურალის მდინარეზე საბანაოთ წამიყვანა.

ცურვის მცოდნემ მოვინდომე ურალში გავსულიყავ. წინ მე მივდიოდი და უკან გაეესკი მომდევდა, რომელმაცა მითხრა:

- „კნიაზო, თუ კარგათ არ იცით ცურვა, შორს ნუ წახვალთ“.
- „რას ამბობთ, ჩემი ცურვა ნაქებია საქართველოში“.

ამასთანვე ცურვა დავიწყე, მაგრამ ათი ნაბიჯი არ გამეარა, ხელები და ფეხები მომეკვეთა. მაშინვე დამძირა და შემდგომ კი აღარ ვიცი როგორ გამამიყვანეს. როდესაც მოვსურიალდი, ჩემი გამომხსნელი მხოლოდ გაეესკი იყო და არავინ სხვა, რომელმაცა ცურვა ძლივს იცოდა და ამისგან ვალდებული შევიქენ.

ჩემო ხელმწიფავ ბატონიშვილო დედავ! ნუ გეგონებათ, მე შეგვინდი და ველარ გავებდე ბანაობა. გაჯავრებული მეორე დღეს მარტოკა ჩავედი ურალზედა, ორჯერ აქედგან გავცურდი ურალის მდინარეში და ორჯერ იქიდგან გამოვცურდი.

რაც ეხლა მოგახსენოთ, თუმცა ამ წიგნში არ უნდა დანერლიყო და უფრო ცალკე უნდა აღმენერა, მაგრამ არც აქ იქნება უსიამოვნო გასაგონი.

ჩემი ორენბურლის ყოფნაში საქართველოდგან ერთი ჩინოვნიკი მოვიდა და ჩვენი კარგა დამეგობრების შემდგომ, სხვათა შორის ლაპარაკში მითხრა.

- „საქართველოს ქალები მეტად გაირყვნენ“.

მე გაკვირვებულმა ვკითხე.

- „როგორ თუ გაირყვნენ?“

– „რომელმაცა რუსის ჩინოვნიკმა ოცი ოქრო გამოიმეტოს, ვინც უნდა დიდი კნეინა იყოს, ოც ოქროთ უთუოთ იშოვის.“

*მე მაშინვე ფერი მეცვალა და ხმა ველარ ამოვიღე. ეს დრო იყო ზაფხულის საღამო და როდისაც იგი ჩინოვნიკი გავაცვილე, ვიყსავით ნამოვარდი.*

*ეს აღწერილობა დავასრულე 1838-ს წელსა ქ. ორენბურღში. ამ წელს 2-ს ნოემბერს ნამოველ იქიდგან კავკაზის ლინიაზე, 7-ს ლინეინის ბატალიონში გადამიყვანეს.*

## ცოტა ჩემი გამოცდილებანი

ჩემო ხელმწიფავ ბატონიშვილო დედაე! ურიგო არ იქნება რაც სიყმანვილიდგან აქამომდე შემთხვევა (განსაცდელი) ვნახე, მოგახსენოთ. თუმცა ზოგიერთი თქვენც კარგათ იცით. მაგრამ ამას ვნაღვლოვ, რომ ბევრი აღარ მახსოვს. და იქნება სხვებისთვის სასიამოვნო იყოს ვინც ნაიკითხამს ამ ჩემს ამბავს.

მეფის ირაკლის მეუღლის (ესე იგი დედი თქვენის) დარეჯან დედოფლის რუსეთისკენ გამგზავრება. ბარე იქიდგან დავინყებ, როდისაც დედი თქვენის დარეჯან დედოფლისაგან ჩემი სიყვარული აჰა მოყყევი.

თითქმის მე მაშინა ვარ დაბადებული, როდისაც საქართველო რუსეთის ხელმწიფე ალექსანდრემ მიიღო და თავისი სასამართლო-ნი გახსნა საქართველოში.

რუსეთის სასამართლოები გაიხსნა 1801-სა წელსა და 1802-სა წელსა მე დავიბადე მაისის 24-სა, მაშინ როდესაც რომ ბებია ჩემი დარეჯან სწორე სახელი დარია ერქო. დედოფალი საქართველო-შივე იყო და ჯერ რუსეთს არ წაეყვანათ. რადგან სამეფო სასახლე, აღამამადხანისაგან დამწვარი იყო ქ. ტფილისში, ამიტომ თავის აშენებულს სახლში იდგა ავლაბარში, რომელსაცა მამაჩემი და დედაჩემი იქვე უდგა თავისთან დედოფალსა, სადაც იმ სახლში ვარ დაბადებული მე, დარეჯან დედოფლისა თუაღწინ, სულ უნცრო-სიშვილი იყო დედაჩემი, მეფის ირაკლისა და დარეჯან დედოფლისა.

როგორათაც მე დედი ჩემისაგან, ჩემი ნათესავებისაგან და ჩემის გამდლისაგან გამიგონია, მშვენიერი ყმანვილი ვყოფილვარ და ისე ვყვარებივარ დედოფალსა, რომ რაოდენსამე ხანსა გულში ჩამიკრავდა, თავის სამსე თეთრ გულზე დამაძინებდა და თვითონაც ასე მოისვენებდა. თითქმის იმის მანუგეშებელი მე ვყოფილვარ იმის სახლის უბედურობის დროსა, იქამდისინ, რომ ჩემი დედმამისაგან მოუშორებივარ, თურმე თვითონ მპატრონობდა. ზოგჯერ თურმე ცხელ ზაფხულის დღეში ფეხეფს გაიხდიდა, ტიტველა ფეხებს შუა ჩამისომდა. ვერცხლის ტაშტსა მოატანინებდა ცივი წყლით სამსეს და ჩემ წინ დაადგმევენებდა. მე ყმანვილი თურმე ვანკაპუნებდი ფეხებით წყალსა და ფეხებზე ვანინწკლებდი. მეტი მშვენიერი ფეხ-

ებიც ჰქონდა და სპეტაკი თეთრიც. იმ თავის მშვენიერ თეთრ სპეტაკ ფეხებს ამითი თურმე იგრილებდა. უფრო ჩემგნით ეამებოდა ესენი. ეს სულ ასე უთქუამთ ჩემთვის. თუმცა ამით გავგრილდებოდა კიდევ, მაგრამ უფრო ეს, რომ ჩემგნით იამებოდა.

მე მიკვირს ასე რომ ვყვარებივარ, როდისაც პეტერბურლისაკენ გამგზავრებულა, რატომ თან არ წაუყვანივარ? მაგრამ მგონია ციებისა გამო დავრჩენილვარ. ლომისახარს<sup>1</sup> ეს მიზეზი უთქუამს ჩემთვის. ეს უთუოდ ასე უნდა იყოს. სწორეთ იმ დროებში თურმე მაციებდა ერთი წელიწადი რომელსაცა მამა ჩემი და დედა ჩემი, მთიულეთის კაიშაურამდინ მიჰყოლიან დედოფალსა, მამაჩემი გაჰყოლია პეტერბურლისაკენ და დედაჩემი ისევ ჩემთან დაბრუნებულა.

დედოფლისა დარეჯანის წასვლის დროსა, მგონია მე ვიქნებოდი ორისა თუ სამის წლისა. მე იმისი წაყვანა სულ არ მახსოვს, რომლისაცა ჩემი გამოცდილებანი, ამ პირველის წლისა ციებითა დაიწყება.

თქვენგნით ბევრჯელ გამიგონია, რომ მთელი ერთი წელიწადი თურმე მაციებდა ორი სამი წლის მე ყმანვილსა და ასე თურმე მივკნავდი ერთი წლის ციებითა, რომ რას ყოფით მოურჩი სიკვდილსა და თქვენის კეთილის მზრუნველობით მომენიჭა სიცოცხლე.

მოხუცი მთიულის ტირილი. როდესაც დედათქვენი დარეჯან დედოფალი პეტერბურლისაკენ გამგზავრდა და მამაჩემიც ხომ თან იახლა პეტერბურლამდისინ. თქვენც ხომ მთიულეთის კაიშაურამდინ გავეცილებინათ და იქ ერთი მოხუცი მთიული ჩამოსულიყო, დედათქვენის დედოფლის წინ რომ დაეჩოქა და ესრეთ შეეტირა.

იქ იმ კაიშაურში, სალამოჟამს ერთი ხელჯოხიანი მოხუცებული მთიული ჩამოსულა დედოფალ დარეჯანთან და როდესაც იმასთან შეუყვანიათ, იმის წინ დედამინაზე დაეჩოქა, ტირილით ამ სიტყვებით.

„ჩვენო ათასი წლისა მეტ ბატონებო! თქვენ ხომ ჩვენი ბატონები არ იყავით ბაგრატიონები? ჩვენი მამები იყავით, ვინ იცის თქვენი მამაპაპები რამთენჯერ დაკუნულან მტრებისაგან და რამთენჯერ სისხლი დაუღვრიათ ჩვენი გულისათვის. ჩვენი პატარა მეფე ირაკლი შავარდენსავით რომ მიგვიქროდა წინა და მტრებს მალე დაგვამარცხებინებდა. ვაი ჩუენს თავს. ახლა იმის ცოლშვილსა ვხე-

<sup>1</sup> ლომისახარ მეტი სახელია, რქმევია: ხუარამზე.

დავთ მწარე ცრემლითა, რომ უცხოთესლთა მოუვლიათ ხელი და გაყინულს ქვეყანაში მიერეკებთან. ოჰ ღმერთო! გადმოიხედე რა ამბავი არის? ამ ათი წლის წინათ რატო არ მამკალ ღმერთო და ეს საშინელი ამბავი მაჩვენე...“

იმის ტირილზე დედოფალი ეხვეწებოდა დაჩუმებულიყო, *ამისთვის რომ რუსებისაგან ეშინოდა: რუსებმა არ დაიჭირონო. მასუკანა იმას საიდუმლოთ კაცნი გაეგზავნა მოეხსენებინა დედოფლისათვის – „ჩვენ მთის ხალხნი გავიფიცენით, ეხლავ უნდა წავიდე, ჯარები მოვიყვანო; ამ რუსებს წაგართოთ და ერთიანი აღრეულობა მოვახდინოთ საქართველოში.“ მაგრამ დედოფალს არ ექნა. „რუსები დაპირებული არიან, პეტერბურღში რომ მივალ, დიდის დღესასწაულით ჩვენ სახლს მეფობას დაუმტკიცებს ხელმწიფე და საჩქაროთ დაგვაბრუნებენ. ეს უფრო კარგი იქნება, მკვიდრათ დაუმტკიცდება ჩუენს სახლს მეფობა.“* ამაზედ დედაჩემს მოგეხსენებინა.

„არა შეინჭიმე, რუსები ჩვენ სალხს ნებით აღარას მისცემენ და გვედრებით, ნება მამცეთ მე ჩემის ქმრით მთაში შევალ, ან ჩუენს თავს *მსხვერპლად* დავდებთ მე და ჩემი ქმარი, ანუ თქვენსა სახლსა, ისევ მეფეთ დავსომთ საქართველოში.“ მაინც არ ექნა, ებძანებინა. – არა შეილო თეკლე. დიდის ფიცით შემოფიცული არიან რუსები, რამწამს პეტერბურღში მივალთ, მაშინვე ჩვენ სალხს მეფობას დაუმტკიცებენ.“

*გაეჩუმებინა დედაჩემი, რომელსაცა ეს აღირსეს, სადაც შენუხებულები და სიმწარეში იყვნენ თურმე პეტერბურღში ანუ რუსეთში მთელი სახლეულობა.*

*ამ სიტყვით დარწმუნებულთ აღარც მეფობა მიეცათ და აღარც საქართველოს ნახვა ეღირსათ, მაგრამ როდესაც შენუხებული თქვენ რომ ტფილისში მობრძანებულიყავით, ახალი ნაციები მე ჩემს გამდელს მივეყვანე და ხელებს თურმე მითბობდა ნახშირგალვიებულ მაღალზე. ამ დროს გულს თურმე შემომეყარა და ორი ხელები ცეცხლში ჩავფალ და ორივე ხელები კარგათ თურმე დავინვი, მაგრამ თქვენ, უუსაყვარლესო დედაჩემო თქვენის კეთილის ზრუნვით მალე მოგერჩინეთ.*

ამის შემდგომ, დედაჩემი კაიშაურიდგან რომ დაბრუნებულა, იმისი კეთილისა ზრუნვით კარგათ შევიქენი და ერთს დღეს სი-

ცივეში, ჩემს გამდელსა მივეყვანე, ახალ ნახშირს დაღვიბულს მაღალთან რომ გამათბოს, რომელსაცა თურმე მეცა სუნი ნახშირისა და უეცრათ მაღალზედ გადვიქეცი გაღვიბულს ცეცხლზე. ამ დროს ასე დაეკვილა, მთელი სახლი სულ იქ შემოცვივნილიყვნენ, იმ წამსვე ხელში ავეყვანე, ჩემსა ახალუხსა ცოტათ ცეცხლი მოსდებოდა, მაშინათვე იმათ ის გაექროთ, მაგრამ მე შიშისგან ტირილითა ჩაბჭირული ვიყავი და თვალები დამეჭყიტა. დედა ჩემსა ხელიდგან გამოვვეტაცე და რასყოფით მოვებრუნებინე, მშვიდობიანისა დაყვებით. თუმცა იმ ღამეს სიცხე მქონოდა, მაგრამ ესეც გაეარა დედიჩემის კარგის მოვლით.

*... და საშინელის ეჭვის შურით მინდორში გავედი და გიჟსავით ხეტება დავინყე. მას ვანბობდი*

*ჩემო ხელმწიფავ ბატონიშვილო დედავ! ურიგო არ იქნება, რაც სიყმანვილიდგან აქამომდე შემმოხვევია განსაცდელი, თვითეულად მოგახსენო, რომელიცა ზოგიერთი თქვენც კარგათ გეხსომებათ, იცით, მაგრამ თან ამისთვის ვწუხვარ, ვნაღვლობ, რომ ბევრი აღარ მახსოვს.*

*ქორწილი. პირველი.*

თ<sup>ა</sup> ივანე სარდლის შვილის ლუარსაბ ორბელიანის გამოჩენილი ქორწილი იყო, თ<sup>ა</sup> ის სულხან ბეგთაბეგოვის დიდს და ჩინებულს სახლში დიდს დარბაზში. მაშინ თქვენ და მამაც ხომ იქა ბრძანდებოდით, ყოველის გვამისაგან პატივცემულები, რუსებისა თუ ქართველებისაგან. მე მაშინ ვიქნებოდი შვიდის წლისა; რასაკვირველია, მამა ჩემი და დედა ჩემიც იქ იყვნენ და მეც თანა ვყვანდით, ჩემი თეთრი მაუდის კაბით, ხმალშემორტყმული და იმთენს საზოგადოებაში ყმანვილი რომ დავცუცუნებდი, ის უფრო სასიხარულო იყო თქვენთვის, მინამ ის ჩინებული ქორწილი. ლამაზნი ქალნი ჩემ თეთრნითელ ლოყებს ტკბილად რომ ჰკოცნიდნენ ხოლმე. სადაც იმ დიდს ქორწილში, მთავარ მართებელი ტორმუსოვი იქ იყო და სხუა ბევრი რუსებიც და სადაც იმ დიდ განათლებულს ქორწილში დაიძახეს. „თავს უშველეთ<sup>1</sup> სახლი იწვისო!“

<sup>1</sup> უნინ იცოდნენ სამ დღეს და ღამეს ქორწილი უნდა ყოფილიყო, თან შექცევა და ლხინი, მინვეულისიც იქ უნდა ყოფილიყვნენ და ამ მესამე დღის ღამის ვახშმის შემდგომ,

საზოგადოება ერთიანათ შეთქრიალდა და კარებს მიაწვნიენ ყველანი. მეც გავექანე და მითამ მინდოდა კარებში გავსულიყავი, მაგრამ გამოქანებულმა ხალხმა შუაში ჩამიგდეს და ერთმანეთის მინოლით კარებში რომ ჩქარა გასულიყვენ, მე ძალიან შემაჭირვეს, რომელიცა ყვირილს მოვეყევ რაც ძალი და ღონე მქონდა: სირცხვილია თქვენთვის ყმანვილს მჭყლეტავთმეთქი. *ოთხსავე კუთხით მომანვა, წამაქცია და ჩემზედ გადადიოდნენ. რაც შემედლო, ვყვიროდი და შესაბრალისად ვიხვენებოდი, მაგრამ ვინ გამიგონებდა. ამაში გონება და გული მიმეღებოდა* იმ დროს ერთმა ღვთიანმა კაცმა ჩამოიხედა და თეთრი კაბითა მე რომ დამინახა, ლომსავით ძლიერმა ხალხი მისნივ მოსწია, დიდის ვინროებით ამა-მიყვანა *ცოცხალმკვდარი კარზე გამამიყვანა დამტვრეულ დაბეჭილი. და უვნებელი ჩემ დედმამას მიმართო კარზე, რომლებიცა ჩემთვის დარბოდნენ და გაფაციცებული მეძებდნენ. თუ ორი ან სამი მინუტი კიდევ დამცლოდა, ახლა საიქიოს ვიქნებოდი. ჩემი გამომხსნელი სომხითის თა ოსებ მეღიქიშვილი მელიქოვი იყო*<sup>1</sup>.

მინისძვრა. *მეორე*

კიდევ ჩემ სიყმანვილეში *იყო ეს და თქვენც კარგად გეხსომებათ*. შემემთხუა ეს. პირველ ღამის დანყებაზე ჩემ გამდელ ღომის-ახარს ვუჯექ გვერდით თავის ოთახში და ალერსით ხილს მაჭმევდა. ამდროს რალაც საშინელი ხმა ამოვიდა დედა-მინიდგან. *ამასთანავე თქრიალი დაიწყო დედამინამ ამ წუთსავე*. ამასთან შეირყა დედა მიწა და ოთახმა გრიალი დაიწყო, ამ დროსვე გაულესელის ძველის კედლიდგან გადმოვარდა აგურის მეოთხედი, ზედ კეფაზე დამეცა რომელსაცა *მაშინვე* გულს შემომეყარა. როდისაც მოესულიერდი და თვალები ავახილე, ყველანი თავზე დამტიროდნენ, და

---

მეფეს დედოფალს (ახალცოლქმართ.) ერთს ქვეშაგებში ერთათ რომ დაანვენდნენ, ამის მეორეს დღეს საზოგადოება თავის სახლებისკენ წავიდოდნენ. ეს სოფლებში ასე იყო და ამ ქალაქშივე ვახშმის შემდეგ ყველანი თავის სახლში წავიდოდნენ და მეორეს დღეზე კიდევ იქვე უნდა მისულიყვენ, მინამ მესამის ღამის ვახშმის შემდეგ მეფე დედოფალს ერთად დაანვენდნენ. ასე რომ ამ მესამის ღამის ვახშმის შემდგომ, მეფე დედოფალს თავიდგან გვირგვინს რომ მოხსნიდნენ, ორსავე ქვეშეგებისაკენ წაიყვანდნენ, საზოგადების თვალნი ერთათ დაანვენდნენ სიხარულით და მასუკან ერთობრივ იქიდგან გამოვიდოდნენ, კიდევ ისეთივე სიხარულით. ტორმასოვი და სხუა რუსები იმ პირველი ღამის ქორნილის შემდგომ, აღარ იყვენ მიწვეულნი იმ უკანასკნელს ორ ღამეს.

<sup>1</sup> სახლის ცეცხლის მოკიდება ბოლოს ტყუილი გამომდგარიყო. ვილასაც სულელ კაცს დაეძახა, სიბრყვიით.



საშინელების ხმა გამრავლებულიყო. უეჭველად ეგონათ მოკვდებოდი. ბოლოს ხუთი თვე ვინეჟი ძალიანის საშინელის თავის ტკივილითა და რას ყოფით აქიმებმა მომარჩინეს.

ტრედები. მესამე

ერთი წინკა<sup>1</sup> გეუა იყო და საკვირველი მალაყური ტრედები ჰყვანდა. ერთს ზაფხულის დღეში, ზაქარია მეტეხის დეკანოზის ცოლს ნინოსთან<sup>2</sup> ბძანდებოდა დედაჩემი, სხვანიც ბევრნი, სადილათ მიწვეული; და მე შინ დავრჩი, მაგრამ ეს კი აღარ მახსოვს იმ დროს შინ დამაგდეს [დამაგდეთ და აღარ წამიყვანეთ?] არ წამიყვანეს, მიზეზი კი არ ვიცი, რათ დამაგდეს. მე რომ სადილი გეახელი, გავათავე, სადილს უკან ჩემი ტოლი ყმანვილები მოვიდნენ ჩემთან და მითხრეს. – „ალექსანდრე, მოდი წავიდე; წინკა გეუას ტრედები აუშვია და იმის ტრედების მალაყს ვუყუროთ.“

მაშინ ბაზრებს ფიცრის ყავრულები ჰქონდა დახურვილი სიცხის მოსაჩიდილებლად და ავდრისათვისაც რომ მშრალათ გაეარათ ხალხსა. წინკა გეუას დედმამასა შუაბაზრის გვერდით ჰქონდათ სახლი და ბანზე ტრედების საბუდარი გაკეთებული. მე იმ ჩემმა ტოლმა ყმანვილებმა ასე ჩქარა გამიტაცეს, რომ ვერც ჩემი ლალა და ვერც არავინ ველარ წავიყვანე, ისე საჩქაროთ გავარდი, რომელიცა ჩვენს სახლზედაც ახლოს იდგნენ ისინი, სადაც სახლის ბანზედ ავედით და აშვებულს ტრედებს დაფუნყეთ ყურება, რომლებიცა გვაკვირვებდნენ, იმ ტრედების მალაყები რომ თითო და თითო ზევით ჰაერიდგან წამოვიდოდნენ მალაყის ტრიალით და ცოტას უკლდათ, დედამინაზე არ დაეცემოდნენ.<sup>3</sup> ამ სასიამოვნოს საყურებელში, საიდგანაც გაუჩნდათ ქორი, სულერთიანად დედამინაზე ჩამოყარა, ტრედები რომ მშვიდობით გადარჩნენ, მაგრამ ვერც ერთი ვერ წაიღო. წინკა გეუამ მაშინვე საბუდარში შეყარა ტრედები შიშით და კარები მაგრა გადაუკეტა. შემდეგ ამისა, ჩვენ ყმანვილებმა დავინყეთ ცელქობა, ბაზრის ყავრულზე ავირბენდით და ჩამოვირბენდით. მე მესამეთ რომ ავირბინე და შუაზე მოველ, შევხტი და მინდოდა შემერბინა იმის წვერზე; ყავრულზე რომ და-

<sup>1</sup> პატარა ტანის გამო უძახოდნენ წინკა გეუას.

<sup>2</sup> მეტეხის დეკანოზის გვარი იყო სულხანაშვილი.

<sup>3</sup> წინკა გეუამ გვითხრა. – „ორი მალაყაური ტრედი გუშინწინ მაღლიდგან წამოვიდნენ ტრიალით, და დედამინაზე დაეცნენ და მაშინვე დაიხოცნენო.“

ვეცი, ამ დროს ყავრული ჩამიტყდა და ყავრულებს შუა ჩავვარდი, ერთს ყავრულს ხელი ვტაცე და ცალის ხელით დავეკიდე. ქვემოთ ბაზრიდგან შეიქნა ყიჟინა და ძახილი ხალხისაგან, უნდოდათ მომხმარებოდნენ, მაგრამ რომელიც ყავრული ხელში *მეჭირა*, შემერჩა, ძველი ყოფილიყო, ისიც გამიტყდა და ტრიალით წაველ 11-ს ადლის სიმაღლეზე დასაცემად რომელიცა *მოკირწყლულს* ქვებზე დავეცი და მაშინვე გონება დამეკარგა. სამ დღეს უკან ძლივს გონებაზე მოვედი და ვნახე, რომ ჩემი ნათესავები ჩვენს სახლში სულერთიანათ გარსმეხვეოდნენ და გაფაციცებით *[მივლიდით]* მივლიდნენ.<sup>1</sup> ბოლოს მცირედ გონებაზე რომ მოველ, ღმერთს მადლობა შევწირე ჩემი სიკვდილისგან გადარჩენისათვის, მაგრამ მთელი რვა თვე ვიყავ ავათ; მარჯვენა ბარძახი და მარჯვენა მკლავი მომტეხოდა, მარჯვენა მხარეს თავიც გამტეხოდა *საფეთქელიც მაგრა დამეკრა ქვისთვის და გატეხილი მქონდა* და მარჯვენა ხელის მაჯაც მქონდა ამოგდებული. ესენი სულ *[თქვენმა კარგმა მოვლამ მომიჩინა, თორემ ეხლა აღარსად არ ვიქნებოდი]* დედიჩემის კარგის მოვლით განმერინა, საუცხოვო ჯარამ მამარჩინა, მაგრამ მარჯვენა ხელის მაჯა კი დამიშავდა, ისე რომ რასაც დავწერ ხოლმე, წყნარ წყნარ ვწერ და ძალიან მიშლის წერას, სხუა სრულებით კარგათ გამიმთელეს.

ჯოხისკრივი. *მეოთხე*

ძველადგანვე ჩვეულობა არის ქ. ტფილისში კრივი, ჯოხისა და მუშტისა: ჯოხისა და ქვის კრივი ზამთარში არის და მუშტისა გაზაფხულზე, მაგრამ ამას კი ვერ მიმხვდარვარ საიდგან მიუღიათ ესე ჩვეულობა, რომ ქალაქის ხალხი ორ ნაწილათ არის გაყოფილი, რომელსაცა ჰქვიან ზემო უბანი და ქვემო უბანი. ეს ამ ორი უბნის ხალხი შეიყრებიან ქალაქს გარეთ დანიშნულს ადგილზე, ანუ შუა ქალაქის საზღვარზედ ყოველ კვირა დღეს. აქ ერთმანეთსა აჭირვებენ და ერთმანეთსა არა ზოგვენ სავენებელად, რომ ერთი მეორემ *დასძალოს და რომელიც* გააქციოს და ერთერთს დარჩება სახელი! მაგრამ დიდი კრივი და საშინელი, ყველიერის პარასკებს დაინყობენ და დიდ მარხვის პირველს ორშაფათს გაათავებენ, რომელსაცა ჰქვიან „ყეენობა“. ერთს რომელსამე კაცსა მორთვენ დიახ უცხოს ტანისამოსით, ჩინებულის იარაღით და ერთს სახლის ბანზე დასმენ

<sup>1</sup> ამ დროს მამაჩემი აღარ იყო.

სკამზე, მაგრამ მეიდანის უნდა ჰქონდეს წინა ხმალამოღებულსავე რომელსაცა მთელი უბნის მოკრიები შემოხვევიან სალდასტებით<sup>1</sup> და შურდულებით,<sup>2</sup> სადაც იმის გვერდით სცემენ ზურნა დაბდაბას და *საშინელი* ჟრიაშული არის ხალხისაგან, რომელსაცა მორჩილებენ და უნოდებენ „ყენი!“ მაგრამ იმ ყენისა მრჩეველი ორი სამი ვეზირიცა უნდა ყვანდეს გვერდით, *რომელთაცა რჩევას ჰკითხამს.*

დილით შუადღემდისინ გამვლელგამომვლელ კაცს დაიჭერენ, ყენის წინ მიიყვანენ, თავს დაკვრევიანებენ, შეძლებისამებრ ფული უნდა მიართოს, თორემ თუ ვერ შეიძლო მიცემა, ვინც კი უნდა იყოს, თავადიდგან მცირემდისინ, დააჭერინებს, ტუსალანაში ჩაადებინებინებს, საიდგანაც იქნება აშოვინებს და როდისაც გამოართმევენ ფულსა. ხალხი *ერთიანათ* დაიძახებს. „ააშენოს! ააშენოს!“

ჩვეულებისამებრ ერთს ყველიერის *[ხუთშაფათსა]* პარასკებსა დასვეს ყენი, ზევითისა და ქვეითის უბნისა. როდისაც სადილი ჭამეს მოკრეფილის ფულისაგან, *შუადღის შემდეგ* გამოვიდნენ ორივე უბანი სიონის ეკლესიის წინ ქუჩაში ერთმანეთისა პირისპირ და შეიქნა *საზარელი* კრივი. *ასეთი მეტისმეტი* დიდი ხმიანობა და *ზარი* ყიჟინა იყო ორისავე მხრისა. *რომ მეორეთ მოსვლას გვანდა. [სამი]* ორი ათასი მეტი მოკრიე ერთმანეთში დალეულნი; ზოგი ხელით დიდ გირას ისროდა, შურდულში ჩადებულსა რიყის პატარა ქვასა თოფსავითა გამოსტყორცნიდა, მაგრამ უნამეტნავესსა სალდასტები ეჭირათ და ერთიანი ესე მოკრიები ერთმანეთზედ მისეულიყვენ და სალდასტების ჯახაჯუხი შორს ისმოდა. შურდულების ტკაცატკუცი თოფის სროლას ემზგავსებოდა და ხელის დიდი ქვა ხომ *ბევრსაც მოხვედებოდა და დალსაც დაასომდა.* ბევრი გადადიოდა და გადმოდიოდა ერთმანეთზე. სწორეთ მტრების ბრძოლას გვანდა და ერთმანეთსა არა ზოგევენენ, მაგრამ ერთმანეთის ნასროლს ქვებსა, ხელის ქვას თუ შურდულისას, ასე აიცდენდნენ, რომ ძნელად მოიხვედრებდნენ; თუ როგორმე თვალით ველარ უყურებდნენ და უეცრათ არ მოხვედროდათ, სულ იცდენდნენ, ასე რიგათ დახელოვნებული იყვნენ იმ საშინელს ქვის სროლა-

<sup>1</sup> სალდასტი ხის ჯოხია მაგრამ რკინის ხმალსავით არის გაკეთებული რომ უფრო მძიმეთ დაჰკრას.

<sup>2</sup> შურდული ყველამ იცის რაც არის.

ში, რომლებიც ხან აქეთ და ხან იქით გააქცევდიან ერთმანეთსა, რომლებსაც ყველას შავი ნაბდები ესხათ და ამითი იფარებდენ თავსა იმ ჯოხების დაკვრისაგან, *[ვინ იცის, რავდენს გადმოდიოდათ თავიდგან სისხლი, ქვისგან თუ ჯოხისგან გატეხილსა. ვინ იცის, რავდენი დაკოჭლებულიყო ქვისგანა და სხვას ადგილებში ხომ ვილა იკითხავდა. მაგრამ მაინცა კიდევ]* ზოგიერთებს თავები უტყდებოდათ, ქვით თუ ჯოხით და თავიდგან სისხლი მოსდიოდათ. ზოგსა უეცრათ ფეხში ქვაცა მოხვედროდა და დაკოჭლებულიყო, მაგრამ მაინც სულ არაფერს არ ნაღვლობდნენ და კიდევ თამამათ კრიობდნენ. *ასე ეგონათ, ქორწილში შევექცევითო.* აქეთი მოკრიები რომ გაქცევდნენ აქეთი მაყურებელები დასცემდნენ ყიჟინასა, ზარსა, *რომელნიცა ბანებზე იდგნენ და გაფაციცებულის თვალებით უყურებდნენ.* ახლა იქითი მოკრიები რომ გამოაქცევდნენ, იქიდგან შეიქნებოდა ყიჟინა, *საშინელი ზარი და ორისავე მხრის ხმიანობა.* ორისავე მხრის ბანები გატენილი იყო ხალხისაგან რომ ნემსი არ ჩავარდებოდა ასე შავათ იდო და გაფაციცებულის თვალთ უყურებდნენ. აქეთ მხარესაც და იქით მხარესაც ბევრი დიდიკაცის თა შვილები ეხმარებოდნენ და გულს უმაგრებდნენ. არ იქნა ვერა რომელმა რომ ვერ დასძლია და გააქცია, სალამოზე გაიყარნენ.

ამის მეორე დღეს, ესე იგი შაფათს *[პარასკებს]* კიდევ გამოვიდნენ და ეგრეთივე კრივი მოხდა, მაგრამ მაინც ვერა რომელმან ვერ აჯობა და კიდევ სალამომ გაჰყარა. კვირასაც *[შაფათს]* აგრეთივე კრივი მოახდინეს მაგრამ მაინც ერთმანეთს ვერ აჯობეს და კიდევ სალამომ გაჰყარა. რადგანც ორშაფათს აკარგათ უნდა გადანყვეტილიყო და ერთერთს რომელსამე უნდა ეჯობებინა, *ედლია.* ამისთვის ორშაფათს ელჩები მოუგზავნეს ქვემო უბნელებმა ზემო უბნელებსა და შემოეთვალათ. – „ქვემო უბნის ყვენი უთვლის ზემო უბნის ყვენსა, რომ ამთენი დღეები არის რაც ომი გვაქვს და ამთენი სისხლი დავღვარეთ, (ესე იგი კაცების გატეხილი თავებიდგან.) იმ ვინროს ქუჩაში ვერა რომელმა რომ ვერ ვის ვაჯობეთ, ამისთვის თუ კარგი ვაჟკაცები, *მამაცნი* ხართ, დღეს სადილსუკან გაშლილს ადგილზე გამოდით, თბილელის ბალთან სოლოლაკის მთის ძირში, რომ იქ გაშლილს ადგილზე გადავწყვიტოთ ჩვენი საქმე, თორემ ვინროს ქუჩაში ვერ დავაჯერებთ ერთმანეთსა ამისთვის, რომ ერთ-

მანეთს ვერ დავამარცხებთ, რადგან მოკრიები ვერ იმართებიან იმ ვინროს ქუჩაში<sup>1</sup> და გაშლილი ვერ კრიობენ.

ზემო უბნის ყეენთან დიდი ხანი რჩევა იყო საიდუმლოთ ვეზირე-ბისაგან, პირველი მოკრიებისაგან და ბოლოს გადანყვიტეს ამ სიტყვით, რომელმაცა ერთმა ვეზირმა მალლა დაიძახა. – „ქვემო უბნის ყეენის ელჩხო. ჩვენი ყეენი უთვლის თქვენ ყეენსა, რომ ზემო უბნის მოკრიები ყოველთვის ვაჟკაცნი, *მამაცნი* ყოფილან და ეხლაც *დაურიდებელი ვაჟკაცნი ჩვენ* მზათა ვართ, გამოდით, ჩვენც გამოვალთო.“

მაგრამ გაბრიყვდნენ, ამისთვის, რომ ადგილის მდებარეობა იმათ სასარგებლოთ იყო და ქვემო უბნის მოკრიებიც ბევრით მეტი იყვენენ ზემო უბნის მოკრიებზე.

ჯერ ეს უნდა ითქვას, როგორი მდებარეობა ჰქონდა იმ ადგილსა, ქვემო უბნელეებმა რომ გამოითხოვეს ზემო უბნელეები.

უკან დიდი მთა ჰქონდათ რომელზედაც ზურგი მიეყრდნათ და წინ *თბილელის ბალი იყო და თბილელის ბალს აქეთ* გაშლილი ადგილი ედოთ და თბილელის ბალიც სიმაგრეთ ჰქონდათ. ამისთვის, რომ მარჯვენას მხარეს იყო იმათზე მთის ძირში და ზემო უბნის მოკრიები იმ ბალს ვერ *მოუვლიდნენ*, მიუდგებოდნენ, ვინაიდგან ქვემოუბნელეს სულ ხელთ ეჭირათ ყოველი იგი მხარე და თავიანთ სასარგებლოდ გამაგრებული ჰქონდათ თავიანთის მოკრიებით, მაგრამ ზემო უბნელეებს ყოველი სასარგებლო ადგილი დაკარგული ჰქონდათ. უკან აქეთ იქით ბალები ედოთ და შუაში კარგა განიერი, *გაშლილი* ორლობე ჩამოივლიდა და ორლობეს აქეთ ქალაქი იყო. სადაც კრივი იყო, ზემო უბნელეების მარჯვენა მხარეს, დიდი მთა მოადგებოდა მეტათ აღმართიანი, საიდგანაც ქვემო უბნელეები მოუვლიდნენ, *მოადგებოდნენ* და ზევით მალლა მთიდგან ქვეებს დაუგორებდნენ. ბოლოს ასეც იყო.

შუა დღის დროს სადილი რომ ჭამეს *მთელი ზემო ქალაქის ხალხი თავიანთი ყეენებით* ორივ უბანი გამოვიდნენ ზურნა და დაბდაბის ცემით და დიდის ხმაურობით, მოვიდნენ და ზემო ხსენებულს ადგილზე გამართეს საშინელი კრივი. პირველი კრივები ამასთან თამაშობა იყო, თვითონაბიჯის ადგილის დანებება ორისავე მხრისთ-

<sup>1</sup> ასეთი ვინრო ქუჩა იყო, რომ სამი ურემი ერთმანეთს ლალათ აუქცევდა და ამას ეძახდნენ ვინროს?

ვის დიდი სათაკილო იყო და ერთს ადგილს იბრძოდნენ, რომ ერთი მეორეს ადგილს არ უთმობდა. ამასთან ასეთი მოუწყვეტელი ყიჟინა, ზარი იყო ორისავე მხრიდგან, რომ მეორეთ მოსვლას გვანდა. რომ ყურთ ლაპარაკი აღარ ისმოდა. შურდულისა და ხელის ქვა სეტყვასავით მიდიოდა [უშენდნენ] ერთმანეთზე, რომლებიცა ამათი მიზეზით ჯოხის მოკრიები ერთმანეთს ველარ უდგებოდნენ<sup>1</sup>. გონია [ასე გეგონებოდათ] ქალაქში აღარავინ აღარ იყო დარჩენილი, სულ აქ იყვნენ, თავადნი, აზნაურნი, მოქალაქეები და მდაბალნი; თვინიერ მოხუცებულების და ქალებისა მეტი, და ორივე მხარის უბნები შავათ იყო დადებული ხალხი ორსავე მხარეს. ეს მოუწყვეტელი ქვის კრივი, ვერასფრით რომ ველარ გადანყდა, ბოლოს ჯოხის მოკრიებიც ერთმანეთში დაერივნენ და ასეთი არეულობა შეიქმნა, რომ ერთი ერთმანეთს საზაროდ კმა იყო. საშინელი! სადაც ამასთან მოუწყვეტელი ყიჟინა და ძახილი იყო დიდი ორისავე მხრისა, ასე რომ გრგვინვას გვანდა [ემზგავსებოდა]. ბევრს გალექებულს მოკრიეს ნაბადი მოეხსნათ და უნაბდოთ ტრიალებდენ შუაგულს კრივში და რამთენიც ქვა მოხვდებოდათ, ასე ეგონათ, ბანბის ქულა მოგვხვდა. ვინ იცის რამდენს გადმოსდიოდა გატეხილის თავიდგან სისხლი, მაგრამ ასე ეგონათ ჩირალდანში ვართო და ხშირათ იძახდენ. „ჩირალდანია! ჩირალდანია!“

იმ გაშლილს ადგილზე, ქვემოუბნის მოკრიები, ზემო უბნის მოკრიებს შემოეხვივნენ ორისავე მხრიდგან და ძალას ატანდნენ, მაგრამ ზემო უბნელებს ფეხი ვერ მოაცვლევინეს ერთის ადგილიდამ და თავდადებული კრიობდნენ. ზემო უბნელებში სამი საკვირველი მოკრიე და ძლიერი კაცები ერია. ერთი მეჯოგე მატია<sup>2</sup>, მეორე პეპია შოშიშვილი და მესამე დათუა უსტაბაშიშვილი. პირველი იყო სომეხი და მეორე ქართველი ეს სამნი რომელ მხარეზედაც ზემო უბნის მოკრიებს გაუჭირდებოდათ, ეს საკვირველი მოკრიები გავიდოდნენ და მაშინვე პირს იქით აქნევივნებდნენ ქვემო უბნის მოკრიებსა. ქვემო უბანშიაც სამი უპირველესი და გამორჩენილი მოკრიები ერივნენ, ერთს ერქო გაპია (პირველი მოქალაქე იყო.) მეორეს გეუა და მესამეს ლაზარე. იმ საშინელს ქვის

<sup>1</sup> ვფიცავ, აღამამადხან რომ მოვიდა, თუ ასე გამოედოთ თავი, არას დროს ქალაქში არ შემოუშვებდნენ.  
<sup>2</sup> თავადი ბეგთაბეგიშვილი. მაშინ თავადები და აზნაურშვილები კრიობდნენ.

სროლაში, იგი სამი გამოჩენილი, *პირველი* მოკრიები გამოვიდნენ ქვევიდგან, ზემო უბნიდგან ჯოხის მოკრიები გამოითხოვეს. ზემო უბნიდგანაც იგი გამოჩენილი მოკრიები გავიდნენ, მაგრამ ასეთი ქვის სროლა იყო, რომ ეს ექვსი უპირველესი მოკრიები ერთმანეთს ვერ მიუდგნენ და შორიდგან ერთმანეთს ემუქრებოდნენ. უპირველესმა თავადებმა ეს ექვსი გამოჩენილი მოკრიები რომ ნახეს გამოსული, სწრაფათ გადაცვივდნენ და ორისავე მხრიდგან, დიდის ცდით ქვა დააყენებინეს და დამშვიდება მოხდა. უნდა ენახათ ეს ექვსი გამოჩენილი მოკრიე როგორ დაალბობდნენ ერთმანეთსა. ამ დამშვიდებადულს დროსა, ეს გამოჩენილი მოკრიები, მგლებსავით მიესივნენ, *დაეძგერნენ* ერთმანეთსა და იმათი ჯოხის ზათხაზუთხი ერთმანეთს რომ სცემდნენ, ქალაჩუნას გულს აუთრთოლებდა, სადაც ორისავე მხრიდგან საშინელი ყიჟინა იყო და ძახილი დიდი!

რასაკვირველია ორისავე მხრის მოთამაშე ხალხსა (ანუ მაყურებლებსა) სურდათ თავიანთ მოკრიებს გაემარჯვათ. *მაგრამ პეპიამ გაპია ნააქცია და თავიც დიდათ გაუტეხა. დათუამ გეუას ასეთი ჯოხი დასცა მხარში, რომ მაშინვე გატრიალდა და მხარჩამოგდებულსავით წავიდა. ქვემო უბნელებმა ეს რომ ნახეს, იყრი-ალეს, ყრიაშულით გადმოცვივდნენ და საშინელი ქვა დაუშინეს. აქედანაც რასაკვირველია, ზემო უბნელები მიეშველნენ და შეიქნა საზარელი ქვის კრივი. ამაში გაგძელდა კარგახანი, ბოლო დროს ერთიან ჯგუფმა მოკრიებმა ველარ მოითმინეს და ერთმანეთში დაერივნენ, სადაც იყო ძახილი და დიდი ცემა ერთმანეთზე ჯოხებისა და ამასთან ასტყდა ძალიანი ქვის სროლა, რომლებსაცა ყოვლის მხრიდგან ქვემო უბნელები შემოერტყნენ ზემოუბნელებსა და ძალა დაატანეს ზემო უბნელებსა, მაგრამ ერთი ნაბიჯი ადგილი არ დაუთმეს და ერთს ადგილსვე კრიობდნენ. ქვემო უბნელებმა ყოველი ძალა დაასრულეს, მაგრამ არ იქნა, ვერას გზით ვერ გამოაქციეს. შემდეგ მოკრიები მოუტარეს ჩუმათ და ასეთ ასეთი ქვები დაუგორეს ზევით მთიდგან ზემო უბნელებსა, რომ თითო კლდის ქვა სამი და ოთხი პუდი გამოვიდოდა. ამაზე ზემო უბნელები მოშალეს, ფეხი აგვიდგეს და ქალაქისკენ გამოგვაქციეს ყენიც, მოკრიებიც და მაყურებლებიც, მაგრამ ქალაქთან რომ მოვედით, ქალაქის პირთან დადგა ზემო უბანი, საშინელივე კრივი გამართეს და ველარ იკადრეს ქალაქში შემოსვლა ქვემო უბნელებმა, სადაც*

შინამდისინ ძლიერი კრივი იყო და მასუკან დაიშალა. ამ მშვიდობიანს დროსა, ერთი შურდულის ქვა მამხვდა უკან თავის კეფაში და დიდათ გამიტეხა უკანა კეფა. კარგა გამიტეხა. ჩემა ლალამ მე შინ რომ მომიყვანა, დედა ჩემი არ გაჯავრდა, ამისთვის რომ ამგვარს საშიშს საქმეებსა არ მარიდებდნენ: კარგი ვაჟკაცი გამოვყო. ეს მთელი ქართველების ჩვეულება ასე იყო, რომ თავის შვილებს ყოველს საშიშს განსაცდელში ზდიდნენ: უშიშარი ვაჟკაცი გამოვყო. მაგრამ მე კი მთელი ერთი თვე მალამოს მადებდნენ თავზე, ძლივს რას ყოფით გამიმთელეს. ახლა ხანდისხან კეფაზე ხელს რომ მოვისვამ, მაშინდელს დაღზე მომედება ხელი და იმ კრივის ამბავი უნებურათ მამავგონდება.<sup>1</sup>

თა ა. ვახ. ძე ჯ. ორბელიანი 1841-ს წელს ქ. ტფილისს.

---

<sup>1</sup> ამისთანა საშინელი ბოროტი კრივები, მთავარმართებელმა ერმალოვმა მოაშლევინა, ამისთვის რომ ამისთანა ძლიერს კრივებში, ხანდისხან კაციც მოკვდებოდა იმ არეულს საშინელს ქვების კრივში, სადაც იმ დროს მოკრიე თავს აღარ უფრთხილდებოდა და თავდადებით კრიობდა, მარამ მაინც მცირე, მცირე კრივებს კიდევ არ იშლიან ჩვენი ქალაქელები.



## ჩემი რუსეთიდან მოსვლის უკუდაბ<sup>1</sup>

იტყვიან, „შეუძლებელი არა არის რა ამ ქვეყანაზედაო“. მე ვიტყვი. თუ რომ ბედი არ შესწევს შემძლებელსა, ვერას შეიძლებს შემძლებელი. მაშასადამე, ყოვლის საქმისათვის ღმერთს უნდა ვთხოვოთ, კარგი ბედი მოქვცეს.

აქამომდე, არც საქმისათვის ვზრუნამდი შემატება მქონოდა საიდგანმე და არც კარგის ბედისათვის ვფიქრობდი, ამისთვის, რომ დედაჩემის თეკლე ბატონიშვილისათვის ვიყავ ცოცხალი, იმას ვერ ვშორდებოდი, რომ იმისი სანყენი იყო ხოლმე. ნამეტნავად ჩემი ცოლის ეკატერინეს მოშორებდა დიდათ და მწარეთ შეაწუხებდა. ვინიცობა არის, თუ სოფელში წავიდოდი მე, ბევრს ხანს ვერ დავყოფდი და საჩქაროთ დავბრუნდებოდი. ვიყავით მე და ჩემი ცოლი იმასთან; თითქმის განუშორებლად, მაგრამ ის ადამიანი ასეთი რამ ბძანდებოდა, რომ მოსისხლე მტერსაც არ მოსწყინდებოდა იმასთან ყოფნა, არამცთუ ჩვენა. როგორც ის ჩვენით სიამოვნებდა, ისე იმისის კეთილის სულით კმაყოფილნი ვიყავით ჩვენა, გულით და სულითაც. თუმცა თავისის გვართ შესაფერსა ჯამაგირსა არ იღებდა, რომ თავის ღირსებისამებრ ეცხოვრა, მაგრამ რაც კი ჰქონდა, არავისთვის არა შურდა რა. არა თავის სახლეულობისათვის და არა გარეშე სანყალათვის. მეც ჩემი პატარას სოფლის კაზრეთიდგან მქონდა შემოსავალი, მასაც თავის ჯამაგირთან და თავის პატარა სოფლის ასანხოჯალოს შემოსავალთან ერთათ ხარჯევდა. ორნიც მხარენი ერთმანეთით ვიყავით დიდის სიამოვნით და ბედნიერად. თუმცა ჩემმა ორმა ძმებმა თავთავისთვის დაიწყეს ცხოვრება, რადგანაც ევროპიულს გვარზე არიან გაზდილნი ცოლებით, მაგრამ როდისაცკი დედასთან მოვიდოდნენ, მეტად იამებოდა იმათი ნახვა და ერთმანეთით გავბედნიერდებოდით ყველანი.

ახლა 1846-ი წელიწადი არის რომ დედა აღარა მყავს მე ორმოცდაოთხის წლისას. მაშასადამე, ახლა ჩემს მცირეს ყმასა და მამულს უნდა მივმართო, მაგრამ ღმერთსა ვთხოვ, რომ ყოველს ჩემს საქმეში კარგი ბედი მომცეს ჩემი საქმის წასამართველად, სანადელისამებრ ჩემისა.

<sup>1</sup> მე 1840-ს წელსა მარტის 6-ს დღესა, შუადღიდგან 11-ს საათზედ მოვედი რუსეთიდგან ქ. ტფილისში, და დედაჩემი თეკლე ბატონიშვილი გარდაიცვალა 1846-ს წელსა მარტის 11-სა დღესა, გათენების მეოთხის საათის ნახევარზე.

(თიბათვის) ანუ ივნისის დამდეგს ამოველ ცოლშვილით<sup>1</sup> კაზრეთში და შევუდექ საქმესა. ამითი უფრო კმაყოფილი ვარ, რომ ჩემი სახლეულობაცა დიდი კმაყოფილნი არიან აქაურის ცხოვრებითა, ამისთვის ღმერთსა ვმადლობ, რომ კარგის და კეთილის ცოლშვილებით გამაბედნიერა ღმერთმა.

თა ალექსანდრე ჯ. ორბელიანი

---

<sup>1</sup> შვილებთაგან ორი ქალის მეტი აღარა მყავს. ქ. ტფილისის პანსიონის კურსშესრულებული უფროსი გასათხოვარი ქალი დარია ჩემთან არის და მეორე უნცროსი ქალი მარიამ ქ. ტფილისის ინსტიტუტში იზდება; დღეცა და ღამეც იქ არის.

## ყაფლანიდგან ჯამბაკურიანნი ორბელიანნი

ორბელიანების ამბავი ეს არის, მაგრამ ამ სავნის შესწავლისათვის ეს ცოტაც ითქვას აქა. ყაფლანიდგან ამ დრომდისინ ორბელიანების ამბავი აღარა მომხდარა რა, რომ დასანერი იყოს, თვინიერ ამის მეტი. ორბელიანებსა და ბარათაანთ დიდი მტრობა ჰქონიათ ერთმანეთში. აქ არა ითქმის რა იმათი მტრობის მიზეზი იმისთვის, რომ მე სხვას ვწერ და მხოლოდ ორიოდ სიტყვა საჭირო იყო, აქ მომეხსენებინა.

ერთს გათენებისას ჩრდილოეთის ბარათაანნი მოუხდენ სამხრეთის ბარათაანთ (ორბელიანებს) ფარულად ს. ტანძიას და დედანულით ასე განწყვიტეს ორბელიანები, რომ ერთი აღარ დაადგეს ცოცხალი (დიდი მეფის თეიმურაზის დროს ყოფილა და ამის მქნელი სახლის უფროსი ბარათა ყოფილა), მაგრამ ცამეტ-თოთხმეტი წლის ყმანვილი ყაფლან მოუტაცია თავის ლალას და ყაფლანის მამის მეგობარ არლუთაშვილთან მიუყვანია ს. სანაინში.<sup>1</sup> არლუთაშვილი ყმანვილისთვის დიდათ შენუხებულა, „ბარათაანთ არ შეიტყონ და ესეც არ მოკლანო“. მაშინვე კაცები გაუტანებია და ყიზილბაშში გაუგ ზავნია ყაფლანის ბიძა ვახტანგ ორბელიანთაძე, რომელიცა სპარსეთის ყაენის<sup>2</sup> ყორჩიბაში ყოფილა (გამოჩენილი სახელი არის ყორჩიბაშობა ყიზილბაშში). ჯერ დიდათ ისიამოვნა ძმისნულით, თავის ბიძამდისინ რომ მიაღწია ყაფლანმა, მაგრამ შემდეგ რომ შეუტყვია თავიანთი სახლის განწყვეტა ბარათასაგან, დაუყოვნებლივ ამხედრდა ყაენის ნებით და მძლავრის სპარსის ჯარით გამოილაშქრა საქართველოზე და ყაფლანც თან წამოიყვანა თავის ლალით. ამ ამბის გამგონენი ბარათაანნი სულერთიან, დედანულით აყრილან და ოსმალოსკენ წასულან და თავარავანის ტბასთან გადაამხტარან.

<sup>1</sup> ყაფლანის მეორე ბიძაშვილი ბეჟან არ ვიცი როგორ და ან ვის მოუჩენია ბარათაანთგან? ბარათაანნი რომ დაესხნენ ორბელიანებს, იქნება ბეჟან სოფელში იყო სადმე და იქიდგან გადავარდა ოსმალოში? როდესაც ყაფლან დაიმკვიდრებდა მეორეთ ყმა და მამულს, რასაკვირველია ბეჟანიც მოვიდოდა, მაგრამ ჩანს, რომ ბეჟანის შვილები უძეოთ ამონყვეტილან, ამიტომ, რომ იმათგანი აღარავინ აღარ არის.

<sup>2</sup> ვახტანგ ყმანვილობით სპარსეთში წაუყვანიათ, მაგრამ მიზეზი არ ვიცი, მგონია, უფრო ტყვეთ წაყვანათ, რომელიცა ყმანვილობითვე გაუთათრებიათ. არც ეს შემიტყვია, თათრობის სახელი რა რქმევია.

<sup>3</sup> არც ამ ყაენის სახელი ვიცი, რომელს ყაენის დროს ყოფილა ეს ამბავი, მაგრამ მგონია, რომ დიდი შააბაზის დროს ყოფილიყოს.

„– სამშვიდობოში გამოვედით და აღარავინ აღარ მოვა აქაო,“ მაგრამ ყიზილბაშის ჯარი საჩქაროთ მოსწევია და დიდბარასკევის დილაზე დასცემიან და ასე გაუნყვეტიათ, რომ მხოლოდ ერთი კოჭლი ბარათაშვილის მეტი არ დარჩომილა. იმასაც მკვდრებში მოურჩენია თავი, რომლებიცა ეხლანდელი ბარათაანნი იმ კოჭლისგან მოდიან.

მინამ ყაფლანისათვის<sup>1</sup> კარგი ბინა არ მიუცია თავის ბიძას, მანამდისინ არ დაბრუნებულა ყიზილბაშისაკენ და როდისაც კარგად დაუბინავებია, მაშინ დაბრუნებულა, მაგრამ მაინც კარგი ვეჭილი დაუგდია ყაფლანისათვის.<sup>2</sup> მის შემდეგ მშვიდობიანობა მომხდარა ორბელიანებში და ბარათაანთში და მას შემდეგ მოყვრობის და მეგობრობის მეტი აღარა არის რა ჩვენში.

ესეც არ ვიცი, რომელი სახლიდგან მოუყვანია ქალი ცოლათ ყაფლანს.<sup>3</sup> რომლისაგანაც ჰყოლია ძენი. პირველი პაპუნა (უშვილოდ ამონყვეტილა). მეორე ასლან. მესამე ორბელ. მეოთხე თამაზ, მეხუთე გიორგი.

ახლა მას ყორჩიბაშსვე დაუტრიალდეთ და კიდევ ვთქოთ რამე მისი. მისდამი რომ მიახნია ყაფლანის სახლის ბედნიერება და იმთენი შვილიერება, ვახტანგმა თავის ძმისწულს, ყაფლანს მაშინვე წიგნი მისწერა და ერთ-ერთი მისი შვილი დაიბარა თავისთან გასაზდელად. ყაფლანმა თავისი მესამე შვილი, ორბელ გაუგ ზავნა, რომელმაცა ქართულს და სპარსულს გვარზე კარგათ გაზარდა და გამოსტუმრების დროს დიდი ფული გამოატანა ორბელს და თავის ძმისწულს ყაფლანს მოსწერა: „თუმცა მაჰმადიანი ვარ, მაგრამ მაინც გული ქრისტიანობაზე არ შემცვლია. და რაერთი ფულიც

<sup>1</sup> ყაფლანის ამბავი კიდევ სხვა რიგათ გამიგონია, ვითომც იმის ლალას ჩაეყვანოს ყიზილბაშში არღუთაშვილიდგან და ერთს დღეს ყეენის წინ მოფრინალი ძერა ჩამოეგდოს ისრით ყაფლანს, მაშინ, როდესაც რომ ჯარით მიბძანდებოდა სადღაც ყაენი. ვითომც ყაენს ებძანებინოს: „–ეხლავე აქ მომგვარეთ, ვინ მოკლა ძერაო“. ყაფლან მაშინვე მიუყვანიათ.ყეენს ჯერ დიდათ მოსწონებია ყაფლან და მასკვან ვინაობა უკითხამს. ყაფლანს თავისი ყოველი გარდასავალი მოეხსენებინოს. ყეენი ჯარიდგან რომ მობრუნებულა თავისი ერთი სარდალი დიდის ჯარით გამოეგ ზავნოს და ყაფლანც თან ჰყოლიყოს და იმ სარდალს თაფარავანთან გაეწყვიტოს ბარათაანნი. ეს სულ ზღაპარსიტყვაობა არის. როგორც ზევით დაიწერა, სწორეთ ასე არის.

<sup>2</sup> რადგანაც ამ ყაფლანმა თავისი ღვანლით იშოვა მეორეთ მამული და თავის გვარი მეორეთ იმან დაიფარა, ამიტომ ზედართულ გვარსაც გვიძახიან – ყაფლანიშვილები.

<sup>3</sup> მე არა მგონია, ყაფლან იყოს ნათლობის სახელი. იქნება, რისამე მიზეზით დაარქვეს მომატებული სახელი ყაფლან?

ორბელს გამოვაცანე, გთხოვ, მაგ ფულით ფიტარეთის პატარა ეკლესია გაავრცელებინო, დიდი, მაღალი და გუმბათიანი ალაშენო და ყოვლის მშვენიერებით შეამკო. ესეც რომა, მაგ ორბელს ჩემი სახელი უწოდე (ესე იგი ვახტანგ)'. ჩემი სახელი თქვენს სახლში დარჩეს სახსოვრად. და ამასაც გეტყვი, რომ ეგ ორბელ ყოვლისფრით კარგი არის. თქვენს სახლს როგორიც შვილი ეკადრება, სწორეთ იმისთანაა.“<sup>2</sup>

მართალია, ფიტარეთის ეკლესიის გავრცელებისათვის მოუვიდა ფული, მარამ ყაფლანმა ხულუტის ციხე ააშენა გაჭირებისათვის. კიდევ ეშინოდა. როდისაც ეს ამბავი შეიტყო ყიზილბაშის ხელმწიფის ყორჩიბაშმა (ვახტანგმა), მეორეთ უფრო ბევრი ფული გამოუფეზავნა, რომელმაც ამით გაავრცელა და ზედ დიდი გუმბათი დაადგა და დასდეს სახელი ფიტარეთის ღვთისმშობლის ეკლესია, სადაც ყაფლანის მომავალი შვილიშვილები იმარხებოდენ, ესე იგი ჯამბაკურიანნი ორბელიანნი სომხითის აოხრებამდისინ და შემდგომ ქ. ტფილისის სიონთა ღვთისმშობლის ეკლესიაში დაიმარხებოდენ ამ ოცი წლის წინათ...

აქედან დაიწყო ორბელიანების მეორედ გაძლიერება, თორემ ყაფლანამდისინ დამდაბლებული ყოფილან საქართველოს მეფეებისაგან. ნამეტნავად ხუთი ვაჟკაცი შვილი რომ მოსწრებია და ყიზილბაშისაგან ძლიერი ნათესავი ჰყოლია, ამას უფრო აუმაღლებია ყაფლანის სახლი.

1. მოხუცებული ყაფლანის გარდაცვალების შემდეგ პირველი შვილი პაპუნა გარდაცვლილა უძეოდ, რომელსაცა აუშენებია ს. ტანძიას კარის ეკლესია ღვთისმშობლის სახელზე. თუმცა უგუმბათოა, მარამ კარგი რამ არის და ლურჯი ქვით არის ნაგები. შემდეგ ყაფლანის გარდაცვალებისა? ხუთის ძმებისათვის გაუკეთებიათ სახლები და ყმა და მამულიც თავ-თავისთვის დაუჩემებიათ სწორეს გაყრამდისინ. ამათი სახლები ს. ტანძიას ასე ჰყოფდა, ოთხი ძმა

<sup>1</sup> ჩვენის ოჯახის წიგნებში ზოგში ორბელად არის წოდებული და ზოგში ვახტანგად. ამის გამო ჩვენს ოჯახში ვახტანგის სახელი ამ მიზეზით დარჩომილა.

<sup>2</sup> როგორათაც შააბაზს შემოუთვლია ლუარსაბ სარდლისათვის, თქვენი, ყაფლანთან დიდი დიდება და მრავალი ქება მესმის, ამისთვის გთხოვ მენვიცნეთ, რომ თქვენის საკადრისის დიდებით გავისტუმროთო. ლუარსაბ სარდლის პასუხი: „ბიზი ისტიან ტანძია გელსუნ“. იცოდა, პატარა შააბაზ თუ ყაფლანთან ხელში ჩაიგდებდა, სულერთიან გასწყვეტდა და ამ ორის სიტყვით მოუშორებია.



მეორე ძმის ორბელიდგან ანუ ვახტანგ უწოდოთ ახლა, არიან ჩამომავალნი: ორბელის ანუ ვახტანგის შვილი ვახუშტი და ამის უძეო ძმანი, ვახუშტის<sup>1</sup> შვილი ელიზბარ და კიდევ ამის უძეო ძმანი, ელიზბარის შვილი დიმიტრი, დიმიტრის შვილი ვახტანგ და ვახტანგის შვილი ჩვენ სამნი ძმანი. *მესამისა და მეოთხის ძმის ჩამომავლობისას არას ვიტყვი ამისთვის, რომ თავიანთი გვარის, სახლის ამბავი ყველამ იცის და დიახ კარგი იქნება, აღწეროს ვინმემ იმათგანმა და იქიდგან შეიტყობა იმათი ჩამომავლობა.*<sup>2</sup>

პირველი ძმის წილობისას ჰქონია სარდლობა და დიახ კარგი სარდლებიც ყოფილან. მეორესა მეფის საკუთარი რჩევის დივანბეგობა და ამასთან თავიანთ სახლის პატრონობა; თუმცა ელიზბარისათვის ეშკალაბაშობა უბოძებია მეფეს და ელიზბარს უარი უთქომს, მაგრამ მეფე მაინც არ მოშვებია ნათესაობის გამო და ძალად მიუცია, თორემ არაოდეს არ ნდომია. *ამისთვის, რომ მესამის ძმის წილობა ყოფილა ეშკალაბაშობა და ვინც კი ყოფილან ეშკალაბაშნი, მართლაც რომ ზედგამოჭრილი ყოფილა ამათთვის ეშკალაბაშობა. ასე რომ ყველასთვის მოსანონი ყოფილან ისინი. ელიზბარ ეშკალაბაშის შემდეგ მესამეს სახლში გადასულა ეშ-*

---

სა და ადგილის მდებარობის გამოისობით.

როდესაც მეფეს ირაკლის მეორეს მორიგის დაწყობილობით მტერი ამოეგდო საქართველოდგან და მშვიდობიანობა მომხდარიყო სრულიად საქართველოში, მაშინვე დავით სარდალს სომხეთის შენებისათვის ხელი მიეყო და რამეთუიმე სოფლები გაეშენებინა; თუ ის დაწყობილობა და ის მშვიდობა არ მომლილიყო, მცირეს დრომდისინ სულერთიან სომხეთს ხელახლად ააშენებდა და პირველს მდგომიარობაში მოიყვანდა, მაგრამ მიზეზის გამო მორიგე მოშლილიყო (მორიგეს მოშლილობის მიზეზი მეფის ირაკლის ამბავში დამიწერია), გარეშე მტერნი ისევ განძლიერებულეყვნენ და ისევ მოშლილიყო სომხეთის ახალი ბედნიერება, მაგრამ ქალაქის პირის სოფლები მაინც შენათ შეინახა დავით სარდალმა და აქამდისინ ის სოფლები შენათ არის.

<sup>1</sup> გვაროვნობის სქემაში ზურაბ ჩაუნწერიათ ამისთვის, რომ ზურაბის წერილი არის შეტანილი გვაროვნობის ძიებისათვის დეპუტატ სობრანიეში, თორემ წნორეთ ვახუშტის ჩამომავლობანი ვართ ჩვენი სახლი და ზურაბ კი უძეოთ მომკვდარა.

<sup>2</sup> თუ რომ ჩვენი ოჯახის წერილები ცალ-ცალკე დამწერა შესატყობლად, რომ როგორი კაცნი ყოფილან ჩვენში, მეტათ ბევრი მოვიდოდა და ამისთვის დავაგდე, მაგრამ ამ მცირეს ლექსს კი დავწერ, მოსკოვიდგან მოწერილსა დიმიტრი ბაგრატიონისაგან თავის ნათესავს მამაჩემთან. ვინაიდგან ორბელის წილობისა არის ჩვენი სახლი, ამისთვის ორბელის ძეთ უწოდებს ჩვენი სახლის შვილებს:

ორბელის ძენი ყოფილან ბრძენი, გონება ვრცელნი, გულის ხმიერნი, ერნი და ბერნი, კეთილად მწერნი, საღმთო-საეროდ კარგ-მშვენიერნი, ენაძქვერ სრულნი, ლამაზად ქმნულნი მრავალნი გვქონან ჩვენ მათმიერნი, გვიხამს ვმადლობდეთ, შენდობას ვძღვნობდეთ ერთქვეყნიერნი ვინც ვართ ივერნი.

კალაბაშობა. მეფეს თეიმურაზს თავისი ქალი ანა (მეფის ირაკლის და) დიმიტრი ემკალაბაშისათვის შეურთავს და ემკალაბაშობაც უბოძებია.

მეოთხეს სახლის შვილებისათვის უნოდებია მეფეს – „ჩემი საკუთარნი ვაჟკაცნი.“ თუმცა ყველა ყაფლანიშვილებს მოსდგამთ აქამომდე ვაჟკაცობა, მაგრამ როგორათაც მეოთხე სახლის შვილები ყოფილან, ვგონებ, საქართველოშიაც იშვიათი იქნებოდა. აი, მეფის ირაკლის სიტყვა ზაალ ყაფლანიშვილზე, რომელიც მეოთხე სახლის შვილი ყოფილა: „რომელს ჯარშიაც ზაალ ყაფლანიშვილი მეფულება, თუნდ ის ჯარი ხუთი კაცი იყოს და ათასი ჯარი გვეხვიოს, შეუძლებელია, ის ათასი არ დამარცხდეს. მე ზაალ ყაფლანიშვილისთან გამოჩენილი ვაჟკაცი არსად არ მინახავს“.

აქ უნდა კიდევ ითქვას რამე. პირველი, ზაალ ყაფლანიშვილს ჰყვანდა მეორე ძმა ზურაბი. ზაალისაგან იყო ოთხი ძენი: დიმიტრი<sup>1</sup>, ბეგლარ, ყაფლან და გიორგი. ოთხივე ცოლშვილიანები, მაგრამ სულ ამონყდნენ, მხოლოდ ყაფლანს დარჩა ქალი სოფო, რომელიცა შეირთო სახელოვანმა რუსმა ჩინოვნიკმა, გვარი მისი ბეზაკ. მეორე ძმას ზურაბს ჰყვანდა ძე ლუარსაბ, ესეც ამონყდა და მხოლოდ დარჩა ქალი მარიამ, რომელიცა შეირთო ჩემმა მეორე ძმამ დიმიტრიმ. ამ მეოთხე სახლის წილობის ყმა და მამული ორად განიყო. ერთი წილი სოფოს ერგო განილვით და მეორე წილი ჩემს რძალს მარიამს.

ახლა დავით სარდლის ამბავი ვთქვათ. დავით სარდალს ჰყვანდა მეორე ძმა ნიკოლოზ. დავით სარდლის შვილს, იოანე სარდალს ჰყვანდა ორი ძენი, ლუარსაბ და დავით. ლუარსაბს ორი ქალის მეტი არა ჰყოლია, ელენე და მარიამ. ელენე შეირთო თ<sup>ა</sup> ზაქარია ქსნის ერისთავის შვილმა და მარიამ შეირთო მყოფმა საქართველოს სამოქალაქოს ლუბერნატორმა თ<sup>ა</sup> ნიკოლოზ ფალავანდოვმა. ამ ლუარსაბის წილი ყმა და მამული თავისი ძმის დავითის განილვის (გაყრილობის) ნარგებიდან ორად განიყო: ერთი წილი ერგო ელენეს და მეორე წილი მარიამს. ხოლო ლუარსაბის ძმას დავითს დარჩა

<sup>1</sup> სომხითი რომ აოხრებული და ვერანა იყო, ახალმოსულს რუსების დროში, შენება დაუწყო იმ დიმიტრი ზაალის შვილმა თავის მამა-პაპის სოფლებს და რამთენიმე სოფლები კიდევ გააშენა და ეზლანდელის სომხითის შენობის საფუძველი იგი დიმიტრი ორბელიანია და ჩვენ, ერთობ სომხითელებს, დიდი მადლობაცა გვმართებს მისი.



ორი ძენი – ივანე და ალექსანდრე.<sup>1</sup> და ამ დავითის ნილობის ყმა და მამული კიდევ ოჯახში არის. ზევით რომ ვთქვი, დავით სარდლის ძმა ნიკოლოზ-მეთქი. ახლა ამისთვის ვიტყვი. ნიკოლოზს ჰყვანდა ექვსნი ძენი: გიორგი, ზურაბ, ასლან, იოსებ, იაკობ და სამარადლო. გიორგის სამნი ძენი დარჩა, ქაიხოსრო, ალექსანდრე და ანტონი; ქაიხოსრომ და ალექსანდრემ თავიანთი ყმა და მამული დალუპეს სახელმწიფოს აბრეშუმის ვაჭრობაში, რომელიცა სულ სახელმწიფოთ დარჩა ამათი ყმა და მამული და საცოდავი მესამე ძმა მწუხარებით შესცდა. ზურაბს დარჩა ეგრეთვე სამნი ძენი, გრიგოლ, ზაქარია და ილია. სამნივე რუსეთის სამხედროში იმსახურებია. გრიგოლ არის პოდპოლკოპნიკი, ზაქარია სრული პოლკოვნიკი და ილია შტაბსკაპიტანი. სამნივე ესენი ერთიმეორეზე უკეთესები არიან კაცობითაც და ჭკუითაც და თავიანთი სამსახურით და თუ რომ განაგრძეს სამსახური იმათ, დიდ ღირსებაში შევლენ სამნივე, მარამ მესამე ძმას ქალაღდის თამაშობა უყვარს დიდ ფულზე, როდისაც რომ აქვს და ეს არ მოუხდება იმის პატივისმოყვარულობას. მესამე ძმა იყო წაყვანილი ტყვეთ დაღისტანში და ვისაც სურდეს იმის ამბის შეტყობა, იმის ზაპისკა წაიკითხონ. ასლანს დარჩა ერთი ძე ყაფლან. როგორიც ჰაეროვანი და სახით მშვენიერია, ისეთი ჭკუაც რომ ჰქონდეს, საკურველი იქნება. თუმცა უჭკუო არარის, მაგრამ სახის და ჰაეროვნების ანგარიშზე ითქუა აქ. იოსებს დარჩა ორი ძენი, კონსტანტინე და ესტატე, მამის შემდეგ ესენი დიდ ვალში ჩაცვივდნენ, მარამ მიზეზი არ ვიცი, რომლებიცაც ამათი თავიანთი ყმა და მამული კომისიონერმა ივან შარუევმა წაიღო თავის ვალში, მარამ არა სრულიად, არამედ კიდევ დარჩა რამდენიმე. ეს ორივე ძმებიც ქალაღდის მოთამაშენი იყვნენ და მგონია ამ მიზეზმა დალუპა ეს ორნი. უნცროსი ამ სამის თვის წინ გარდაიცვალა და უფროსი ისევ იმყოფება კეთილს და კაიკაცობის ქცევაში. იაკობს დარჩა სამი (ოთხი) ქალი: თამარი, ბარბარე, ეკატერინე (სოფო). თამარი შეირთო პოლკოვნიკმა სანკოვსკიმ, ბარბარე შეირთო არტილერიის კაპიტანმა აპაჩინინმა, ეკატერინე შეირთო მაიორმა ივანოვმა. სამნივე დიახ უცხო კაცნი არიან. სამნივე რუსები არიან. ეს

<sup>1</sup> რაც ყმანვილკაცობას შემეხვის, მართლა რომ კარგი ყმანვილი კაცი არის ივანე და იმედია, რომ უფრო კარგი შეიქნას და ალექსანდრესი კი ჯერ არა ითქმის რა ამისთვის, რომ პეტერბურღში იზდება ერთს რომელსამე სასწავლებელში.

რუსები დიახ პატიოსანნი და კეთილშობილნი კაცნი არიან. სოფო ჯერ გაუთხოვარია.

სამარადღოს დარჩა მხოლოდ ქალი ბარბარე, რომელიცა შეირთო კაპიტანმა ალექსანდრე საგინაშვილმა. ნურავინ ნუ მიხედავს ქართველს აზნაურიშვილს როგორ მისცესო? ღმერთმა ინებოს, ყოველი თავადობა იმისთანა გამოვიდნენ საქართველოში, როგორიც ალექსანდრე საგინაშვილი კაცური კაცი არის. ამ პირველის სახლის წილობაში დიდი ფულის ვალი მკვიდრობს. არ ვიცი, ამათი საქმე როგორ იქნება? მაგრამ აქედან ზურაბის შვილები და ალექსანდრე საგინაშვილი უნდა გამოვრიცხოთ ამიტომ, რომ ამათ გაცემულიცა აქვთ ფული, არამცთუ ემართოთ.

ახლა მესამის წილობის სახლის ვთქოთ. ამათი სახლი ორად არიან., ერთი თამაზ ეშკალაბაშისა<sup>1</sup> და მეორე ჭაბუა დიანბეგისა, მეფის ირაკლის დროინდელია. თამაზ ეშკალაბაშიდან სამნი ძენი არიან, პირველი ლუბერსკის მარშალი, ლენერალ-მაიორი დიმიტრი, მეორე პოდპოლკოვნიკი მამუკა და მესამე ღვარდიის კაპიტანი ივანე. ეს ოჯახი დიახ მედიდურად ცხოვრობს და კიდევ შეუძლიანთ. ჭაბუა დიანბეგს ჰყვანდა ერთი ძე დავით, რომელსაცა დარჩა ძენი. უფროსი ერთი ამ დავითის ყმა და მამული მოვალეებმა წაიღეს და დღევანდლამდისინ არ ვიცი, რისთვის დაიდო ვალი.

ახლა აქ გადმოვიდეთ და ჩვენი სახლის ამბავი გავიგონოთ.. ჩვენი, მეორე ძმის წილობის სახლი დიახ გაძლიერებული ყოფილა ძველს დროში.

2. თუმცა ღირსებისგვარად, სარდლის სახლსა სარდლობა ჰქონია და ჩვენს სახლსა პირველი მეფის დიდი დიანბეგობა, მაგრამ რადგანაც ჩვენს სახლში ჭკვიანნი კაცნი გამოსულან როგორც მეფობისათვის, ისე ოთხი სარდლისათვის. ოთხს სახლში არა გარიდებოდა რა, თუ ჩვენი სახლის დიანბეგებისათვის არ ეკითხათ. მეფე ხომ რასაკვირველია და სარდალიც ეგრეთვე. მე ამას ცარიელის სიტყვით არ ვლაპარაკობ, ამის დასამტკიცებლად ფაქტები მქვს. რომლებსაცა იმ ფაქტებს მოკლედ ვიტყვი. თუმცა ჩვენი ოთხი სახლის შვილები ბევრნი ყოფილან, მაგრამ ასე ჰყვარებიანთ ერთმანეთი და ასეთი ერთგულნი ყოფილან ერთმანეთისა, რომ მტრის

<sup>1</sup> თამაზ ეშკალაბაშის პაპას დიმიტრის ჰყვანდა ცოლად მეფის ირაკლის და, ანა ბატონიშვილი.

*მტერნი ყოფილან და მოყვრისა მოყვარენი. ვინ არა ყოფილა ამათი პატივისმცემელი? მეფე უამათოდ ვერას გაარიგებდა. სპარსეთის ხელმწიფე განაძლიერებდა! ხონთქარი ადიდებდა!. საქართველოს დიდნი კაცნი ემეგობრებოდნენ და ენათესავებოდნენ. იყვნენ და ბედნიერებდნენ!..*

მინამ ამათ ერთობა ჰქონიათ, მანამდისინ ერთი ტყვე არ დაკარგულა სომხითიდგან, არამც სოფლები ნახდენილიყო. მეფობასა ბაქარისასა ზაფხულის დროში მოსულიყვნენ რვა ათასი ლეკი. ბოლნისი და ქცია მოეოხრებინათ. მეფეს ბაქარს თავისი ბიძა სვიმონ ყაფლანიშვილებით და ბარათაშვილებით თავიანთის შინაურის მოსამსახურეებით გაეგზავნა საჩქაროთა. სულერთიან ესენი ყოფილიყვნენ სამასი მეომარნი. ნაზარა სოფლის ბოლოში რომ ჩასულიყვნენ, ამ დროს შეხვედროდნენ ლეკებს. პირველად ქართველებს ასე დაემარცხებინათ ლეკები, რომ ორს-სამს აღაჯზედ მიჰყოლიყვნენ ხოცით, მაგრამ ლეკების დევნაში ქართველები გაფანტულიყვნენ. ამ დროს ლეკებს შემოეხედათ, ენახათ, რომ ქართველები სულერთიან დაფანტული არიან, მაშინვე დაჰბრუნებოდნენ და ასე მოესრათ, ორი კაცი ერთმანეთს ველარ მოხვედროდნენ და ვისაც გამოესწრო, იმას მოერჩინა თავი, მაგრამ მაინც ვერ გაუნანანებიათ სიმხითისაკენ ლეკებს, ამთენი განყვეტილა იმ დღეს.

აი მაშინდელი ყაფლანიშვილების ერთმანეთის დიდი სიყვარული და ერთგულობა. მეფე ბაქარს შეეპყრა სპასპეტი ლუარსაბ ყაფლანიშვილი, მუხრანის ბატონი და კიდევ სხვანი. ჩვენი სახლის დიანბეგი ერასტი ყაფლანიშვილი თავის ბიძაშვილებით მისულა რუსუდან დედოფალთან და ნათესაობის გამო ყოვლის ღონისძიებით სიკვდილისაგან გამოუხსნია ლუარსაბ სარდალი. მაგრამ სხვები კი სულ დაუხოცვინებია მეფეს.

როდესაც ოსმალოელებს საქართველო დაუპყრიათ და საქართველო სამთავროებათ გაუყვიათ, სომხითი ერასტი ყაფლანიშვილისთვის მიუციათ. ერასტი საჭიროებას დამორჩილებია. „სომხითი მაინც არ ნახდეს და ქრისტიანობა არ ამოიხოცოსო“, ვინაიდგან ყოფილა ქვემარტი ქრისტიანი და ეკლესიების შემამკობელი, ამისთვის ბევრს წყენას თურმე ითმენდა ოსმალოთაგან. ერთს დღეს ოსმალოელების იასაულებს ყაფლანიშვილი მანუჩარ

დაუჭერიათ და გიორგი ქავთარიშვილი. ორივე ცხენებსავით ეჭენ-  
ებინათ. აღვირი ამოედოთ და ზედ თურმე სხდებოდნენ. ეს ამბა-  
ვი ერასტის მოხსენებიყო; მწუხარებით ველარ ეცოცხლა და ამა  
სოფლით გარდაცვლილიყო, რომელიცა სომხითს, დავით გარეჯის  
ეკლესიაში მარხია და რომელსაცა შეუმკია ეკლესია ესე ძველადგან  
გარყვნილი, სადაც იმის საფლავის ქვაზედ ასე სწერია: „მე ტომად  
ორბელიანმან ძემან ვახტანგისამან ერასტიმ ვიმდებარე საფლავ-  
სა ამასა ქრისტეს აქეთ ჩლლა. ოკტონბრის კა.“ შესავალს კარიბჭის  
ქვაზედაც ასე სწერია: „ჩვენ დიდმა ორბელიანის ძემან მდივანბეგ-  
მან ერასტი, თანამემცხედრემან ჩემან, ბატონიშვილმა ანახანუმ ეს  
მონასტერი წმინდის დავითის ჟამთა განრყვნილ იქმნა და აწ ჩვენ  
მეორედ აღვაშენეთ და შევამკეთ ცოდვათა ჩვენთა შესანდობლად  
და საქმეთა ჩვენთა წარსამართებლად. ვინც იხილევდეთ ნაშრომ-  
სა ამას, შენდობას გვიბძანებდეთ. სრულ იქმნა ქსა ქრისტეს აქეთ  
ტჷზ. 397+1312=1714. მეფობასა გიორგისასა, თვესა აგვისტოსა“.

ერასტი დიანბეგს ერთი კიდევ კეთილი და სასარგებლო საქმე  
უქნია. ერთი არხი გაუკეთებია. იმის სათავე [აბულმაძის] სოფლის  
მამულადგან დაიწყობა და იმის ბოლო სატრედოს ბოლოს მამუ-  
ლში მოწყდება. სიგძე უნდა იყოს იმ არხისა ვიდრე ოცდაათიდგან  
ორმოც ვერსამდისინ, რომლისაგანაცა მაშავრის წყალით იმ არხ-  
იდგან რამთენი მამულები ირწყვებოდა, რამთენი მამულები გა-  
კეთდებოდა და გაკეთებულყო. თვითონ ერასტი დიანბეგსაც  
ერთი კარგი მზვარი გაუკეთებია სოფელს ჯალდასთან სამხრე-  
თის მხრითა. დღესაც არის სანნახელი და ერთს მხარეს ყორეც  
ეტყობა.

ერასტი დიანბეგის რამდენსა წელიწადის სიკვდილის შემდგომ,  
პაპიჩემის დიმიტრის მამა, ელიზბარ ეშკალაბაში, ესე იგი ერასტი  
დიანბეგის ძმისწული უსამართლოდ დაუხრჩვია ნადირშას. მაშინ  
როდესაც რომ პაპაჩემი დიმიტრი პატარა ყმანვილი ჰყოლია თავის  
დედას ელენეს. ელენეს ამ უბედურობის გამგონეს, მაშინვე პაპა-  
ჩემი მოუტაცნია, ესე იგი თავისი შვილი და თავის დედასთან ბა-  
ტონიშვილს ხვარამზესთან გადაუყვანია იმერეთს (ხვარამზე მეფის  
ვახტანგის და ყოფილა და თა ჩიჯავაძეს ჰყოლია).

სამსე და მდიდარი ოჯახი ელიზბარ ეშკალაბაშისა<sup>1</sup> სრულებით

<sup>1</sup> ვახუშტი თავის ქართლის ცხოვრებაში ელიზბარ ეშკალაბაშის დახრჩობისას არას

აუკლიათ ყიზილბაშებს, რომ ერთი ფარისა აღარა გაუშვიათ რა სახლში (ტანძიას ყოფილა ეს ამბავი).

შემდგომ ამისა ჩვენი სამი ოჯახი დაუყოვნად აყრილან ტანძიიდან და ქ. ტფილისში ჩამოსულან. აქედგან დაიწყო განძლიერებულის ჩვენი საკუთარი სახლის დაცემა და მთელი სომხითის ნახდენა, რომელიცა ცალკე შემდგომად აღმინერია, ელიზბარ ეშკალაბაში რად დაარჩო ნადირშამა და ან სომხითის ნახდენის მიზეზი რა იყო?

*აქამდინ ყაფლანიანთში რიგიანი კაცნი გამოდიან, თავიანთი გვარის სახელს ადიდებენ და იხსენებენ ყოველთვის. კიდე იმედია, ჩვენი გვარი არასოდეს არ დამდაბლდება და მარადის რიგიანნი კაცნი გამოვლენ და ყოველთვის წარმატებაში იქნებიან, მაგრამ ასე უნდა იყოს, რომ პირველი, ერთმანეთის თანხმობა იქონიო; მეორე, სიყვარული; მესამე, ერთმანეთის ნდობა და მეოთხე, ურთიერთის ერთგულობა.<sup>1</sup>*

*ყაფლანიშვილებო, თუ ასე იქნებით, ათასი, ორიათასი და უფრო კიდე მეტი წელიწადები რომ გავიდეს, ჩვენი გვარი კიდე მაღალს ხარისხში იქნება და სახელოვანნი კაცნი გამოვლენ. ყაფლანიშვილებო, ახლა ამას გეტყვით. ვინძლო, თქვენი გვარი არ დაამდაბლოთ, რომ ისტორიაში არა თქვან: „- ვაი, სანყალი ჯამბაკურიანი-ორბელიანნი. დიდს ჯამბაკურიანთ ორბელიანთ გვარში ერთი რიგიანი კაცი აღარავინ არის, რომ იმისგან იხსენებოდეს გვარი.“*

---

ამბობს.არ ვიცი, მიზეზი რა ყოფილა? დავინყებია თუ ორბელიანების მტრობით არას ამბობს, ვერ მიმხვდარვარ, რომელს მივაჩემო?მტერი ამაზედ ყოფილა ორბელიანების, რომ ბუშობის გამო პატივს არა სცემდნენ ვახუშტის და არც არაფრად მიაჩნდათ ორბელიანებს. ამ ორში ერთ-ერთი იქნება, ან მტრობის გამოისობით არას ამბობს და იქნება მართლა დაავიწყდა?

ელიზბარ ეშკალაბაში ქაიხოსრო სარდლის დაბეზლებით დაუხრჩვია ნადირშას. იმისი წილი ყმა და მამული დარჩომოდა და მეორეც – ჩვენი ძლიერი ოჯახის განძლიერება დედათ თურმე შურდა. მაგრამ ტყუილია. იმათი სიყვარულისაგან ეს არ იქნებოდა. ყიზილბაშის ქარავანი ნაუხდენიათ ქართველებსა ერევნის მხარეს, ამაზედ ნადირშა გასწყრომია ელიზბარსა. რადგან ეშკალაბაში ხარ, უთუოდ შენი ბრალი არის იმ ქარავნის ნახდენაო. ამასთანავე გაუკითხავად და უსამართლოდ იქვე , თავისთან დაუხრჩობინებია. ქაიხოსრო სარდალი ამ დროს იქ შესწრებია ელიზბარ ეშკალაბაშის დახრჩობაში. ნადირშა ისე განრისხებული ყოფილა, რომ უნახამს, შუამდგომლობა ველარა გაუბედავს რა. ეს გარემოება ერევანში ყოფილა.

<sup>1</sup> ყაფლანიშვილები როგორც ჩინებული კაცნი გამოსულან და დღევანდლამდისინაც არიან? – თითვეული იმათი გამოჩენილი საქმეები რომ აღვწერო, მეტათ ბევრი მოვა. ამისთვის მოკლედ ვიტყვი, ორიოდ სიტყვით, რომ ყაფლანის ჩამომავლობაში ბევრნი ჩინებულნი კაცნი გამოსულან და დღესაც არიან. შემდეგაც კარგნი იქნებიან.

ეს ამბავი ზოგი ისტორიული ვახედვით დამინერია, ზოგი ჩემი მამაპაპის წიგნებიდგან გამომიკრებია, ზოგი ქართლის ცხოვრებიდგან (ვახუშტისა) და ზოგი პაპიჩემის დიმიტრის ნამსახურის ძველი კაცებისაგან გამიგონია (დავითა დემურაშვილისაგან, ათაბეგა დემურაშვილისაგან და ბერელა კობახიძისაგან) და ამათაც მომსწრეებისაგან ვაგეონათ და მეც ასე აღვწერე.<sup>1</sup>

<sup>1</sup> ელიზბარ ეშკალაბაშის სახლის წახდენის შემდეგ ჩვენი სახლის ხელმოვრეთ გაბედნიერებისა, არსებამი მოყვანისა აღარა ვთქვი აქა, მაგრამ მინდა ცალკე მოთხრობად აღვწერო ამისთვის, რომ ღირსიც არის მოთხრობისათვის და უფრო სასიამოვნო წასაკითხიც იქნება.

ელიზბარ ეშკალაბაშის სახლის წახდენის შემდეგ ჩვენი სახლისა აღარა ვთქვი ზევით, და აქ მაინც ვიტყვი, მაგრამ მოკლეთ, ეს მაინც შევიტყუოთ, მასკვან ჩვენი სახლი როგორ გაბედნიერდა, თორემ დაწვრილებით უფრო შემდგომ აღვწერ. პაპაჩემი დიმიტრი, რაკი თავს მოსწრებია, მარადის განუშორებლად ყოფილა მეფეს ირაკლისთან. ყოველს ადგილას და ყოველს ომებში, რომელსაცა კარგათ გამოუჩენია თავი, მაგრამ რადგანაც ქარლის მეფეთ ნათესავი, ჩამომავლობის ყოფილა, ამისათვის მეფე ირაკლი თურმე არა სწყალობდა, მაგრამ ლევან ბატონიშვილის ამაღლაში რომ შეურიცხავს მეფეს და ლევანის წინ რომ მოუკლავთ ლეკებს ომში, ამის შემდეგ მეფე ირაკლი წყალობის თვალთ მოქცეულა ჩვენს სახლზე. ამ ომის ამბავიც ვთქვით აქა. ერთ დროს ძლიერი ლეკის ჯარი ჩამოსულა საგურამოში და ლევან ბატონიშვილი დახვედრია თავის ამაღლითა და მთიულეთის ჯარითა. გამაგრებული და ჩამსხდარი ლეკის ჯარი ვერას ღონით ვერ აუშლიათ, მასკვან პაპიჩემის დიმიტრისათვის უბძანებია: „ხუთასის მთიულეთის მეომართ პირდაპირ მიდი და როგორც შენის ვაჟკაცობისაგან ვიცოდე, ზურგი არ უჩვენო და ნუ შეშინდები, მეც მალე დავიბადები შენთანაო“. ამის გამგონე დაქვეითებული მისძლოლია ხმალმოშიშვლებული და უკან მთიულეთის ჯარი მიჰყოლია და მაშინვე აუშლიათ ლეკის ჯარი და ასე დაუმარცხებიათ, რომ იმ დღეს არცერთი ქართველი მეომარი არ დარჩომილა ტყვის უშოვარი. მაგრამ ომი რომ გადანყვეტილა და პაპაჩემი დიმიტრი ომიდგან გამობრუნებულია, ერთს დაჭრილს ლეკს წასდგომია, შეჩვენებულს მომზადებული თოფი უკრამს გულში უეცრათა და იქვე გადაქცეულა. ლევან ბატონიშვილი თურმე უგზავნის კაცებს: „დიმიტრი ყაფლანიშვილი ჩქარა მომგვარეთ და ჩქარა მომგვარეთ“. ასე მოუთმენლათ თურმე ელოდა. ნაცვლად სიხარულისა, დაღონებული კაცი მიუვიდა: „დიმიტრი ყაფლანიშვილი დიდის ვედრებითა ვთხოვთ, მობძანდეთ და იმის უკანასკნელი სიტყვა მოიხსენოთ“. ამასთან უნაბო, როგორც მომხდარიყო. ლევან ბატონიშვილი მწარის ცრემლით მიბძანებულიყო და დიდი ნუგეში ეცა, მაგრამ პაპაჩემს მოეხსენებინა: „არა, ჩემო ხელმწიფე, მე კაცი ვარ და სიკვდილისათვის არა ვნუხვარ და ნურც თქვენ შეიწყენთ თავსა. მე თქვენის ერთგულებისათვის თქვენის ჭირის სანაცვლო ვიყო, ოღონდ ჩემი სანყალი ცოლ-შვილი გებრალეზოდესთ და თქვენის უხვის მოწყალეებისაგან ნუ დააგდებთ“. ამასთანავე მომკვდარიყო, მაგრამ ლევან ბატონიშვილი თურმე იმ გამარჯვებას გამარჯვებას არ უძახდა პაპიჩემის მოკვლისათვის (ამ ომში პაპაჩემს თან ხლებია დავითა დემურაშვილი და იმისგან ასე გამიგონია).

როდესაც მამაჩემი ვახტანგ მოსწრებია თავსა, ამასაც კარგათ გამოუჩენია თავი და მეფეს ირაკლის თავის ქალს თეკლაზედ დაუნიშნა, მაგრამ ამის ამბავს ცალკე აღვწერ ამისთვის, რომ უფრო სასიამოვნო იქნება და ამათი ცოლქმრობით ჩვენი წახდენილი სახლი როგორ გაბედნიერდება, იმასაც ვიტყვი.

*თა ალექსანდრე ჯ. ორბელიანი, 1845-ს წელსა, ოკტომბერსა, ქ. ტფილისს.*

მე თქვენი და მამულის გულისათვის თქვენი ჭირის სანაცვლო ვიყო, ოღონდ ჩემი სანყალი ცოლშვილები გებრალეზოდესთ და თქვენის მოწყალებისაგან ნუ დააგდებთ.“ ეს უკანასკნელი სიტყვა ძლივს წარმოთქო და კიდეც გარდაიცვალა. ლევან ბატონიშვილი იმ დღის გამარჯვებებს არ უძახოდა გამარჯვებათ პაპისჩემის მოკვლისათვის.

პაპიჩემის დიმიტრის მოსამსახურე დავითა დემურაშვილი თან ხლებია ამ ომში. კარგა მოხუცებული იყო, როდისაც ეს მიანბო. უფრო ბევრი იქნებოდა, რაც დავითასაგან გამიგონია, რომ დამენერა, ამისთვის გამოკრებით ასე მოკლეთ დავნერე. გარდა დავითა დემურაშვილისა, სხვა ძველი თავადებისაგანაც ასე გამიგონია და იმათაც დამსწრე პირთაგან ასე გაეგონათ. დედაჩემსაც ბევრჯერ უცნობებია ასე.

ეს მწუხარება თუმცა სათქმელი აღარ იყო, მარამ პაპიჩემის დედის ელენეს სიყვარულისათვის მოვიხსენე, როგორც უყვარდა შვილი?

მეფე ირაკლის დიდის დიდებით მოესვენებინა აქ ქალაქში პაპიჩემის ცხედარი. სხვათა შორის, თვითონაც გაეგება. პაპიჩემის დიმიტრის დედა ელენე და პაპიჩემის ცოლი თამარი თავისი წვრილი შვილებით ხომ რასაკვირველია.<sup>1</sup>

და სიონთა ღვთისმშობლის ეკლესიაში დასაფლავებინა მეფე ირაკლიმ. პაპიჩემის დედა ელენე შვილის საფლავს აღარ მოშორდა. სამრეკლოს ოთახში იდგა ეკლესიის გვერდით. დილასა და საღამოს შევიდოდა ეკლესიაში, შვილის საფლავს ცოცხით დაგვიდა წმინდათ თავის ხელით. მასკვან საფლავს დაუჩოქებდა და კარგახანი დასტიროდა მწარეთ. მინამ გულს არ მოიოხებდა, არ ადგებოდა. როდისაც მოიოხებდა, გამოვიდოდა და თავის ოთახშივე იყო მწუხარე დიდათ. ამ მწუხარებაში მოკვდა ზედ თავის შვილის საფლავზე, რომელიცა შვილის გვერდით დამარხეს ისიც.

<sup>1</sup> პაპიჩემის დიმიტრის ცოლი თამარი იყო თა ამირინდო ამილახვრის ქალი. პაპიჩემის სიკვდილის დროს დარჩა წვრილი შვილები: მამაჩემი ვახტანგ და ორი ქალი: ეკატერინე და გუქა.



## ცოტაოდენი ამაპვი ყაფლანიღან ჯამბაკურიან-ორბელიანი

ჩვენ ორბელიანნი და ბარათაანნი ერთი ჩამომავლობისანი ვართ. დიახ ძველსა დროში ჯამბაკურიანი-ორბელიანი წოდებულან ჩვენი წინაპარნი, მაგრამ შემდგომ ამათ შვილებსა შორის გამოსულა გამოჩენილი კაცი ვინმე სახელით ქაჩიბაი<sup>1</sup> და ბოლოს ამ ქაჩიბაის ძეთა სწოდებიათ ქაჩიბაისძენი. დასასრულ ამ ქაჩიბაის ძეთა შორის გამოსულა სახელოვანი კაცი ვინმე ბარათა<sup>2</sup> და ამ სახელგანთქმული კაცის სახელის მიზეზით სწოდებიათ ჩვენ წინაპართა ბარათაშვილები, რომელიცა ქრისტეს უწინარესათ მოსულა ჩვენი წინაპარი ჩინეთიდგან ივერიაში, ორბეთში დამდგარა, ამისთვის ამ დიდ დროებში იქნებ კიდევ სხვა გვარები ერთით ჩვენ გვარისშვილებსა გარდა ქაჩიბაისძეებისა და ბარათაშვილებისა? *კარგმა მცოდნე ორიენტალისტმა უნდა გამოარკვიოს საგანი და ჭეშმარიტი შეიტყოს.*

ვახუშტი რომ ამბობს ძველის გვარებისას ქართლის ცხოვრებაში... „ბალუში, რომელი იყო ლიპარიტის ძეო“, მგონია, იმ ლიპარიტის ძენი კიდევ ჩვენ ვიყვნეთ, ამისთვის რომ სამშვილდის პატრონი ყოფილა ის ლიპარიტის ძე, მაშასადამე სამშვილდის მეპატრონენი ვინ იქნებოდნენ თუ არ ჩვენი წინაპარნი, რომელსაცა ჩვენს პირველს მამას, ჩინეთიდგან მოსულს რქმევია სახელად ლიპარიდ. ბაგრატ მეფის ძეს გიორგის მეფის აღწერაში სწერია ასე. – „არამედ კულად განსდგა იოვანე ლიპარიტის ძე. მიუხდა მას გიორგი მეფე მორთული მესხითა და აღსართანც მოიყვანა კახეთით. ვერღარა დაუდგა, იოანე ივლტოდა სომხითს. წარულო ლორწობანი მეფემან აღსართანს. მერმე შემოეყარა მეფე სამშვილდეს. მოიყვანა იოანე ჯავახეთს აფუცა ერთგულებასა ზედა, მისცა კულად სამშვილდე. ქრო. ნზ. ვახუშტის აღწერაში. *ყოველი მოხსენებული საგნები თვით ლიპარიდები ბევრი ყოფილან ჩვენში.*

იქნება ზოგიერთი მოისტორიკოსები გამოძიებაში შევიდნენ „თუ ორბელიანები იყვნენ, ამთენი გვარის წოდება რა არისო?“ – აქ

<sup>1</sup> ვინაიდგან უწინდელს დროში ნათლობის სახელის გარდა, სხვას მომატებულს სახელს დარქმევდნენ ზოგიერთსა, ამისთვის ამ ქაჩიბაის ნათლობის სახელი სხვა უნდა ყოფილიყო?

<sup>2</sup> იქნებ ამ ბარათას ნათლობის სახელიც სხვა იყო?



მარტივად ვიტყვი, რომ სხვადასხვა ესე გვარი სწორეთ ორბელიანები ყოფილან.

პირველი. ჩვენი სახლის მოხუცებულთ შვილებისაგან გამიგონია, ჩვენი გვარი სწორეთ იმ ძველ ორბელიანთაგან მოდიან, რომლებიცა აქ ზევით ითქვა და იმათაც ასე გაუგონიათ თავიანთ მამებისაგან.

მეორე. ჩვენი წინაპარი ჩინეთიდგან რომ მოსულა, ორბელიანი არა რქმევია, მაგრამ ორბეთში რომ დამდგარა, მაშინ სწოდებია ორბელიანი, ესე იგი ორბეთელი, იმ ადგილის სახელი გვართ გაუკეთებიათ; ორბეთელი კი აღარ უთქომთ, სიტყვა გადუცვლიათ, ჯამბაკურიანიც ზედ დაურთავთ და გვართ დაურქმევიათ ჯამბაკურიანი-ორბელიანი.

მესამე. ვინაიდგან ის ქაჩიბაი ჩინებული კაცი გამოსულა, ამისთვის იმის ძეთა ჩვეულების მიხედვით ქაჩიბაის ძენი დაურქმევიათ, მაგრამ შემდგომად სახელგანთქმული ბარათა რომ გამოსულა, ამის გამო იმის შვილებისთვის დაურქმევიათ ბარათაშვილები; კიდევ ჩვეულებისამებრ სახელის წოდებით. და მეოთხე. როდესაც ჩვენი წინაპარი მოსულა აქ ივერიაში, იქიდგან აქამომდე, რაც მამული დაუპყრია სომხითის მხარეს, კიდევ იმ მამულსა ვფლობთ იმისი შვილები, რომ სხვა უცხო კაცი არავინ არ შემოსულა ჩვენ მამულზე სამფლობელოთ, იმ თავიდგან აქამომდე, თორემ გამოჩნდებოდა. აქ ცხადათა ჩანს, ეს გვარი სწორეთ ჩინეთიდგან არის, რომელიცა იყო მეფის ჯამბაკურიანის ჩამომავლობისა, მაგრამ ამთენ გვარის შეცვლის შემდეგ ჯამბაკურიან-ორბელიანებათ, რადაც ინოდეს ჩვენმა ერთმა სახლმა და არა ბარათაშვილადვე ამის ქვემოთ გამოცხადდება.

ერთს გათენებისას, ჩრდილოეთის ბარათანნი მიუხდნენ სამხრეთის ბარათანთ ფარულად ს. ტანძიას იმათ სასახლეში და დედანულით ასე განწყვიტეს სამხრეთის ბარათანნი, რომ ერთი აღარ დაადედეს ცოცხალი. აბაშის სახლეულობასა, ზურაბის სახლეულობასა და იარალის სახლეულობასა ველარა უყვეს რა,<sup>1</sup> ამისთვის რომ სხვა

---

<sup>1</sup> ეს გვარებიც სწორეთ ჩვენი გვარისანი არიან, თუმცა ესენიც სახელის წოდებით აბაშისშვილად, ზურაბისშვილად და იარალისშვილად იხსენებოდნენ, მაგრამ ბარათაშვილობასაც ირქმევდნენ, ინოდებდნენ.

მხარეს იდგნენ და იქამდისინ ველარ მიუწვდათ ხელი.<sup>1</sup> ეს ამბავი დიდი მეფის თეიმურაზის დროს იყო და ეს საქმე ჩრდილოეთის მხრის ბარათას<sup>2</sup> ექნა, რომ სამხრეთის ბარათაანთ ყმა და მამული დარჩენოდა მას.

იმ უწყალოების დროს, როდესაც სამხრეთის ბარათაანთ უმანკო სისხლი იღვრებოდა იმათ სასახლეში ს. ტანძიას ჩრდილოეთის ბარათაანთაგან, ამ დროს ორი ბიძაშვილი მოარჩინა ღმერთმა. ბეჟან და ყაფლან. მაშინ ბეჟან სადღაც იყო სოფლათ, ეს საშინელი ამბავი რომ მოხდა ტანძიაში. ამ საშინელის ამბის გამგონე მამინვე შიგნით ოსმალსკენ წავიდა, მაგრამ ყაფლან თავისმა ლალამ ხელდახელ გამოიტაცა იმ ჩრდილოელებთაგან თოთხმეტი წლის ყმანვილი და სანაინში მიიყვანა ყაფლანის მამის მეგობარ არღუთაშვილთან. ამისთანას განსაცდელში რომ ნახა ყაფლან არღუთაშვილმა, ჯერ დიდათ შეწუხდა, მასკვან დაუყოვნათ და საიდუმლოთ თავისი კაცები გაატანა და სპარსეთში გაგზავნა ყაფლანის ბიძებთან.<sup>3</sup>

თავის ბიძებამდინ რომ მიახწია ყაფლანმა, მეტათ ისიამოვნეს ძმისწულის ნახვით, ასე რომ გვერდიდგან არ იშორებდენ და შვილსავით ეტრფიალებოდნენ, მაგრამ როდისაც შაეტყოთ და ყოველი წვრილათ მოესმინათ თავიანთი სახლის განყვეტა სახლისკაცებისაგან, მამინვე იმათგანი ერთი<sup>4</sup> ამხედრდა ყაენის ნებით და საქართველოზე გამოილაშქრა მძლავრის სპარსელების ჯარით. ყაფლან და იმისი ლალაც თან იახლნენ.

ის მძლავრი ჯარი მოვიდა და მარაბდას ჩამოხტა. აქედგან საქართველოს მეფე დიდი თეიმურაზ, ძლიერის ქართველებით გავიდნენ და პირისპირ დაუდგნენ.

შეიქნა ბრძოლა და სისხლის ღვრა. რაისათვის? – ყაფლანს უნდოდა თავის საკუთარი მამული დაეპყრა, ბარათა ერიდებოდა მაგი-

<sup>1</sup> თ<sup>ა</sup>-დი სოლოლაშვილიც სწორეთ ჩვენი გვარეულობისა არის, თუმცა სოლოლაშვილები ამბობენ „ოსმალოდგან მოვსულვართო“, დიახ, ოსმალოდგან მოსულან, მაგრამ გარემოების გამო აქედგან გადასული, ისევ აქეთკენ გადმოსულა იმისი მომავალი და თავის მამა-პაპის მამულზედვე დამდგარა.)

<sup>2</sup> ეს ბარათა ამ მეფის თეიმურაზის დროინდელი არის და პირველი ბარათა სხვა იყო, რომლისაგანაცა გვერქო სახელის გვარი.

<sup>3</sup> ყაფლანის ხუთი ბიძა იყვნენ გამოჩენილი კაცნი შააბაზთან, ხოლო თათრები. ყმანვილები ტყვეთ წაყვანილები.

<sup>4</sup> ნათლობის სახელი ვახტანგ რქმევი და შააბაზის ყორჩიბაში ყოფილა.

ერი არ მიეგო ყაფლანს, და საქართველოს მეფეს ეშინოდა საქართველო არ წაერთოთ ყიზილბაშებს, ამის გამო ორივე მხრის ჯარები ძლიერად და ძლიერად აჭირვებდნენ ერთმანეთსა და ჯარის კაცის სისხლი იღვრებოდა უწყალოთა.

პირველ ყიზილბაშები დამარცხდნენ და უკანმოუხედავად გაიქცნენ, მაგრამ თორმეტი ათასი დასვენებული პირველი მეომარი გამოვიდა იალღუჯის მხრიდან ყიზილბაში; ყორჩიბაშის ბძანებლობის ქვეშე და მიტეულს ქართველების ჯარში დაერივნენ, გაქცეული ყიზილბაშებიც დაუბრუნდნენ და უკან წამოიყვანეს ქართველები. ვინც საჩქაროთ გამობრუნდა, თავი მოიჩინა, ვინც არადა, ზოგი ყიზილბაშის ხელით მოიკლა, ზოგი დაიჭირეს და ზოგი დაჭრილები დარჩნენ ადგილობრივ. ასე გასინჯეთ, მეფემაც ძლივს მოიჩინა თავი. ადრითვე ბარათამ დაატყო, რომ ქართველების საქმე წახდა, მაშინვე თავისი სახლისშვილებით გაიქცა, თავის სახლში მიიჭრა, იქიდგან ცოლშვილები მოიტაცეს და ოსმალოსკენ გაიქცნენ. პატარა ყაფლან თავის ლალით და ყიზილბაშის ჯარით თაფარავანის ტბაზე მოენივნენ. მხოლოდ ბარათა მოკლეს და იმისი სულერთიან სახლეულობა განათავისუფლა პატარა ყაფლანმა, რომ პატივის მეტი სხვა არარა ავნო რა.

ამ საქმის დაბოლოებასთან საქართველოს მეფე მოინდო ყორჩიბაშმა და თავის ძმისწულს ყაფლანს, მკვიდრი მამული დაუმკვიდრა, რომ ვერარაი წინააღმდეგი მიზეზი ველარ მოშლიდა. მერმე აილაშქრა და ყიზილბაშისაკენ წავიდა. ამ მიზეზით ყაფლან ასე განძლიერდა, რომ საქართველოს მეფესაც ეშინოდა, მაგრამ ყაფლანს როგორათაც მართებდა თავის მეფის ერთგულობა, ისე გულშენირული იყო მისთვის. ამასთან მაგთენი დრო აღარა გამოვიდა რა, გამორჩენილის თავადის ქალი მოიყვანა ყაფლანმა და იმაზედ დაინერა ჯვარი, რომლისაგანაცა ღმერთმა მისცა ხუთი ძენი. პირველი – პაპუნა, მაგრამ უშვილოთ ამონყდა. მეორე – ასლან, მესამე – ორბელი, მეოთხე – თამაზ, და მეხუთე – გიორგი. შემდგომ ამისა, ჩვენთა წინაპართა მოინახეს ჭეშმარიტი ძველი გვარი, ისევე განიხლეს ჯამბაკურიანი-ორბელიანი; ესე იგი ყაფლანის ჩამომავალთა<sup>5</sup>, მაგრამ სხვები ისევე ბარათაშვილად დარჩნენ. ვინაიდგან ბარათასაგან შეემთხვათ ვნება, ამისთვის იმათი სახელგვარი გან-

<sup>5</sup> ამის გამო ყაფლანმა თავის მესამე შვილსა დარქო სახელი ორბელი.

იმორეს ჩვენთა წინაპართა და მასაქეთ იმათი შვილიშვილები ვინოდებით ჯამბაკურიანი-ორბელიანი.<sup>1</sup>

აი მიზეზი, ან ბარათაშვილად რად ვინოდებოდით ადრითვე და ან ყაფლანის მომდევარნი რათ ვინოდებით ახლა ჯამბაკურიანი-ორბელიანი. სულერთიან ეს მცირედი ამბავი ზოგი ჩვენ ყაფლანიანთ სახლის მოხუცებულთაგან გამიგონია, ზოგი ქართლის ცხოვრებიდგან ვიცი, ზოგი ჩვენ მამაპაპათ წიგნებიდგან, ზოგი მოსე ხორენციის ძველი ისტორიიდან ზოგი სტეფანე ორბელიანის დანერლი ისტორიით და ამათგან შევადგინე ეს პატარა თხზულება ჩვენი სახლის ისტორიისათვის.

*ჩვენი წინაპრები ძველ დროში სომხები ყოფილან, მაგრამ არ ვიცი, რომელ დროში მიუღია საბერძნეთის სარწმუნოება რომელსამე ჩვენს წინაპარს? ეს კი გამიგია, რომ ჩვენს წინაპარს რომელსამე საქართველოს მეფის ქალი შეერთოს ცოლათ. იმას მიეღოს საბერძნეთის სარწმუნოება და იმისგან მოვდიოდეთ ჩვენა. მაგრამ რომლებსაც უთქომთ, არც იმ მეფის სახელი იცოდნენ, რომლის ქალი შეურთამს, არც იმ ჩვენი წინაპრის სახელი და არც დრო, რომელს დროში ყოფილა. მაგრამ დამტკიცებით უთქომთ, რომ სწორეთ ასე არის.*

თა ალექსანდრე ვახტანგის ძე ჯ. ორბელიანი.  
10-ს იანვარს 1852-სა წელსა. ქ. ტფილისს.

---

<sup>1</sup> ჩვენი დიდი პაპის სახელის დაუვიწყებლობისათვის ყაფლანის შვილებათაც ვიხსენებთ იმისი შთამომავალნი.

## ბიჟი ალაღუა

ალამამადხანის მოსვლის წინა წელიწადებში იყო ეს ალაღუა და თფილისის ბაზრებში როტავდა რაღაებსაც და ხალხსა აცინებდა. თურმე ბევრჯელ ეტყოდა ბიჭებს.

– ჰო, რას დამცინით ბიჭებო? – ასეთი დრო მოვა, კუკია ქალაქათ იყოს და ვერის ხიდი ქალაქის ალაყაფის კარათ.

კარგი გიჟი ყოფილა? – კუკია ეხლა ქალაქათ არის და ვერის ხიდთანაც ჩქარა იქნება ალაყაფის კარი, ანუ საყარაულო ზასტავა.

თა ალექსანდრე ჯ. ორბელიანი

ს. კაზრეთს – 11-ს დეკენბერს. 1854-ს წ.

## ორბელიანთ აგზავნი

ჩემმა მახლობელმა მცნობმა, სტეფანე მდივანოვმა მომიტანა თავისი ნათარგმნი, სომხურიდგან ქართულად, სხვადასხვა საქართველოს ძველი ანბავი. სასომხითოს ძველი უბნობა. ამას სომეხნი სომეხს სასწავლებელში ასწავლიან ისტორიად ყმანვილებს, სადაც ორბელიანთ მცირედი ანბავიც არის დანერილი. მე ეს დიდის კმაყოფილებით აღმოვწერე „ცისკარში“ დასაბეჭდავათ. ვიცი და დარწმუნებული ვარ, რომ ყოველი ორბელიანი სიამოვნით წაიკითხავს ამას. გარდა ამისა სტეფანე მდივანოვი დაგვპირდა, ორბელიანთ ისტორიას სრულად გადმოვთარგმნო. ჩვენც ამ შრომისათვის დიდ მადლობას განუცხადებთ, მაგრამ გთხოვთ, რაც საქართველოს შეეხებოდეს, სხვებიც გადათარგმნოს, რომლებსთვისაც უფროს მადლობელი ვიქნებით.

სასომხეთოს ძველს უბნობაში:

მასწავლებელი ჰკითხავს მოწაფეს: – საიდან მომდინარებულ იქმნენ ორბელიანნი, ანუ ვორბელიანის (სომხურად) ნათესავი?

მოწაფე – ორბელიანთ ნათესავი, (ჭინელთ) ჩინელთ ნათესავთაგან არიან, რამეთუ (ჭენბაკურ) ჯანბაკურ, ჩინელთ მეფის დროს აღრეულობისა გამო ძეთა მეფისათა იწყეს ურთიერთისადმი ბრძოლა, და მას დროს ერთ კერძოთ თვისის კერძობითურთ საქართვე-

ლოსა შინა განივლტო და ქართველთ იხილეს, რამეთუ იგინი არიან ფრიად მამაცნი, მისცეს ორბეთის ციხე და სხვანიცა მრავალნი ადგილნი სამკვიდრებლად. ამ ციხის ორბეთის სახელწოდებისა გამო, შემდეგ ეწოდათ ორბელიანი, ანუ ორბელიანნი, ესე იგი ორბეთელინი. ეს ნათესავნი ვითარცა ქართველთათანა, ეგრეთვე სომეხთათანა აღირივნენ და ბაგრატიონთ კვერიკიანთ მეფეთათანა იმძახლეს<sup>1</sup>

– ორბელიანთ ვითარი პატივი და პირველობა აქვნდათ?

– ორბელიანთ საქართველოსა შინა სპასპეტობა აქვნდათ და იყვნენ ყოველნი მეფის თანამდებობის აღმასრულებელნი. მათს უფლებასა ქვეშე იყვნენ და აქვნდათ 12 საკუთარი დროშა, და თვითეულის დროშას ქვეშე 1000 მხედრობა ჰყვანდათ. რადგანც მეფეთ ნიშანი დროშისა წითელი იქნებოდა თეთრსა ზედა, ამისათვის ბრძანეს, რამეთუ განსხვავებულ იყოს, რომ თეთრი იყოს წითელსა ზედა და ოდესაც მეფის პირისპირ მივიდოდნენ, ეპყრათ ხელთა შინა არწივის თავიანი კვერთხი და მეფეთ მეჯლიშსა შინა, ყოველთ მენახეთა ზემოთ დასხდებოდნენ და თვინიერ ამა პატივსა ქართველთ მეფეთ გვირგვინის დამდგმელნიც იყვნენ.

– ოდეს დასრულდა ნათესაობა ორბელიანთა?

– მეთორმეტეს საუკუნესა შინა, ქართველთ მეფემ დავითმა, ძე თვისი დემნა, მცირე წლოვანი მიანდო დიდებულთა თვისთა და ივანე სპასპეტსა, რომელიც იყო ორბელიანთ ნათესავი, რამეთუ ოდესაც დემნა აღიზარდოს, იგი ჰყონ მეფედ და როდესაც აღიზარდა ყრმა იგი, იოანეს სურდა გამეფება მისი, და გიორგიმ დავითის ძმამ, რომელიც ქართველთა ზედა მეფობდა, შეიპყრა ივანე და დემნა და ორნივე თვალთაგან მოაკლო და უბრძანა, რომ ორბელიანთ ნათესავი ერთობ აღხოცონ, რომელთაცა მოსვლა ჭინელს ქვეყნისაგან ათას წელიწადსა ზედა უმეტეს იყო, და ამ ნათესავის ამოწყვეტა იყო 1177-სა წელსა შინა, მხოლოდ განთავისუფლდა ივანეს ძმა ლიპარიტ, თვისსა ორის შვილით, ელიკუმის და ივანეთი, სპარსეთსა შინა წარსულნი და მათგან კიდევ იწყო გამრავლება, თამარ დედოფლის დროსა, რომელიც გიორგის მოადგილედ იქმნა,

<sup>1</sup> მგონია ეს კვირიკე კახეთს გამეფდა. ამან მიიღო პირველად კახეთის მეფობა. მაგრამ ეს კვირიკე ბაგრატიონი არ იყო. ეს იყო კახეთის მთავარი ანუ ქორიკოზის ფადალი, არემანელის ჩამომავლობა. – ნახე ქართლის ცხოვრება.

და ივანე განჯის ამირასთან მისულიყო, და უკუ მიაქციეს თვისსავე ორბეთის ციხისა შინა.

– ორბელიანთ ქვეყანა სად იყო?

ორბელიანნი პირველად დაემკვიდრნენ ორბეთის ციხესა შინა, რომელიც იგი არს სამშვილდესთანა. თქმულ არს, რამეთუ პირველი მათი სამკვიდრებელი იყო სომხითსა, გუგარის ტაშირის თემსა შინა, და ჰფლეს ეგრეთვე დმანისსა, ხუნას და ქალაქებს და რადგან გუგარის თემი მას დროსა მფლობელობასა ქართველთა ქვეშე იყო, და ამისთვის მუნ მრავალნი ქართველნიც იპოებოდნენ და შემდეგ 11-სა და 12-სა საუკუნესა შინა ორბელიანთ ნათესავი განფენილ იქმნა სივნელთა ქვეყანასა და მუნ მრავლის პატრონი შეიქმნენ და ვაჰიელთ ხეობის თემისა, და სხვა მრავალნი ადგილნი დაისაკუთრეს და მოყვრობით აღერივნენ და შეერთნენ სომეხთათანა. ამ ნათესავთაგან იყო სტეფანე ორბელიანი, ანუ ვორბელიანი (სომხური) ტარსაიჭი, ათაბაგის შვილი, რომელიცა შემდეგ 1285-სა წელსა სივინელთ ეპისკოპოზი იქმნა, რომელმაც ორბელიანთი და სივნელთ ნათესავის მოთხრობა აღწერა.

– ორბელიანნი სად დაეფლვოდნენ?

ქართველთ ქვეყანა შინა მყოფთა, სასაფლაო იყო ბეთანიის მონასტერი<sup>1</sup>, სივნელთ ქვეყანასა შინა მყოფთ ორბელიანთ სასაფლაო იყო ახალმონასტრად წოდებული მარტო მყოფელთა ვაჰათელთ ხევთ თემსა შინა და ცოტაოდენ დაფლულ, თატევისა მონასტერსა შინა.

– ორბელიანთ ნათესავთაგან ვითარნი გამოჩენილნი კაცნი ყოფილან.

ესე ნათესავნი ფრიად მამაცნი და მხნე გულის მექონნი იყვნენ, და დროსა და დროსა შინა ძლიერ გამოჩენილნი მხედარნი იყვნენ: რომელნიმე ქართველთა მეფეთა შორის და მასთანვე სომხეთის

---

<sup>1</sup> დიდი ხანია ბარათიანთ და ორბელიანთ, ერთ გვარის ჩამომავლობას ვეძებ, რომელიცა ამაზე დარწმუნებული ვიყავ. ბარათიანიც ორბელიანთ გვარისანი იყვნენ, მაგრამ დაუმტკიცებელი, რომ დამეწერა, რა იქნებოდა? – ახლა დამტკიცებს ეს სომხური ისტორია: ძველს დროში ორბელიანნი იმარხებოდნენ ბეთანიის მონასტერში და შემდეგ ბარათიანად წოდებულთ სასაფლაო ყოფილა, ვიდრე სომხითი წახდებოდა. პირველი თქმული ესე ისტორიით დამტკიცდა და მეორე ცხადია ჩვენთვის. აქ ცხადად გამოვიდა ორბელიანთ სასაფლაო. ისევ იმას გვარისვე დარწმუნოდა, სადაც სხვა გარეშე გვარი არავინ არ შემოსულა იმათ მამულზე, თორემ გამოჩნდებოდა და არცა დაგვემალებოდა ჩვენ.

სამძღვრებსა შინა 10-ის საუკუნითგან, და შემდეგ დიდის მამაცობით დაიცევდნენ, ოდეს თათარნი და სპარსნი წარმოემართებოდნენ.

– ზემოხსენებულთ უპირველესობისა, სხვა რაი უპირველესობა აქვდათ სომხეთსაშინა.

თვინიერ ამის არიან სხვანი უპირველესობანი და ნათესაობანიცა, რომელთა დასაბამის და ქვეყნის უცნობლობისათვის ამასა რიგსა შინა არ დავსდევით და უკეთუ იხსენებინ, ისევე ჩვენის მეისტორიეთაგან, ვითარცა ბაგრატიონთ ნათესავთ მიმდინარეობა, მამიკონიანთი და არწრუნიანთი.

ესე ყოველი მოთხრობა ქართველთა და ორბელიანთა აღწერილი არს კითხვა-მიგებით, რათა ყოველთა სომეხთა გამოჩენილთა სასწავლებელთა შინა კითხვა-მიგებით ასწაონ, ვითარცა ვენეცია-სა შინა, ეგრეთვე ყოველს ქვეყანაში, სადაცა არიან სომეხნი.

თ. აღ. ჯ. ორბელიანი



## ჩემი ქალი მარია (ყმანვილობისას მაიკო.)

მე ასე მგონია, მთელს ქვეყანაზე ერთი სახლეულობა არ იყოს, რომ თავის შინაურს სახლეულობაში ისტორია არა იყოს რა, ანუ მოთხრობა? – მცირედი ანუ დიდი? – სამწუხარო ანუ სასიხარულო? – ვინ იცის, რამთენი ამბავი იკარგება ქვეყანაზე და მხოლოდ ღმერთია იმათი მონამე. ჯერ მოვინადინე ჩვენი სახლეულობის ამბავი ვრცლად აღმენერა, მაგრამ რადგან ეს საგანი სრულიად სახლეულობას არ შეეხებოდა, ამისთვის მხოლოდ ჩემს მაიკოს კეთილ ცხოვრების ამბავს აღწერე; ისიც იმისათვის, რომ ახლად გარდაიცვალა. ნეტავი ღმერთს ენებებინა, არც იმის ცხოვრება დამენერა, ახ! რა კარგი იქნებოდა, იმის მშობლებისათვის და იმის საყვარელის დის დარიასთვის. ჯერ რა დროს იმის ცხოვრების ამბავი იყო. ჯერ იმას უნდა ეცოცხლა და თავის კეთილ განძრახვა შეესრულებინა.

1832-სა წელსა, დეკემბრის 11-სა ანუ 12-ს შუალამის შემდეგ, ჩემ სახლეულობას რომ გამყარა მე რუსეთის მთავრობამა, ჩემ ამხანაგებთა შორის მეც დამაპყრობილეს; დარჩა ჩემი მეუღლე ეკატერინე ორსულათ, მაშინ, როდესაც რომ ქალ-ვაჟი ჰყვანდა და მესამე ყრმისათვის ემზადებოდა.

წარსრული რალა უნდა ვთქო? რამთენი შვილები დაგვეხოცა მე და ჩემს ეკატერინეს და ახლა იმისი უნდა ითქვას, რომელზედაც იწერება ეს ამბავი. ამის ზევით მე რალა ვთქვი ქალ-ვაჟი ჰყვანდა მეთქი. ქალს ერქო დარია (ყმანვილობისას დარიკო), და ვაჟსა დავით (ყმანვილობისას დათიკო.). დარიკო იდგა მეხუთეს წელიწადში და დათიკო მეორეში. იქ იმ საპყრობილეში მამივიდა წიგნი ბატონიშვილის დედი ჩემისაგან. მოენერა. – „ჩემი რძალი ეკატერინე დანვა, ღვთის მოწყალეებით მშვიდობით განთავისუფლდა და საუცხოვო ქალი დაგვებადა. **1833-სა წელსა ივლისის 13-სა დღესა.** ეს ცამეტ-ცამეტი დრო არ მომეწონა. ამის შემდეგ რვა თვემ განვლო. ამ დროებში ჩვენ სახლეულობას და მახლობელ ნათესავებს ჩვენთან ჰქონდათ სიარული მთავრობის ნებით. ერთს დღეს ჩემა მამიდაშვილმა მაკამ მითხრა. – „თუ გინდა შენს რვა თვის ქალს მაიკოსაც მოვიყვან შენთანაო.“ რომელსაცა ქალ-ვაჟი ხშირათ მოჰყვანდა და ამ დროსაც ჩემთან ჰყვანდა ორივ. ეს ჩემი მამიდაშვილი მაკამეგათ საყვარელი იყო ბატონიშვილი დედიჩემისა და მთელი ჩვე-

ნი სახლეულობისა; დიდი ღვანლიც ჰქონდა ყველაზედ და მეც განუსაზღვრელი პატივისცემა მქონდა იმისი. ჩემი მაიკოს უზომო მშვენიერება გამეგონა და სიჩუმე. ბევრჯელ ღამეს გაათენებდა, ხმას არ ამოიღებდა, არამც თუ ეტიროს. მაშინ, როდესაც რომ ეღვიდა ხოლმე და მინამ ძიდა ძუძუს არ მისცემდა, არ მოითხოვდა. იმის მშვენიერებასთან, ის საკვირველი ხასიათი მესმოდა და რასაკერეღია, დიდის სურვილით მოვიწადინე იმის ნახუა. ამის მეორე დღილაზედ ჩემთან შემოსულიყო მაკა და იმის ქალი თამარი. ეს თამარიც თავის დედის მსგავსათ გვიყვარდა ყველას და ჩემს ეკატერინესთანაც დიდი მეგობრობა ჰქონდა. იმის შემოსვლაში მე თურმე ფანჯარაში ვიყურებოდი დაფიქრებული. ის ყმანვილი მაკას მიეყვანა და ჩემ პირდაპირ დაესო ტახტზე. ამ დროს მაკას ხმა მამესმა, – „აბა შემოიხედე, ვინ მოგვარე?“ შემოვიხედე, ერთი მშვენიერი პატარა ქალი დავინახე, ტახტზე იჯდა, თეთრი შლაფორი ეცო და ნითელი შალი ქონდა მოხვეული თავზე, მაშინვე გავექანე და ზევიდგან დავხედე. მინამ ხელში ავიტაცებდი, უეცრათ შემამხედა, და ასეთი კეთილის ღიმილით შემამღიმა, რომ უკეთესი საამო აღარა იქნებოდარა ჩემთვის!... იმისი თეთრ სპეტაკი მრგვალი პირისაზე და ცოტათ მონითალო ლოყები, პატარა ლამაზი ცხვირი და პატარა ალისფერი მომრგვალო ბალახ ბაგეები, ცოტათ შავი მოყუყუნარი თვალები და გაყოფილი წვრილი წარბი ასე აშვენებდა იმას, რომ ანგელოზი წარმამიდგა, რომელიცა იმისთანა მშვენიერი ყმანვილის მნახავი არა ვარ ჩემ დღეში და ვისაც კი ენახა, ისინიც ასე ამბობდნენ! ... ეს ყმანვილი ავიტაცე, გულზე მივიკარ და მშვენიერს ლოყებზე დაუნყე კოცნა მშობლიურის სურვილითა, რომელმაცა თავისი პატარა ლამაზი ხელები პირზე დამანყო ალერსითა და თან მეღიმებოდა უუკეთილესის ღიმილითა. ამ ალერსში მე ჩემს მამიდაშვილს მაკას უთხარი, უკმაყოფილოთ. – „მაკავ. – ეს ჩემი მაიკო თუ ამისთანა მშვენიერი იყო, აქამდისინ როგორ არ მომგვარე?“ ის გაცინებით მოვიდა და ალერსით მაიკოს უთხრა. – „მაიკო, მამას უთხარი, ბატონიშვილი არ მიშვებდა, უჩემოთ სნუხსთქო.“

ამის შემდეგ, კვირაში ორჯელ მოჰყვანდა ჩემს ეკატერინეს ჩვენი შვილები ჩემთან და სახლეულობის სიყვარულით ვნუგეშობდნი.

იმ პატარა მაიკომ დიდათ შეაყვარა თავი ყველას. – თავის საუცხოვო ხასიათისათვის და იმის უზომო მშვენიერებისათვისა,

ბატოიშვილმა დედიდა ქეთევანმა უწოდა. – „ქალთ ხელმწიფა.“ ბოლოს 1834-სა წელსა ივლისის თვესა; საპყრობილიდგან გამოგვიყვანეს მე და ჩემი ძმა ვახტანგ და ჩვიდმეტი დღე დავრჩი ჩემ სახლულულობაში, რომლებიცა სხვები კი ადრე გამოიყვანეს და რუსეთისაკენ გაამგზავრეს. რასაკვირველია, ეს ჩვიდმეტი დღე როგორი სანუგეშო იქნებოდა ჩემთვის ჩემ სახლულულობაში. ერთს დილაზე ჩემი პატარა მაიკო მეჭირა ხელში და მოაჯირზედ დამყვანდა, ამ დროს მოსამსახურეს სუხარი მოქონდა ბაზრიდგან რომელთაცა ჯერ ჩაი არ დაგველია, ერთი სუხარი გამოვართვი და ჩემს მაიკოს მივეცი. თუმცა სიამოვნის ღიმილით გამამართო, მარამ პირზე არ მიიკარა და ისე დაიჭირა ხელში; მე სიამოვნით დავკოცნე და მასუკან უთხარ. – „შენ გეთაყვანოს ჩემი თავი, ჩემო მაიკო, რატო მაგ სუხარს არა სჭამ?“ და მეტი სიამოვნით თვალეებში ყურება დაუნყე. იმან ჩვეულებისამებრ კეთილის ღიმილით შემამღიმა და კარგა ხანი მეღიმებოდა. ამაობაში ერთი დედაკაცი შემოვიდა ალაყაფის კარიდგან ეზოში, ორკეცად ჩადრი ქონდა წამოსხმული და მოწყალეა ითხოვა. რამ წამს ჩემმა მაიკომ დაინახა, მაშინვე ის სუხარი იმ დედაკაცზე მიიღო მისაცემათ. მე მაშინვე კიბზე ჩავედი და იმ დედაკაცთან მივედი, მისვლასთანვე ის სუხარი იმ დედაკაცს მისცა, დედაკაცმა გულმხურვალე დალოცა და ბოლოს უთხრა. – „ქა გენაცვალე პატარა ქალო, რა ანგელოზი რამა ხარ.“ მინამ დედაკაცი ამას იტყოდა, ჯიბიდგან ერთი აბაზი ამოვიღე და მაიკოს მივეცი, მაიკომ ისიც იმ დედაკაცს მისცა. ის დედაკაციც ბევრის ლოცვით წავიდა. და მეც ჩემი მაიკო კოცნით ამოვიყვანე მოაჯირზე. საკვირველი იყო ჭეშმარიტად, ჯერ იმისი ტირილი არ გამეგონა, მხოლოდ ლამაზი ტყიპტყიპი იცოდა და თავის დედას რომ დაინახამდა ხოლმე, მეტის სიამოვნით ჩაიკასკასებდა და ხელებს გაუშლიდა, ჩქარა აეყვანა. ყუელას ასეთი საყვარელი იყო და სატრფიალო, რომ ყველანი სულში იძვრენდნენ; ნამეტნავათ ბატოიშვილი დედიდა ქეთევან, ბატოიშვილი დედა ხომ რასაკვირელია და ერთობლივ უძახდნენ. „ქალთ ხელმწიფას.“ აქ ჩემი ეკატერინესი რაღა უნდა ვთქო, როგორის სურვილით უყვარდა და ან როგორ დალოლიებდა თავის მშვენიერს მაიკოს!... ერთხელ კიდეც ხელში მეჭირა და მოვინადინე მაიკოს ტირილი გამეგონა, როგორის ხმით ტიროდა. ცოტად მაგრად შემოვკარ ლოყაში, მაიკომ გაკვირვებით შემამხედა

და მეორეთ უფრო მოუმატე და ცოტათაც გაუჯავრდი, ის ლამაზი ტუჩები აათრთოლა, თვალებში მარგალიტური ცრემლები მოერიო, ყელზე გადამეხვია და დიახ დაბლის ხმით გულში ჩამქვითინა. სწორე უნდა ვთქო, მე უფრო ადრე ვიტირე, მინამ ჩემმა მაიკომა და საჩქაროთ გულზე მივიკარ ალერსის დაყვავებით.

შინაურებთან ჩემს გაყრას ყველანი წარმოიდგენენ, როგორც იქნებოდა, მხოლოდ ამას ვიტყვი, ასეთი წიგნი არ მომივიდოდა ჩემი ეკატერინესაგან ორენბურღში, მაიკოს ქებით სამსე არ ყოფილიყო, რომლისაცა ზოგიერთის იმ წიგნის ამბავს ვიტყვი და რაც მახსოვს, იმას დავწერ.

*ვთქოთ, ვითომ პირველი წიგნი ეხლა ეს არის ჩემი ეკატერინესი ჩემთან მონერილი. მე რომ ქ. ტფილისიდან გამომამგზავრეს, იმის სამის წელიწადის შემდეგ და ამასაც მწერდა.*

„საკურველათ ემსგავსება თავის ბებია ბატონიშვილს სახით და ხასიათით.“<sup>1</sup>

ჩემს ეკატერინეს თავის მეორე წიგნში მოეწერა.

„ჩვენი პატარა მაიკოსთვის ვიღასაც დაუსწავლებია ეს ლექსი, რომელიცა სულ ამას ამბობს და ხან სიმღერით იტყვის ხოლმე,

აბუბუდი ფუტკალო,  
წადი მამას უთხალო,  
შენ ლომ შვილებს მოშოლდი,  
შენ ღმერთ ლაღა უთხალო.“

ამის მესამე წიგნის ბოლოზე რაღაებიც იყო დახაზული და დახაზულის დასასრულზე ჩემს ეკატერინას მოეწერა

„ამ წიგნს რომ ვწერდი, ჩვენი პატარა მაიკო მოვიდა ჩემთან, და სიამოვნით მითხრა.“

---

<sup>1</sup> ბატონიშვილი დედაჩემი და ჩემი ძმა ვახტანგ რომ ნასულიყვნენ ქ. კალულაში ჩემი პატარა შვილი დათიკო მომკვდარიყო, რომლის სიკვდილი დიდის მწუხარებით მოეწერა ჩემს ეკატერინეს ჩემთვის. მე რომ ქ. ტფილისიდან წამომიყვანეს ორენბურღისაკენ, ჩემი ეკატერინე რამთენიმე თვის ორსული დარჩა და რამთენიმე თვის შემდეგ ჩემი ეკატერინეს წიგნი მამივიდა:

დავწექ; ღვთის მონყალბით მშვიდობით განვთავისუფლდი და ქალი მოგვეცა, რომელსაცა დავარქვით ელენა. ბატონიშვილი დედა კალულისაკენ რომ წაეყვანათ, აგვისტო თვე ყოფილიყო 1834-ი წელი, ესე იგი ერთი თვის ჩემს შემდეგ და იქიდან რომ მოეყვანათ, ქ ტფილისშივე ივნისის თვე ყოფილიყო 1835-ი წელი. ბატონიშვილი დედას მოსვლასთან ქ ტფილისში, მაგდენი დრო აღარა გამოვიდარა, ჩემი ეკატერინეს წიგნი მამივიდა, რომელშიაც პატარა ქალის ელენეს სიკვდილს იწერებოდა და ეგრეთვე მწუხარებას.

– „დედავ ლასა სწელლ, გეთაკვანე?“  
– „შენ მამასთან ვნერ, ჩემო მაიკო.“  
– „მეც მივწელ, გეთაკვა, დედავ.“  
– „მოდო აქ, ჩემთან დაჯექ, მე გავათავებ და მასუკან შენ დან-  
ერე.“

„მინამ წიგნს გავათავებდი, ერთი საათი მეტი იჯდა ჩემთან, რომ ხმა არ ამოუღია და წიგნის გათავებას ელოდა. როცა გავათავე, ჯერ კალამი მარჯვენა ხელში მივეცი და მასუკან წიგნი დაუდე მუხლზე. წიგნი მარცხენა ხელით მაგრა დაიჭირა და მერე მკითხა.“

– „დედავ, სად დავწელო?“

მეც გათავებულ წიგნის ბოლოზე ვაჩვენე, დაუნერეელ ქალ-  
აღღზე. „ამაზე დანერე, ჩემო მაიკო.“

„მოჰყვა და რაღაებოც დახაზა; როცა გაათავა, მეტის სიამოვნით  
გაიცინა და მეც გაცინებით უთხარ.“

– „მამას რა მისწერე, ჩემო მაიკო?“

ამ სიტყვაზე მძიმეთ ამოიოხრა და მასუკან დაღონებით მითხრა.

– „ნადი წიგნო, ჩემს საკვალელს მამას აკოცე.“

ამ წიგნის დასრულებასთან ორიოდ სიტყვა კიდევ მოენერა ჩემს  
ეკატერინეს ჩემთან.

„მე არ შემოძლიან ამ პატარა მაიკოს ქება გამოვთქო, ყოვლის-  
ფრით საკვირველი რამ არის! ასე უყვართ ყველას, მეტი აღარ იქნე-  
ბა; ნამეტნავათ ბატოიშვილის ქეთევანისა რაღა გითხრა. ჭეშმარ-  
იტად ბედნიერი ქალია!“

ამასთან მეოთხე წიგნი მამივიდა ჩემი ეკატერინესივე.

„დღეს შუადღეზე ცოტა ადრე დაიძახეს, ბატოიშვილი ქეთევან  
მობძანდებო. ამ დროს მაიკო, ბებია ბატოიშვილს უჯდა გვერ-  
დით, რამ წამს მაიკომ გაიგონა, მაშინვე წამოხტა, კიბეზე მიეგება  
და პატარა ხანს უკან პატივცემულ მოხუცს ხელში ეჭირა და თან  
ტკბილის კოცნით მოჰყვანდა. რაღა გითხრა, ორთავ დებმა შუაში  
ჩაისვეს და მშვენიერის ტიტინით შეაქცევდა ორთავ ასე, რომ გაკ-  
ვირვებული იყვნენ მაიკოს გონიერებაზე და მშვენიერ ლაპარაკზე.“

ბოლოს ბატოიშვილებმა დაითხოვეს, მოაჯირზე ერბინა, თუმცა  
წავიდა, მარამ ისევ ჩქარა შემობრუნდა და ბატოიშვილებს მოახ-  
სენა, „ბატოიშვილებო, ელთი სანალი დედაკაცი მოვიდა. ნალო-  
ბას ითოვს, უბოძეთ გეთაკვანეთ.“ ორთავ თითო აბაზი ქისიდგან

ამოიღეს და მაიკოს მისცეს. მეც როგორღაც გავყევე და უკან მივდევი. დედაკაცი კიბისთავზე იდგა; მივიდა, ის ორი აბაზი მისცა და თან უთხრა.

– „აჰა დედავ, ბატონიშვილები დალოცვე, იმათ გიბოძეს.“

– „ისინიც ღმერთმა დალოცოს და შენც, პატარა მშვენიერო ქალო.“

მეხუთე ეკატერინეს ნიგნში.

„ხანდისხან უწყალო ვარ ჩვენს მაიკოზე და ეს უწყალოება სასიამოვნო არის ხოლმე ჩემთვის. ხანდისხან ტყუილად დავიძახებ.“

– „მაიკოჯან, გული მინუხდება, მიშველე და ვითამც დავოსდები ხოლმე. დაოსებული ხან თავს აქეთ გადმოვავადებ და ხან იქით. ამ მდგომარეობაში მაიკო რომ დამინახამს, გადაფითრებული მამვარდება.“

– „დედაჯან გეთაყვა, დედაჯან გეთაყვა. შენი ჭილიმე დედაჯან. დედა მე მოკდები. – დედა დედა.“ ამ ამბავში ხან გულში ჩამიყოფს ორსავე ხელებს და ხან მეხვევა ხოლმე. ბევრჯელ მოხდება, რომ საცოდავთ ატირდება, მაგრამ როდისაც დავიძახებ, მაიკოჯან, ახლა კარგათა ვარ-მეთქი, მაშინ მაიკო უნდა ნახო, გულში როგორ ჩამეკვრება და ან როგორს სიხარულში არის ხოლმე!“ . . . . .

ჩემს ეკატერინეს მეექვსე ნიგნში.

„ვახშმის შემდეგ ჯერ პირველათ ჩემთან დაწვება ხოლმე მაიკო; კარგა ხანი გულში ჩამეკვრება და ლამაზის ტიტინით მიალერსებს. ბოლოს როდისაც ძილი მოერევა.“

– „ახლა წავალ, ჩემ დალიკოსთან დავიძინებ.“

ამასთან ტკბილად გულსა გადამკოცნის; წავა და დარიკოსთან ერთ ქვეშაგებში დაიძინებს გადახვეული, რომლებსაცა ერთ მხარეს გამდელი იმედისეული უწევთ და მეორე მხარეს მაიკოს ძიდა თამარა.“

ჩემ ეკატერინეს მეშვიდეს ნიგნში.

„მაიკოს ძიდა თამარამ იცის უცხო ზღაპრები, ხშირათ დასვამს თავის ძიძას; ზღაპრებს აამბობინებს და ამით დიდათ შეექცევა ხოლმე, მარამ ნუხელის კი ეტირებინა თამარა ძიძას მაიკო და ტირილით მოვიდა ჩემთან. მე დაუყვავე და მასუკან მიზეზი ვკითხე, რომელმაცა შენუხებით მითხრა.“

– „თამალამ ზღაპალი მითლა; ოლი ლამაზი ციტები იკვნენ და

ოლივ დები იკვნენ. ელთმანეთი ძალიან უკვალდათო და სულ ელ-  
თათ იკვნენო. უნცლოსი ავათ გახდაო და უფლოსმა ბევლი მოუა-  
ლაო, მალამ მოკვდაო ბევლიც იტილაო. ეს უკანასკნელი სიტყვა  
რომ წარმოთქო, ლაპალუპით ცრემლები გადმოყარა და საცოდავით  
ატირდა. მე დიდის დარწმუნებით დაუყვავე, რომ ყოველი ზღაპარი  
ტყუილი არის და რასყოფით დავაჩუმე.“

ჩემი ეკატირინეს მერვე წიგნი.

„მე არ ვიცი, რა უნდა იყოს ან რა არის ამისთანა ქალი? ღმერთო  
გვიცოცხლე ჩვენი ქალი მაიკო, მაგრამ რა ვიცი? – ყოველს დილა  
სალამოს როგორ დადგება მლოცავი და ამისი ლოცვა სულ გულ-  
მხურვალეთ არის ხოლმე, ამ უსუსურის ყმანვილისაგან. – გუშინ  
დილაზე ტანისამოსი რომ ჩავაცვი, ალისფერი კაბა და მუჯასამის  
ქოლისხანი შემოვკარ თავზე, უთხარ.“

– „მაიკოჯან, ნადი მოაჯირზე ირბინე და ითამაშე.“

– „ალა დედაჯან. ძელ ნავალ ხატების წინ ვილოცავ. მელე გამ-  
ოვალ, ჩაის დავლევ და მასუკან ვითამაშებ.“

მე დიახ მაგრა გულში ჩავიკონე და თან უთხარ.

– „ნადი, ჩემო სიცოცხლეც მაიკო, ეგ უფრო მჯობია, შენმა  
გაზდამ.“

სადაც ხატები ასვენია იმ ოთახში ღვთისმშობლის ხატის წინ  
ჯერ ილოცა, მასუკან მეტანია უყარა; შემდგომ დაიჩოქა, ხელები  
განუპყრო და ცრემლით ვედრება დაუწყო. ამ დროს მე ფარულათ  
უყურებდი ღია კარებიდგან. იმის ვედრებაში არავინ არ დარწო-  
მილა, რომ არ შეევედრებინა, ბატონიშვილებიდგან მოკიდებული,  
ყოველი ჩუენი მახლობელი. მაგრამ როდისაც ესენი დაასრულა,  
შემდეგ გულმტკივნეული ქვითინი ამოუშო და ამ ქვითინში ძლივ  
წარმოთქო. მეღთო მამა მიცოცხლე და ცქალა მოიყვანე სენ გეთა-  
ყვანე მეღთო, ეს რომ წარმოთქო, მივედი, დაყვავებით წამოვაცყენე.

– „შვილო მაიკო, მე ხომ აგრე არ გასწავლე. შენმა გაზდამ. ტი-  
რილი განყენს. ისე სიტყვით სთხოვე. შენს თხოვნას ღმერთი შეის-  
მენს, ჩემო მაიკო“ ამასთან ხელი დაუჭირე და დაყვავებით წამოვ-  
იყვანე.

ყოველი ეკატირინეს მონერილი წიგნი მაიკოზე, მეტი სასიამოვ-  
ნო იყო ჩემთვის, მარამ ამ უკანასკნელმა წიგნმა დამაფიქრა – „მე  
არ ვიცი, რა უნდა იყოს და ან რა არის ამისთანა ქალი! ღმერთო გვი-

ცოცხლე ჩვენი ქალი მაიკოვო.“ ამ უკანასკნელს წიგნზედ უკმაყოფილება განუცახდე.

სჯობია რომ ახლა შევამოკლოთ და აქიდგან დავიწყოთ ჩემი მაიკოს ამბავი. სადაც დაიბადა, მისთვის, რომ რაც ყმანვილობას შეშვენის, მგონია, ესეც საკმაოა პატარა ყმანვილის საცნობლათ.

პიატიგორსკს მივიღე თავისუფლება, პიატიგორსკიდან წამოვედი 28-ს თებერვალს 1840-სა წელსა. მეორე დღეს ეკატერინოგრადში მოვედი. აქედგან ექსტრა ფოშტით წიგნი მივწერე ბატოიშვილ დედას: გიახლები მეთქი. ოთხ დღეს უკან კავკაზის მთა გადმოვლე, პატარა ქალაქი დუშეთი გამოვიარე და მინდვრის გზაზე გადმოვედი, რომელიცა პატარა ხანს უკან ლართისკარის ფოშტაში მოვედი; იქ დამხვდნენ ჩემი ორი ძმები დიმიტრი და ვახტანგ; ჩემი რძალი მარია ივანოვნა (დიმიტრის მეუღლე.) და ჩემი უფროსი ქალი დარია. აქ ჩავსხედით კალასკაში და გამოვემართენით.

6-ს მარტს შემოვედით ქ. ტფილისში მშვენიერ მთვარის ღამეს და პირველს ღამის მეთერთმეტე საათზე ბატოიშვილ დედაჩემს გადუეკოცნე ხელები, შემდეგ ერთი პატარა ქალი მოიყვანა ბატოიშვილმა დედამ ამ სიტყვით.

– „აღექსანდრე, აი შენი მაიკო.“

მაიკო გულზე მივიკარ, მაიკო სულში ჩავიმტკბარუნე, მაიკო მუხლზე დავისვი და მშობლურის სურვილით შევხედე. – შევხედე, რომ ის პატარა მშვენიერი სახე აღარ ქონდა. თუმცა სილამაზე და შვენება არ აკლდა, მარამ ის იმისთანა საკურველი მშვენიერება აღარ ჰქონდა და დამკრთალი კეთილი ქცევაც მიეღო, რომელსაცა მეტათ აშვენებდა ამისთანა ქცევა ჩემს მაიკოს.

ვახშმის შემდეგ ჩემი ორი ქალი ერთათ დანვნენ ერთ კრაოტზე, ერთს ქვეშაგებში, ბატოიშვილი დედიჩემის მოახლოვოთ და ამის მეორე დილაადრიან ბატოიშვილს დედას ვიახელ, ადრე იცოდა გაღვიძება და ქვეშაგებში მისვენებული ბძანდებოდა ისევ. რამ წამს დამინახა, მაშინვე წამოჯდა და ტოლომა მოხვეული ქვეშაგებში დაბძანდა, მეც ქვეშაგების ბოლოზე ჩამოვჯექე კრაოტზე. – სასიამოვნოს ლაპარაკის შემდეგ ჩემს ქალებს გადმოვხედე, მაიკო გულში ჩაჰკვროდა თავის დას დარიას და დარიკოსაც მარჯვენა ხელი გადაეხვია ყელზე და სიტკბოების ძილით ეძინათ ორთავე. ამათ ყურება დაუნყე მე, ბატოიშვილმა დედამ შემომცინა, რომ



ჩემს ქალებს დავყურებდი და სიამოვნის ღიმილით მიბძანა.

– „შვილო ალექსანდრე, გამცნევ როგორც გესიმოვნება მაგათი ნახვა, ნამეტნავათ ეგ სახე. ეგ შენი ქალები ასეთი ქალები არიან, რომ შენი და ჩემი რძლის ნუგეშის კვერთხნი იქნებიან თქვენს მოხუცებულობაში თქვენი.“

აბა რაღა უნდა ვთქო, რა სასიამოვნო იქნებოდა ბატონიშვილის დედიჩემის ეს სიტყვა ჩემთვის.

ამ ლაპარაკში დარიკოს გაელვოდა თავის მშვიდობიანის ხასიათისამებრ დიახ წყნარის გაფთხილებით გამოეცალა თავის დას მაიკოს ქვეშაგებიდგან; თეთრი ხალათი ჩაიცო ტანზე და ამ სახით, ჯერ ბატონიშვილს დედასთან მივიდა, კრძალვით ყელზე აკოცა და მასუკან ჩემთან მოვიდა და ხელი მთხოვა. მე ამ ცერემონიის უყვარულმა, გადავებვიე, გულზე მივიკარ და ბევრი დავკოცნე პირზე. ამ ალერსს რომ მოვრჩი, დარიკო ტანისამოსის ჩასაცმელათ წავიდა პანსიონში წასასვლელათ.

ამ ამბავში მაიკოს ტკბილად ეძინა და კეთილი სახე სრულად უჩნდა. ამ ლამაზს და კეთილს პირს კარგა ხანს უყურა ბატონიშვილმა დედამ და მერე მიბძანა.

– „ალექსანდრე. უცხოს ამბავს გაჩვენებ, ოღონდ ერთი რომელიმე მოახლე შემომგვარე აქა.“

მე საჩქაროთ კარზე გამოველ, უფროს მოახლე ვარდისახარს დაუძახე. ბატონიშვილმა უბძანა.

– „ვარდისახარ, იმ კარებიდგან მაიკოს თვალი ადევნე, როცა გაიღვიძოს, შემოდი და თქვი: ერთი სანყალი დედაკაცი გახლავსთ, წყალობას ითხოვს-თქო.“

ვარდისახარ გავიდა და ცოტა ღია კარებიდგან ყურება დაუნყო მაიკოს. – პატარა ხანს უკან მაიკოსაც გაელვოდა და იქ რომ დამინახა, შერცხვა და თავზე საბანი წაიფარა. ამ დროს ვარდისახარ შემოვიდა და ბატონიშვილს მოახსენა.

– „შენიჭიმე, ერთი სანყალი დედაკაცი გახლავსთ; წყალობას ითხოვს უბოძოთო.“

ეს სიტყვა ანდამატი იყო მაიკოსი, ამ სიტყვამ მკვირცხლათ წამოახტუნა; პერანგამ თავის კაბას წამოავლო ხელი და ფეხშიშველა თეთრ სპეტაკი, ლამაზი, პატარაფეხებიანი სხვას ოთახში გავარდა ამ სიტყვით.

– „მოაცდევინეთ, არ წავიდეს, უჯრაში ორი აბაზი მაქვს და იმას მივცემ.“ ამ სიტყვასთან მაშინვე გავარდა.

ბატონიშვილს თვალეებში ცრემლი მოუვიდა და ველარ შემამხედა.

მაიკო კარებისკენ რომ გაიქცა, ვარდისახარ უკან გაჰყვა. მაიკო თავის უჯრასთან რომ მისულიყო და მინამ თავის ორ აბაზს ამოიღებდა, ვარდისახარს ეთქო.

– „მაიკოჯან, კარგი, ეგ ორი აბაზი შეინახე, ის დედაკაცი მადრიელი გაესტუმრებინათ.“

მაიკოსაც ეს სიტყვა ეთქო.

– „მაშ თუ კიდევ მოვიდეს ვინმე სანყალი, შემატყობინე დედაშვილობას, ჩემო ვარდისახარ.“

ამ დილით მაგთენი ხანი აღარა გამოვიდა რა, ერთი ლამაზი პატარა ქალი, ჩემი მაიკოს ტოლა, შავთვალწარბიანი მოჰყვანდა ჩემს რძალს მარია ივანოვნას და უცხოთ ლამაზად ილიმებოდა ის პატარა ქალი. მოიყვანა და მითხრა.

– „წუხელის რომ იკითხეთ, ბოდიშს იხდის ძილისთვის, ეს თქვენნი ძმისწული ლიზიკოა და ეხლა გიახლებათ თქვენთან.“

რასაკვირველია, ესეც გულში ჩავიმტკბარუნე და კარგა ხანი გულში მიკრული მყვანდა.

ეხლა ამ ჩემს ძმისწულს, კარგს ლიზიკოს, სულით ანგელოზს, საუცხოვო ქმარი ჰყავს: მამით რუსეთის პირველი კეთილშობილი ვლადიმირ დავიდოვი და დედით ფრანციელი ლერცოლი გრამონი, რომელსაცა ყოვლის გულით და სურვილით უყვარს ცოლი. აბა რომელი ბიოგრაფია შეედრება ამ ბედნიერებას!..

მცირე ხანის შემდეგ ჩემი მაიკოც გამოვიდა და კარგათ რომ მოვიალერსე ესენი, მაიკომ და ლიზიკომ ხელი ხელს დაუჭირეს და თავის გუვერნანტკასაკენ წავიდნენ ქვემოთ ატაჟაში.

საათი თუ მეტნაკლები რომ გავიდა, მოვინადინე პატარა ქალეების ნახვა. როდისაც ჩავედი და დავხედე, რუსის გაუთხოვარი ქალი გუვერნანტკა სტოლის პირდაპირ უჯდა ორსავ და ფრანციცულის ნიგნის კითხვას ასწავლიდა, მაგრამ ჩემი რძალი მარია ივანოვნა უფრო უმართავდა იმათ გვერდით მჯდომიარე და ეტყობოდა, რომ დედობრივი ზრუნვა ჰქონდა ორივესი. რომელსაც ჩემი მაიკო გრძნობდა და გულით იყო მადრიელი.

ჩემი მაიკოს ზრუნვა ეს იყო რომ ჰბრველად ღვთის სიყვარუ-

ლი ჰქონდა, მეორეთ სარწმუნოების ქეშმარიტი მოსაობა, მესამედ სწავლის ხალისობა, მეოთხეთ ბატონიშვილის დედიჩემისა და ქეთევან ბატონიშვილის დიდი პატივისცემა, მეხუთედ დედ-მამის მორჩილება, მეექვსედ თავის დისა და ლიზიკოს სიყვარული, მეშვიდედ ჩემი მამიდაშვილის მაკასი და იმის ქალის თამარის ეგრეთივე პატივისცემა, მერვედ ჩემი ძმების და ჩემი ცოლის ძმის შესაბამი პატივისცემავე, მეცხრედ ჩემი ცოლის ძმის ცოლის ანასტასიას სიყვარული, მეათედ ნათესაობის თავაზობა, მეთერთმეტედ ქვრივებისა, ობლებისა, გლახაკებისა და სანყალთა მოწყალება, რომელთაცა ყველას დიდათ გვიყვარდა ჩემი მაიკო და დავრდომილები ხომ ღმერთს ევედრებოდნენ იმის სიცოცხლეს. ქცევითაც დიახ მშვიდობიანი, დიახ გულმობილი, დიახ კეთილი და ყველას მასიამოვნებელი იყო, შინაურებისა თუ მახლობლებისა.

მარადის შექცევით ასე იყო ჩემი მაიკო ჩვენს შინაურობაში, რომლებიც დანატრებულნი ვიყავით ჩემს მაიკოზე და ერთბამად დავტრიალებდით ყველანი.

ბოლოს რამდენიმე ხანის შემდეგ ფრანცუცმა, მოხუცებულმა სესტომამ პანსიონი გახსნა და იქ მივაბარეთ ჩუენი მაიკო, მაგრამ მაგთენი ხანი აღარც იქ გამოვიდა, რომ ყმანვილი ქალების ინსტიტუტი გახსნეს სახელმწიფომ, სადაც ბატონიშვილი დედიჩემის თხოვით მიიბარეს სახელმწიფოს ხარჯზე და ჩვენი სახლით მოგვაშორეს ჩემი მაიკო, მხოლოდ კვირაში ერთს დანიშნულს დღეს მივიდოდით და სხვებთა შორის ჩვენც ვისიამოვნებდით მაიკოს ნახვით. უცნაური იყო; როდესაც მივიდოდით და მაიკოს ვნახამდით, ის თეთრ სპეტი და ცოტა წითელ შერეული ლამაზი მრგვალი სახე მოყვითალოთ დასევდოდა და გამხდარიც იყო.

შავს მშვენიერს თვალებსაც მწუხარება დასჩნეოდა. არ ვიცოდით, მიზეზი რა იყო და გაკვირვებულს ჩვენ კითხვაზე, რათ ხარ აგრე, პასუხს მოგვცემდა. – „არა, სრულებით კარგათა ვარო.“ ჩვენ ვერას ვაჩემებდით, მხოლოდ ამის მეტს, რომ ეტყობა სწავლას ხალისობს და ამისთვის არის ასეო, მაიკოს ტოლებიც ამას გვეუბნებოდნენ და ჩვენც გვიხაროდა, მაგრამ მოტყუებულნი დავრჩით. მაიკო იმ დამწყვედულს ყოფნას თურმე ნაღვლიანობდა. და არ უყვარდა. მაიკო ამისთვის სწუხდა.

– „უთუოთ ასე დაკრძალვით უნდა გაიზარდნენ ყმანვილები და

გაკვირვებული ვარ, რატო ჩემი გული არ ითვისებს ამასაო“. მაგრამ ეს კი აღარ იცოდა, მაიკო ზეცის თავისუფალი ანგელოზი იყო ზეცაში. იქ უნდა ეფრინა და ამ სოფლისა რაღა მოენონებოდა იმის განწმენდილს და უმანკოს გულს.

ბატონიშვილის დედიჩემის გარდაცვალებაზე მთელი ჩვენი სახლი აივსო ვალალებით და ამ საკვირველის დედაკაცის სამაგიეროდ დაგვრჩა ჩემი მაიკო: ვითარცა სახით, ეგრეთვე სიმაღლით, ხასიათით და გონებითაც რასაკვრელია. გასამტერებელი იყო, იმათში არაფრისთანა ცვლილება არა იყო რა, რომელიცა ყმანვილ ქალობაში ბატონიშვილი დედაჩემი ძალიან ტანწვრილი ბძანებულა.

დანიშნულს დღეს როგორ გადავაცდენდით, მაიკო არ გვენახა მე და ჩემს ეკატირინეს, რომელსაცა უარესად და უარესად ეჩნეოდა მწუხარება იმის სახეს და უხმებოდა კიდევ. მაგრამ ვერ დავახნიეთ იმას სწორე. დირექტორისა და კლასნის დამებიც გვარწმუნებდნენ: სრულებით კარგათ არისო. უფრო ამისათვის გვეუბნებოდნენ, რომ რაც სენი სჭირს, გაივლის და მშობლები რათ შევანუხოთო. ბოლოს რას ყოფით საიდუმლოდ გამოვიკითხეთ, შევიტყეთ, რითაც იყო ავათ, ამისთვის ჩემი თხოვით გამოვიყვანეთ, სადაც თავისუფლებით ისარგებლა თავის სახლში და ცოტათ მოსურიელდა, მაგრამ სასწავლებელში რომ დამართოდა, ის სენი მაინც არ მოეშორა. იმის სენი იყო მეტი დაღონება და ხანდისხან ყელში რაღაც ნაუჭერდა, ძლივს მოიბრუნებდა სულს. თუმცა ბევრი სამკურნალო წამლები ასვეს მკურნალებმა, მარამ ვერა უშველეს რა. სხვა მეტი ღონე რომ აღარ იყო, გამოჩენილს დოხტერს ივან ანტონიჩს პრიბილს მივმართე და ნათლუხში ჩავიყვანე. დოხტერმა დიახ სიამოვნით მიგვიღო, ჩემს რამდენსამე სიტყვაზე, ბოლოს მაიკოს ჰკითხა, მაიკომ რაოდენ შეიძლო, უანბო თავისი ამბავი. გონიერმა და გამოჩენილმა დოხტურმა მაიკოს სახეს დააცქერდა თავის ბრწყინვალეს ბროლის თვალებით და კარგა ხანი უყურა. ამაში მაიკო ხან ყვითლდებოდა, ხან წითლდებოდა სირცხვილით და თავის მშვენიერი თვალები დედამინაზე დაეშო. შემდეგ დოხტურმა ჩემკენ მოიღო თავი და დაწყნარებით მითხრა.

– „ამისთანა ერთი კიდევ მაგალითი ვიცი; ამისთანა სასწავლებელში ვერ გაუძლია და დასნეულებულა, ამისათვის, რომ სასწავლებელი იმათთვის მკვლეელი ყოფილა. ყოველს ყმანვილს ერთი ხას-

იათი არა აქვს, დამწყვედულს სასწავლებელს გაუძლოს და იქაურს წესსა. ამ ქალს ჩვილი კეთილი გული უნდა ჰქონდეს და სევდიანი ხასიათი, რომელიცა მზათ არის ყოველს ქველის საქმეზე და გლახაკთ შეწევნაზედ. ნეტავი ამას!.. ახლა ამას ერთს აბს დაუნერ; დღეში სამჯერ მიიღოს, დილას, შუადღეს და საღამოს სამ-სამი და ერთს კვირას უკან ჩამოიყვანეთ ჩემთან.“

ერთს კვირას უკან ჩავიყვანე, მაგრამ აბებმა ვერა უშველა რა. ახლა პარამოკები (მტვერი) დაუნერა; ამანაც ვერა უყო რა, მერე მიქსტურა დაუნერა, ვერც არა ამან არგო. ამ წამლების შემდეგ დობტურის დარიგებით თითო კვირას გამოუშვებდი და მასუკან ჩავიყვანდი: ვერცერთმა წამალმა ვერ არგეს. ბოლოს გაიცინა და სიამოვნებით მითხრა.

– „რაც ადრე ვთქვი ამ ქალზედ, სწორედ ისეა. ახლა კი მამილოცავს, ამის სამკურნალო ვიპოვე. ამას ერთს კაპლს დაუნერ, ის კაპლი ასვით (ამთენი წვეთი) ცივს წყალში და კარგათ შეიქნება, მაგრამ სოფელში კი უნდა წაიყვანოთ და ამ გაზაფხულის ჰაერით ისარგებლოს. იმედი მაქვს, ის კაპლი და სოფლური გაზაფხულის ჰაერი სრულიად განათავისუფლებს. – კარგი ჰაერიანი და უცხო წყლიანი სოფელი ხომ გაქვთ თქვენ?“ – „ყოველის საუცხოებით შემკული სოფელი გუაქვს, კეთილჰაერიანი, თევზით საესე მდინარე წყალი, მწვანოვან ყვავილ მინდვრებიანი, მორთულ ველებიანი, მშვენიერ მჭალებიანი და მეტად კარგი სანადირო მთები უძევს აქეთ-იქით, შესასვლელი ხეობებში ტყით მოცული, სადაც ტყის ნადირი ბევრი არის.“ დობტურს მეტად მოეწონა და მითხრა.

– „ქვეყნიერი სასუფეველი ყოფილა ის თქვენი სოფელი, მაგრამ თვალთათვის როგორილა არის?“

– „მეტად საუცხოვო.“

– „თათრები დგანან თუ ქრისტიანები?“

– „ქრისტიანები.“

– „ვენახები არა აქვთ?“

– „რაც შეიძლება კარგი.“

– „თქვენ?“

– „მეც ეგრეთვე.“

– „რა ქვიან იმ სოფელს?“

– „კაზრეთი, ჩემი ცოლის მზითევია ისა.“

– „აქედამ რამდენი ვერსია?“  
– „დიდ გზაზე სამოცდაათი და მოკლეზე სამოცი.“  
– „საკუთარი სახლი არა გაქვთ იქ?“  
– „თუმცა კარგი არ არის, მაგრამ შეიძლება დგომა ცოლ-შვილი-ით.“

– „მაშნულარ დაიყოვნებთ და საჩქაროთ წადით, ამასაც ერიდეთ, არაფერი არ ეწყინოს ამ თქვენს ქალს, თორემ დიდათ ავნებს.“ აბა რა უნდა გვენყენინებინა მაიკოსთვის. მარადის გაფთხილებული ვიყავით და ყველანი დიდს სიამოვნებას ვცდილობდით იმისას. არამცთუ იმ გამოჩენილის დობტურის სიტყვაზედ უფთხილდებოდით იმას, არამედ ყმანვილობითვე როგორც ის არას გვანყენინებდა, ისე ჩვენ იმას, მაგრამ საკვირველი იყო დობტურის სიტყვა.

იმ ღამეს ჩვენმა ყმანვილმა მოახლეებმა რალაზედაც გამაჯავრეს და მოსამსახურეს დაუძახე გაჯავრებულმა. – „ეგ თამარა გოგო კარზე გააგდე.“

ეს ჩემი მაღალი ხმა მაიკოს მკვლელი სიტყვა იყო; მაშინვე გული შეუნუხდა და გულშენუხებული კრაოტზე გადაიქცა.

მე და ჩემი ეკატერინე წამოვხტი; საჩქაროთ მივცვივდით და რას ყოფით მოვაბრუნეთ. ბოლოს ვკითხე მიზეზი. „რა დაგემართა?“ – ეს გულმტკივნეულად ამიტირდა და ხვენით მითხრა.

– „შენ გეთაყვანოს ჩემი თავი, ნუ უწყრები თამარა მოახლეს, თუ გიყვარვარ, ჩემო უძვირფასესო მამავ. თქვენ ხომ არ იცით ჯავრობა და თქვენი ხასიათის წინააღმდეგ რათა შვრებით შენი ჭირიმი?“

ამ ხმამ და ამ სიტყვამ განსწონა ჩემი გული და სულს ცეცხლი მამიდო. სირცხვილის ოფლმა დამასხა და ველარა უთხარი რა. ამის შემდეგ ვილა გავებდავდით მაღალი სიტყვა და ჯავრობით გვეთქო რამ.

ამ დროებში ჩვენმა უფროსმა ქალმა დარიკომ პანსიონში კურსი დაასრულა, რომელიცა ისიც დაგვიბრუნდა და საერთოდ გავმხიარულდით, ნამეტნავად მაიკო! ... ზედ დობტურის სამკურნალო კაპლმაც არგო და თითქმის კარგათ შეიქნა მაიკო.

ორი კვირა აღარ გამოვიდა, ავიყარენით და ჩვენი კაზრეთისაკენ გავმგზავრდით მთელი სახლობა. კაზრეთის მახლობლად რომ მივედით, სოფლის ხალხნი წინ მოგვეგებნენ; კაცნი, დედაკაცნი და ყმანვილი ქალები, რომელთაცა დიდს სიამოვნით მიგვიღეს და

რაოდენ შეიძლებოდა, კარგათ ეცოთ ქალებს. ჩვენი ქალები მაშინვე გადმოვიდნენ ეკიპაჟით და ყმანვილ ქალებში გაერივნენ თავიანთის მოახლებებით, ქეთუათი და თამარათი და ცელქობა შექნეს: როგორც შეშვენიით ყმანვილ ქალებს.

ის ყვავილშერეული მწვანე ხავერდული მინდორი და ის მშვენიერი სალამო ჟამი იმათთვის სასუფეველი იყო. ასე ჩქარა გაიერთეს ორთა დათა ის მარტივი სოფლის ქალები, რომ მაშინვე ცელქობას მოჰყვნენ *იმათთან და სიხარული გაიმრავლეს*. დარიკო ყოვლის ღონით ცდილობდა თავის დის მაიკოს გართვას და მხიარულებას. ის უმანკო ქალები იმ მიდამოს მწვანოვანს არეზე: ხან გაიფანტებოდნენ, ხან ისევ შეჯგუფებოდნენ, ხან ერთმანეთს ებლარძუნებოდნენ და ხან ერთი მეორეს წააქცევდა რბილს მწვანეს ბალახზე, რომლებთაგან ისმოდა ხშირი უმანკო სიცილი და სასიამოვნო მაღალი ხმაურობა. მე და ჩემი ეკატირინე ეკიპაჟით გადავხდით; გლექსაცებთან და დედაკაცებთან წამოვედით ლაპარაკით და ის ქალები მინდორში დარჩნენ, ეგრეთ მოლაღენი, სადაც უჩვენოთ მაღალი სიცილი შექნეს და ხმაურობა, ასე რომ ის მიდამო არე ხმას აძლევდა. აქ ჩვენ ხშირად ვიტყოდით ხოლმე – „კარგი არ არის ყმანვილობა! . . .“

პატარა ხანს უკან ჩვენი ქალები და იმათი მოახლები მოვიდნენ მხიარულის სიცილით, მეტად დაღალულ–დაქანცულები. ჩვენს მაიკოს რომ შეეხებდე, სრულიად გამოსცვლოდა სახე; სინითლეს გადაევსო. სახეც კმაყოფილებით უღიმღიმებდა. იმ მშვენიერს ჩვენს სოფელში მეტად კმაყოფილობით ვატარებდით დროს სოფლის წესის რიგზე და ჩვენი ქვეყნის ჩვეულებისამებრ, მაგრამ დილაზე რომ წამოვდგებოდით, ჯერ უნდა თავთავისად გველოცა (რომლისა ცა მაიკოს ლოცვისა შემდეგ ითქმის.), მასუკან ჩაის დავლევდით გარეთ აივანში, საიდგანაც მშვენიერი ბუნება ჩანს, იმის მიდამო ადგილები, მერე ხელსაქმეზე დასხდებოდნენ ქალები, ამ დროს მეც სამუშაოდ წავიდოდი გლექსაცებში ჩემ საქმეზე. შემდეგ ხან თავთავისათ წიგნებს ვკითხულობდით, მე რუსულს ანუ ქართულს, ჩემი ეკატირინე მხოლოდ ქართულს, რადგანაც სხვის ენაზე არას კითხულობდა, და ჩვენი ქალები ფრანციცულს ანუ ხან რუსულს. ამასთან ხან ცხენებზე შევსხდებოდით და იმის მიდამოს ადგილებში დავსეირნობდით. ხან აქ და ხან იქ გავერანებულს სოფლებში

წავიდოდით და იმის ეკლესიების თაყვანის ცემის შემდეგ, იმის მახლობლად დავსხდებოდით მწვანეს ადგილზე, მოფენილს ხალიჩებზე და სადილს შევექცევოდით. ხან წყალის პირზე ჩავიდოდით ჭალაში. თევზებს ვაჭერინებდით ჩვენს კაცებს, სადაც იქვე წყალის მახლობლად დავსხდებოდით, დიდ გაფოთილს ხის ძირში და სხვადასხვა გვარად გაკეთებულ თევზთა შევექცევოდით სადილათ და ზედ წითელს ღვინოს ვსომდით ზომიერად. რალა გავაგძელო, ხან წყაროს პირზე შევექცევოდით, ხან გაფურჩქენილს ვენახებში, ხან ტყიანს მთაში, ხან ველზე, ხან სადა და ხან სადა. ასე ამ სახით ვატარებდით დროს იმ მშვენიერს ბუნებაზე, საუკეთესო ჰაერში და გვიხაროდა ერთმანეთი. ამ შექცევის გარდა სხვა შექცევაც მოიგონეს ქალებმა, უფრო ყმანვილური, თავიანთვის. თავის ტოლებს ქალებს მოიპატიჟებდნენ სოფლიდამ, ხან ჩაიზე, ხან სადილათ და ასე შეექცევოდნენ. შემდეგ მხიარული ლეკურის თამაშობა გაიმართებოდა ქალებისაგან, დიმპლიპიტოს და დაირის დაკვრაზე, რომელზედაც დაულალავად თამაშობდნენ. ერთხელ ერთს საღამოს ჩირაღდანიც გაუკეთეს სოფლის ბიჭებს და ქალებს. ამ სახით სხვა და სხვა ფერი წვრილი ფარნები დაჰკიდეს, შიგ პატარა წმინდა სანთლები დაანთეს, ესენი სულ გარეთ, ვენახის ღობეზე ჩაამწკრიეს კარგად წყობით და შუაშიც პატარა ანგელოზის ვენძილი ჩამოჰკიდეს. ამ საუცხოვოს სანახავს გარს შემოეხვივნენ ეს უმანკო ყმანვილები. იმ სიხარულით, როგორც იმათ გულს შეშვენოდა...

ამ ჩვენს სოფელში მცირედი მონყენილობა არა იყო რა, ასე კარგად ვატარებდით დროსა და ასე კარგად შევექცევოდით, რომ მართლად საუცხოვოდ. ამით მაიკო დიდი კმაყოფილი იყო, ამ სოფლის სიამოვნემ სრულიად ის სენი დაუკარგა და სამჯობინარო სახე გაუკეთდა. ჩვენც ღმერთს ვმადლობდით ამისთვის.

მოვიდა შემოდგომის პირი, თავის მცირედის სიცივით. ამ დროს ჩემი სუსტი ეკატირინე და თითქმის ყოველთვის ავანტყოფი, გაცივდა, შეუძლოთ შეიქნა; უდობტურობით მეტი ღონე არ იყო, ქტფილისში ჩამოვიყვანეთ და დობტურის შემნეობით კარგა შეიქნა. რომელმაც სამკურნალოთი რამდენსამე დღეზე ფეხზე დააყენა.

ამის მეორე წლის გაზაფხულზე კიდევ სოფელში წავედით; ეგრეთ სიამოვნით გავატარეთ ის ზაფხული, როგორც წარსრული, მარამ კიდევ მეორედ ავად გაგვიხდა ჩემი ეკატირინე, საიდგანაც



ისევ გამოვსწინეთ და ტფილისში ჩამოვედით. ამის გამო იყო, მესამედ ველარ გავბედეთ წასვლა სოფელში, დავრჩით ტფილისში. აღარც საჭირო იყო წასვლა, ამისთვის, რომ სრულიად კარგად შეიქნა მაიკო.

ჩვენმა მაიკომ მოინდომა ფრანციცული ენის ოსტატი და ფარტეპიანოსა, რასაკვირველია, მაშინვე დაუჭირეთ ორივე. ამ ორივეს შეუდგა გულმოდგინედ, მაგრამ ამ დროებში ჩემი ძმა ვახტანგ პახოტში მიდიოდა ჩაჩნისაკენ, რომელმანცა ჩემს ორს ქალებს სთხოვა.

– „თუ ჩემი სიყვარული გაქუსთ, ჩემს ცოლს, თქვენ რძალ კატინკასთან ხშირად იარეთ და ამითი დამავალეთო მე.“

ჩემი ორი ქალი გამზადებული მარადის კეთილისთვის, ხშირად დაიწყეს სიარული ორთავ. როდესაც რომ ფრანციცის ოსტატი არ მოუვიდოდა მაიკოს და ფორტიპიანისა. *ბოლოს რიგით დაიწყეს სიარული*. ამისთვის ხან დარიკო და ხან მაიკო წავიდოდა; მაიკო უფრო მაშინ, როდესაც ოსტატი არ მოუვიდოდა.

ბევრჯელ კი ორნივე ერთად წავიდოდნენ.

ასე შეეჩვივნენ ჩემ რძალს კატინკას, რომ საკუთარ დასავით; ის ღირსიც იყო თავის ლმოზიერის გულის გამო. გარდა ამისა, განსაკუთრებით ორი მეგობარი ყვანდა ჩემს მაიკოს, ისევ ინსტიტუტში დამეგობრებული: ერთი, ამ ჩემი რძლის კატინკას და ნინა, მეორე ჩემი მეგობრის განსვენებულის თა პავლე თუმანიშვილის ქალი ბარბარე.

თავის მახლობელ ნათესავებთა შორის, ყმანვილკაცებთან, მომატებულად უყვარდათ ჩემ ქალებს ჩემი ბიძაშვილი, ბატონიშვილის ალექსანდრეს შვილი ირაკლი და საკუთარ ძმად სახავდნენ.

ირაკლი ბატონიშვილის დედი ჩემის სიცოცხლეშივე მოვიდა ქ. ტფილისში რუსეთიდან, მგონია 1844-სა წელსა.

ერთს დღეს შუადღის დროს, თავის მამიდის სანახავად მოვიდა, ახლად მოსული პირველად, რასაკვირველია, იმის ნახვა დედიჩემისათვის, როგორი იქნებოდა: სიხარულის ცრემლით შეეყარა და წასვლის დროს ეგრეთის ცრემლითვე გაეყარა.

იმის წასვლასთან, მე მამიბრუნდა ბატონიშვილი დედა ამ სიტყვით, გულმხურვალედ, ცრემლიანი.

– „შვილო ალექსანდრე, ეს ჩემი ძმისწული ირაკლი, ძრიელ გიყ-

ვარდეს, თუ ჩემი მშობლიური სიყვარული გაქუს.“ მე თავი დაბლა დავხარე, მორჩილებისა და შევფიცე აღსრულებაზე. და გულკვნესით ამოიხრია.

ეს ყოველი ჩემმა ქალებმა იცოდნენ, რომელზედაც სასოება დასდეს, ძლიერის ერთგულებით.

დავიახლოვეთ ეს ყმანვილი კაცი, ხშირად ვიყავით ერთი ერთმანეთთან. ხან ჩვენთან და ხან ჩემი ძმის ვახტანგისას, ზოგჯერ ირაკლისთანაც.

ბევრჯერ მახლობელი მცნობნი, მახლობელი ნათესავები რომ შევიყრებოდით ერთად, ჩვენი მაიკო ხანდისხან შუა ლაპარაკში დაღონდებოდა, მცირე ხანს უკან შეუმცნევად კარზე მოაჯირზე გავიდოდა და ზედ სიარულს დაიწყებდა წყნარის ნაბიჯით დაღონებული. რავდენჯერმე ვნახე, ჩემი ბიძაშვილი ირაკლი უკან გაყვა და შინვე შემოიყვანა, ალერსის დატუქსვით.

ეს უბედური მაიკო იყო, გულით და სულით წმინდა: ვითარცა ანგელოზი! ეს უბედური მაიკო იყო, ცოტა სევდიანი და სრული კეთილი. ეს უბედური მაიკო იყო, ქველის მოქმედი და დავრდომილთ მონყალე. ეს უბედური მაიკო იყო, წყნარი აუჩქარებელი და ყოველთ მოთავაზე. ეს უბედური მაიკო იყო, უწმინდეს წყალსავით მოციმციმე და გვრიტებრ უმანკო.

დღე არ გავიდოდა, კეთილი და ქველის მოქმედება რომ არ ექმნა, არ იქნებოდა. იყო მარადის კეთილ ცხოვრებაში და კეთილს ზრუნვაში.

ამ ღვთიურს ქალს დიდი შეყრილობა ანუ გამოჩენილი მეჯლიში, ანუ ბრწყინვალე ბალი არ უყვარდა. – უყვარდა ამას თავისი მახლობელნი და თიატრი იტალიანური ოპერა. უყვარდა ეს უკანასკნელი ასე, რომ მგონია ჯერ არავის არ ყვარებია ისე! . . . .

პირველად იტალიანური ოპერა რომ დაანესა კნიაზ ვარანცოვმა ქ. ტფილისში, იტალიიდგან მოიწვია ოპერის გრუპა და ვარანცოვისაგან გაკეთებულს მშვენიერს ტიატრში დაიწყეს ამ დასთ უსასიამოვნო გალობა. მაშინ ჩვენი ორივე ქალები იქ იყვნენ, ჩემი ძმის ვახტანგის ლოყაში, ჩემს რძალს კატინკასთან, რომელსაცა შემდეგ მითხრეს ჩემი მაიკოსი. – ასე მოეწონა იტალიანური ოპერა; მაღალს აღტრფობაში აღიტაცაო!” მაიკოს ვკითხე, იმან უფრო საკურველებით მიანბო კიდევ!

ველარ მოვაშორეთ იტალიის ოპერას ჩვენი მაიკო, იქიდან მოსული ყოველთვის გაკვირვებაში იყო! რადგან ყოველთვის მე კრესლაში ვიჯექი ქვემოთ, იტალიის ოპერის დროს თიატრში, ამისთვის ერთხელა ვთქვი. ასე გაკვირვებაში რო არის მაიკო იტალიის ოპერით, ერთხელ ამას უნდა გავყვე-მეთქი.“

მახსოვს ნორმა უნდა წარმოედგინათ. მე და მაიკო ერთად წავედით; ლოჟაში რომ შავედით და კრესლებზე ჩამოვსხედით, განათლებულს თიატრს შახედა მაიკომ, სახე ალგზნა სიხარულის სიცხოვლით, იმისი თვალებიც რაღაც ნეტარებაში მიეცა, აქეთ-იქით მიტრიალ-მოტრიალებით. ვკითხე – „მაიკო, რა დაგემართა-მეთქი?“ იმან მითხრა. – „ნუ გეშინიან მამავ, არ გავგიჟდები, მე მხოლოდ ვგრძნობ ზეციურს ცხოვრებას ამ განათლებულს თიატრში და ეს ანთებული სანთლები მგონია ზეცის ვარსკვლავებად. ეს თიატრი რომ ამისთანა კარგია, ნეტა სასუფეველი რაღა იქნება ღვთის წინაშე!“

მე ესენი სულ გაუქარწყლე. ამ დროს ჩემი ეკატერინე და ერთი სხვა ქალი (ალარ მახსოვს ვინ იყო) შემოვიდნენ და წინ დასხდნენ ჩვენზე.

ფარდა აიხადა, დაიწყეს იტალიის ოპერა უუმშვენიერესის გალობით, ჩემ მაიკოს უყურებდი თვალმოუშორად, ვხედავდი იმის სახეს, რომ იმის გული და სული ტკბებოდა ნეტარებაში.

სულ ამ ნეტარებაში იყო ყოველს მოქმედებაზე; ბოლოს ლოცვას რომ მოჰყვნენ გალობით, მაიკოს თვალებიდან რამდენიმე ცრემლი გადმოსცვივდა, მარამ მაშინვე ცრემლი უკუიბრუნა; დასასრულზე, როდესაც ქალი ალგზნებულს ცეცხლში ჩასაგდებად წაიყვანეს, მაიკო გულაღელებული წამოდგა; შეუმცნევად კარზე გავიდა და მეც იმას გავყვე. შევხედე, კედელზე მისვენებული, იმის გული ადიოდა და დადიოდა. მიველ, ხელი დაუჭირე და ვკითხე.

– „ჩემო სიცოცხლეო მაიკო, რა დაგემართა? რა მოგივიდა შვილო?“

მაიკომ ლმობიერად შემომხედა თვალცრემლიანმა ამ სიტყვით.

– „არაფერი ჩემო უსაყვარლესო მამავ, ოპერა მეტად მიყვარს, ნამეტნავად ეს ნორმა!“

მე აღარა ვათქმევინე რა, მაშინვე ისევ შემოვიყვანე და ჩვენს კრესლებზე დავსხედით. მაგთენი ხანი აღარ გამოვიდა, ოპერა

დაიშალა, ჩვენც ჩვენი სახლისაკენ წამოვედით, მარამ მაიკოსთვის ძალიან ვნალვლობდი. თუმცა ეს ამბავი არავის არ უთხარი, მაგრამ ბოლოს შევიტყე მაიკოს ტოლი ქალებისაგან; კიდევ რავდენჯერმე მოსლოდა ამ გვარად, ძლიერი გრძნობისაგან ოპერაში.

მაიკომ დაიწყო სამღთო წიგნების კითხვა, უნდოდა ამითი გავითარებულიყო.

მაიკოს დილა საღამოს ლოცვისა, რაღა უნდა ვთქო? – ჯერ პირველად ამას ცდილობდა, იმის საიდუმლო ლოცვა არავის ენახა, მასკვან ხელგანპყრობით დაჩოქილი, ცრემლით ილოცვიდა გულმხურვალედ, თორემ თუ ოდესმე ილოცვიდა ვისთანმე, დიახ ცივად და ცდილობდა ჩქარა გათავებას. მე საიდუმლოდ ბევრჯელ მიყურებია იმისათვის, რომ თავისი ახალი კაბა, პერანგი, თუ ლეჩაქი, ანუ ფეხთსაცმელი; ძველი ყოფილიყო კიდევ არაფერი, მარამ სრულებით ახალი აულია და სანყალისთვის მიუცია. გარდა ამისა, დიად ხშირად, მოვიდოდა, როდესაც კი გვეძინა, მე და ჩემს ეკატირინეს ფულს ამოგვაცლიდა ჩუმათ ჯიბიდგან და სანყალს მისცემდა.

რასაკვირველია, შავიტყობდით. ბოლოს თვითონაც გვეტყოდა; თან ბოდიშს მოიხდიდა ამით. – „ღვთის სასიამოვნო საქმე არის გლახაკთ და დავრდომილთ შემწეობა, თქუენ სასიცოცხლოდ და საბედნიეროთ, ჩემის დის დარიკოსი.“

ერთს შაბათს საღამოზე, როდისაც სიონთა ღვთისმშობლის ეკლესიაში ხალხი დაიწყებენ სიარულს სიონთა ღვთისმშობლის ხატის თაყვანის საცემლად, მეც ჩემი ჩვეულებისამებრ, სახლიდგან მოაჯირის კარებთან მოვედი იმ ეკლესიაში წასასვლელად, შევხედე, კიბის თავზე მაიკო იდგა, მარჯვენას ხელში თეთრი წმინდა სანთელი ეჭირა, მარცხენას ხელში, ახალი პირისფერი კაბა, ერთხელ ჩაცმული და მოუთმენლად აქეთ-იქით იყურებოდა, ეტყობოდა ვილასაც ელოდა. ეს რომ ვნახე, დაფარულის ადგილიდგან უყურე და ვთქვი: ვნახოთ, რა იქნება-მეთქი? ამ დროს, მეზობლის ერთი სანყალი დედაკაცი მოვიდა, ეს კაბა იმას მისცა და უთხრა. – „აჰა შენი იყოს ეს ახალი კაბა; გაყიდე და ამის ფული მოიხმარე, მარამ როდისაც შემოგაკლდეს, კიდევ შამატყობინე, კიდევ მოგცემ რასმე, თუ ფული ვერ ვიშოვე.“

ის დედაკაცი რომ წავიდა, მე მაიკოსთან მივედი და ვკითხე. –

„ეგ წმინდა სანთელი რად გინდა-მეთქი?“

მითხრა. – ლოცვაზე ვაპირებ ნასვლას, წ. გიორგის ეკლესიაში და ეს სანთელი იქ მინდა დავანთო.

– „ეგ კარგი, მარამ ის ახალი პირისფერი კაბა რაღა უყავ, ამ ერთის კვირის წინათ რომ შაგიკერეთ?“

ამ სიტყვაზე სიამოვნით გაიცინა და მასკვან მითხრა.

– „ნუ გეწყინებათ, გეთაყვა მამავ.“

– „შვილო მაიკო, საწყენი კი არ არის, მარამ ამთენი შენი გაცემულის წყალობით გავღარიბდებით.“

– „არა მამავ, ღარიბების შემწეობით სხვას მრავალს წყალობას მოგვცემს ღმერთი!“

რაღა უნდა მეთქო, პირველი არ იყო ეს იმისგან, ამგვარი საწყალთ შემწეობა. ჩემს ეკატერინეს რომ უთხარი, იმანაც ჩემი აზრი დაამტკიცა.

როგორ შეიძლება ყოველი თვითვეულად აღვწერო მაიკოს ქველის მოქმედება, ასე მრავალია; ესეც მაგალითისათვის ითქვა აქა მხოლოდ ნასაკითხად.

მაიკო თავის ტანისამოსს უფროსი ერთს თვითონ იკერავდა თავისთვის, ჩაცმითაც უფროსი ერთს თვითონ იცვამდა, რომ მოახლეს არ მოიშველებდა. – *ესენი ამას ნიშნავდა*, „ჩემის გულისათვის არავინ შეწუხდესო.“

მაიკოს რამთენიც წელიწადები უსრულდებოდა, იმთენი გონება უბრძნებოდა, მარამ ეს იყო იმისი ნაკლებულება, თუ ითქმის ნაკლებულებად, რომ ეს სოფელი სრულებით არად მიაჩნდა და შემდეგ როგორც მითხრეს, როდესაც მკვდარს გატარებულს დაინახავდა, იტყოდა თურმე. – „ახ, რა ბედნიერი ხარ შენ ადამიანო, რომ ამ სოფელს მორჩომილხარ. ნეტავი შენ, ვილაცა ხარ!“

როდისაც ჩვენ მოვიზიდომებდით ნასვლას სადმე, ბევრჯელ მაიკო შინ დარჩებოდა, აღარ გამოგვყვებოდა რომლისაცა მიზეზი ვიცოდი, რისთვისაც დარჩებოდა ხოლმე და იმის დარჩენისა მიზეზს ერთსა აღვწერ თვითვეულად, ჩემი თვალთ ნანახს და ყურით გაგონილსა.

ერთს საღამოს სხვაგან ვიყავით მთელი სახლობა გარდა მაიკოსი. მე ადრითვე შინ წამოველ უფრო ამისათვის, მაიკო მარტო არის-მეთქი. შინ რომ მოვედი, იმისი ტოლი მოახლე ქალი კარზე იდგა და

მაიკო ვიკითხე: სად არის-მეთქი? იმან მიპასუხა: „მაიკო ბალკონზე გახლავს, მე ღამითხოვა, აქ გამოველ და თვითონ იქ დარჩა.“ წამოვედით წყნარა, ფეხაკრეფით და გაღებულსა ფანჯარის პირსა ამოვექარ კედელთან. იყო მთვარიანი ღამე და დანყვეტილი დიდრონი ღრუბლები სრულსა მთვარეს ზედ ეფარა, რომელსაცა შეჰყურებდა გაშტერებით.

პატარა ხანს უკან მთოვარემ გამოანათა ღრუბლებში და თავის საამო სინათლე გადმოაფინა ქვეყანასა. აქ მაიკომ დაიძახა:

„ოჰ ღმერთო! რა მშვენიერი, რა საკვირველი ღამეა! ღმერთო, ღმერთო! ეს ღამე რომ ამისთანა მშვენიერია, შენი სასუფეველი რაღა იქნება, სადაც შენი დიდება გაბრწყინებულია და ანგელოზნი შემოგწირვენ გალობასა!“ ამ სიტყვასთან ატირდა ქვითინით და ამასთანვე დაიჩოქა ხელგანპყრობით: „ღმერთო! მე ეს სოფელი არ მინდა, მე მინდა შენს სასუფეველში ყოფნა, შენს დიდებას შემოვჭვრეტდე განუშორად. მე მიყვარხარ შენ, ჩემო განმამშტერებელი ღმერთო! რად გინდა მე აქ ვიყო, ამ საწუთოს ამაოს სოფელში? ჩქარა, ჩქარა წამიყვანე, ღმერთო შენს მადლს.“

ამ სიტყვებზე აქ მე გულმა გლეჯა დამიწყო და სული ვეღარ მოვიბრუნე რიგიანათ. ეს სიტყვები სულ ქვითინით და გულამოჯდომით წარმოთქვა. მასუკან წამოდგა, სკამზე დაჯდა, თვალები მოიწმინდა და მთოვარეს შეჰყურებდა ტრფიალებით. აქ მე უსინათლოს ოთახში გავიარ-გამოვიარე და დავიძახე: ადამიანები არავინ არა ხართ, რატომ სანთელს არ აანთებთ ოთახში? ეს რომ ვთქვი, მაიკო გამოექანა: „მამავ, თქვენ ბძანდებით?“

– „მე ვარ შვილო, უსინათლოში რათა ხარ?“

– „საუცხოვო ღამეა, რა საჭიროა სანთელი.“ და ამასთან ნელიად ამოიოხრა.

მე ეს ამბავი არავის უთხარი და არც მაიკოს შევამცნევი, ვიცოდი ამ სიტყვების შემდგომ ღვთისა იყო, რომელმაცა ჩემმა მშობლიურმა გრძნობამ მაშინვე მითხრა: ამ მაიკოს საუკუნით გამოეთხოვეო. ამასთან მეორე ოთახში გამოვედით და იქ მშობლიურმა სიყვარულმა ამატირა მწარედ. განვლო ამის შემდეგ ორი თვე, თუ ორ თვე ნახევარი, რომ გაჩნდა ხოლერა და თავისებურად მოჰყვა ხალხის სრვასა. იჯდა მაშინ 1855 წელი და დრო იყო შემოდგომა.

მოვიდა ჩვენთვის უეცარი და მოულოდნელი სამწუხარო ჟამი

– 2 ოკტომბერი. ეს დღე გავატარეთ მხიარულად მთელმა სახლეულობამ, მაგრამ ჩვენი მაიკო როგორღაც დაღონებული იყო ავანტიყოფსავით, ეტყობოდა, რაღასაც გრძნობდა. საღამოზე ორი დანი, დარიკო და მაიკო წაიყვანეს თავის მახლობლებმა ნათესავებმა იტალიანურს ოპერაში. მაგთენი დრო აღარ გამოვიდა, უკანვე მოვიდნენ და უფროსი და დარიკო წინ შემოვიდა, ორი ხელი ერთმანეთში გაყრილი, შენუხებულის სახით, ამ აკანკალებული სიტყვებით:

– „იცით რა მოუვიდა მაიკოს?“

ჩვენ საჩქაროთ მივატანეთ, რა მოუვიდა?

– „გული შეუწუხდა, ავით გახდა.“

– „რათა, რა მიზეზი იყო?“

– „არ ვიცი, რა დაემართა.“

– „თვითონ სად არის?“

– „აი მოდის ეხლა.“

გვინდოდა გამოვარდნილიყავით კარზე, მაგრამ ამ დროს შემოვიდა სრულიად მკვდრის სახით და გალურჯებული ფერი დასდებოდა იმის თეთრსა პირსა. მივცვივდით და კითხვა დაუნყეთ, ამის მეტი არა თქო რა: – „თქვენი ჭირიმეთ, საჩქაროთ ქვეშაგები გამიშლევინეთ.“

გაუშლევინეთ და საჩქაროთ აქიმიც მოვაყვანინეთ, მაგრამ რაღა მოგახსენოთ, ველარას ვიტყვი წვრილათ იმის უკანასკნელს ჟამსა, ჩვენი გულის მოსაკლავსა. ესეც რას ყოფით დავენერე, მთელი ექვსი წელიწადი ვნერე და რას ყოფით გავათავე. გამოვიდოდა: ხან ერთი თვე, ხან ორი კვირა და ხან მეტ-ნაკლები, რომ ავიღებდი კალამს და მაიკოს ამბავის წერას მოვყვებოდი ქალალზე: ორს თუ სამს სტრიქონს რომ დავენერდი, ამ დროს ვაების მწუხარება შემამანვებოდა გულზე და წამსვე წერას გავათავებდი და დაწერილს ფურცლებს შკაფში შევყრიდი საჩქაროთ.

ამის მეორე დღის ღამეს, ესე იგი 3-ს ოკტომბერს გარდაიცვალა ჩვენი მაიკო, სწორეთ იმ ჟამს, როდესაც ავით გახდა. როგორც მახსოვს, მგონია მეთათე საათი იყო პირველის ღამისა. იმის გარდაცვალება იყო დიდსულოვნად, სიამოვნით, გონების სიბძნით, დამშვიდებით, კეთილად და ყველას გულმოდგინედ გვთხოვდა, რომ არ შევწუხებულყავით იმისათვის.

მაიკოს გარდაცვალების მეორე დღეს შეგვიყვანეს იმის გვამის

სანახავათ. ხომ იცით რა ამბავი იქნებოდა ჩვენს თავზე? მორთულს რომ დავხედე, წარმამიდგა იმის ყმანვილური მშვენიერი სახე: სისხლი სრულად დასწმენდოდა, სახე დასჯდომოდა განყობითა და უზომო ყმანვილური შვენება კიდეც დასდებოდა ხელმეორეთ, ასეთი შვენება, რომ მე არ მინახავს იმისთანა მშვენიერი ქალი!

*აი, თუ ღმერთს ზეცისათვის არ უნდოდა მაიკო? – ნამდვილი იმისი სახე ერთი ყმანვილობით გვაჩვენა და ერთი მკვდრისა. და ამ ორს შორის არ ვიცი, რა უნდა ყოფილიყო, რომელსაცა სურავანდით რიგიანი სახე აღარ ჰქონდა სწორე ნამდვილი?*

აი იმისი ნამდვილი სახე სწორეთ ეს არის, რომლისაცა ერთი ყმანვილობით გვაჩვენა და მეორეთ მკვდრისა. იმის ყმანვილობის შემდგომ კი სულ სურავანდით ჰქონდა ატკრეცილი და ამიტომ რიგიანათ აღარ ჰქონდა სახე სიკვდილამდინ. მაინც ულამაზო კი არ იყო.

ავლაბრის საყდარი რომ არის, მეფის ირაკლის მეორის ცოლის დედოფლის დარიას აშენებული, სახელსა ზედა წ. დარიასი და ახლა ფერისცვალებისა, იმის კარების მახლობლად დაიმარხა გარეთ, რომელსაცა იმის ბოლოს ნახავთ იმის ქვის ფორმას ზედ დადებულს, თავის ზედ წარწერით და ერთს კიდეც ლექსსა, იმაზედ თქმულს. აქ რვეულის ბოლოს ნახამთ.

სხუათა შორის, იმის კეთილს ცხოვრების ამბავში, ამ ახლოხანებში ჩვენი სახლის მოძღვარმა, წ. გიორგის ეკლესიის მღვდელმა, გიორგი მელითაურმა გვითხრა: მაიკო თუ არ გარდაცვლილიყო, უთუოთ გამზადებული იყო, რომ მოლოზნად უნდა შესულიყო: ადრით ჰქონდა განზრახვაო.

მაიკო რომ გარდაიცვალა და იმის მესამეს დღეს დავასაფლავეთ, იმ ღამეს მე შესანიშნავი სიზმარი ვნახე: იყო ერთი მშვენიერი ნალკოტი და ყოველის საკვირველებით გაფურჩქნილი! მე, ჩემი მეუღლე ეკატერინე და ჩვენი ქალი დარია, რომელთაცა ამის მეტი შვილი აღარ დავგრჩა, ვისხედით გაშლილს ვარდის ბუჩქებთან. ამ დროს ერთი საკურველი გალობა, ოპერის ხმა, თავის სამუსიკო ხმით მოგვესმა, ასეთი ხმა, რომ განსაცვიფრებელი! ჩვენ მივიხედმოვიხედეთ, ვერსად რომ ვერა დავინახეთ რა, მაღლა ავიხედეთ. ვნახეთ: მრავალი სხვა და სხვა ჩიტები მოფრინვიდნენ ზევითგან და ეს ხმოვანება იმათგან მოისმოდა. ჩვენ რომ ეს ვნახეთ, სამთავ



დავიჩოქეთ, დარია ჩვენ შუაში იყო დაჩოქილი. სამთავ მძიმე სამ-გლოვიარო შავები გვეცო და გამტერებით შევეყურებდით იმ ჩიტებს-სა. იმ ჩიტებთაგან ექვსი ჩიტები გამოერჩივნენ, მეტი საუცხოვო მშვენიერები; ფრენით წამოვიდნენ ჩვენზე, როგორც ტოროლები და თან უსაამოსა გალობასა მოიგალობდნენ, თავის უხილავის სამუსიკოს ხმებით. ეს ექვსი ჩიტი ცოტა დაბლა რომ დაეშვნენ ზევით ჩიტებიდგან, ისინი იქ ზევით სხუა ჩიტის დასები, ეგრეთ იგალობნენ ტკბილსა ხმასა, – იმ ხმასავე საკვირველსა! ბოლოს იგი დასებიც ჩამოფრინდნენ ჩუენს თავზედ ახლოს, რომლებსაცა დაგვეფრინამდნენ ტრიალით და ეგრეთისა გალობითა იგალობდნენ ის ჩიტები. ამ დროს მეტი საუცხოვო ექვსი იგი ჩიტი წამოვიდნენ ჩვენკენ: ორი მე დამასხდნენ მხრებზე აქეთ-იქით, ორი ეკატერინესა და ორი ჩვენს ქალს დარიასა. აქ შეიქნა სიხარულის გალობა და სამუსიკოს ხმა, ასეთი ხმა, რომ მართლად გასამტერებელი! კარგა ხანი ეს ხმონება არ განწყებოდა. მასუკან ჩვენს ქალს დარიას მარჯვენას მხარზე რომელიც ჩიტი უჯდა, ის ჩიტი აფრინდა, დარიას უბეში ჩაუჯდა და თავისი სადაფის პატარა ნისკარტითა ჩაჰგალობდა გულში მეტად საამოთა, ბოლო დროს წამოფრინდნენ ის ექვსი ჩიტები, ჩვენ პირდაპირ ვარდებზე შემოსხდნენ და ახლა იქ შეიქნა საკურველი გალობა, მაგრამ ის ექვსი ჩიტი ჩვენ რომ შემოგვეყურებდნენ, თვალებიდგან გადმოსდიოდათ ცრემლი ღაპაღუპით. დარიას უბეში რომ ჩიტი იჯდა, რაც ფარშავანგს მშვენიერი მხატვრობა აქვს ტანზე, ბევრით იმაზე მშვენიერი მხატვრობა ჰქონდა ტანისა და ფეხები მონითლოთა უღელავდა იაგუნდსავითა, რომელსაცა იმის ღამაზს თავზე ღამაზი ოქროს გვირგვინი ედგა მოოქროვილის ფოჩებითა და ძვირფასის თვლებით შემკობილი. ეს ჩიტები, ერთი ერთმანეთზე მშვენიერები, მწკრივით ისხდნენ; პირველს ჩიტსა გულზედ გამოესახა დაწერილი ოქროს ვარაყიანის ასოებით სახელი ეს: ირაკლი, მეორესა – გრიგოლ, მესამესა ნიკოლოზ, მეოთხესა – დავით, მეხუთესა – მარიამ და მეექვსესა – ელენე. ესენი რომ ამოვიკითხეთ, ამასთან გალობა წარმოსთქვეს თავის საამოს მუსიკითა: მშვიდობით ჩვენო საყვარელო მშობლებო და ჩვენო სიცოცხლეო დაო დარიკო. ეს რომ გადმოგვიგალობეს, ჩვენ წამოვხტით და დაჭერა მოვინდომეთ იმ ჩვენი მკვდრების შვილებისა და დევნა დაუნყეთ, მაგრამ ისინი აქეთ-იქით მიმოფ-

რინდებოდნენ და ხელიდგან გვისხლტებოდნენ. ბოლოს კიდეც აფრინდნენ და ერთიანათ თავის ამხანაგის ჩიტებითურთ ზეცაში მიიფარნენ უსაამოს მუსიკის გალობითა, რომელსაცა გაშტერებით შეეყურებდით. ამ ამბავში კიდეც გამეღვიძა, მწუხარების ზარმა ამ-იტანა და ციებასავით ვკანკალებდი.

ბოლოს შემდგომში შევიტყე, რომ ჩუენი მაიკო ორს ყმანვილ-სკაცს გულით ჰყუარებიათ, არც საკვირუელია, იმისთანა ანგე-ლოზი სულის ქალი ჰყუარებოდა ვისმე. მაიკო რომ მოკვდა და დავ-ასაფლავეთ, ის ორი ყმანვილი კაცი იმის საფლავზე მისულიყვნენ, ერთი იმავ ღამეს, რომელსაცა დამხოვით იმის საფლავზე ბევრი ეტირა, მასუკან იმის საფლავიდგან მიწა აელო და ძალიან შეწუხ-ებული წამოსულიყო. მეორეც, მეორე დღეს საღამო ჟამს მისული-ყო, იმასაც ისე ბევრი ეტირა, მასუკან იმასაც საფლავიდგან მიწა აელო და ისიც მწუანე წამოსულიყო.

მე ესენი ასე მიაწბეს და იმ ყმანვილი კაცების სახელი მითხრეს. ნურავის ნუ გეგონებათ, ჩემს მაიკოს ჰყუარებოდა ვინმე, ამისთ-ვის, რომ იმას ღვთისთვის შეწირული ჰქონდა თავი და ამის გამო უთუოთ მონაზონად ემზადებოდა. ჩუენი მოძღვრის გიორგი მელ-ითაურის ზევით სიტყუას ვანბობ, რომ იმისთვისაც ასე გადაწყუე-ტით უთქუამს აღსარებაში. თუ რომ იტყვის ვინმე იმისაგან სიყუა-რულსა, წმინდა ცრუპოდლი იქნება ის.

თ ა ა. ვახ. ძე ჯ. ორბელიანი.

ამ დამდეგს წელს ძლივს გავათავე ესა.

27-ს იანვარს 1862-სა წელსა.

ქ. ტფილისს.

## უბედური მაიკო (მარიამ)

ქალო კეთილო უცხო კარგო და მოციმციმეო,  
უმანკო სძალო ზეცისა სათნოვ ღვთისაო,  
დიდსულოვანო უშიშარო სიკვდილისაო,  
ქალო შენო გული-სული ანღელისაო.

შენსა სიცოცხლეს ვით კარგს ყვავილს სჭვრეტდი ხარობდი,  
ხან ამ ღვთის ჯილდოს მის ბოძებულს გრძნობდი მადლობდი,  
ხან ფორტუპიანს ტკბილს ხმას სცემდი და ხან გვრიტობდი,  
მაგრამ უფრო შენ ეპყარ სევდას ნაღვლიანობდი.

თურმე ეს იყო სევდა შენი ესე სოფელი,  
რომ არ გიყვარდა ეს საწუთო დაუნდობელი,  
ამას გამცნევდნენ ტოლნი შენი ნაზნი ქალები,  
სწუხდნენ გიგლოვდნენ ადრითვე შენ გულ-ლმობილები.

მართლა ეს მოხდა მიეგებე სიკვდილს სიამით,  
ვისგანაც ძრნიან კაცნი გმირნი ძლიერნი ამით,  
მარამ მას სტუმარს შენს სიცოცხლეს უძღვნიდი გულით,  
გულით სრულითა დიდსულითა ბრძნულის გონებით.

ჰე შვილო ჩვენი სიხარულო მშობლებისაო,  
ჩვენო სიცოცხლეე საყვარელო სატრფოვ დისაო,  
ვარდო გაშლილო ჩვენი გულის და სულისაო,  
თუმც ასე ჩვენო ბოლოს ჩვენო გამწარებელო.

ოჰ! ეს სოფელი სავანეა მწუხარებისა,  
კარი განხმულა მისი სრულად ვალალებისა,  
სიდგანაც ისმის საშინელი ხმა გოდებისა,  
კვნესა ძახილი და კივილი შეზარებისა.

მშობელი



## ტრედთა და ყუავილებთა შორის, კეთილ უმანკობა გიგალობ შენ ღთო!

მინყალე მე ღთო, მინყალე მე რამეთუ შენ გესავს სული ჩემი. მიძელუ მე ჭეშმარიტებითა შენითა და მაუნყენ მე გზანი შენნი, რამეთუ შენ ხარ ღთი მაცხოვარი ჩემი. ვინაჲდგან უჟამოდ განჩინებამან მომსხლა ბუტკთა შორის ყვავილოვანი სასძლო და მივართვი სული მისი უკვდავებასა მას მღვთაებასა მე გულმყუდროებით, თაის ალექსანდრე ვახტანგის ძის ჯამბაკურიანის-ორბელიანის ასულმა მარიამ, რელიცა პირველ მოველ სოფელსა შა 1833-სა წელსა ივნისის 13-ს დღესა და ბოლოს მძვინვარე სენმა ხოლერამან მოსპო დღენი იგი ჩემი ყმანვილქალობისანი 1855-სა წელსა ოკტომბრის 3-სა დღესა. ხოლო დაუტევე მშობელნი და სატრფო დაა ჩემი მნუხარედ და მწარედ მფრქვეველი ცრემლთა. აჰა სოფლის მოვალეობა მემართა დღე ერთი და გადვიხადე იგი, მაღლობელმან მღვთისამან. გევედრებით ყოველთა მოყვასთა ოხუას ნუ დაიშურებთ ჩემთვს უზენაესისა მიმართ, რომელთაცა გულმდუღარედ მიქმნეს ლოდი ესე ჩემ სახსოვრად, ჩემ მშობელთა და მეც ამ სენაკში დავესახლე საუკუნოდ, ყოველთ მშვიდობით, გევედრებით ნუ შეიჭირვებთ ჩემთვის, მინა მინადვე მივიქეც.

### პირი

სწორეთ ასე დახატული და ასე დანერილია ამის ნამდვილი მარმარილო თეთრი: სიგძე აქვს ერთი რუსული ადლი და ექვსი ვერშოკი. სიგანე სამი ჩარეკი და ნახევად ვერშოკი, რომელიცა ზის თლილს რურჯს ქვაში და საცოდავს საფლაგზედ აქევს, ფერისცვალების ეკლესიის კარზე ეზოში. – ქ. ტფილისს ავლაბარს. –

## ახლა პუპლია

მე შკოლაში რომ ვსწავლობდი, ერთს დროს სწავლის შემდგომ, როდისაც ცოტას დროს დაითხოვენ სათამაშოთ ყმწვილებსა, იმდროს ყმწვილები ვთამაშობდით ტაშის კრივსა ნაბდებ წამოსხმულნი<sup>1</sup>, ამდროს დერაკტორი ბუკრინსკი<sup>2</sup> გამოვიდა კარზე და ნათამაშევი რომ დაგვინახა, მოვიდა და ოცდაათი ყმწვილები შუაზე გაგვყო, ერთი მხარე ერთს ყმწვილს ქაიხოსროს მისცა აზნაურშვილსა და მეორე მე. ეს ორნი უფრო გამოჩენილები ვიყავით ყოველს თამაშობაში და სიმარდეშიაც. გვითხრა.

– „აბა ტაშის კრივი იკრიეთ, რომელი მხარე რომელს მოერევა, იმ პირველს დარჩება სახელი.“

როგორც ყმწვილებსა ჩუენც ეს გვინდოდა. მაშინ მე ვიქნებოდი თორმეტის წლისა და სხუებშიც ეგრეთვე ჩემი ტოლები იქნებოდნენ.

ორივ მხარე ყმწვილები დაერივნენ ერთმანეთში როგორც მოუთმენელი ყმწვილები და შეიქნა ტყაპატყუპი ცემა, მაგრამ მე ცოტა მოშორებით უკან ხან აქეთ და ხან იქით ვაქეზებდი ჩემს ამხანაგთ და თან ვეუბნებოდი: მინამ არ გაგიჭირდებათ, არ მოგეშველებით-მეთქი. ისინიც ადგილობრივ იბრძოდნენ, რაც შეეძლოთ. ბოლოს მეც მივედი და მაშინვე ქაიხოსროს (მომატებულს სახელს ქაქუცას უძახდნენ.) ზედ შევახტი და ასეთი დაკვრა მამივიდა იმის თავზედ, რომ თავის ამხანაგებზედ გადავანვინე და მეორესაც სხვასა ისე უყავ. ჩემმა ამხანაგებმა ეს რომ ნახეს, ძალზე დაერივნენ და სულერთიან გავიტანეთ თანა. ჩუენს მხარესა დარჩა გამარჯვება, რომელმაცა ამისათვის დერახტორმა მიმიყუანა თავისთან, ქუდი მამხადა, თავზე მაკოცა და მითხრა.

– „ოოო, შენა ხარ რომაელი პუბლი. მაგრამ შენმა გაზდამ, რომ ისწავლო, ეს კიდევ უფრო კარგი იქნება შენთვის. ეცადე, ისწავლე ჩემო რომაელო პუბლი.“<sup>3</sup>

<sup>1</sup> იმდროს ზამთარი იყო და მაშინ არც შინლები იყო შემოდებული შკოლის ყმწვილებისათვის და არც რუსული ტანისამოსები. ღამეც შინ მივიდოდით დილაზედ ისევ შკოლაში. სადილათაც შინა და სადილსუკან ისევ შკოლაში.

<sup>2</sup> ამან ასე კარგათ ისწავლა ქართული როგორც ღრმა მსწავლულმა ქართველმა, ისე. მხოლოდ გამოთქმაკი ევროპიული ჰქონდა და ქართველი ქალიც ჰყუანდა ცოლათ ეკატერინე.

<sup>3</sup> მე შკოლიდგან მაგდენი სწავლა ვერა გამოვიტანერა, ჰო ცოტაკი ღრამატკა, ცოტა

აი პუპლია საიდგან გამიკეთდა, რომელიცა ჩუენში ჩვილს ყმანვილს ეტყვიან ალერსში: პუპლი, პუპლი. და ის ასე გამიკეთეს, სადაც დღევანდლამდისინ მომატებულს სახელს ასე მიძახიან „პუპლია“. ის უფრო ჩუენის ენის თვისებაა, მინამ პუპლია და მაშინ ყუელასაც ისე ეგონათ: პუპლი უთხრაო, ამისთვის რომ პუპლი არ ვიცოდით, ვინ იყო და ეს უფრო ახლო სიტყუა არის ჩუენზედ, პუპლი. მეც ბოლო დროს კარგა ხანი რომ გამოვიდა, თვითონ დერ-ახტორმა მითხრა, ვინც ყოფილა პუპლი.

**თა ა. ვახ. ძე ჯ. ორბელიანი**  
**18-ს ივლისს 1867-სა წელსა. ს. კაზრეთში.**

---

არიქმეტიკა დროზამდისინ, ცოტა ლეოლრაქიაც და მეოთხემდისინ გამიყვანეს. ჩემი ნიჭი უფრო ძველი ამბების გაგონება იყო ხოლმე ძველ კაცებში. ჩემი სწავლისათვის დიდი ოჯახის შვილი რომ ვიყავი, იმისთვის არაფერს მეუბნებოდნენ, მარტო ხომ მე არ ვიყავი ასე, სხუებშიც ბევრი მყუანდა ამხანაგნი ჩემი ტოლი შკოლელები. ბოლოს როცა გამოვედი შკოლიდგან, ერთს დილაზედ რალაც პატარა რუსული დაბეჭდილი წიგნი ეგდო ფანჯარაში, უნებურად ხელი ვტაცე და კითხუას მოვყევე, წარმოიდგინეთ ისე მიამა იმის კითხუა რომ აღარ მოვეშვი და იმის შემდგომ ისისიყო, რომ შემიყუარდა წიგნის კითხუა და ქართული წერაც. ის წიგნიკი აღარ მახსოვს რა წიგნი იყო და ესკი მახსოვს, რომ რალაც სამიჯნურო წიგნი იყო და სიყუარულით სამსე. ის წიგნი შეიქნა ჩემი პირუელი სინათლე წიგნების კითხვისა და წერისაც. აი სამიჯნურო სიყუარულის წიგნმა ეს მიყო და ბოლო დროს ჩემისა ცოლს ისე გაგიჟებიათაც რომ მიყუარდა, მაშინ ხომა ვითხრიდი თუალეებს წიგნების კითხუაში.



## ჩვენი ძველი სახლულოხანი

რა დრო უნდა იყოს და როგორიც, – მაგალითად ვსთქვათ: თუნდ ანგელოზების დროც, – უთუოდ იმათში ნაკლოვანებაც უნდა იყოს იმათ თვისებაში, თორემ კარგი აღარ გამოჩნდება. ამაზედ ბევრი ლაპარაკი შეიძლება, მაგრამ მომატებული საჭირო არ არის, ამისთვის, რომ ეს უთუოდ ყველამ ასე იცის, რომ ეს მართალია. *ყოველი ადამიანი, იმისი ყოველი მოქმედება, სულ ერთიან კარგი რომ იყოს ქვეყანაზედ: ქცევა, ზნეობა თუ საქმეები, კარგი რაღა გამოჩნდება ანუ რა ღირსებაღა უნდა ჰქონდეს იმას? – ვინ რაღას დაინახავს, ანუ ვინ როგორ დააფასოს ისა, ვინ რაღა თქუას, ვიღა რაღას დასწერს? – სულ რომ კარგი იყოს, სულ კეთილი, სულ სინმინდე, სულ პატიოსნება, სულ უწინააღმდეგობა? – მაშ, კაცს მოძრაობა აღარ უნდა ჰქონდეს, მუქათათ, უზრუნველათ ვიცხოვროთ, რომელიცა ადამიანი უმოქმედოდ ქვეყანაზედ არ შეიძლება, ამიტომ, რომ კაცის მნიშვნელობა უთუოთ ის არის, ადამიანი მოძრაობაში იყოს, და როდისაც კი ადამიანი მოძრაობაში იქნება ყოველს თავის აზრის მნიშვნელობაზე, იქ თავის შესაფერი წინააღმდეგობა დაუწყებს იმას დევნას, მინამ ჭეშმარიტება სიმართლესა გამოაჩენს, ამისთვის დაფარულს ხაოში უნდა იყოს ისა და იმისი მდევნელი წინააღმდეგობა დღესასწაულში. ეს აუცილებელი ასე არის, ასეც იქნება, მინამ სიმართლე თავს იპოვის და უთუოთ დღეს-ხვალობით რომ დაიფაროს, ბოლოს მაინც გამოჩნდება. საბოლოოდ დიდი ძალი აქვს სიმართლესა. მე ეს მაგალითი იმაზე მაყავს, რომ მე როგორ ვიტყვი, რომ უწინდელს ჩვენს ძველ დროში სულ უმანკოება ყოფილიყოს, სულ სინმინდე და სხვანი. არა იმათიაც იყო ავკარგობა, მაგრამ რა გვარი? – კარგი, ძალიან კარგი ეს იყო, რომ სულ სიმართლეს მისდევდნენ და წმ. სახარების რიგსა. ეს დიახ კარგი და მოსაწონია კაცობრიობისათვის, მაგრამ ესეც კი არის, რომ ის სიმართლე იყო იმათ მავნებელი. ამიტომ რომ კარგისა და ავის მოძრაობა არ იყო რა იმათში: სულ სიმართლეს მისდევდნენ ის ჩვენი ძველი დალოცვილები და იმათი გული სინრფელით სავსე იყო, ასე ეგონათ ჩვენსავით ყველგან და ყველანი წრფელი არიანო, და ამიტომ გულით და სულით მინდობილნი იყვნენ ყველაზედ, მაგრამ თავიანთ გარეშემო კი გონებას ველარ ავლებდნენ მეტი სიმართლისა*



და სინრფელის გამო, რომ რამდენი ქვებუდანები დაძვრებოდნენ იმათში. ისინი როგორ შლიდნენ იმათს ყოველ კარგსა და ნაცვლად კარგისა საძაგლობას როგორ ასწავლიდნენ, მათ ამისი ვერა გაეგოთრა. და კიდევ ენეოდნენ სანადელს ის ქვებუდანები. იმ ხალხში, სადაც გულშენიერული ღვთის მოსაობის მეტი სხვა არა იყო რა, სარწმუნოების განუსაზღვრელი სიყვარული, წრფელი, უმანკოების სიმართლე, მშობლის, მამულის თავდადებითი ერთგულება, თავიანთ სახლეულობაში მშვიდობის მყოფელობის სიყვარული თავის სახლის პატრონობით და დასასრულ წმიდა სახარების წესი. ჩვენი უწინდელი ზნეობა აი ამაზედ იყო შედგენილი.

ყოველი ეს დიახ, კარგი, მაგრამ, ევროპიული სწავლა-განათლება იმათ რომ არა ჰქონდათ, და იმათი წესის უცოდინარები იყვნენ, რომელიცა ეს მაშინდელის დროის მიხედვით დიდად ესაჭიროებოდათ იმათ. ამის გამო ისინი შეცდომილებაში იყვნენ. აბა იმათ ევროპიული განვითარებული გონება ჰქონდათ, მაშინ ოსმალთა და სპარსეთი ნახავდა თავის ყოფას ქართველებიდგან, რომელთაგან შპიონებით სავსე იყო საქართველო...

იმ ოსმალთა და სპარსეთთა ცოტაოდენი ევროპიული რაღაებიც იცოდნენ, ამიტომ რომ იმათში ხშირად იყვნენ ევროპიელები, მაშინ როდესაც ეს ჩვენი ქვეყანა კი სრულიად დაგდებული, დაზინყებული იყო იმათგან. თუ ოდესმე ევროპიელი აქ შემოვიდოდა ვინმე, ისიც მოგზაური, ქვეყნის სანახავად ანუ აქაურობის ასანერად. ამ აზრით მოვიდოდნენ და ამ აზრით წავიდოდნენ. და რაც აქაურს კათოლიკის პატრებს შეეხება, ამათზედ ეს უნდა ვსთქვათ, რომ ისინი იმას ცდილობდნენ, რომ ქართველები გაეფრანგებინათ და სხვა ევროპიულს კი კარგს არას უქადაგებდნენ იმათ. აი, მაშინდელი ქართველები იმ მდგომარეობაში იყვნენ, კაციც და დედა-კაციც, ესენი სულ უფრო უკანასკნელს ჩვენს ძველს დროებას შეეხება საქართველოსას.

ამ ორს პირთა კარგად მოვსწრებივარ, – კაცებსაც და დედა-კაცებსაც. მაშინდელი კაცებისა ბევრი გვითქვამს, მამ ახლა მაშინდელი სახლეულობისაც ვთქვათ რამე. იმდენ ქვებუდანებსა შორის, იმათი სახლეულობანი მაინც კიდევ როგორი იყვნენ, ამისთვის, გარდა ქართველების ვაჟკაცობისა, მგონია ესეც ურიგო არ იქნება, რომ მაშინდელი ჩვენი სახლეულობანი დავინახოთ იმათი ყო-

ფა-ქცევა-ცხოვრებანი.<sup>1</sup>

მე ვყოფილვარ განუყრელად ჩვენს მართებულს გვამებში კაცთ-დედაკაცებთა შორის და იმათ სახლეულობაში, მიჩხრეკია ისინი, ყოველი იმათი ქცევა, ცხოვრება და კარგად მახსოვს, როგორც ისინი იყვნენ. ეხლა მაგალითად ავიღებ ერთს რომელსამე სახლობას, მაგრამ ვეცდებით, გამორკვევით და შემოკლებით ითქვას ყოველი ეს მართალი.

ერთმა რომელმანმე სახლეულობის ცოლ-ქმარმა გარიჟრაჟზე გაიღვიძეს, მაშინვე იმათ ღმერთი ახსენეს: ღმერთო დიდო! შენის მონყალებით ნუ დაგვაგდებ ჩვენ. ამ სიტყვასთან ქმარი ქვეშაგებიდგან გადმოვიდა, ტანზედ და ფეხებზედ სუბუქად ჩაიცო, მერე აღმოსავლეთისკენ პირი მიმართა და თავის საიდუმლო ლოცვას მოჰყვა გულმხურვალედ ღვთის წინაშე, ხანდისხან პირჯვრის დანერით და იშვიათად მეტაანის მოყრით.<sup>2</sup> ეს რომ ქვეშაგებიდგან გადმოვიდა, იქ ქვეშაგებში იმისი ცოლი წამოჯდა, ბეჭებზედ სუბუქად წამოისხა, პირი აღმოსავლეთისკენ მიიბრუნა და ისიც თავის საიდუმლო ლოცვას მოჰყვა, ხანდისხან სათხოვარის ხელების განპყრობით ღვთისადმი და თან პირჯვრის დანერითა, რომლებმაცა ერთავ დიახ კარგად იცოდნენ ზეპირად ლოცვები. ამაებს, მე რასაც ვამბობ, მხოლოდ ერთ ოჯახში კი არ იყო ეს თვისებანი, მთელს საქართველოს ოჯახებში.

ამ ცოლ-ქმრების ლოცვაში ქმარმა უფრო ადრე გაათავა ლოცვა, შემდეგ საჯინიბოსაკენ წავიდა, თავის საჯდომების ცხენების მოსავლელად.<sup>3</sup> იქ მეჯინიბეთ ცხენები კარგად დააურვებინა თავის თვალწინ. ქერის მისაცემად მეჯინიბებმა ცხენები წყალზედ წაიყვანეს და მას უკან თავის ცოლთან შემოვიდა, რომელსაცა იმის ცოლსა ლოცვა გაეთავებინა, პირიც დაებანა, თავიც დაეხურა, ტანთაც ჩაეცო, ქვეშაგებიც სულ აელაგებინათ და ქეჩაზედ მოკე-

<sup>1</sup> ვიცი, ჩემს გასამტყუნად, ჩემი წინააღმდეგები ჩემზედ ლაპარაკს დაიწყებენ და დუბროვინის თხზულებიდან ისტორიიდან („მეფე გიორგი 12“) მოიყვანენ დედოფლის დარიას ნებას და იმის გავლენილობას მეფე ირაკლიზედ... რომელმაცა ისე გაკვრით გავიგონე, მითამ მისი პასუხი ვილაცას ჰქონდეს დანერილი და იქნება კიდევ დააბეჭდინოს, მაგრამ აღარ მახსოვს, სად იყო ეს გაკვრითი სიტყვა.

<sup>2</sup> ზოგიერთი მეტი მლოცველები, თუ მეტი საჭირო საქმე არა ჰქონოდათ, ცისკარზედ წავიდოდნენ და არც წირვა-ლოცვას დააკლდებოდნენ.

<sup>3</sup> მაშინ კიდევ კარგად იყვნენ განყოფილი ცხენებ-იარაღებით მეზატონეები და მოსამსახურეებიც.

ცილი თავის ქმარს ელოდა შემოსულიყო.

როდესაც იმის ქმარი შემოვიდა, ცოლმა თავის შვიდი წლის ვაჟი გააღვიძა (გვერდით ცალკე ქვეშაგებში უწვა), უთხრა:

ადე, შვილო ილოცე, ჩაი დალიე და მერე შენს ოსტატთან წადი სასწავლებლად.<sup>1</sup>

ფხიზელი მორჩილი შვილი ჩქარა წამოდგა, გამდელმა ჯერ პირი დააბანინა, მას უკან ტანისამოსი ჩააცვა და შემდეგ ალოცეს.

მინამ ყმანვილს ალოცებდნენ, იმისმა პაპამ პირი დაიბანა, ტანისამოსის ჩაცმაც მოასწრო, ამასთან მოსამსახურემ ფოთნოზზედ დადგმული ჩაით ფინჯნები ჩამოარიგა. დედამ ყმანვილს პატარა მოთეთრო პატარა პურის ყუა წინ დაუდო და ფინჯნით ჩაი წინ დაუდგა, ესენი თან ჩაისა სვამდნენ, თან ცოლ-ქმარნი ერთმანეთში მშვიდობის მყოფლობით ლაპარაკობდნენ და თან თავის პატარა შვიდის წლის შვილსა ხუმრობით ესაუბრებოდნენ და თან დარიგებას აძლევდნენ ხუმრობაშივე. ის ყმანვილიც ყურადღებით უგდებდა ყურს იმათ დარიგებას და გონივრულ პასუხს მიუგებდა თავის დედ-მამას.

ჩაი რომ გაათავეს, ყმანვილის ლალას მოუწოდეს, ყმანვილის მამამ უთხრა:

ეს შენი გაზრდილი(შვილზედ) ჩემს დედიდაშვილს, ამის ოსტატს ბერს იოსტ...თან მიიყვანე, ჩემ მაგიერ უთხარ, ამას პირველი კანონი დავითნი რომ გაუთავებია, დიდად ვმადლობთ და იმის შაგირდსაც ამას. ესეც მოახსენე ჩემ მაგიერ, დღეს სადილათ ჩვენთან მობრძანდეს ამ თავის შეგირდით. ამასთან იმ ყმანვილს რამთენიმე დარიგება მისცეს, ლოყაზედ კოცნით გაისტუმრეს და ყმანვილიც სიამოვნებით წავიდა (მაგალითად ვთქუათ, ის ბერი იოსტ... ანჩისხატის ეკლესიაში იყო მიჩენილი).

ის რომ გაისტუმრეს, იმათი სოფლის მოურავი შემოვიდა და ორთავეს მძიმედ დაუკრა თავი. ბატონმა ჰკითხა.

– მოურავო, როდის მოხველ?

– ნუხელის უდროოთ სოფლიდგან გიახელ; თქვენთან დრო არ იყო გხლებოდით. ჩემს სახლში, ჩემს ხიზანთან გახლდი.

მოახსენა.

<sup>1</sup> ამას ცხრა წლის ახალრუსობის დროს ვანბობ, სადაც ჯერ კიდევ ძალიან მცირედი რამ იყო შემოსული რუსებისა.

- შენი ხიზანი ნაკლებობაში ხომ არ დაგხვდა?
- თქვენ ცოცხალი ბძანდებოდეთ, თორემ თქვენის მონყალებით ჩვენ ნაკლებობაში ჩვენს დღეში არ ვიქნებით.
- სოფელში ჩემი ცხენები, ბარგის ჯორები და მსახურის ცხენები როგორ არიან, ან ხომ არა აკლიათ რა?
- არა აკლიათ რა და კარგადაც არიან.
- ცხუარი, საქონელი და ან ცხენის ჯოგი როგორ არის?
- დიას კარგად გახლავან. კარგი მწყემსები, კარგი მეჯოგეები მყვანან და ძალიან კარგა უვლიან. ეს რომ მოურავმა მოახსენა, მერე იმან ჰკითხა.
- შეინჭიმე, ქერი და ბზე ხომ საკმაო იქნება ცხენებისათვის აქა?
- იმედი მაქვს, არ დააკლდესთ, უპასუხა ბატონმა.
- ვინიცობაა, თუ დააკლდათ, კიდევ ჩქარა ჩამოვატანინებ. ახლა ეს მიბრძანეთ: ყველი, ერბო, პური და ღვინო არ დაგაკლდებათ?
- წლის სამყოფუედაც ბევრია. – ცოლმა უთხრა.
- მადლობა ღმერთს! ღვთის მონყალება არ აკლია ამ ოჯახს.<sup>1</sup>
- ჭეშმარიტად, მოურავო ღვთის მონყალება არა გვაკლია რა. მაგრამ ეს ამდენი დავიდარაბა რომ შემოვიდა მებატონეებში მამულეებზე და ჩვენმა მამა-პაპის ყმებმაც რომ გაინიეს, ჩვენ ყმები არა ვართო. ამ დავიდარაბებმა ვალში ჩაგვაგდეს, და ბოლოს დროს იქნება ბევრიც დაილუბნენ ჩვენი საქართველოს ოჯახები... მეც ვიცი ეხლა შენ ფულს ჩამომიტანდი სოფლიდან... მართალია თუ არა?.
- მართალია შეინჭიმე, მოგართვით.
- რა ერთია?

<sup>1</sup> ჩემს ყმანვილობაში ამ ქალაქს ტფილისს, ერთმა ჩვენმა დიდმა კაცმა სტუმრობა გააკეთა და წინა დღეს მეორეს დღისთვის თავის სახლში ბევრი საქართველოს თავადები დაპატიჟა სადილათ, რომელსაცა მაშინდელი დროის მიხედვით მდიდარი სადილი ჰქონდა და ყოვლისფრთ უნაკლებო. შექცევა და სიამოვნე ხომ რასაკვირველია. ახლა რა გგონიათ, იმ მდიდარის სადილისთვის რაერთ ფულს დახარჯავდა? ორი შაურის მეტი არ დაუხარჯავს. ისიც მწვანეზე, სადილის საქმეებისათვის. ამ სადილის მასპინძელი იყო ეშკალაბაში თა თამაზ ორბელიანი, დიდი მამულის და ბევრი ყმების პატრონი, რომელსაცა ბევრი ცხვარი, საქონელი და დიდი ჯოგი ჰყუანდა. სოფელში რომ გაეკეთებინა ამგვარი სადილი, ადვილი იქნებოდა, მაგრამ ამ ქალაქში ორი შაურის მეტი არ დახარჯოს, საკვირველია, მაგრამ აი, ძველები როგორი მომჭირნენ იყვნენ, რომ ყველა სახლში ჰქონდათ. ნამეტნავათ იმის ცოლი ქეთევან, თა ქობულაშვილის ქალი, საკვირველი მომჭირნო დედაკაცი იყო და სახლის მეურვე.

– ოცდაათი თუმანი გაახელ.

– ეხლა ეგ ფული სხვებს უნდა წაუღო. მპირდებიან: საქმეს გაგირიგებთ და შენი მამულის მოდავეს გაგიმტყუნებთო. ეს ოთხი წელიწადია სულ ამ ამბავში ვარ; წელიწადში იმათ მიაქვთ ჩემგნით ას თუმანზე მეტი, თანაც ამას მეუბნებიან: გაგირიგებთო. მაგრამ გარიგება კი არსადა ჩანს. არ ვიცი, რა ვქნა, მოურავო?

– ბატონო, რაღა რა უნდა ჰქნათ. მოურიგდით თქვენს მოდავეს, ბევრი მამულები გაქვსთ თქვენ, რად გინდათ დავა და მწუხარება. ისევ არა სჯობია რომ თქვენს მამულებში გააკეთოთ კარგა დიდრონი ვენახები, დიდი ხვნა–თესვა გააჩინოთ, კარგი წისქვილები დააბრუნოთ, ბევრი საქონელი შეჰყაროთ, ბევრი ცხვარი და ცხენის ჯოგები, მაინც ესენი თქვენს ოჯახს არ აკლია, მაგრამ უფრო და უფრო კიდევ რომ დაუმატოთ, თქვენი ოჯახი ძლიერ გამდიდრდება. ასე რომ თითოთ საჩვენებელი სიმდიდრის ოჯახი გექნებათ! აიღეთ ხელი, ღმერთი გადღეგრძელებს, მაგ დავიდარაბებისაგან.

– რა ვქნა მოურავო, ველარ ამიღია ხელი, ქვეყნისა მცხვენიან.

– რათა შენი ჭირიმე, ვინც რამ უნდა თქვას, ოღონდ თქვენ კი მშვიდობით იყავით.<sup>1</sup>

– მართალს ამბობ, მოურავო, მაგრამ ჩემი ერთი მახლობელი ამ საქმეში ძალიან ხელს მიმართავს და ჩემთვის დიდათ ცდილობს.

– რომელი თქვენი მახლობელი? –

– აგერ აის...

მოურავი დაფიქრდა და ამასთან ამოიოხრა.

– მოურავო რათ დაჰფიქრდი და ან რათ ამოიოხრე?

– ეჰ, შეინჭიმე, ეხლა დაუნდობელი დრო არის.

– ოღონდაც კი მართალია, მაგრამ ეგ სხვებზედ უნდა ითქვას და არა იმ ჩემს მახლობელზედ, ის სწორედ მართალი კაცია, მე ის არაფერში არ მამატყუებს.

მოურავმა თავი დაბლა დალუნა და ბატონმა მიატანა.

– მოურავო, თავი დაბლა რათ ჩაღუნე?

<sup>1</sup> მე ბევრი დავიდარაბების ნამდვილი საქმეები ვიცი და იმათ შორის ორი ოჯახების დავაც ერთმანეთში; იმ თავიდან აქამდისინ ნაღდად ნანგარიშებია, რომ ერთი მხრის ხარჯი და მეორისაც: ოცდახუთი ათასი თუმანი მეტია, სხუა საჩუქრებს გარდა და ღვინოს და პურზედ ვილა რაღას იტყვის, რომლებიცა იმ დავისა გამო იმათ შვილები დღესაც დიდს ვალებში არიან.

– არაფერზედ შეინჭიმე.–

– არა მაინც, თუ გიყვარვარ.

– ის სხვებიც აგრე იტყვიან თქვენზედ: იმას თავის მახლობელი ატყუებს და ჩვენი მახლობელი კი ჩვენ არაო.

ამ სიტყვებზე ბატონმა და იმისმა ცოლმა მოურავი სასაცილოდ აიგდეს და ეს სიტყვა იმას არ დაუჯერეს. მოურავიც ხელების თითების წელის სარტყელში ჩანყობილი განკრძალული დადგა და მედიდურად ყურება დაუნყო ბატონს. ამ დროს უფროსი გამდელი შემოვიდა და ქალბატონს მოახსენა.

– მზარეული ბაზრიდან გიახლათ და სადილისათვის ნუზლი მოიტანა.<sup>1</sup>

– აი, ეხლავ მოვალ, – ქალბატონმა უბძანა. ამ სიტყვაზედ ბატონმა უთხრა ქალბატონსა:

– მამ მე ეხლა დარბაისლებში წავალ; საქვეყნო საქმეს ვიტყვი რასმე. წამოდგა და წავიდა.

იმან კარები რომ გაიარა, ქალბატონიც კარზე გამოვიდა, ორი გამდლები უკან გამოჰყვნენ. ჯერ სამზარეულოში შევიდა, იქ ქვაბები გაჩხრიკა, წმინდათ იყო, ხორცი, ბრინჯი კარგი მოეტანა, მზარეულს უბძანა.

– დღეს ჩემი ქმრის დეიდაშვილი ბერი იოსტ.. მოვა ჩვენთან სადილათ, გემრიელი სადილი გააკეთე, კარგი ცხვრის გუფთის ბოზბაში. კარგი ცივათ ძროხის ხორცი, კარგი ხოხბის ფლავი და კარგი ჩახოხბილი ქათმები. ხოხობი გუშინ ერთის ადგილიდან მოგვივიდა და ქათმები კი შინ გვყავს. ამასთან სამზარეულო დაათვალიერა, ნახა სულ თავის რიგზე წმინდათ იყო, მერე გამოვიდა და საკუჭნაოში შევიდა.

იქ მეკუჭნავეს ყოველი ჰკითხა... თავის გაკეთებული სხვადასხვა მწნილები ქილებით რიგზე დადგმულები, ქილებით ყველები, ქილებით ერბო, მარილები, ტომრებით პურის ფქვილები, ტიკებით ღვინო, ცარიელი საღვინეები, გოზაურები და სხვა, რაც საკუჭნაოს ეკუთვნოდა? – მეკუჭნავემ ყველა კარგათ მოახსენა, მაინც ქალბატონმა თვითონ დაიარა, მაგრამ გამდლებს აჩხრეკინებდა და თვითონ მხოლოდ დახედავდა. ნახა, ყველა რიგზედ რომ იყო, მეკუჭნავეს ჰკითხა:

---

<sup>1</sup> ნუზლი არის სასმელ-საჭმლის სამზადისი.

– სულერთიან მოსამსახურეებმა დღეს ამ დილით ისაუბრეთ, თუ ჯერ არა?

– ბატონების თქვენის მონყალებით ვისაუბრეთ, პურით, ყველით და ორ-ორი აზარფეშა ღვინოც გიახელით. – მეკუჭნავემ მოახსენა.

– მოსამსახურეებმა იმიტომ უნდა საუბრე ჭამონ ხოლმე, რომ, რადგან ჩვენ ბატონების სადილი კარგა ხანი გასწევს, მოსამსახურეებს მეტად არ მოჰშივდესთ და სამსახური არ დაიზარონ.<sup>1</sup>

ქალბატონმა ეს რომ თქუა, საკუჭნაოდგან გამოვიდა და გამდლების ოთახები დაიარა. იქ პატარა მუახლეები დაათვალიერა, ისხდნენ და ხელსაქმეს აკეთებდნენ: ქარგას, ქისას, კერვას და ამგვარებსა, ვისაც კარგათ გაეკეთებინა, მოუწონა, ვისაც კარგად არა, დაარიგა. ქალბატონი ყოველ დილაზედ ასე დაივილიდა.<sup>2</sup> მასუკან ქალბატონი იქიდგან თავის ოთახში შემოვიდა, საუცხოვო საფენზე დაჯდა დორზედ მისვენებული, აილო საკერავი და მინამ არ გაათავა, არ მოეშო, მასუკან პატარა საეროს წიგნს დაუწყო კითხვა ყურადღებით შუადღემდინ, რომელიცა ამ დროს ქალბატონის ქმარიც შემოვიდა და სამი დარბაისელი თავისი ცოლის ნათესავები თან შემოჰყვნენ, უთხრა ცოლსა:

– ვიცი არ გენყინება. ეს შენი ნათესავები დღეს სადილათ ჩვენთან ბძანდებიან.

იმის ცოლი ფეხზე წამოდგა.

– ოლონდაც კი არ მენყინება.. მობძანდით შეინჭიმე. აი, აქ ჩემს მახლობლად დაბძანდით.

დასხდებიან და ერთმანეთს მოიკითხვენ. პატარა ხანს უკან იოსტ... ბერი შემოვა პატარა თავის შეგირდით. ყველანი ფეხზე წამოუდგებიან, მივლენ, ჯერ სახლის პატრონის ცოლი ხელზე ემთხვევა და მასუკან სხვები თითვეულად. ბერს იოსტ... ყველამ უთავაზეს და სახლის პატრონის გვერდით დაჯდა, მაგრამ ცოტა მოშორებით, და ამათ პირდაპირ სხუები დასხდნენ კედელთან. შეგირდს მამამ დაუძახა, რამთენიმე ალერსის სიტყვის შემდეგ გემრიელად აკოცა, მერე სხვებმა ჩაირიგეს და ბოლოს დედამ მეო-

<sup>1</sup> ბატონების სადილი ორი სათი მაინც იქნებოდა. უფრო საუბრობით შეექცეოდნენ, თან წვრილ-წვრილად საქმელს სჭამდნენ და თან ცოცოტა ღვინოს სომდნენ.

<sup>2</sup> გამდლები და მოახლეები საუზმეს არა სჭამდნენ, ისინიც მებატონეების სადილის დროს სჭამდნენ სადილ-ვახშამს, რადგან იმ დროს იმათი ვალი არ იყო ამგვარი სამსახური.

რეს მხარეს გვერდით მოისო, რამდენჯერმე გულის სიყვარულის კოცნით. ამასთან ყველამ უთხრა ყმანვილს. ყმანვილო, თურმე კარგათ სწავლობ. ისწავლე, ისწავლე შენმა გაზდამ, ქვეყანაზედ სწავლისთანა არა იქნება რა.

მინამ სადილს მოიტანდნენ, მოჰყენენ საუბრობას, სადაც ერთი ბენო უზდელი სიტყვა არ გაურევიათ, არც მაღალი ძახილით ლაპარაკი, თვინიერ დამშვიდებული ზდილობიანის საუბრობისა. ამ ლაპარაკში დრო რომ გავიდა, მერე სადილიც გაშალეს ზდილობიან მოსამსახურეთა.

ეს სადილი სამ სათამდინ წავიდა, სულ სხვადასხვის სასიამოვნოს ლაპარაკითა და ერთმანეთის სადღეგრძელოს დაღვევითა. სადაც ბევრი ლაპარაკი იყო საქართუელოსი და ქართუელებისა.... რომელიცა ის პატარა შეგირდი იმთენი ხანი თავის დედას გვერდით უჯდა და დიდის ყურადღებით იმათ ლაპარაკს ჰკრეფდა.<sup>1</sup>

ის სადილი და ის შემოდგომის პატარა დღე გულახდილის კმაყოფილების ლაპარაკით გაატარეს. დაგარწმუნებთ, ამათში ერთი ბენო ზაკვა არ იპოებოდა არც იმათ გულში და არც იმათ ლაპარაკში ხომ რასაკვირველია, რომლებსაც ის იმთენი კარგი ხასიათები ჭეშმარიტად სასწავლებელია. ეს იყო იმათი ნაკლულეევანება (ეს ზემოთაც ვთქვი) რომ ევროპიული განათლებისა და პოლიტიკისა იმათ არა იცოდნენ რა, და ეს წარსულ საუკუნეში რომ არ ყოფილიყო, ეხლანდელ საუკუნეში დიდი სავნებელი იყო ჩვენის წარსულებისათვის ესა.

იმ ჩვენი ძველის სახლეულობის ყოფა-ცხოვრებანი ხომ ასე მოკლედ გავიგონეთ, ახლა მხოლოდ ჩვენი ძველი დედაკაცებისა ვთქვათ რამე, ან ისინი როგორი იყვნენ, მაგრამ იმათი კიდევ უფრო მცირედა ვთქვათ, გამორკვევით, რომ ახლანდელს დროს (ახლანდელს მედროებს კი არა) არ მოსწყინდეს ეს ამგვარი ძველი ლაპარაკი და თავი არ ასტიკვდეს.

მე ძველს დედაკაცების ხელში დაბადებული ვარ, იმათ ხელში გაზდილი და მინამ ორმოცდაოთხის წლისა შევსრულდებოდი, სულ იმათთან ვიყავი, თუ ოდესმე გარემოება არ განმამორებდა. მამ მგონია ამთენი დრო ჩემთვის საკმაოა, რომ მე ისინი ძალიან კარგად მეცნა, მაშინ, როდესაც რომ იმათ ყოფა-ცხოვრებას ვიკვლევ-

<sup>1</sup> როგორც საპატიოს ოჯახებში იყო უნინ ამისთანა თვისებანი, ისე საყოველთაოდ.



დი და ვსწავლობდი. ამიტომ რომ დიდად მამწონდა.

იმ ჩვენს ძველ დედაკაცებს ჯერ ყმანვილობაში სამღვთო წერილს ასწავლიდნენ, თავის კერვა-ხელსაქმითა და მასუკან საეროს წიგნებს, ანუ ხელწერილებს აკითხებდნენ. ამასთან კარგს ზნეობას, კარგს თვისებას ასწავლიდნენ, შემდეგ ქცევას, მიმოხრასა, თავის უმანკოების სინრფელის სიმართლითა, თან ცდილობდნენ ყოველი წმინდა და პატიოსანი ხასიათი ჩაენვეთათ თავის მოთმინებით იმათ ბუნებაში, და ბოლო დროს, როდესაც დრო მოვიდოდა, გაათხოვებდნენ, რომელსაცა ეს ხასიათები განძად და საუნჯეთ გაჰყვებოდა, თავის ქმრისა და იმის სახლის გასაბედნიერებლად. ამასთან იმგვარს სახლის პატრონობას ასწავლიდნენ, როგორც ზევით გავიგონეთ იმ ქმარიანის ქალსა.

მე დიახ ხშირად ვიყავი ჩვენი ძველი დედაკაცების შეყრილობაში, იმ ღვთიურს გვამებში. მე თამამად ვიტყვი, რომ ჩემი გული იმათთან ყოფნით ყოვლის კეთილის მადლით განათებული იყო ხოლმე. რა არ ჰქონდათ იმათ კარგი თვისებანი? დარბაისლური მართებული ლაპარაკი, თან ზდილობიანი გახუმრებით მხიარულება? მე ჩემს დღეში არ მახსოვს, რომ იმათ ერთი ბენვა წინააღმდეგობა და მაღალი სიტყვა ეთქვათ ერთმანეთისთვის რამე, ისე მშვიდობიანათ და გონივრულად ლაპარაკობდნენ და მშვიდობიანათ თავის აზრებს უმტკიცებდნენ, რომლებსაც ყოველი იმათი ლაპარაკი კარგ საგნებზედ იყო: მიწის მოსავლებზედ თუ ვენახებზედ, სახლის მეურნეობაზედ თუ საქვეყნოზედ და სხუანი, ასე რომ იმათში თავის დღეში ჭორი არ ითქმოდა, თორემ ტყუილი და სიცრუე როგორ შეიძლებოდა. როგორც ეხლა ჩვენში გაადვილებულია, ნამეტნავად უმანკოთა და მართლების მოთხრა ბევრი არის ეხლა: მიუტევე, მამაო, რომლებიცა ის მართებული გვამები ქალაქსა<sup>1</sup> ითამაშებდნენ, ნარდსაც და ჭანდრაქსაც, მაგრამ ყველას თავის დროზედ, კიდეც იგალობებდნენ და სოფლურს სიმღერებსაც იმღერებდნენ, ისე რომ ზოგს თვალეში ცრემლი მოუვიდოდათ იმათ დანყნარებულს მშვენიერსა გალობაზედ და სიმღერაზედ.

ესეც ჩვენი ძველი ამბავი და მისი თვისებანი. ყოველი იმ დროს ანბები ვინც კი იცის, უთუოდ უნდა ქალაქზე გამოთქვას, ჯერ

<sup>1</sup> პირველსავე რუსობის დროს საქართველოში განჯაფის თამაშობა გადავარდა და იმის მაგიერ ქალაქის თამაშობა შემოვიდა.

წამკითხველმა წაიკითხოს, როგორ უცხოვრია მაშინ ადამიანს ჩუენში: რა ზნეობით, რა თვისებით, რა ხასიათით და ანუ რას მდგომარეობაში ყოფილა უნინ საქართველო ქართველებით, რომ ის დრო ჩვენმა მომავლებმა გაიცნან, ესენი იმათ დარჩეთ და ბოლო დროს იმათმა მეისტორიებმა განიხილონ ის დრო თავიანთის აზრებისათვის. დიდი ხანია ჩვენ ეს განძრახვა გვაქვს და კიდევ ვცდილობთ, ეს განძრახვა როგორმე შევასრულოთ ჩვენის მომავლებისათვის, რომ ეს ფარატინები იმათ დარჩეთ.

**თა ა. ვახ. ძე ჯ. ორბელიანი**  
**28-ს მაისს 1869-ს წელსა ქ. ტფილისს.**

## ჩემი შეცთომილება ანუ ჩემი ცოდვანი

უკეთუ გამზადებულები ვართ, სხვის ნაკლულევანებას, ანუ სხვის ცოდვასა ადვილად აღვწერთ ანუ ვიტყვით, ჩუენი რაღა არის, რომ ჩუენის ხელით აღიწეროს ჩუენი ცოდვა? – ჩუენში ნათქვამია: ცოდვა გამჟღავნებული სჯობიაო. სწორეთ ასეც უნდა იყოს, *ჩემის აზრით, პირველი ღირსება ის არის კაცისა, რომ როგორც სხვისას არ დამალავს ზოგიერთი, ისე თავისი არ დამალოს, თუ არადა ბევრმა იცის სხვისას იტყვის ბევრს ავს თავის ეგოისტობისა გამო, სხუას უმანკოებზედ ბევრს სიცრუეს ავსა იტყვის და ყოვლის თავის ღვთის გარეგნობას კი ჰფარავს: ეგება ამით ჩემი ნაკლულევანება, საზიზღრობა და ფეხაროვო.* ეს ამისთანა კაცი ჩემი აზრით, სანდო სარწმუნო არ იქნება არაფერში.

მე ეს აზრი ამ მიზეზმა მამცა, როდესაც რუსეთში გაგზავნილი ვიყავ ჩუენი შეთქმის გამო რუსეთის მთავრობისაგან, მაშინ ჩემმა იქაურმა საძაგელმა ქცევამ, იმის სიმწარემ მამცა ეს აზრი და შეეუთქვი ღმერთსა: თუ ვიცოცხლებ, როდისაც ხანში შევალ, ყველას ჩემს ქცევასა აღვწერ, ჩემის ყმანვილობიდან იქამდისმეთქი. რადგან ამ ხანამდისინ იქნება კიდევ რამე შემთხვევოდა, ამისთვის ეს აღთქმა ასე დავდე და ახლა კი დროა, აღვასრულო ის ჩემი აღთქმულება, ამ ჩემს სამოცდა მეშვიდეს წელიწადის ხანში და ავწერო ჩემი ცოდვის შეცთომილებანი, რომელსაცა კიდევ შემიბრალებთ, ავს სიტყვებსაც იტყვით ჩემზედ, არც გაუცინათ გაგიშვებთ და ამის იმედიცა მაქვს, რომ ამ ჩემი ამბებით გაურთობელიც არ დარჩებით. *ამის ნაკითხვა გაგართობთ, იმედი მაქუს.* ვინც ამას წაიკითხამთ. ამ ჩემი აღთქმის შესრულებით, ჩემის გულიდან რაღაც მძიმეთ დანოლილსა ვიხსნი და როგორღაც კეთილს ნუგეშს მაძლევს, ჩემის სულის მოსასვენად. ამათ შორის, თუ ჩემი კარგიც იქნება რამ, ისიც უნდა ითქვას, ისიც მოვიხსენიოთ აქა და ისიც გულისსინრფელით აღვიაროთ.

ჩემი ყმანვილობიდან ვიდრე სამხედროს სამსახურში შევიდოდი, ჩემი დედმამა<sup>1</sup> ასე უმანკოთ და წმინდათ მზდიდნენ, რომ არც ყურიით ცუდი რამ უნდა გამეგონა და არც თუალით ცუდი მენახა რამე. თვითონ ხომ რასაკვირველია ასე მიფრთხილდებოდნენ, მაგრამ მოხუცებული გამდელიც მოჩენილი იყო ამისთვისა, ხნი-

<sup>1</sup> მაგრამ ათის წლისას მე მამა აღარ მყუნდა.

ანი კაცი ლალათ და ერთი კიდევ პატარა მუახლე, რომელიცა თუ წავიდოდი სადმე ანუ გამგზავნიდნენ, ის ხნიანი ჩემი ლალა გამამყვებოდა და ერთი კიდევ სხუა მოსამსახურე, რომლებიცა ყოველს ცუდსა მარიდებდნენ თვალთ ყურით, ასე მიფთხილდებოდნენ და შინ უფრო გამდელ მუახლე ყურს მიგდებდნენ. ეს არის ჩუენი ძველი გაზდილობა ჩუენი საუკეთესო სახლის შვილებისა.<sup>1</sup> არამც თუ მარტო საუკეთესო ჩუენი სახლის შვილები ასე იზდებოდნენ – გლეხი კაცებისაც უმანკოთ და წმინდათ იზდებოდნენ თავის სახლში უმანკოებითა. ასე რომ მთელი საქართველო შამოეარათ, ერთს „შეგარცხვინას“ ვერ გაიგონებდნენ, არამც თუ ლანძღვა ან გინება გაეგონათ ერთმანეთში. ეხლა შემოვიდა ამ რუსების დროსა რუსეთის მუჟიკების ლანძღვა და გინება, თორემ უწინ სად გაიგონებოდა უშვერი სიტყვა საქართუელოში, სადაც წმინდა სახარების ზნეობისა ქცევა იყო ხოლმე უწინ ჩუენში და მიზღვედნენ სამღთო წერილისა დარიგებას ყოვლის თავის სიმართლითა. ესე იყო ნაკლულეგანება უწინდელსა დიდკაცებში, რომ ერთმანეთის მოშურნენი იყვნენ და ამის მიზეზს წაიკითხავთ ჩემსა აღწერილსა დუბროვინის ჩემს პასუხში მეფის გიორგის ისტორიაზედ. ჩემს ამ ამბავში სხუას ამბავს მაგთენს არ გაფურევე, ვეცდები მხოლოდ ეს ჩემი ანბავი გამოვარკვიო და მხოლოდ ესეები აღიწეროს.

მე დავიბადე 1802-სა წელსა მაისის 24-სა დღესა და რუსეთის სამხედროში<sup>2</sup> შევედი მე 1817-სა წელსა დეკემბრის თვესა და ამ ზამთარშივე გამისტუმრეს პოლკში ბაშქეჩითისაკენ, სადაც მიმიყვანეს და მაიორ ელეცკისთან გადამახდინეს ცხენით, რომელსაცა იმას ადრით ჰქონდა ცნობილი ჩემი მისვლა ჩემის პოლკოვოი კამანდერის ლადინსკისაგან, იმ დროს ქ. ტფილისს იყო. იმანაც კარგის გულით მიმიღო და თავის გვერდით პატარა ოთახში დამაყენა. ის ელეცკი იყო დიახ პატიოსანი და რიგიანი კაცი, იმას ებარა ყოველი პოლკის ხელოსნობის საქმე და ლადინსკის დიდი სარწმუნო კაციც იყო, რომელმაცა მეორე დილაზედ პირველი ბატალიონის პირველი

<sup>1</sup> სიცილქეს და თამაშობას კი არ მიშლიდნენ ჩემს ტოლს ყმანვილებთან და კრივიაც წამიყუანდნენ ხოლმე, უფრო ამისთვის, რომ: ვაჟკაცობის გული მიეცესო. ცხენითაც ხშირათ მატარებდნენ; იმავე ყმანვილობითვე ასე კარგათ ვიჯექი ცხენზე და ასე კარგათ ვხმარობდი, როგორც კარგი მხედარი და თოფის სროლასაც მასწავლიდნენ ნიშანზე და ძალიან კარგათაც ვესროდი.

<sup>2</sup> სედმოი კარაბინერის პოლკში.

გრენადერის როტის კამანდერი კაპიტანი *ინდეტნი* დაიბარა, იმას ჩამაბარა და იმის როტაშიაც შემრიცხეს. მე რუსული უნკრული ტანისამოსი ქ. ტფილისშივე ჩამაცვეს. იმანაც *ინდეტნიმაც* მაშინვე როტისაკენ წამიყვანა, პირველ კაზარმაში შემიყუანა და უნტეროფიცერს პეტროვს მიმაბარა ამ სიტყვით.

– „ამ უნკერ კნიაზ ორბელიანს კარგათ გაუფრთხილდი და კარგი ფრუნტის სამსახურიც ასწავლეო.“ ის ამასთანვე გატრიალდა და წავიდა.

დილას და შუადღის შემდგომ კაზარმაში დავიდოდი ფრუნტის სასწავლებლად. დადგომით კი იმ მაიორს ელექციისთან ვიდექი. სადილვახშამი და ჩაიც იმისი იყო ხოლმე.

ამაში ჩვენი პოლკოვოი კამანდერი მოვიდა ქ. ტფილისიდან, რომელთანაც სადილვახშმათ მიდიოდა ის ელექცი, მეც თან წამიყვანდა, იმის მახლობლათაც ვიდექით და მთელი პოლკის აფიცრებიც იქვე დადიოდნენ სადილვახშმათ. მე იმ პოლკში კარგათ გავეჩვიე და ჩემი მშვიდობიანობის ხასიათის გამო ყველანი კარგის თვალთ მიყურებდნენ, ნამეტნავად ფრუნტის სამსახურსა ბეჯითად, *ბევრ მცდელობით* რომ ვასრულებდი, ამან უფრო დიდი რეპუტაცია გამიკეთა მთელს პოლკში.

მოვიდა გაზაფხული და ჩემი პოლკის კამანდერმა ლადინსკიმ ქ. ტფილისში დამითხოვა დედაჩემთან ორის კვირის ვადით. ვიყავ დედა ჩემთან და ჩემს ნათესავებთან, იმ ვადამდისინ რაეთი ხანიც ვიყავი დათხოვნილი, მერეთ ერთი ჩუენი პოლკის აფიცერი პოდპორუჩიკი ზ... მე და ის ერთად წამოვედით ქალაქიდან პოლკისაკენ და თელეთის მინდვრისაკენ რომ გადმოვედით, იქ ჯაგებში ცხენიდან გადავხვით, ცხენები ბალახზე მივუშვით ავშრებით პალოებზე საბლებით გამობმულელები და მასუკან ჩემს ლალას თევდორეს<sup>1</sup> ვუთხარი მე, ხურჯინები ჩამოეხსნა ცხენებიდან, ცოტა ღვინო გვესვა და გვეჭამა რამე. იმ აფიცარს ეს რომ რუსულათ გადვუთარგმნე, იმასაც ძალიან მოეწონა და გავშალეთ ჩუენი სუფრა: მოხარული ცივი ქათამი, ყველი, კარგი ქართული პურები და ტიკჭორა წითელის ღვინით თავის ვერცხლის აზარფეშებითა. ჩუენც აქეთ იქით მოვუსხედით, ჩემი ლალაც ზეზედგომელა ღვი-

<sup>1</sup> სამი ლალა მყვანდა, ჯერ პირველათ მოხუცებული ბერელა, მასუკან ოთარა და შემდგომად ეს თევდორე.

ნოს გვისხამდა. ის აფიცარი ცოტათ ზარხოშათ რომ შეიქნა, ჩვენი სუფრაც ავალაგეთ.

ჩემი ლალა და ჩვენი სოფლის ორი თათარი, რომლებიც თან მახლდნენ, იმათ ის სადილი ცალკე გაიტანეს და ერთს მიფარებულს დაბლობის ძირში დასხდნენ. მეც იდაყვზე დაბჯენილი აქეთ იქით ვიყურებოდი. ის აფიცარი წამოდგა, ერთს ჯაგის ძირში მივიდა და ჩემს პირდაპირ უსირცხვილოთ დაიჩოქა, მე ასე მეგონა: შარდი უნდა მეთქი. ის წყეული როგორღაც ცხვირის ცოდვილობას მოჰყუა, მეც გულის სინრფელით ვუყურებდი: რას შვრება მეთქი. ამ დროს ცხვირიდგან ნუზლა მოიწმინდა, რომელსაცა გამიკვირდა: ეს რა იყო მეთქი. ბოლოს ის ჩემთან რომ მოვიდა, მარტივის გულით ვკითხე.

– „ის რა იყო მეთქი? –“

იმან გაცინებით მითხრა.

– „მაშ არ იცი? –“

– „არა, არ ვიცი.“

– „ეს ის არის, რომ რომელიც ქალი ლამაზი გინახამს, ის გონებით უნდა წარმოიდგინო, შენი ცხვირი აცოდვილო და მეტისმეტათ გაამებო.“

ოჰ, რა არის ცუდი მაგალითი და ან ცუდი ლაპარაკი? – ჩემს დღეში მე იმდრომდისინ ცუდი არა გამიგონია რა, არამც თუ მენახოს რამ, მაგრამ იმის შემდგომ, იმის სიტყუა თავიდამ აღარ გამამივიდა და ვფიქრობდი როგორ, მარამ მაინც ვერ გამებედა.

პოლკში, იმ მაიორის ელექციდგან, ჩემი პოლკოვოი კამანდერმა დოხტურს ჩურიკოვსკისთან გამიყუანა და ცალკე ერთი პატარა ოთახი ჰქონდა, იქ დამაყენა, მხოლოდ ამისთვის, რომ რუსული წიგნები მეკითხა იმასთან. ის დოხტური იყო ხნიანი კაცი, უცხო პატიოსანი ზნეობიანი და კარგი მსწავლულიც. იმან რუსული გაზეთი ინვალიდი<sup>1</sup> და მაშინდელი რუსული ჟურნალები გადმამიწყო: აი ესენი იკითხო.

იმათ კითხვამ დიდათ გამიერთა და თავის დროზე ფრუნტის სწავლაშიაც დავიდოდი და ყოველს ჩემდამო კუთვნილს სამსახურსაც ვასრულებდი. სადილვანხშმათაც პოლკოვოი კამანდერთან

<sup>1</sup> მაშინ ის გაზეთი ერთს ჩარექს თეთრს ქალაღზე იბეჭდებოდა 1818-სა წელსა. მაშინდელს აქეთ გაზეთების ვნების კითხუა დამჩემდა და წიგნებისაც.

დავიდოდით ის დობტური და მე, რომელიცა სიტყვით ჩაგონებით ბევრს მასწავლიდა და ბევრიც ვისწავლე იმისაგან. მგონია ის იყო პალიაკი, მაგრამ იმას არც ერთხელ არ უთქუამს ეს და არც მე მიკითხამს, იმისი ვინაობა.

მაგრამ რა გითხრათ? – იმ აფიცრის საძაგელი საქმე და სიტყუა თავიდან აღარ გამამეცალა ვერ დავივიწყე. ერთს დღეს სადილს უკან, იმ დროს დობტურიც შინ არ იყო, გულაღმა ვწევარ ჩემს ქვეშაგებზე და ბალიშზე თავი მიდევეს, გულამდისინაც საბანი მაფარია, მინდა მითამ დავიძინო. ამ დროს ერთი მშვენიერი ქალი, მეტათ კარგათ მორთული პირისფერი კაბით, იმის უებრო შავნი ბრწყინვალე თუალეები თავის მშვენიერის განწყობილის თეთრ სპეტაკის სახით და მომალლო ტანწვრილი წარმამიდგა ბალახბაგების ლამაზისა ღიმღიმითა. შემდგომად ეს იყო ჩემი ცოლი, დაიჯერეთ. პირველი ჩემი სისხლის აღელვება აი აქედგან დაიწყო, რომელსაცა იმ აფიცრის საზიზღრობა მამაგონდა და მიგყავი ხელი ჩემს ცხვირს, ბოლოს ასეთმა სიამოვნების ყრუანტელმა დამიარა თავიდგან ფეხებამდინ, რომ მეტის გვემულობის სიამოვნით ტახტიდგან პოლზედ გადმოვვარდი, ამ დროს დობტურმაც თავი შემოყო, ჩემკენ გამოექანა და ფერჩათეთქილი სახე რომ დამინახა, დაიძახა.

– „კნიაზო, რა დაგმართვიათ, რა ანბავიაო?“

მე უნკრის შინელი მეცო გძელი და ძლივს წამოვდექე თრთოლით, მოვიდა, მაჯა მინახა და დაფიქრებით მითხრა.

– „დიახ აჩქარებული მაჯა გაქვთ. რათა, რა მიზეზით?“

მე რა უნდა მეთქვა ამის მეტი.

– „უეცრათ თავბრუ დამეხვია და ძირს გადმოვვარდი.“

– „უთუოთ ზაფრა არის ეგა.“ მაშინვე გატრიალდა, შაქარზე დანვეთებული კაპლი მამიტანა, შემაჭამა და მერეთ მითხრა.

– „ეს კაპლი დაგამშვიდებსთ. გთხოვთ წამოწვეთ.“ ამასთან თვი-თონ გატრიალდა და თავის საწოლში შევიდა.

ჩემი კუმირი შეიქნა ის საძაგლობა, ყოველ დღეს იმითი ვატარებდი დროსა. დღეში ერთხელ უთუოთა, ბევრჯელ ორჯელაც. რამიჭირდა, ძლიერი ყმანვილი ბიჭი ვიყავი, იმითი ვსიამოვნებდი და არც ვიცოდი, ავი იყო ისა თუ არა.

1818-სა წელსა გაზაფხულზედ დავიწყე ეს, მე მაშინ ვიყავ 16-ის წლისა და აქ ამ დროებში ერთი ქალი ვნახე აბანოში ქ. ტფილისს,

რომლისაცა იმისი ანბავი ცალკე მაქვს აღწერილი<sup>1</sup> და იმის ნახვის შემდგომ უფრო გამიცხოველდა იგი საძაგლობა. ამ დროებშიაც იმერეთისაკენ გაისტუმრეს ჩვენი ბატალიონი, იმერლების არეულობის დასამშვიდებლად. მეც იმ ბატალიონს გავყევი.

იმათი დამშვიდების შემდეგ, ქ. ტფილისშივე მოვედით შემოდგომას და ის ქალი იმ დროებში მომკვდარიყო. შევწუხდი, ძალიან შევწუხდი და ამის გაზაფხულზე ციებაც დამანყებინა. მაშინ ის თეთრი ქინაქინა არ იყო მოგონილი, წითელი ქინაქინის სმამ კი არა მიყორა, მაგრამ მაინც უკეთ შევიქენ ერთს თვეზედ, *მთელი ზამთარი მაცია და გაზაფხულზედ უკეთ შევიქენი*. უფრო მგონია ყმანვილობის ბუნება შემენია. ახლად მორჩენილი ცოტად კიდევ სუსტად ვიყავ, რომ ვერის სიახლოვეს მონასტრის ბაღთან ერთი მშვენიერი ქალი ვნახე<sup>2</sup> და დღეს იგი ჩემი ცოლი არის, რომლისაცა იმის სიყუარული გარდემატა ჩემს გულს, მაგრამ ურიგო არ იქნება, რომ რაც ავწერე აქა ჩემი შემთხვეულობა, იმის გარდა კიდევ ჩემი პოლკის სამსახურიდან დავიწყით სხუა და მასუკან კიდევ სხუები.

ჩუენი პოლკის მოსაწონი ეს იყო *კარგი* რომ პოლკოვოი კამანდერიდგან მოკიდებული, ვიდრე უკანასკნელ აფიცრამდინ, ერთმანეთში დიდი თანხმობა იყო. პოლკის კამანდერს ისინი ძალიან უყვარდა და ისინიც მაგიერსა პატივს სცემდნენ, ამისთვის ისე სცემდნენ პატივს, რომ დიდათ ყურს უგდებდა იმათ და შემთხვევის დროს კიდევ ეწეოდა. პოლკოვოი კამანდერსაც იმათი სიყვარული იმიტომ ჰქონდა, რომ თავიანთ სამსახურის მოვალეობასა კარგათ ასრულებდნენ. მართლა საუცხოვო აფიცრები იყვნენ იმ პოლკში და დაწმენდილი ხასიათისანი, მაგრამ დიდი შექცევის მოყვარულები, არც პოლკის კამანდერი უშლიდა, არამც უშლიდა, იმასაც კვირაში ორჯელ ბალი ჰქონდა, კვირას და ხუთშაფათის საღამოზედ და თიატრიც ბევრჯველ კამედიებისა.

მე რომ ვთქვი: დიდი შექცევის მოყვარულობა იმათი, ამ შექცევის გარდა, ხშირად შეიყრებოდნენ ერთიერთმანეთთან და რომის<sup>3</sup> ფუნჯსა სომდნენ, თან წითელ ღვინოს კახურსაცა, სადაც

<sup>1</sup> ჩემს ჭეშმარიტს სიყვარულში. მაშინ ახალი აფიცარიც ვიყავი, პრაპორშიკი.

<sup>2</sup> 1821-სა წელსა კიდევ გაზაფხულზედ. ესეც იქა მაქუს აღწერილი, იმ ჩემს ჭეშმარიტს სიყვარულში.

<sup>3</sup> მაშინ რომი ბევრი იყო საქართველოში და დიდათ იაფიც. ერთი ბუთლიკა კარგი რომი ხუთ შაურათ იყიდებოდა.



მომღერლები იმღეროდნენ და ბევრჯერ პოლკის მუზიკაც გრი-  
ალებდა, თან ისინიც სვამდნენ, ამასთან ზოგი ტანცაობდა, ზოგნი  
იმღეროდნენ, ზოგნი ისხდნენ გონივრულად ლაპარაკობდნენ და  
ზოგნი კი ჩიბუხსა სწევდნენ დაფიქრებულები. პოლკში თითქმის  
ყველანი სწევდნენ ჩიბუხს. არც იმათი ჩხუბი მინახავს მე, ასე თავ-  
აზით სომდნენ და შეექცეოდნენ ერთმანეთის ძალა დაუტანებლე-  
ბი. დიდი მსმელებიც იყვნენ, მაგრამ მე იმათი გონების დაკარგვა  
არ მინახავს. რუსებისგან დიდი საქმეა ესა.

ეს ამგვარი შექცევა, პოლკისკამანდერს ლადინსკის ესწავლე-  
ბინა ქართულებს მშვიდობიანის შექცევებიდგან, ამას ისიც  
იტყოდა ხოლმე, რომელსაცა თვითონვე თავის დღეში მხურვალე  
სასმელები არ დაელია და არც სომდა, თვინიერ წყალისა და კვა-  
სისა. დიდი ხნის ნამყოფიც იყო საქართველოში ის, მგონი პირველი  
რუსობის დროსვე და ქართული ლაპარაკიც კარგათ იცოდა.

მინამ მე აფიცრობა არ მამივიდა, მე იმათთან არ ვყოფილვარ  
არც ერთს შექცევაში, თვინიერ პოლკის კამანდრის ბალვეჩერებში,  
სადაც პოლკის საზოგადოებათა შორის მეც ქალებთან ვტანცაობ-  
დი: ეკოსიეს, ვალცსა, კადრილს და მაზურკას, მაგრამ იმ ლამაზის  
ქალების სურვილი ჩემს გულს არც ერთხელ არ დასჩნევია, ისე  
ცივათ ვიყავ იმათთან, მაშინ როდესაც რომ ისინი კი მაჩვენებდ-  
ნენ ტრფიალების ნიშნებს, ნამეტნავად მაიორის კ. ცოლი ა... ი...  
ის დახატულსავით მშვენიერება, რომელზედაც ჩემი გული ძალიან  
შორს იყო და მგონია ამისთვის, რომ ჩემი გული სხუას უნდა მიხ-  
ვედროდა: იმას, ვისთანაც დღეს შეუღლებული ვარ სამღთოს კავ-  
შირითა.

რაც რომ აფიცრობა მამივიდა, პოლკისკამანდერმა, იმ დობტურ-  
ის ჩურიკოვსკიდგან გადმამიყვანა, პოლკის ადუტანტს და ჩემის  
როტის კამანდერთან დამაყენა,<sup>1</sup> რომელსაცა მაშინ მეც იმათთან  
ადგილი მქონდა, რომ იმათ შექცევაში მეც მონაწილეობა მქონოდა,  
რომლებთანაც დავეჩვიე რომის ფუნჯის სმასა, ეგრეთ არაყს და  
ღვინოსაც; იმდენს კი არა, რაერთსაც ისინი სომდნენ, მაგრამ ჰო,

<sup>1</sup> ადუტანტი კაშჩევი იყო მსწავლული გონიერი კაცი, ჩინებული მწერალიც და კა-  
პიტანი დალინი საუცხოოვ სამსახურის მცოდნე. ორივე მართებული კაცი იყვნენ.  
ადუტანტი კარგს საუკეთესოს წიგნებს მაკითხებდა და კაპიტანი აფიცრის სამ-  
სახურს მასწავლიდა და ყოველს სამსახურშიაც მგზავნიდა ხოლმე, ასე რომ არა  
ძალიანსა სამსახურსა არ მარიდებდა.

მეც თანდათან ვეჩვეოდი და ჩიბუხსაც წვევა დავუწყე. ბოლოს იქამდისინ დავეჩვიე მომატებულს სმასა, მეც ძალიან ვსუამდი, მაგრამ იქამდისინ, რომ მეორე დილაზე სიფხიზლე კი არ დამიკარგავს, ასე ნასომი სამსახურშიაც წავიდოდი. არც ძალიან მეტყობოდა იმთენი დალევა და არც უძილობა.

ყოველ დღეს ხომ არა ჰქონდათ ისეთი სმა იმათ, ორ კვირაში ერთხელ და ან როდესაც კაი გუნებაზედ იქნებოდენ ხოლმე. ჩემს გარდა ჩემსავით ახალი სხუა ქართუელი აფიცრებიც იყვნენ იმათ შექცევაში და ვატარებდით ხანდისხან ამითი დროსა.

ამ დროებში მაგთენი ხანი აღარა გამოვიდარა, ჩუენი ბატალიონი ქ. ტფილისისკენ წამოვიდა, ჩუენი პოლკისკამანდერიც ეკიპაჟით დაედევანა, მეც თან წამამიყუნა და დედა ჩემ ბატონიშვილთან წარმადგინა ახალი პრაპორშიკი. ზედატანებით ჩუენი ბატალიონიც მოვიდა იქ და სამსახურს შევუდექით. აი, ამ დროებში ვნახე ის ქალი აბანოში, რომლისაცა ზევით ითქუა, მაგრამ რადგან სმაზე ჩამოვარდა ლაპარაკი, კიდევ უნდა ითქუას აქა, ახლა ქალაქ ტფილისისა.

ერთს დილით, იქნებოდა მეთერთმეტე საათი, მე და დავით ორბელიანი<sup>1</sup> შუაბაზარში მოვიდოდით ჩუენი სახლისაკენ, ამდროს ერთი ყაზახურად ჩაცმული აფიცარი, მგონია პორუჩიკი, შავშავი ყმანვილი კაცი შემოგვხვდა წინ და დავითს სიამოვნით დაუწყო ლაპარაკი, ბოლოს ჩემი ვინაობა ჰკითხა, დავითმაც უთხრა.

– „ჩემი ბებიდაშვილი, ბატონიშვილის თეკლეს შვილი არის, ალექსანდრე ორბელიანიო.“

– „გთხოვ მიცნობდეთ, მე მირზაჯან მადათოვი გახლავართო.“ ხელი მამცა და ამასთან კიდევ. – „მე ამის ძმის ლუარსაბის ახლო მეგობარი ვარ და რადგან ამათი ახლო ნათესავი ყოფილხართ, მეც გთხოვთ მიცნობდეთ.“

<sup>1</sup> სარდლის ივანეს შვილი, ჩემი დედიდაშვილისშვილი, რომლებიცა შკოლაში ერთად ვსწავლობდით და ნათესაობის გარდა ძმასავითაც გვიყუარდა ერთმანეთი და ეს ყმანვილობის სიყუარული სიდიდეშიაც დიდი მეგობრობა გვქონდა. მხოლოდ ჩემზედ წლისნახევრით უფროსი იყო. პავლე თუმანიშვილიც (თა იოსების შვილი.) ჩუენთან ერთად შკოლაში სწავლობდა, ისიც ჩუენი ხნისა იყო და სამნი ესენი ჩუენ, ძმურად ერთად შევიზარდენით და სიდიდეშიაც ერთი განუშორებელი მეგობრობა გვქონდა, მაგრამ ცოლშვილიანი დავითი, ის გონიერი ყოვლისფრითა და სრული პატიოსანი, ყმანვილკაცობაში ღმერთმა წაიყუნა და ორნი ესე ჩუენა ძალიან მწუხარენი დავრჩით. მე მგონი, დავითი რომ მოკვდა, 28-ს წლისა იქნებოდა.

– „დიახ რასაკვირველია, რადგან ამათი ძმის ისეთი მეგობარი ყოფილხართ და ისეთი პატივისმცემელი, მეც სიამოვნით მიმიღია თქვენი გაცნობა.“

მცირედის ლაპარაკის შემდგომ, ჩუენ-ჩუენი სახლისაკენ წამოვედით და ისიც თავის გზაზედ წავიდა. გზაზე დავითს ვკითხე.

– „ის ვინ არის მეთქი?“

– „ის არის ყარაბაღის სომეხი და ყმანვილობითვე ჩემს ძმას ლუარსაბთან მეგობრობა აქუს. რომელიცა ალექსეი პეტროვიჩის ერმალოვის<sup>1</sup> შინა კაცია და იმის პერევიჩიკიც ის არის, მაგრამ მაგას გაუფრთხილდი, გარყვნილია და შპიონობს კიდეც, ამბებს უზიდავს ერმალოვსა.“ ესენი მე დავითმა მითხრა და ასე გამაფრთხილა. მერე ვუთხარი მე.

– „მე ეგ თქვენს სახლში არ მინახამს?“

– „არ შეგხვედრია და უფროსი ერთიც, ჩემი ძმა ლუარსაბ მაგასთან არის.“

– „მე მიკვირს ლუარსაბისაგან, თუ მაგისთანა კაცია, რათ მეგობრობს?“

– „ყმანვილობითვე დიახ ახლო მეგობრები არიან, გარდა მეგობრობისა დიდი ნდობაცა აქუს იმაზე და ამასთან ეშინიან კიდეც დაბეზლებისა ერმალოვთან. მეორეც ეს, რომ ჩემი ძმა ლუარსაბიც ერმალოვის სვიტაში მიღებულია და აბა, ამაების გამო ხელს როგორ აიღებს იმაზე? – მაგრამ ჩემის აზრით, ის მირზაჯანა არავის სახლში შესაშვები არა არის. ეს კარგათ იცოდე ძმაო, მაგრამ მეტი ღონე რომ არა გვაქვს, უნდა მივყვეთ-მივყვეთ მაგ წყეულსა, ერმალოვთან არ დაგვაბეზლოს.“

ამასთან მე მომატებულად დავითს აღარა გამოვეკიდერა იმისი; ბაზარიც იყო, ხალხს ესმოდა ჩუენი ლაპარაკი და წამოვედით შინა; ჩემს სახლში რომ მოვედით, მითხრა: დღეს სადილათ აქ შენთან ვიქნები, ბატოიშვილს ბებიდას ხომ არ ეწყინებო?“

მე გაცინებით ვუთხარ.

– „ძალიან ეწყინება მეთქი.“

– „მაშ წადი ჩემაგიერთ თაყუანისცემა მოახსენე.“

წავედი მოვახსენე და სადილისაც ვუანბე, იმანაც გაცინებით.

– „ჯერ აქ ჩემთან შემოვიდეს ბებიდასთან.“ რა რომ შემოვი-

<sup>1</sup> მაშინდელი ჩუენი მთავარმართებელისა.

და, ფეხზე წამოუდგა, დავითიც მივიდა, ხელზედ აკოცა, დედამაც პირზედ და სიამოვნით დავინწყევით სამთავ ლაპარაკი. ბოლოს დედამ უთხრა.

– „აი ეხლა შეგიძლიან აქ იყო სადილათ, მაგრამ მოდი დამიჯერეთ, თქვენ ცალკე დასხედით, უფრო კარგათ შეექცევით.“ ჩვენც ეს გვინდოდა, გამოვედით; საჩქაროთ პავლე თუმანიშვილიც მამაყვანინა, მე და ის ერთს ბატალიონში ვემსახურებოდით, ის იყო ბატალიონის ადუტანტი<sup>1</sup> და მე სუბოლტერის აფიცერი. სწორეთ უნდა ითქუას; ვინც რომ ქართულები იყვნენ ჩუენს პოლკში, სამაგალითონი იყვნენ ყველანი და თავდადებით მოსამსახურენი, ამისთვის, რომ რუსის უფროსები კარგნი ჰყუანდა პოლკსა. მხოლოდ იმათი ნაკლებულობა ის იყო, რომ ის შექცევა სმისა, დიდათ მიაჩნდათ.

იმ დღეს: მე, დავითმა და პავლემ ძმურათ გავატარეთ ჩემთან დრო, დიდათ ვისიამოვნეთ საღამოჟამამდისინ, არც მომატებული ღვინო გვისუამს რაც რიგი იყო იმაზე მეტი და საღამოჟამს ჩაის შემდგომ, დავითი თავის სახლისაკენ წავიდა, პავლე ბატალიონისაკენ და მე მითხრა.

– „ხვალ დილის რვა საათზე ბატალიონის უჩენიე გვექნება, თუ ეხლა არ წამოხვალ, ხვალ დილაზე ადრე მოდი.“ მაშინ ჩუენს მაიორთან ვიდექი კუკიაში, ბატალიონის კამანდერთან იქვე იმის სახლის გვერდით, სხუა პატარას ოთახში, სადაც დავრჩი, არ წავედი, იმიტომ, რომ აბანოში ნახულს ქალთან უნდა წავსულიყავ და წავედი კიდეც, საიდგანაც მეორე დღეს გაუთენებლივ წამოვედი, ჩვენს ბაღში აფიცრული ტანისამოსი ჩავიცვი და ბატალიონისაკენ საჩქაროთ გავენიე. (ვისაც გნებავთ ეს ამბავი ჩემს იმ აღწერაში წაიკითხეთ.) ამის მესამე დღეზედ, იმ მირზაჯან მადათოვსა სადილათ დავეპატიჟე, სადაც წაველ, რომლისაცა იმისი ამბავი ცისკარში მაქვს დაბეჭდილი და ვისაც გნებავთ ის ანბავი, იქ წაიკითხეთ. დაფარულად არის იქ აღწერილი, მხოლოდ ორი ასო ნახსენები მ... მ... ესე იგი

---

<sup>1</sup> ერთად მოგვივიდა აფიცრობა, მაგრამ მაშინვე ბატალიონის ადუტანტობა მისცეს და მართლა უცხო ადუტანტიც იყო. ამგვარების ნიჭი კარგი ჰქონდა. დავითსაც ჩუენს დროს მოუვიდა პრაპორშიკობა, მაგრამ ის ტიფლისკის პოლკში იმსახურებოდა, პოლკოვნიკის კნიაზ სავარსიმიდის პოლკში, დიდი ვაჟკაცი იყო ის ქართული. იმ დროს ის სავარსიმიდე ქალაქში ჩამოსულიყო და დავითიც თან ჩამოეყუანა, სადაც იმის პოლკი იდგა ყარაქლისიდგან.

მირზაჯან მადათოვი და იმის სოვდაგარი, ესე იგი მაშინდელი ჩუენი მთავარმართებელი ლენერალი ერმალოვი; ის მირზაჯანა<sup>1</sup> იყო იმისი შპიონი, ყოველს მხარეს იმისი აგენტი და ასაქმებდა ისე, როგორც თვითონ ერმალოვს უნდოდა თავის ინტერესებზედ, რომელიცა ერთს ჩუენ ყმანვილკაცების შექცევასაც ავწერ, იმ მირზაჯან მადათოვის სადილის გარდა, სადაც ბევრნი იყვნენ ჩემთან, ჩუენს ბაღში.

ამ გაზაფხულზე ჩემმა ამხანაგებმა ყმანვილკაცებმა, ვალათ დამდეს, რომ მე ისინი სადილათ დავპატიჟო ჩუენს ბაღში. რასაკვირველია მეც აღფუსრულე და ჩვენი ბალის ღვინის ქვევრებიც დავახდევინე, სადაც იქ იყვნენ ჩემთან სტუმრად: ლუარსაბ და დავით ძმები ორბელიანები, ის მირზაჯანა, ჩემი და დავითის მეგობარი პავლე თუმანოვი, კიდევ ჩუენი პოლკის პრაპორშიკი სოლომან ონიკოვი, ქართუელი, რომელსაცა ჩუენთან ერთად მოუვიდა პროპორშიკობა<sup>2</sup> და ისიც კარგი მეგობარი იყო ჩვენი და კიდევ იყვნენ ჩემთან მონვეულნი ჩვენი კარგნი მცნობნი ათიოდე ყმანვილი კაცები, სადაც იქვე მოხდილის ქვევრების მახლობლათა, გაფოთვლილის დიდრონის კაკლების ქვეშ დავსხედით საუცხოვოს მწვანე მოფენილს საფენზედ და სადილი გავგიფინეს, მაგრამ მინამ სადილათ დავსხდებოდით, დავითმა სოლომონ ონიკოვს უთხრა ჩემთან ჩუმათ. – „სოლომან, მაგ მირზაჯანამ და მაგისმა სახლის კაცმა ლენერალ მადათოვმა ქვემოთი ქვეყნების თათრის კარგი ოჯახები რამეთუ ნაახდინეს, დასცეს ძირით, ამისთანა საქმეს ჩვენც უნდა ვიშიშოდეთ მაგათგან, ამისთვის, რომ ერმალოვსა რაც პოლეტიკა აქუს აქაურს ერთიან ხალხზედ, ეგენიც ისე იქცვიან, ამიტომ ჩუენ მაგათ უნდა ვასიამოვნოთ, რომ უსამართლოთ ჩუენც არ დაგვაბეზღონ ერმალოვსა და ჩვენც ისე არ წაგვახდინონ, როგორც ქვემოთი თათრის ოჯახები.“

– „დიახ კარგი, მაგრამ რით ვასიამოვნოთ? –“

– „დღეს შენ ტოლუბაშათ ამოგარჩევთ ჩვენ სადილის თავათ, უნდა ღვინო სო და მირზაჯანას ასო მაგ ჩუენს გამრყვნელს წამხდენელსა, მაგას ამ გვარები იამება, მაგრამ არ შეგამცნიოს, რომ ჩუენ

<sup>1</sup> იმ მირზაჯან მადათოვმა დიახ კარგათ იცოდა რუსული, სპარსული, თათრული, ქართული და სომხური ხომ თავისი იყო. ესეები როგორც სიტყვით კარგათ იცოდა, ისე წერილით. ამაზედ მე ლექსიც დავწერე, ორენბურღში გაგზავნილი რომ ვიყავი მაშინ: არაკი ვირისა.

<sup>2</sup> ესეც ჩუენს პოლკში იყო.

გვინდა ის დავათროთ იქამდისინ, რომ სასაცილოთ გახდეს, იქამდისინ, რომ ჩვენი სადილის ამბავიც ერმალოვს ველარ მიუტანოს, ასე დათვრეს.“

– „მერე შენ ძმას, ლუარსაბს რომ ენყინოს? –“

– „არა, არ ენყინება. მაგრამ მაინც მივალ ვკითხვამ.“

მივიდა ჩუმათ უთხრა და ლუარსაბმაც სიამოვნით შემოლიმა სოლომანსა. ამ დროს დავითიც მოვიდა, უთხრა: ვინძლო ძმაო სოლომან.<sup>1</sup>

ის დავითი რომ არ მომკვდარიყო, ბევრი კარგი სურდა საქართუელოსათვის, შეეძლო კიდეც. იყო დიდი გონიერი, კარგი ენიანი ყმანვილი კაცი, საქართუელოს საზოგადოებაზედ დიდი გავლენა ჰქონდა და დიდრონს რუსებშიაც მახლობელი იყო. ბოლოს გრეზადოვიც იმის სიძე რომ შეიქნა, იმის დის ნული შეერთო ცოლათ ყოვლისფრით საუცხოვო ნინო, მაშინ ხომ ფრთები ვრცელი შეისხა და მე მითხრა.<sup>2</sup>

– „ძმაო ალექსანდრე, კარგი ამხანაგი გეყოლები საქართუელოსათვის.“ მაგრამ ჩუენი ქუეყნის საუბედუროთ, 1829-სა წელსა თუ 1830-ის წლის დამდეგს მოკვდა და იმისი გონიერი ცოლი, მეტი მშვენიერი ნარნარი მანანა, დიდი გულმტკივნეული მწუხარე დარჩა სამის პატარას ობლით, ორის ვაჟით და ერთის ქალით. იმ დავითის მეგობრებმა, იმისი მცხედარი მივაცილეთ საფლავამდინ, იმათ სოფლის კუმისის თავს წმინდის სამების ეკლესიაში და მწარეს ტირილით მივეციეთ საფლავს. ეხლაც რომ მამაგონდება ხოლმე იმის მეგობრობა, დამალონებს. კარგი მეგობარი ამხანაგი დავკარგე. *ოცდამერვეს წელინადში იდგა, რომ ის . . . გარდაიცვალა.*

რავქნათ ასე იქნება, სადაც მხიარულებისას ვწერდეთ რა, იქ მწუხარებისაც რამ შემოვიდეს, ისიც უნდა გავიგონოთ გულისმწუხარების მყუდროებით, ნამეტნავად თუ გულსაც ეკარება კარგი რამე, ეს ამგვარი ამბავი ღვთისთვისაც სასიამოვნოა, არამც თუ მგრძნობელის ადამიანისათვის.

<sup>1</sup> დიდი ღვინის სმელი იყო სოლომან, მაგრამ ჩუენთან, ესე იგი დავითთან, ჩემთან და პავლესთან, ანუ თავის სახლში ერთი სტაქანიც არ შეუსრულდებოდა, მაგრამ ისე შეყრილობაში, დიდი ძლიერი მსმელი იყო და რაც უნდა ნასმი ყოფილიყო, არც თავის საქმეს მოსცდებოდა, უთუოთ იმ საქმეზედ წავიდოდა, ისე მითამ სულ არა ესორა.

<sup>2</sup> გრიბაედოვმა შეერთო, თა ალექსანდრე ჭავჭავაძის ქალი ნინო. დავითის დაი იყო სალომე, ალექსანდრეს ცოლი.

აი ეხლა, ეს მგრძნობლები შემოვუსხედით გარს მირზაჯანას, იმის გვერდით მარჯვნივ მხარეს სოლომან ონიკოვი დაუჯდა, მარცხნივ პავლე, ისიც კარგათ სუამდა, ჩუენც აქეთ იქით შემოვუსხედით იმათ და ჩუენს შორიახლოს საზანდრები მხიარულებაში იყვნენ, მედაირე დაირითა, მომღერალი ალავერდა თავის თარით, მეჭიანურე ჭიანურით და მედიმპლიპიტო დიმპლიპიტოთი. კარგი ეს იყო, რომ რა დავსხედით, მირზაჯანამ უთხრა სოლომანსა.

– „დღეს მე და შენ უნდა ერთათ ვსოთ, ვნახოთ ვინ ბევრს დავლევთ.“ ისიც ძალიანა სუამდა. სოლომან ონიკოვსაც ეს უნდოდა, ეს იმისი სიტყუა, რომლებმაც ერთიანად დავიძახეთ.

– „მამ სოლომან ონიკოვი იყოს ტოლუბაში. მირზაჯანაც დაგვევა, სოლომანსაც ერთი თანაშემნე მივუჩინეთ და მივეყავით სადილს ხელი, ისე როგორც ნავიკითხამთ ჩვენს ცისკარში დაბეჭდილსა, ჩემს სტატიას ტოლუბაშსა.

მივეყავით სმას, ჯერ სტაქნებითა, მასუკან აზარფემებით, მერეთ მოდიდოს თასითა, ყველას სადღეგრძელო რიგზე. სამსე სამსე, ისე როგორც მირზაჯანამ გვასწავლა თავის სადილზე და კარგათ მივიბრუყენით. მირზაჯანას უნდოდა, რომ როგორც თავის სადილზე გადად–გადმოდიოდა, ხან ერთს მიუჯდებოდა და ხან მეორესა, ისე იქ უნდა ექნა, მაგრამ სოლომანმა არ გაუშო, უთხრა.

– „ტოლუბაში მე ვარ, ჩემი ბძანება უნდა გაიგონო მირზაჯან. რახან სმას მოვეყევით, ვინც სადა ზის, იქიდგან არ უნდა წამოდგეს, იმ ერთს ადგილს უნდა გავათათოთ ეს სადილი, ვისაც სმა შეუძლიან და ვინც ველარ შეიძლებს, ჩუენგნით ადგება, გავა. აი ამგვარი სადილის წესი ეს არის, შენი შემოღებულიო.“

მირზაჯანაც დამორჩილდა და დავინყეთ ისეთი სმა, მართლა ძალზედ. ყველას სადღეგრძელო რომ გავათავეთ, ერთი სალათის დიდი ჯამი იდგა შუა სუფრაში, სოლომანმა იმას ხელი წამოავლო და დაიძახა.

– „ეჰ, ეს რა სმა არის ამისთანა კიკრიკიკო, აი ამ ჯამითა ალექსეი პეტროვიჩის ერმალოვის სადღეგრძელო უნდა დავლიო იმ ჩუენის მონყალისა, მირზაჯან ალავერდი.“

მირზაჯანა ჩაითუთქა, მაგრამ მეტი რა ღონე ჰქონდა, უთხრა: იახშიოლო.

სოლომანმა ის დიდი ჯამი კარგათ გაარეცხინა და წმინდათაც

მოანწმენდინა, ამასთან ქვევრიდგან ამოღებული, გოზაურით წითელი ღვინო მოარბენინეს, სოლომანმაც ის ჯამი მიუშვირა, საიდგანაც გადმოარაკრაკეს ის წითელი ღვინო და სრულიად ამსებინა ის ჯამი. მასუკან ფეხზე წამოდგა, ის სამსე ჯამი ხელში დაიჭირა და მერეთ დაიძახა. მგონია სამი ჩარეკი უნდა ყოფილიყო ის ღვინო, იმ ჯამში.

– „ღმერთმა ადღეგძელოს ჩუენი მოწყალე ალექსეი პეტროვიჩი ერმალოვი, იმის მოწყალეობა ჩუენზედ უხვი არის.“

მიჰყო ხელი იმ ღვინოსა, ორჯელ ისვენა და მერეთ მოპირქუაებული მირზაჯანას მიუტანა. მირზაჯანაც ფეხზე წამოდგა, სოლომანმა ის ჯამი როგორც თვითონ ჰქონდა სამსე, ისე იმისათვის აამსო, მიუტანა, პირზედ აკოცეს ერთმანეთსა და მასუკან გამართო სამსე ჯამი ღვინით. მერეთ იმანაც ისე დაიძახა ალექსეი პეტროვიჩის ერმალოვისა და მიჰყო სმასა, წვრუტით წყნარაწყნარა, ეგება როგორმე ასე დაელია, მაგრამ მინამ ნახევარზედ ჩავიდა, თავი ჩამოუშო დაბლა და ამ დროს მეც წამოვხდი ხელი მივაშველე, ღვინით ჯამი გამოვართვი. მოსამსახურეს მივეცი, და ამ დროს დავითმაც თვალი მიყო ნიშნებითა: წაიყუანეო. მე და ერთმა მოსამსახურემ წავიყუანეთ მარნისაკენ, იქ საფენი გაფუშლევიწე, თავით მუთაქა დავუდე, ზედ მიწუა და მეც ჩემი შინელი დავხურე, რომელმაცა მაშინვე ხვრინვა ამოუშუა. მე ის ჩემი მოსამსახურე დავუყენე მოსავლელად და მასუკან წამოველ.

მე რომ ჩემს ამხანაგებთან მოველ, ბევრი სიცილი აიტეხეს, თვითონ ლუარსაბმაც. აბა ამის შემდგომ, ვილა რალას ღვინოს დალევდა, მაშინვე სუფრა ავალაგებინეთ, ისე აქეთ იქით გადავხედით, საზანდრებს სიმღერა დავანყებინეთ და ყური იმათ მღერას დავუგდევით. ასე გეგონებოდათ, რომ სოლომანს ონიკოვსა ღვინო სულ არ დაუღევიაო, ისე ფხიზლად იჯდა, თავისებურათ ისე დამშვიდებით და ლაპარაკიც თავისებური მშვიდობიანი ჰქონდა. ბოლოს საზანდრებმა სიმღერა რომ გაათავეს, მე ვთქვი.

– „იმერეთიდგან ჩუენს ბალში კარგი მებაღეები და მოჯამაგირეები გვყუანან, რომელთაცა იქაური სოფლური სიმღერები უცხოთ იციან, თუ რამ გინდათ, იმათ მოვაყვანინებ, ახლა ისინი ვამღეროთ თავიანთი სოფლის სიმღერები?“ ყველამ ერთპირათ დაიძახეს: კარგი იქნება. მაშინვე მოვაყვანინეთ, ვამღერეთ, ყველამ



დიდათ მოიწონეს, ასე რომ სულ ისინი ვამღერეთ. ამაობაში მირზაჯანა გამოფხილბდა, მოვიდა, ისიც ჩვენთან დაჯდა და იმანაც ძალიან მოიწონა იმერული სიმღერები. აბა ერმალოვის შიშით ამ მირზაჯანას სიმთვრალეს ვინ რას შეიმცნევდა?

ბინდამდისინ ასე შევექეცით და ჩაის დალევისა შემდგომ, ყველანი მოემზადნენ წასასვლელად, მე მირზაჯანამ დიდი მადლობა მითხრა ისე მოვლისათვის, მერე იმათ საზანდრებსა ლეკური დააკვრევენეს და მე მთხოვეს ლეკური მეთამაშა, მეც ჩემის სხუადასხვის რიგებით რომ ჩამოვუარე, ყველამ მოიწონეს, მასუკან ხელში ამიყვანეს სროლით, თან იძახდენ: ურა. ერთის სიტყვით, ყოვლის კმაყოფილებით ერთობრივა ჩემი დიდი მადრიელი დარჩნენ ისინი, ნამეტნავად დავითი. ბოლოს მთხოვეს მაღაყებსაც გადავსულიყავ, ესეც აღვუსრულე: ჯერ ხელებზე შევდეგ, გავიარე, მასუკან უეცრათ უკულმა ხელ დაუბჯენელი მიწაზე ჰაერში გადმოვტრიალდი მაღაყზე. მერეთ გავიქეც და იმათ წინ მიწაზე ხელდაუბჯენელი ჰაერში გადავტრიალდი, რომელთაც დიდათ გაიკვირვეს და მადლობით<sup>1</sup> ამამსეს. ბოლოს ისინი რომ დაიფანტნენ, მეც ჩემი ქალური ტანისამოსი ჩავიცვი და იმ აბანოში ნახულ ქალთან ნამოვედი პირახვეული, არც ჩუენს ბალზედ იყო შორსა იმათი სახლი. მე იმ ამბისას ხომ ველარას დავნერ, რადგან ანერილი არის ის ამბავი ჩემგნით და ახლა ამისგამ სხუებს შევეუდგეთ.

საკვირველი იყო, ამ ორჯლის მეტათ 1822-სა წელიწადამდისინ, მე მირზაჯან მადათოვი აღარ მინახავს; 1820-სა წელსა იმერეთიდგანაც რომ მოვედი, ველარ შემხვდა იმისი ნახუა, არც მიკითხამს იმისი ამბავი რამე და არც საინტერესო იყო იგი ჩემთვის. მგონიაკი, რომ აქეთ იქით ატარებდა იმას ერმალოვი საქმებისთვისა, მთელს აქაურს ქუეყნებში? არც იმის ამბავი უნდა მცოდნოდა რომ იმ დროს, რადგან სამსახურში ვიყავ, იმას ვბეჯითობდი და როდისაც მოვიცლიდი, ჩემს ძმებს ამხანაგებთან ვიყავ ხოლმე. ბოლოს ჩემს ცოლზედ რომ დავინიშნე და თუ სამსახურიდგან მოვიცლიდი, სულ იმასთან ვიყავი. ამ დროებში ჩუენს ბატალიონს, ხან ბაშქეჩითს წაიყუანდნენ და ხან ქალაქ ტფილისში მოიყუანდნენ

<sup>1</sup> ჩემს ყმანვილობაში ამგვარს თამაშობას ვსწავლობდი, ჩქარაც ვისწავლიდი ხოლმე და არც ჩემი მშობლები მიშლიდნენ. საკვირველი მარდიც ვიყავ, არც ღონე მაკლდა, ვჭიდაობდი კიდეც და კარგი მოჭიდავეებიც წამიქცევია.

ყარაულათ. მეც იმასთან დავიდოდი ყველგან.

როდისაც იმერეთიდან დაბრუნდა ჩუენი ჯარი, ტფილისის ყარაულის სასიარულოთ დააგდეს; იმ დროს ავლაბარში იდგა ჩუენი ბატალიონი, სადაც ქალაქის ყარაულობასა ვწევდით; ტუსაღების ციხეში, ქალაქის ლაოზახტში, მთავარმართებლის საყარაულოში და ანუ სადაც საჭირო იყო, მაგრამ როდისაც მოცლით ვიყავით ყმანვილკაცები, ხანდისხან მირზაჯანას ნასნავლის შექცევითა, ისე შევექცეოდით ხოლმე და ღვინოსა ბევრსა ვსუამდით. ეს კი იყო, რომ ვისაც ველარ შეეძლო ბევრი სმა, გავიდოდა, აღარ დაღევდა და ვისაც უნდოდა, შინაც წავიდოდა.

ამდროებში ერმალოვის ბძანება მოუვიდა ჩუენს ბატალიონს, 1822-სა წელსა, მგონია იანვრის გასულს, რომ კავკაზიის ლინიაზედ წასულიყო და იქიდგან დიდ ყაზართოს, – ყაზართოელების დასამორჩილებლათ, მაგრამ ბძანება გვექონდა, რომ გაზაფხულამდისინ, ერმალოვისათვის უნდა მოგვეცადა ლინიაზედ. *რომელიცა მაშინვე აიყარა ბატალიონი და ლინიისკენ წავიდა. რასაკვირველია იმათ მეც ხომ გავყვებოდი.*

მინამ ერმალოვი მოვიდოდა, ჩუენი ბატალიონი, *მოზდოკს*, თერგის გაღმა ყაზახების სტანიცებში დაფანტული იყო, ჩუენი როტაც ერთს სტანიცაში დააყენეს, სადაც მე და ჩემს კაპიტანს ორი სახლი მოგვეცეს, ერთში ის დადგა სტარშის აფიცერით და მეორეში მე. – მე ამისთვის უფრო ცალკე დავდექი, რომ მე მაინც ასე გაცალკეებული მიყუარდა და ყველანი ჩემის კარგის ქცევისათვის პატივს მცემდნენ. რასაკვირველია დედიჩემის გვარის ღირსებაც შემენოდა. *მაგრამ რა ვთქუა, კიდევ იმ საძაგელს ცხვირის ცოდვილობას მოვუმატე, მომატებულის ჩემის დანიშნულის სიყუარულის გამო, რომელიცა ჩემის გონებისაგან განუშორებელი იყო. ეს აქ დავუტეოთ და ახლა კიდევ მოვყვით. რალა გავაგძელო, ბოლოს გაზაფხულზედ ერმალოვიც მოვიდა და ჩუენი ბატალიონი ეკატერინეგრადის მდინარეს მალკის პირზედ მიიყუანეს, სადაც პარომები დაგვხვდა ჯარის გასაყუანი, რას ვიფიქრებდი, იმ მდინარის პირზედ მირზაჯანა<sup>1</sup> და ლუარსაბ დაგვხვდნენ. მაშინვე ჩუე-*

<sup>1</sup> მირზაჯანა ხომ რასაკვირველია და რადგან ლუარსაბიც ერმალოვის სვიტაში იყო, ისიც თან წამოეყუანა ერმალოვს. ლუარსაბსა ამ ხსენებულის მამუკას და ანა ჰყუანდა ცოლათ, რომლისაცა მე იმისი მზგავსი მშვენიერი ქალი არ მინახავს და იმის

ნი ბატალიონის ქართველი აფიცრები: თამაზ ეშკალაბაშის შვილი ლუარსაბის ცოლის ძმა თ<sup>ა</sup> მამუკა ორბელიანი, სოლომან ონიკოვი, თ<sup>ა</sup> ივანე გურამოვი, თ<sup>ა</sup> იოსებ ბეგთაბეგოვი და მე, სიამონით გარს შემოვხევივინით. პავლე თუმანოვი კი ამ დროს იქ არ იყო, ქ. ტფილისში დააგდეს რალაც საქმეზე. ამ მთელს ყაბართოს პახოტში, მე და მამუკა ერთს კარავში ვიდექით. იმასაც ძმასავით ვუყვარდი, მაგრამ დავითისთანა საქუეყნო გონება მამუკას არა ჰქონდა და ქარიანიც, ბუნბულაც იყო, ეგრეთვე აჩქარებული ხასიათისა და ღვინოში ხომ კარგი ჭირვეულიც იყო, რომელსაცა ყოველი ყმანვილი კაცი იმას ერიდებოდნენ და იმისი ხასიათისა გამო მომატებულს სახელს: ბუილა მამუკას<sup>1</sup> უძახდნენ. არა პირში, უკან. პირში ვის შეეძლო, მოჰკლამდა, მაგრამ ამისთანას ყმანვილკაცსა, როგორც ძმა ისე ვუყვარდი, ბევრსაც მიჯერებდა მე და ჩემი დიდი მარილებაც ჰქონდა ხოლმე. ნათესავი ხომ ორსამ რიგათ ვიყავით, დედიჩემიდგან და მამი ჩემიდგან. მამა ჩემი და იმის მამა დიდი მეგობრებიც იყვნენ, მამაჩემსა თავის ახლო ნათესავი ქეთევან მიეცა ცოლათ მამუკას დედა, ქობულოვის ქალი.

დიდყაბართოს პახოტში ვიყავით ჩუენ სეკტენბრის გასვლამდისინ, ამ დროებში ერმალოვმა მთელი დიდყაბართო სულერთიან დაიმორჩილა, სადაც საჭირო იყო, ყველგან ციხეები გააკეთეთ და ჯარები ჩააყენა შიგა. მე რადგან ჩემს ამბავსა ვნერ, ამისთვის იმასვე უნდა დავუტრიალდე და ისევ ის მოვყუე.

ჩემს სამსახურს გარდა, ჩემი საქმე ხომ იცით რა იქნებოდა, თუ რომ ყოველსდღე, ის არ ამესრულებინა, რალაც დიდი რამ მაკლდა. გარდა ამისა ხანდისხან მსმელობაც გვქონა, არა ღვინო, არამედ ნახევარ შამპასკი ანუ დანსკოები ბუთლიკებისა. აბა მირზაჯანა იქ იყო ერმალოვის შინაკაცი და რასაკვირველია ეს იქნებოდა. იმ ჩემის ბალის შექცევა ძალიან ახსოვდა და ისიც ახსომდა, ის ჩემგ-

---

დასამტკიცებლად, მთელი საზოგადოც ასე ამბობდა.

<sup>1</sup> ბუილა რუსული სიტყუაა: კამბეჩი. ვითამ გაგიჟებული კამბეჩი. ყმანვილობაში ბევრჯველ მეტის სიანჩხლითა, შკოლის ყმანვილებში დაერეოდა და გაუკითხვად იცემებოდა, რომელსაცა ამის გამო ყმანვილებმა დაარქვეს: ბუილა მამუკა. მაგრამ ბოლოს ჟამსა რიგიანი კაცი დადგა თავის ცოლშვილიანობის დროსა და მთელი საყაფლანიშვილოს მამულები იმან შეინახა, თორემ ნახევარზედ მეტი სახელმწიფოთ ნავიდოდა, ამით დიდათ დაავალა ერთობ ჩუენ ოჯახსა. ბოლო დროს ჩემი ძმა დიმიტრიც მამუკას მიუდგა და მაშინ ხომ უფრო შეინახეს. ორნიც დიდი მოყუარულნი თავის ერთობ ოჯახობის მამულისა, ამით ამ ჩემმა ძმამ დიმიტრიმაც დაგვაყალა.

ნით მოვლა, რომელიც დიდ მადლობას მეტყვოდა ხოლმე, მაგრამ სწორეთ უნდა ვთქუა, რომ ჩემი გული იმას არ მიუდგა და თუ პატივს ვსცემდი, ერმალოვის მორიდებით და უფრო ლუარსაბის სიყუარულის გულისათვის, ამიტომ რომ ჯერ დავითის ძმა იყო და მასუკან წრფელი მართალი სული.<sup>1</sup>

მე იმ ჩუენს მსმელობასა, *ცოდებათა შორის ვრაცხავ და ამისთვის ვლაპარაკობ იმაზედ* იმ ყაბართოს ჩუენს სმასა, რამდენსამე აღვენერ და სხუებში მცირედიკი არაფერი.

მდინარეს ურუხის სიახლოვეს ვდგევართ, სადაც სულერთიან ქართუელები ლუარსაბთან შევიყარენით, ჩაის შემდეგ მირზაჯანამა თქუა: მოდი ფული გამოვიღოთ, ურუხის პირზედ წავიდეთ და იმის მწვანეზედ კარგი ვახშამიო გავაკეთოთ. მაშინვე ყველანი

---

<sup>1</sup> ეს მირზაჯანა; ერმალოვი რომ გამოცვალა ღენერალმა პასკევიჩმა, იმის დროებში ასეთს მდგომარეობაში იყო, რომ მწარეთ ნამტირალევი მინახამს მელნიკოვის სახლში, რომელსაცა ლუარსაბის დისწული ჰყვანდა ცოლათ, ერისთვიანთ ქალი მელანია, მეტი კარგი ლამაზი ნაზი ქალი. ეს მელნიკოვი ტფილისის პოლიცემისტარი იყო ერმალოვის დროსა და პასკევიჩმა გამოცვალა. ჩუენზედ ახლოს იდგა და იმ ქალთან ჩემი ნათესაობის გამო, მე და ჩემი ცოლი ეკატირინე ხშირათ ვიყავით ერთი ერთმანეთთან, მაგრამ ის მელნიკოვი საშინელი ანჩხლი კაცი იყო და მიკვირს იმისთანა გიჟს როგორ მისცეს იმისთანა ქალი. ესეც ერმალოვის პოლიტიკა იყო, რომ მელნიკოვს ქართველთ ძლიერი დასი ჰყოლოდა, მირზაჯანას მოახერხებინა ლუარსაბიდგან. პასკევიჩთან ის მირზაჯანა ძალიან დაბეზლეს, როგორც ქვემოთი ქვეყნების სახანოთა ამკლები, რომელმაცა ციხეში დააჭერინა და იმაზედ გამოძიება, ჩემ დედიდაშვილს თა გრიგოლ ბაგრატიონ-მუხრანსკის მიანდო. პასკევიჩმა თავის სვიტაში მიიღო გრიგოლ, მგონია მაშინ პორუჩიკი იყო რუსეთის სამხედროსი. ლუარსაბს და დავითს მირზაჯანაზე გამოძიების დანიშვნა რომ შეეტყოთ, ჩემთან მოვიდნენ და მთხოვეს, რადგან დეიდაშვილობას გარდა, მე და გრიგოლ კარგი მეგობრებიცა ვართ, მირზაჯანა გამოძიებაში კარგათ გამოეყუანა და ბოლოს ესეც: კარგათ ვიცით მირზაჯანა კარგი კაცი არარის, მაგრამ მაინც შევენივნეთ იმ საძაგელს, რომ ბოლო დროს ასე არა თქუან, ლუარსაბ იმისი მეგობარი იყო და არა დასდიარაო. გრიგოლმაც ლუარსაბისა და დავითის გულისათვის გაამართლა. ლუარსაბ, დავითი და მირზაჯანა ხომ რასაკვირველია, როგორც ჩემი, უფრო გრიგოლის მადრიელი იყვნენ და პირათაც განუცხადეს გრიგოლს ესა. ერთს საღამოზედ მელნიკოვის ცოლთანა ვართ მე და ჩემი ცოლი ეკატირინე, სადაც ამ დროს მირზაჯანა შემოვიდა და დიდათ დალონებული გვერდით დამიჯდა, ვკითხე იმის მწუხარების მიზეზი. იმან მეორეს ოთანში გამიყვანა – მითხრა: შეინჭიმე ალექსანდრე, მე სვინიდიის მტაჯავს ამთენი ჩემი ცუდკაცობით, ღმერთმა ჰკითხოს ერმალოვსა სულ იმისი ბრალი არის; ჩემის ხელით ეკალს ჰვლეჯდა და ჩემგნით ბევრს საქმესა არიგებდა. მერე რა საქმესა? – სულ ჩუენი ქვეყნის დაქვევასა. მე ეს მტანჯავს ახლა და სვინიდიის არ მასვენებს. აი ამიტომ ვარ ასე დალონებული. ამასთან ერთი საიდუმლო მიანბო, თავის მეგობრის ლუარსაბის ლალატი, რომელსაცა ასე მეგონა: მეზი დამეცა თავზედ მეთქი და იმანაცკი ტირილი ამოუშო. იქნება ოდენსე დავენროს ის ანბავი.

დავყევით. ყველამ ხუთხუთი მანათი გამოვიღვეით და წავედით. თან ბიჭები მოგვეყვინნენ ვახშმის იარაღით, იქ ჩუენს შორი ახლოს ცეცხლი დავანთე, მივედით, იყო მშვენიერი ვასკვლავებიანი ღამე, ერთი კარგი მწვანე ადგილი ამოვარჩიეთ, იქ ჩვენ შორიახლოს ბიჭებმა ცეცხლზე ვახშამი მოგვიმზადეს, ამასთან ბუთლიკებით ნახევარ შამპანსკები და დონსკოები მოვატანინეთ, საცა ჩუენ წინ გაიშალა ვახშამი კარგი პახოტური და სადაც ჩუენ წინ მირბიოდა ჩქეფით მდინარე ურუხი. აი აქ ქართველები რამთენი ვიყავით: თვით მირზაჯანა, ლუარსაბ, მამუკა, მე, სოლომან ონიკოვი, კიდევ ჩუენი პოლკის პრაპორშკები თა იოსებ ბეგთაბეგოვი და პრაპორშკი თა ივანე გურამოვი, მაგრამ ეს ივანე დაბადებიდგან ღვინოს არა სვამდა და არც სხუა ცხარე სასმელებსა, წყალის მეტსა. ის მხოლოდ მონამესავით იყო იქა, ამასთან საჭმელს შეექცეოდა, ზედ წყალს სომდა და აქეთ იქით იყურებოდა. ჩუენს ამ ვახშამზედ მოწვეული გვეყუანდა, კაბარდინსკის პოლკიდგან ორნი ძმანი პრაპორშკები თანი ზურაბ და ლევან ჩოლაცაშვილები. ზურაბ იყო დიდი და ძლიერი ვაჟკაცი, ჩაჩანში იმას თავი დიდათ გამოეჩინა და ლევანც იმაზედ ნაკლები არ.

გაშლილს ვახშამის გარსა შემომსხდართა დავინყევით შექცევანი, ამასთან ქართუელური ქალაქური სიმღერები და თან სტაქნით იმ ღვინოებს ვსუამდით ერთმანეთის სადღეგრძელოს, ისე როგორც მირზაჯანას წესი იყო, სოლომან ონიკოვის ტოლუბაშობისა რიგით.

გაგძელდა ეს ჩუენი შექცევა და სმა. სოლომან ონიკოვის გვერდით ვიჯექი, მიჩურჩულა.

– „წადი შენი საქმე გაარიგე, მინდა ამ საქსონის ჯამით ერმალოვის სადღეგრძელო დავლიო და უთუოთ შენც უნდა დაგაღევიწო.“

წამოვდეგ, მითამ მისადგომათ და ერთს მიფარებულს ადგილს, მარჯვენა ხელის თითი პირში ჩავიდე და ღრმათ ყელში ვიძგერე, საიდგანაც რაც მესვა და მეჭამა, სულ პირიდგან ამამივიდა, რომელიცა ასე განვთავისუფლდი, ასე მეგონა: არცარა მიჭამია რა და არცარა მისუამს მეთქი. ჩემი ესე ჩუეულობა არავინ არ იცოდა, თვინიერ დავით ორბელიანისა, პავლე თუმანოვისა და იმ სოლომანისა. მე რომ ამასა ვწერ, მცხვენიან, მაგრამ მეტს სმა ჭამას ჩემი პატარა აგებულობა რომ არ იტევდა ხოლმე, ასე უნდა მექნა. ეს რა-

საკვირველია ნაყროვნება არის და რასაკვირველია ცოდვაც. თუ რომ სმაში მე ამას არ შევინევდი, მალე დავთვრებოდი. პატარა სმაში ამ სისუტეს არ ვიქმოდი და როდისაც ვი დავატყობდი: განძლიერდა მეთქი სმა, მაშინ მეტი ღონე აღარ იყო. იმ ღამეს მე პირიდგან სამჯერ ამოუშვი, ამის შემწეობით ფხიზლათაც ვიყავი, მაგრამ ისინი კი კარგა რიგზედ მიიმთვრალნენ და ძილადაც მიწვნენ, თვინიერ სოლომანისა, რომელიცა იჯდა ფხიზლად უძრავათა.<sup>1</sup> მე და სოლომანმა ისინი ძილად მიწოლილი რომ ვნახევით, ჩვენც ჩუენი შინლების ქვეშ დავიძინეთ კარგათ მოსვენებით. მეორეს დილის ჩვენს გაღვიძებასთან, ჩაიც მოგვიტანეს, ჭემმარიტად ჩინებულიც იყო იმ დროს ჩაი ჩუენთვის, მეტადრე ცხელ-ცხელი, ნამეტნავად იმ მშვენიერს ბუნებაზედ და იმ დილის გრილს ჰაერში. ეს ერთი შექცევა ჩუენი სმისა ასე წავიდა, ახლა მეორესა მივყოთ ხელი.

ამის შემდგომ, ორი დღე არ გამოსულა, აყრილი ჩუენი ჯარი მივიდოდით გზასა დასავლეთის მხრისაკენ, მე ასიოდე სალდათით ყველას უკან მოვიდოდი არიერგარდათ, ამ დროს ატრიადის ერთი რომელიმე არტელის პოვოსკა გატეხილიყო და ზედ სიარულში იმას მივადექი ჩემის სალდათებით. მინამ იმას გააკეთებდნენ, კარგახანი გამოვიდა, მე იმ ცხელსა დღეში, იქვე გზის პირზედ პატარას ტყიანს პირში ხის ქუემ ჩემის სალდათებით მოვიჩრდილეთ, მაგრამ ვინიცობისათვის ფთხილად ვიყავ, სულ მზათ, მტერი უეცრათ არ დაგვცემოდა. იყო შუადღე გადასული.

ამ დროს ატრიადის მხრიდგან ერთი ათიოდე კაცი დავინახეთ ცხენიანი ჩქარა მომავალი ჩუენზედ, რა რომ დავგვიახლოვდნენ, ჩვენი ქალაქური სიმღერების ხმები გავიგონე და თან ბუთლიკებსა გვაჩუენებდნენ შორიდგან. როგორ ვიფიქრებდი, ვნახე რომ მირზაჯანა იყო, ლუარსაბ, მამუკა, სოლომან ონიკოვი, იოსებ ბეგთაბეგოვი და ის ორნი ძმანი ჩოლაყაშვილები. თურმე ატრიადი მისულა, ერთს ადგილს დაბინავებულა და ბოლოს კარგახანის გამოსვლისა შემდეგ უკითხავთ ჩემი: აქამდისინ რა იქნაო? – ვილასაც უთქუამს:

<sup>1</sup> რადგან ივანე გურამოვი მსმელი არ იყო, ეს თავის ბინაზედ მოადრეოთ წავიდა. მამუკაც იმ სმაში თავის ხასიათისაებრ ჭირვეულობას აპირებდა, მაგრამ ყველამ ერთპირად შევფიცეთ: თუ ერთი ბენო გაბედე რამე, თოკით შეკრამთ და აგერ აი აქ მინდორში დაგაგდებთ და ხვალ ერმალოვსაც შევატყობინებთ შენს ჭირვეულობასა. ამაზედ გაიცინა, კიდევ შეეშინდა და სიმშვიდითაც გაატარა ის შექცევა. არამცთუ მხოლოდ იმ ერთს ღამეს, მთელს იმ პახოტში.

გატეხილს პოვოსკასთან დარჩა თავის არიერგარდითაო. მაშინვე მირზაჯანა წამომხტარა: ჩუენც იქ წავიდეთ და ერთი კარგათ შევექცეთ, იქ კარგი ადგილი არის შესაქცევით. ამისგამო კარგის სადილითა და ბევრის ნახევარის შამპაცკებით მოვიდნენ იქ რამთენიმე მოსამსახურითა, სადაც იქვე ჩრდილოში კარგი სადილი გაიშალა. ატრიადიც ჩვენზე ახლოს იყო დაბინავებული.<sup>1</sup>

მინამ მზე დაბლა ორის შუბის სიმაღლეზედ დავიდოდა, სულ ვსვით, მერე კიდევ გავათავეთ, რომლებიცა დიდი მთვრალნი წამოვიდნენ ისინი, სოლომანის გარდა. მე პირიდგან იმ დროს მიფარებით, ორჯელ ამოუშვი და იმათ წამოსვლისა შემდგომ ცოტაც დავიძინე. მასუკან ჩემმა ლალამ თევდორემ გამაღვიძა, მითხრა:

– „ბატონო გაიღვიძეთ, პოვოსკა გააკეთესო.“

მე მაშინვე ზეზე ავდექ, ვნახე, ის იყო მზე ჩადიოდა, იქვე პატარა წყალი მოდიოდა, რომელმაცა ჩემი პირის დაბანისა შემდეგ ცხენზე შავჯექ. წამოვედით და კიდევ ადრე იყო, რომ ატრიადში მოვედით, სადაც იმ ჩემს ამხანაგებს კიდევ სულ ეძინათ, სოლომანის მეტსა, რომელსაცა ჩაიც მზათა ჰქონდა და დავლიეთ გემრიელათ. მერე მე სიცილით მკითხა სოლომანმა.

– „არა, ვინ გასწავლა, იმ სმის დროსა პირიდგან რომ ამოუშვებ ხოლმე? – მითხარ, არავის ვეტყვი ჭეშმარიტად, მაინც ხომ არავინ იცის, ჩუენი მეგობრების ორის მეტმა?“ –

– „არავის მერწმუნე. თვითონ ჩემმა ბუნებამ მასწავლა; გულზედ იმთენი ღვინო რომ მომანვება ხოლმე, ამან მასწავლა, სხუამ არავინ. მერე ცუდი არის ესა?“ მე უთხარი.

– „კარგი არის, მაგრამ იმის შემდგომ როგორღა გიამება ღვინო?“

– „თუმცა არ გიამება, მაგრამ მეტი ღონე რომ არარის?“ –

– „ნუ დაღევ, გადი ხოლმე, შორს დაჯექი და იქიდგან გვიყურე როგორა ვსუამთ ჩუენა?“

– „ამხანაგებში როგორ გამოვიკიდო თავი, სირცხვილია.“

– „ეგკი მართალია.“<sup>2</sup>

<sup>1</sup> მირზაჯანასთან ყოფნა ადამიანს არ მოსწყინდებოდა, იყო გონიერი კაცი და საუცხოვო მოლაპარაკე, მაგრამ გარყვნილი იყო, იქამდისინ, რომ ერთი ყმანვილი ბიჭი ქალაქიდგან წამოეყუნა თხუთმეტის წლისა და ყმანვილებმა იმას დაარქვეს: მირზაჯანას პახოტნი ჟენა, (პახოტის ცოლი.)

<sup>2</sup> ეს სოლომან კარგი სვინიდიანი კაცი იყო, ის არას დროს ძალას არავის არ



მე ამ შექცევებს რომ ვანბობ, იქამდისინ ჩავალ, სადაც შფოთები და ქოთებიც იყო ხოლმე. ეს სულ ერმალოვისაგან შემოჩენილის მირზაჯანას ბრალი იყო, რომ საქართველოს ხალხი გაირყვნას და კიდევ მიეღნია სანადელსა ერმალოვი. იმ მირზაჯანას ქ. ტფილისში ბევრი სხუა და სხუა კანჰანიობა ჰქონდა, სადაც ყველგან ლუარსაბიც დაჰყვანდა ხოლმე; ლუარსაბის პატივისცემისათვის, მირზაჯანასაც პატივს ცემდნენ ყველანი და ამის გამო ამისთანა ამბები იყო მირზაჯანასაგან ქ. ტფილისში და გარეთ სოფლებშიაც. საქართველოში ლუარსაბ და დავით დიდი პატივცემულები იყვნენ, ჯერ იმისთვის, რომ დიდი გვარიშვილობისა და მასუკან სარდლისშვილობისა.

მეორე შექცევისა რომ გიანბეთ, ახლა მესამისა გავიგონოთ.

ერთს დილა ადრიან, ის იყო ახლად გათენდა ჩვენს კარავში მე და მამუკას ძილის დროსა ვიღამაც გაგვალვიძა და ხმა მალლად დაიძახა: ადექით, რა დროს ძილი არის. მაშინვე თავთავის ქვეშაგებში წამოვფეგვით, ვნახეთ, რომ მე და მამუკას ქვეშაგების შუა მწვანეს ბალახზე, ნახევარ შამჰასკის ბუთლიკები იყო მწკრივით კარგა ბევრი და მეორეს მხრითა, მირზაჯანამ ერთი კალთა ფულები წამოყარა, ოქროვერცხლი და ასიგნაციები; აქეთიქითაც ლუარსაბ და სოლომან ონიკოვი უსხდნენ, გვითხრა ლუარსაბმა:

– „ადევით ნულარ წევხართ, წუხელის მირზაჯანას ბევრი ფულები მოუგია ქალაქის თამაშობაში, ზოგიერთის ერმალოვის მდიდარის სვიტისაგან, ადექით ნულარ წევხართ, წავიდეთ ერთს კარგს ადგილზე შევექცეთო, სადმე.“

მამუკამ საჩქაროთ ტანისამოსის ჩაცმა დაიწყო და მე მივატანე.

– „მინამ ჩაის არ დავლევ, ვერ წამოვალ.“

---

დაატანდა ღვინოში: უთუთო უნდა დალიოვო. ვისაც არ შეეძლო, ძალათ არავის არ დაალევიებდა, ესკი იყო, რომ ჩუმათ ეტყოდა: ან მეორე ოთახში გადი და ან შინ წადიო. ესენი იყვნენ ჩემი ამხანაგი-მეგობრები ეს ყმანვილკაცნი რომლებიცა ერთიერთმანეთთან ხშირათ ვიყავით: სარდლის შვილი თა დავით ორბელიანი, თა პავლე თუმანოვი და სოლომან ონიკოვი მინამ დავით გარდაიცვლებოდა, მასუკან ჩემი დედიდაშვილები თა დავით მუხრანბატონის ძე და თა ბიძინა ქსნის ერისთვისშვილი. კიდევ ჩემი მეგობარი იყო ჩემი მამიდაშვილი თა თადია ჩოლაყაშვილი და ბოლო დროს პავლე თუმანოვი რომ დაცოლშვილიანდა ქ. ტფილისში, მაშინ ხომ განუყრელად ვიყავით ერთიერთმანეთთან. აი ეს პატიოსანი ყმანვილი კაცები იყვნენ ჩემი კარგი ამხანაგი მეგობრები, რომლებთანაც ვატარებდი მართებულად დროსა. მეორე, ჩუენს ძველს დარბაისლებში დავიდოდი ხშირად და იმათ ძველს ამბებსა ვკრეფდი, ისინიც მენდობდნენ გულისწმინდით ყველას მიანბობდნენ.



– „ჩუენც არ დაგვილევია, ბარემ ჩვენც აქ დავლევთ და მერე ნავიდეთ.“ იმათ მითხრეს.

თურმე იმ ღამეს გათენებამდისინ ქალაღდი ეთამაშა მირზა-ჯანას და იმთენ ფულმოგებული თავის კარავში რომ მოსულიყო, სადაც ლუარსაბ და ის ერთათ იდგნენ, ლუარსაბ გაელვიძებინა, საჩქაროთ ტანისამოსი ჩაეცმია, იქიდგან სოლომანისათვის გამოუარათ, ისიც თან ნამოეყვანათ და აქ ჩვენთან მოსულიყვენ.

ჩაის შემდგომ, რაც ჩუენი კამპანია იყო, იქ შევიყარეთ, მასუკან ჩუენი სამზარეულოს განყობილობით ჩუენის მოსამსახურეებით, გავნიეთ და ატრიადის ახლოს მდინარეს ჩერექის პირზე, ერთს გაფოთვილილ დიდხეს ქვეშ დავბინავდით, სადაც იქვე ჩქარი მდინარე მორბოდა და გაშლილს საფენზედ ზოგი დაჯდა, ზოგი მუთაქებზე ნამონვა. იქითაც ჩუენზედ ახლოს საქმლებს მზადება დაუნყეს მოსამსახურეებმა. იყო საუცხოვო მზიანი დღე.

ამ ბუნების მშვენიერებითა, ჩუენ აქ ფხიზლად უნდა ვყოფილიყავით, რომ სადილით და იქაურის ადგილობის საუცხოვობითა გვესიამოვნა, კარგის წმინდის პატიოსნობისა შექცევითა, მაგრამ არა, უთუოთ უნდა ნახევარ შამპასკის ღვინით დავხოცილიყავით და კიდევ დავიხოცვინით, თუ არა და მირზაჯანას შიშით: არა მოგვიგონოსრა და ერმალოვს არ დავგაბეზლოს, უნდა ძალზედ გვესვა. კიდევ კარგი, სოლომან ტოლუბაში იყო ხოლმე და ის უფრო მირზაჯანას ძალას ატანდა, იქამდისინ, რომ იქვე სუფრაზე ნააქცევდა და რამწამს მუთაქაზე თავს მისდებდა, ხვრინსვასაც ამოუშვებდა. ისე იქ იყო და სხვებმაც იქვე დაიძინეს. სოლომანიკი იჯდა შაქზე და მე მითხრა ჩუმათ.

– „ამ სადილის დროსა, რამთენჯერ ამოუშვი პირიდგან? –“

– „აგერ ა იქ, ხედავ იმ ტყის პირის შიგნით? – იქ ვეება ერთი გუბე დგას. სამჯერ ამოვუშვი და ესეც მეოთხეთ იქნება.“ კიდევ წავედი.

სალამო ჟამზედ ყველამ გაიღვიძეს და გემრიელი ჩაიც დავლიეთ. ესეც ჩუენი მესამე შექცევა და ახლა მეოთხეზედ ვილაპარაკოთ.

ნალჩიკის შიგნით ხეობაში, ღენერალი ერმალოვი სულერთიან ატრიადითა იქ შევედით და ერთს მალლობს სწორეს მინდორზე დადგა ჯარით, სადაც უფრო შიში იყო და იქ მოველოდით ჩერქებების დაცემასა. იმ საღამო ჟამს, ის იყო რომ ჯარი დადგომას აპირებდა, ჯერ ჯარი რომ არ დამდგარიყო, ერმალოვმა ჩუენს ბატალიო-

ნის წინ გამოიარა და ჩუენს მაიორს ახტერვას უთხრა.

– „პრაპორშიკი კნიაზ ორბელიანი, ორის უნდეროფიცერით და ორმოცდა ათის სალდათითა, აგერა იმ ხეობის შემოსასვლელს პირში დადგეს და ფთხილათ იყოს. ამგვარს ღამის ყარაულობასა ჰქვიან რუსულად: სეკრეტნი. ესე იგი: დაფარული. სადაც შიში არის, ატრიადზე მოშორებით დააყენებენ საშიშს ადგილას.“

მაშინვე ახტერვამ დამიძახა.

– „პრაპორშიკი ორბელიანი გამოგზავნეთ.“

მაშინვე ბატალიონიდგან გაველ და ერმალოვის წინ დავდექი.

– „ალექსანდრ, რაც გიბძანოს მაიორმა, საჩქაროთ წადი, იქ დადექი და ფთხილალაც იყავ.“ ამასთანვე გატრიალდა წავიდა.

წაველ ისე საჩქაროთა, რომ ველარც ნაბადი და ველარც ყაბალახი ვერ წავიდე.<sup>1</sup> წაველ ორის უნტეროფიცერით და ორმოცდა ათის სალდათითა, შევკარ ხეობის პირი და დავდექი ფთხილათ, მაგრამ საკვირველი იყო ერმალოვის საქმე ჩემზედ, სადაც საძნელო ადგილები იყო, ხშირათ გამგზავნიდა *ყოველთვისა*; ჩემზედ ბევრათ უკეთესი აფიცრები იყვნენ, მაგრამ არა, უთუოთ მე უნდა გავეგზავნე ხოლმე. აქამდისინ ვერ მიმხვდარვარ, რა იყო ეს იმისაგან ჩემზედ? –

მე რომ სამსახურიდგან გამოსვლის არზა მივე, მაშინ ერმალოვი დაღისტანში თუ ჩაჩანში იყო ჯარებითა, ამ დროს ღენერალ ლეიტენანტი ივან ალექსანდრიჩი ველიამინოვი აღსრულებდა ერმალოვის თანამდებობასა ქ. ტფილისში ერმალოვის მოსვლამდისინ, იმის თანამდებობის დროს მივე და კიდევ მომივიდა სამსახურიდგან გადადგომა. როდისაც რომ გადადგომა მამივიდა, ერმალოვი ტფილისში იყო მოსული და იმ ჩემი გადადგომის პრიკაზი იმას წაეკითხა. იმდროს მირზაჯანა *თურმე* იქ ყოფილიყო და იმისთვის ეკითხა.

– „ეს რომელი პრაპორშიკი ორბელიანი გადამდგარა სამსახურიდგან, მეშვიდე კარაბინერის პოლკისა?“

– „მე არ ვიცი, თქვენო მაღალაღმატებულეზავ.“ მოეხსენებინა.

მასუკან გამოეკითხა, ეთქუათ ჩემი. ძალიან თურმე ეწყინა და მირზაჯანას უთხრა.

<sup>1</sup> აფიცრებს ნება ჰქონდათ, ვისაც უნდოდა, რომ შინელს გარდა, ნაბადი და ყაბალახიც ჰქონოდათ, თოფი დამბაჩა და პატრანტაშიც.

– „ჩემავიერათ უთხარ ალექსანდრეს, რომ მე იმისთვის ბევრი კარგი მსურდა და ახლა ისინი სულ დაკარგა.“

მითხრა და მეც *ამიტომ მოვიხადე ბოდიში* ესა: რავექნა, სახლის მომვლელი არავინ არაგვეყავს და ამის მიზეზით *გამოვედი*, სამსახური დაუტევე მეთქი. ამგვარებით ბოდიში მოვიხადე.

მოკლეთა ვთქუა, იმ ხეობის პირში, ფთხილად ვიყავი და ძილი ხომ როგორ იქნებოდა, მაგრამ იმ ღამესა პირველ ღამიდგან გათენებამდისინ, ისეთი კოკური წვიმა იყო და ბნელი ღამეც, რომ მგელიც ველარ მოვიდოდა იქა, არამც მტერი. უნდეროფიცრებმა და ზოგიერთმა სალდათებმა თავიანთი შინლები მადლიეს, ნამამესხა,<sup>1</sup> მაგრამ მე არა ვქენ, იმათაც ჩემი საქმე მოუვიდოდათ და ან რას მიშველიდა შინელი, იმისთანა კოკურს და მოუწყვეტელს წვიმაში. გათენებამდისინ ასე გვასხა მართლა კარგათ; კარგათ რომ გათენდა, ავედგით და ნამოვედით. ბძანება ასე გვქონდა. მოვიდოდით, მაგრამ ჩუენის ტანისამოსიდგან მსხვილი წუნწკლები ჩაგვდიოდა ქვემოთ და თავიდგან ფეხებამდისინ ასე დასველებული ვიყავით, რომ სრულად გაზუნზლული, მეცა და ჩემი კამანდაც.

რა რომ ატრიადს დავახლოვდით, ჩვენი ბატალიონისკენ ნამოვედით, იმათ კარვებისკენ და დანყობილობით მოვიდოდით, სადაც ერმალოვს კარავი ედგა, იმის წინ უნდა ჩამოგვეარა და ჩუენს ბატალიონში მივსულიყავით. ამდროს ერმალოვსა ჩამოხსნილს კარვის კარებიდგან დავენახე, მირზაჯანა თურმე იქ იყო იმდროს, ებძანებინა:

– „ნადი, ალექსანდრე ორბელიანს აქ, ჩემთან დაუძახე და თავის კამანდაკი ბატალიონში გაისტუმროს უნდეროფიცრითა.“

გამოვიდა, ერმალოვის ბძანება მითხრა და კამანდა გავისტუმრე. მასუკან გაზუნზლული ისე ერმალოვთან შეველ, რომელსაცა ჩემის ტანისამოსიდგან წუნწკლი სწვეთდა და მშვიდობით ყოფნა მოვახსენე. იმას ერთი პატარა სტოლი ედგა, პატარა სკამით იმ სტოლს მისჯდომოდა, იმ სტოლზე ქალაღდები ენყო, ქალაღდების გვერდით მოდიდო სტაქნით ჩაი ედგა და იმის გვერდით სკამზე თავის ადუტანტი მაიორი პავლოვი უჯდა. მშვიდობა რომ მოვახსენე, მითხრა ალერსითა.

<sup>1</sup> მე ისინი დიდს პატივს მცემდნენ, ჩემი მშვიდობის მყოფლობისა, სამსახურის ბეჯითობისა და კარვის ქცევისათვის.

– „ну Александрь. აბა ალექსანდრე, როგორ გაატარე ეს ღამე იქ სეკრეტში? –

– კარგათ თქვენო მაღალღმადმობებულებამ, მშვიდობითა.“ მოვახსენე.

– „წუხანდელმა დიდმა წვიმამ შეგანუხა? –“

– „არა თქვენო მაღალღმ. [ატებულებავ] მაგარ ყმანვილკაცსა წვიმა რას დააკლებს.“

სიამოვნით გაიცინა, თავის სტოლიდგან სტაქნით ჩაის ნამოავლო ხელი, მამცა ამ სიტყვით.

– „მაშ ჩემო ალექსანდრე, აჰა ჩაი დალიე და მერეთ წადი, ამ ერთს საათზე ავიყრებით, დავბრუნდებით ქვევით, მინდვრად ჩავალთ მდინარეს ნალჩიკის წყალის პირთან და ამაღამ იქ დავდგებით. მაგრამ მაგ შენის კამანდით არიერგარდში რომ დაგაგლო, ხომ არ შენუხდები? –“ მითხრა.

– „სწორე მოვახსენო თქვენო მ. ა. [მაღალღმადმობებულებავ] მზათ გახლავარ, ყოველს გაძნელებულს საქმეებში.“

– „მაშ დალიე, წადი, უთუოთ ჩერქეზები აგვედევნებინან, შენებურათ კარგათ იყავ.“

ჩაი რომით იყო დასხმული და კარგის გემოთი დავლიე. მასუკან მითხრა.

– „შენს მაიორს უთხარ: არიერგარდში დაგნიშნოს შენ.“

ამ სიტყუასთანვე თავი დავუკარ, გამოველე; დამნიშნეს არიერგარდში. ჩემმა ამხანაგებმა ბევრი მითხრეს სველი ტანისამოსი გამამეცვალა, მაგრამ მე არა ვქენ და ისე ზედ შავიშრე. თუმცა ღრუბლიანი დღე დაგვიდგა, მაგრამ წმინდა, უწვიმო დღე იყო, ჰაერი მშვიდი.

ერმალოვმა ჯერ ორი ბატალიონი წინ გაისტუმრა, მერეთ რაც პოვოსკა იყო, იმ ბატალიონებს მიადევნა, მასუკან თვითონ ატრიადითა იმათ შეუდგა და შემდგომ შორი ახლოს ჩემის არიერგარდითა აყვევ ატრიადს. ამდროს ტყიდგან ცხენიანი ათიოდე ჩერქეზები გამოვიდნენ და თოფის ტყვია დაგვიშინეს, რომლებმაცა ჩუენის მხრითაც ბევრი თოფის ტყვია გაუფზავნეთ. ასე იმათ, პატარახანს გვდიეს და მასუკან თავი დაგვანებეს, თავის გზისაკენ წავიდნენ. ატრიადი დაბინავებული იყო და საღამოჟამს მეც მივედი ჩემის არიერგარდით. მაიორს ჩემი მშვიდობით მისვლა რომ გამოვუცხადე, მითხრა.

– „ხომ არავინ დაჭრილა თქვენი არიერგარდის სალდათი? –“

– „არა, არავინ მეთქი.“

– „მამ წადით, ამალამ კარგათ მოისვენეთ.“ ეს მითხრა და წამოვედი.

ჩემს კარავში რომ მოვედი, ჩემმა ლალა თევდორემ მითხრა: ლუ-არსაბის კაცი იყო აქა და ეთხოვნა, ალექსანდრე რომ მოვიდეს, იმას ჩაის ველით, უიმისოთ არ დავლევთო. მაშინათვე წაველ, ყველანი ჩემი ამხანაგნი იქ იყვნენ შეყრილნი და რამწამს დამინახეს, ყველამ სიხარულით მამილოცა, იმ სროლიდგან მშვიდობით გადარჩენა, მაგრამ მოლოცვათ არა ღირდა, ამიტომ, რომ უბრალო კინკლაობა იყო. იმათაც ასე ვუთხარ.

ჩაის შემდგომ კიდევ ცალამდა და ამასთან ვახშამიც თან მოადვენეს, სადაც კიდევ ისეთი სმა მოგვიხდა, როგორც წარსულები გაიგონეთ, მეც იმ ჩემს ჩვეულებას მივყავ ხელი და ჩემი აგებულება ამით ძალიან შვებითაც იყო. იქამდისინ ვსვით, რომ სულერთიან იქვე წაეყარნენ, დაიძინეს ლუარსაბის და მირზაჯანას მოდიდოს კარავში. მე და სოლომანც იქვე მუთაქაზედ ჩვენს შინლების ქვეშ დავიძინეთ.

მეორე დილაზედ კიდევ ცხელმა ჩაიმ გვანუგეშა და ესესიყო, რომ კიდევ მოვწყვიტეთ იმისთანა მსმელობა იმ პახოტში, ამიტომ, რომ ლუარსაბს მე ვუთხარ და ლუარსაბს მირზაჯანასთვის ეთქუა: ამისთანა სმაზედ ხელი ავილოთ, თორემ სულერთიან ავათ დავხდებით, დავიხოცებით უპატრონოთ. *კიდევ ავიღევით ხელი.*

ვინც ამას წაიკითხავს, იქნება თქუას: ამ ამბების დაწერასა, იმ პახოტის ამბები დაწერა, უფრო კარგი იქნებოდა ისტორიისათვისაო? – მაგრამ რის პახოტი? – ურუხის ხეობიდგან მოვყვით სიარულსა, ისე კავკაზიის ძირებში წამოვედით და ყუბანის მდინარეს პირამდისინ მივედით, იქით გაღმაკი მაშინ ოსმალებისა იყო სულერთიან ის მამული შავზღვამდისინ, რომლებიცა იქიდგან ისევ უკან წამოვედით.

ერთი ცოტაოდენი კინკლაობა, პირველად ურუხის ხეობაში რომ შავედით, იქ მოგვიხდა, მეორე ჩერექის ხეობაში<sup>1</sup>, მესამე ნალჩიკის

<sup>1</sup> აქ სროლაში ერთი ჩერქეზიც მოვკალ თოფით, მაგრამ იმის მოკვლა რომ მამაგონდება, დიდად შევწუხდები ხოლმე, ეს ჩემი ცოდვა, ყველაზედ უდიდესი ცოდვა არის ჩემი, – ჩემი სვინიდისის სატანჯველი.

ხეობაში, რომელიცა ზემოთ გაიგონეთ, სადაც ამ ხეობებში ერთი სალდათიც არ დაგვჭრია, არამც მოეკლათ და მეოთხე ბაქსანის ხეობაში, იქ კი პატარა რიგიანი სროლა გვექონდა, ასე რომ ოცამდისინ სალდათი დაგვიჭრეს და მოგვიკლეს. როგორც სხუა ხეობებში, ისე ბაქსანის ხეობაში, ყველგან სტრელოკში მე ვიყავი ხოლმე სალდათების კამანდითა, რომელსაცა ამ ბაქსანის სროლაში ერთი ჩემი სტრელოკი სალდათი არ მოუკლამთ და არც დაუჭრიათ, პორუჩიკის ქალანდაროვის სტრელოკის სალდათები დააკლდა ჩუენს ბატალიონს, ის უფრო სხუა მხარეს, დიახ მეტს სროლაში იყო და მე უფრო ნაკლებში. მეორეც ეს, რომ ჩემი სალდათები, მე მოფარებულს ფერდობში ჩამსხდარი მყუანდა, აყრილს, თხელს ტყის პირში, საიდგანაც ფთხილათ ვესროდით ჩერქეზებსა, ქალანთაროვის სტრელოკები კი აქა-იქ გაფანტულები ესროდნენ და ამისთვის დააკლდა ის სალდათები; ბოლოს კიდევ გამოაქციეს დანარჩენის სალდათებითა ჩემს მხარეს წამოიღეს. იქ სიფთხილის დრო აღარ იყო, საიდგანაც ერმალოვის სვიტა და ვერხოვსკი ქვემოთ მინდვრიდგან გვიყურებდნენ ამ ცოტაოდენის ომის სროლასა<sup>1</sup>.

ეს ჩემი სტრელოკები წამოვშალე და საჩქაროთ წინ გადავუდექით გამოქციეულს სტრელოკებს. აქ სულერთიან ჩემი სტრელოკები ფიჭვის ხეების უკან დავსხი, მეც ერთს ფიჭვის ხეს მივუჯექი და იქიდგან დავუნყევით სროლა ჩერქეზებსა, რომლებიცა თამამად მოდიოდნენ და მაშინათვე ისინიც იქიდგან ხეებს მიუსხდნენ. *ერთი საათი მეტი სროლა გვექონდა*. კარგა ხანის სროლის შემდგომ, ჩემი კაპიტანი თავის როტით მოგვაშველეს და იქიდგან ის ჩამსხდარი ჩერქეზები ავშალეთ, მაგრამ ასეთს სიმაგრეში შევიდნენ, რომ იმა-

---

<sup>1</sup> ბაქსანის ხეობის პირში რომ მივედით, ერმალოვისათვის ეთქუათ: აქ ბაქსანის ხობაში, (იქაური ბატონი) თოუსულთანი გამაგრებული არისო. ამის გამო პოლკოვნიკი ვერხოვსკი (დენერალნი შტაბისა.) ჩუენი ბატალიონის ორი როტით, ოცდაათის ცხენიანის კავკაზიის ლინეინის ყაზახებით და რაოდენიმე თავის სვიტით გაისტუმრა იმ სულთანზედ. ხეობაში რომ შავედით, სულერთიან განიერ მინდვრად მიდიოდა ის ხეობა და ამის ბოლო ვინრო იყო აქეთ-იქით კლდიანის მთებით, სადაც იმათ შორის ბაქსანის მდინარე მოდიოდა და ამ ხეობის შუაში ჩრდილოეთის მხარეს ჩანჩქართა მირბიოდა. იქ იმ ვინროს ადგილს იყო ჩუენი სროლა, იმ თხელს გაშლილს ფიჭვის ტყეში, ზევით მთის კლდის ძირისაკენ. ქალანთაროვი თავის სტრელოკებით იქ შეგზავნეს და მე ჩემის სტრელოკებითა, იმის ტყის პირი დამაჭერინეს და აქედგან მითამ უნდა გაგველალა ჩერქეზები, რომლებსაცა ის ვინრო შესავალი ჰქონდათ შეკრული, მაგრამ ფეხიც ვერ მოვაცვლევინეთ. შუადღიდგან სალამოჟამამდისინ სროლა გვექონდა და ბოლო დროს თითქმის დამარცხებულებიც წამოვედით ჩუენა.

თი იქიდგან გალალვა არ შეიძლებოდა, საიდგანაც დავბრუნდით და ქვემოთ ჩამოვედით, სადაც ჯარი იდგა. იქ მოკლულები მიწას მივეციტ შენდობითა, მასუკან ჩუენი დაჭრილები ხელით წამოვიღეთ და დიდს ატრიადისაკენ წამოვედით დაღონებულები. ამიტომ რომ თავიანთი სურვილი ვერ აღასრულეს და ის თოუსულთანი ვერ დასაჯეს დამარცხებით.

მე, ამ ამბის შემდგომ, კარგი არ მამიხდა, იმაზედ, რომ ჩემი კაპიტანი დიდათ გამიწყრა.

– „მე იმ დროს იქ არ ვიყავ და უჩემოთ ჩემის როტიდგან სალდათები წაიყვანე და უჩემოთ წახველო სროლაში.“

– „სტარში კაპიტანი მოვიდა ხამუცკი, იმან მიბძანა და იმისთვის წავედი“. მე მივუგე.

– „უჩემოთ არ შეგეძლო, უნდა მოგეცაღდა.“

– „ჰკითხეთ სტარში კაპიტანსა და იმას უთხარით ეგენი.“

ჩემი სიმართლე არ გაიგონა და დიდს საყვედურს მეუბნებოდა, იქამდისინ, რომ ბოლოს ესეც მითხრა.

– „თოკით შეკრამო.“

მე ეს ველარ მოვითმინე და ხმაღზედ ხელი დავიდე.

– „ვინც გაბედავს მაგას, აქვე მოვკლავ.“

– „კარგი, რახან აგრე არის.“ და ამასთან გაჩუღდა.

ამ ჩუენს ლაპარაკში, ხამუცკი და იმის როტა ჩუენზედ კარგათ წინ მიდიოდა, რომელმაცა ჩემმა კაპიტანმა იმას ჩემზედ არა ჰკითხარა და მე ხომ როგორ გავბედავდი კითხვას, უნცროსის აფიცარისა დისციპლინა არ ითხოვდა.

როდისაც ჩუენს ატრიადს დავახლოვდით, ჩემმა კაპიტანმა წინ ცხენი გააჭენა და ცოტახანს უკან ისევე მოიჭრა გაჯავრებით ჩემთან.

– „ბატალიონის კამანდერმა გიბძანა, ექვსის საღდათითა, აქ ამ ვინროს გზაში დარჩეთ, სეკრეტის ყარაულათ. ერმაღოვს ასე უბძანებია.“

დავრჩი და მშვიღობით გავატარე.

---

<sup>1</sup> ის ქალანთაროვი იმ ხამუცკის როტისა იყო და მე დაღინის როტისა. ეს დაღინი უკან დარჩა მისადგომად და იმ დროს იქ არ იყო, როდისაც ხამუცკიმ მე გამგზავნა და არც ჩუენი როტის სტარში აფიცერი იყო იქა, ის ადრითვე საღდაც იყო გაგზავნილი. ამის გამო ერთ რიგათ ჩემი კაპიტანი მართალი იყო, მაგრამ მაინც ხამუცკისათვის უნდა ეკითხა; იმან იმას არა ჰკითხა, არ იკადრა და ამისთვის მე კი გადამხადვეინეს.

მეორეს დილაზედ, ჯარში რომ მოვედი, ის იყო ჯარი იყრებოდა, იმ დროს ჩემი კაპიტანი მოვიდა ამ მკაცრისა სიტყვით ჩემთან.

– „ბძანება არის, რომ დღეს ქვევითი იაროთ.“

ახლა იმ დღეს ქვევითიც ვიარე, მაგრამ სალამო ჟამზედ, ბატალიონის კამანდერს ახტერკას დავებარებინე და ბოდიშით მითხრა.

– „უკაცრავათ კნიაზო, მე სწორეთ შევიტყე, რომ თქვენ ყველაში მართალი ხართ, მაგრამ ერმალოვთანა ხართ დაბეზლებული თქუნ.“

– „რაზედ მაიორ?“ მე ვკითხე.

– „იმაზედ, რომ მითამ ის სტრელოკები თქვენი სალდათები დაეხოცოთ.“

– „ყველანი სულ უყურებდნენ ვისი დაიხოცნენ?“ –

– „ვიცი, ვიცი. ეხლა სულ წვრილათ შევიტყე. ამისთვის რაც სასჯელი მოგივიდათ, ერმალოვის ბძანებითა.“

თავი დავუკარი და გამოვედი, გულისაღებებით გაჯავრებული. იმის კარვიდგან რომ გამოვედი და ჩემის კარვისაკენ მოვიდოდი, ჩემი კაპიტანი დამხვდა და იმანაც ბოდიში მოიხადა შეცთომისთვის, ბოლოს მითხრა.

– „თავის უფროსის ნაჩაღნიკის წინა ამაყოზა არ შეიძლება, ამას ჩუენი დისციპლინა არ ითხოვს. შენც დანაშაული გაქვს ჩემთან, ხმალი გინდა ამოგელო ჩემზედ.“

– „მართალია კაპიტანო, *მომიტყევთ*, შევცდი და იმისთვის ბოდიშს ვიხდი. მაგრამ მართალი ვიყავ და სიმართლემ გამაბედვინა.“

– „უნდა წინ დახედვა გქონდეს. ახლა ამას თავი დავანებოთ; მე რომ შენზედ საჩივლელად მოველ მაიორთან, – მაიორმა მე აღარა მათქმევინარა და მაშინვე მითხრა: ეხლა ეს არის, ერმალოვის აღუტანტი მამივიდა, შემოეთვალა. „იმ სალდათების დახოცა პრაპორშიკის ორბელიანის მიზეზი ყოფილა და იმის სტრელოკები დაუხოციათ, ამისთვის ექვსის სალდათითა ამაღამ იქ, გზის პირში დააგდევით და ხვალაც ქვევითი ატარეთ, რომ ამას იქით გაფთხილდესო.“

მცირე მოლაპარაკების შემდგომ, მე პოლკოვნიკ კნიაზ შეკოვინჩთან წავეღ<sup>1</sup>, იმას კარგათ მახლობლათ ვიცნობდი, იმას შევჩვიველ

<sup>1</sup> ეს კნიაზ შეკოვინჩი იყო, პატარა ყაზართოს კნიაზი, ევროპიულათ კარგათ გაზრდილი განათლებული და ერმალოვის დიახ მახლობელი, იმის შინაურს სვიტაშიაც იყო.



და ყოველი ვუთხარ ჩემი დაბეზლება ერმალოვთან, რომელიცა გაჯავრებით წამოხტა და დაიძახა.

– „ახ, პადლეცები. მე იქ ვიყავი და მე გიყურებდით; პირსათნობით არ გეტყვიით, თუ თქვენ არ ყოფილიყავით, იმ ქალანთაროვს და იმის დანარჩენს სალდათებსაც იქვე დახოცდნენ. მე ეხლავ წავალ და ერმალოვს ჩხუბს ვუზამ, რომ ისე უსამართლოთ დაგსაჯათ. აქ ჩემს კარავში მამიცადეთ, ეხლავ მოვალ.“ ამასთანვე გასწია.

როდისაც იქიდგან მოვიდა, გაცინებით მითხრა:

– „კაპიტანი ხამუცკი მოსულა რაპორტის მისაცემათ, ატრიადი რომ დამდგარა სალამოყამზე და იმას დაუბეზლებიხარ თავის პორუჩიკის ქალანთაროვის გულისათვის, რომ ის დაჰფაროს და ამიტომ უთქუამს თქუენზედ<sup>1</sup>.“

– „კნიაზო, მასუკან როგორ მოხდა? –“ მე ვკითხე.

– „მე და იმის ლაპარაკის დროსა, პოლკოვნიკი ვერხოვსკი შემოვიდა და იმასაც ჰკითხა, იმან უფრო კიდევ კარგათ გაგამართლა და ძალიანაც გაქოთ.“ იმან ასე მითხრა.

– „მაშ მაგაზედ ერმალოვმა რალა გითხრათ? –“

– „სიცილით მამიბრუნდა მითხრა: ჩემაგიერ ალექსანდრეს უთხარ, სამსახურში ბევრი ამ გვარები შეემთხუევა მოსამსახურეს და ამაზედ ნუ შენუხდება ის, მე იმაზედ კარგს აზრს არ გამოვიცვლიო.“

– „მაშ წავიდე, კნიაზო, მოსვენებით ვიყო ახლა? –“

– „მოსვენებით კნიაზო, მოსვენებით.“ და წამოველ სიამოვნით.

ეს პახოტი ერმალოვმა პახოტათ არ შერიცხა და ამის გამო ჩვენ მოსამსახურეთა, ჯილდო არავის არ მოუტანიხა, მაგრამ კი მთელი დიდყაბართო დაიჭირა, სადაც საჭირო იყო, ციხეები გაგვაკეთებინა, შიგ ჯარები ჩააყენა და ყველგან თავიანთი სასამართლოები გახსნა, რომლებიცა მანამდისინ თავისუფალი ხალხი იყო დიდი ყაბართოელები, თავიანთი საკუთარებით, თავისუფლებით სარგებლობდნენ ავათ თუ კარგათ; ერთი სიტყვით, თავიანთის თავისუფლებითა იყვნენ ბედნიერნი, მაგრამ იმის შემდგომ რუსეთის მონებაში თავი გაუბეს და ჩაცვივდნენ იმათ ბრჭყალებ ქვეშა. აი, მთელი ისტორია დიდი ყაბართოსი.

<sup>1</sup> ერმალოვისათვის ერთი სალდათის მოკვლა მტრის ხელითა, ბრალიანზედ თუ უბრალოზედ, დიდი საჯავრელი იყო ხოლმე და ამიტომ უნებურათ გაჯავრებით ეთქუა იმას ის სასჯელი ჩემზე.

შემოდგომამდისინ ეს ამთენი საქმეები ასე შეასრულა ერმალოვ-მა, შემოდგომას ჩუენი კარაბინერის ჯარი დაგვითხოვა და საქართუელოში გადმოვედით, სადაც ქ. ტფილისში იმ სალამოზედვე ჩემს დანიშნულთან მივედი სანახავათ და შუალამე გადვიდა, რომ კიდეე იქ ვიყავ დიდის სიამოვნით, მეცა და ჩემი დანიშნულიც. ჩემი სიამამრი და სიდედრი ხომ რასაკვირველია, მაგრამ იმ ღამეს რომ შინ მოვედი, ჩემის დანიშნულის ეშხზე, ჩემი ცხვირის ჩუეულება შევასრულე ჩემი ცოდვა. შემდეგ ძილათ მივწექ და მოსვენებით დავიძინე. მე ეს მიკვირს, ზოგიერთი ქალი ცხადსა ნიშნებს მაჩვენებდნენ ერთობისას, მაგრამ მე არავის გონებას არ ვაძლევდი, მითამ იმათს წადილს მე ვერ ვხედავდი ანუ არ მესმოდა, ამიტომ რომ ჩემი საგანი, მხოლოდ ჩემი დანიშნული იყო და იმის განუსაზღვრელს სიყვარულში ვიყავ გულითსულით.

მე მაინც არასდროს მიქცეული არ ვყოფილვარ სხუა უცხოს ქალებზედ, ესკი იყო, რომ ყოველი ღამაზი ქალი დასანახათ მიამებოდა, მანამდისინ ვუყურებდი ანუ ვლაპარაკობდით, აღტაცებაში ვიყავი ხოლმე, და როდისაც თვალს მოვარიდებდი, მაშინვე დამავინწყებოდა. ეს ამისთანა ჩემი გრძნობა, ამ ჩემს სიბერეშიაც შემყვა ყოველს ღამაზ ქალზედ. ესეც ცოდვა არის ჩემი, თუმცა დიდი არა, მაგრამ მაინც ცოდვათ ითქმის.

ამ ზამთრობით, ჩუენი ბატალიონი პოლკის შტაბკვარტერაში გაგვისტუმრეს, იქიდგანაც ორი როტა, ერთი ჩუენი და მეორე პირველი როტა სოფელს დმანისში გამოგვისტუმრეს, სადაც იმ ზამთრობით იქ ვიჯექით და გაზაფხულზედ ჩუენი ბატალიონი ისევ ქ. ტფილისში ჩამოგვიყვანეს ყარაულისათვის.

სოფელს დმანისში<sup>1</sup>, ჩვენ სამსახურს არას ვაღსრულებდით, მხოლოდ ისე ვიდექით იქ და ჯარი ისვენებდა პახოტიდგან ახლად მოსული. აქ ჩვენ აფიცრები ხანდისხან ღვინის სმისა შექცევითა და მომღერლებით დროს ვატარებდით, არა ისე ბევრი დაღვევითა, როგორიც ყაბართოსი გაიგონეთ, არამედ ვისაც როგორ იამებოდა, იმთენს ვსვამდით. აქ, ამ სმაში, სულ არავინ არ დამთვრალა, ისე ფხიზლად მხიარულად ვიყავით ხოლმე<sup>2</sup>.

<sup>1</sup>დმანისისა და ბასქეჩითსა შორის 12-ი ვერსი არის.

<sup>2</sup> ახლა ამ დროს ამ ორ როტაში ვიყავით ქართველები ეს ოთხნი: ორის როტის ადუტანტათ პავლე თუმანოვი, პროპორშიკი გიორგი საგინოვი, პროპორშიკი ია-

ქ. ტფილისში ჩუენი ბატალიონი რომ ჩამოვიდა ქალაქის საყარაულოთა, და თუ მე სამსახურსა არას ვალსრულებდი, ანუ ჯარის უჩენია (განსწავლა) არ იყო, მე ჩემს დანიშნულთან ვიყავი, სადაც ძველნი თავადები მოდიოდნენ და ჰქონდათ ძველს ამბებზე ლაპარაკი. თუმცა მე იმ დროს ჩემს დანიშნულს გვერდთ ვუჯექი ხოლმე და დიდის სიამოვნით ვიყავით ერთმანეთით, მაგრამ იმ ძველების ლაპარაკსაც არ ვკარგავდი. გარდა ამისა, ჩემი ამხანაგებიც დავინყებულნი არა მყვანდნენ, ხანდისხან ერთად შევიყრებოდით და ისე ცარიელის სიამოვნის ლაპარაკით ვატარებდით დროსა.

აი, ამ დროს ჩემი ამხანაგები ვინ იყვნენ? – სარდლისშვილი დავით ორბელიანი, ახალი ჯვარდანიერილი იყო მშვენიერს მანანაზე. მეორე პავლე თუმანოვი, მესამე სოლომან ონიკოვი და მეოთხე მე, საკმაოთაც ვიყვნით ესენი, რომლებშიაც ღვინის სმისა არა იყორა, თვინიერ სიამოვნის ლაპარაკისა. ხან ჩემთან იყვნენ ესინი სალამოს ჩაიზე, ხან დავითთან და ხან სოლომანთან<sup>1</sup>. (სოლომანს ქალაქში ჰქონდა სახლი და შემძლებელიც იყო.)

ასე, ამ სახით ვიყავი მე ქალაქს ამ დროებში, ვიდრე მომავალს 1823-ს წელსა ივლისის რვამდისინ (8-ს) და ამ დღის სალამოზედ ჯვარი დავინერე ჩემს დანიშნულზე და სანადელს ვენიენით. ოჰ ბედნიერება!<sup>2</sup>

მე სამსახური რალათ მინდოდა, როგორც დავით ორბელიანი გადადგა სამსახურიდგან, ისე მე, მაგთენი ხანი აღარა მოვიცადერა, რომ მეც გადავდექი. ეს ზევითაც ვთქვი. თუმცა დავითი და მე ერთი ერთმანეთთან დავიდოდით, მაგრამ არა ისე ხშირად, მაგრამ კვირაში ერთხელ მაინც, რომელსაცა შორიდგან მესმოდა მირზაჯანას ხშირი კამპანიები, ხან მოქალაქეებთან, ხან ქალაქში მცხოვრებთ თავადებთან და კეთილშობილებთან, სადაც თურმე ყველგან დაჰყვანდა ლუარსაბ და დიდი მსმელობა ყოფილიყო ხოლმე, კარგი ჩხუბებიცა.

---

კობ კარაევი და მე. ეს ოთხნივ ერთს დიდს სახლში ვიდექით და ერთი გამოღებული ხარჯი გვექონდა ხოლმე. რადგან ისე უძრავათ ვიდექით იქ და სამსახურს არა ვალსრულებდით, ამიტომ მე ტყის ნადირობა შემოვიღე ნადირებზე თოფით და დიას ხშირათ დავიდოდი. იქნება ისიც ავწერო როდისმე, ის ჩემი ნადირობანი.

<sup>1</sup> პავლე კი ბატალიონში იდგა ავლაბარს, რადგან ბატალიონის ადუტანტი იყო.

<sup>2</sup> ჯვარი რომ დავინერე, ის იყო და ისა, რომ ცხვირის ცოდვილობა მოწყვიტე, ასე რომ ფიქრშიაც აღარ გამივლია.

ერთს შუადღეზე ადრე დავითთან მივედი სანახავათ, ვსხედვართ მე, ის და ლუარსაბ და ვლაპარაკობთ, ამ დროს მირზაჯანა შემოვიდა, მე რომ დამინახა, ამ ხმაურობით მოვიდა ჩემთან.

– „ააა, ალექსანდრე ძლივს არა გნახე, სადა ხარ, რომ არა ჩანხარ? –“<sup>1</sup>

– „ქალაქს, ჩემ სახლში.“ მოკლეთ ვუთხარ.

– „ლუარსაბთან და დავითთან არ მოდიხარ ხოლმე? –“

– „როგორ არა, ხანდისხან.“

– „მაშ აქ რატომ არ შემხვედრიხარ? –“

– „ჰგავს, რომ შენს აქ ყოფნაში, არ მოვსულვარ მე.“

მასუკან ლუარსაბს და დავითს მიუბრუნდა ამ სიტყვით.

– „ლუარსაბ და დავითჯან, ფეთხანის დეკანოზის ტერტერასშვილს ბაღდასარასთან ვარ ხვალ სადილათ დაპატიჟებული და მთხოვა: ვინც გინდოდეს მირზაჯან, თან მოიყვანეო. თუ ღმერთი გნამთ, თქვენც წამოდით და ალექსანდრესაც ვთხოვო.“ მერე ამ სიტყვით მე მამიბრუნდა. მე ლუარსაბს და დავითს შევხედე. ლუარსაბმა ჰკითხა.

– „რაო, რა ანბავია? – ვისთვისა აქვს ის სტუმრობა?–“

– „ჩემთვის.“ მირზაჯანამ უთხრა და ამასთან ხვეწნა დაგვიჩყო წავსულიყავით. დავყევით. მეორე დღეს სადილობის დროსა, ლუარსაბმა და დავითმა მე გამამიარეს; წავედით და ფეთხანის ეკლესიის გვერდით სახლი იყო ზანიშინიანი, იქ ავედით, სადაც მირზაჯანა და ათამდისინ კიდევ მისულიყვნენ იქა. დავითმა გამიყვანა, ჩუმათ მითხრა.

– „ძმაო ალექსანდრე, მე ვიცი, აქ დიდი სმა მოხდება, შენ ეხლავ ფეხის ადგილი მოიკითხე სად არის, რასაც ღვინოს დაღვევ, იქ გაგზავნო. სოლომანიც აქ არა გვყავს, რომ იმას ეგ მოეკლა მირზაჯანა.“

მაშინვე გამოვედი და მოსამსახურეს ვკითხე, იმანც წამიყვანა, მაჩვენა ცოტა მოშორებით, სადაც შევედი, მითამ საჭიროებისთვის<sup>2</sup>.

რალა ბევრი ვილაპარაკოთ, სადილათ დავსხედით, მე და დავითი ერთად ვისხედით. შუადღე იყო 12-ი საათი და მეშვიდე დაინყო, რომ კიდევ ვისხედით და მოდიდრონოს სტაქნებითა ვსვამდით სულ სამ-

<sup>1</sup> აქ ეს უნდა ვთქუა, რომ ისე მცნობი ვიყავ მირზაჯანასი და ერთხელ ჩემს სახლში არ ყოფილა. პირდაპირ სწორეთ უნდა ვთქუა რომ მე ის არ მიყვარდა.

<sup>2</sup> ეს დრო გაზაფხული იყო 1824-ი წელი.

სეს-სამსეს. ამასთან საზანდრები თავის საკრავებით და სიმღერებითა მითამ შეგვაქცევდნენ და როდისაც მღერით დაილალებოდნენ, დასასვენებლად გასწყვეტენ, მაგრამ ჩვენ იმათ მაგთენს ყურს არ ვუგდებდით და სმაში ვიყავით. მე ამ სმაში ორჯელ ამოვიღე ღვინო და საჭმელი პირიდგან; ამ უკანასკნელის განთავისუფლებით, მე რომ შემოვედი და დავჯექი, მირზაჯანა და ივანე აქიმოვი<sup>1</sup>, რაღაზედაც შესიტყვებულებიყვნენ და ჩხუბის ლაპარაკი ჰქონდათ. ივანე აქიმოვი, როდესაც მომატებულს ღვინოს დალევა, მოუთმენელი და ჭირვეული კაცი იყო, ფხიზელი კი უკეთესი არ უნდოდა. იმის ხასიათი იცოდნენ და ყველანი უთმენდნენ, მაგრამ ამ დროს როგორღაც მომხდარიყო, რომ მირზაჯანაც აპრუნვილიყო და არც ის უთმენდა მომატებულს სიტყვას. ამ დროს უეცრათ ივანემ დაიძახა: ჰი შენი დედა... და ყველით სავსე თეფში ესროლა, წამოცვივდნენ იმ სუფრაზე და დაიძვრნენ, ამ დროს ვიღამაც დაიძახა: ვინც ეგენი გააშველოს, იმისი ცოლდედა, ასე...<sup>2</sup> აბა ვილა გააშველებდა იმათ, ასე დააოსეს ერთმანეთი ძიძგილობით, რომ თვითონვე ხელი აიღეს ერთმანეთზე. რაც ჭურჭელი იყო სუფრაზე, სულ დალენეს ლუკმა ლუკმა. იმათ ამ ამბავში, მე, დავითი და ლუარსაბ ჩუმათ გულით ვიცინოდით. პატარახანს უკან ჩაი მოგვიტანეს, დავლიეთ და მასუკან კიდევ დავიშალენით. როგორც გავიგონე, ამის მეორე დღეს ივანე მირზაჯანასთან მისულიყო მირზაჯანას შიშით: ერმალოვთან არ დამაბეზლოსო. შერიგებოდა და სადილათაც თავის სახლში წამოეყვანა.

ამის შემდგომ, ორი თუ სამი კვირა არ გამოვიდა, რომ ლუარსაბ და დავითი სადილათ დაეპატიჟე ანჩისხატის ეკლესიის მოახლოვოთ, მდინარეს მტკვარის მომალლოს პირზედ, კარგს მშვენიერს გაშლილ ვარდებიანს და მწვანოვან პატარას ანტონას ბახჩაში, მირზაჯანა და სხუებიც ათიოდე დავუპატიჟე ლუარსაბ და დავითსა, სადაც მტკვარის მხარეს მოაჯირი იყო ვაზებით დაფარებული გრილს ჩიდილოს ქვეშა და ჩვენზედ მოახლოვოდ წმინდა წყარო ჩანანწკარებდა თლილს ქვის აუზში.

<sup>1</sup> ეს ივანე იყო ძველის დროის თათულა ექიმის შვილი და იყო მირზაჯანას მეგობარი.  
<sup>2</sup> ბოლოს როგორც შევითყე თა სამარადლო ორბელიანს დაეძახა ესა. თავის დროზედ იმან უცხო ხუმრობა იცოდა ხოლმე. ის სამარადლო, იმ სარდლიანთ ოჯახის შვილი იყო და კარგი რიგიანი თავადიშვილიც.

იმ თალარს ქვეშ მოფენილსა მუაჯირზედ დავსხედით და კარ-გი ქართული სადილი გავიშალეთ. იქ, იმ ჩემს სადილზე სხუებ-თა შორის მონვეულნი იყვნენ, ჩემი დედიდაშვილი, *ბატონიშვილის ქეთევანის შვილი* თეიმურაზ, უნინ მუხრან ბატონი ახლა მუხრანს-კი და კიდევ სამარადლო ორბელიანი. სამარადლომ ცოტას სიცილი-ით მკითხა.

– „ალექსანდრე, ივანე თათულაშვილი აქიმოვი რატომ აღარ და-გიპატიჟინა?“

ამაზედ ყველამ გაიცინეს და მირზაჯანამ მე აღარ დამაცალა.

– „ჭირვეული ისა? – არსად არ დაიპატიჟება.“

მართლა, მე ის იმისთვის არ დავპატიჟე, რომ ვიცოდი, ღვინოში უთუოთ ჩხუბს უზამდა ვისმე.

მინამ სადილათ დავსხდებოდით, ჩემი დედიდაშვილი თეიმურაზ<sup>1</sup> ლუარსაბმა და დავითმა ცალკე გამოიხმეს და ჩუმად უთხრეს.

– „ძმაო თეიმურაზ, ამ გარყვნილის მირზაჯანასაგან ამთე-ნი ღვინის სმითა ილაჯი აღარ არის და ლამის დაგვაჭლექოს; შენ დღეს ტოლუბაშათ ამოგარჩევთ, როგორც იყოს, აგვაცილე ბევრის ღვინის დაღევა, ვისაც როგორც უნდოდეს, ისე ვსვათ სადღეგრ-ძელოები.“

– „თქვე დალოცვილებო, აგრე როგორ გაბმულხართ მირზა-ჯანასაგან, რომ ყოველთვის მაგის ნებას შვრებით?“ თეიმურაზმა უთხრა.

– „შენმა სიცოცხლემ თეიმურაზ, გვეშინიან არა მოგვიგონოს-რა, ერმალოვთან არ დაგვაბეზლოს და იმანაც ჯაჰნამაში [ჯაჰნაბა-ში] არ გაგვგზავნოს.“

– „ვიცი, ვიცი, – მეც კი მეშინიან. აგრე იყოს, დამაყენეთ ტოლ-უბაშათ.“ თეიმურაზმა უთხრა და ამასთან კიდევ დავსხედით<sup>2</sup>.

<sup>1</sup> ივანე მუხრან ბატონის და ბატონისშვილის ქეთევანის შვილი. ესენი იყვნენ ოთხი ძმანი ერთი დედამისისშვილები: კოსტანტინე, თეიმურაზ, გრიგოლ (ამ გრიგოლის ცოტაოდენი ამბავი აქ ზევითაც ითქუა) და დავითი.

<sup>2</sup> ასე შეშინებული ვიყავით მირზაჯანასაგან. ეს სულ ერმალოვის ოსტატობა იყო, ჩვენი ხალხი მონებაში ჰყვანდეს; ჰყვანდა კიდევ და ამისთვის მირზაჯანა იყო იმის იარაღი, რომ ყველგან და ყველაფერში იმას ძალა ჰქონოდა; ჩუენი ხალხი გარყვნილობაშიაც ხომ რასაკვირველია შეყვანდა, რომ უფრო ხალხი ამითი დაეჭი-რა ამ გარემზომობითა, თავის ხელში ერმალოვსა. ერმალოვსა სხუებიც ჰყვანდა აგენტათა და შპიონებათ, მაგრამ ეს მირზაჯანა, უფრო იმის სარწმუნო პირი იყო, რომელსაცა დიდთ ენდობოდა მირზაჯანას და ამის ახლო ნათესავსა ღენერალს

სამარადღოს, იმ სიტყვისა და მირზაჯანას პასუხისა შემდგომ, სადილი გავიშალეთ და დავინყეთ სანოვაგეს გემოვნება, სადაც საზანდრები საკრავებზე მოჰყვნენ მღერას და ლხინსა. როდისაც რომ თვითო ღვინო დავლიეთ, ლუარსაბმა დაიძახა.

– „საზანდრებო, მღერა და საკრავი დააყენეთ.“ დააყენეს. მასუკან სტაქანი ღვინით აამსებინა და დაიძახა.

– „მუხრანის ბატონო თეიმურაზ, ღმერთმა გადღეგძელოს და ამასთან ტოლუბაშათ ამოგვირჩევიხარ. შენ იცი ახლა როგორც გაგვატარებინებ დროსა.“

ერთიანათ: „მოგვილოცამს, მოგვილოცამს.“ და სამსე სტაქნებით ღვინო დავლიეთ ყველამ. თეიმურაზმაც სტაქანი ღვინით აამსებინა ამ სიტყვითა.

– „ძმებო, მეც მაგისტვის გმადლობთ, მაგრამ ესკი უნდა გითხრათ, რომ რამთენიცი უნდა ვსვათ ჩვენ ღვინო, ჩვენ იმას ბოლოს ვერ მოვუღებთ, სულ ვერ დავღევთ და ისკი დავღლევს ჩვენა. კარგათ იცით, მე არავიზედ ნაკლებს ღვინოს არ დავღვევ; რაკი სმა იქნება, ბევრს დავღვევ (სმაში ბევრსა სომდა ხოლმე.) და მისვამს კიდევ. მაგრამ მე იმისგან ვერა გამოვიტანერა, მოდით, დღეს ვისაც როგორ უნდოდეს, ისე ვსვათ ყველას სადღეგრძელო?“

ლუარსაბმა და დავითმა მიატანეს.

„ძალიან კარგი იქნება.“ ამასთან ყველამ: კარგი იქნება, კარგი. თუმცა მირზაჯანას არ იამა, მაგრამ ისიც დაჰყვა.

იმ დღეს ჩვენი სადილი კეთილი, მშვიდობიანი სადილი იყო, ისე მხიარულათ შევიქნეთ ღვინით და ჩქარაც გავათავეთ სადილი. – სადილს უკან, ყველა მუთაქაზე მიწვინენ, დაიძინეს, მეკი მოაჯირზე ზურგი მიყუდებული მქონდა მტკვრისაკენ და ბაღჩის ვარდებს ვუყურებდი გაშლილს. ამდროს, ახლოს მეზობლის სახლის ბანითგან, ერთი ლამაზი მოახლე<sup>1</sup> მოდგა ბანის პირზე, ტუჩებზე ხელი დაიდო, კოცნა მანიშნა, მერეთ მდაბლად თავი დამიკრა, მასუკან გასნია და წავიდა. მე ეს უცნაურათ მეჩვენა, მაგრამ ცოტა ღვინო

---

მადათოვსა. ეს ორნი დიდს როლს თამაშობდნენ ერმალოვთან და ამ მირზაჯანას გამცნობი ერმალოვთან, პირველათ იყო ის თავის ნათესავი ღენერალი და იმან დაახლოვა ერმალოვსა მირზაჯანა. მე და დავით ამ ამბებსა სულა ვკრეფდით, რომ ბოლო დროს მე ისინი ამეწერა. მე დავითი ძალიან და დიდათ დამაკლდა, მე და ისა ერთი აზრისანი ვიყავით საქართველოსათვის.

<sup>1</sup> იმის სახელსკი არ ვიტყვი, ვისი უნდა ყოფილიყო ისა და არც სახლსა.

ნასვამს გული ამიღელდა. პატარახანს უკან კიდევ მოდგა, კიდევ ისე მანიშნა და წავიდა. ასე რამთენჯერმე მოდგა ნიშნით და მეც გავეუქნევი ხოლმე ხელსა ნიშნებისას, მითამ დავყევი იმის სურვილს. რას ვიფიქრებდი, დავითს თურმე გაღვიძებოდა და ამ ამბავს გვიყურებდა. ბოლოს წამოდგა, გაცინებით მოვიდა ჩემთან, მითხრა.

– „ძმაო ალექსანდრე, ეს რას ამბავში ხარ შენა და ან ის ლამაზი გოგო ვინ არის?“

– „შენმა სიცოცხლემ, არ ვიცი ვისი უნდა იყოს და სახლი შენც ხომ იცი ვისი არის, თუ იქნება, იმათი მოახლე“.

ამდროს კიდევ მოდგა ის მოახლე, მე და დავით ერთათ მსხდომნი რომ დავგინახა, მაშინვე გატრიალდა, სიჩქარით გაიქცა. დავითმა და მე ამაზედ ბევრი ვიცინეთ. მასუკან ლაპარაკს მოვყევით, როგორც სანდო მეგობრები და ძმები; მინამ ისინი გაიღვიძებდნენ, სულ გულახდილს ლაპარაკში ვიყავით. საღამო ჟამზედ ჩაი მოგვიტანეს და შემდგომ ყველანი თავ თავისად წავედით, ყუელანი კმაყოფილები, მირზაჯანას მეტი: რატომ ღვინით არ დავიხოცენით.

შინ რომ მოვედი<sup>1</sup>, ჩემი ეკატერინე ვიკითხე, მითხრეს: ბატონიშვილი დედი თქვენის კაცი მოუვიდა, დაებარებინა და თავის დას ქეთევან ბატონიშვილთან წაიყვანაო. თეიმურაზ ხომ გახსოვთ, იმის დედასთან<sup>2</sup>.

მე მაშინვე გამოვტრიალდი, წამოველ. იყო სრული მთვარიანი საღამო და ჩქარა მოვიდოდი. სადაც იმ მოახლის ბატონის სახლი იყო, იმ პატარა ვინროს ქუჩაში უნდა გამეარა და იქითკენ წავსულიყავ. არ ვიცი, იმ მოახლეს საიდგან შემოესწრა თუალი ჩემთვის და თავიანთ სახლის კარებშიკი გამოვიდა იმ დროს, როდისაც მეც მივედი და მითხრა.

– „ყმანვილო, ამ მთუარიანს ღამეში სად მიბძანდები?“

– „შენთან მოვდივარ.“ მეც ეს უნებურათ ვუთხარ.

– „კარგი წმინდა ტყუილი კი გცოდნია შენ.“

– „რათა როგორ?“

– „მე ხომ ვიცი სად მიდიხარ.“

<sup>1</sup> ამდროს კიდევ ჩემ სიმამარ სიდედრთან ვიყავი ცოლით, იმათ სახლში.

<sup>2</sup> ჩვენი და ჩვენი მოყვრების სახლებს, ერთი კედელი ჰყოფდა ეზოებს შუა, ასე ახლოს ვიდექით ჩემს სიმამრ-სიდედრზე.



– „აბა სადა?“

– „წელან ბატონიშვილი და თქვენი კნეინა მიდიოდნენ ბატონიშვილს ქეთევანთან; რათ მატყუებ. შენც იქ მიდიხარ.“

– „არა, არა. შენთან მოვდივარ.“ და ხელი წავატანე. ის მოახლე ხელში დამიდნა და კარებში ჩაჯდა. მე იმდროს და იმ წამს ასე მეგონა: თავში რაღაც კუნძი დამცეს მეთქი და ტანში რაღაც ერთმა ცივმა ჟრუანტელმა დამიარა, საიდგანაც საჩქაროთ გავტრიალდი და წავედი. თუმცა ჩემი თავის უკმაყოფილო, მაგრამ მაინც მადლობელი ღვთისა, იმან გამამიხსნა, რომელსაც იმის შემდეგ, ის მოახლე აღარ მინახავს. აი ესეც ცოდვა არის ჩემი. მირზაჯანას მოსამადრიელებლად ბევრსა, ბევრი სადილები ჰქონდათ ხოლმე მირზაჯანასათვის და მეც მირზაჯანა ხანდისხან გამირევდა თავიანთში. ჩემი საქმე იმას გვანდა: ურიასთან ურია ვიყავ. ის მირზაჯანა ჭეშმარიტად ურია იყო, ერმალოვისაგან შემოჩენილი ჩვენს გასარყვნელად და საძაგელის აზრების ჩასანერგად. *ენივინ საწადელსა.*

ამ ხანებში, ერთს სალამოს ბინდზე მირზაჯანას ბარათი მამივიდა: შენი ახლო ნათესავები, შენი მეგობრები ლუარსაბ და დავით ჩემთან არიან ამ სალამოს ჩაიზედ და ვახშმათაც, და შენცა გთხოვ ამათი პატივისცემისათვის შენც მოხვიდე ჩემთან. ისინი ეხლა აქ არიან და მაგ მოსამსახურეს თან გამოჰყევ, ჩაის შენ გელითო. წაველ, მაგრამ მოსამსახურემ იმის სახლისაკენ არ წამიყვანა, სხუას ერთს ვინროს ქუჩაში<sup>1</sup>, სადაც ერთს დაბალს კარებში შევიდა და შევეყევ, კარები საჩქაროთ მიკეტა, პატარა ეზო გავიარეთ და მოაჯირიანი პატარა სახლი იყო, იქ კიბეზე ავედით და ერთს კარგს მოდიდოს კარებლია უცხოთ მოფენილს ოთახში შემიყვანა ქონის სანთლებით განათებულში, სადაც ზევით კუთხეში დორზედ მისვენებული იჯდა ერთი მშვენიერი ქალი, რუსულათ ჩაცმული, პირისფერი კაბა ეცვა, თეთრი მრგვალი პირი სახე ჰქონდა, რომელსაცა შავი ბრწყინვალე თვალეები უბრწყინავდა და შავნი თმანი ჩამოშლოდა მღელვარობით სპეტაკს ორსავ მკერდზედ. ის ბრწყინვალე შავი თვალეები ჩემკენ ნაზათ გადმოიბრუნა და ნელიადის საამოს ხმით მთხოვა.

– „კნიაზო, ინებეთ მობძანება ჩემთან.“

ეს სიტყუა მე თავში ამვარდა, ვიფიქრე: ვნახოთ რა იქნება

<sup>1</sup> ჩვენს სახლზედ არა შორსა. ეხლა რომ ნახშირის მეიდანს უძახიან, იქ ერთს პატარას ვინროს ქუჩაში.

მეთქი? ამასთან, მივედი და მოშორებით დავჯექი, სრულიად ცივის გულით. პირველად იმ მუახლემ ისე დამარბილა და ამ მშვენერებასთან ასე ცივად ვიყავ, პირველშივე მე ის არ მამეწონა. მითხრა.

– „კნიაზო, აგრე მოშორებით, რათ დავჯექით ჩემზე? –“

– „მე აქ მირზაჯანა მადათოვი მინდა, დაპატიჟებული ვარ იმისი.“

– „არა, იმისი დაპატიჟებული არა ხართ, მე გთხოვეთ.“

– „მირზაჯანას კაცი და ბარათი მამივიდა.“

– „მირზაჯანას კაცი თქუნა ნახეთ? –“

– „იმან მამიყვანა.“

– „რა იქნა ის? –“

– „ამ ოთახის კარამდინ მამყუა, აღარ შემოვიდა.“

– „იცნობთ იმ კაცს თქუნა? –“

– „ორმოცი მეტი ჩათუქესანი მოსამსახურე ჰყავს იმას, ყველას რათ უნდა ვცნობდე. ვცნობ იმის ორს მოსამსახურეს, რომლებიც იმას ხელზედ ემსახურებიან, სხვას ვერავის.“

– „დანერილი ბარათი იმის ხელი იყო?“

– „იმის ხელსა ჰგვანდა, მხოლოდ აჩქარებითკი იყო დანერილი და ხელიც მოენერა: მირზაჯანაო.“

– „ჩემი სახელიც, მირზაჯანა არის.“

– „უთუოთ მადათოვიც იქნებით და ერმალოვის შინაურიც.“

ახლა გაცინებით გამოცვალა ლაპარაკი.

– „კნიაზო, ნუ მტანჯავ, ცეცხლში ნუ მწვამ.“

– „მე? ღმერთმა დამიფაროს.“

– „რახან ღმერთმა დამიფაროს. გაგიჟებული ვარ მე თქვენთვისა.“

– „სრულიად სიგიჟე არ გეტყობათ, ძალიან გონიერულათ ლაპარაკობთ.“

– „ძალიან მიყვარხარ, ამაღამ აქ ჩემთან ბძანდებოდეთ.“

– „ვიქნები და ამ ცარიელის ლაპარაკის მეტსა, სხუას არას დავაგდებ აქ თქვენთან.“

ამ სიტყუაზედ მეორეს ოთახიდგან, მაღალი ბრავო და ტაშის კვრა მამესმა რამთენიმე ხმისა. ამასთან შევხედე, ლუარსაბ, დავითი და მირზაჯანა გამოვიდნენ, ორივე კიდევ მირზაჯანას მეგობრები და ჩემკენ სიცილით წამოვიდნენ. წამოვხტი და მივეგებე იმათ, ამ სიტყვითა.

– „თქვე წყეულებო, მე რომ ამ ქალს მოვეტყუილებინე და გუ-

ლაღლებული ამისთვის ხელი მეტაცა, მე ხომ თქვენი სასაცილო შევიქნებოდი და ქვეყნისაც.“

– „არაფერი, გავიცინებდით და ის სიცილი გაივლიდა. გარნ-მუნებ, არცარავის ვეტყოდით ამ ამბავსა და ეხლაც ჩვენში დარჩე-ბა ეს ამბავი.“ მირზაჯანამ მითხრა და იმასვე დაეწყო ეს ამბავი ჩემთვის, მინამ მივიდოდი: მითამ სახუმრებლად მოეგონებინა ჩემთვის ესა.

პატარახანს უკან მირზაჯანამ ალერსი დაუწყო იმ ქალს, მე დავითს კაბის კალთა გამოვნიე, ვანიშნე, მოაჯირზედ გამოსულიყო და წავედი. დავითიც თან გამამყუა, ვკითხე.

– „ის ქალი ვინ არის? –“

– „უნამუსო.“ დავითმა მითხრა.

– „აქ ამთენს კაცებში რა უნდა? –“

– „მირზაჯანას ამასთან ვახშამი გაუკეთებინებია.“

– „და ჩუენ რაო, რიღასთვისღა ვართ აქა?“

– ასე იამება, ჩუენი შააბაზის ვეზირია მირზაჯანა.“

– „მოდო, მე წავალ, არ დავდგები.“

– „ნუ, შეინჭიმე ძმაო.“

– „კარგი, შენის გულისათვის დავრჩები, მაგრამ ის ხუმრობა რათ გამიკეთეთ? –“

– „თვითონ მირზაჯანამ; ჩვენ ფიქრშიაც არ მოგვევლია.“

– „მასუკან ღმერთი რომ გასწრყომოდა ჩემს ცოდვას?“

– „გეფიცები, დაგიძახებდი: ალექსანდრე რას შვები მეთქი და ამასთან კიდევ შემოვიდოდი.“

– „ეგ რა გამოქნილი და ჭკვიანი ქალი ყოფილა? –“

– „ძალიან. მირზაჯანასა ჰყავს ახლა, მინამ არ მოსწყენია.“

– „ვინ არის, სადაურია? –“

– „არც მე ვიცი, მირზაჯანას არ უთქუამს და არც ჩვენ გვიკითხამს? – ამით მესამეთ მოგვიყვანა მირზაჯანამ აქ და ეხლა რომ აქ მოვედით, თვითონ მირზაჯანამ გიგონა შენა: მოდით ისიც დავპატიჟოთ. და ამასთან ის ოინიც დაანყო შენზედ, მაგრამ ბარაქალა, ჩემო ძმაო ალექსანდრე, როგორიც ყოჩადი ხარ, ისე ყოჩალურათაც მოიქეც და შეარცხვინე მირზაჯანა.“

– „მაგ შეჩუენებულს, თუ თავისთვის ჰყავს ეგ უნამუსო ქალი, ჩემთვის როგორღა იმეტებდა? –“

– „მაგისტვის ქუეყანაზედ სინმინდე არარის. ოლონდ მთელი ჩვენი ქვეყნის ხალხი გარყვნილობაში შეიყვანოს და შეიყვანა კიდევ, თორემ ვინც აქა ვართ, თვითოსათვის ეხლავ თვითოს მოაყვანიებდა; მაგას ეს ჩუენთვის ვერ გაუბედავს, გვითხრას და ვიცოკი რომ დიდათ უნდა, ჩვენც თვითო უნამუსო გვიჯდეს გვერდით, მაგრამ ის სანადელსკი ველარ მიელწევა. დანარჩენი ვნახოთ, რა იქნება, ამიტომ მოვიცადოთ აქა და კარგათკი აკრიფე, რაც ნახო და არც დაივიწყო.“

– „ხომ იცი, რომ ჩემი სურვილიც ეგ არის, დავრჩები აქ და თავის დროზედ ავწერ ჩემო ძმაო დავით.“

– „უთუოთ, უთუოთ.“ და შევედით სახლში.

მირზაჯანა კიდევ იმ ქალის ალერსში იყო, ხან კოცნითა და ხან ხვევნითა, ბოლოს ჩაი მოგვიტანეს, ამან მირზაჯანა გონებაზე მოიყვანა, ჩუენკენ გადმოვიდა და ჩვენ მწკრივათ დასხდომილი რომ გვნახა, ისიც ჩვენთან დაჯდა. მაშინ ალავერდას მეტი საზანდარი სხუა არავინ ჰყვანდა მირზაჯანას იქა<sup>1</sup>, რომელმაცა უთხრა.

– „აბა ჩემო ალავერდი დაჯექ, შენი თარი გამართე და შენებურათ კარგათ ილულუნე. ამასთან იმ ქალს დაუძახა, თავის გვერდით მოისო და იქ ჩაიც ჩამოგვირიგეს.“

მართლა, ალავერდა ასეთს ყიზილბაშურს საამოსა ხმების სიმღერებსა მოჰყვა, რომ ყველანი სასიამოვნოს ფიქრით დაგვაფიქრა, რომელმაცა ერთი საათი მეტი, ამ მშვიდობიანის საამოსა მღერით გაგვატარებინა, ისე რომ ერთი კრინტი ხმა არავის ამოუღია. სიმღერის განწყვეტასთანვე, ვახშამიც გაგვიშალეს.

აქ ღვინის სმა მაგთენი არა იყორა, ამიტომ რომ მირზაჯანას ასე სურდა, იმის ნება ასე იყო. მხოლოდ ის იმ ქალს უაღერსებდა, იმის ტრფიალებაში იყო და ჩვენ ისე შეეყურებდით გაოცებით მირზაჯანას. თან ალავერდა სიმღერას ამბობდა. ბოლოს შუა ვახშამზედ, მირზაჯანამ იმ ქალს ხელი დაუჭირა, მეორეს ოთახისკენ წავიდნენ, იმ ოთახში შეიარეს და იმის კარები მაგრა რომ მოგულა, აქ ჩვენ ყველამ თავები დაბლა ჩაკვიდეთ. ამ დროს ალავერდამ ეს სიმღერა

<sup>1</sup> ის ალავერდა ქალაქ თფლისის აბანოებისაკენ იდგა, იყო თათარი, მაგრამ ქართული ისე იცოდა, როგორც კარგმა მცოდნე ქართველმა და დიხ კარგი საზანდარიც იყო. სპარსული და თათრული ხომ რასაკვირველია კარგათ იცოდა. მეფის ირაკლის დროინდელი საზანდარი იყო, იმასთანაც ბევრჯელ ემღერა, კარგა ხნიანი კაციც იყო ამ დროს, მაგრამ მაინც კიდევ საუცხოვოთ მღერობდა.

დაიძახა უბედურის ბატონიშვილის დავითისა ეს ლექსი, რომელთაც თავჩაღუნულებს ჩუენა, ცრემლები მოგვერია თუალში.<sup>1</sup>

ბოლოდროს ოთახიდგან გამოვიდნენ ისინი, განითლებულ გაჭარხლებულები, მოვიდნენ და თავის ადგილს დასხდნენ კმაყოფილებით. ჩვენ თუმცა ვმხიარულებდით, მაგრამ ვაი იმ მხიარულებასა. ასე ამ ყოფით ის ვახშამი გავატარეთ და ვახშამს უკან სუყველანი ერთათ გამოვედით, მირზაჯანას მეტი, ისკი ისევ იმ ქალთან დარჩა.

კარზე რომ გამოვედით, იმ მირზაჯანას ორ მეგობრებთაგანმა ერთმა უკმაყოფილოდ თქუა. ეს პირველი იყო, აკოფა ანშინაშვილი, სომეხი.

– „არა, მაგ მამაძალღს ყარაბალის ვირსა ჰკითხონ, ეს რა მეგობრობა არის, ამ ვახშამზე უნამუსო დედაკაცსა ჩუენს თავზედ ასე უყო...“ ახლა მეორემ, ესეც სომეხი, ბასტამ ბასტამაშვილი. – ერმალოვის მამასაც და მაგ მირზაჯანას მამასაც ძაღლმა ასე უყოს იმათ საფლაგებზე.“

ესენი იყვნენ ჩვენი კარგი რიგიანი მოქალაქეები, რომლებიცა მოვიდოდით და იმათ ამგვარს ლაპარაკზე ვიცინოდით ჩვენა. ბოლოს გავიყარენით და თავთავის სახლებისკენ წავედით.

ამის შემდგომ რამდენიმე ხანი გამოვიდა, დავითს ვკითხე იმ ქალისა მირზაჯანასთან, მითხრა.

– „როგორც გითხარ, ის ქალი იმას მოსწყინდა, მასუკან აილო და ერთს მოქალაქის შვილსა დაუსო ხასათ; ეს პირველი არარის იმისაგან და ახლა კიდევ სხუა ჰყავს იმას.“

– „ახლა რომ ჰყავს, იმასთანკი არ წაგიყვანსთ ხოლმე თქუენა? –“

– „არა. ახლა რიგიანი ვიღაცა ჰყავს და იქ დადის კლდის უბნისაკენ.“

ამგვარი მირზაჯანას ამბავი ბევრი არის; ერმალოვის შემდგომ, იმ მირზაჯანას ამბავი ხომ ზევეთაც გავიგონეთ, მაშ იმისი ვითარება დანახული არის აქ ყუელა, ამისთვის იმათ შორის ამ უკანასკნელსაც ვიტყვი და ამითი გავათავებ იმის ამბებს, ამ ჩვენი ქვეყნის ხალხის გამრყენელისას.

ერთს კვირა დილაზე ანჩისხატის ეკლესიისაკენ მივიდოდი წირვაზე, ეკლესიის მახლობლად მირზაჯანა დამხვდა, თავის დაკვრის

<sup>1</sup> რად ამ უბედურსა მხუედრსა შევესნარ, და სხუანი...

და ხელის მიცემისა შემდეგ ვკითხე.

– „მირზაჯან, საიდგან მოხვალ და ან საითკენ მიდიხარ?“

– „წირვაზედ, ანჩისხატში.“ იმან მითხრა.

– „რას ამბობ, ჯერ თქუნეს სომხების ეკლესიაში რომ არ დადის-  
არ, აქ ჩუენს წირვაზე რა გინდა?“

– „მინდა ქართველად მოვინათლო.“

– „როგორ თუ ქართველად!“

– სწორეთ ქართველად.“

– „რათა კაცო?“

– „ჩემი ცოლი მინდა გაუშო და ის ქართველის თავადის ქვრივი  
შევიერთო ს.....

– „კაცო, გაგიუებულხარ.“

– „მერწმუნე, მართალს გეუბნები.“

რალა გავაგძელო, ეს ქვრივი ქალი ამით გაებრიყვებინა და ამით  
შეჰპარვოდა. ამდროს ზედდატანებით ყარაბალიდგან ანბავი და  
ნიგნი მოუვიდა: შენი ცოლი დაწვა და ქალი ეყოლაო<sup>1</sup>. ამ ნიგნით მი-  
სულიყო იმ ქვრივის ქალთან და მითამ დიდის მწუხარებით ეთქუა:  
რავქნა, ახლა აღარ შეიძლებაო. აქამდისინ ამთენი წელიწადები  
უშვილო იყო ჩემი ცოლი და ჩვენში ცოლის უშვილობით შემეძლო  
გაშვება და სხვის შერთვა, ახლაკი აღარ შეიძლებაო.

იმ ქალს ბევრი ეტირა, მაგრამ რალას უშველიდა, მერე ჰკითხა  
თურმე.

– „იმის ორსულობის შემდგომ, რალათ მომატყუე, რა გინდოდა  
ჩემგნით, რაზედ გამაბიაბრუე ქვეყანაში?“

– „იმის ორსულობა მე არ ვიცოდი. ამას წინათ ყარაბალში ვი-  
ყავი, მაშინ დაორსულეებულა და იმის ორსულობა ჩემთვის არავის  
მოუწერია.“

დაიჯერებთ ამას იმისაგან, არა სცოდნოდეს? – ამ გვარის ლაპა-  
რაკის რწმუნებითა, კიდევ დარჩა იმ ქვრივი ქალთან რამდენიმე ხანი  
და მასუკან ჩუეულებისამებრ მოსწყინდა იმაზედაც ხელი აიღო.<sup>2</sup>

აი ჩვენი შააბაზის ვეზირი მირზაჯანა.

ამის გარდა სხვა ყმანვილკაცებთანაც მქონდა მეგობრობით

<sup>1</sup> როგორც გამეგონა მირზაჯანას ცოლი: უცხო პატიოსანი დედაკაცი არის და მშვი-  
დობის მყოფელიო. თვალითკი არ მინახამს მე ის.

<sup>2</sup> ბოლო დროს ის ქვრივი ქალი კარგმა თავადმა შეერთო.

დამოკიდებულება ჩემს მახლობელ ნათესავებთან (ამათი სახელი ზევით ითქვა), მაგრამ იმათთან უფრო მშვიდობიანი შექცევანი იყო ხოლმე. თუმცა მართალია, ღვინოსაც კარგათ დავლევდით, მაგრამ არა ისე, როგორც მირზაჯანასთან, იმის თანა დასწრებითა გვექონდა ის უზომო ღვინის სმანი, რომელსაცა მე ამას მოკლეთ ვანბობ, რომ ჩემს მახლობელს ნათესავებთან ჩემი შეცთომილება-ნი, ანუ ცოდვანი არა არისრა, თვინიერ მშვიდობიანობისა და პატიოსნობისა შექცევანი, მაგრამ ამის შემდგომ აქვე გაიგონებთ, ჩემს უძღურებას, ჩემს შეცთომილს ცოდვას და ამითი მე დიდი დასჯის ღირსი ვიყავ.

ამაში გავიდა კარგახანი, ამ დროებში მე ერთი თათარი<sup>1</sup> მოვნათლე ჩემი ნათესავების თხოვით, ის იდგა სომხების ჯიგრაშენის ეკლესია ანუ ფრანგების ეკლესია რომ არის, იმაზედ მოახლოვოდ ერთს ქუჩაში, ერთს პატარას ოთახში, რომელთანაც ხშირათ მივიდოდი და ვაძლევდი საცხოვრებელს, რაც შემეძლო. იმას ჰყუანდა ხასათ ერთი დედაკაცი, სქელი მომალო ტანისა, ხორბლისფერი, მოგძელო პირი სახე ჰქონდა, თხელი მწვეტიანი ცხვირი და წყალის ფერი პატარა თუალები. მე ეს პირველათ რომ ვნახე, რიგიან დედაკაცათ მეჩვენა და ვფიქრობდი: ამ ჩემს ნათლულს ამ დედაკაცზედ ჯვარს დავნერ და ჩემს სოფელში დავაყენებ მეთქი.

მე იმათთან ერთს საღამოჟამზედ, ბინდმა რომ ჰკრა, კიდევ მივედი, იმ დროს იმ დედაკაცმაც სანთელი აანთო და ამ დროს მეც ვუთხარ.

– „მშვიდობა შენი ნახუა დედავ მ...“

– „ქა გენაცუალე, თქვენა ბძანდებით? –“ იმან მიპასუხა.

– „დიახ მე ვარ, მაგრამ ჩემი ნათლული<sup>2</sup> სად არის? –“

– „ეხლა ეს არის სხუაგან დაჰპატიჟეს ვახშმათ და იქ გაიხლათ. დაბძანდით გენაცუალე.“

საფენს გაშლილს ტახტზე დავჯექ და იმანაც ფანჯარაში ჩადგა სანთლიანი შანდალი.

– „დედავ მ... ფული არგინდა? –“ ამასთან ჯიბიდგან ორი მანათი ამოვიღე, მივეცი.

– „ღმერთმა გადრეგძელოს, თქვენი მფარველობა ნუ მოგვაკ-

<sup>1</sup> ეს თათარი იყო დარბანდელი და შემთხვევისა გამო მოსულიყო აქ ქ. ტფილისში.

<sup>2</sup> თათრობის სახელი, ალა ერქუა და ჩვენი ქრისტიანობისა, ნიკოლოზ დაარქუეს.

ლოს. მაგრამ ერთი მოსახსენებელი მაქვს თქვენთან, თუ არ გეწყინება მოგახსენებ? –“ მითხრა დამკრთალად.

– „თქვი დედავ, რა საქმეა? –“

– „შენიჭირიმე, აქ მახლობლად ერთი ყმანვილი ქალი გახლავს, ქმრიანი, უშვილო, მოქალაქის ცოლი, მეტი მშვენიერი. იმას მეტისმეტათ უყვარხარ, ყოველთვის თქვენს ხსენებაშია, მეხვეწება: მაჩვენე როგორც იყოსო.“

ამაზედ ჩემი გონება აირია, ვკითხე.

– „უთუოთ უნამუსო იქნება? –“

– „არა თქვენს მზეს ვფიცავ. დიახ პატიოსანი ქალია, მაგრამ თქვენის სიყუარულით ველარა გაუგიარა და უშვილოც არის.“

– „დედავ, მე სად უნახივარ იმას? –“

– „აქ ჩვენთან რომ მობძანდები, აგერ აიმ ბალკონიდგან, თქვენ გიყურებთ ხოლმე!“ გაზაფხული იყო და გაღებულის კარებიდგან პირდაპირ ერთი ბალკონი დამანახვა. შევხედე, მართლა ერთი საგანი დავინახე, მითხრა.

– „სწორეთ აგერ ა ის არის.“

უძღურო და სუსტო ჩემო გულო.

– „შეიძლება, რომ აქ ჩამოვიდეს? –“ მე ვუთხარ იმას.

– „როგორ არა, ჩემთან გაიხლება ხოლმე.“

– „იმის ქმარი შინ იქნება ეხლა.“

– „არა, ჩემი ქმარი და იმ ქალის ქმარი ერთათ გახლავან დაპატიუებული სხუაგან.“

– „მაშ ჩამოვა ის ქალი აქ? –“

– „თუ მიბძანებ, დიახ სიამოვნით.“

ამაში და ამ გუარებში ჩემი გამოუცდელი გული, ადიოდა და დადიოდა ლელვით, გულისღელვით ვუთხარ.

– „აბა თუ ჩამოვა? –“

ამ სიტყუაზედ, კარზედ გავიდა და კარები გაიხურა. მე აქ მეგონა: ნემსზე დავჯექ-მეთქი. აღარ ვიცოდი, სად ვიყავ, სად არა. ამაში კარები გაიღო და ერთი მინაზებული მშვენიერი ქალი შემოვიდა, მწვანე ატლასის კაბიანი; მოვიდა და ჩემს პირდაპირ სკამზე დაჯდა, მაგრამ ტანი და ხელები სულ უთრთოდა. მეც იმაზედ ნაკლებათ

---

<sup>1</sup> ის სახლი იმათ ქირით ეჭირათ, მასუკან სხუა მხარეს გადავიდნენ, ამ შემთხვევის ორის წლის შემდგომ.



არ. ის დედაკაციკი აღარ შემოვიდა.

ბოლოს გონებაზედ მოველ, ვკითხე.

– „ქალო რა გქვიან შენ? –“

– „ელ...“ აკანკალებულს ნაზის სიტყვით მიპასუხა.

– „ვინახარ, ვისი ცოლი? –“

– „შენიჭირიმე ნუ მკითხავ. ისიც დავაშავე, ჩემი სახელი გითხარ.“<sup>1</sup>

– „მოხვალ ქალო ჩემთან? –“

– „ოჰ, რას მეუბნები? – მოვალ, მაგრამ ვკვდები სირცხვილითა.“

ათრთოლებული ხელი გაუშალე, ათრთოლებული ხელი ხელში მამცა და ჩემკენ გადმოვიყვანე ტახტზე.

თურმე რა იყო, იმ ქალისაგან თავის გაცემა? – ოთხი წელიწადი გასულიყო, შვილი არა ჰყოლოდა იმ ქალს, რომელიცა იმის ქმარი დიდათ სწუხდა, უშვილო ჰგონებოდა ის ქალი და ამის გამო გასცა თავის თავი ჩემზედ და არც შესცდა.

ბოლოს იმ ჩვენმა სურვილმა რომ გადაიარა, ორთავ ამოვუშვით ტირილი, მე ჩემს ლალატს ვტიროდი ცოლისას და ის ქმრისას. როდისაც გული დავიმშვიდეთ, მითხრა.

– „მე ისე ვგრძნობ, რომ უთუოთ დავორსულდი და ვინიცო-ბა არის, თუ ერთმა თვემ გადაიარა უნიშნოთა, მაშინ დაძმასავით ვიყვნეთ, უმდაბლესათა გთხოვ; თუ არა და, კიდევ ღმერთი უნდა გაუწყრეს ჩემს ცოდვასა. მე ამის პირობას მაძლევთ თუ არა? –“

– „თუმცა მძიმე არის ჩემთვის ეგ სიტყუა, ამიტომ რომ მე ჩემს დღეში, ჩემის ცოლის მოლაღაბე არა ვყოფილვარ, მაგრამ რახან შვილიერებისათვის გინდათ, აგრე იყოს.“ – ამ ერთის ნახვით ღმერთმა შვილი მისცა იმ ქალს ვაჟი და მშვენიერიც, რომელიცა ბოლოდროს ის კარგი სასარგებლო კაცი შეიქნა თავის სახლისა. იმის შემდგომ მე ის ქალი იშვიათათ შემხვდებოდა, იმდროს ისიც და მეც პირს ვარიდებდით ერთმანეთსა.

მე რომ იქიდგან წამოვედი, სვინიდისი მტანჯავდა, აღარ ვიცოდი ზეცაში ვიყავ, თუ ქვეყანაზედ. მეტის მწუხარებით, გარეთ-უბანს გავედი და ქაშუეთის ეკლესიის მახლობლათ სიარული დავინწყე: ეგება ეს მწუხარება გულიდგან გადამეყაროს მეთქი. ბევრი ვიარე, კარგა ღამე გავიდა, შინათკენ პირი ველარა ვქენ სირცხვილისა გამო. ვიყავ კარგახანი ამ მდგომარეობაში.

<sup>1</sup> მე მაინც შევიტყე ვინ იყო ის და ან ვისი ცოლი.

რა უნდა მექნა, ბოლოს შინ ხომ უნდა წამოვსულიყავ და წამოველ კიდეც, მაგრამ თავდახრით დაფიქრებული. ჩვენი სახლის ეზოში რომ შავედი, ასე მეგონა: რალაც ზარი დამცესმეთქი. შემდგომ, შინაც რომ შევედი, ასე მეგონა ყიჟინა დამცეს: სირცხვილია, სირცხვილიო.

ბატოიშვილს დედა ჩემსა, თავის რძალი ჩემი ცოლი გვერდით უჯდა, სხუა არავინ და ორნივ სიამოვნით საუბრობდნენ. ბატოიშვილმა დედამ რომ შამამხედა, მიბძანა.

– „რატომ აგრე ხარ ალექსანდრე, სახე გადაფითრებული გაქვს? –“

– „როგორღაც მოშლილი გახლავარ და თავიც მტკიცია.“ სხუა რა უნდა მეთქუა, სწორეთ ასეც ვიყავ. მასუკან ჩემი კატინა წამოდგა, მეორეს ოთახში გამიყვანა, მითხრა.

– „სანდრო, ქვეშაგებს გაგიშლევინებ, დანვე კარგი არის, ცოტა ოფლი მოგივიდეს.“

– „სანდროს მეძახი მე? – ეშმაკი ვარ ეხლა.“ გაჯავრებით დავიძახე.

– „ქა გენაცვა, რა დაგმართვია? –“

– „არაფერი, გეთაყვანოს ჩემი თავი, – თავი მტკიცია.“ და ცრემლები გადმოვყარე.

– „შენი სულის ჭირიმე, მაგისათვის რა გატირებს, კარგათ შეიქნები.“ საჩქაროთ საწოლში შემიყვანა, თავის ხელით ქვეშაგები გამიშალა, თავის ხელით ტანისამოსი გამხადა და დაწვექი.

იმ ღამეს ვახშმისათვის ვილა იფიქრებდა, სულ ტანჯვაში ვიყავ. ჩემი კატინა ჩემთან აღარ დავანვინე, შორი ახლოს სხუა ქვეშაგები გაუშალეს და იქ დანვა.

ამის მეორე დილაზედ, ჩემმა კატინამ, რომ გაიღვიძა, ჩემი კარგა მყოფობისა მკითხა, მეც სიკეთე ვუთხარ ჩემი, მაგრამ რა სიკეთე? თუმცა ცოტათ მოვიქარვე ის ჩემი სვინიდიისგან ტანჯვა, მაგრამ მაინც კიდეც მქონდა და მცხვენოდა, ასე რომ ჩემი კატინასათვის ველარ შამეხედა.

როდისაც ტანისამოსი ჩავიცვი და ავდექი, აბანოში მოვინდომე წასვლა, მითამ სვინიდიის გასარეცხად; ჩემი კატინა არ მიშვებდა: გაცივდებოო. არა, მიამებამეთქი და წავედი.

ორი თვე რომ გამოვიდა, მაინც ჩემი სვინიდიის წმინდათ არ იყო, ამდროს ფიქრი მამივიდა: ეს ჩემი შეცთომილება ჩემს კატინას უნდა

ვუთხრა მეთქი. ამ ფიქრმა როგორღაც მასიამოვნა, მაგრამ ესეც ვიფიქრე: საშინელი ექვიანია და ამისთვის ძნელი არის, ვუთხრა. ბოლოს გადავწყვიტე: ვეცყვიმეთქი და ერთს ჩვენს კარგს მიწუტში ყველა ვუთხარ. საკვირველი იყო, იმისთანა საშინელსა ექვიანსა არ ეწყინა და მკითხა.

– „იმ ერთის შემდეგ ხომ აღარ ყოფილხარ იმასთან? –“

ამაზედ გულის სინმინდით დავარწმუნე და ცრემლითაც ბოდიში მოვიხადე. ჩემმა კატინამაც დიდსულოვნად მამიტევა, მაგრამ შემდეგომებისათვის გამაფრთხილა. ამის შემდგომ გული მამისვენდა, თორემ მანამდისინ სვინიდისი ძალიან მკბენდა.

*გულისწმინდით აღვიარე ჩემი შეცდომილებანი, ჩემი ცოდვანი. ამაზედ მეტი არა, დაიჯერეთ. მართალია, ბევრი ლაპარაკობდნენ ჩემზე რაღაც გაკეთებულს ჭორებს, მაგრამ სულ მოგონილებს და ამ მოგონილების მიზეზი ესენი იყო.*

*მე მიყუარდა ლამაზი ქალის ნახუა, ამასთან ლაპარაკი, რომელიცა იმ დროს ალტაცებაში ვიყავი ხოლმე (ამაზე ზევითაც ითქუა). როდისაც თვალს მოვაშორებდი, სრულიად დამავიწყდებოდა. ამისთვის, რომ ჩემი კატინა ძლიერ მიყუარდა და ეხლაც, რაც შეეფერება ჩემს მოხუცებულობას, კიდევ ძალიან მიყუარს. არამცთუ მაშინ, ეხლაც, ამ ჩემს სიბერეშიაც მაქვს ის სისუსტე ლამაზი ქალის ნახუაზე ანუ იმასთან ლაპარაკზე, რომელმა მიზეზმა მისცა ჩემზედ ლაპარაკი მაშინ ბევრსა და ეხლა ჩემი წინააღმდეგები საძაგელი ცრუ ენისანი არ მასვენებენ, უფრო ერთი ათათ დამატებით ლაპარაკობენ ჩემზე. არამცთუ მაშინ, ეხლაც, ამ სიბერეშიაც მაქვს ეს სისუსტე. აი ამ მიზეზმა მისცა ჩემზედ ლაპარაკი ბევრსა მაშინ.*

ყოველი ჩემი შეცდომილება ეს, მინამ რუსეთს წამიყვანდნენ, ესენია, და ამის შემდგომ გაიგნეთ, უფრო ბევრი ჩემი ავი, ჩემი სალანძღველი<sup>1</sup>.

მე რომ საპყრობილედგან გამამიშვეს, იმის შემდგომ ნება მამცეს რამთენიმე ხანი ჩემ სახლეულობაში ვყოფილიყავ, ვიყავ ორი კვირა

<sup>1</sup> თუ ესეც ითქმის ჩემს ცოდუათ, კიდევ ეს არის, რომ მე რუსები საქართველოში არ მიყუარან, მინდა აქედგან ასე გადიკარგნენ, რომ საქართველოს სუნიც იმათ ვეღარ მიედინოს და რუსეთშიკი ბედნიერათ იყვნენ. ამას ჩემი მხურულეს გულით ვევედრები მარად ღმერთსა, რომელსაცა ეს ტანჯვა მე არ მასვენებს: არც დღე და არც ღამე. არამცთუ ეხლა, – იმავე ჩემს ყმანვილობითვე. აი ჩემი შეცდომილებანი, ჩემი ცოდუანი კიდევ ეს არის, თუ ცოდვათ მიმეთვლება? –

მეტი და ამ დღეებში ივან ატონიჩ პრიბილს, გამოჩენილ დოხტურ-თან წაველ, ვნახე, ჩემი ვითარება ვუანზე და მერე ვუთხარ.

– „ივან ანტონიჩ, შენუხებული ვარ, – ძალიან შენუხებული. ჩემს მშობელს ქვეყანას ვშორდები, ჩემს მახლობელს ნათესავ მეგობრებსა, ჩემს ცოლს და წვრილს შვილებსა. ვინ იცის, მე კიდევ ვნახამ ამათ თუ ველარ და არვიცი როგორ მოვითმინო მე ესენი?“ –

ამ სიტყუასთან ტირილი მამერია და იმ კეთილს ნემეცსაც თვალეში ცრემლები მოუვიდა. შემდეგ მითხრა.

– „კნიაზო ალექსანდრე, რაც თქუენ საქმეში ყოფილხართ, მაგისთანა საქმეებსა ბევრი განსაცდელი მოაქვს, ამისთვის მოთმინება უნდა მაგას და ის მოთმინება, ბევრს კარგს გასწავლისთ. თურმე თქვენ წიგნების კითხუა გიყუარსთ, იკითხეთ ხოლმე წიგნები და ამასაც გულის წმინდით გეტყვით, რომ ხანდისხან დედაკაცი გყუანდეთ. ესენი მწუხარების სევდას დაგიკარგვენ და ესენი მოგათმენინებენ თქუენს სუეს.“

ცოტა მხიარულის გაცინებისა და მცირე ლაპარაკის შემდგომ წამოვედი, რომელმაცა გზა დამილოცა და ღმერთს სთხოვა: კიდევ მშვიდობით მენახოთო აქა.

მოკლედ მოვჭრათ 1834-ს წელსა 17-ს ივლისს მეთერთმეტის საათის ღამისას წამიყუანეს რუსეთისკენ<sup>1</sup> და ჩემი წამყუანი რუსეთის მთავრობისგან მოჩენილი იყო ყმანვილი კაცი პორუჩიკი მინიცკი, რომელსაცა ღმერთმა უშველოს, ცდილობდა ჩემს სიამოვნეს. მაგრამ თურმე იმას ქალების სურვილი ჰქონოდა და სადაცკი ღამით დავდგებოდით, თავის შესაქცევათ უთუოთ ქალს მოაყვანიებდა, სადაც იქვე სახლის პერედნაში<sup>2</sup> გააშლევინებდა და გათენებამდისინ იქა ჰყვანდა, რომელსაცა იმათი ხმაურობა სულ მესმოდა. მართალია, უბედური ვიყავ, მაგრამ იმათ ხმაურობაზედ, როგორც კაცსა, მეც სისხლი მიხურდებოდა ხოლმე.

სარატოვს ქალაქში, რომ მოვედით, იქ სამი თუ ოთხი ღამე დარჩა მინიცკი, მიზეზი კი არ ვიცი რათა? იმ პირველ ღამეს კიდევ ქალი მოაყუანინა და კიდევ ისე შეექცა, როგორც წარსულეებში.

ამის მეორე დილაზედ, ჩაის ერთად ვსუამდით და ჩვენს ლაპა-

<sup>1</sup> ის ჩემი წაყუანა მაქვს აღწერილი.

<sup>2</sup> პერედნა რუსულია. სახლის წინ შემოსასვლელი პატარა ოთახი. ჩუენში: დერეფანი.

რაკში სიცილით მეც მიმიპატიუა: ქალი მოიყუანოს ჩემთვის მწუხარების გულთ გადასაყრელათ.

დავფიქრდი, ძალიან დავფიქრდი: იქნება აღარ მელირსოს ჩემი ქვეყნის და ჩემი კატიანას ნახვა მეთქი. ამასთან პრიბილის სიტყუაც მამაგონდა და ჩემი საცოდავი ლმობიერი გული დაჰყუა, ვუთხარ: აგრე იყოს მეთქი.

იმ ღამეს ასეთი ორი მშვენიერი ქალი მოიყუანა მინიცკიმ, რომ მართლა კარგი. ერთი საუკეთესო მე მამცა, ცალკე ოთახში ნავიყვანე და მეორე იმან დაიჩემა.

იმ ღამეს, მე იმ ქალს ვკოცნიდი, ვეხვეოდი და თან ვტიროდი. ჩემი ტირილი უკვირდა იმ ქალს და მკითხა მიზეზი. ვუთხარ ჩემი უბედურება და ჩემი ცოლის ძლიერი სიყვარული, რომელიცა ისიც ჩემთან ატირდა. ახლა ორივე ვეხვეოდით, ვკოცნიდით ერთმანეთსა და თან ორნივე ვტიროდით. მე სვინიდისი მანუხებდა, იმას ვებრალებოდი.

ამის მეორე ღამესაც მოვიდა ის ქალი ჩემთან, ახლა შევეჩვიე, აღარ მცხუენოდა და აღარც სვინიდისმა შემანუხა, ვგრძნობდი, რომ უნამუსო შევიქენ და როდისაც ორენბურღში მივედით, იქ ხომ ერთი გოგოც დავიკვეთე, კარგი მართებული არ გეგონოთ, უნამუსო გაქნილი, მაგრამ ლამაზიკი იყო და გულიც ძალიან კეთილი ჰქონდა.

ბოლოს აქედგან რომ ნავედით კასპიის ზღვის გაღმა, სადაც ციხეს აშენებდნენ ახალ ალექსანდროვისას<sup>1</sup> და კასპიის ზღვის პირზე ჩავედით პატარა ქალაქს გურიევს; იქ რამთენიმე დღე დავრჩით მოგზაურის უქარობის მიზეზით. იქ ერთს საღამოზედ ჩაის შემდეგ, დედაკაცი ძალიან მოვისურვე, ასე რომ ველარ მოვისვენე. ერთი იქაური ყაზახი გვემსახურებოდა, დავუძახე, ვუთხარ შოვნა, ისიც საჩქაროთ სადღაც ნავიდა და იქიდგან რომ მოვიდა, მითხრა: ნამობდანდით ვიშოვეო.

ნავედი და რა ნავედი, ჩირქიან საზიზლარ მახინჯთან, ერთს პატარას შავს ქოხში, რომელმაცა ჩემი აღტკინება დამიმშვიდა ერთ მანათათ და იმისგნით რომ ნამოვედი, გული მერეოდა ზიზლით, ასეთი საძაგელი იყო. იმ ღამესაც გულის რევით ველარ მოვის-

<sup>1</sup> იმისი აღწერაც მაქუს და ამდროს ნაწალნიკათ მიდიოდა ვოენი ლუბერნატორის ადუტანტი ჩილაევი. (ქართული.)

ვენე, მკითხა ნაჩაღნიკმა: რატომ აგრე ხარ? – ვერ დავმაღე, ყველა ვუანბე და ამასთან თავებდს ვინყველიდი ჩემსას, რომელიცა ჩემსა ლაპარაკზედ კასკასებდა და სიცილი ძლივსლა დააყენა. მე იმ ღამეს ზიზლით ვახშამი ვედარ ვჭამე და მეორეს დღესაც უსიამოვნოთ ვიყავი.

ამაობაში მოგზაურმა ქარმა დაგვბერა და გავემართენით ზღვის პატარა ხომალდით<sup>1</sup>. მივედით ახალ ალექსანდროვში, ნაჩაღნიკმა ჩილაევმა ჩაიბარა ციხე და ყოველი იქ კუთვნილება, მე თავის გვერდით მეორეს ოთახში დამაყენა, სადაც სადილ ვახშმათ ერთათ ვისხედით ხოლმე ზალაში, იქვე ჩუენს ოთახებთან გვერდით.

იმ ციხეში იყო ატრიადი ხუთასი კაცი, ერთი ნაჩაღნიკი, ერთი დობტური, ჩემით ოთხი აფიცერი, რამთენიმე კეთილშობილი უნკრები და სამი დედაკაცი, ორი ქმრიანი და ერთი უქმრო. ეს უქმრო იყო ყმანვილი გოგო, ჰო ცოტათაც ლამაზი, რომლებსაცა ამთენს კეთილშობილებს სულ იმაზედ ეჭირათ თუალი და ბოლოს მეც, უფრო სასაცილობისთვის, რომ გვეცინა ხოლმე და ერთმანეთისათვის ნიშნი მოგვეგო: უკაცრაოთ მე დაგასწარო. ბევრი სასაცილოები გადაგვხდა იმ გოგოსთან და იმათგანსა რამდენსამე ვიტყვი, რომ ამის ნამკითხველებს გაეცინოთ.

როდისაც პირუელად ზღვის ნაპირზე გამოვედით, იქაურს ხრიაკს მწირს ადგილებს მიმოვაველ თუალი, ჯერ ამისი უსიამოვნობა დამაჩნდა გულზედ, მასუკან ციხესთან რომ ამოველ, იმის გარემო თუალუნდომს მინდორზე მიმოვიხედე, იმისმა უნაყოფო უბალახობამ, რაზედაც ავშნის მეტი სხუა ბალახი არა ჩნდარა, იმან უფრო დაუმატა ჩემს გულს მეტი უსიამოვნობა, მერეთ კიდევ იმ კირიანს ნყალს რომ ვსვამდით<sup>2</sup>, ამან დამაღონა დიდათ და ბოლოდროს ის მიუნყვეტელი ქარიშხალი რომ უბერავადა ხოლმე, ესხომ სულსა მიგუბებდა, რომელსაცა ამაებისგამო ძალიან მოვიწყინე, სადაც ჩემს სანუგეშოდ ხანდისხან ზღვის პირს დავიდოდი, იქ გულის მწუხარებას ამით ვიქარებდი და აქ ავათაც გავხდი. (ის ამბავიც მაქუს აწერილი.)

ამჩემის ავანტყოფობის ადრე, ჩუენს დობტურთან კარგათ დავმეგობრდი, მითხრა. ვებრალებოდი.

<sup>1</sup> ესენი სულ აღწერილი მაქვს.

<sup>2</sup> ესენიც ცალკე აწერილი მაქვს.

– „მაგ თქვენის მწარეს მოწყენილობით ამისთანას დახავსებულსა ადგილში, იქნება ვეღარ იცოცხლოთ და ამიტომ უნდა ეცადნეთ, გული როგორმე გაიმხიარულოთ.“

– „აქი ნაჩაღნიკთან შევიყრებით ხოლმე, ვლაპარაკობთ და ნიგნებსაც ვკითხულობ. თვით ნაჩაღნიკიც ზრუნამს ჩემთვის და ამისგამო იმისი მოვალეც შევიქენ. სხუა ამის გარდა, რა გვაქვს აქ დროს გასატარებელი ამისთანას ღვთის რისხუას ადგილში?“ ვუპასუხე.

– „მე გატყობთ თქვენთვის ეგენი თქვენი მწუხარების განსაქარვებლად, ცოტა არის. უნდა კიდევ სხუა იფიქროთ რამე.“

– „რა ვიფიქრო, რომ არ ვიცი?“

– „დედაკაცთან დრო გაატარეთ.“

– „აქ იმისთანა კარგი რომ არავინ არის. ის ორი დედაკაცი ქმრიანი არიან და იმ გოგოსკი სხუები დასდევენ.“

– „რა ვუყოთ, რიგით შევექცეთ ხოლმე იმასთან.“ და გაიცინა.

– „როგორ, თქვენ კიდევ შეექცევით იმასთან?“

– „ხანდისხან. ამისთანა ადგილში მეტი ღონე არარის.“ სიცილს მოჰყუა და მეც იმასთან სიცილი ამიტყდა.

ამის შემდგომ დავუჯერე და იმ საღამოზედ დრო ვიპოვე, რომ იმ გოგოს გავეხმაურე. ისიც სიხარულით დამყვა. დრო რომ არ დამკარგვიყო, მაშინვე ხელი დაუჭირე და ციხეს გარეთ გავედით. იყო ვარსკვლავებიანი ნათელი ღამე, მაგრამ მაინც თავისებური ქარიშხალი გრიალებდა. იქ ერთს ფერდობზედ რომ მივწევი, ამდროს არ ვიცი საიდგან, ერთი ვეება თეთრი ქოფაკი ძალღი წელში დამაფრინდა, კიდევ კარგი შინელი წამოსხმული მქონდა ტანზე, თორემ ხორცს ამომგლეჯდა და ის შინელი ღრენით გადამტაცა. ჯერ პირველათ შევკრთი, მაგრამ მაშინვე წამოვხტი, დიდს ქვას ხელი წამოვავლე, იმ ძალღს შევტყორცე და ასეთი მარჯვე სროლა მამივიდა, რომ ბეჭებში ძალიან მოხვდა დაყმულით გაიქცა. შინელი რომ ავიღე, წამოვისხი და უკან მოვიხედე, ის გოგო ციხისკენ მირბოდა, გამოვუდექე, დავიჭირე, მაგრამ შიშით აღარ მმორჩილებდა, სადაც ბლარძუნი მოგვიხდა, ის ციხისაკენ იწეოდა: იქ ვიპოვით ადგილსაო, და მე მინდვრისკენ ვწეოდი: აქ სჯობს მეთქი. ბოლოს მე დავძლიე და კიდევ იმ ფერდობთან მივიყუანე. . .

ამის შემდგომ ციხეში შემოვედით და მე ჩუენს სახლში რომ შევედი, დოხტური ნაჩაღნიკთან მისულიყო, ჩაის თურმე მე მე-

ლოდენ და უკვირდათ, სად წავედი? – ამდროს კიდეც შეველ, ჩემი დანახუა ორთავ იამათ და მკითხავდნენ: სად ვიყავ? – მე არ დავ-მალე, ყუელა ვთქვი რაც გადამხვდა, რომელთაცა ბევრი იცინეს და მეც ეგრეთვე. მართლა, იმ დროს ამან უკუმიყარა მწუხარება; ეს სასაცილო საქმე კარგახანი გვეყო სასაცილოთ და სასაცილოს სალაპარაკოთ.

ამ ამბავში დობტურსაც წაეყუანა ის გოგო თავის სახლში, მაგრამ კისერი მოსწყვეტოდა, ვერა გამხდარიყო რა, რომელმაცა ეს ამბავი მე და ნაჩალნიკს არ დაგვიმალა და ახლა ამაზე ჩუენსიცილი შეგვექნა და კარგახანი გვექონდა სიცილის სალაპარაკოთა ისა.

ერთს სალამო ჟამზედ, ნაჩალნიკი, დობტური და მე, ჩაის შემდგომ ზალაში ვისხედით და ვლაპარაკობთ სხუადასხუას ამბავს, ამდროს პერედნაში რალაც მაღალი ხმაურობა შეიქნა, ამასთან ზალის კარები გაიღო, შევხედეთ ვნახეთ რომ დეჟურნი უნდეროფიცერი შემოვიდა, უკან ორი პირსისხლიანი უნკრები შემოჰყვნენ და იმათ უკან თმა განწილი ის გოგო შემოვიდა.

ნაჩალნიკი იმათ მიეგება და გაჯავრებით ჰკითხა: „რა ანბავიაო? –“ ბოლოს გამოვიდა, რომ იმ უნკრებს იმ გოგოზედ ჩხუბი მოსვლოდათ და ერთმანეთისათვის ეცემათ, რომლებსაცა ის გოგო იმათ შუაში ჩავარდნოდა გასაშველებლათ და ისიც ისე გაენწათ, როგორც ზევით დავინახეთ. იმათ ჩხუბსა დეჟურნი უნდეროფიცარი მისწრებოდა; თავის ვალისამებრ ისინი ნაჩალნიკს წარმოუდგინა და ნაჩალნიკმაც ის უნკრები ნაობახტში გაატანა იმ დეჟურს უნდეროფიცერსა, სადაც ერთი კვირა ისხდნენ, ამით დასაჯა, მაგრამ იმ ღამეს ის გოგო, ისე განწილი ასე შევნოდა, რომ ნაჩალნიკმა მოუთმენად ხელი დაუჭირა, თავის სანოლში შეიყვანა და კარები შეიგულა. მე და დობტურიც სიცილით ზალაში დავრჩით. პატარახანს უკან ნაჩალნიკი გამოვიდა, გოგო გაისტუმრა და ზედ სიცილი აგვიტყდა სამსავე. ახლა ეს შეგვექნა კარგახანი სასაცილო სალაპარაკო.

ეჰ, როგორც იყო გავაჩანჩალეთ ჩუენი ის დრო ალექსანდროვში და ბოლოდროს კიდეც დავუკარით თავი ორენბურღსა.<sup>1</sup> იყო იმდროს შუა ზაფხული.

<sup>1</sup> იმის აღწერილობა მაქვს ერთიანი; მხოლოდ იმ აღწერილობაში, ეს ურიგოები მოხსენებული არა მაქვს გარდა ორისა, ისიც შემთხვეულობისაგამო.



ორი თუ სამი დღე რომ გამოვიდა, არვიცი სად შეეტყო იმ ადრინდელს გოგოს ჩემი ორენბურღში მოსვლა, ამის სალამოუჟამს ის გოგო საუცხოვოთ მორთული, უცხოთ დაშვენებული შემოვიდა ჩემთან სიამოვნით და მოსვლა მამილოცა. მეც იმის ნახუა არ მენყინა. ამდროს მე ერთ ყმანვილკაცთან ვიდექ. (ეს ჩემს აღწერილობაში არის.)

იმ ყმანვილმა კაცმა ის ქალი რომ დაინახა, იმას ერთი საყვარელი ჰყვანდა ქვრივი ყმანვილი ქალი, ნავიდა და იმ ღამესაც იქ იყო იმასთან. მაინც იმან ასე შემოიღო, როდისაც ის ჩემი გოგო ჩემთან მოვიდოდა ხოლმე, ის ყმანვილი კაცი იმ ქვრივ ქალთან ნავიდოდა და იმღამესაც იმასთან დარჩებოდა.

ის ჩემი გოგო, ხან კვირაში ორჯელ მოვიდოდა ჩემთან და ხან ერთხელ, მეც ვაძლევდი ფულებს, რა ექნა, იმ თავისის ხელობით ცხოვრებდა. მეხვეწებოდა და მემუდარებოდა, მხოლოდ იმასთან ვყოფილიყავ, სხუა ნურავინ შამამეშო სახლში და ისიც პირობას მადლევდა, იმ თავის ხელობაზედ – ხელი აელო. რა კარგი რამ იქნებოდა, დამეჯერებინა, მაგრამ გარყვნილობას მივეც თავი: ყველა გამოვცადე ქვეყანაზედ, ვნახო ესეც გამოვცადო, რა გემოა აქედანა მეთქი? – ის გოგო და ის ყმანვილი კაცი, ამ ჩემს გარყვნილობაზედ თავსიკლავდნენ, იმ საძაგლობაზედ ხელი ამელო, მაგრამ მაინც მე ჩემსას არ ვიშლიდი. იმ ზამთარს, იმ გოგოს გარდა, ოცდაათი მეტი, სულ სხუადასხუა უნამუსო დედაკაცი მყვანდა.

ერთხელ ერთი დედაკაცი იყო ჩემთან, არვიცი როგორ მოეხდინა, რომ ჩემი კატინასგან მოცემული ოქროს გრგოლის ხელთა, ჩემის მარჯვენას შუა თითიდან გაეძრო და ისე უსვინდისოდ წაეღო. ბოლოს იმ დილაზედ დავიხედე შუა თითზე, გრგოლის ხელთა აღარ მქონდა, შევწუხდი, ძალიან შევწუხდი და ტირილი მამერია. ამდროს ის გოგო შემოვიდა, მკითხა:

– „რა დაგმართვიათო?“

ჩემი მწუხარება რომ ვუანბე, ბევრი მაყვედრა და ბოლოს იმ დედაკაცის სახელი მკითხა, მეც ვუთხარი, შეიტყო ვინც იქნებოდა. მიპასუხა.

– „იმ თქვენი საყვარელი ცოლის ოქროს ხელთას როგორ არ გაუფრთხილდით?“ გაჯავრებული და გაკაპასებული გარეთ გავარდა. მე აქ კიდევ მწუხარებაში დავრჩი და თავს ბედსა ვინყევლიდი.

ამაში გავიდა კარგახანი, ამდროს ის გოგო შემოვიდა თმა განწილი და სახეზედ წითლათ აღმური ასდიოდა. მოვიდა, ის ოქროს ხელთა მარჯვენას ხელის შუა თითზე გამიკეთა და მასუკან აღერსიანი სიტყვით მითხრა.

– „ამას იქით გაუფრთხილდით ღვთის გულისათვის.“

ჩემი სიხარული რაღა გითხრათ, ხელზედ მივწვდი, მინდოდა, მეკოცნა, მაგრამ ხელი უკან წაიღო და თეთრწითელი ლამაზი ფუნჩულა ლოყა მამიშვირა და მეც მაგრა რამთენჯერმე დავკოცნე.

თურმე ის ჩემი გოგო მისჭროდა იმ დედაკაცს სახლში, მოსვლოდათ ჩხუბი, ხელსძალიანს ჩემს გოგოსა წაედო ქვეშ ისა და დახრჩობას უპირებდა იმ დედაკაცს: ეხლავ ის კნიაზის ოქროს ხელთა მამეცი, თორემ დაგახრჩოფო, ის დედაკაცი ისე შეშინებულიყო, რომ მაშინვე პატარა უჯრიდგან ამოელო და იმ ჩემის ევგეშკასთვის მიეცა. (ევგენია ერქუა და მე ევგეშკას ვუძახოდი). ასე დამავალა იმ ევგეშკამ ამით, რომ ბევრჯელ იმას მადლობით მოვიგონებ ხოლმე, მაგრამ მაინც მე ჩემ გარყვნილობას არ მოვეშვი და ვსაქმობდი ისე, როგორც ზევით გაიგონეთ.

ამას არ მოვეშვი, მაგრამ ამაში გამხადეს ავათ, ცრემლი შემყარეს და რა ვიცოდი, რა იყო ის სნეულობა? – პირველს უმანკობაში გამოვლილს მე, მიკვირდა რა უნდა იყოს მეთქი? – ხან რას ვფიქრობდი და ხან რასა? – ბოლოს წვამ შემანუხა, დოხტურს ვუთხარ, იმან რომ დამჩხრიკა, მითხრა, რითაც ვიყავ ავათ, მართალია იმ სნეულობის სახელი ისე გარანარათ გამეგონა, მაგრამ ასე მეგონა: მე როგორ გავხდები იმითი ავათმეთქი? – ბოლოს იმ დოხტურმა მითხრა.

– „კნიაზო, უნდა ინამლოთ.“

– „რა საჭიროა წამლობა, თავისთავათ გაივლის მეთქი.“

– „გეტყობათ თქვენ გამოუცდელი ხართ მაგ სენისა? –“ გაცინებით მითხრა. მე ეს სიტყვა დავუმტკიცე. რაღა მომატებით ვილაპარაკო, დამიწყო წამლობა და ოთხი თვე მასვა წამალი, მაგრამ კარგი არა მიყორა, უფრო მიძნელდებოდა და ნუა უფრო მემატებოდა. ამაში ის ჩემი გოგო მიდიოდა და მოდიოდა ჩემთან, მკითხავდა ჩემს ამბავსა, მეც ვეუბნებოდი და ძალიან წუხდა. მასუკან არ ვიცი სად შეეტყო, მოვიდა მითხრა: ქალაქ გარეთ სლაბოდკაში ერთი ხნიანი დედაკაცი არის, ის დიახ ჩქარა მოგარჩენს, თუ ნებას მამცემ მოვიყვანო.

– „დობტურს ეწყინება მეთქი.“

– „რას შეიტყობს, სულ ვერაფერსაო.“

– „მაშ კარგი იქნება მეთქი.“ და საჩქაროთ წავიდა.

ის იყო, ახალი სადილ ნაჭამი ვიყავ, მხოლოდ ცარციელი ფარეზი სუფი მეჭამა, რომ ის ჩემი კარგი გოგო შემოვიდა და თან ერთი ხნიანი დედაკაცი შემოჰყვა. მოვიდა ის დედაკაცი ჩემთან, გამამკითხა, ბოლოს მითხრა.

– „ეგრა სნეულება არის, რომ აქამდისინ ვერ მოურჩენიხართ. ამ ექვს დღეზე სრულიად კარგათ შეიქნებით, ასეთს წამალს დაგალევენებთო.“

მართლა ასეც იყო. ერთს რაღასაც მოსქელოს ბლანტს წამალს მასმევედა, *ბნელს მოყვითლოს*, დღეში სამს სტაქანსა, რომელიცა ხშირათ შარდზე მივიდოდი და მეექვსე დღეს სრულათ კარგათ ვიყავ. მაგრამ ესკი დავაშავე, რომ მე ის წამალი არ ვისწავლე. ჩემს დობტურს ეს სულ არ შეუტყვია, იმას ეგონა: მე მოვარჩინეო.

იმ გაზაფხულს და იმ ზაფხულს სრულებით სიმრთელით ვიყავ მე; ის ჩემი გოგოც რომ დადიოდა ჩემთან მხოლოდ მარტო და მაშინ სხუას აღარავის აღარ ვუშვებდი, ამით ორნივე კმაყოფილებითაც ვიყავით. ამდროს მე სხუა სახლში ვიდექი და ჩემი ამხანაგი ის ყმანვილი კაციც სხუაგან დადგა, რომელიც ემზადებოდა ცოლის შერთუას, ერთის მშვენიერის გაუთხოვარის ყმანვილის ქალის ოლგასას, მზითვეიკი არა ჰქონდარა. ის ქვრივი ქალი თუმცა ძალიან ჯავრობდა, მაგრამ იმ ყმანვილმა კაცმა თავისი გაიყვანა და იმ ოლგაზედ ჯვარი დაინერა და ორნივე ბედნიერებიც<sup>1</sup> იყვნენ.

ამის შემდგომად, შემოდგომაც მშვიდობით გავატარე და შუა ზამთარშიკი ავათ გავხდი, მერე ასე ავათ, რომ კინალამ ტყავი გავჭიმე, მაგრამ ჯერ პირველად ეს გავიგონოთ და მასუკან ჩემი ავანტყოფობისა.

ამ შუა ზამთარში 1836-ს წელსა, ერთს დღეს იყო საუტცხოვო დამშვიდებული ჰაერი და მზეც კარგათ ანათებდა, რაც იქაურს ზამთარს შეეფერება, რომელსაცა იმ ზამთრისთვის ერთი რიგიანი სანა ვიყიდე, ერთი ცოტათ კარგი ცხენი, ჩემა დენშიკმაც ქუჩრობა იცოდა და პატარას ასე მართებულად დავიდოდი ხოლმე, ჩემ მცნობებში.

<sup>1</sup> იმ ყმანვილს ერქუა, ფეოდორ ნიკალაიჩ სჩერბაჩევ. ჩემს სხუა აღწერილობაში უფრო მეტათ არის აღწერილი ისა.

იმ საუცხოვოს დღის სადილს უკან, სანა (ჩუენებურად მარხილი.) შევაბმევიწე, აღმოსავლეთის მხრის ქალაქს გარეთ, ერთს ვერსზე სლაბოღკაში წაველ, სადაც ერთი ჩემი კარგი მცნობი, არტილერიის კაპიტანი იღგა სკლ... და იმასთან მიველ, რომელსაცა დიდათ იამა. ვიყავი იმასთან ცოტა რამ ხანი, ამიტომ რომ ბნელაში არ მინდოდა წამოვსულიყავ, მაგრამ მაინც საღამომ მოატანა.

სლაბოტკიდან<sup>1</sup> რომ გამოველ და მინდორზედ წამოვედი ქ. ორენ-ბურლისაკენ, ამდროს დაიძახა ქარიშხალმა, იმ ორენბურლის ძლიერ-მა ქარმა და თოვლი წამოიღო ჩვენ პირდაპირ, არეულ დარეულო-ბითა. მოქონდა, გვყრიდა პირში თოვლსა და როგორც ძალიანსა სილას, პირში ისე იცემებდა. ჰაერი აირია; ასე რომ აღარც ზეცა ჩან-და და ქვეყანა ხომ არეულს თოვლათ გადაიქცა. დენშიკმა შეშინებით მითხრა.

– „თქვ. ბრწ. აღარაფრისთანა აღარა ჩანს რა და აღარც ვიცი საითკენ მივდივართ.“

– „ნუგეშინიან სტეფან, ცხენს ჯილავი დაანებე, ამასთან ნე-ლანელა მათრახი დაჰკარ და თვითონ ეგ გაიგებს გზასა.“ გულით ვუთხარი მე.

მოვიდოდით ამისთანა ღვთის რისხვის ტაროსში, მაგრამ გუ-ლიკი თავისუფლათ არ იყო შიშისაგან. ამ ფიქრში რომ მოვიდოდი ამისთანა დროში, უეცრათ ცხენი და თვითონ სანაც სადღაც ჩა-ვარდა, ასე რომ ცხენის ნახევარ მუცელი თოვლში იყო. დენშიკმა დაიძახა.<sup>2</sup>

– „თქვ. ბრწ. დავილუპენით, თოვლი ეხლავ დაგვფარავს ჩვენ.“

– „სტეფან, ფიქრი ნუ გაქვს, მალლა დაიძახე: გვიშველეთო.“

და მოვყვეით ორთავ ღრიალს, როგორც დაჭრილი დათვი: გვიშ-ველეთ და გვიშველეთო.

ამდროს რამთენიმე ხმა მოვიდა მალლა ძახილით: ნუგეშინიათ, ნუგეშინიათ. ამასთან რამდენიმე სალდათები მოგვცვივდნენ და თოვლიდგან ამოგვიღეს სულერთიან, მეც, ჩემი დენშიკიც და ცხე-ნიც, სანაც. თურმე ასე ახლოს მოვსულიყავით ყარაულის ნაობახ-ტზე, ოცდა ათს ნაბიჯამდინ და იქ ქალაქის გალავნისა თხრილში,

<sup>1</sup> სლაბოტკაც სოფელია, მაგრამ ქალაქს გარეთ სლაბოტკა ჰქვიან და არა დერეფნია.

<sup>2</sup> ეს ჩემი დენშიკი ბატალიონიდგან მამცეს ფრუნტოვოი სალდათი, ცოლიანი იყო და შვილიკი არა ჰყვანდათ.

იქვე ნაპირს ცხენს ფეხები ჩაედგა და მაშინვე გაჩერებულიყო, საიდგანაც ამოგვიღეს. კიდევ კარგი, იქით ღრმას თხრილისაკენ ცხენი არ წავიდა, თორემ თოვლში დავიღუპებოდით, ასეთი ღრმა თხრილი იყო და თუ მაინც, ექვსი მინუტი თოვლში ისე დაგვცალე-ბოდა, უთუოთ თოვლი წაგვახვევდა და იმის სიცივე გაგვაფიჩხებ-და, მაგრამ ღმერთმა ამით დაგვიფარა, რომ ყარაულამდისინ მოვედით, რომლებიცა ჩუენსა ხმაურობაზედ სულერთიან გამოც-ვივნილყვენენ, საიდგანაც ნაოხბტში მიგვიყვანეს, სადაც ერთს საათამდისინ ვიყავით და იქ კარგათ გავთბით. ამაში ქარიც ცოტათ დაყუჩდა.

როდისაც შინ მოველ, სანიდგან გადავხტი და ჩემს ოთახში შევედი, იქ ჩემი კარგი გოგო იჯდა ჩემს ტახტზე და მოუთმენლად მელოდა, რომელმაცა ჩემს დანახვისთანავე დაიძახა.

– „მადლობა ღმერთს, მშვიდობით მოხვედით.“

– „დიახ ჩემო ევგეშკავ, კინალამ დავიხრჩენით.“ და ვუანბე ყვე-ლა, მაშინვე წამოვარდა, ხატს სანთელი დაუნთო და დამხოვით ღმერთს მადლობა შესწირა ჩემის მშვიდობისათვის. მასუკან საჩ-ქაროთ სამზარეულოში შეიჭრა, ჩემს ბიჭს სარქისას, რომელიც ამ ქ. ტფილისიდგან წაყვანილი მყვანდა, იმას სამოვარი დაადგმევინა და თავის ხელით კარგი ჩაი გამიკეთა. მეც სიამოვნით კარგის სუხ-რით დავლიე, რომელმაცა კარგათ მომალონიერა. იმ ჩემმა გოგომ-კი მგონია, ოთხი მაინც დალია და ასეთი გახდა სახეზედ, როგორც თურაშაული ვაშლი, ისე თეთრნითლათ ღვიოდა, სადაც იმ ღამესაც იქ ჩემთან დარჩა, აღარ წავიდა, მახლობლათაც იდგა რომელსაც ამ დროს, იმ ჩემი სენის შემდგომ, დადგრომილი ცხოვრება მქონდა იმ ჩემს კარგს გოგოსთან.

ამის ოთხი თუ ხუთი დღის საღამოზედ, ნაჩალნიკშტაბის რაქ[ასოვსკის] ... არდინარცი მამივიდა, შემოეთვალა: ხვალ დილის ათს საათზე ჩემთან მოდი, საქმე მაქვსო<sup>1</sup>. იმ ღამეს ჩემს დენშოკს ვერ ვუთხარ, ხუალ დილისთვის სანა მოემზადებინა და დავინ-ყებულები დამრჩა. მეორე დილაზედ ის რომ მოვიკითხე, ჩემმა ბიჭმა მითხრა: სადღაც დამთვრალა, მოვიდა და მთვრალი გდიაო. რალა

<sup>1</sup> ღმერთმა იმასა და იმის ცოლშვილებსა მშვიდობა და ბედნიერება მისცეთ, ამიტომ რომ ძალიან ვებრალებოდი და ამის გამო ზრუნვიდა, ჩქარა დავებრუნებინეთ ჩემს ცოლსშვილებში.

უნდა მექნა, შენუხებული ქვევითი წავედი. თუმცა თბილი ბანბით დალიანდაგებული შინელი მესხა და თბილი კალოშებიც მეცუა ჩექმებზე, მაგრამ ყინვა დიდი იყო და ცოტა ქარიც სუსხიანი. ნაჩაღნიკტაბიც ჩემზედ ორას საჟენზე იდგებოდა. თუმცა კარგათ დაულალავად მივედი და ჩქარაც: იმ დიდ ყინვაში არ გავცივდე მეთქი. მაგრამ ოფლი მამივიდა და ისე ოფლიანი შევედი იმის კაბინეტში, რომელიცა სიამოვნით მამეგება, ხელი მამცა და თავის პირდაპირ დამისო, თავის სანერის სტოლის იქით. მაგრამ დამემდურა.

– „ამისთანა ყინვაში რათ გამოხვედითო?“

– „როგორ შეიძლებოდა არ გამოვსულიყავი, ნუხელის თქვენი არდინარცი მამივიდა.“ ვუპასუხე.

– „მე თქვენთვის ამთენი კეთილი მინდა, რომ არ მენწყინებოდა.“

მე რალა უნდა მეთქუა ამის მეტი, დიდი მადლობა მოვახსენე და დიდ საგრძნობლად მივიღე, იმის კეთილი ზრუნვა ჩემზედ. კიდევ ცოტა ვიჯექ, მკითხა ზოგიერთი ჩემი გარემოებისა, მეც წვრილათ ვუანბე და მასუკან შინათკენ წამოველ, მაგრამ გავცივდი. იმ დიდს განსაცდელს, იმ დიდ ჰაერის არეულობას გადავურჩი და იმ დამშვიდებულს სიცივესკი ვერა.

მოველ შინა, მარჯვენა ფერდმა შემტაცა და ძალიან ტკივილი დამინყო. მაშინვე დობტურთან გავგზავნე, ამ დროს უფრო კარგი დობტური მოვაყვანინე, დავიყენე, მაგრამ მარჯვენა ღვიძლი ასე დამისივდა და მაღლა ასე ამობურცდა, რომ ბურთსავით დამაჯდა. ბევრი წურბლები დამასხა, წასასმელები წამისო, სასმელი წამლები მასვა, ბოლოს რამთენიმე ვანაც ამაღებინა და ის ჩემი კარგი გოგოც კარგ მომვლელად რომ მყუანდა, რომელიც იმ ჩემს ავანტყოფობაში არ მამშორებია, ერთს თვეზე სრულათ კარგათ შევიქენ და თბილს კაი დღეშიაც დავინყე სიარული ჩემს მცნობებში. ის ჩემი კარგი გოგო, იმ ზამთარს მე არ მამშორებია, სულ ჩემთან იყო და თუ სტუმარი მამივიდოდა, ის მაშინვე სამზარეულოში შევარდებოდა, მაგრამ გაზაფხულზედ, ის სოფლათ წაიყვანა თავის მამიდამ თუ დედიდამ. თუმცა მპირდებოდა ისევე ჩქარა მოსვლას, მაგრამ იმის შემდეგ მე ის აღარ მინახამს და ამბავიც ვერა შევიტყე რა იმისი, რომელმაცა იმის შემდგომ, მე კიდევ ბაირახები ავუშვი გარყვნილობისა და სხუადასხუა დედაკაცებმა დაინყეს ჩემთან სიარული.

შუა ზაფხულამდინ ასე ვიყავ, ამდროს ერთს ცხელს დღემი

სადილს უკან, ერთი ჩემი მცნობი ვოენი ლუბენატორის კანცელერის ჩინოვნიკი გაე[ვსკი] მოვიდა ჩემთან, მითხრა: ნავედით, ურალის წყალში ვიბანოთ, ცხელაო. დავყევ და ნავედით. ტანისამოსის გახდის შემდგომ, მდინარეში რომ შავედით, მოვინდომე ურალში გავცურებუღიყავ, მაგრამ იმან მითხრა.

– „კნიაზო, თუ ცურვა კარგათ არ იცით, ნუ გაბედავთ შიგნით შესვლას.“

– „როგორ არა, კარგათ ვიცი, ჩუენს მტკვარში გავალ და გამოვალ ხოლმე. ის უფრო დიდიც არის ამაზე.“

ეს ვუთხარი და ამასთან ცურვას მოვეყევ. მაშინვე არ ვიცი რა იყო, ხელები და ფეხები დამეკვლანჭა, იმ ჩინოვნიკს დავუძახე.

– „პ. . . ი. . . ვიხრჩობი.“

– თქვენ ასე კარგათ ცურამთ, უკეთესი აღარ შეიძლება.“ იმან სიცილით მიპასუხა, მაგრამ ქვემოთ რომ დამძირა, ახლა თურმე დაიჯერა, ამაში მე როგორც იყო, მალლა ამოვედი და ამდროს ისიც გადმოვარდა ჩემკენ. კიდევ კარგი, იქვე ნაპირთან შემემთხუა ეს, თორემ თუ პატარა შორს ყოფილიყო, უთუოთ დავიხრჩობოდი, ამიტომ რომ თვითონ ისა, აგრე რიგათ, მაგდენად კარგათ არა ცურავდარა, მაგრამ მე რომ იმ მდგომარეობაში დამინახა, თავის ნაკლებს ცურვას არ დასდია, თვითონაც მალალი კაცი იყო და ისე ფეხდაფეხ გამამიტანა თავის ძლიერის ხელებითა<sup>1</sup>. ისე ციმციმ მიმიტანა და წყალის ნაპირთან ჩემს ტანისამოსზე დამსვა. თვითონ გაბრუნდა და წყალში ბანება დაიწყო. ამაში მეც კარგათ მოვსულიერდი, ისიც წყალიდგან გამოვიდა; გულით სულით მადლობა ვუთხარ ჩემის გამოსხნისათვის და ხშირათაც მოვიგონებ ხოლმე იმას. შემდგომ ტანისამოსი ჩავიცვით და ნამოვედით. გზაზე ბევრი ვთხოვე ჩაი ჩემთან დაელია, ჩემი სახლიც იქვე ახლოს იყო, მაგრამ არა ქნა: კანცელარიიაში უნდა ნავიდე, საქმე მაქვსო და ამასთან კიდევ გაეშურა.

ჩემს სახლის ზალაში რომ შავედი, ჩვეულობა ჰქონდათ; ვნახე ორი დედაკაცი იჯდა სკამებზე და იმ ჩვეულობით მელოდნენ; როდის მოვა კნიაზო? – მე იმათი ნახუა ისე რიგათ მეწყინა, რომ ორივე ჩემი სახლიდგან დავითხოვე: ჩემთან აღარ გაიაროთ მეთქი და ისინიც საჩქაროთ ნავიდნენ. იმისთვის დავითხოვე ამთენი ჩე-

<sup>1</sup> საძაგელი გრძნობა ჰქონია იმ დროს კაცსა, მდინარეს წყალში რომ იხრჩობოდა. ვინიცის რა არ გამამიცდია ქვეყანაზე და ჩემმა ბედმა ესეც გამამაცდევინა.

მის ცოდვისგამო, ღმერთმა ჩემზედ სასჯელი მოავლინა და იმანვე გამამიხსნა, ჩემს საგრძნობლად, რომ ამას იქით მოვერიდო უნამუსობასა მეთქი. დამიგდევით ყური, გაიგონეთ.

იმ ჩემი სახლის გვერდით სხუა მეორის მეზობლისა სახლში ერთს პატარას ოთახში, ერთი ქმრიანი გოგო იდგა მეტათ ლამაზი და იმ დროს იმის ქმარი შინ არ იყო, სავაჭროთ სადღაც წასულიყო. მე რომ იქით მხარეს გავივლიდი ჩემი მცნობებისკენ იმ ქუჩაში, ის გოგო ღია ფანჯარაში იჯდა ხოლმე, რომელიც სიამოვნით შემამცინებდა და ერთხელ ერთს საღამოზედ, იქვე ფანჯარასთან ასე ახლოს გვერდით გავიარე, რომ ესეც მითხრა, მაგრამ ძალიან დაბალის ხმით: კარგი ხარ, ერთხელ ნება მამეც შენთან მოვალო. ეს უკანასკნელი სწორეთ მაშინ იყო, როდისაც ის ორი დედაკაცები ჩემი სახლიდგან დავითხოვე, იმის ერთის კვირის შემდგომ.

მე ამ სიტყუას და იმის სილამაზეს ველარ გავუძელ, ჩემი გული დალბა და ასე ამიტაცა სისხლმა, რომ სულ გონებით გადვირიე. ის გოგოც წითლათ ატკრეცილი წამოხტა, წავიდა და მეც ჩემს გზასა გავეშურე.

იმ ღამეს ერთს ჩემს მცნობთან კარგა ღამე გავიდა, იქ ვიყავ, იქიდან რომ წამოვედი, კიდევ იმ გოგოს სახლის ფანჯარასთან ახლოს გამოვუარე, ვნახე, ფანჯარა კიდევ ღია იყო; უსანთლოს სახლში იმ ფანჯარასთანვე იჯდა სკამზედ ის გოგო და იყურებოდა. ამდროს მეც მივედი. მისვლასთანვე ხელი პირზე დამაფარა და ყურში ჩურჩულით მითხრა.

– „ჩემი ქმარი აქედგან რომ მიდიოდა, ამ ჩემს სახლის პატრონებს ჩამაბარა და ესენიც ძალიან ყურს მიგდებენ. თქვენ წადით, თვითონ მე მოვალ თქვენთან.“

მეც საჩქაროთ გამოვნიე და ჩემს სახლის კარებთან სიარული დავინწყე. იყო ვარსკლავები და ნათელი ღამე. მაგთენი დრო აღარ გასულა, დავინახე, მოდიოდა, მეც მაშინვე წინ მივეგებე და ჩემს საწოლში შევიყვანე, მითხრა.

– „თუმცა ჩემმა სახლის პატრონებმა თავიანთ მეორეს ოთახში დაიძინეს, მაგრამ მაინც ჩქარა უნდა წავიდე, მეშინიან, რავიცი.“

მცირე ხნის შემდგომ ფული შევაძლიე, მაგრამ არ გამამართვა ამ სიტყვით.

– „მე თქვენით ძალიან კმაყოფილი ვარ, ფული რათ მინდა.“



ამასთანვე წამოდგა და წავიდა, მეც თან გავეყე. იქ სახლის ეზოს კარებში რომ შევიდა, სახლის პატრონი დედაკაცი დახვდა და ჯავრობა დაუნყო: სად იყავ? – მე ამ დროს მოფარებით ვიყავ და იმათი ლაპარაკი მესმოდა, გოგომ უთხრა: კარგი ღამე არის, გამოვედი გარეთაო. მაგრამ მაინც იმან ჯავრობით შეიყვანა სახლში და იმის შემდგომ იმ გოგოსაც აღარ გაუვლია ჩემთან შიშით. ზედატანებით ხუთს დღეს უკან ქმარიც მოუვიდა.

ამის ორი თუ სამი დღის შემდგომ, ერთს საღამოზე, ის იყო მზე ჩადიოდა და კარგათ ცხელოდა, მე ამდროს გაღებულს ფანჯარასთან სკამზე ვიჯექ და ქუჩაში ვიყურებოდი. შევხედე, ვნახე ერთი უცნობი ლამაზი გოგო მოდიოდა კარგათ ჩაცმული და როდისაც ჩემს მახლობლად გამამიარა, თავი დამიკრა, მეც მივატანე: დრასტი ხაროშინკაია. (გადღეგძელოს ლამაზო.) ამაზედ იმან გაიცინა. მაშინვე მეც ეს უთხარ.

– „არ შემოხვალ ჩემთან ჩაის დასალევვათ? –“

– „რატომ არა.“ საამოთა მიპასუხა და კიდეც შემოვიდა ჩემთან.

ამ: რატომ არამ. მე ის საქმე მიყო, რომ კინალამ საუკუნოთ თავი იქ დავიმარხე ორენბურღში.

ის გოგო მაგთენი ხანი არ იყო ჩემთან, მეც ერთი მანათი მივეცი, ჩქარაც წავიდა ჩემის ერთის მანათითა, მაგრამ იმის მეორე დღეს, ცერის თავმა ცოტანვით ქავილი დამინყო და ასე მეგონა: უბრალო ქავილია, ჩქარა გადავარდება მეტეი. იმ დღეს და იმის მეორე დღესაც ისე მქაოდა. მესამე დღის დილაზე დობტური<sup>1</sup> სკ. . . მოვიდა ჩემთან სანახავათ, ლაპარაკში ვუთხარ, ჩემი ცერის ქავილი, მითხრა.

– „გოგო ხომ არავინ ყოფილა თქვენთან? –“

– „როგორ არა, გუშინ წინ საღამოზედ.“ ვუთხარ.

როდისაც რომ გამჩხრიკა და ზედ დავიხედე, რალაც თეთრი პატარა ძიძიბები დამყროდა, ვკითხე.

– „რა არის მეტეი? –“

– „ეს ის არის კნიაზო, რომ თქვენთვის შეუყრიათ შ...“ მიპასუხა.

– „შ... რა არის? –“ ვუპასუხე.

– „ამ სნეულობის სახელი თქვენ არ გაგიგონიათ? –“

– „არა, არ გამიგონია. იქნება კიდეც გამეგონოს, მაგრამ მე ამ

<sup>1</sup> სამი ჩემი მცნობი დობტური დადიოდნენ ჩემთან, მეც იმათთან და რომელიც პირველათ შემხვდებოდა, იმას ვანამლინებდი, როცა შეუძლოთ შევიქნებოდი.

სენის ამბავი რომ არ მცოდნია, იქნება ამისთვის არ მეკითხოს. არ ვიცი რა სენი უნდა იყო ესა? –“

დავსხედით და მიანბო იმ სენის ამბავი. ვკითხე.

– „მამ ახლა რა უნდა ვქნა? –“

– „მე თქვენ ერთს პრიმოჩკას დაგინერთ, ტილო იმაში ასველეთ და ზედ იფარეთ ხოლმე.“

ის დობტური იყო, მე იმ სენის უცოდინარი და მამ მეტი რა ღონე მქონდა, თუ არ დავყვებოდი.

რეცეპტი დამინერა, გავგზავნე, თეთრწყალსავით მინით რაღაც მამიტანა ბიჭმა, იმ სისველეს ტილოთი ვიფარებდი და რამეთენსამე დღეზედ მამარჩინა; მიამა, ასე მეგონა: ესესარის მოვრჩიმეთქი. ეს დრო იყო 1837-ი წელი, შუა ზაფხული, თუ ცოტა მეტ-ნაკლები<sup>1</sup>.

მე ის მიხაროდა: მოვრჩიმეთქი. მაგრამ ის სენი ახლა ყელში დამექგერა და აქეთ იქით წყრული გამიკეთდა. რავიცი მე რა იყო ის, რომელსაცა ყელი მტკიოდა და ყლაპას მიშლიდა, მეგონა ისე უბრალო ყელის ტკივილი. გავგზავნე დობტურთან, მოვიდა, ვუანბე ყველა. ყელში რომ ჩამხედა, მითხრა: არაფერია, ყელის ტკივილი არისო. ამასთან ყელში სალალღაღებელი დამინერა. მოვატანინე: ეს ივლეთხოლმე, მორჩებითო.

ის სხუა ორი დობტურები ხანდისხან მოდიოდნენ ჩემთან და ერთხელ ფიქრში არ მამივიდა მეთქო ჩემი სენისა, ამიტომ რომ უბრალო ყელის ტკივილი მეგონა. ამაში ხანდისხან მე იმისთანა დედაკაცსაც მოვაყვანინებდი ჩემს დროს გასატარებელსა და ამით სევდას უკუყვრიდიხოლმე, მაგრამ ის ჩემი ყელის ტკივილი კარგა ხანი გაგძელდა, ის დობტური სხუა წამალს მე არას მაძლევდა, იმ გამოსავლების მეტსა. მეც დაბრმავებული ვენდობოდი: ამან უფრო კარგად იცის მეთქი. მაგრამ ხანდისხან ვკითხამდი გაკვირვებით.

– „აქამდისინ ეს ყელისტკივილი როგორ არ მამირჩა?“

---

<sup>1</sup> ამ დროებში ტფილისიდან წაყვანილი ჩემი მოსამსახურე სარქისა (სომეხი.) გამილოთდა, რომელსაცა ჩუმათ ვილაც რუსები შემოსწვეოდნენ და მოტყუებით გაელოთებინათ. ჩემი დენშიკიც იმათ აჰყოლოდა. ამ ჩემს დენშიკს, თუმცა კარგი ცოლი (მარია.) ჰყვანდა და ფხიზელიც, მაგრამ ვერც ერთს ვერ უშლიდა, ამიტომ რომ ქმარი სცემდა და შიშით ხმა ვეღარ ამოელო იმ საწყალს დედაკაცს. იმათი შექცევის დრო თურმე მაშინ იყო, როდისაც მე ღამე დავიძინებდი, ისინი იმ დროს სადღაც წავიდოდნენ და ჭიანჭურებით შეექცეოდნენ, მაგრამ ჩემი დილის გაღვიძებაზედ, ყოველთვის შინ იყვნენ ხოლმე. მე იმათის ეს ამბავი კარგახანი არა ვიცოდი რა და შემდგომებში აქ გამორჩნდებოდა.

– „ეს იმგუარი ყელის ტკივილია, რომ აგრეჩქარა არ მოგიჩქარებთ.“ მეტყოდა და მეც ვენდობოდი იმის სიტყუას.

ჩემს ამ მდგომარეობაში თითქმის ზაფხული გავიდა<sup>1</sup>.

იმ დამოჟნის გზიდგან ორენბურღში რომ მოვედი, იყო 20-ი თუ მეტნაკლები სექტენბრის თვე და ამ დროს კარგი შემოდგომის ხმელი სიცივეები დაიჭირა, კარგი მზიანი დღეები. ამაში მე შუბლზედ პატარპატარა მრგვალი წითლათ რალაცებიც დამაყარა, მეგონა: ფერიმჭამელა არის მეთქი. მე იმას არა დავდიერა, მაგრამ ყელის ტკივილი ძალიან მიცხოვლდებოდა. მე ჩემს მცნობებთან სანახავათ რომ მივიდოდი, ზოგიერთმა ქალმა კიდეც მკითხა.

– „შუბლზედ რა გაყრიათ წითლათ?“

– „ფერიმჭამელა მეთქი.“ ვეტყოდი. (ფერიმჭამელა რუსულათ: პრისჩიბკა.)

ერთს დღეს, 1-ს თვის ოკტონბერის დილის თერთმეტ სათზე, ორს რუსის ინჟინერს აფიცრებთან წაველ სანახავათ და იქ იმათთან დავრჩი რაოდენიმე ხანი, ბოლოს იმათ მკითხეს ჩემ შუბლზედ იმ წითელების ნიშნები, იმათაც ისე ვუთხარ, როგორც იმ ქალებსა. თურმე ისინი გამოცდილი ყოფილიყვენენ იმ სენისა და ამიტომ გამამკითხეს.

– „თქვენ ხომ შა... არ გჭირვებიათ?“

– „როგორარა, მჭირდამეთქი.“

– „მერე ვინ გწამლობდათ?“

– „დობტური სკა... და იმისი რჩევით პრიმოჩკას ვიფარებდი.“

– „იმ სენის ამბავი არ გაიმბოთ თქვენ, რის ძალის მქონია ის?“

– „დიახ, როგორ არა. მიანბო.“

– „არა კნიაზო. იმას იმ სენისა ვერა უანბიარა, თორემ თუ მა-

<sup>1</sup> ამ დროს მე ჩემს ჩრდილოეთის ორენბურღის დამოჟნის გზას არა ვწერ 1230-ი ვერსი გზა, რომ წამიყუნა ორენბურღიდგან ზვერნეგალოცკამდინ; ქ. ტფილისიდან ახალ მოსულმა ანუ გადმოყვანილმა დამოჟნის ნაჩაღნიკმა ნიკალაი პეტროვიჩ ვენერიმ, რომელსაცა ქართული ქალი ჰყვანდა ცოლად თაის სუმბათოვის სახლიდგან ქეთევან; ჩემი ცოლი და ის ქალი ახლო ნათესავები იყვენენ. მე და ის ვენერი ამ მიზეზის გამო ქ. ტფილისშივე მეგობრები ვიყავით და ორენბურღში რომ მოვიდა, უფრო ახლოს დავმეგობრდით. ამის გამო წამიყვანა იმ დამოჟნის გზის საჩვენებლად და თვითონაც მარტო მგზავრობითა მოწყენილი არ ყოფილიყო. ის ჩემი ყელისტკივილი თან გამყუა და ისევე თან გამამყუა და უფროთანდათან მიცხოვლდებოდა ტკივილი, არც წამალი რამ მქონდა თანა, მეგონა: ისე უწამლოთ გაივლისმეთქი და არც ვენერისთვის მითქუამ ჩემი ყელის ტკივილი, რადგან უბრალო ყელის ტკივილი მეგონა.

შინვე კარგი დობტური შავხვედროდათ, ჩქარა მოგარჩენდათ. გირჩევთ დღესვე დობტური ბე. . მოაყვანიოთ და ინამლოთ როგორც რიგი არის, თორემ თავს დაილუპავთ. ის კარგი დობტურია!<sup>1</sup>“

ასე შამაშინეს, რომ მაშინვე ავდექ და წამოველ შინა, – წამოველ იმათი დიდი მადლობითაც.

შინ რომ მოველ, იყო სადილობის დრო, მოვითხოვე და ცოტა რამ ვჭამე, ისიც არ მიამა. პატარახანს უკან, ჩემი დენშიკი გავაგზავნე და დობტური ბე... დავიბარე, რომელიც მაშინვე მოვიდა. ჩემ სანოლში მხიარულათ შემოვიდა ჩემთან, მკითხა: რა ამბავია, რისთვის დამიბარეო კნიაზო? – მე ჩემი ამბავი წვრილათ ვუანბე. იმან უკმაყოფილოდ:

– „ისე ხშირათ შევხვდებით ხოლმე სახლებში ერთმანეთს, ერთხელ როგორ არ მითხარით, ნამეტნავად ამ ზაფხულის სითბოში რა ჩქარა მოგარჩენდით?“ (რომელმაცა იმ ჩემი ფერდის სიმაგრეც იმ ბე... მამირჩინა და იმ ცრემლშიკი კიდეც ის სკა... მწამლობდა.) მე რალა უნდა მეთქუა, სიტყუა აღარ იყო გამართლებისა.

მირჩია: იმდღესვე იმ პატარას ჩემის სანოლიდგან<sup>2</sup>, მეორეს ოთახებში აღარ გავსულიყავ და კარგათაც თბილი უნდა ყოფილიყო ის ოთახი. ამასთან რეცეპტი დამინერა, მითხრა.

– „ეს წამალი დღესვე აფთიექიდგან მოატანინეთ, ხვალ დილაზე მოვალ და თვითონ მე როგორც გითხრათ, ისე იხმარეთ ის წამალი.“ ამ სიტყუასთან გასნია და სხუა პაციენტებთან წავიდა.

მეორე დილაზე მოვიდა დობტური, მეც ქალაღდით შეკრული

<sup>1</sup> ის ბე. . . იყო პალიაკი და კარგათაც ვცნობდი იმას.

<sup>2</sup> იმ ჩემს სანოლს სიგრძე ჰქონდა, ექვსი ნაბიჯი, სიგანე ოთხი და ერთი ფანჯარაც ეზოსკენ, მაგრამ ძალიან კი თბილი იყო. ზევით ფანჯრისაკენ ცოტა მოშორებით გაღესილი ხის კედლის ძირში ქვეშეგებგაშლილი კრაოტი მედგა, კრაოტის თავის გვერდით ფანჯრის წინ პატარა სანური სტოლი, ზედ პატარა სანურელი (ეხლა აქ მაქვს ის სანურელი.) თავის კალმებით და დასანური ქალაღდები. სამი პატარა რიგიანი სკამიც იდგა იმ ოთახში, ქეჩით დაფენილიც იყო სულერთიან ის ოთახი და ერთი პატარა შკაფიც მედგა კრაოტის ბოლოში კედელთან და ფეჩიც ხომ რასაკვირველია კარგი ექნებოდა, რომელსაც ყოველს დღეს ვათბობინებდი. ის ჩემი სანოლი, რაც შეიძლებოდა, წმინდათაც ვინახამდი. ამის გარდა, სასტუმრო ოთახიც განყოფილი მქონდა, ზალაც და ზალის გვერდზედ ერთი პატარა ოთახიც იყო ტახტგადადგმული და ხალიჩით დაფენილი. ჩემს სანოლის გვერდით სამზარეულო იყო, სადაც ჩემი დენშიკი საჭმელს მიხარშამდა და ბიჭებიც იქ იყვნენ ხოლმე. ჩემი სანოლიდგან დავურაკუნებდი, იქიდგან ერთერთი ჩემი ბიჭი პერედნაში შემოვიდოდა, პერედიდგან ზალაში, მერე გოსტინაში (სასტუმროში) და მასუკან ჩემს სანოლში.



– „ხვალამდისინ.“

ჩუენში ნათქვამია: რასაც კაცი თავის თავს უზამსო, მტერი იმას ვერ უზამსო. ეს თქმული მე მეკუთვნის, ისე მამივიდა.

განა რიგიანს ქალს ვერ ვიშოვიდი კარგის არშიყობით და ძალიან კარგს ქალსაც, რომ ჩემი დროები სიამოვნით გამეტარებინა, მაგრამ ამ ფიქრს მოვერიდე: არ გავება და ჩუენში სიყუარული არ დაიბადოს მეთქი. რომელსაცა ეს ფიქრი მე სვინიდიისა მიტანჯავდა და ჩემს მეუღლის წინაშე შემცოდება მეგონა. მერე მე იმისთანა ხასიათის პატრონი ვარ, თუ მე გადავეკიდებოდი ვისმე, ჩემი გული იმას ველარ მოშორდებოდა, ამისთვის ის უბრალო ყოფაქცევა იმიტომ ამოვირჩიე, რომ ჩემი გული არავის არ ჰკუთნოდა და თავიც გამოვიცადე გარყნილობის ქცევით, რომელიცა ზევით ითქვა.

იმ ღამეს მე ძალიან დაფიქრებით გავატარე, ველარცარა ვჭამერა და ძილიც ცოტა მქონდა. ამის მეორე დილაზედ, როგორც დობტურმა მირჩია, ჩაიც ისე დავლიე და წასასმელი წამალიც ისე წავისვი. პატარახანს უკან დობტური მოვიდა, მკითხა.

– „წუხელის როგორ გეძინათ? –“

– „თითქმის უფროსი ერთი ღამე, კარგის ფიქრით არ გამიტარებია მეთქი.“ წუხებით უთხარ.

– „ახლა ფიქრის დრო აღარ არის, უნდა ვეცადნეთ, კარგად იყოთ თქვენა.“

მასუკან გამამკითხა თავის დარიგება, მეც ვუანზე და მერეთ ვუთხარ.

– ფეოდორ ნიკლაიჩს სჩერბაჩევსა<sup>1</sup> სთხოვეთ, ჩემთან მოვიდეს, მნახოს.“

– „ისიც კარგათ ავათ არის, წევს.“

– „რათა? –“

– „შესცივნია და ძალიან სიცხე აქვს.“

– „ხომ არა უჭირსრა? –“

– „არა უჭირსრა, მაგრამ ამ სიცვიეებში კარგახანი კარზედ ვერ გამოვა.“

– „მამ ჩემავიერ მოიკითხეთ, უანზეთ ჩემი ამბავი.“

– „ავერ იყოს.“ ქუდს წამოავლო, წავიდა.

მაგრამ ჩემა ბიჭმა სარქისამ და ჩემა დენშიკმა მამასწრეს ამ

<sup>1</sup> ადრე ერთათ რომ ვიდექით, იმას.

მდგომარეობაში, ამ დღის ბინდზედ დაიკარგნენ, თავის ამსონებში ნასულყვენ. როდისაც კარგათ დაღამდა, კედელზედ პატარა ქვა დავარაკუნე<sup>1</sup>, ჩემი ბიჭი, ან დენშიკი შემოსულიყო, მაგრამ რა ვიცოდი, სად იყვნენ ისინი. ჩემი დენშიკის ცოლიც სადღაც ნასულიყო. პატარა ხანი გამოვუშვი, კიდეც დავარაკუნე, კიდეც არა მეშველარა.

დავინყე ამ ბნელა ოთახში სიარული: ეგება გაჩნდნენმეთქი. კარგახანი რომ გამოვიდა, კიდეც ავიღე ის ქვა, დავარაკუნე, კიდეც არ იქნა, არა მეშველარა, მერეთ მიველ, ქვეშეგებზედ მივეგდე და კარგახანი ვინექ. ამაში ჩემი ფიქრი აღიოდა და დადიოდა. ბოლოს ესეცა ვთქვი: ამ ჩემი ცოდვის გამო ღმერთმა დამსაჯა, არავის არ უნდა დავემდურომეთქი.

ამ ყოფით გავატარე კარგახანი, ბოლოდროს სარქისამ ანთებული ქონის სანთელი შემოიტანა და დენშიკიც თან შემოჰყუა. შევხედე, ვნახე, ორივე მთვრალეები იყვნენ და სანთელი<sup>2</sup> სტოლზედ დადგეს. საათი ვნახე, ათი საათი სრული იყო, რომელიცა გავუჯავრდი, მაგრამ იმათ ბრიყულად მიპასუხეს.

– „სანთელი გინდა, ეს სანთელი. ჩაი გინდა, იმასაც მოგიტანთ და ვახშამი იმასაც.<sup>3</sup> სხუა რალა გინდა ჩუენგნით? –“ ამ სიტყვასთან რუსული სიმღერაც შემოსდახეს ყვირილითა, როგორც რიგი არის მუჟიკური, მაგრამ მაგთენი არ იმღერეს და ჩქარა განყვიტეს. მე ვიფიქრე: არა, აქ სიმშვიდე უნდა, სხვა მეტი ღონე არარის. იმათ სიმღერა რომ გაათავეს, მკითხეს.

– „როგორ მოგწონთ ჩვენი სიმღერაო? –“

– „უცხო იყო უცხო, მაგრამ სარქის, ახლა შენ ჩაი მამიმზადე და სტეფან შენ ვახშამი.“ ამ ჩემს სიტყუასთან, ისინი მაშინვე გავიდნენ.

ისინი რომ გავიდნენ, მე წმინდა სანთელი ავანთე, აღმოსავლეთის მხარეს კედელში პატარა ფიცარი მქონდა დამაგრებული<sup>4</sup>; იმაზედ წმინდა თეთრი ხელცახოცი იყო გაშლილი, რაზედაც ჩემი

<sup>1</sup> ადრე მოვამზადე ის პატარა ქვა დასარაკუნებლად ხოლმე, ზარის მაგიერათ.

<sup>2</sup> მაშინ ჯერ სპიჩკა არ იყო შემოღებული და არც სტიარინის სანთელი, ისე ცეცხლზედ აანთებდნენ ხოლმე, თორემ თუ ესენი ყოფილიყო, იქვე სტოლზედ მექნებოდა ორივე, ავანთებდი. იქნება იმ დროს ევროპიაში იყო ესენი შემოღებული, მაგრამ იქი არ იყო.

<sup>3</sup> კარგი ეს იყო, რომ სარქისაც რუსულათ მელაპარაკებოდა.

<sup>4</sup> ფანჯრის გვერდით, სადაც კარგათ შევწვდებოდი.

პატარა ღვთისმშობლის ხატი და ქართული წმინდა სახარება (წ. სა-  
ხარებას ვკითხულობდი ხანდისხან.) მესვენა, რომლებიც წინაშე ის  
წმინდა სანთელი, პატარა ვერცხლის შანდალში დავანთე, მასუკან  
დაჩოქილმა ხელებ განჰყრობითა ღმერთსა ვთხოვე გულმხურვა-  
ლეთ: მოთმინება მამცეს. პატარახან ასე ვილოცე და მერე წამო-  
ვდექ. ეს გულმხურვალე ლოცვა დიდათ მიამა და კეთილი ნუგეში  
მისცა ჩემს სულსგულსა. მცირედი ხანის შემდგომ ჩაი მომიტანეს.  
დავლიე პატარა, ერთი ბენო მოჭრილის ბუღკით, მერე ცოტა თბი-  
ლი ბულიონი ვჭამე, ისიც ისე როგორც დობტურმა დამარიგა, მასუ-  
კან მივნიქ და მოსვენებით დამეძინა სანთელ გაქრობილს ოთახში.  
ოთახში ნადგომი წყალის ნებაც მქონდა დამელია, თითქმის ისიც  
მოთბო იყო, ამიტომ რომ ჩემს ოთახში ძალიან თბილოდა.

ამის მეორე დღის ჩაის შემდგომ, ის წასასმელი წამალი, ახლა  
მარჯვენა ფეხის კუნთზე კარგახანი ვისვი და ხანი რომ გამოვიდა,  
დობტურიც მოვიდა, მკითხა ჩემი ანბავი, მეც ყველა ვუანბე, მა-  
გრამ ჩემი ბიჭების ის ანბავი არ ვუანბე, როგორღაც ვერ გავბედე  
და მცირედის ხანის შემდეგ ისიც გატრიალდა ამ სიტყვით წავიდა.

– „კიდევ ისე წაისვით ის მაზი, როგორც ისომთხოლმე.“

ის რომ წავიდა, ორივე ჩემი ბიჭი შემოვიყვანე, წარსული ღამის  
ქცევისათვის ბევრი დავარიგე, მაგრამ კედელს ცერცვი შეაყარე, რა  
დადგება იმაზედო? – ანუ მგელს თავზედ სახარებას უკითხავდნენ,  
ეგება მოიქცესო. მგელმა მიუგოვო: რადროს სახარება არის, გამიშ-  
ვით ცხუარი მთაზედ წავიდაო. ისე ისინი, იმ მეორე ღამესაც ისე დაი-  
კარგნენ, მესამე ღამესაც, მეოთხესაც, მეხუთესაც და მეექვსესაც.  
კიდევ კარგი, სწორეთ იმ დროს მოვიდოდნენ და თავის მოვალეო-  
ბასა ისე აღასრულებდნენ, როგორც პირველს ღამეს, მაგრამ აღარ  
იმღერებდნენ ხოლმე. მე იმათი ქცევისა აღარა ვუთხარირა იმათ  
და აღარც შევიძინე: უარესი არაქნანმეთქი. დობტურს კიდევ ვერ  
გავუბედე, მეთქვა და ან რას მიშველიდა, იმას თავის ბევრი პაციენ-  
ტები ჰყუანდა, იმათი საქმე ჰქონდა და იმათში ხშირათ დადიოდა.  
ჩემმა მცნობებმაც აღარ გაიარეს ჩემთან, იმათთვის მაინც შემეცყო-  
ბინებინა ჩემი ბიჭების ის ანბავი, რომ რავიცი სიმთვრალეში იმათ უა-  
რესი არა ექნათრა და ამ ფიქრში ხშირათ ვიყავი, რომელმაცა ერთხ-  
ელ აღერსითა ვუთხარ მითამ ისე ლაპარაკში: კვირაში ერთი დღე  
მივეც შექცევისა, ოღონდ ღამე ნუ მიდიან, მაგრამ ვის რას ეტყვი,



ყურიც არ მათხოვეს, არც ვიცი ის პირველი ღამე რა უნდა ყოფილიყო იმათთვისა ისეთი კარგი, რომ იმდროს მიდიოდნენ ჩემი ბიჭები და ჩემი დენშიკის ცოლიც. ამაზედ მე ხან რას ვფიქრობდი და ხან რასა.

მეექვსე ღამესაც ისე დაიკარგნენ, წავიდნენ, სადაც კიდევ ბნელს ოთახში ვიყავ, ისე როგორც ზევით გავიგონეთ და შენუხებული, არ ვიცოდი, რა უნდა მექნა. ამაში გავიდა კარგა ხანი, ბოლოს პერედნის კარი გაეღო და აქ მე მალლა დავიძახე.

– „სარქის მოიგონე ღმერთი, მამხედე ამისთანა სნეულობაში ჩავარდნილსა.“

ამდროს მალალი ხმა რუსულათ.

– „თქვენო ბრწყინვალეზავ, შინა ხართ? –“

– „კავალსკი შენა? –“

– „დიახ მე ვარ.“

– „აქ შემოდი ჩემთან, თუ ღმერთი გნამს.“

თუმცა ბნელოდა, მაგრამ ჩემის ოთახის შემოსასვლელი კარგათ იცოდა და როდისაც ჩემი სანოლის კარები გააღო, დაიძახა.

– „რა ანბავია, რომ ბნელაში ხართ? –“

– „თუ ღმერთი გნამს კავალსკი, ემანდ კუხნაში, ჯერ სანთელი აანთე, შემამიტანე და მასუკან გეტყვი.“

არამც თუ კუხნა, ყოველი იმ ჩემი სახლის მიდამო ადგილები კარგათ იცოდა, ამიტომ, რომ დიახ ხშირათ იყო ხოლმე ჩემთან, სადილათ თუ ვახშმათ და ბევრჯველ ღამით წოლითაც, იმ ზალის გვერდის ოთახში.<sup>1</sup>

ანთებული სანთელი შემოიტანა, სტოლზედ დადგა, თვითონაც სკამზე ჩემ პირდაპირ რომ დაჯდა, მოვყევ და ჩემი მოსამსახურების

---

<sup>1</sup> იმ კავალსკისა ზევით არა ვთქვირა, დამავინწყდა. ეს კავალსკი იყო კეთილშობილი პალიაკი, რომელიც ისიც რეულა 1831-ის წლის პოლშის რევოლუციაში და მასუკან ტყვეთ ჩავარდნილი ორენბურღში გამოეგზავნათ სამხედროს სამსახურში სალდათათ. იქ რუსული კარგათ ესწავლა და ამისთვის უნდეროფიცრობაც მიეცათ და კანცელარიაში სადღაც თურმე მწერლათ იყო. შემდეგ სერგეი გავრიილიჩი კასპი-ის ზღვის გაღმა, ახალს ალექსანდროვში ნაჩალნიკათ რომ დაენიშნათ, ის კავალსკიც ამისთვის მწერლათ მიეცათ, სადაც მე და კავალსკი ერთს ოთახში ვიდექით ნაჩალნიკის ოთახის გვერდით, რომელსაცა ჩემს დასანოლს კრავატს შირმა ჰქონდა შემოხვეული და პატარა საწერი სტოლიც მედგა იქვე ფანჯარასთან, ორი პატარა სკამიც და ამ შირმის გარეთ ოთახში ის კავალსკი იდგა და კანცელარიის სტოლიც იქვე თავის კრაოტთან უდგა, სადაც მე და ის კავალსკი კარგათ დავახლოვდით და ორენბურღში რომ მოვედით, უფრო კიდევ კარგათ. ამ კავალსკის ამბავი სხუა წერილშიაც მაქუს დანერილი.

ყველა იმათი ამბავი ვუანბე, რომელმაცა ძალიან შენუხებით მითხრა.

– „ჯერ იმათი მოსვლის დრო არარის?“

– „ამ ერთს საათზე უნდა მოვიდნენ.“ ვუთხარ.

– „მამ საჩქაროთ წავალ, როტიდგან ოთხს კარგს სალდათს მოვიყვან, ამაღამვე ისინი როტაში უნდა წავიყვანო.“

მე ამაზედ დავლონდი. იმან კიდევ.

– „თუ იმათ ეხლავ არ გადახდათ, უარეს იქმნენ.“

მეტი რა ღონე მქონდა, დავყევ და ისიც საჩქაროთ წავიდა. პატარა ხანს უკან ოთხი სალდათი მოიყვანა, იქ ზალის გვერდით ოთახში დამალა, თვითონ გამოვიდა და კიდევ იქვე ჩემთან სკამზე დაჯდა. მასუკან ვუთხარ მე.

– „ჩემო კავალსკი, თუ ჩემთვის კარგი გინდა, ამაღამვე შენი ბარგი მოიტანე, აქ ჩემთან დადეგ, იმ ზალის გვერდით ოთახში.“

– „ძალიან კარგი იქნება.“ მიპასუხა.

– „მამ ეხლა სადა დგეხარ შენა?“

– „როტის კაზარმაში ვდგევარო.“

ამასთანვე გავჩუმდით და მოველოდით იმათ.

გამოვიდა ხანი რამე, ამ დროს ჭიანურის დაკვრით თან მაღალის სიმღერითა შემოვიდნენ ზალაში და ჩემის ოთახისკენ წამოვიდნენ თამაშობით, ჩექმებიანის ფეხებისა ტყაპატყუპით, (ესე იგი ტრიპაკათი.) საჩქაროთ კავალსკიმ ანთებულს სანთელს ხელი წამოავლო და მე მითხრა: ცოტა მოითმინეთ უსანთლოში. ამასთანვე ზალაში გავიდა და მაღლა დაიძახა.

– „დაიჭირეთ ეგენიო.“

მაშინვე ის ძლიერი სალდათები გამოვიდნენ, კარგათ რიგინათ შეუკრეს იმათ მკლავები და ისე გააკავს. მე კავალსკის დავუძახე.

– „კავალსკი, ეგ ჩემი სარქისა და დენშიკი ორივ აქ ჩემთან შემოიყვანე.“

მკლავებ გაკრულები, თვით კავალსკიმ ორივ ჩემთან შემოიყვანა, კიდევ ისე მთვრალეები, როგორც წარსრულებში მენახა და ერთი სალდათიც თან შემოჰყვა ანთებული სანთლით. ვკითხე.

– „სარქის, რისთვის მოხვიდოდით ისე ჭიანურის დაკვრით ჩემთან, ან ისე მაღალი ხმის სიმღერითა და ან ფეხების ტყაპატყუპით?“

– „ისე ვთქვით ჩუენ: წავიდეთ კნიაზი შევაქციოთო.“ შეუკდიმათ მითხრა.

– „უსვინიდიდისოვ, ღვთის მტერო, როგორ მეუბნები, მიზედავ მაგ ტყუილსა?“

იმან ხმა გაკმინდა და მასუკან დენშიკს.

– „შენ რაო, რისთვის მანუხებდი ისე?“

იმანაც ისე ხმა გაკმინდა, როგორც სარქისამ. მერე კავალსკის.

– „იმ გარეთ ზალაში ამათი ამხანაგები ვინ არიან და ან რამთენი იქნებიან?“

– „ოთხნი არიან და დენშიკებს გვანან.“ მითხრა.

– „სტეფან (დენშიკს.) ვინ არიან ისინი?“

– „აქაური ჩინოვნიკების დენშიკები არიან.“

– „კავალსკი, გთხოვთ, ეხლავ ის დენშიკები გარეკოთ, ამასთან უთხარით: ნულარ გაივლიან ამათთან, თორემ პოლიციას შევატყობინებთ თქო.“

მაშინვე გავიდა და ამ დარიგებით გარეკა. როდისაც შემოვიდა.

– „კავალსკი, გთხოვთ ყველგან სანთლები დაანთოთ და სამზარეულოშიაც. მერე ისევ ჩემთან შემოხვიდეთ.“ იმან მაშინვე საჩქაროთ ყველგან სანთლები დაანთო, შემოვიდა ჩემთან.

– „ამ სტეფანეს ცოლი, კიდევ არ მოსულა?“ – ვკითხე.

– „ეხლა ეს არის მოვიდაო.“

– „მამ ეს ორივ ეხლავ, როტის კაზარმაში მიიყვანეთ, ამაღამ ესენი იქ იყვნენ და ამ სტეფანეს ცოლს უთხარით, ის აქ ჩემთან შემოვიდეს.“

სარქისამ და სტეფანემ, როტის კაზარმა რომ გაიგონეს, ხვეწნას მოჰყვნენ: ნუ გაგვგზავნიო, მაგრამ კავალსკიმ ორთავ ხელი ნამოჰკრა და წინ გაირეკა. ჩემი დენშიკის ცოლი მარია შემოვიდა, დავეუნყე მე იმას ლაპარაკი.

– „დედა მარია, შენ ხომ კეთილი დედაკაცი ხარ, რატომ აგრე უპატრონოდ დამაგდებდი ღამე და აღარ მამხედავდი, უსანთლოში ვიყავ ხოლმე?“

– თქვენი ბრწყინვალეზავ, რავექნა, თუ ვეტყოდი იმათ: კნიაზს რატომ აგრე უწყალოთ ექცევითმეთქი, ორივ დამიჭერდნენ, ჩემი ქმარი მცემდა და სარქისასკი მაგრა ვეჭირე ხელებით და ბოლოს სახლიდგანაც გამაგდებდენ.“ ამასთან მწარეთ ტირილს მოყვა.

– „მამ ამთენი ღამე ვისთან მიხვდიდოდი?“

– „მეზობლისას ახლოს.“ – ისინი არ იცი სად დადიოდნენ? – არ ვიცი.

- „შენ როგორღა შეიტყობდი იმათ მოსვლას აქ ჩუენს სახლში? –“
- „ჩამამივლიდნენ, დამიძახებდნენ: ნამოდოო.“
- „რაო შენ რალათ გზავნიდნენ სხუაგან? –“
- „ის ჩემი ქმარი ხომ ცუდი კაცია, მაგრამ ის თქვენი სარქისა საშინელი ბოროტი შეიქნა, იმას გაუფრთხილდით თქვენო ბრწყინვალეზავ. კიდევ კარგი, ასე ჩქარა შეგესწრათ კავალსკი, თორემ ვნებას შეგამთხვევდნენ რასმე. მე იმისაგან ცუდი ლაპარაკი თქვენზედ ბევრჯელ გამიგონია.“
- „კეთილო მარია, დაჰფარე ეს ანბავი, შენმა ქმარმა და სარქისამ არ შეიტყონ.“
- „თუ შეიტყეს, მაშინათვე მამკვლენ.“
- მარიამ მითხრა. მერე მე ვკითხე.
- „ის ჩემი სარქისა რამ ნაახდინა?“
- „იმ დენშიკებმა, წელან აქ რომ იყვნენ.“
- „შენი ქმარი? –“
- „ისიც იმათ.“
- „როგორ საიდგან?“
- ესენი ხომ ბაზარში დაიარებიან სასმლის საქმლის სასყიდლათა, ისინი იქ გაუცვნიათ, მასუკან ერთმანეთის დაპატიჟებასა მოჰყოლიან და ამ მიზეზით წაუხდენიათ სარქისა და ჩემი ქმარი.“
- „სად როგორ, ვის სახლში დადიოდნენ?“
- „ეგკი აღარ ვიცი თქვენო ბრწყინვალეზავ.“
- „კეთილო მარია, ეგ მაგათი ანბავი დიდი ხანი არის, რაც რომ მოჰყოლიან? –“
- „კარგა ხანი, რამთენიმე თვეა.“
- „აქამდინ როგორ არ მითხარი?“
- ბატონო, სიკვდილს მიქადებდნენ. მაგრამ ერთხელ მაინც თქვენ როგორ არ შეამცნიეთ მაგათ, ის თავიანთი ქცევა? –“<sup>1</sup>
- „რას ვიფიქრებდი და არც სახეზედ შემიხედავს მე იმათთვის, მაგრამ ფულს ვინ აძლევდა მაგათ? –“
- „მგონია თქვენს სახელზედ ბაზრიდგან ნისიათ მოქონდათ ყვე-

<sup>1</sup> უფროსი ერთი ყოველ ღამე კარგახანი სხუაგან ვიყავი ხოლმე ჩემს მცნობებში და იქიდგან შინ რომ მოვიდოდი, ყოველთვის ჩემი ბიჭები შინ დამხვდებოდნენ; მეორეს დღესაც კარგათ მემსახურებოდნენ და როდესაც ღამე დავრჩებოდი შინა, ჩემი ბიჭებიც ყოველთვის შინ იყვნენ. ეტყობათ, როდისაც კარგათ ვიყავ, ჩემი შინებიანთ და როდისაც ისე ავათ გავხდი, მამასწრეს და აღარ მეპოებოდნენ.

ლა. ეს მე კარგად არ ვიცი, ბოლოს ყველას შეიტყობთ“.

– „მამ ახლა ჩემო კეთილო მარია, საჩქაროთ სამოვარი დადგი, ჩაი დამალევი და ბულიონიც გამითბე, ცოტა ვჭამო.“

პატარა ხანს უკან კავალსკიც მოვიდა, წარმოიდგინეთ ჩემი სიამოვნე, რომელიც ღმერთს ვმადლობდი: ჯერ იმიტომ, რომ ისე ავანტყოფმა, ამხანაგი ვპოვე და მასუკან იმისთანა ბოროტების განსაცდელსა მოვრჩი.

მარიამა ჩაი მოგვიტანა, მე ჩემი პატარა სთაქანი, როგორც დოხტურმა დამარიგა, იმისთანა: მხოლოდ ერთი დალიეო, და კავალსკიმ ორი მოდიდო სთაქანი კარგი ცხელცხელი კარგის პურით შეეცქა. მერე მე ჩემი ვახშამი ვჭამე და კავალსკიმ ყველი პური, რომელმაცა ვახშამთ უკან მარიას ფულები მივეცი, მეორე დღეს კარგი ხორცის სჩი გაეკეთებინა კავალსკისთვის; კარგი კატლეტი და ჩემთვისკი ისეთი ბულიონი, როგორც დოხტურმა მითხრა.<sup>1</sup> მარია სამზარეულოში რომ გავიდა, კავალსკიმ.

– „უნდა ნება მამცეთ, ხვალ მე თქვენს ბიჭებსა გადავახ[დ]ევიწნო.“ გადანყვევით მითხრა.

– „რაც გინდა, ჰქენით კავალსკი, ნება მამიცია.“

შემდგომ კავალსკიმ, იმ პატარა ოთახში თავის ქვეშაგები გაიშალა, დაიძინა და მეც ჩემს სანოლში, ძალიან მოსვენებით მიმეძინა ჩემს კრაოტზე, ჩემს ქვეშაგებში.

ამის მეორე დილაზედ მინამ მე გავიღვიძებდი, მარიას ბაზრიდგან ნუზლიც მოეტანა, ჩაიც მზათა ჰქონდა და კავალსკიც როტის კაზარმიდგან მოსულიყო, რომელსაცა ორივ ძალიან გაეტყიპა როზგით და იქვე კაზარმაში დაეგდო პყრობილსავით, ჩემის შეთვლილობით როტის კამანდერის ბძანებითა, წყალს პურზედა, სადაც სამი დღე ასე იყვნენ, მასუკან *რამდენის მოციქულებისა შემოჩენით* შევირიგე და იქვე ჩემთან ჩვენ თვალწინა, კავალსკის მივაბარე ისინი: თვალყური იმათზე სჭეროდა და თუ ერთი ბენო კიდევ დაეშავებინათ, მაშინვე ძალიან დაესაჯა ისინი. იმანაც ისინი ძალიან მოკუნტა და ამის შემდგომ კიდევ წესი ჩამოვარდა ჩემს სახლში.

<sup>1</sup> მარია უცხოთ აკეთებდა საჭმლებს, ხანდისხან ბაზარშიაც გავგზავნიდი ხოლმე რაც მინდოდა, ყველას სასყიდათა; უცხო დედაკაცი იყო პატიოსანი და სახეკი ლამაზი არა ჰქონდა, ყვავილისაგან დაჩნეული იყო იმის სახე ძალიან. იმ ორი ბიჭების მაგიერათ მარტო ის რომ ყოფილიყო ჩემს მოსამსახურედ, ბევრით კარგი იქნებოდა ჩემთვის.

მართალია, კიდევ წესი ჩამოვარდა ჩემს სახლში, მაგრამ ახლა ჩემს სენსა, იმ წასასმელებმა, ასეთი ზომა მისცა, რომ ჩემს თავში ბუბუნის ხმაურობა შეიქნა და თავი ძალიან დამიმძიმდა. თორმეტის წასმით ეს მამიხდა და თორმეტჯერ კიდევ უნდა წამესო.<sup>1</sup>

მეთორმეტე დღის დილაზედ, რომ წავისვი და შემდგომ დობტურნი მოვიდა, ეს ჩემი ყოფა ვუანბე, მითხრა, ის ფრიქცი აღარ წამესო რამთენიმე დღე, მაგრამ ახლა მერკურის პარაშოკები დამინერა და იმას ვსომდი ხის კოვზითა ნელთბილს წყალში გახსნილს.

ეს ჩემი უბედურობა რალა უნდა გავაგძელო? – მოჰყვა: ჩემის თვალების კილოებიდგან, ცხვირიდგან და ყელიდგან ჩირქმა დენა დამინყო და ღრძილებიც ძალიან დამისივდა; შვეწუხდი, ძალიან შვეწუხდი და თავის ბედსა ვინყევლიდი ჩემის გაჩენისთვის, რომელსაცა თვალელებიც ძალიან ამტკივდა და რიგიანათ ველარ ვხედავდი. ჩემმა დობტურმა ეს რომ ნახა, მითხრა, კიდევ ის ფრიქცი წამესო, ისევ ისე, როგორც ვისომდი. ამასთან სასფარელი დამინერა, ის პატარა ქვაბში კარგათ თავდახურვილს, კარგა ხანი ვახარშვინებდი და ნელთბილსა წყალის მაგიერათ ვსვამდი. დობტური ჩემგნით რომ მიდიოდა, ვედრებით ვთხოვე: ვინც ჩემი მცნობები ნახოს, ჩემაგიერ სთხოვოს, ნულარავინ ნულა მოვა ჩემთან ამისთანა საზიზლარს კაცთან. იმან ხმა არ გამცა და შეწუხებული წავიდა. ის რომ წავიდა, შკაფიდგან ჩემი ხანჯალი გამოვიღე რომელიც საქართველოდგან მქონდა წალეებული, ამოვიღე, ზედ დავხედე და ასე დაველაპარაკე ჩემის თავდადებით.

„მე ეხლა რალა კაცი ვარ, გარყვნილი საზიზლარი და სასჯელის ღირსიცა ვარ ჭეშმარიტად. თუ უნდა რომ ვიცოცხლო, სახე დაბლერძი უნდა დამრჩეს და ვის რომლის სვინიდისითლა უნდა შევხედო, ნამეტნავად ჩემს კატინას? – ამისთანა სიცოცხლეს სიკვდილი მირჩევნია. აბა საქართუელოს გამკვეთელო ხანჯალო, კიდევ დრომდინ მოვითმენ და თუ ჩემს სახესა დავატყე, რომ ნახდენაში წავიდა, პირობას გაძღე, ეგ შენი მწვედი და გალესილობა ამ ჩემს გულში გაიაროს. ეს კარგი სამართალიც იქნება ჩემზედ.“

<sup>1</sup> ის წასასმელი (მაზი.) იყო თურმე ვაკეთებული, ღორის ქონი და ვერცხლის წყალი ერთმანეთში შეზავებული რომელსაცა ლათინურად ერქვა: ფრიქცი. და რომელსაც ყოველს დილაზედ თვითოს ვისმევდი, ისე როგორც ზევით გავიგონეთ, დობტურის დარიგებისამებრ.

ამასთანვე ჩავაგე, ისევ შკაფში შევდე და თან დავიძახე: დრომდინ მშვიდობით. მასუკან ამ თავგადადებიდგან, არ ვიცი რა იყო, უეცრათ მაშინვე გულში გამიელვა ლმობიერება, ჩემი ღვთისმშობლის ხატის წინ დავიჩოქე და შევბღავლე ასე.

„ღვთის მშობელო, ნუ გამწირავ, შემენიე ამ საშინელს სნეულეზას გადავურჩე, ეგება ჩემს მშობელს ქვეყანას გამოვადგე. გულმხურვალედ გვევდრები შენი საუფლისწულოს ქვეყნის შვილი, ჩვენო დედაო.“

ამასთან იმის წინ გულმტკივნეულად დავემხე და მერე ავდექ.

კავალსკის მოუწონოდე, ვთხოვე ჩემს მცნობებში მისულიყო, წასაკითხი წიგნები და გაზეთები ჩემაგიერ ეთხოვნა, მოეტანა და თვით კავალსკის წაეკითხა ჩვთვის, რადგან მე წაკითხუა აღარ შემეძლო. მაშინვე წავიდა.

ის რომ წავიდა, მე იმ წასასმელსა მოვყევ წასმას და ვისვი კარგახანი. ამდროს ჩემი ბიჭებიც კარგათ მემსახურებოდნენ.

ჩემის მცნობებიდგან კავალსკი რომ მოვიდა, ბევრი წასაკითხი წიგნები და გაზეთები მამიტანა, რომელიცა სიამოვნით დაჯდა, კითხვას მოჰყუა და მეც ყურადღებით ყურს ვუგდებდი.

ამ ჩემს მდგომარეობაში, ის ოცდაოთხი ფრიქცი (წასასმელი.) შევასრულე; თან სასფარელსა ვსომდი და ამასთან ტანიდგან მწევდა, დღეში ოთხჯერ ანუ ხუთხუთჯერ;<sup>1</sup> ესენი ძალიან შევებას მადღევდნენ, მაგრამ იმ ჩემს თავში ის ბუბუნი და თავის სიმძიმე არ დამეკარგა. ამაში ის ოცდაოთხი ფრიქცი რომ შევასრულე, ამ ჩემის თვალების კოლოებიდგან, ცხვირიდგან და ყელიდგან ჩირქი შემწყდა, მაგრამ თვალებისა და ყელის ტკივილიკი ისევ მქონდა.

როდესაც დავიდასტურე: ჩირქი *სრულიად* შემწყდამეთქი, სწორეთ ამდროს შევუთქვი: თუ კარგად ვიქნები, ჩემის ყმანვილობიდან ჩემს ქცევას ავნერმეთქი. და როგორც აღვუთქვი, კიდევ ვალსრულებ ეხლა. (რას სიტყვებითაც აღვუთქვი, სულზევით თავში მოხსენებულა.)

რა ეს ჩემი ამთენი ფრიქცი დავასრულე, დობტურს ვუთხარ.

<sup>1</sup> ამისთვისა ოთახის ცუდის ჰაერის გასაწმენდი, ფანჯრის მინაში პატარა თუნუქის მრგვალი ჩარხი გამაკეთებინა დობტურმა თავის ხუფით და როდისაც საჭირო იყო, იმ ხუფს მოვახდევინებდი ბიჭსა, ის ჩარხი ტრიალს მოჰყვებოდი და ოთახიდან ცუდს ჰაერსა სწმენდდა. გარდა ამისა, პივის ძმარი მამატანინა, გახურებულს აგურზედ ბიჭს ვაკმევიებდი და იმის საუცხოვო სუნი მეტათ მიამებოდა.

– „მართალია, თვალის კილოებიდგან, ცხვირიდგან და ყელიდგან ჩირქი შემწყდა, მაგრამ თვალები და ყელი კიდეც მტკივა.“<sup>1</sup>

– „იმედი მაქვს, ეგენიც გავაქრო. ახლა თქვენი სახისათვის აღარ ვიშიშვი.“ ამაზედ ჩემი სიხარულის ბედნიერება წარმოიდგინეთ, რას ვიგრძნობდი!

მასუკან მერკურის აბები დამიწერა და დამინიშნა, დღეში რამთენი მიეყლაპა. სხვა ფარეზი ისევ ისე უნდა აღმესრულებინა, სასფარელიც ისევ ისე უნდა მესვა და მეც იმის დარიგებას კარგათ წმინდათ ვასრულებდი, რომელიც ჩემს სიმრთელისთვის ძალიან ცდილობდა დოხტური; დიდი ყურადღება ჰქონდა ჩემზედ და ბევრჯველ დღეში სამჯერაც დამხედავდა ხოლმე.

ზევით რომ გავიგონეთ, ის ჩემი მეგობარი: ავატყოფი სჩერბაჩევი, ის თურმე ძალიან სთხოვდა ჩემთვის დოხტურს;<sup>2</sup> იმის თხოვა ხომ რასაკვირველია, მაგრამ თვითონ დოხტურიც ჩემის სიმრთელისათვის დიდათ ცდილობდა.

ახლა მომაყოლა სულ ამგვარს მერკურის წამლობასა: ხან აბებით, ხან პარაშოკებით და ხან მეკსტურებით. ამთენს და ამისთანა წამლობაში, დოხტური დიახ იშვიათად ერთს დღე დამასვენებდა, მეორე დღეს კიდე უნდა მოვყოლიყავ ამგვარს წამლობასა; იმ გვარს ფარეზს და სასფარელის სმას ხომ რასაკვირველია. ასე გავხში და ასე ჩამოვხში, სახეზე თუ ტანზე, როგორც ჩხირი; ისე რომ ჩემის თავის საცოდაობითა, ჩემს თავს ვიბრალებდი ხოლმე. თავში ბუბუნი და სიმძიმე კი აღარ მქონდა. ღმერთმა მშვიდობა მისცეს კავალსკის, თუ იმ ჩემს ავანტყოფობაში ის არ შამსწრებოდა, დღეს ჩემი სახელის ხსენება აღარ იქნებოდა. ჩემს მოვლას გარდა, ჩემს ოთახში იჯდა, წიგნებს მიკითხავდა, დილას თუ ღამე, რომელმაცა დუმონ დურვილის მოგზაურობა იმთენი ტომები წამიკითხა, სხუა რამთენი წიგნები და ყოველს გაზეთებს ხომ რასაკვირველია მიკითხავდა.<sup>3</sup>

<sup>1</sup> პირველათვე თვალები რომ ამტკივდა, ღამე ანთებული სანთელი მჩხვლეტდა თუალეებში, ამისთვის დოხტურმა მიჩრია, ანთებული სანთელის ასაფარებელი მწვანე წარმა გამეკეთებინა ფეხებიანს ოთხს ჯოხზედ და ის თვალების მოშორებით სტოლზედ დამედგა. გავაკეთებინე, იმას სტოლზედ ვადგმევინებდი და ის ჩემს თვალებსა შვებას აძლევდა.

<sup>2</sup> ქ. ორენბურლის პოლიცემისტერის ძმა იყო ის.

<sup>3</sup> იქამდისინ მინამ მე გაზაფხულზედ ჩემს მცნობებში დავინყებდი სიარულსა და კარ-



ოკტომბრის თვე გავიდა, ნოემბრის თვე, დეკემბერი და იანვარი, რომ სულ ამისთანა ნამლოზაში ვიყავ, მერე დობტურმა მიჩნია, გოგირდის ვანები ამელო და ამასთან, მერკურის პარაშოკები მესვა, ყოველს ცისმარეს დღესა, რომელიცა მოვყევ, დღე გამოშვებით გოგირდის ვანას ვიღებდი პირველს<sup>1</sup> ლამეს და მერკურის პარაშოკებს ვსვამდი. ამაში ჩემმა თუალების ტკივილმაც გაიარა, მაგრამ ყელი მაინც კიდე მტკიოდა. დღეგამოშვებით ოცდა ათი ვანა, რომ ავიღე, შემდეგ მითხრა დობტურმა.

– „ოცდაათი ვანა კმარა, მომატებულს ნულარ აიღეფთო.“ მაგრამ მერკურის პარაშოკებს მაინც კიდე კი მასმევედა. დობტურს ძალიან უკვირდა, რომ ღრძილები ძალიან არ დამისივდა. თუმცა ღრძილები ძალიან დამისივდა, მაგრამ მომატებულათ კი აღარ, ისიც ბოლოს ვანების დროს დამეკარგა და მგონია იმთენი სასფარელის სმა დიდათ მენეოდა? – მე ამ დროს ეს არ მამაგონდა, რომ დობტურისთვის მეკითხა.

ამაობაში აპრილის თვე დადგა, მეც პატარა კარგათ შევიქენ, ამდროს ჩემ მცნობებმაც დაიწყეს ჩემთან სიარული<sup>2</sup> კაცებმა. მეც იმათ სიამოვნით დავხვდებოდი და იმათ კიდეც ვუამბობდი ჩემს საძაგლობას: ეგება პირში გამლანძლონ, რომ ამით დავისაჯო მეთქი, მაგრამ არავინ არ მლანძლამდა, უფრო მე იმათ ვებრალებოდი. რომელიცა მე კი დიდათ ვგრძნობდი ჩემს შემცოდებობას ჩემს სვინიდიდსთან და დიას ხშირათაც ჩემს სისუსტეს აუვათ ვხდიდი ხოლმე.

ჩემ მცნობებმა ჩემთან სიარული რომ დაიწყეს, დობტურმა ნება

---

გათ კითხუას შევიძლებდი, ყოველთვის მიკითხავდა უფროსი ერთს დროებს სულ ის მიკითხავდა, რომელსაცა დიდს ნუგეშსა მცემდა ხოლმე ამისაგან იმ წიგნების და გაზეთების კითხუას. ძალიან კარგათაც კითხულობდა.

<sup>1</sup> კავალსკის ოთხობთხი სალდათი მოჭყყანდა როტიდგან, იმათის მოხმარებით ვანებს ავიღებდი და მეც ფულებს ვაჩუქებდი იმათ.

<sup>2</sup> ზევით სხოლიოში გეხსომებათ, დამოჟნის ნაჩაღნიკი ვენიერი: ჩემი ცოლი და იმის ცოლი ახლო ნათესავები იყვნენ მეთქი და სხუანი. ჩემს იმ ავან[ტ]ყოფობის დროებში ისიც ავათ შეიქნა, რომელიცა ხშირათ ჩემს ამბავს იკითხამდა და მეც ვუთვლიდი, რომლისაგანაც ფულს ვსესხულობდი და ისიც ყოველთვის მიგზავნიდა. ის ხმელის ბუასილით ძალიან ავათ იყო; როდისაც ჰაერში სითბილე შევიდა, ისიც კარგათ შეიქნა და მაშინვე ჩემთან მოვიდა სანახავათ. რასაკვირველია ორთავ ძალიან გვიამა ერთმანეთის ნახვა, მასუკან მოვყევ და ყველა ჩემი აქმბავი ვუანბე, რომელიც დიდათ შენუხდა და მითხრა: ეხლახომ გამოსცადე ეგ სენი, ახლაკი ამას იქით გაფრთხილდიო.

მამცა, ზალაში გამეარა რამთენჯერმე და ისევ ჩქარა სანოლში შემოვსულიყავ, რომელიცა ექვსი თვე ვიყავი იმ ჩემს სანოლში დამწყვედული და რომელმაც ამდროს კარგის ხორციტ, სუფის ქამის ნებაც მამცა და კარგის ჟარკოსაც, ასე ამ ქცევით ჰაერს შევეჩვიე და მაისის დამდეგს, კარგს დღეში ნებაც მამცა ცოტაოდენი ხანი კარზედაც გამეველო, მაგრამ რადგან კიდეც ცოტაოდნათ ყელი მტკიოდა, სუბუქ მერკურის პარაშოკებს მაინც კიდეც მასმევდა, მაგრამ მაინც ის ჩემი ცოტაოდენი ყელის ტკივილი არ დამეკარგა. კიდეც მქონდა. თუმცა ისე ძალიან არა, სუბუქათ კი.

თუმცა ყელი კიდეც კი მტკიოდა ცოტათ, მაგრამ სახეზედ და ტანზედ ჩემებურად ჩქარა მოგკეთდი, ისე რომ დობტურმა ნებაც მამცა ჩემს მცნობებში მეველო და ყველაფერიც მეჭამა, თვინიერ მუჟავისა და მლაშეებისა.

ყველგან წაველ, ვნახე ჩემი მცნობები, ყველას იამათ ჩემი ნახა; თუმცა ყველას შეეტყო რითაც ვიყავ ავათ, მაგრამ ზდილობის გამო ყველანი მკითხამდნენ: რით ვიყავ ავათ? – მითამ ჩვენ არავიცითრაო. რასაკვირველია მეც მიკიბულმოკიბულს რაღაებსაც ვეტყოდი, რომელთაცა ყველამ მთხოვეს, ქალთა და კაცებმა, კიდეც კვლავინდებურათ, მე იმათში მეველო და დავიდოდი კიდეც. მაგრამ ცოტა ყელის ტკივილი მაინც კიდეც დამრჩა და მუდამ მტკიოდა.

დობტურმა ნახა, ჩემმა ყელის ტკივილმა რომ არ გაიარა, სულემას კაპლი (წვეთი.) დამინერა, ამასთან ერთი ბუთლიცა მადერა მამატანინა და ახლა იმ სულემას ასე მამაყოლა: პირველს დღესა ხის კოვზში მადერა დამასხმევიანა, პატარას მინით ის სულემა შიგ ერთი წვეთი თვითონ ჩაანწვეთა, მერე წმინდა ჩხირით მოურია, მითხრა: დალიეო. მეც დავლიე. შემდგომ დამარია.

– „ახლა ხვალ კიდეც ამდროს<sup>1</sup>, ორი წვეთი დალიეთო, ზეგ სამიო, მაზეგ ოთხიო; ასე რომ თორმეტამდინ ახვიდეთ და შემდგომ კიდეც ერთზედ ჩამოხვიდეთო. მაგრამ ვინიცობა არის, თუ ძალიან გულის რევამ დაგინყოსთ, იქ იმთენზედ გააჩერეთ, ამის მეორეს დღეს ისევ უკან ჩამოდით და თვითო წვეთი დააკელით. ასე რომ გული უნდა გერეოდეთ რამდენიმე ხანი, მაგრამ პირიდგან კი არ უნდა ამოგივიდეთო.“

რაც მირჩია, შევუდექი, მაგრამ ცხრა წვეთის ზევით ველარ ავე-

<sup>1</sup> დილის მეთერთმეტე საათი იქნებოდა.

დი, გული ძალიან მერეოდა და მასუკან უკანვე ერთამდისინ მოვიდოდი. როდისაც ერთი ასვლაჩამოსვლა გავათავე, დოხტურმა სამი დღე დამასვენა და მერე კიდევ ისე მამაყოლა, ამიტომ რომ ყელის ტკივილმა არ გამიარა, ამისთვის დოხტურმა მიჩნია, სერგეევსკის გოგირდის წყალზე წავსულიყავ საბანებლათ. წამლობისთვის დროც კარგი იყო, ზაფხული.<sup>1</sup> მეც მაშინვე ვთხოვე მთავრობასა და საჩქაროთ წაველ, სადაც მთელი ზაფხული დავყავ 1838-ის წლისა, რომელიცა 31-ს გოგირდის წყალის სითბოს გრადუსში ვზანაობდი, ანუ ვანას ავიღებდი და თან იმ სულემას ვსომდი მადერითა. ბოლოს სექტენბრის თვის დამდეგს, ჩემმა ყელის ტკივილმა გამიარა, მაშინ მე სრულად კარგათაც შევიქენ და გამხიარულებული წამოველ იქიდგან ორენბურდისაკენ. *ეს ხომ ასე, მაგრამ თერთმეტი თვე მერკურს და სულემას რომ ვსვამდი, ამისთვის უსიტყოდ გამიშვებთ და აუგს არას იტყვიტ ჩემზედ? – თქვით და ღირსიცა ვარ.*

ასე შეშინებული ვიყავ იმ სენითა ორენბურდში, რომ ის სექტენბრის თვე კარგათ დადგრომილათ გავატარე და ოკტომბრის თვეც, სადაც ჩემს მცნობებში უცხოთ სიამოვნით ვატარებდი დროსა. ამ დროს ამ ოკტომბრის თვის გასულს, პეტერბურლიდგან პრიკაზი მოვიდა, (ბძანება.) საიდგანაც მე კავკაზიის ლინიაზედ გადავეყვანეთ ერთს ლინეინის ბატალიონში დიდს ყაბართოს.

მე ამდროს კიდევ ფული დავესესხე დამოჟნის ნაჩალნიკს ვენერის, იმან კიდევ გულუხობით ხელი გამიმართა; შემდგომ მომზადებისა, ყველას ჩემს მცნობებს გულმტკივნეულად გამოვესალმე, ამიტომ რომ იმათი კეთილი გული მე სახსომრად თან გამამყვა. ჩემს კავალსკის ხომ რასაკვირველია უფრო გულისტკივილითა, მასუკან ჩემს დენშიკს და იმის ცოლს ფულები ვაჩუქე, იმათ ის ფული ტირილით მიიღეს, ტირილით გამამეთხოვნენ და მერეთ სადილათ სჩერბაჩევთან მიველ, სადაც სამნი ვისხედით სტოლზედ, იმის მშვნიერი ცოლი, თვით სჩერბაჩევი და მე, რომლებმაცა მინამ სადილი გავათავეთ, ოთხი ცხენით შებმული ტარანტასი<sup>2</sup> მამიტანა ჩემმა

<sup>1</sup> სერგეევსკის გოგირდის წყალი ორენბურდზე არის 400-ი ვერსი; ის წყალი იყო ცივი, რომელსაცა ათბობდნენ და ვისაც რამთენი გრადუსი სითბო მოუხდებოდა, იმთენს სითბოს აიღებდა ვანნით, სადაც კარგი საზოგადოება დადიოდა და მუზიკით დროს ატარებდნენ დიდ ზალამი.

<sup>2</sup> კარგი ტარანტასი იყო, ჩემის იმ გზისთვის იქ ორენბურდში ვიყიდე 400-ს რუბლ ასიგნაციათ.

ბიჭმა სარქისამ ბარც ჩაწყობილი.

სადილი და ყავა რომ გავათავებთ, სჩერბაჩევის ცოლმა პატარა ღვთისმშობლის ხატიც დამლოცა, იყო ვერცხლ გადაკრული ოქროთ დაფერილი და უბეში თავის ხელით ჩამიდვა; სჩერბაჩევმაც პატარა დასაბეჭდი მამცა, რაზედაც იყო გამოსახული ანუ ამოჭრილი: სარწმუნოება ჯვარი, სიყვარული ცეცხლი და იმედი ღუზა. (ესენი ახლაცა მაქვს იმათ სახსოვრათ და მოსაგონათ.) მე ამგვარი არაფრისთანა არა მქონდარა, მხოლოდ ეს რომ რაც სახლის მეზობელი მქონდა, მეც ის მათ ვუთავაზე იმ რამდენი დღის წინათ; თუმცა მაგთენი კარგი არ იყო, მაგრამ მაინც ჩემს სახსოვრათ ექნებოდათ. მერეთ გამოსალმების დროს, სჩერბაჩევის ცოლის მუცელზედ ხელი შევახე ამ სიტყვით.

– „ოლგა ანტონოვნა, რომელიც ყმანვილი ახლა აქა გყავთ თქვენ, ქალი იქნება თუ ვაჟი ჩემი ნათლულია.“ ახლათ ორსულათ იყო<sup>1</sup>. იმ ცოლქმართაც ასე დამიმტკიცეს. მერე მე იმათ გამოვესალმე, სამთავ ცრემლები გადმოვყარეთ და განვშორდი იმათ, სადაც ორენბურღში ორი ძალიანი ბეჭედი დამესო მე: სიმნარისა და სიამოვნისა. სიმნარისა იმით, რომ მე ისე ავათ გავხდი და სიამოვნისა იმითი, რომ ისე კარგათ სიამოვნით ვიყავ მიღებული იქაური ზოგიერთის პირველის სახლებისგან. პირველი ჩემი ბრალია, მე ჩემს თავს უნდა დავემდურო და მეორე ბევრი მადლობა იმათ, რომელთაგან ისე კარგათ შეწყნარებული ვიყავ, რომლებიცა მე ნუგეშს დიდსა მცემდნენ. აი ეს ორი რამ წამოვიღე სახსომრათ ორენბურღიდგან.

ორენბურღიდგან გამოვედი მე შუადღის შემდეგ, 2-ს ნოემბერს 1838-ს წელში. მოვიდოდი, მოერეკებოდა ცხენებს ჩქარის ჩანჩალითა იემშიკი; ორი სტანცია რომ გამომარბენინეს, იმ მეორეს სტანციაში დავდეგ იმ ღამესა, სადაც შუალამის შემდგომ თოვლმა მოსვლა დაიწყო, თან დიდი ქარიშხალი ამოვიდა, რომელიცა გრიალებდა ძალზედ. მე იმის ხმაზედ უფრო კარგათ დამეძინა ჩემს ღარიბს ქვეშაგებში, ასე რომ მინამ კარგათ არ გათენდა, არ გამეღვიძა, ჩემს სარქისას ბიჭსა სამოვარზედ ჩაინიკი ჩაით მზათაც ქონდა ზედ დადგმული. მიამა მე იმის დანახუა და სამოვარის შიშინის ხმა. ვკითხე – „სარქის როგორი დღეა? –“

<sup>1</sup> ბოლოს იმის ქმრიდგან წიგნი მამივიდა, მოენერა: ქალი ეყოლა და შენს სახელზედ მოვნათლეთო.

– „საშინელი! თოვლი მოდის და ქარიშხალი მეტათ ურევს.“  
მითხრა.

– „სტაქნით ჩაი მამიტანე და მასუკან რომელმაც იემშიკმა უნდა  
ნაგვიყვანოს, ის აქ მოიყვანე.“

ჩაი მამიტანა, თვითონ კარზედ გავიდა და საჩქაროთ მოიყვანა  
იემშიკი. ვკითხე.

– „როგორი დღეა ჩვენის მგზავრობისთვის? –“

– „ავი დღეა თქვენო ბრწ.[ყინვალება]“ მიპასუხა.

– „რომელმაც იემშიკმა მომიყვანა, უკანვე წავიდა თუ აქვე  
არის?“

– „მარტო როგორ წავა, დაიღუპება უამხანაგოთ, თოვლის ქა-  
რიშხალი დასძალავს.“

– „მაშ ჩუენის წასვლისას რაღას იტყვი? –“

– „თუ ორს ცხენსა და ერთს იემშიკსაც მოუმატებთ ფალეტორ-  
სა, წავალთ, შიში აღარ არის.“

მასუკან სარქისას.

– „სარქის შენ რაღას იტყვი, კოზლაზედ რომ ზიხარ, შეგიძლიან  
ამ თოვლიანს ცივს ქარიშხალს გაუძლო? –“

– „ჩემის სიმრთელითა? – ადვილათ. ნამეტნავად იმისთანა თბი-  
ლი ტყავი ტანზედ მაცვია და ფეხებზედ ამისთანა თბილი ჩექმე-  
ბი.“ გაღიმებით მიპასუხა. უკეთესი მოსამსახურე არ უნდოდა რომ  
ის იყო; აგებულობითაც მრთელი და ღონით ძლიერი, მაგრამ რა  
გაენყობა იმ წყეულებს, ვინც წაახდინა. იყო გულწრფელი ყმანვი-  
ლი კაცი და ამიტომ მოტყუებულყო, რომელიცა ვერაფრის საშუა-  
ლობითა ველარ გამოვიხსენ, მაგრამ იმ მგზავრობაში დიდათ ერთ-  
გულად მემსახურა.

ჩვენს ლაპარაკის შემდგომ, იემშიკს ვუთხარ.

– „მაშ ნულარ დავიყოვნებთ, წავიდეთ და ორი ცხენიც მოუმატე  
თავის ფალეტორით.“ ის მაშინვე წავიდა. მე მეორე ჩაიც რომ დავ-  
ლიე, ამასთანვე ტანისამოსი საჩქაროთ ჩავიცვი და სრულათ წას-  
ასვლელათ მზათაც ვიყავ. სარქისამაც ტარანტასი მამიმზადა, რომ  
რიგიანათ მოვთავსებულყავ, ხან დაჯდომით და ხან წოლით<sup>1</sup>.

<sup>1</sup> მე რომ ქ. ორენბურღს ჩემს დოხტურს ბე... გამოვესალმე, მითხრა: ახალი ნავანტყ-  
ოფი ხართ, ეხლა ამ სიცივეში გზაზედ რომ მიდიხართ, დიდი გაფთხილება გინდათ,  
არ გაცივდეთ, ამისთვის თბილათ უნდა იყვნეთ და კარგი სათბუნელი გქონდეთო

ჩემი დიდი მგლის ტყავის თულუფი რომ წამოვიხსნი, თავზედ თბილი ქუდი დავიხურე, დიდრონი თბილი ჩექმები ფეხებზედ ჩავიცვი, სახლის პატრონს და იმის ცოლს უთხარ მშვიდობით, კარზედ გამოვედი, სადაც ქარიშხალი გრიალებდა თოვლის არეულ-დარეულობითა, რომელიცა ჩემი ტარანტასი ოთახსავით იყო ტყავით გაკეთებული; მივედი, შიგ ჩავჯექ, ასე მეგონა: ოთახიამეთქი და სარქისაც კოზლაზედ რომ დაჯდა, იემშიკმა დაიძახა: პაშოლ. და გავედით ქუჩაში.

სოფლის ქუჩა ცოტათ გააჩანჩალეს, მინდორში გავიდნენ, აქ ცხენები მოხსნეს და ტარანტასი გააქანეს, ტარანტასის ფანჯარაში გავიხედე, ქარიშხალი ხვეტდა თოვლსა და ჰაერში იმის კორიანტელი ადიოდა<sup>1</sup>. მეც კარგათ თულუფში გახვეული თბილად ვიყავ, რომელმაცა იმ ჰაერის აღრეულობის გრიალმა მოიტაცა ჩემი გონება და ბალიშზე მივესვენე, სადაც ჩემს მშობელს მამულს მიველ და სადაც კიდევ დავტკებოდი ჩემს თავისიანებში. ბოლოს ამ ამაოების ფიქრიდგან, სხუადასხუა ფიქრები წარმამიდგენ და შემდეგ კიდევ დამეძინა.

მაგთენი ხანი არ გამოვიდა, ჩემმა ბიჭმა გამალვია: სტანციაში მოვედითო. ჩემი უბის საათი ამოვიღე, ვნახე, ჯერ შუადღე არ იყო შესრულებული და არც ჩემი სადილის დრო იყო. ვუთხარ: სარქის, საჩქაროთ ტარანტასში ცხენები შეაბმევიწიე, წავიდეთ, მაგრამ შენ ხომ კარგათ იყავ ამ ცივს ქარიშხალში? – კარგათ, ძალიან კარგათა ვარო. მერეთ ტარანტასი შეაბეს და ისევ ისე ჩქარა გავწიეთ, ის ქარიშხალი კიდევ ისე ქროდა იმისთანა აღრეულების კორიანტელით.

ამის მეორეს სტანციაში, რომ მივედით, გადავხტი, წამოლებული ჩემი სადილი რაცა მქონდა, ვჭამე, შემდგომ გამოვწიეთ და წამოვედით კიდევ ისე ჩქარა. საღამომდინ ასე ვიარეთ და ღამე ერთს სტანციაში დავდეგით, სადაც იმ ღამეს კარგათ განვისვენე; ამასთან ქარიც ჩავარდა და ჰაერიც დაგვიმშვიდდა, მაგრამ ყინვა სიცივე კი იყო.

ასე ამ ყოფით მოვიდოდი გზასა, ღამე არ ვივლიდი, დავდგებოდი და მეორე დილაზედ ისევ შეეუდგებოდი გზასა, მაგრამ ახლა უფრო

---

ტანზედ. რასაკვირველია კარგათ თბილათაც მივიდოდი.

<sup>1</sup> მთელს ორენბურღის დიდ ფოშქის გზებზედ, აქეთ და იქით გზის ნაპირებზედ მაღალი მარგილები იყო ჩასხმული ხეები მიწაში, ერთი ერთმანეთზედ ორმოცზე თუ მეტნკლებს ნაბიჯებზე, რომ იმისთანა არეულობაში მგზავრსა გზა არ დაეკარგა და არ დაღუპილიყო.

ზომიერი ცხენების ჩანჩალითა მოვიდოდი, სადაც ზოგიერთ სტანი-  
ცაში ორი ლამეც დავდგებოდი დასასვენად და სარატოვის ქალაქში  
ხომ სამი დღეც დავრჩი, ამიტომ რომ იქაური ლუბერნატორი ბი-  
ბიკოვი ადრე კალუგაში ლუბერნატორათ ყოფილიყო, სადაც დედა  
ჩემი გაგზავნილი იყო ჩემის ორის ძმებით იმ ჩუენი საქართველოს  
შეთქმის გამო, რომელიცა თურმე დიდ პატივსა სცემდა დედა ჩემ-  
სა ბიბიკოვი და იმისი ცოლი (აპოსტოლ მურავიოვი რომ დაახრჩეს  
იმის და იყო.) ეკატერინა ივანოვნა ხომ კიდევ უფრო მომატებით.  
ბოლოს ის ბიბიკოვი კალუგიდგან სარატოვში გადაყვანათ, მე ეს  
ადრე ვიცოდი; წაველ და მეც ამით პატივისცემა დავანახვე იმათ,  
ბატონოვილი დედი ჩემის მაგიერი; იმათ დიახ სიამოვნით მიმიღეს  
და მთხოვეს რამეთენიმე დღე დავრჩენილიყავ იქ იმათის გულისათ-  
ვის, რომლებთანაც სულ იმათთან ვიყავ ყოველს დღესა, მხოლოდ  
დასაძინათ გოსტინიცაში მოვიდოდი ლამე.

*აი ამიტომ დავრჩი სამი დღე იქ, მაგრამ ის ქალი ხომ გახსოვთ,  
სარატოვში ადრე ჩემთან რომ იყო? ის ბევრი ვაძებნინე, მაგრამ  
ვეღარ ვიპოვე და ამისათვის უმანკოთა წამოვედი იქიდგან ღვთის  
სასიამოვნოდ.*

ასე, ამ ზომიერის სიარულით „8-ს“ დეკემბერს ქ. სტავროპოლს  
მოველ შუა დღის დროს და გოსტინიცაში გადავხტი, მაგრამ იმ  
დღის დილაზედ გავცივდი, სიცხე მამცა და ისე ავანტყოფი მოველ;  
გოსტინიცის გამგეს მაშინვე დოხტური მოვაყვანინე, იმან წამალი  
დამიწერა და მეორე დღეს კარგათ ვიყავ, მაგრამ ძალიანი სისუს-  
ტე შემეყვა, მე ამისთვის დოხტურს ვთხოვე, ჩემი ავანტყოფობისა  
მთავრობისთვის ეცნობებინა, რომ მინამ მოვლონიერებულიყავ,  
რამდენიმე დღე ნება მოეცათ სახლში ვყოფილიყავ. გამირიგა და  
დავრჩი სახლში.

ბოლო დროს ერთ კვირას უკან ლინეინის ბატალიონის აფიცრის  
ტანისამოსი ჩავიცვი, ჯერ კამენდატთან გამოვცხადდი და შემდ-  
გომ ნაჩაღნიკუტაბ ტრე... რომელთანაც ორენბურღის ნაჩაღნიკ-  
შტაბის რაკ... წიგნი მქონდა ჩემი რეკომენდიისა; გამოცხადების  
შემდეგ, ის წიგნი რომ მივართვი, გახსნა და წაიკითხა.

– „კარგი, უთუოთ თქვენზედ ყურადღება მექნება. მითხარით,  
ხომ არა გნებავთრა? –“

– „შეუძლოთა ვარ, ღვიძლის ტკივილი მაქვს, დამავალებთ, თუ

ნებას მამცემთ რამთენიმე ხანი აქ ვიყო და ვინამლო<sup>1</sup>“ გულმოდგინეობით მივუგე.

– „დიახ კარგი იქნება. მე კამენდატს ვუბძანებ, რამთენი ხანიც გინდათ, აქ იყავით.“ მე მადლობით წამოვედი.

გოსტინიცაში ჩემი დგომა არ იქნებოდა მეტი სიძვირისაგამო, ამიტომ ერთი რიგიანი ხნიანი ქვრივი დედაკაცის სახლში დავდეგ ქირით და სამი თვე იმის სახლში ვიდეგ, რომლებშიაც სხუებიც იდგნენ ქირით სხუადასხუას ოთახებში. იმ ოთახებს დავხატავ ვინ სად იდგა, რომელსაცა უფრო კარგათ დავინახამთ საქმეს.

ამ სახლში, რომელს ოთახში ვიდექი მე, ანუ რომელი ვინ სადა, ცხადათა ჩანს; ახლა ამას თავი დავანებოთ და ის ავწეროთ, რაც მე შემეხება.

აქ, თუმცა დობტური დადიოდა ჩემთან, სუბუქ სასმელ წამალსაც მაძლევდა ჩემი ღვიძლის ტკივილისა გამო, მაგრამ მაგთენი არა მიყორა, კიდევეკი ცოტათ მტკიოდა და ძალიან სევდიანათ ვიყავი, ზედატანებით ჩემმა ბიჭმა სარქისამ თავისებურათ ლოთობა დაიწყო და მაგთენი ყურს აღარ მიგდებდა, რომელმაცა ამან უფრო გამიცხოველა სევდა.

ერთს საღამოზე ჩაის შემდგომ, ჩემს სახლის პატრონთან შევედი, იქ ერთი აფიცერი იჯდა ყმანვილი კაცი. ჩვენი თავის დაკვრის შემდეგ და ჩვენი კრესლაზე დაჯდომისა, მაშინვე ჩემს სახლის პატრონს შევჩვილე.

– „არ ვიცი რა ვქნა, ის ჩემი ბიჭი სარქისა მეტათ ლოთობს და ყურს თითქმის აღარ მიგდებს.“

– „კნიაზო, გუშინ წინაც გითხარით და ეხლაც გეტყვით, ერთი საშუალობა გაქვთ, სხუა არაფერი, უნდა ქ. ტფილისში გაისტუმროთ და მაგის მაგიერი სხუა დაიბაროთ.“ მითხრა.

– „კარგი და ვის გავატანო? –“ ამ სიტყვაზე იმ აფიცარს მიუბრუნდა.

– „არ შეიძლება თქვენ წაიყვანოთ? –“

– „დიდის კმაყოფილებით.“ უპასუხა, მასუკან მე სიამოვნით მივატანე.

---

<sup>1</sup> იმ ჩემი ცუდი სნეულობის ადრე, ის მარჯვენა ფერდის სიმაგრე და ტკივილი რომ მქონდა, თურმე ის ჩემი ღვიძლის ტკივილი ყოფილიყო იმის შემდგომ, მაინც სუბუქათ დამრჩა ღვიძლის ტკივილი.





- „როდის აპირებთ წასვლას? –“
- „ხვალ დილით.“
- მაშ არ შეიძლება, რომ ეხლავ თან წაიყვანოთ? –“
- „ძალიან კარგი იქნებაო. მხოლოდ საგზაო ფული მამეცით იმისთვის.“

მოლაპარაკების შემდგომ, ორმოცდა ათი რუბლი ასიგნაცია მივეცი, მერე იქვე ბატონიშვილს დედას წიგნი მივწერე და სხუათა შორის სარქისას მაგიერი ბიჭი ვთხოვე გამოეგზავნათ. ის წიგნი იქვე დავებქდე და ჩემის ხელით მივე ადრეს წარწერილი დედა ჩემთან. ამის შემდეგ კარიდორში გამოვედი და სარქისას დავუძახე შემოსულიყო. ის რიგიანათ მთვრალი შემოვიდა, მეც მკაცრათ ვუთხარ.

– „ეხლავ შენის ბარგით, ამ მართებულს აფიცარს იახელ და ხვალ საქართველოში ერთად წახვალთ.“ ის ამაზედ ძალიან დაღონდა, მაგრამ მაშინვე ის აფიცარი ფეხზე წამოდგა, ჩვენ გამოგვესალმა და კარიდორში გაიყვანა სარქისა გაჯავრებულის სახით; მეც თან გამოვეყევი. იქ მრისხანეთ უთხრა.

– „აბა შენი ბარგი? –“ იმის მაგიერათ მე ვაჩვენე. მაშინვე აანეცინა და თან გაიყოლა, ჩემკენ ამ სიტყვით: პრასჩაიტი კნიაზ. ისინი რომ წავიდნენ, მე სახლის პატრონთან შევედი, სკამზედ დავჯექ, ვუთხარ.

– „ჩემი მოსამსახურისა წასვლა დიახ კარგი, მაგრამ ამას იქით ვილა მემსახუროს? –“

– „ჩემი მუახლეო<sup>1</sup>. უცხო დედაკაცი არის.“

– „თქვენ რაღასა იქთ? –“

– „ჩემი მეორე მუახლე მყავს, დომნა, ის მემსახურება, კარგი მუახლეც არის.“

– „საჭმელი მე ვილამ გამიკეთოს? –“

– „ჩემმა პოვარმაო“ (მზარეულმა.)

გაიმართა ჩემი საქმე.

ამის მეორე დილაზე, ჩემთან მოჩენილი ის მოახლე შემოვიდა, ჩექმები შემამიტანა და მაშინვე შეუკდიმათ გულის სინრფელით მითხრა.

– „თქვენო ბრწ.[ყინვალეზავ] იქით იმ ოთახში, ერთი ლამაზი ქვრივი დედაკაცი დგას, იმან მოგიკითხათ.“

<sup>1</sup> ამის ქალბატონსა ავდოთი ფეოდოროვნა ერქუა და მუახლეს მარფა.

- „ვმადლობ. მაგრამ მე ის არ მინახამს და ან ვინ არის ის? –“
  - „კარგი კაცი იყო მაგისი ქმარი.“
  - „აქვს რამე საცხოვრებელი? –“
  - „მაგთენი არა, მაგრამ მაინც დარჩა ქმრისა; თავის ხელსაქმეც ეწევა და ცხოვრებს უჭირველად.“
  - „როგორი მქცევის დედაკაცია? –“
  - „პატიოსანი.“
  - „მამ მე მოკითხუას რათ მითვლის? –“
  - „თქვენ ძალიან მოსწონხართ, თქვენი გაცნობა სურს.“
  - „სად ვუნახივარ მე იმას? –“
  - „ბალკონზე რომ მომავალებულხართ, ფანჯრიდგან დაუნახ-ვიხართ.“
  - „მამ შეიძლება, ვიზიტი გავუკეთო, ვნახო?“
  - „ნავალ, დავეკითხები, რას მეტყვის? –“
- მცირე ხანი რომ გამოვიდა, მოვიდა და მითხრა: ამ ერთს საათზე მობძანდითო.

მოვემზადე და დანიშნულს დროზე შაველ.

ვნახე, რა ვნახე, ჩემი კატინა! თუ რუსულად არა სცმოდა, ანუ თავი რუსულათ გაკეთებული არა ჰქონოდა და ან რუსულად არ დამლაპარაკებოდა, უთუოთ ჩემი ეკატერინე მეგონებოდა. ბოლოს მე და ის შევეჩვიეთ ერთმანეთსა. ბევრჯელ იმ დედაკაცს თუ ქვრივს ქალსა ჩემს ოთახში შემოვიყვანდი, ჩემს კრაოტზე ჩემს მახლობლად დავსომდი, მე ბალიშზე წამოწოლილი ორი თუ სამი საათი იმას ვუყურებდი სხუადასხვის ალერსის ლაპარაკით, მითამ ჩემს ეკატერინეს ვესაუბრებოდი. ეს თვითონ იმანაც იცოდა და ეკატერინესთანა მშვიდობის მყოფელიც იყო ის ქვრივი, რომელსაცა ამ ჩემმა შექცევამ იმასთან, ჩემი სევდა გამიქარვა და კარგათაც შევიქენ, მაგრამ ახალწელიწადის წინა ღამეს, რაც მე მოუსვენებლობა გამოვიარე, *მე ის მოუსვენებლობა იშვიათად დამმართვია*. ახლა ის ანბავი გავიგონოთ.

ახალ წელიწადი მომავალი იყო 1839-ის წელიწადისა, ამის წინა დღის დილაზედ, ის ქვრივი ელი... ჩემთან შემოვიდა, ერთათ ჩემთან ჩაი დალია და ბოლოს ჩუენი საუბრობისა, მითხრა.

– „ამალამ ორი ქალი მოვა ჩემთან, ახალ წელიწადს ერთად მივეგებებით და ამალამაც ჩემთან იქნებიან; მე თქვენთან ამალამ რომ

ველარ შემოვიდე, ხომ არ გენყინებათ? –“

– „არა რათ მენყინება, შეექეცი, მაგრამ ვინ არიან? –“

– „რიგიანი პატივცემული ქალები, რომლებსაცა ორთავ იმათ ქმრები ეხლა ვაჭრობაზედ სხუაგანა ჰყავთ.“

პატარახან კიდევ იყო ჩემთან და მასუკან გავიდა.

ახალწელიწადის წინა ღამეს დავრჩი მარტო, იმ ღამეს ვინ იყო ჩემი ნუგეში? – ღმერთი!

სალამოზედ ჩაი რომ დავლიე, დიახ კარგის პურით შევექეცი და მერე მუახლეს ვუთხარ, აელო, გაეტანა. ამასთან ესეც: ამაღამ შენ ჩემთან ნულარ შემოხუალ, მე ვახშამს აღარა ვჭამ, ისიც ჩაის იარალით გავიდა.

ის რომ გავიდა, პატარახანს უკან ჩემს სახლის პატრონს სტუმრები მოუვიდა, აქ ჩემს გვერდით ორი ჩინოვნიკები რომ იდგნენ, ისინიც წვრილწვრილად შექცევასა მოჰყვნენ, რომელსაცა ასე მეგონა, შუალამე რომ შესრულდებოდა და ახალწელიწადს ერთმანეთს მიულოცამდნენ, შემდეგ დაიშლებოდნენ, წავიდოდნენ: მეც იქამდისინ მოვითმენ, წავლენ და მაშინ დავიძინებმეთქი. მაგრამ იმ ჩემს სახლის პატრონთან და იმ ჩინოვნიკებთანაც შუალამის ერთმანეთის მილოცვა ახალწელიწადისა, იყო ყიჟინით „ურა“ რამთენჯერმე და მასუკან სიმღერები. ვთქვი: კარიდორში გავალ და იმ ქვრივის სახლის კარებთან მივალ, ვნახამ, იქაც ეს ყოფაა თუ არა? – მივედი, ვნახე, მაგრამ ასეთი მშვიდობიანობა იყო, რომ იმ ოთახიდგან იმათი ლაპარაკი ძლივს ისმოდა, რომელიცა მაშინვე გამოვტრიალდი და ჩემს ოთახში შამოვედი.

აბა ეხლა დაიწყო იმათი შექცევა, – შექცევა თამაშობით ყიჟინითა და ფეხების ცემით ტრიპაკათი; თანაც ყიზლალურს ღვინოს სომდნენ ერთმანეთის სადღეგრძელოს, თავის ურას ძახილით.

ამ ამბავში პატარახანს უკან, სომხის სახლის ბალკონზედ გამოვიდნენ ჭიანურებით რუსულისა სიმღერით, ეტყობოდა იქაც სტუმრობა ყოფილიყო, სადაც ჭიანურების დაკვრით მაღალი ხმის სიმღერებსა მოჰყვნენ, თავის ურა ყიჟინითა, თავის სადღეგრძელოებით. იმ ღამესაც იმისთანა სიცივე არ ეტყობოდა კარზედ, იმას მარიდებოდნენ, ანუ თუ ტვინი გაცხელებული ჰქონდათ სასმელებისაგან და სიცივეს არ დასდევდნენ; მე რომ ჩემს თბილს ოთახში ვიყავ, მე არ ვიცი რომელი უნდა ყოფილიყო, კარგი ღამე

თუ ტვინის გახურება? – მგონია კი ორივე უნდა ყოფილიყო, სუბუქი სიცივე და ტვინის გახურება, ამიტომ რომ ამ დროს ერთი ხროვა ძაღლები გაჩნდა, სწორედ ჩემს ფანჯარასთან ძირს ქუჩაში და იმათგან ასეთი ღმუილი შეიქნა, რომ იმათმა ღმუილმა ჰაერი მოი-ცო. ეტყობოდათ, ძუკნა ძაღლს დასდევდნენ და მგონია იმ ბალ-კონზედ ფიანურების ხმაურობა რომ გაიგონეს, იმათაც ის ღმუილი დამართეს, რომელიცა ჩავვარდი ოთხსავე კუთხივ ამ მხეცურს ყიჟი-ნაში: ერთის მხრით ქუჩაში იმ ხროვა ძაღლების ღმუილი, მეორეს მხრით სომხის ბალკონზედ ის ყოფა, მესამეს მხრით იმ ჩემი სახლის პატრონის სახლში ის ამბავი და მეოთხეს მხარეს იმ ჩინოვნიკების მაღალი დახილი სიმღერებით.

ამას ასე ადვილის სიტყვით ვამბობ, თორემ ერთიანი ის ხმი-ანობა რაღაც გაგიჟებული მხეცური ხმები გამოდიოდა იმათ-გან. რა უნდა მექნა, ხან მწარეს სიცილით ვიცინოდი, ხან ოთახში კუთხიდგან კუთხამდისინ ჩქარა დავიდოდი, ხან ქვეშაგებზე დავ-ეგდებოდი და ხან ღმერთს ვევედრებოდი, ჩემს ოთახში არ შამოც-ვივნილიყვნენ. ამ ამბავში ერთი მთელი დიდი ქონის სანთელი სულ დაინო, რომ ისინი კიდეც ამ ყოფაში იყვნენ და ხროვა ძაღლი იმ თა-ვის მამაპაპების სიმღერაში. ბევრჯველ იმ ჩინოვნიკებმა კაცები გაუსიეს ძაღლებს, გაარეკინეს, მაგრამ მაინც იქვე მოვიდოდნენ და იქვე ჰქონდათ ყრილობა. ბოლოს რომ არა ეშველათ რა და იმ ადგ-ილს ვერ მოაშორეს ის ხროვა, ხელი აიღეს, აღარ გაუსიეს კაცები და ასე თქუეს: ეშმაკებმა წაიღოს, დაე იღმუონო. იმათი ლაპარაკი სულ კარგათ მესმოდა და არც იმისთანა ლაპარაკი ჰქონდათ კარგი რამე, თორემ აქ დავწერდი.

აქამდისინ კიდეც ანთებული სანთელი მქონდა და იმის სინათ-ლეს ამხანაგათ ვუყურებდი, ისიც რომ ჩაინვა, ახლა სრულად ბნელაში დავრჩი, სტავნებ დაკეტილს ოთახში, რომელსაცა ჩემი თავი ბუ<sup>1</sup> მეგონა. ჯერ ვიფიქრე: მოდი ქვეშაგებში დავწვები, ეგება დამეძინოს, მაგრამ ჩემისთანა ფხიზელს კაცსა ამ ამბავში როგორ დაეძინებამეთქი. ამისთვის დავრჩი ქვეშეგებზედ ისე ტანთ გაუხ-დელი, რომელიცა ხან ქვეშეგებზედ წამოვჯდებოდი სხუა და სხუა ფიქრებითა და ხან ბალიშზე მივწვებოდი. იმ ოთახშიკი სიარული აღარ შეიძლებოდა, ასე მწყვდიადად ბნელოდა.

---

<sup>1</sup> ფრინველი ღამისა.

გაგძელდა ის ამბავი, ველარც საათი ინახებოდა იმ ბნელაში, შემეტყო, რამთენი საათი იყო და ვიყავ კარგახანი იმ ამბის მოზღუდვილებაში. ბოლო დროს მამალმა დაიყვილა, მამა და კიდეც დაიყვილა, უფრო მამა, მაგრამ ის ამბავი, ჩემს გარეშემო რომ იყო, ეს ჩემი სიამოვნე ჩემს გულს რას შვებას მისცემდა. ასე, ამ ყოფაში გავატარე ტანჯვით ის ღამე, ბოლოს ჩემთვის ძლივს გარიჟრაჟდა; ვმადლობ ღმერთსა ის ამბებიც სულ დანყნარდა და ნავიდნენ ნამოვიდნენ თავთავისათ ყველანი.

პატარახანს უკან, ის ქვრივი ელი... შემოვიდა ჩემთან, დაბლის ხმით მომილოცა ახალი ნელინადი და შემდეგ.

– „არ გეძინათ კნიაზო?“

– „არა, არა მეთქი.“

– „ის მხეცები.“ გაჯავრებითა თქუა.

– „მერე შენ და შენმა სტუმრებმა როგორღა გაატარეთ დრო?“

მე ვკითხე.

– „ამ ყვირილში, ამ ამბავში საძაგლად.“

– „შენი სტუმრები აქვე არიან, შენთან? –“

– „ეხლა ეს არის ჩაი დალიეს, ნავიდნენ. კნიაზო, ჩაი მზათა მაქვს, წამოდით ჩემთან.“ ნავედით.

იქ თავის ოთახში, ლამაზ ქვეშაგებზე დამსვა, პატარა სტოლი მაიტანა, ნინ დამიდგა, ცხელი ჩაიც სტაქნით და სუხრები რამთენიმე. მეც კარგის გემოვნებით დავლიე იმ კარგის სუხრებითა.

ამ ყოფით მე სტავრაპოლში დავრჩი მარტის გასვლამდისინ<sup>1</sup>; ქ. ტფილისიდგან მოსამსახურეც რომ მამივიდა, მოვემზადე ჩემს ბატალიონში წამოვსულიყავ. იმ ქვრივმა ელი. . . ბევრი იტირა, მეხვეწებოდა, ისიც თან წამამეყვანა, მაგრამ ეს რომ შეუძლებელი იყო, ამიტომ უნდა განვშორებოდი და უთუოთ წამოვსულიყავ. მადლო-

<sup>1</sup> მარტის დამდეგს ორი ქართველი აფიცრები მოვიდნენ იქ სტავრაპოლში, გიორგი მელუნეთხუცესისშვილი და მეორე დიმიტრი ბადრიძე, რომლებსაცა იქ რეკრუტები უნდა მიეღოთ და ცალცალკე საქართველოში მოეყვანათ. ჩემი იქ ყოფნა იმათ რომ შეეტყოთ, მაშინვე მნახეს და რასაკვირველია დიდათ მამა იმათი ნახვა, იმათაც ჩემი. კარგი ჭეშმარიტი ქართველებიც იყვნენ ორნიც. ბოლოს ფული შემამაკლდა და გიორგიმ მასესხა კარგი ბაჯალლო ოქროები. დიახ ხშირათ იყვნენ ისინი ჩემთან, რომელსაცა ჩემი ბარათი მივეც გიორგის და იმ ჩემი ვალის ბარათი აქ. ტფილისს ჩემს სახლში რომ მიეტანა, გადაეხადათ. რადგან ყოველი ჩემი ამბავი დანვრილებით არ შეიძლებოდა აღმენერა, ამიტომ მოკლეთ გამორკვევით ვანობ, წამკითხველსა არ მოსწყინდეს.

ბისთვის ფულიც ბევრი შეეძლია, მაგრამ გაჯავრებით წამოავლო, გადაყარა, თან ეს სიტყვა დაატანა.

– „მი სიყვარულს ფულზედ ვერ გავცვლი.“

– „რა ვქნა, ცოლშვილებიანი კაცი ვარ, ვინ რას მეტყვის, საგინებელი შევიქნები და კარზედ ველარ შევიძლებ გამოსვლას. აბა რას მიზამ, ხომ ვერ მამკლავ?“ –

ამაზედ ის დაფიქრდა და მასუკან მითხრა.

– „მართალს ანობ, მაგრამ ეს მაინცა ქენ, რომ შენ ნიგნს ნუ დამაკლებ და შენს ამბავს.“ ამის პირობაკი მივეცი.

თუ გახსოვთ, ზევით რომ ვთქვი: კარგს ქალს არშიყობას ვერ დავუნყებ, ჩუენში სიყვარული არ დაიბადოს მეთქი? – აი, რისაც მეშინოდა, ის გადამხდა. კიდევ კარგი, ის ქვრივი იმისთანა კეთილი ქალი იყო, ისე ჩქარა დამეთანხმა, თორემ თუ იმისთანა თავმოყვარული ქალი შემხვედროდა, ერთს ისტორიას გამიკეთებდა.

ბოლოს სულერთიან მოვემზადე წამოსასვლელათ, იმ ქვრივმა კიდევ ბევრი იტირა, მეც ძალიან შემანუხა, მაგრამ იმის ოთახითგან ჩქარა გამოვედი და ჩემი ტარანტასით გამოვწიე. კოზლაზედაც ჩემი ახალი მოსამსახურე იჯდა თათუა. (სომეხი ეს თათუა რიგიანი და მართებული მოსამსახურე იყო, ყმანვილობითვე ჩვენს სახლში გაზდილი.)

მდინარეს მალკის პირზედ ეკატერინეგრადში რომ მოვედი, იმ ღამეს იქ დავრჩი, იმ ღამესვე ტარანტასისათვის ცხენები თავის იზვოსჩიკით დავიჭირე და მეორეს დილა ადრიან დიდყაბართოს პატარა ციხისაკენ გავწიე მდინარე ჩერექის პირისაკენ, *იყო პატარა ციხე, ამაზე ზევით კიდევ ვილაპარაკე, ერმალოვის პახოტის დროს*. სადაც იმ საღამო ჟამზე მივედი და შემთხვევის გამო ბატალიონის დობტურთან გადავხტი<sup>1</sup>. მაშინვე აფიცრის ფორმის ტანისამოსი ჩავიცვი და ბატალიონის კამანდერს კუშლიანსკისთან გამოვცხადდი, იმან გვერდით თავის მახლობლათ სკამზედ დამსვა და ჩემი ამბავი გამამკითხა, მეც ვუანბე. მერე მონაწილეობის სიტყვით მითხრა.

– „რაც მე შემეხება, შემძლიან თქვენი სასარგებლო ვიყო?“ –

ჯერ მე ამისთვის მაღლობა განვუცხადე, მერე კიდევ.

<sup>1</sup> იმ ჩერექის ამბავი მოიგონეთ, ზევით რომ ვთქვი, 1822-ს წელიწადის ამბავი. მაშინ ის პატარა ციხე ჩვენ გავაკეთეთ.

– „მე ავანტიყოფი კაცი ვარ, ძლიერი ბუასილით ვიტანჯები და მარჯვენა ღვიძლის ტკივილიცა მაქვს, სამსახურში სიარული მე არ შემძლიან, ორენბურღშიაც მე არ მატარებდნენ სამსახურში.“

– „ჩვენი ბატალიონი და ჩვენ ხვალ ვიყრებით, სტავრაპოლში მივალთ ყარაულათ, რომლებმაცა პიატიგორსკში უნდა გავიაროთ და ერთი მომატებული დღე იქ დავრჩეთ, ბატალიონმა დაისვენოს. უკეთესი თქვენთვის ეს იქნება, ჩემს ავანტიყოფს აფიცარს იქ დაგადებთ ლოშპიტალში გოგირდის წყალზედაო.“

– „მადლობელი ვიქნები, დამავალებთმეთქი.“

– „მაშ ეხლავ დოხტურს მონმობა გამოართვით, მამიტანეთ, თქვენი ავანტიყოფობისა.“

მაშინვე გამოვნიე, მოველ და ბატალიონი კამანდირის სიტყვა ვუთხარ დოხტურს, ისიც მაშინვე დაჯდა და ფორმის მონმობა მამცა. ნავუღე და მივუტანე ჩემის რაპორტიოთა. შემდგომ კიდევ თავის მახლობლად დამსვა, ჩაი იმასთან ერთად დავლიეთ და აღარც ვახშმათ გამამიშვა. ის კაცი და მე მახლობელი მცნობები შევიქენით, ბევრიც ვილაპარაკეთ, რიგიანი მართებული კაცი იყო.

ვახშამთ უკან ნამოველ და დოხტურს სულ ვუანბე, ძალიან იამა; შემდეგ მცირე მოლაპარაკებისა, თავთავის კრაოტზე ქვეშეგებში დავენქით და დავიძინეთ, ნამეტნავად მე გულგანსვენებით<sup>1</sup>.

ამის მეორეს დღის გარიჟრაჟზედ მოსამსახურემ სამოვარი შემოიტანა, ჩვენ მაშინვე პირი დავიბანეთ, მერე ტანისამოსს ხელი მიყვავით და საჩქაროთ ჩავიცვით. ამასთან ბარაბანები დაკრეს ღენერალმარში პახოტისა, რომლებიცა ამ დროს ჩვენ ჩაისა ვსვამდით და პატარახანს უკან მზათაც ვიყავით წასასვლელად.

ჩვენ რომ კარზე გამოვედით, ბატალიონი სულ მზათ იყო წასასვლელად, ბატალიონის ადიუტანტი მოვიდა მითხრა.

– „რადგან თქვენ ავანტიყოფი ხართ, ბატალიონის კამანდერმა გთხოვათ, ბატალიონს უკან მოჰყვეთ თქვენი ტარანტასით.“ მეც რასაკვირველია, ავედევე, რომლისგანაც ჩემი ბატალიონის კამანდერის პატივისცემა მე ამ გზებში არ მკლებია.

ბოლოს ეს გზები გავიარეთ და მესამე დღეს, შუადღის შემდეგ პიატიგორსკს პირდაპირ, გამოლმა მდინარის წყალის პირზედ დავ-

<sup>1</sup> მე რომ დოხტურთან მონმობისთვის მოველ და მინამ ის ჩემს მონმობას დასწერდა, მე ჩემს მომყვანს იზვოსჩიკსა მოვურიგდი, კიდევ პიატიგორსკამდისინ ნავეყვანე.



დეგით. (აქ ეს მდინარე მალკა უფრო ნაკლებ მოდის და ეკატირინე-გრაღმი დიდი.)

ბატალიონის კამანდერმა სადილს უკან კარგათ რომ მოისვენა, თავის საკუთარის კალიასკით კამენდატთან წავიდა და იქიდგან ისევე ჩქარა მოვიდა და სიამოვნით მითხრა.

– „მამილოცავს კნიაზო, კამენდატმა ლოშპიტალში მიგიღოთ, მაგრამ ესეც მითხრა: თუ რომ სურსო ქირით სახლი დაიჭიროს და კვარტირაში იცხოვროსო.“ ეს კიდევ უფრო ძალიან მიამა.

მაშინათვე კამანდირმა თავის კალასკაში ჩამისო ამ სიტყვით.

– „ბარემ სახლსაც მე გიქირავებთ პიატიგორსკში, კარგათ რიგინათ დაგაბინავებთ და მასუკან ისე გავიყარნეთ.“ ამთენი კარგი როგორ დამავინყდება ჩემზედ იმათი, ვინც იმთენი კეთილი შემამძღვნეს? . . ჩემი სულის ამოსვლამდინ მეხსომება მე ისინი.

მდინარე წყალი მალკა რომ გავედით, პიატი–გორსკი შევიარეთ და ბულვართან გადავხტით. იქ მიიარმოიარა და დაუყოვნათ იქირავა ჩემთვის სახლი, ერთი გადამდგარის შტაბკაპიტანის სვინტისკისა, რომლებიცა მაშინათვე კალასკაში ჩავსხედით და ის სახლი ვნახეთ. მამენონა, მყუდრო მოშორებული სახლი იყო.

იქიდგან საჩქაროთ ისევე ბატალიონში გამიყვანა, იქ მონმო-ბა დამინერა პიატიგორსკის ლოშპიტალში: ხვალ იქ ამ ქალღმერთ მიდით და ლოშპიტალში მიგიღებენო.

ბოლოს ჩუენი მცირედის მოლაპარაკებისა, მე დიდი მადლობა განვუცხადე, შემდგომ გავიყარენით და ჩემს ნაქირავებ სახლში მოველ ჩემის ტარანტასით ბარგით, სადაც ცოტათ კიდევ თვალნათელი იყო კარზე. იმ ღამეს მე და სახლის პატრონმა კარგათ გავატარეთ დრო და ვახშამათაც ჩემთან იყო; იმისვე შემწეობით ჩემი ოთახები იმის მებილითა კარგათ მოვანყვეით და დავბინავდი სრულად, შემდგომ ვახშამიც მოგვიმზადა ჩემმა მოსამსახურემ<sup>1</sup>.

ამის მეორე დილის მეცხრე საათის დაწყებაზე წაველ ლოშპიტალში, იქიდგან არც შორს იყო, მიველ და კარების ცოტა მოშორებით კუნძი ეგდო, იმაზედ დავჯექი მზის პირდაპირ და აქეთ იქით ყურება დავინყე, ვჩხრეკდი იმის მიდამოს ადგილებსა. (აქ უცხოლს ამბავს ვიტყვი უეცრას შემთხვევასა, ნამეტნავად ამ გვართათ.)

ამ დროს ერთი ლოშპიტლის ნავანტყოფარი აფიცარი გამოვიდა

<sup>1</sup> იმ ჩემმა მოსამსახურემ კარგათ იცოდა საჭმლების გაკეთება.

სახლიდგან, თეთრი მაუდის ხალათით, თავზედ თეთრი კალფაკით და კანჭებ ფეხებზე ჩლუქებფომტლებითა, რომელმაცა ჩემ წინ მზეში გაიარა და იქიდგან რომ შემოტრიალდა, იმან მე შამამხედა და მე იმას; ორნივე შევეკრით და ერთმანეთს ყურება დავუნყეთ, მაგრამ ვერც იმან მე ხმა გამცა და ვერც მე იმას. იმან თურმე ჩემზე იფიქრა: ის ორენბურღში გაგზავნილი არის, აქ რა უნდაო? და მე ვიფიქრე: იმას საქართველოდგან აქ ვინ მოიყვანდა მეთქი? – ასე ამ ყოვით, მგონია ათჯერ გამიარა და გამამიარა. ბოლოს ღომპიტალში<sup>1</sup> შევიდა, პატარახანს უკან ისევ გამოვიდა და სიცილით ქართულად მითხრა.

– „კნიაზო ალექსანდრე, როგორ ვიფიქრებდი აქ გნახამდით, და-კარგულს კაცსა თავის მამულისათვის? –“

– „დავით ფურცელაძე თქვენა ხართ? –“ დავიძახე.

– „დიახ, მე ვარ.“ და ამასთან მემამულე ძეები ერთმანეთსა გადავეხვიენით. მასუკან მოვყევით და ერთმანეთის ამბავი ვუანბეთ, ის პოლკუმი იყო პორუჩიკათ, მერე შტაბში გადმოეყვანათ და რალაც თანამდებობა ჩაებარებინათ, (გონიერი ყმაწვილი კაციც იყო.)

იქ თურმე ძალიან ავათ გამხდარიყო, სადაც პიატიგორსკის ღომპიტალში გამოეგზავნათ<sup>2</sup> და იქაურს გოგირდის წყალს სარგებლობდა, ბოლოს მკითხა.

– „ისე ხშირათ მე თქვენში რომ ვიყავი, მიკვირს, თქვენი შეთქმისა როგორ არ მითხარით, ვიცი, მენდობოდით კიდევ? –“

– „გვინდოდა გვეთქუა, მაგრამ იმ დროებში დავგიჭირეს.“ მივუბე.

– „რა მიშავდა, მეც მოვივლიდი, კარგათაც გამოვიცდებოდი და ისე გამოცდილი რომ მოვსულიყავ, ჩვენი მამულისათვის უფრო სასარგებლო ვიქნებოდით.“

ეს დავითი თავისი მშობლის მამულის კარგი პატრიოტი იყო, ამან თარგმნა კარგს ქართულს ენაზე: ვოლტერის ზაირა, მაგრამ საცოდავი, იმ შემოდგომაზედ საქართველოში რომ მისულა, იმის ზამთარს მომკვდარიყო, ჩუენი საქართველოს დასაკლისად.

ამ ჩუენი ლაპარაკის შემდგომ, ღომპიტალში შემიყვანა, სადაც ავანტყოფი აფიცრები იყვნენ, მიმიყვანა, თავის კრაოტზე დამსვა

<sup>1</sup> ერთი ატაყიანი სახლი იყო ის ღომპიტალი.

<sup>2</sup> წარსულს ზაფხულს 1838-ს წელსა და ზამთარიც იქ დარჩენილიყო იმ 1839-ის წლის კურსისათვის.

და თვითონაც ჩემს მახლობლად დაჯდა. დაბლის ხმითა ვკითხე.

– „თქვენ ჩემი აქ ყოფნა როგორ შაიტყევით? –“

– „დღევანდელის კომენდატის მონერილობით თქვენზედ: ღოშპიტალში მიიღეთო.“

პატარახანს უკან ღოშპიტლის პირველი დოხტური რებროვი მოვიდა, იმან ჩემი ღოშპიტალში შერიცხვის ქალაღი მოიკითხა, მაშინვე მიუტანეს; იმანაც უბრძანა, რომ შემრიცხონ, მასუკან ჩემთან მოვიდა და მკითხა.

– „თქვენ ის ორბელიანი ხომ არახართ, ღოშპიტალში რომ შევრიცხეთ? –“

– „დაახ, სწორეთ ის ვარ.“ მივუგე. იმან ხელი გამამართო ამ სიტყვით.

– „რაც გნებავდეთ ხოლმე, პირდაპირ მე მითხართ, ვეცდები აღგისრულოთ.“

მე მადლობა განვუცხადე. მასუკან იმან დავითისაკე.

– „მგონია თქვენ მემამულეები იყვნეთ?“

– „დაახ, რასაკვირველია და კარგათაც ვიცნობთ ერთმანეთსა.“ დავითმა უპასუხა.

შემდეგ ორთავ ხელი გამოგვართო და თავის საქმეზედ წავიდა, იქვე ღოშპიტალში დასავლელად. მეც დავითს გამოვეთხოვე და შინათკენ გამოვწიე ამ სიტყვით.

– „დავით, არ შეიძლება სადილათ ჩემთან მოხვიდე ფარეზის სადილზედ? –“

– „რატომ არა, მაგრამ სადა დგეხარო? –“

ვანიშნე და სახლის პატრონის გვარიც ვუთხარი.

მოვედი შინ, საათნახევარის შემდეგ, ჩემს სახლის პატრონს მოსამსახურე გამოვართვი და დოხტური რებროვის სანახავათ წავედი. იმან სიამოვნით მიმიღო, დავსხედით და ჩემს ავანტყუფობაზე ველაპარაკე. ბოლოს ვთხოვე, ჩემი დოხტური ის ყოფილიყო იმ კურსის დროსა, იმან მითხრა.

– „თუმცა მე არავის არა ვწამლობ გარეშეთა, მაგრამ თქვენიკითავს მიდვია და იმედი მაქვს გამოგადგეთ კიდეცაო.“ მე მადლობა განვუცხადე. მერეთ მე ვუთხარი.

– „მე ქალაქში ქირით სახლი დავიჭირე, იქ დავდეგი კიდეც, არ ვიცი თქვენც ნებას მამცემთ თუ არა? –“

– „რატომ არა, ყოველს ღოშპიტლის ავანტიყოფ აფიცარსა ნება აქვს, თუ სურს, ქირით სახლში დადგება, მაგრამ კნიაზო, ურიგო არ იქნება, ეხლავ ვანების მიღება დაიწყეთ.“ მეც მოვყევ აპრილისთვის დამდეგ რიცხვებში გოგირდის წყალის სმას და ვანების მიღებასა წესის რიგზედ.

დობტურ რებროვიდგან შინ რომ მოველ, დავით ფურცელაძე კიდეც მოსულიყო, იქ და დამხვდა, ჩემი ამბავი რებროვთან ვუანბე, იმას ძალიან იამა, მასუკან დავსხედით და ბევრი ვილაპარაკეთ ჩვენს საქართველოზედ.

ამის მეორე დღეს, მე ქ. ტფილისს ჩემს სახლში, დედა ჩემთან, ჩემ ცოლთან წიგნები დავწერე და იმავ დღესვე გავგზავნე ფოტოთი, საიდგანაც მოველოდი პასუხს. ამაში მე კურსს მოვყევ დობტურის დარიგებით გოგირდის წყალის სმასა და ვანების მიღებასა; ამაობაში ქ. ტფილისიდან ჩემი წიგნების პასუხები მამივიდა, რომელიც დედა ჩემი მწერდა: დიდათ გვიამა, დაახლოვდი ჩვენზედაო და იმედი გვაქვს, აქ ჩქარაც გნახამთო. ნამეტნავად ჩემი ეკატერინე ხომ ალტაცებულს სიხარულსა მწერდა და ამასთან: მთავარმართებელ გალავინთან ცდილობენ შენი ძმები, რომ ასტავკის ნება მოგცენ სამსახურიდგან გამოხვიდე და აქაც ნება გქონდეს მოსვლისაო.

ახ! როდის უნდა მეღირსოს კიდეც გნახო ჩემო სანდროვო. მე ამაზედ ცრემლები გადმოვყარე.

ამ ჩემი კურსის დროსა, დავით ფურცელაძე ხშირათ მოდიოდა ჩემთან და სადაც გოგირდისა წყალსა ვსომდი, ისიც იქა სომდა, იქაც ვნახამდით ერთმანეთს, მაგრამ უფრო ჩემთან დადიოდა, ამიტომ რომ ჩემთან უფრო თავისუფლათ ვლაპარაკობდით.

ბოლოს სტავროპოლში ის ქვრივი ქალი ელი. . . მომაგონდა, პირობა რომ მივეცი: წიგნს მოგწერმეთქი. ალვასრულე და მივწერე ალერსიანი წერილი, რომელიცა ამით დავასრულე: ქალაქ ტფილისიდან წიგნი მამივიდა, ჩემს ასტავკას ძალიან ცდილობენ და ჩემი ეკატერინე მოუთმენლად მიმელისმეთქი. საიდგანაც მოენერა, გზას მილოცავდა და ღმერთს ჩემს ბედნიერებასა სთხოვდა ჩემი ცოლშვილებითურთ, მაგრამ ამ წიგნის შემდგომ, ჩემი მეორე წიგნის პასუხი აღარ მამივიდა, ველარც იმისი ამბავი გავიგე რამე.

ამ დროებში მე დადგრომილი ქცევა დავიჭირე, მეგონა: ჩქარა ასტავკაში გამამიშვებენ, რომ აქედგან ჩემს ეკატერინესთან

წმინდა სვინიდიდისით მაინც მივიდემეთქი. მაგრამ არა მეშველარა, ამაში აპრილიც გავიდა და მაისიც, რომ კიდეც არამეშველარა. ამ დროებში ქალაქ ტფილისიდან თა ყორხმაზ მელიქოვი და თა ყარამან არღუთოვი მოვიდნენ პიატიგორსკში, ორთავ დიხ კარგათ ვიცნობდი და ყორხმაზ ჩემი ცოლის ახლო ნათესავიც იყო, რომლებსაცა მაშინვე კაცი გამოეგზავნათ და დავებარებინეთ. რასაკვირველია მეც საჩქაროთ წაველ. ყორხმაზმა ჩემი ეკატერინეს წიგნი მამიტანა, დიდი სიყვარულიანი და ამასთან მოეწერა: შენი ასტავკისა ძნელდება, ეტყობათ შენის სამსახურიდან გამოსვლასა არ ფიქრობენო. ყორხმაზმაც დამიმტკიცა ასე, მაგრამ რა უნდა მექნა, კიდეც მოთმინებას მივეც თავი.

ამის ოთხ დღეს უკან, დილაზედ რომ გავიღვიძე, ჩემს მოსამსახურეს დაუძახე, ვუხმაურე, შემოვიდა, ჩაი ვთხოვე შემოეტანა, მითხრა: მოგართმევთო, მაგრამ აქ ერთი დედაკაცი გიახლათ, კარგი თვალტანადი დედაკაცი არის და მოგახსენებთ, საქმე მაქვს კნიაზთანო.

– „რაო, რა საქმე უნდა ჰქონდეს, რატომ არა ჰკითხე? –“ გაჯავრებით ვუთხარ.

– ვკითხე, მაგრამ არ მითხრა: თვითონ კნიაზს უნდა შევატყობინოვო.“

– „კარგი შემოვიდესმეთქი.“

შემოიყვანა ერთი კარგი თვალტანადიანი თეთრმონილო დედაკაცი, ვკითხე.

– „დედავ, რა საქმე გაქვს ჩემთან? –“

– თქვ. ბრნ.[ყინვალეზავ] გუშინ თქვენ სალამო ჟამზედ ვანაში რომ იყავით, იქ მგონია ქისით ფული დაგეკარგათ; თქვენ რომ იქიდან გამოხვედით, იმავ ვანაში მე ვიბანე და ბანების შემდეგ კარზედ პერედნაში ტანთ ვიცომდი, ვნახე ერთი ქისით ფული ეგდო კუთხეში, ავიღე და სტოროჟს ვკითხე: ვისი არის მეთქი? – იმან თქვენი სახელი მითხრა: უთუოთ ის დაჰკარგამდაო. რომელმაცა წამოვიღე და აი თქვენთვის მამირთმევიო.“

დავთვალე, სწორეთ იყო, ოცდა ხუთი რუბლი ასიგნაცია, ვუთხარ: მაღლობელი ვარ, ჩემიამეთქი და ამასთან ხუთი რუბლი შევადმიე, მაგრამ არ გამამართვა.

– „მაშ დაჯექი, ჩაი ჩემთან დალიე, რომ ამით მაინც გადაგიხა-

ლო მაგიერი.“ იქვე ჩემს კრაოტზე ჩამოჯდა. მასუკან ჩემ საათს დავხედე და მერე თათუასკენ.

– „თათო, შენს ოთახში წადი, ჯერ ჩაის დალევის დრო არარის. როცა დაგიძახო, მაშინ მოგვიტანე.“ გავიდა. მერე იმ დედაკაცს.

– „როგორ გინდა, კარები გადმოვრაზო თუ არა?“

– „თქვენ არ გაგსჯით, თვითონ მე დავრაზამ.“ ამასთან წამოდგა და გადმორაზა. მასუკან დაჯდა და ლაპარაკი დავინწყევით, ვკითხე.

– „ვინა ხარ შენ?“

– „ერთი მცირედის ჩინოვნიკის ცოლიო.“

– „სად იმსახურება?“

– „აქ გოგირდის წყალის სამსახურში და კარგი ჯამაგირიც აქვს, მაგრამ ხნიანია, მოხუცებული.“

– „მერე არ გიშლის შენ აგრე სიარულსა?“

– „კნიაზო, ნუ გგონიათ მე მოტანტალე დედაკაცი ვიყო.“

– „დიახ კარგი, მაგრამ აქ ჩემთან რომ მოხვედით?“

– „იმ ერთმა მინუტმა დამაბრმა, თქვენ რომ გნახეთ ვანაში.“

– „გეტყობათ, ამის შემდეგ, ჩემთან აღარ მოხვალ?“

– „მოვალ, მაგრამ ჩემი ქმარი უნდა გაიცნათ.“

შემდგომ თვით იმასვე კარები გავაღებინე და ამასთან თათუას დაუძახე: ჩაი მოგვიტანე მეთქი. მოგვიტანა კარგის სუხრით. დალევის შემდეგ.

– „რა გქვიან შენ?“ ვკითხე.

– „პრა...“ მითხრა.

– „სადა დგებარ?“

– „აქ თქვენს მახლობლათა.“ და მანიშნა.

– „როდის ვნახო შენი ქმარი?“

– „ეხლა ძალიან კარგი იქნება და მიზეზიცა გაქვთ, რომ ნახოთ, ამიტომ რომ ვანის ბილეთებს ის არიგებს ღოშპიტლის აფიცრებისას.“

– „აქამდისინ ღოშპიტლიდგან მამდიოდა?“

– „რაკი თქვენ ეტყვიით, აქ მოგივათ იმისგნით.“

– „კარგი. მაშ წადი და მეც ეხლა მოვდივარ.“

ადამიანს რაცა ეშმაკი თავში შეუჯდება, რამთენს ცფიერებას აქნევიანებს...

რალას მოვიცდიდი, საჩქაროთ ტანისამოსი ჩავიცვი და გავწიე.

ვნახე, რიგიანი კაცი იყო და ბოლოს ვუთხარ.

– „გავიგონე, აფიცრების ვანის ბილეთებს თქვენ თურმე არიგებთ; სიახლოვის გამო, რომ მე ლოშპიტალში აღარ წავიდე ხოლმე, არ შეიძლება აქ თქვენგნით მივილო? –“

– „რატომ არა, თვით მე მოგიტანთ და ან როცა გნებავთ, თვითონ თქვენ მოხდნით ჩემთან; ვინიცოცხლა არის, თუ მე შინ არ ვიქნები, ეს ჩემი ცოლი მოგართმევს.“

ქურდს რა უნდოდაო? – და ბნელი ლამეო. მეც ეს მინდოდა.

მასუკან ცოლმა უთხრა თავის ქმარსა.

– „ახლა ჩქარა გაეშურე, წადი სამსახურში, არ დაგიგვიანდეს და კნიაზი აქ დარჩება ჩემთან.“ იმანაც გასწია და საჩქაროთ წავიდა. ამის შემდგომ ისე თავისუფლათ დავიდოდი, როგორათაც ჩემს საკუთარს სახლში. უშვილონიც იყვნენ.

რამთენიმე ხანი რომ გამოვიდა, ჩემი დედიდაშვილი თა გიორგი ქსნის ერისთავი და ალექსანდრე საგინოვი მოვიდნენ წყალზედ და ჩემთან ჩამოხტნენ<sup>1</sup>. პატარა ხანს უკან ჩემი ძმა ვახტანგიც მოვიდა და ის ხომ რასაკვირველია ჩემთან ჩამოხტებოდა, სადაც შევიყარენიც კიდევ ქართველები, ნამეტნავად ჩემს სასუგემოთ. ჩემს დაჭერილს სახლსა, იმის სამს ოთახში კარგათ ვთავსდებოდით, სადაც სულერთიან ქართველები ხშირათ შეიყრებოდნენ ჩემთან: დავით ფურცელაძე, ყორხმაზ მელიქოვი, ყარამან არლუთოვი, ჩვენ ერთიან ოთხნი და მხიარულის ლაპარაკით შევექცევოდით. გარდა ამისა ყველანი სულერთიანათ ჩემზე ფიქრობდნენ და ხშირი რჩევა ჰქონდათ, როგორმე ასტავკაში გამიყვანონ.

ამდროებში, ნაჩალნიკ შტაბი ტრესკინი სტავროპოლიდგან მოვიდა პიატიგორსკში და გოსტინიცაში გადამხტარიყო, რომელმაცა მე ეს ადრე შევიტყე და ჩემს ამხანაგებს შევატყობინე; ამასთან ჩემს დედიდაშვილს გიორგის ვთხოვე, როგორმე გაეცნა და შემდეგ ჩემი ამბავი გაეტარებინა ასტავკისა. მითხრა.

– „დიახ უთუოთაო.“

ჩემი დედიდაშვილი გიორგი იყო: დიდი პატიოსანი, დიახ ლბილი და ზდილობიანი, საუცხოვო ლაპარაკის მქონე და გონიერი, გამბედავი და განათლებული, რომლებსაცა ძალიან გვიყვარდა ერთ-

<sup>1</sup> ორნიც ესენი სამხედროს სამსახურში იყვნენ. გიორგი ჩვენ შეთქმაში გარეული იყო და არხანდელშიაც გაგზავნეს, მგონია ორი წელიწადი იყო იქა.

მანეთი და ჩვენი მახლობელი კავშირი ისევ დედი ჩვენებიდან იყო ჩვენის ყმანვილობითვე<sup>1</sup>.

ამის მეორე დილაზედ, სულერთიან ჩვენ ეს ოთხნი გოგირდის ნყალის სასმელად წავედით, სადაც ნაჩაღნიკმტაბი კიდეც მისულიყო და იქ დადიოდა, რომელმაცა შორიდან მძიმეთ თავი დაუჟკარ, იმან მიცნა, მოვიდა და მკითხა.

– „ვიცი თქვენი აქ ყოფნა, როგორ გარგოთ ამ გოგირდის ნყლებმა?“

– „როგორ არა, შემწეობას მაძლევს.“

– „კარგათ შეიქენით და მასუკან სამსახურსა შეუდექით.“ ამასთან გაბრუნდა, წავიდა და ერთს გძელს სკამზე დაჯდა. ჩემი დედიდაშვილი გიორგიც გაესწრაფა, იმის მახლობლად რომ მივიდა, ქუდი მოიხადა, მძიმეთ თავი დაუკრა (ესე იგი ზდილობით.) და იმის შორიახლოს დაჯდა; (გოგირდის ნყლებზე თავისუფლათ იქცევიან აფიცრები.) იმან მაშინვე ლაპარაკი დაუწყო, გიორგიმაც მოხსნა პირი და ძალიან გაიერთა ლაპარაკში, ასე რომ ბოლოს წამოდგა ის, გიორგიც თან წაიყვანა და ერთად ლაპარაკით დაიწყეს სიარული.

ბოლოს გიორგი რომ იმას გაეყარა, მოვიდა და სიამოვნით მითხრა.

– „დღეს საღამოზე მიმიპატიჟა, ჩაი იმასთან უნდა დავლიო და იმედი მაქვს ამაღამ შენი ასტავკისა ვუთხრა.“

მე მოხვევით ვუთხარ: მიშველე რამე მეთქი.

შემდგომ ამისა, კარგა ღამის გასვლის შემდეგ, გიორგი იქიდგან რომ მოვიდა, სიცილით მითხრა.

– „შენი ასტავკა სიამოვნით მიიღო ამ სიტყვით: ჩემგაგიერ უთხარით ორბელიანს, ხვალ დილის ცხრას საათზე ჩემთან მოვიდეს, მე და იმან მოვილაპარაკოთ იმის ასტავკისა. აბა ახლა დანარჩენი შენ იციო ალექსანდრე?“

მე ამისთვის კიდეც გადავეხვიე და ცრემლები მამერია თვალებში.

მეორე დილის ცხრა საათზე იმის წინ რომ წავედექი, ცოტა მკაცრად მითხრა. *ლინეინის ერთი ბატალიონის ერთი უბრალო აფიცარი რომ ვიყავი, იმისთვის ისე მიმიღო.*

– „თქვენი ასტავკისა მელაპარაკა კნიაზ ერისთავი, დიახ თანახმა ვარ. თქვენი ასტავკის ქალაღლები სრულად დაწერილი გქონდ-

<sup>1</sup> ამის ძმა ბიძინა და მე ხომ ძალიან დიდი მეგობრები ვართ ამ ჩვენს მოხუცებულობაშიაც. ისინიც სამნი ძმები იყვნენ და ჩვენც. ისინი იყვნენ: შალვა, ბიძინა და გიორგი და ჩვენ, მე ალექსანდრე, დიმიტრი და ვახტანგ.



ესთ; მეორეთ მე სტავროპოლიდგან მოვალ აქა და მაშინ მე პირდაპირ მამეცით, თქვენს ბატალიონში წარდგენა საქირო აღარარის, თვით მე პირდაპირ ქალაქს ტფილისს გავგზავნი შტაბში ჩემის შუამდგომლობით და იმედი მაქვს, რომ უთუოთ ასტავკა გამოგივიდესთ.“ მე დიდის მადლობით წამოვედი<sup>1</sup>.

მოვედი შინ, ჯერ გიორგის გადავებხვით და მასუკან ყველა ვუთხარ ჩემს ამხანაგთ, იმათ ყველას სიხარული შეუდგათ, ბოლოს ყორხმაზმა უთხრა ჩემს ძმას ვახტანგს.

– „მე ამ ახლოხანებში პეტერბურღში წავალ, როდისაც ამის ასტავკა ტფილისიდგან იქ წამოვიდეს, ერთი პატარა წიგნი მამწერე და მასუკან მე ვიცით.“ იმას დიდი დამოკიდებულობა ჰქონდა პეტერბურღში, რამთენჯერმე იყო იქა.

მერე ჩემმა ძმამ ვახტანგმა.

– „ღონდ ქ. ტფილისს მოვიდეს ის ასტავკა, თორემ იქ გარგიება ადვილია.“

შემდგომ გიორგიმ.

– „მე ხომ ჩემი ვალი აღვასრულე, ყორხმაზც ამას ამბობს და ვახტანგიც ამას, მაგრამ აბა ახლა ამის ასტავკისას, ვინ დანერს?“

ალექსანდრემ და დავითმა.

– „აი ჩვენა. მაგაში ჩვენ კარგათა ვართ დახელოვნებული პოლკში.“ ახლა ყარამანმა.

– „იმ ასტავკის გადამწერელიც, აი მე ვიქნები თეთრათ.“

ამდროს მეც წამოვბტი და იქვე სტოლზედ მეწყო ჩემი დოკუმენტები და წინ დავუწყე იმათ. ესენი სულ ასეთი *მხიარულის* სიცილით იყო, რომ მათლა ძალიან გულის *წმინდის* სიხარულით. ამაში მე ხანდისხან იმ ჩინოვნიკის ცოლთან წავიდოდი ხოლმე ჩუმათ.

ისინიც დასხდნენ, შეუდგნენ წვრილ წვრილად წერას, მეც ამაში დობტურს რებროვს, ასეთი ჩემი ავანტყოფობის მოწმობა გამო-

---

<sup>1</sup> ჩემი საქართველოში დაბრუნება რათ ეძნელებოდათ, აქვე გაიგონებთ? მე რომ ორენბურღში ვიყავ, ზოგიერთს კეთილს ადამიანებს ჩემი დაბრუნება ისევ ჩქარა უნდოდათ საქართველოში, რომლებსაცა ხელმწიფისთვის მოეხსენებინათ პეტერბურღში; იმასაც ებძანებინა: ვოენი მინისტრ ჩერნეშოვს უთხარით, რომ საქართველოში მთავარ მართებელს ბარონ როზინს მისწეროს და თუ ის თანახმა იქნება, მეც სრულს ნებას ვაძლევ, დაბრუნდესო. მაგრამ ბარონ როზინს მიწერა პეტერბურღში: როგორც საშიში კაცი ჩუენის მთავრობისა, მაგის დაბრუნება საქართველოში არ იქნებაო. აი ამიტომ გამიძნელეს დაბრუნება. ეს იყო 1836-ს წელსა, მე რომ ორენბურღში ვიყავ.

ვართვი, მართლა კარგი, რომ მე სამსახური არ შემიძლიან, რომელიცა ჩემი ასტავკის დაწერა *სულ ერთიან* ორ კვირაზედ გაათავეს. როგორც რიგი იყო, ხელიც მამანერინეს და უჯრაშიაც შევინახე დიახ მაგრა დაკეტილში, ნაჩალნიკი შტაბის მამლოდინემ, მაგრამ კარგახანი გავიდა, არ ექნა, არ მოვიდა და მე ამდროს იმედი დავეკარგე: აღარ მოვამეთქი. იქამდისინ, რომ სეკტემბრის თვეში ხუთნი ქალაქ ტფილისში წამოვიდნენ, ყორხმაზც პეტერბურლში წავიდა და მე დავრჩი მარტო, კიდევ ჩემს მოთმინების ქვეშე, სადაც ჩემს მცირედის სანუგეშოთ, იმ ჩინოვნიკის ცოლთან დავიდოდი და იმასთან ვატარებდი დროსა. ასე გაშინჯეთ, კიდევ დაორსულდა და იმათი სიხარული რაღა გითხრათ! მეც იქაურმა გოგირდის წყლებმა, ნაცარტუტისამ (სჩელოჩნია.) და მჟავე წყალმა დიდათ მარგეს, რომლებსაცა ვსვამდი და იმის წყლებში ვბანაობდი წესიერად<sup>1</sup>.

ერთს დილაზედ სულერთიან ტანთ ჩაცმული ვიყავ, რომ იმ ჩინოვნიკის ცოლი შემოვიდა და სიამოვნით მითხრა.

– „კნიაზო, წუხელის ნაჩალნიკშტაბი მოსულა, ეხლავ საჩქაროთ წადით და თქვენი ასტავკა მიართვით.“

– „ვისგან გაიგონემეთქი იმის მოსვლა? –“

– „ეხლა ეს არის ჩემს ქმარს შეუტყვია, მოვიდა, მითხრა: კნიაზს შეატყობინეო. თვითონ გატრიალდა და საჩქაროთ სამსახურშივე წავიდა.“ მეც მაშინვე რიგიანათ ტანთ ჩავიცვი და ჩემი ასტავკის ქალღედებით გავწიე, რომელმაცა დიახ კარგის გულით მიმილო ამ სიტყვით: ახლა მოსვენებით იყავითო. მე მადლობით გამოვწიე, წამოველ. შინ რომ მოველ, დავჯექ, ყოველი ესენი დავწერე და ქ. ტფილისში ფოშტით გავისტუმრე ამ დაბოლოებით: აი ახლა გამოგიჩნდებათ, როგორც ეცდებით ჩემს ასტავკასამეთქი. ამაში სამი თუ ოთხი სახლობანი გავიცან, ნამეტნავად მოხუცი დობტური სერედინსკი, იმის თანამიმდევნო ცოლი, იმის ორი გასათხოვარი ქალი და ერთი ათის წლის ვაჟიც ჰყუნდათ. ეს სახლეულობა მეტი კეთილი სახლეულობანი იყვნენ; ბოლოს ასე შევეჩვიე იმათ, რომ დიახ ხშირათ დავიდოდი იმათთან, ვახშმათ თუ სადილათ, ანუ ყოველს დროსა, როცა მოვინდომებდი და სხუებთან უფრო ხანდისხან, რომლებიცა მე და ის მოხუ-

<sup>1</sup> პიატიგორსკიდან ნაცარტუტის წყალი არის 18-ი ვერსტი ესენთუკსა და მჟავე წყალი 40-ი ვერსტი კისლაგოდსკი. ეს ესენთუკი შუაგზათ არის დადებული. კიდევ რკინის წყლები არის 18-ს ვერსზე ჩრდილოეთის მხარეს. ის ორიკი დასავლეთისაკენ.

ცი სრულად დავემგობრდით. ჩემს დოხტურს რებროვთანაც კვირაში ხან ერთხელ მივიდოდი და ხან ორჯელ, ისიც ცოტას ხანსა, ამისთვის რომ საქმე ბევრი ჰქონდა. იმისი ცოლშვილი იმ დროს რუსეთს იყვნენ და პიატიგორსკში ჯერ არ მოეყვანა.

ვატარებდი ასე დროებს და არც იმ ჩინოვნიკის ცოლსა ვივინყებდი, ნამეტნავად ის თავის ორსულობა ასე უხაროდა, რომ უთუოთ სულ იქ უნდოდა ვყოფილიყავ. დამპირდა: უთუოთ ტფილისში შეგატყობინებთ რაც მეყოლება და როგორიც იქნება იმასაც შეიტყოფთო<sup>1</sup>.

ამაობაში ზამთარი მოვიდა, აღარც წიგნი მამივიდა ქალაქიდგან, რომელიცა ნალვლიანად შევიქენ, ხან რას ვფიქრობდი და ხან რასა? –

ასე ნალვლიანად შევიქენ, რომ ჩემი მოსამსახურე თათუ ტფილისში გავგზავნე ჩემი წერილებით<sup>2</sup>, შემატყობინონ რა ანბავია წიგნებს აღარ მწერენ. ერთი კარგი მგზავრი მიდიოდა ტფილისს, იმას გავატანე და ფულებიც ვთხოვე თათუასთვის გამოეტანებინათ. დავრჩი ამის ლოდინში, იმ ჩემის ივანას ინაბარათ, რომელიც დიდათ ერთგულად მემსახურებოდა, მაგრამ ორ კვირაზე ფული სრულად შემამაკლდა და დიდი ყინვიანი ზამთარიც დაიწყო, რომელსაცა აღარც შემა მქონდა და გახრეკილი თავადი შევიქენი. ჩემი ბედის გამო, ჩემი სახლის პატრონი და იმას ხასა ჰყავდა, ორივ ხუტორში წავიდნენ ერთის თვითა და იმათი მოსვლა კიდევ შორს იყო. სხვებსკი ვერავის ვერ გაუზებდე მე თხოვნა და თვითრჯულობაში დავრჩი, გაკერპებულის გულითა.

ამ ჩემმა უქონლობამ და სიგლახაკემ ასე გამამპარტავნა, რომ აღარავისთან აღარ დავრჩი, აღარც სადილათ და აღარც ვახშმათ. სიარულით კი ყველასთან დავიდოდი, კიდევ ისე, ვისთანაც როგორ დავიდოდი, მაგრამ როდისაც პურობის დრო მოახლოვდებოდა, უთუოთ წამოვიდოდი; სერედინსკებს უკვირდათ და მიზეზს მკითხამდნენ რატომ აღარ დავრჩებოდი, ვეტყოდი: ფარეზათ ვარ და ამიტომ ვერსად ვერ დავდგებიმეთქი. იმ ჩინოვნიკის ცოლსაც ისე და თუ ჩემთან მოვიდოდა ვინმე, დენშიკი განვაძრახე: შინ არარისო.

<sup>1</sup> ქ. ტფილისში მამივიდა იმის წიგნი დიახ საიდუმლოთ: ქალი მეყოლა და სულ შენ გგავსო.

<sup>2</sup> პირველათ ბატალიონში რომ მოვედი და ჩემი ბატალიონის კამანდერი კუმლიანსკი ისე კარგათ ვნახე ჩემზე, ბატალიონიდგან დენშიკი ვთხოვე მოეცა, იქვე საჩქაროთ მამიხერხა და მინამ მე შინ მოვიდოდი, იქ მზათ დამხვდა თავის ცოლთა ბარგით და ძალიან კარგი რიგიანი კაციც იყო. იმასკი ივანაერქვა.

და უკანვე წავიდოდნენ. მე და ჩემი დენშიკი ორს კვირას ამ მდგომარეობაში ვიყავით, ისიც ჩემთან ამ გაჭირებას ითმენდა. კიდევ კარგი, მეპურე დედაკაცი გვენდობოდა და ნისიათ იმისაგან მოქონდა, რომლებიცა წყალსა პურზედ დავრჩით და გაყინულს ოთახებში ვიყავით. ჩემი ოთახი უფრო დიდი იყო და უფრო ჰყინავდა, ჩემი დენშიკისა პატარა და იქ უფრო ცოტათ თბილოდა, მაგრამ ამაში მე უფრო კარგათ ვიყავ, რომ თბილი დალიანდაგებული ზამთრის შინელი<sup>1</sup> მქონდა და ქვეშაგებიც რიგიანი. იმას ერთი სალდათური შინელი და ქვეშაგებიკი თათუას ქვეშაგები ჰქონდა. ჩაი შაქარი და ნახში[რი] ოთხ დღემდისინ გვეყო, მასუკან ისიც გამოგველია და მერეთ დავრჩით მხოლოდ წყალს პურზედა, რომელსაცა წყალსა ნახევარს ყინულიანს ვსვამდით, მაგრამ იმას უფრო ცოტას. ჩემი მოსამსახურის თათუას წასვლიდგან, იმის უკან მოსვლამდისინ სწორეთ ერთი თვე გავიდა, რომ მე იმისი ველარა შავიტყე რა და აღარც წიგნი მამდიოდა შინადგან, რომელსაცა მეგონა, ათს დღეზედ უკანვე მოვიდოდა თათუა და ფულიც მეყოფოდა მანამდისინ, მაგრამ სად იყო, ველოდი და ვითმენდი ამ ჩემს გაჭირებას და შინადგან უანბობას. ამაში ხანდისხან ასეთი ცივი ქარიშხალი ამოვარდებოდა, რომ გრიალი გაჰქონდა იქაურობასა, რომელიცა ყურს ვუგდებდი, მითამ ვატარებდი იმის გრიალით დროსა, მაგრამ ჩემი გული კი შეპყრობილი იყო ბევრის ნალვლებითა.

როგორც მახსოვს ერთს შუადღის დროს ნახევარს იანვრისას, კარზედ ეზოში გამოვედი: მზიანს დღეს შევხედომეთქი. იმედგადანყვეტილი რას ვიფიქრებდი, ამ დროს თათუა სანით შემოვიდა გაყინულ თოვლზედ და შორი ახლოს დააყენებინა სანა, გადახტა, თავი დამიკრა და მაშინვე ვკითხე.

– „თათო ფული მამიტანე რამე?“

– „რა ანბავია შეინჭირიმე, რომ ფულს კითხულობთ? –“ შენუხებით მითხრა.

– „რალა რა ანბავია, ორი კვირა არის გაყინულს ოთახში ვგდივარ.“

– „ვაიმე ეგ რა გავიგონე?“ მაშინვე ივანა გაგზავნა და ერთი კარგი პოვოსკა შეშა საჩქაროთ მოატანინა.

<sup>1</sup> კარგი ბენვიანი შუბა მქონდა, მაგრამ პირველათ იმ კუმლიანსკის ბატალიონის დოხტურმა ჩემი ავანტყოფობის მოწმობა რომ დამინერა, ის სნეული კაცი იყო და იმას ვაჩუქე.

ნიგნი მამცა. რა გავხსენი, ასიგნაციებით სამსე იყო<sup>1</sup>. ის შეშის პატრონი თავის პოვოსკით რომ გავისტუმრეთ, დიხ ჩქარა დასჭრეს შეშა და ფეჩიც ჩქარა აანთეს. პატარახანს უკან ფეჩი გახურდა, მეც კარგათ ბეჭები რომ გამითბა, შინელი მოვიხსენ და დენშისკს მივეცი, თავის ადგილას დაედო, რომელსაცა მანამდისინ არ მამიხსნია და სულ გაყინული მქონდა ტანი. თათუაც საჩქაროთ ბაზარში გაიქცა, არაყი და კარგი ხორცი სამწვადეები მოარბენინა, და მწვადები გამიკეთა ჩქარა. ჯერ ერთი კარგი დიდი სტაქანი არაყი ჩემს დენშისკს დავალეინე, მერე დავჯექი სტოლთან სკამზე, ერთი რუმკა არაყი დავლიე და მასუკან კარგს ცხელ-ცხელს მწვადებს შევექეც კარგი ბაზრის პურიით. ახლა ასე გავთბი, რომ ცოტა ოფლიც მამივიდა და ჩემი გული ისევ სილბილეში წამოვიდა, რომელიცა მანამდისინ რალაც მხეცურს ხასიათსა ვვგრძნობდი. შემდეგ ჩემს კრაოტზე მივწექ, ზედ საბანი წავიხურე და ტკბილის ძილით დამეძინა, რომელსაცა მანამდის ძილი რიგ ზედ არა მქონდა და გამოღვიძებითაც ასეთი კარგის გულით გამოვიღვიძე, რომ ვგრძნობდი სრულს სიმთელეს ჩემი აგებულობისას.

როდისაც წამოვდეგ და კარგათ გავიმართე, თათუას დავუძახე, შემოვიდა და ყველა გამოვკითხე ჩვენი სახლობისა. იმანაც სულ მიანბო, დედიჩემის მშვიდობა, ჩემი ეკატირინესი, ჩემი ძმების<sup>2</sup>, ჩემი დედიდაშვილის გიორგისა, ჩემი მოყვრებისა და სხუანი. (ჩემი სიმამრიკი; ეს ყორხმაზმა პირველათ მამიტანა, რომ 1839-ის წლის ზაფხულს გარდაცვლილიყო.)

ეს გამოკითხვა რომ გავათავე, თათუას ვუთხარი. – „ჩაი მოამზადე თათო, სადაც არის დალამდება და ამაღამ ვახშმათაც შინ ვიქნები. კარგი ქათმის ჩვენებური ჩიხირთმა გამიკეთე, ნახევარი ჩიხირთმათა და ნახევარი შენვი ჩახოხბილათ. თქვენთვისაც ხორცი მოიტანეთ, რაც გინდოდეთ გაიკეთეთ. ამაღამ შინ ვიქნები, რომ უფრო კარგათ მოვსურიალდე.“

<sup>1</sup> დედი ჩემისა და ჩემი ცოლის ეკატირნეს ნიგნები იყო. მწერდნენ: ხშირათ გწერთო ნიგნებს, მაგრამ საკვირველია რატომ არ მოგდისო? – ამასთან მწერდნენ: შენი ასტავკა პეტერბურდში წავიდა და იმედი გვაქვს ჩქარა განგათავისუფლონო. თათუაც რომ აქამდისინ დავავიანეთ, გამოსაგზანი ფული ჩქარა ვერ მოვახერხეთო. ჩემი ეკატირინეს დაბოლოებულს ნიგნში ხომ რა აპრიალეებული სიყვარულიანი ნიგნი იყო, რომ ერთმანეთს ჩქარა გადავეხვევოდით. ამაზედ ჩემმა გულმა თრთოლა დაინყო.

<sup>2</sup> მეორე ჩემი ძმა დიმიტრი იმდროს ცოლშვილიანი იყო.

ჩაის დროს ჩაი კარგის სუხრით და კარგის გემოვნებით დავ-  
ლიე, უცხოთ გაკეთებული მცირე ვახშამიც კარგის მადლით და გემ-  
რიელად შევექეცი, შემდგომ ავდეგ, ღმერთს მადლობა შევწირე,  
მასუკან ცოტა მივიარმოვიარე და ამაში ვახშამი სულ აკრეფილი  
გაიტანეს, მერე ჩემი საიდუმლო ლოცვა ღმერთს შევწირე, ბო-  
ლოს ტანთ გავიხადე, სანთელი გავაქრე და ძილისათვის ჩავწე-  
ქვეშაგებში. ძალიან კარგის მოსვენებით დამეძინა, ასე რომ, რო-  
გორც ჩვენში იტყვიან: ასე მეძინა, რომ გათენებამდისინ ფეხი არ  
გამიქნევიაო.

მეორეს დილას, ტანისამოსის ჩაცმის შემდეგ, ჩაი რომ დავ-  
ლიე, ჯერ იმ ჩინოვნიკის ცოლთან წავეღ, იმის ქმარი სამსახურში  
წასულიყო, იქ კარგახანი დავრჩი, ჩემი ასტავკის წასვლისა ვუთხ-  
არ პეტერბურღში, ძალიან იამა, მასუკან შუადღის დროს სერე-  
დინსკებთან წავედი, იმათაც ვუთხარი, მათაც დიდათ იამათ და  
სადილათაც იქ ვიყავი, ახლა კი სრულის გაბედვისა გულით, მხი-  
რულად.

ასე ამ სახით ვიყავი იქ, სადაც ჩემს მცნობებში ხანდისხან დავი-  
დოდი, ნამეტნავად ხშირად სერედინსკებთან, კიდევ იმ ჩინოვნიკის  
ცოლთან და შინ როდისაც რომ დავრჩებოდი, უფროსი ერთს დრო-  
სა წიგნებს ვკითხულობდი, ახლა უფრო იმისთანა წიგნებს: საყვა-  
რელი საყვარელს რომ ელის შორის გზითა.

ამ ჩემის დროს ასე გატარებით, გავიდა იანვრის თვე და თე-  
ბერვლის თვეც 1840-ის წელიწადისა რომ გადიოდა<sup>1</sup>, ამ თვის 28-ის  
დილაზედ, (იქნებოდა მეათე საათი,) წავეღ ერთს ჩემს მცნობთან  
სანახავათ და სწორეთ იქით ავიარე, სადაც კამენდატის კანცელარ-  
ია იყო, ამდროს იმის კარებთან დავდეგ ამ ფიქრითა: იქნება ჩემი  
ასტავკის პრიკაზი (ბძანება) მოსულიყოს, შევალ, ვკითხამ მეთქი.,  
შეველ, კამენდატის პლაცადუტანტი კანცელარში დამხვდა, ვცნობ-  
დი ხელი მამცა, მეც რომ ხელი მივანოდე, მკითხა:

– „რისთვის გასჯილხართ კნიაზო, რომ ჩვენთან მოხვედითო? –“

– „კარგათ იცით ჩემის ასტავკისა, კარგა ხანი არის რაც მივე-  
ცი; იქნება ჩემზედ პრიკაზი იყოს რამე? –“ ვუპასუხე. იმან უფროს  
მწერალს.

– „პრიკაზები არ მოსულა ჯერა? –“

<sup>1</sup> ეს თვე ნაკით იყო, მაგრამ კიდევ კარგი თოვლი იდო და კიდევ ცოტათ ჰყინავდა.

– „როგორ არა, ბევრი.“ მოახსენა.

– „მამ მოიტა აქა.“

ერთი დასტა პრიკაზები მოართო, ჯერ ერთი ჩუმათ ნაიკითხა, სტოლზე დადო; მასუკან მეორე, ისიც ისე, ასე რომ ათამდისინ ნაიკითხა და მერეთ სხუა რომ ნაიკითხა, მე მამცა. მეც რომ ნავიკითხე, სახეზედ ფერი მეცვალა, ამდროს იმან მამატანა.

– „მამილოცავს კნიაზო, სანადელსა მიეხნიეთ და სრული ასტავკა მიილეთო.“<sup>1</sup>

მე სიხარულმა ამიტაცა და ხმა ველარ ამოვიღე, ბოლოს რას ყოფით ორის ხელებით მივწვდი მარჯვენას ხელზე ამ სიტყვით.

– „დიდათ გმადლობთ, მაგრამ უმდაბლესათა გთხოვთ, ეხლაც მოწმობა მიბოძოთ ჩემის ასტავკისა, დღესვე წავალ ჩემს ქვეყანაში ჩემს ნათესავებთან.“ იმან მაშინვე დააწერინა, კიდევ დაამონმა ბეჭდის დასმით და თავის ხელის მოწერითაც დაამტკიცა. მერე მითხრა.

– „ეს მოწმობა კამენდატთან მიიტანეთ, იმასაც ხელი მოაწერინეთ და მასუკან მშვიდობის გზა მოგცეთ ღმერთმა.“ მე ამისთვის მადლობით გამოვეთხოვე და საჩქაროთ მოველ კამენდატთან. იმანაც მაშინვე ხელი მამინერა, შემდეგ ჩემი მცნობნი დავიარე, რომელთაცა ყველას გამოვეთხოვე; ჩემს დოხტურს რებროვს ხომ რასაკვირველია ბევრის მადლობითა. ბოლოს სერედინსკებთან მოვედი სიხარულით და ყველა ვუანბე. ისინი თუმცა შეწუხდნენ ჩემს მოშორებას, მაგრამ ამასთანვე დიდათ იამათ, რომ ჩემს სახლეულობას ვნახამდი. მასუკან თვით დოხტურმა სერედინსკიმ კაბინეტში შემეყვანა და პატიოსანის სიტყვით მათქმევინა: ფული მაქვს თუ არა? –“

– „მაქვს მეთქი.“

– „მე მაინც ორას რუბლს ასიგნაციას გასესხებთ, ჩემის ამ პატარას ბორთველით; ეს ბორთველი ჩემს<sup>2</sup> სახსომრათ გქონდეთ და ვინიცობა არის, თუ ფული დაგჭირდესთ, დახარჯამთ და თუ არ დაგჭირდათ, ისევ უკან გამამიგზავნეთ.“

არ ვართმევედი, მაგრამ ძალათ ჯიბეში ჩამიდო, ცოტა გაჯავრებული სიტყვით.

<sup>1</sup> 21-ს იანვარს 1840-ს წელს არის ხელმწიფე ნიკოლოზისაგან მოწერილი ხელი, ჩემი სამხედრო სამსახურიდან გამოსვლისა და საქართველოში დაბრუნებისა.

<sup>2</sup> ეხლაცა მაქვს ეს ბორთველი.

– „მე შავიტყე თქვენი გაჭირვება, ვჯავრობ თქვენზედ.“  
მასუკან იმის ცოლშვილებთან გოსტინაში რომ გამოვედით, მთხოვეს: სადილათ იმათთან ვიყო.

– „დიახ აგრე იყოს, მაგრამ ნება მამეცით, შინ წავიდე, ჩემს ბიჭს ვუთხრა მოამზადოს და მერე მოვალ აქა.“ დამყვენენ, წამოველ.

შინ რომ მოველ, ჩემი მოსამსახურე თათუა კარებში იდგა დაღონებული და ეზოს უყურებდა. მხიარულის ხმითა დავუძახე.

– „თათო რას დაღონებულხარ?“ –

– „არაფერსაო.“ დაღონებით მითხრა.

– „მამ თუ არაფერსა, ეხლავ სამი ცხენის სანა იქირავე, ასტავკა მივიღე დღესვე საქართველოში მივალთ.“ მერე მოვყევ და ყველა ვუანბე რაც გადამხდა. ის მაშინვე დაფაცურდა. შემდეგ დენშიკს დავუძახე, ოცი რუბლი ასიგნაცია ვაჩუქე და იმასაც ვუთხარ, რომ საქართველოში მივალ. ის კი ძალიან შენუხდა. მასუკან ლომპ-იტილიდგან უნდერაფიცარი მოვაყვანინე, ის დენშიკი იმას ჩავაბარე ამ სიტყვით: მე რომ წავალ, ეს ჩემი დენშიკი ლომპიტალში მიიღევი-ით და ეგება ეცადოთ, რომ ლომპიტალში მოსამსახურეთ დააგდოთ. იმანაც პირობა მამცა: თქვენ მაგიერ რებროვს ვეტყვი და უთუოთ პატივსაცემსო. მერეთ ჩემს სახლის პატრონს<sup>1</sup> გავუსწორდი სახლის ქირაში და კიდევ თათუას ვუთხარ; სულ მზათ გქონდეს, მოვალ და მაშინვე უნდა წავიდე.

ეს განკარგულება რომ მოვახდინე ჩემის გზისა, შემდგომ იმ ჩინოვნიკის ცოლთან მიველ და ვუთხარი ყველა. ჯერ იმის ქმარი სამსახურიდგან არ მოსულიყო. რა ეს ჩემგნით გაიგონა, ტირილი ამოუშო, მე რას ყოფით გული რომ დავუმშვიდე, გულმხურვალედ ღმერთსა სთხოვა ჩემი მშვიდობა და მეც წამოსვლა დავაპირე ამ სიტყვით: შენი ქმარი მამიკითხე, ბევრს კარგს ღმერთსა ვთხოვ თქვენთვის და თქვენს სანუგეშოთ კარგი შვილიც მოგეცეთ. გამოვნიე და საჩქაროთ წამოველ, სადაც კიდევ ჩემს სახლში გამოვიარე, ვნახე მზადებაში იყვნენ; იქიდგანაც გავნიე და სერედინსკებთან მივედი, იმათ სტოლიც სულ დაედგათ სადილისთვის, რომლებიცა მცირედ ხანის შემდეგ დავსხედით და ბოლოს სადილისა, შამპანსკი მოიტანეს და ამითი დამილოცეს გზა.

სადილს უკან ყავის შემდგომ, სერედინსკის უფროსმა ქალმა, თა-

<sup>1</sup> ხუტორიდან მოსული იყვნენ ერთის კვირის წინ.



ვის ერთი პატარა რვა თვის გოშია ძალღი აიყვანა და ხელში მამცა.

– „ეს პატარა მოყვითლო მშვენიერი ძალღი ფლორკა, ვიცი გიყვართ და უაღერსებთ ხოლმე, გთხოვთ ჩემს სახსომრათ მიიღოთ და ნუ დაგვივინყებთ.“

მე ხელზე ვაკოცე, გამოვართვი<sup>1</sup> ამ სიტყვით.

– „არამც თუ დაგივინყოთ მარია ვასილევნა<sup>2</sup>, თქვენი პატივისცემა სიყვარული, ჩემს გულში დარჩება ყოველთვის.“

ბოლო დროს ყველას გამოვესალმე, იმათ ყველამ ტირილი დაიწყეს, გარდა ვასილი ტიმოფეიჩისა და მეც მამერია ცრემლი თვალებში (ესეც დობტური იყო ვ. ტ.) მეტი კარგი და კეთილი სახლობანი იყვნენ ისინი. გამოსამლებისა შემდეგ გამოვნიე, წამოველ და პატარა ფლორკაც თან წამოვიყვანე ხელით შინელს ქვეშა.

შინ მოველ, თათუას სულ მზათ ჰქონდა ცხენებშებმული სანა, სულერთიან ჩემი ცოტა ოდენის ბარგით ჩანყობილი; შეველ, სახლის პატრონს და იმის ხასას გამოვესალმე, მერეთ გამოვედი, ისინიც თან გამამყვინენ; მიველ ჩემის პატარა ფლორკათი სანაში ჩავჯექე, გავსწორდი; თათუა და იემშიკიც კოზლაზედ დამსხდარიყვნენ, იემშიკმა დაიძახა: პაშოლ და გაცურდა სანა თოვლზედ. სახლის პატრონს და იმის ხასას გამოთხოვის ქუდი რომ მოვუხადე, შემოვიხედე, ჩემი დენშიკი ივანა ასეთის დაღონებულის სახით იდგა, რომ დიდათ შემბრალდა, რომელსაცა დავუძახე: ივან ნუ სწუხარ ღმერთი არ დაგადებს. და სანა ქუჩაში გამოვიდა. აქ ჩემი გული სიბრალულიდგან, ახლა სიხარულში წამოვიდა.

მდინარე მალკა გაყინული იყო, იმაზედ სანა გაარბენინა; პატარა გზა რომ გავიარეთ, აღმოსავლეთისაკენ მოაბრუნა სანის ცხენები და თოვლზედ ჩქარა გააქცია, იმიტომ ისე ჩქარა გააქცია: დროით მივიდეთ სტანიცაში<sup>3</sup>, რომ არ დაგვალამდესო. სწორეთ იმ დროსაც მივედით. მაგრამ იმ გაჩქარებულს სირბილში, აქ მე ახლა ბედნიერებაში ვიყავ და აქეთ იქით სიამოვნით ვიყურებოდი.

ამის მეორე დილაზედ 29-ს თებერვალსა კიდევ იმ ნაქირავების

<sup>1</sup> ბოლოს ის პატარა ფლორკა ძალიან შემეჩვია, საუცხოვო ხასიათის ძალღიც იყო და სახლში დიდი ფთხილი ღამე, რომელმაცა თოთხმეტი წელიწადი იცოცხლა და იმან ასე შემაყვარა თავი, რომ იმის შემდგომ სხუა პატარა ძალღი აღარ მიაგება.

<sup>2</sup> უფროს ქალსა მარია ერქვა, ამის მომდევნოს სოფია, იმათ პატარა ძმას ალექსანდრ, ამათ დედას ოლგა და ამის ქმარს ვასილი ტიმოფეიჩ.

<sup>3</sup> სტანიცა ყაზახების სოფელია.

სანით წამოვედით და კიდევ დღე იყო, რომ ეკატერინეგრადს მოვედით, თათუას ვუთხარ, წასულიყო, სტარშინა ეპოვა და სახლი მოეცა დასადგომი, პატარახანს უკან მოვიდა და მითხრა.

– „აქ ჩვენი ტფილისელი ჩემი მცნობნი ორნი მოვაჭრენი შამხედნენ, მკითხეს: აქ რათა ხარო? თქვენი ანბავი რომ ვუთხარი, დიდათ გთხოვესთ იქ ჩამოხდეთ იმათთანაო.“

– „მერე იცი იმათი სახლი?“ ვკითხე.

– „დიახ ვიცი, შორიდგან დამანახვესო.“ ჯერ მე დავფიქრდი და მასუკან ვუთხარ: ნავიდეთმეთქი. და ნავედით. რა იქ იმათთან მივედით, ის ვაჭრები კარზედ გამოვიდნენ, შევხედე, ვიცანი<sup>1</sup>, ამაში ისინიც მოვიდნენ, გადამახდინეს *სანიდგან* და სახლში შემეყვანეს. კარგათ დამხვდნენ, ჩაით და სამარხოს კარგის ვახშმით, მაგრამ ლობიო კი არა ჰქონდათ, ამის ნაცვლათ კარგი კახური წითელი ღვინო მასვეს. (იმდროს დიდი მარხვა იყო.)

ვახშამთ უკან, ძილს რომ ვაპირებდი, თათუა შემოვიდა, მითხრა.

– „გაბრიელა გთხოვესთ, თუ რომ შეიძლებოდეს, ხვალაც აქ ბძანდებოდეთ; ზეგ ისიც გაიხლებათ: და ერთად ნავიდეთ, ლადიკავკაზს საქმე მაქვსო.“

– „დიახ კარგი იქნება, ხვალ აქ დავრჩები, მაგრამ იმ ჩვენი სანის პატრონს გაუსწორდი ფულში?“

– „გაფუსწორდი და ნავიდა კიდევ.“

– „მაშ სანთელი გაიტანე დავიძინო, ძალიან მეძინება.“ ხელი წამოავლო გაიტანა, ოთახის კარი რომ მოგულა და ბნელაში დავრჩი, მაშინვე მოსვენებითა დამეძინა.

ამის მეორე დილაზე რომ გამეღვიძა, 1-ს მარტსა, გაბრიელა და ივანე შემოვიდნენ, ჩემს პირდაპირ სკამებზე დასხდნენ, მკითხეს.

– „წუხელის როგორ მოისვენეთო?“

– „დიახ კარგათ მოსვენებით მეძინა. მაგრამ ერთი ეს შემატყობინეთ, ფოშტა ტფილისს როდის მიდის აქედგან?“

– „დღესა.“

– „არ შეიძლება ტფილისს წიგნი გაუფზავნო ბატონიშვილს დედა ჩემსა?“

– „რატომ არა, თქვენ დაწერეთ, მე გავგზავნი.“ გაბრიელამ მითხრა.

<sup>1</sup> ერთი გაბრიელა იყო, მეორე ივანე და იმათი გვარებიკი არ ვიცი.

მაშინათვე მოკლე წიგნი დავწერე რამდენიმე სიტყვა დედა ჩემ-  
თან: ხელმწიფის მოწყალებით თავის უფლება მეღირსა; აქ ეკატე-  
რინეგრადს მოველ და ხვალ დილაზედ აქედგან გამოვდივარ.  
დავბეჭდე, ზედ ადრესი მოვანერე, მივეცი და მაშინვე წაიღო ჩემი  
ფოშტის ფულით. იქიდგან დიახ ჩქარა მოვიდა და მითხრა.

– „ეხლა ეს არის ფოშტა მოდიოდა, იმის წამლებს ფოშტალიონს  
კარგათ ვიცნობ, ის წიგნი იმას მივეც, ერთი აბაზიც ვაჩუქე და  
ვუთხარ: რა დროც იყოს, ტფილისში რომ ჩახვიდე, ეს წიგნი მაშინვე  
ბატონიშვილ თეკლასთან მიიტანე, *იმახარობლე* და მოახსენე, თქვე-  
ნი შვილი ალექსანდრე გიახლებათეთქო და ერთს მანათს გაჩუქე-  
ბენმეთქი. ეს რომ ვუთხარ, იმან მიპასუხა: იმათი სახლი კარგათ  
ვიცი, რამწამს ჩავალ, მაშინვე მივიტანო.“

– „გაკეთდა ჩვენი საქმე.“ სიამოვნით მივუგე.

– „დიახ, დიახ გაკეთდაო.“ მასუკან თავის სკამზე დაჯდა და და-  
ვინყეთ სამთავ ლაპარაკი.

ამაში იმ მოვაჭრეებისა, თათუასაგან გაკეთებული კარგი ჩაი  
მოგვიტანა და კარგი თეთრის პურით ორი სტაქანი დავლიე. ამ ჩაის  
სმაში ვკითხე იმათ.

– „შაიძლება კიდევ სანით წავიდეთ ლადიკავკასამდინ? –“

– „არა აღარ შეიძლება, დღევანდელი ფოშტა პოვოსკით მოდიო-  
და.“ გაბრიელამ მითხრა.

– „მამ თათო, სამი ცხენიანი პოვოსკა იქირავე.“ იმდროს იქ იდგა  
თათუა. იქიდგან ივანემ.

– „მე უფრო იაფათ ვიქირავებ.“

– „თათო ფული მიართვი ივანეს.“ მე ვუთხარი.

იმ დღეს და იმ ღამესაც ძილის დრომდინ, ძალიან კარგათ გა-  
მატარებინეს დრო. მეორეს დილაზე 2-ს მარტს რომ გამეღვიძა,  
ამდროს შებმული პოვოსკა მოიტანეს და გარეთ ალიაჩოჩქოლი  
შეიქნა. მე თათუას დავუძახე, თათუას გაბრიელა და ივანე თან  
შემოჰყვნენ, მეც ჩქარა ტანისამოსი ჩავიცვი პირის დაბანითა და  
ამასთან ჩაიც დავლიეთ კარგის თეთრის პურით; მცირე ხანის შემ-  
დეგ ივანეს გამოვეთხოვე, კარგის დახვედრისთვის ორთავ მაღლო-  
ბა ვუთხარი და გზას წამოვედი.

აქ ეკატერინეგრადთან მდინარე მალკა დიდი მოდის, ეს ზევითა-  
ცა ვთქვი, რომელზედაც ფიცრის ხიდი გადებული იყო, იმაზედ გამ-

ოვედით და ლადიკავკასისაკენ პირი მივმართეთ. იემშიკსა ვკითხე.

– „ლადიკავკაზს როდის მივალთ? –“

– „იმედი მაქვს ხვალ სალამოს ადრე.“

– „თუ მიგვიყვან, ქირას გარდა კარგ ნავოტკისაც მოგცემ.“

შემოსძახა ცხენებს: გორკუ ნა გორკუ ბარინ დასტ ნავოდკუ<sup>1</sup>. და გასნია. საუცხოვო ცხენებიც ება და კარგი მზიანი დღეც იყო დამშვიდებული.

კავკაზიის მაღალს მთებსა შევხედე, მეტათ მიამა, მოვიდოდი, ვუახლოვდებოდი და ჩემი სული ფრიალებდა წყნარის სიხარულით, ვთქვი: ციბირი ახლოს იყო ჩემთვის, ეხლა არის ეს მოკლე გზა ჩემთვის შორსა. აბა როდის მეღირსება იმის ნახვა, ვისაც მოუთმენლად ველი, ამთენი წლის განშორებულს ჩემს კატინას. შენ ჩემო მშობელო მამულო, შენ რისთვის გამამიმეტე, ამთენი წელიწადი გადამაგდე, დაკარგული ვიყავ, რომ ეხლა ნახევარ კაცი ძლივს მოვდივარ, მოვალ მაგ შენს ხეობაში, შენს ქვეებს მოვლოკ, ჩემი ამთენი წლის დახავსებულისა გულის განსაკურნად. შენ იქნები ემანდ ხეობაში მჩქეფრო მდინარეო თერგო, ჩემი პირველი უკვდაების წყარო, ამთენი წლების დაუღვეველი ჩემი მამულის წყალისა, რომელსაცა შენი მადლიანი ფრთები მამაშველე ჩემო უაღრესო კავკაზო და უვნებელი გადმიყვანე, სადაც დავიბადე შენს კეკლუცს საქართველოში, რომ გაუკითხავმა თოვლის ზვაებმა არ დამიტანონ. მაშინ ზვაების დროც იყო მთებში.

ასე და ამისთანა სიხარულით მოვიდოდი.

იმ ღამეს შუა გზის სტანიცაში ვიყავ და მეორეს დღის სალამო-ჟამს ლადიკავკაზს დავახლოვდით, გაბრიელმა მითხრა.

– „აქ ლადიკავკაზს ერთი საქართველოს აზნაური დგას, დიდი ხანია გადმოსული არის აქა, იმას კარგათ ვიცნობ, თუ გნებავთ იმასთან ჩამოვხტეთ?–“

– „ვინ არის, რა გვარია? –“ ვკითხე.

– „დავით გვარამაძე.“

– „დიახ კარგი, მაგრამ შევანუხებთ.“

– „არა, დიდათ იამება, უფრო მაშინ, როდისაც შეიტყობს ვინახართ თქვენ.“

– „შენ იცი გაბრიელ, მე რალა ვქთუა.“

<sup>1</sup> გორაკიდგან გორაკზე ბატონი მოგვცემს არაყსა.

მცირე ხანის უკან ქ. ლადიკავკაზი შევიარეთ, ერთს სახლის კარებზე მიგვიყვანა გაბრიელმა, იქ პოვოსკა დააყენებინა, თვითონ გადახტა და სახლში შევიდა. ცოტა დრო რომ გამოვიდა, ერთი შუახნის კაი სანახავი კაცი გამოვიდა ქართულათ ჩაცმული, მოვიდა და მითხრა.

– „გთხოვთ ჩამობრძანდეთ, დიდათ სასიამოვნოთ მექნება, რომ ჩემს სახლში გნახამთ.“

მე მაღლობით ჩამოვხტი, სახლში შეველ, სწორეთ ჩვენი საქართველოს მებატონის სახლი ვნახე, ტახტებით დადგმული, ჩვენებურათ საფენ დაფენილი, რომელსაც ძალიან მიამა, მიველ დავჯექე და ქართულს მუთაქაზე დავეყუდე მკლავით. ვუთხარ.

– „ღმერთმა გიშველოს, რომ ჩვენს მამაპაპის ჩვეულებას არა ჰკარგავ.“

– „რათ დავკარგამ, ღმერთმა დამიფაროს.“ სიამოვნის გაცინებით მითხრა.

პატარა მოლაპარაკების შემდეგ, სახლის პატრონი მეორეს ოთახში შევიდა, ამდროს მოსამსახურემ ფადნოზე დადგმული სტაქენებით ჩაი შემოგვიტანა და თვითონაც თან შემოჰყვა. ჩაის სმაში მკითხა.

– „ამ დიდს მარხვაში რას მიირთმევთ, სახსნილოს თუ სამარხოსა? –“

– „აქამდისინ სახსნილოსა ვჭამდი და ახლა დავიმარხვე.“ მივუგე.

– „მაშ მიბრძანეთ, რა სამარხო საჭმლები გავაკეთებინო, რომ გიამოსთ? –“

– „ლობიო გაქვსთ? –“

– „ლობიო? – ტომრებით მიწყვია.“

– „მაშ მიშველეთ, ამთენი წელიწადია მე ის აღარ მიჭამია, დამავალეხთ ჭემმარიტათ.“

– „სხუა კიდევ რაღა გავაკეთებინო? –“

– „მე ის მინდა, იმ ლობიოს შუაძვალი<sup>1</sup>, სხუა სულ არაფერი.“

– „როგორ არაფერი, მე პურადი ქართველი კაცი ვარ და გულ გაშლილი.“ ამასთან სტაქენით ჩაი დაბლა დადგა, მეორეს ოთახში შევიდა და პატარახანის შემდეგ ისევ გამოვიდა. სწორეთ ის ზედ გამოჭრილი ქართველი კაცი იყო: გულგახსნილი, მართალი მოლაპარაკე, მართებული და სხუანი.

<sup>1</sup> ამას მაგალითისათვის იტყვიან ხოლმე გასაცინათ: ლობიოს შუაძვალიო.

ჩაი რომ დავლიეთ, გაბრიელს ვუთხარი.

– „გაბრიელ, შენ უფრო ლადიკავკაზისა კარგათ გეცოდინება, არ შეიძლება რომ აქ პოვოსკა მიქიროთ სამი ცხენიანი სტეფანნ-მინდამდისინ და იქიდგან ფოშტით წავალმეთქი?“

– „რატომ არა.“ მითხრა. მეორეს მხრიდგან სახლის პატრონი მეხვევნა, მეორე დღესაც იქ ვყოფილიყავ, მაგრამ რალა დამაყენებდა.

იმ ღამეს ვახშამზე სამარხო საჭმელი ბევრი მოიტანეს, ისინი რაც ქ. ტფილისში მიჭამია, რომლებიცა მე, სახლის პატრონი და გაბრიელი, ქართულათ ტახტზე ვისხედით, თათუა კი გვემსახურებოდა და სხუა და სხვის ლაპარაკით შევექცეოდით, თანაც წითელ კახურს ღვინოს ვსვამდით, მაგრამ იმთენი კარგის საჭმლისაგან ლობიოს მეტი სხუა არა მიჭამიარა, ასე მიამა. ერთი მათლაბა ლობიო რომ გავათავე, მეორეც რომ დავასხმევიენე, სახლის პატრონმა მითხოვა.

– „ეს სხუა საჭმლები რომ მიირთოთ, უფრო უკეთესი არის, მინამ მაგთენი ლობიო, მეშინიან არ განყინოსთ?“ მაგრამ მე არა ვქენ და ის მათლაბაც დავასრულე. არ ვიცი რა პატრიოტობა იყო ჩემგნით, იმთენი ლობიოს ჭამა, მერე რითა? – კარგი მწარეს ხახვით და კარგის ქართულის პურით ჩაფაშრული, არა კოვზით, არამედ ქართველურად ხელით.

ვახშამთ უკან, იმ ღამეს ძილის დროსა, ის იმთენი პური, ლობიე და იმთენი ხახვი გულზე შემამანვა, მაშინვე გამეღვიძა, იმ ოთახში მეორეს გძელს ტახტზე თვით სახლის პატრონი<sup>1</sup> და გაბრიელს ეძინათ, რომლებმაცა ჩემს კვნესაზე იმ წამს გაიღვიძეს და მკითხეს.

– „რათ კვნესითო? –“

– „ლობიომ ძალიან მანყინა, გულზედ მანვესმეთქი.“

ამ სიტყვაზედ წამოცვივდნენ, გაბრიელმა საჩქაროთ სანთელი აანთო და დავითმა მეორეს ოთახიდგან თუნგით ცხელი წყალი გამოარბენინა; თურმე ადრევე ცეცხლზე დაედგა ვინიცობისათვის და ასე რომ მნახა, იმიტომ გამოარბენინა, თანაც ერთი ვერცხლის ჯამი გამოიტანა; ის ცხელი წყალი იმაზედ დაასხა კარგა სამსეთ.

– „ჩქარა მიირთვითო.“ ჩემს გვერდით, ერთი თითბრის ტაშტიც დადგა.

<sup>1</sup> სახლის პატრონი დავით გვარამაძე განგებ აქ დანოლილიყო: იმთენი ლობიო თუ აწყენს, ჩქარა მივემელოვო.

მეც ის ცხელი წყალი ავნიე და სულ დავლიე. პატარა ხანს უკან ჩემმა აგებულობამ დაიძახა და ის ნაჭამი პირიდგან ამამივიდა. ცოტახანი კიდევ რომ გამოვიდა, კიდევ მეორეთ დამალევინა, ამაზედ ტანიდგანაც ერთი გამკრა, მასუკან სრულათ კარგათ ვიყავ და კარგათაც დამეძინა<sup>1</sup>.

მეორე დილაზედ, რომ გამეღვიძა, უფრო კიდევ კარგათ შევიქეინი, ამ დროს ჩაი რომ დავლიე, პირი დავიბანე, ტანისამოსი ჩავიცვი და საგზავოთ მოვემზადე; ბარგ ჩანყობილი ნაქირავები პოვოსკა მოიტანეს, ორთავ დიდის მადლობით გავეყარე და ჩემს გზაზედ დავადექი იმ პოვოსკით. კარგი საუცხოვო მზიანი დღე იყო იმ დღესაც და კარგა ჩქარათაც მატარა იემშიკმა.

ჩვენს საქართველოს ძველს სამძღვარზედ რომ მოვედით დარიელას ხიდთან, სალამო ჟამმა მოატანა, იქ პოვოსკა დავაყენებინე, საიდგანაც გადავხტი, პოვოსკის იემშიკსა და თათუას ვუთხარ, წყნარწყნარა წასულიყვნენ. რა ისინი გაემართნენ, მე დარიელას ხიდს ქვემოთ მდინარეს თერგისპირზე ჩაველ, როგორც ზევითა ვთქვი, იქ დავიჩოქე, ერთს ქვას მოვეხვიე და იმას კოცნით მოვლოკამდი, რომელსაცა მიხაროდა და ღმერთს მადლობას შევნირავედი: კიდევ ვნახე ჩემი მშობელი მამულის სამძღვრის პირი და კიდევ ფეხი დამადგმევინა იმაზედ. მასუკან წყალის პირთან ჩაველ, რომლის წინაშე ჯერ გულგაშლილის სიამოვნით დავეხე და შემდგომ მუჭით წყალი დავლიე. ისემც ღმერთმა ყოველს ქართველს იმისთანა გული მისცეს, რას გულით მე, იმ წყალის პირიდგან ზევით ამოვედი. აი ჩემი უკვდავების წყარო ეს გრძნობაა! შემდგომ მაღლის ხმითა თათუას დავუძახე: პოვოსკა დააყენემეთქი. გაიგონა დააყენებინა.

ის ხეობა გასაშტერებელია! მთელს კავკაზში შავი ზღვიდგან კასპამდისინ, იმისთანა შემოსასვლელი: *სწორედ* გახსნილი კარებად მოყვანილი არსად არის, სადაც აქ ბევრი რამ მინდა ვთქუა, მაგრამ იმ ლაპარაკს ამაზედ გადმოვიყვან, რომ თექვსმეტი წლის ვახტანგ გორგასლანმა, თავის ხელგამომავალის ქართველებით, დასცა შეძრწუნების ზარი მთელს კავკაზიას შავიზღვიდგან კასპამდის და ამიერ იმიერ ბარსა: ამიერიდგან ჩემი უნდა იყოს და ნამდვილი ძენი შენი, უნდა ამას იქით ქართველები იყვნენ, ერთიანად

<sup>1</sup> ჩემს ფლორკასკი ჩემს გვერდით ეძინახოლმე, თულუფში და გზაზედ ჩემს გვერდით. ჩემს შინელს ქვეშ იწვა.

შენი ქვეყანაო. მაგრამ განძრახუა ეს გადაბრუნდა და ბოლო დროს აკლებული იქმნა საქართველო უსამართლო მტერთაგან. ვაი ჩემი ბრალი. ამასთან ქვითინი ამოვუშვი და მერეთ პოვოსკასთან მოველ. ჩავჯექე დაღონებული, გავსნიე და იმ ღამეს სტეფანწმინდის ფოშტაში ვიყავ, რომელსაცა ჩემი ნუზლი თან მქონდა, ჩაი, შაქარი, სამი ბუთლიკა ღვინო, გაციებული ქათამი, მოხარშული კვერცხები და ყველი. (ესენი სულ წინა ღამეს თათუას მოვამზადებინე ლადიკავკაზს, საგზაოთა.)

ამის მეორე დღია აღრიან ფოშტის სამი ცხენიანი სანა მაიტანეს, ამიტომ რომ იქ პოვოსკა რიგიანათ ველარ იმუშავებდა, დიდი თოვლი იყო, მაღალი ვაკე ხეობაა, სადაც გატყევილს თოვლის გზაზედ, სამი ცხენიანი სანა მირბიოდა და იემშიკიც დასძახებდა: პაპოლ. სხვადასხვის სიტყვებითა.

მზე ახლად იყო ამოსული, ასე მეგონა მაღალს მთაზე ამოსულა და დგას მეთქი, რომ კოპის ფოშტაში მოვედით, იქ მაშინვე კიდევ სამი ცხენიანი სანა შემიბეს, მაგრამ ახლა სამივე მწკრივით, რადგან მაღლობი მთა უნდა გადაგვეარა აქით იქით ამართულის მაღალი მთების შუა და ის სამი ცხენი თოვლის ვინრო გზაში, ერთად რომ არ გაიმართებოდა, იემშიკმა ის ცხენები ისე გძლად გამწკრივებული იმიტომ შეაბა, რომ იმ ვინრო თოვლის გზაში გატყეულიყვნენ თავისუფლათ. აი ამ გზაშია შიში თოვლის ზვავისა. ისე იგძლივ დაჩვეული ყოფილიყვნენ ის ცხენები სიარულსა იმ თოვლიანს გზებში და ასეთი ჩქარის სიარულით გაასწრაფა იემშიკმა, როგორც ხმელს სწორეს გზაზედ. ვოჟებიც (აღვირები) ისე იგძლივ ჰქონდათ თვითეულს ცხენს გაკეთებული და კოზლიდგან იემშიკსა, საითკენაც უნდოდა იქითკენ მიატრიალმოატრიალებდა ცხენებს, რომელსაცა თათუაც გვერდით უჯდა იმას.

მოვიდოდით და იემშიკიც მიეშურებოდა იმ თოვლიანს გზისა კვალობაზედ რაც შეიძლებოდა, ამიტომ რომ მარგი დღე იყო და თოვლის ზვაებისა ემინოდა. ჰაი ტატატა; რას ყოფით დავლიეთ ის საშიში თოვლის ზვაებისა გზები და სამშვიდობოში გავედით იმ 5-ს მარტსა. რასაკვირველია მეც მაღლობა შევწირე ღმერთსა, სამშვიდობოში გამოსვლისა. ვკითხე იემშიკსა.

– „ამ თბილს დროს რომ გეშინოდა ზვაებისა, მამ ახლა დაბრუნებაზედ რასა იქ? –“



– „თუ რომ ყინვას არ დაიჭერს, სალამოჟამზე წამოვალ და მაშინ უთუოთ მოჰყინავს.“ მიპასუხა.

მერეთ გავსწიე და ფასანაურის ფოშტაში მოვედი, სადაც ვისადილე, ცოტათაც დავიძინე, მასუკან პოვოსკით წამოვედი დაბალ ხეობაში, რადგან მაგთენი თოვლი აღარ იყო და მზე კიდევ მაღლა იდგა, რომ ანანურის ფოშტაში მოვედი. ვთქვი: ამაღამ აქ ვიქნები და ხვალ დილაზედ გავწევმეთქი. ამდროს ერთი დოხტურიც მოვიდა რუსეთიდგან მომავალი, ჩვენი გაცნობისა შემდეგ, იმ ღამეს ისიც იქ დარჩა *ერთად გავატარეთ დრო, იმღამეს ერთად ვიყავით* და ჩემს ვახშამზედაც კარგათ შევაქციე, სადაც *ის დილა, მე რომ ანანურში მოველ წინა დღის სალამოზე* ამის მეორე დღეს დილაზე ვგრძნობდი სრულს ჩემი თავის ბედნიერებასა და ჩემი გული, როგორც გაზაფხული ისე გაიშლებოდა, გაზაფხულიც იყო, მზიანი დღეც და ათასსა სიხარულსა ვგრძნობდი, რომელსაცა იმთენი ხნის განშორებულს, იმ დღეს უნდა მენახა ჩემი *დედა, ჩემი ძმები* სულ ერთიან სახლეულობა, ნამეტნავად ჩემი ეკატირინე და *რასაკვირველია* ეს ამისთანა გრძნობა ჩემს გულზე დაინერგებოდა. ვიყავ ატაცებულსავით და სულ ვლიმიმებდი.

ბოლოს პოვოსკა შემიბეს, სადაც ის დოხტური ანანურში დარჩა რალაც საქმეზედ; მეც ჩემს პოვოსკაში ჩავჯექე და საჩქაროთ გამოვწიე, დუშეთს გადმოვედი ფოშტაში, *ჩამოვხტი, სადაც ვისადილე* იქა, მაგრამ კიდევ ისე ვიყავ ატაცებულსავით. სადილს უკან კიდევ სამი ცხენის პოვოსკა მამიტანეს; *რომლითაცა* გამოვწიე, გადმოვედი იმის *გარემო გორების გზებს* ცოტა მაღალი მთები და ქვემოთ *მინდვრის* შარა გზაზედ გამოარბენინა იემშიკმა ცხენები პოვოსკითა. მიხაროდა და ვეტრფოდი ჩემს მშვენიერს მშობელს ქვეყანასა. ცოტა გზა რომ გავირბინეთ, გზის მახლობლად ერთი ვირი ბალახს სძოვდა და როდისაც იმ ვირს დავახლოვდით, თავის მამაპაპური სიმღერა ამოუშო თავის გაძახილის ყროყინითა, რომელმაცა მაშინვე პოვოსკა დავაყენებინე და იმისი ღრიალი დიდათ მესიამოვნებოდა, იმ ჩემი მშობლის მამულის ცხოველისა, რამთენი წლის უნახავისა. ბოლოს მეტის სიამოვნით გამოვწიე და წამოველ. მე რომ ისე სიამოვნით ყურს ვუგდებდი იმ ვირის ყროყინს, ჩემი მოსამსახურე თათუა კი იცინოდა და ბოლო დროს კიდევ მითხრა სიცილით.

– „ბატონო, აგრე როგორ დაგავინყდათ ვირის ყროყინი, რომ აგრე ყურს უგდებდით?“

– „რა ვქნა თათო, დაკარგული ვიყავ უბედური და ახლა ყოველი ჩუენი ქვეყნისას რასაც ვხედავ და ან მესმის, სულ დიდათ მიამება! –“ ამ სიტყვაზედ თათუამ მძიმეთ ამოიოხრა.

მეც გულშერყეული სიხარულით, საითკენ რომელს მხარეს-კი მივიხედ-მოვიხედავდი, ყოველი სატრფიალო იყო ჩემთვის და ღმერთს მაღლობასა შევნირავედი: კიდევ მაღირსა ჩემს მშობელს ქვეყანაში მოსვლა.

მოვიდოდი, მიხაროდა, მოველ ფონთხელის ფოშტაში, სადაც დამხვდნენ, ჩემი ორივ ძმები დიმიტრი და ვახტანგ, დიმიტრის ცოლი მარი ივანოვნა და ჩემი ქალი დარია, მაგრამ კი ველარ ვიცან; გაზდილიყო, შვენება მომატებოდა, რომლებისა სიხარული ჩვენი, რალა გითხრათ, იცით როგორიც იქნებოდა! ბოლოს ჩემმა რძალმა მარი ივანოვნამ ჩემი ქალი დარია მოიყვანა, მითხრა.

– „ჩემო მახლო, ამ ქალს რეკამანდაციას გიზამთ, გთხოვთ იცნობდეთ.“

– „რავქნა, ცნობა რომ არა მაქვს?“ მივუგე.

– „როგორ არა, კარგათ იცნობთ.“

ამდროს დარიამც ორივ ხელი გაიშალა ცრემლით და ჩემმა რძალმაც დაიძახა.

– „შენი ქალი დარიკოა.“

გადავხვიენით ერთმანეთსა და მშობლიურის სიყვარულით ვუთხარ.

– „დედა შენი რალა იქნა შვილო, რატომ აქ არ არის? –“ და თვალეში ცრემლები მამივიდა. ამდროს ჩემმა რძალმა დაიძახა.

– „დედამ ბატონიშვილმა არ გამოუშო: ჩვენ შინ ვიყვნეთ, აქ დავხვდეთო.“

– „შეინჭიმე სწორეთ მითხარ, კიდევ არის თუ აღარა? –“ და გულმა თრთოლა დამინყო.

– „ღმერთს გეფიცები, ის ცოცხალია, როგორც მე და შენ.“ ამ სიტყვაზედ დამიმშვიდა გული.

მინამ კალასკას<sup>1</sup> შეაბამდნენ, ვიცინოდი სიხარულით და ვან-

<sup>1</sup> ეკატერინეგრადიდან მე რომ წიგნი მოვწერე ბატონიშვილს დედას: მოვდივარ-მეთქი. ის წიგნი მე რომ ფონთხელას მოველ, ამ დილით მოსვლოდათ ქ. ტფილისს

ბობდით რამთენს რაებს... რა მზე დაენვერა, კალასკაში ჩავსხედ-  
ით, ჩემი რძალი მარი ივანოვნა, მე იმასთან გვერდით დავჯექ, ჩემი  
ქალი დარიკო ჩვენს წინ პირდაპირ დავისვით, ჩემი ძმებიც ცხენ-  
ებზე მოასხდნენ და გამოვწიეთ, კარგი გულის სიამოვნით, ბევრის  
ლაპარაკით.

მცხეთას რომ მოვედით, მცხეთის თავი გადავუარეთ, მდინარეს  
არაგვში გავედით, სადაც სალამოს ბინდმაცა ჰკრა, მაგრამ მშვენი-  
ერი მთვარე ამოვიდა და იმის ნათელში წამოვედით ქ. ტფილისის-  
კენ, არც ძალიან ჩქარა და არც წყნარა. რალა რა ვთქვა, იცით ჩემი  
გული რას ყოფაში იქნებოდა!..

ის 1840-ი წელი მარტის 6-ის დღის მეთერთმეტე საათი ღამე  
როგორ დამავინყდება, ქ. ტფილისი რომ შემოვიარეთ და შემდეგ  
ჩვენს სახლების ალაყაფის კარსა მოვადეგით, სადაც ჩვენი მოსამ-  
სახურები მიგველოდნენ და ერთობით ერთად დაიძახეს: ციმბირში  
გაგზავნილი ბატონი მოგვივიდა. ამ სიტყვასთან კალასკამაც შეიარა  
ალაყაფის კარში და კიბესთან დადგა. ზევით ბალკონის თავს ბა-  
ტონიშვილი დედა ჩემი, ჩემი ცოლი ეკატერინე და ზოგიერთი ჩვენი  
ნათესავი ქალები დავინახე იმ მთვარიანს ღამეში, რომელიცა კა-  
ლასკიდგან ჩქარა გადმოვედი და კიბეზედ გულის ძგერით ავირბინე.

იქ ბატონიშვილს დედას ორივე ხელები გადაუკოცნე და შემდეგ  
ჩემს თვალებზე დავიწყე. მასუკან მოვბრუნდი, მე და ჩემი ეკატ-  
ერინე ერთმანეთსა გადავეხვიებით და იმ მოხვევნაში ორივე ვთრ-  
თოდით სიამოვნით, მერეთ ჩემი პატარა ქალი მაიკო მოიყვანა,  
რასაკვერელია ისიც სურვილით ავიყვანე ხელში, ვაკოცე რამდენ-  
ჯერმე ტკბილად<sup>1</sup> და შემდგომად ჩემს ნათესავებს მივესალმე. ოჰ!  
რამდენი სიხარული იყო აქა .....

ბევრი ლაპარაკი აღარ უნდა, შევამოკლოთ. მე და ჩემი ეკატერ-  
ინე იმ სიყვარულით შევიყარებით, როგორიც ახალი ჯვარ დაწერ-  
ილები და ისეთივე ბედნიერები ვიყავით, როგორც პირველათა, მა-  
გრამ ჩემს დასასჯელად, ჩემს ეკატერინეს სენი დამართოდა მინამ

---

რიცხვი ეანგარიშათ და ეთქოთ: უთუოთ დღეს უნდა მოვიდესო. მაშინვე კალასკა  
შეებმევიწინებინათ, ჩემი რძალი მარი ივანოვნა და ჩემი ქალი კალასკით წამოსული-  
ყვნენ და ჩემი ძმები ცხენებით, სადაც ფონთხელის ფოშტაში დამხვდნენ, ისე რო-  
გორც გავიგონეთ აქა.

<sup>1</sup> იმ უბედურის მაიკოს ამბავი ცალკე მაქვს დაწერილი. როგორც ღვთიური ქალი  
იყო, იქ ნაიკითხება.

მე რუსეთიდან მოვიდოდი ერთი წლის წინათ: ტაბასტა<sup>1</sup>. მიზეზი ვკითხე: რათამეთქი? –

– „მე ვაბრალებ ორს რასმეო. პირველად ამას, რომ უფროსი ერთი სულ ბატონიშვილს დედასთან ვიყავ განუშორებლათ და ფეხებ მოკეცილი ვიჯექ, რომელიც არც წამოვნებობდი და არც დორზე მივესვენებოდი იმასთან. თუმცა ხშირათ წამონოლას მიბ-  
ძანებდა, მაგრამ მე არა ვშვრებოდი, უზდელიობა იყო მე იმასთან წამოვნოლოდი, ამის გამო ბევრჯველ ასე დავილალებოდი ფეხებ მოკეცილი ჯდომით, რომ გული დამისუსტდებოდა; ამას ბატონიშ-  
ვილი დედა შემატყობდა, უკმაყოფილოდ მეტყოდა: ადგე, კარზე მაინც გადი და ბალკონზე მიიარ–მოიარე, სიარული გარგებსო. მეც ავდგებოდი, სიარულს დავინწყებდი და რასაკვირველია მოძრაობა ჩემთვის კარგი იყო. მეორეც ეს, რომ შენი მოშორების მწუხარება მკლავდა და ამისთვის ეკლესიებში ბევრჯველ ბენშიშველა დავი-  
დოდი სალოცავათ, კიდევ გვენახა ერთმანეთი.“ ესენი ასე მიპა-  
სუხა.

ამაზედ თუმცა მოვეხვიე და ერთმანეთს ტკბილად ვაკოცეთ, მა-  
გრამ შემდეგ მე ძალიან დავლონდი, მკითხა.

– „რაო, რისთვის დალონდიო? –“

– „მე ქვით ჩასაქოლავი ვარ.“ ვუპასუხე.

– „რათა, ღმერთმა დაგიფაროს.“

მასუკან მე ჩემი ამბავები არა დავფარერა და ყველა წვრილად ვუანბე, ის ჩემი საძაგელი ქცევა და ის ჩემი სნეულობანი ორენ-  
ბურღში. ბოლოს ვუთხარ.

– „აი თუ ქვით არა ვარ ჩასაქოლი ჩემო კატო.“

– „არა არა, ნულარ მაგონებთ მაგას, შორს გზას იყავ და იმ-  
თენი ხანიც; მოსაგონი აღარ არის ეგ ანბები. ღმერთს მადლობა შეეწიროთ, კიდევ მშვიდობით მოხველ და გვეღირსა ერთმანეთის  
ნახვა, ეს სჯობია ჩემო სიცოცხლეო.“ და ამასთან ერთმანეთსა გა-  
დავეხვიენით სიყვარულით, მაგრამ როგორც ზევითა ვთქვი, ის ტა-  
ბასტა ხშირათ ჰქონდა, ნამეტნავად ჩემი მოსვლის შემდეგ უფრო  
ხშირათ, ისე, რომ ველარ მივკარებოდი, თვითო ჩემი მიკარება  
უთუოთ ბუნებას მოუშლიდა და სდიოდა სისხლი, ხან ორი კვირა,  
ხან ოცი დღე და ორკვირაზედკი ნაკლები არ, ამის გამო ცალცალკე

<sup>1</sup> სისხლის მდინარება ბუნებიდან.

ქვეშეგებში დაწვრილ, მაგრამ ერთმანეთზე მახლობლათა, ისე რომ ბოლოდროს სრულებით ვეღარ მივეკარე, იმის სიცოცხლე სჯობდა ჩემთვის, მინამ ერთი მინუტი სიამოვნე. ვუყურებდით ერთმანეთსა ცეცხლის თვალებითა და მიკარებაკი არ შეგვეძლო.

ვიყავით ამ ტანჯვაში უერთმანეთოს მიკარებით, თვრამეტი წელიწადი, 1840-ის წლიდან, 1858-ს წლამდინ, ყოველს თვეს: ხან ორი კვირა იყო ავად, ხან ოცი დღე და ერთხელ ოცდა თერთმეტი დღეც იყო ავად, რომელსაცა ჩემმა მოშორებამ მაინც ვერა უშველარა; ქ. ტფილისის გამოჩენილი დოხტურები დაილაღნენ იმის წამლობაზე, მაგრამ ვერა უშველეს რა და კიდევ იმ მდგომარეობით ჰქონდა ის სენი. თუ რომ მე არ მოვსწრებოდი, უთუოთ სოფელს გამოესალმებოდა საუკუნოდ, რომელიცა როდესაცკი ავად გახდებოდა იმ სენითა ისა, მე მაშინ ჩემს თავს აღარ ვასვენებდი იმის მოვლით, არც დღე და აღარც ღამე. ის თავის სენით იტანჯებოდა, მე მწუხარებით იმას ისე რომ ვხედავდი, თორემ იმის მოვლით ჩემს ტანჯვას როგორ შევიმცნევი? – ჩემი მოვლის ტანჯვა იმაზედა, რაღაც გულმოდგინეობითი ნუგეში იყო ხოლმე ჩემთვის, ოღონდ კიდევ კარგათ მენახა ის. მიყურებდა ამ ყოფაში მე ის და ძლიერად სწუხდა, მაგრამ შევეხვეწებოდი და შევევედრებოდი, რომ ჩემთვის ნუ მწუხარებს, შენის სიმრთელისათვის მე დაღალვა არ მამეკიდებამეთქი. ისეც იყო, იმის სენის დროსა: რამთენი დღე და ღამე გავიდოდა, რომ გვერდით ვუჯექ ქვეშაგებთან მოუსვენათ უძილოთა, რომელსაცა თან ხანდისხან მთვლემდა, თან ხანდისხან იმისი მცირედის მოძრაობით ჩემი გული ფეთდებოდა და ხან ცრემლით ღმერთსა ვევედრებოდი, როდისაცკი ეძინებოდა: კიდევ იმის სიცოცხლე დაებრუნებინა ჩემთვის. მიკვირდა და გაოცებული ვიყავი, რომ იმთენი ტაბასტის მდინარება ჰქონდა და საიდგან როგორ? – მაგრამ დოხტურები მარწმუნებდნენ: საჭმლისა და სასმლისა არისო. ამასთან დოხტურები არც სოფლათ გვიშლიდნენ წასვლას ეკიპაჟით და ნავიდოდით კიდევ ხოლმე, მაგრამ რასაკვირველია გაფთხილებით და წყნარწყნარა დაგვყვანდა, ჩემი ეკატირინე არ დაენჯღრია, ასე რომ კახეთშიაც ნავედით ეკლესიების სალოცვად, თვით დედი ჩემით].

ჩემი მოსვლის შემდეგ, გავიდა ორი წელიწადი, მე ამ დროში მოთმინებით ვიყავ დახს მშინდათ. ბოლოს დამძლია ბუნებამ, სისხლის ძალა მამერია, ისე რომ სისხლი თავში ამვარდა რუსეთშიაც

დაჩვეული ვიყავ საძაგლობას და გულმა ჩქროლა დამინყო, ვუთხარ ჩემს მცნობს რომელსამე დობტურს კ... მიჩნია დედაკაცთან ვისთანმე მისვლა, დავყევ იმის რჩევას, მაგრამ ვიფიქრე: სად წავიდე, ვისთან მეთქი? – შემდგომ მამაგონდა.

გვყვანდა ერთი გოგო სახლში მ... არც ულამაზო და არც მომატებული ლამაზი, იმას საიდუმლოთ გავეხმაურე, რაღა გავაგძელო, დამყვა და ამით ცოტა აგებულობა დამიმშვიდდა, მაგრამ სად ჩემი ცოლი და სად ვილაც? – ჩემს ცოლთან სიყვარულით ვთრთოდიტ ორნივ და იმასთან ოლონდ ჩქარა ამესრულებინა, რომ ბუნება დამმშვიდებოდა. ჩემს ცოლთან სიხარულით იყო და იმასთან იმის შემდეგ, სვინიდისით ვიტანჯებოდი, ამასთან ერთს წელიწადს უკან შემიტყვევს და ვილამაც ჩემს ეკატორინესაც შეატყობინა, რომელიცა წყენით ავათ გახდა და ძალიანაც იყო ავათ გონების არევითა, რომელიცა მე მაშინ შეჩვენებულს ვგვანდი, ასე განურვილი ვიყავ და ასე მეგონა: დედამინა ჩამექცა და შიგ ჩავიღუპემეთქი. მეტი ღონე რაღა მქონდა, მე ეს ბატოიშვილს დედა ჩემს შევატყობინე.

– „ჩემი საძაგლობით არის თქვენი რძალი ავათმეთქი.“

და ვუანბე ყველა, მიბძანა გაჯავებით.

– „თავი ველარ დაიჭირე ველარ მოითმინე განა, მოკლე სულო? – ეხლავ ის გოგო გააყვანინე ჩემი სახლიდგან, აქ აღარ იყოსო.“ და მაშინვე გავაყვანინე, მაგრამ გული და სული მიდნებოდა აგებულობაში სირცხვილითა, რომელმაცა მაშინვე გამოჩენილი დობტური დეპნერი მოვიწვიეთ, იმის შემწეობით და კარგი ყურადღების მოვლით, მშვიდობა მოუვლინა ღმერთმა. თუმცა ჩემი ამის შემცოდებისათვის, მე ჩემი ეკატორინე არას მეუბნებოდა და მითამ არც იმცნევედა, მაგრამ მეკი რიგიანად ველარ შამეხედა იმისთვისა და თვალს ვარიდებდი კარგა ხანი. ის იყო და ისა, რომ მე უცხო დედაკაცს აღარ მივკარებვივარ, მაგრამ როდისაცკი მეტისმეტათ ბუნება დამძლევდა და მომატებული სისხლი მამერეოდა, როგორც უცოლობის დროსა ყმანვილკაცობაში, კიდევ ისე ხელით შევიცდებოდი.

გავიდა ამთენი დრო, ჩვენს ამისთანას უსიამოვნობაში, ბოლო დროს როგორცა ვთქვი 1858-ს წელსა ამ წლის დამდეგს, შესწყდა და სამი თვე გავიდა, აღარ გამოაჩნდა თავის რიგი, მაშინ დობტურებმა ნებაც მამცეს იმასთან აღერსისა. იმდროს მე და ჩემი კატინას

სიხარული განუსაზღვრებელი იყო, ჯერ ამისთვის, რომ ეკატერინე კარგათ შეიქნა და მასუკან ერთი სარეცელი გვეღირსებოდა თვრამეტის წლის მოშორებულთ. მაგრამ ხვალ ღამეს რომ ერთათ უნდა შევეყრილიყავით, წინაღუეს ვთქვით: ხვალ დილით აბანოში წავიდეთ და ხვალ ღამესა ერთი სარეცელი ვიქონიოთო. ჩემი კატერინა წავიდა, სწორეთ საბანებლათ და მე წაველ მითამ ჩემი ცოდვის გასაბანათ, თუ ამითი გამებანებოდა? – რაღა გავაგძელო, დანარჩენი საგრძნობია! .....

აი, ყოველი ჩემი ცოდვის საქციელი ესენია, ჩემგნით აღთქმული: აღვწერმეთქი.

**თა ა. ვახ. ძე ჯ. ორბელიანი.  
3-ს სექტენბერს 1869-სა წელსა. ქ. ტფილისს.**

**უთარღოზი**





## ჩემი გზობლა

შაბაზის ყორჩიბაშმა (ქართული სახელი ვახტანგ) რომ შეიტყო ყაფლანის ბედნიერება და იმისი ბევრი შვილიერება, წიგნი მოსწერა და ერთ-ერთი იმისი შვილი დაიბარა თავისთან გასაზღვლათ. ყაფლანმა თავისი მესამე შვილი, ორბელ გაუგზავნა, რომელმაცა ქართულს და სპარსულს გვარზე კარგათ გაზარდა და გამოსტუმრების დროს დიდი ფული გამოატანა ორბელს და თავის ძმისწულს ყაფლანს მოსწერა ჯერ ორბელის დიდი ქება და მასკვან: „თუმცა მაჰმადიანი ვარ, მაგრამ მაინც ჩემი გული ქრისტიანობაზე არ შემცვლია. გარდა ამისა, რაერთი ფულიც ორბელს გამოვატანე, გთხოვ მაგ ფულით ფიტარეთის პატარა ეკლესია გაავრცელებინო და ყოვლის მშვენიერებით შეამკო. ესეც რომა, მაგ ორბელს ჩემი სახელი უწოდე (ესე იგი ვახტანგ)<sup>1</sup>. ჩემი სახელი თქვენს სახლში დარჩეს, რომ თქვენი სახლის მომავალი მომიგონებდნენ და განსვენებას მეტყოდენ“.

მართალია, ფიტარეთის ეკლესიის გაავრცელებისათვის მოუვიდა ფული, მარამ ყაფლანმა ხულუტის ციხე ააშენა გაჭირებისათვის. კიდევ ეშინოდა. როდისაც ეს ამბავი შეიტყო ყიზილბაშის ხელმწიფის ყორჩიბაშმა (ვახტანგმა), მეორეთ უფრო ბევრი ფული გამოუგზავნა, რომელმაცა ამით გაავრცელა და ზედ დიდი გუმბათი დაადგა და დასდეს სახელი ფიტარეთის ღვთისმშობლის ეკლესია, სადაც ყაფლანის მომავალი შვილიშვილები იმარხებოდენ, ესე იგი ჯამბაკურიანნი ორბელიანნი სომხითის აოხრებამდისინ და შემდგომ ქ. ტფილისის სიონთა ღვთისმშობლის ეკლესიაში დაიმარხებოდენ და ამ ოცის წლის წინათ და მერე რუსებმა აგვიკრძალეს. ამის გამო სხვადასხვა ადგილებში იმარხებიან და აღარა გვაქვს სასაფლაო, რომ ვითარცა ერთის თესლიდგან მოვდივართ, ისევ ვიმინებოდეთ და ვიკრიბებოდეთ, ერთს ადგილას გროვდებოდეს ჩვენი ძვლები და ერთათ იმინებოდენ, მგონია, კარგი იქნება? მაგრამ ახლა სხვა ჭკუა არის და სხვა განათლება, თორემ ჩვენი ძველი სასაფლაოს ეკლესია ისევ ისე დგას შეურყევლად და გარშემო მალალი ტყე ახვევია და ძველადგანვე გაოხრებული ისევ ისე უნ-

<sup>1</sup> ჩვენის ოჯახის წიგნებში ზოგში ორბელად არის წოდებული და ზოგში ვახტანგად. მის გამო ჩვენს ოჯახში ვახტანგის სახელი ამ მიზეზით დარჩომილა.

მინდურად არის, რომ უცხო კაცმა ნახოს, ასე ეგონება, პატრონი აღარა ჰყავსო.

ახლა ყაფლანს მივხედოთ და მისი სახლისა ვთქვით რამე. საქართველოს მეფემ ნახა, ძლიერი ნათესავეები ჰყვანდა ყიზილბასში, ამისთვის დაიმეგობრა. ნამეტნავად ხუთი ვაჟკაცი შვილები რომ მოესწრა, ამან უფრო დაამეგობრა და ყაფლანის ასული როდამ ცოლათაც შეირთო შანაოზ მეფემ.

## ჩემი მშობელი

სწორე შეტყობისათვის უფრო აქედან დავინყო: დიდ ყმისა და მამულის მფლობელს თავადს ყაფლანს ჯამბაკურიან ორბელიანს ჰყვანდა ხუთნი ძენი, (როგორც წარსულში ვთქვი): პაპუნა, *მაგრამ უძეოთ ამონყდა*, ასლან, ორბელ (შემდგომ ვახტანგად ნოდებული), თამაზ და გიორგი. პაპუნა უძეოდ ამონყდა.

გარეთუბანს მტკვრის პირთან ახლა რომ დგანან ჯ. ორბელიანები, ასლანის ჩამომავალნი არიან. ორბელის ჩამომავალნი ვართ ჩვენ, სამნი ძმები. თამაზის ჩამომავალნი არიან: ღენერალ მაიორი თავადი დიმიტრი, იმისი ორნი ძმანი და ერთი კიდეც სხვა სახლობა და გიორგის ჩამომავლობა ორი ქალის მეტი აღარავინ აღარ არის.<sup>1</sup> მაგრამ ეს კი შესანიშნავია, ქრისტეს უწინარესად რომ მოსულან ჩვენი წინაპარნი კიტიიდეგან ივერიაში, იქიდეგან აქამომდე ჩინებულნი კაცნი გამოსულან ჩვენ გვარში და ახლაც ვხედავთ, რომელთაცა თავისი სახელოვანი ძველი გვარი უდიდებით მარადის, ყველგან განთქმულნი ყოფილან და ახლაცა სახელოვნებენ იმათ შვილები.

რადგანაც ჩემი მშობლების ამბავსა, *მოთხრობას ვწერ*, ამისთვის იმასვე მოვყვით და ჩვენი გვარის ამბავი ისტორიას დავანებოთ, მხოლოდ ამას *ცოტას სასიამოვნოს ამბავსა* კი ვიტყვი კიდეც, ვიცი არავის არ ეწყინება წასაკითხავად.

ჩვენის სახლის ორბელს ჰყვანდა ძე ვახუშტი,<sup>2</sup> და ამის უძეო ძმანი და ამ ვახუშტის ჰყვანდა ძე ელიზბარ<sup>3</sup> (ქართლის მეფის ეშკალაბაში). როდისაც სახელგანთქმული ნადირშა ერევანში იმყოფებოდა, ამ დროს ამბავი მოუვიდა: ოსმალში მიმავალი ყიზილბაშის ქარავანი საქართველოს სამზღვარში რომ შემოსულა, ქართველების ჯარი დასხმია და სრულიად წაუხდენიათ.

მრისხანემ, ელიზბარ ეშკალაბაში ფიცხათ მიაყვანინა ქაიხოსრო სარდლის დაბეზლებით და თავის თვალწინ გაუკეთხავად მოაშობინა. „შენ საქართველოს ეშკალაბაში ხარ, სწორეთ შევიტყე, რომ ნამდვილად შენ წაგიხდენინებია ყიზილბაშის ქარავანიო“. ამასთა-

<sup>1</sup> ერთი ჰყავს ჩემს ძმას დიმიტრის და მეორე, – რუსის ჩინოვნიკსა ბეზაკს, რომელიც რომ არის დიდი კაცი.

<sup>2</sup> ამ ვახუშტის სხვა ძმებიცა ჰყვანდა.

<sup>3</sup> ელიზბარსაც ჰყვანდა რამთენიმე ძმა.

ნავე განრისხებულმა *ნადირშამ* ოთხი-ხუთი ათასი ყიზილბაში გამოუსია ტანძიაში. *სადაც იდგნენ ორბელიანები, მაგრამ მეორე სადგომი სასახლე დმანისშიაც ჰქონიათ.* ელიზბარ ეშკალაბაშის განძლიერებული და მდიდარი სახლი სრულიად აიკლეს სპარსელებმა, რომ ერთი აბაზისა აღარა გაუშვეს რა სახლში. სანყალმა ელიზბარის ცოლმა ელენემ, *კაცს ერთი შვილის მეტი არა ჰყოლია*, თავისი ოთხი თუ ხუთი წლის შვილი დიმიტრი გამოიტაცა თავის ხელით, ეს მაინც არ მამიკლანო და ოთხი მოსამსახურითა ხრამში<sup>1</sup> გადავარდა და ამით მოიღრჩინა, *დაიფარა* თავიანთი სიცოცხლე, თორემ იმათაც სიკვდილს უპირებდნენ. ამის მნახველი ორბელიანები სრულიად აიყარნენ სომხითიდგან და *მგლოვიარენი* ქ. ტფილისში ჩამოვიდნენ, სადაც მას აქეთ დგანან, მაგრამ იმათი აყრილობით მთელი სომხითი წახდა ამისათვის, რომ ჯერ დიდი კაცნი იყვნენ და ძლიერნი საქართველოში, მასუკან ისე გულშემატკივარი აღარავინ აღარ ჰყვანდა სომხითს, ამიტომ ლეკებმა თამაშობა დაინყეს და სომხითი ააოხრეს.<sup>2</sup>

<sup>1</sup> ხრამი არის ხეობა და დიას მაგარი ადგილი, ტანძიაზედ მოახლოვოდ. ამ ხეობას სწორე სახელი ქციის ხეობა ჰქვიან და ხრამი თათრული სიტყვა არის.

<sup>2</sup> ზევით რომ ვთქვი ქაიხოსრო სარდალმა დააბეზლა ელიზბარ ეშკალაბაში მეთქი, ამის ქვემოთ ნავიკითხოთ: რა გაენყობა კაცის შურსა.

ქაიხოსრო სარდალი მეტი ხარბი ყოფილა ყოვლის შემატებისა, ამისათვის ჯერ ამას ვიტყვი, რომ თავის ცოლის ძმა თაზურაბიშვილი დააჭერინა და ხარობი ჩააგდებინა – „სოფელი ქვეში მამყიდეო“. – იძულებულქმნილმა მიჰყიდა. მეორე, იმათი სახლის შვილის სამარადლო ორბელიანისაგან გამიგონია: – მეტი დაუნდობელი და ფურსავანგი კაცი ყოფილა ქაიხოსრო სარდალიო. მესამე, ყარახანის მთაზე ყიზილბაშის ქარავანი რომ ნაუხდენიათ, იმათი ნამხდენი ყოფილან ყმანვილი კაცები, ბარათაშვილები. ამ დროს ქაიხოსრო სარდალი იქ ხლებია ერევანში ნადირშასა, რომელსაცა უკითხამს: „იმ ქარავანს ვინ ნახდენდაო“. მოუხსენებია შეუკდამად: – „ელიზბარ ეშკალაბაშიო“. საჩქაროთ მიუყვანინებია და ქაიხოსრო სარდალის თანდასწრებით, თავის თვალწინ თოკით დაუხრჩობინებია, როდისაც ახრჩობდნენ (თავის ბიძაშვილი, ანუ ცოტა შორს ნათესავი) ზაალ ყაფლანიშვილი გვერდით დგომია ქაიხოსრო სარდალს. და ამ ყმანვილ კაცსა ვედრებით უთქომს: „ქაიხოსრო სარდალო, ვერა ხედავ უსამართლოდ ძმას გვიხრჩობენ, თქვენი ვალია, წადგეით, მოახსენეთ ვინც არიან ქარავნის ნამხდენნი და ჩვენი სახლის ძმა გამოიხსენით“. აი, ქაიხოსრო სარდალის პასუხი: „გიჟი ყოფილხარ, ეგ რომ უთხრა, მაგისთანა მრისხანე კაცი ჩვენც დაგვახრჩობს“. მეოთხე, ელიზბარ ეშკალაბაშის დახრჩობის შემდეგ, არ ვიცი სვინდისსა შეუნუხებია ქაიხოსრო სარდალი, თუ თავის თავის გამართლება სდომია. ელიზბარ ეშკალაბაშის დაბეზლებას თვითონ არ იბრალებს, მაგრამ ასეთი უშზგავსო სიტყვებით აღუწერია ელიზბარ ეშკალაბაში ქალაღებდა და ასეთი ცილის დანამების საბუთებით დაუმტკიცებია, ვითომ ტყვის მყიდველი იყო ქართველებისა და უფრო კიდევ ამაზე მომატებულები, რომ უცხო კაცი უთუოდ დაიჯერებს, რო-

ელენე თავის პატარა შვილითა და ოთხის მოსამსახურითა დაუყოვნად წავიდა და საჩქაროთ იმერეთში გადავიდა თავის დედას ხვარამზესთან,<sup>1</sup> რადგანაც იმერეთში მაშინ აღრეულობა იყო ოსმალოელებისაგან, ამისათვის რუსეთში გადასულიყო. წავიდა და თავის ბიძას მეფე ვახტანგს შეეხიზნა, მახლობლობის (ნათესაობის) გამო სახლეულობამ დიახ კარგად მიიღო, რომელმაცა მეფის ვახტანგის სახლეულობაში აღზარდა თავისი პატარა შვილი, არა ევროპიულს გვარზე, არამედ ძველ ქართველურადვე.

როდესაც მეფის ირაკლის სახელოვნებამ გამოიჩინა თავი, და ელენეს<sup>2</sup> ყურამდისინაც მიახნია, მაშინვე თავისი შვილით გამოისწრაფა და თავის მამულს მომართა, მაგრამ ლეკებისაგან აოხრებული დახვდა. მეფე ირაკლიმ კარგათ მიიღო ელენე. იმისი შვილი

---

მელიცა შვილსავით უვლიდა, უფროხილდებოდა სომხითს და რომელიცა ელიზბარ ეშკალაბაშის შემდეგ კიდეც წამბდარა სომხითი. ასე რომ, განრისხებულს ნადირშასა პირიქით ყარახანისა, სრულიად ყაიყულები და პირაქეთ ტაშირზედ რამოდენიმე შენობა აუყრევინებია გაჯავრებულს: ყიზილბაშის ქარავანი რათ წაახდინესო და ყიზილბაშში გადაუსახლებია. რაც შენობა დარჩომილა სომხითში, ნეტავი იმისთვის მაინც მოველო ქაიხოსრო სარდალს, ის დანარჩენი იმის სიცოცხლეშივე ნაუხდენიათ ლეკებს და სრულიად გაუოხრებიათ. ერთხელ მე და იმათი სახლის შვილი ასლან ორბელიანი მთაზედ ვიყავით თავად ლუარსაბ სუმბათიის დროსა; ნახდენილ ყაიყულებს რომ გადახვდა, უეცრათ დაიძახა: „ტაშირისა და ამ ყაიყულების წახდენა ქაიხოსრო სარდალმა შეგვმატა, ბოლოს სომხითიც ზედ დაედო“. მე მაშინვე მივხვდი, რაზედაც ამბობდა. მე აღარა ვკითხე რა და იმ პატიოსანმა და პატივცემულმა მოხუცებულმაც აღარა თქო რა, მხოლოდ რამდენჯერმე თავი გაიქნია მწუხარების სახით და მძიმე ამოოხვრით ჩვენს სომხითს თვალი გადაავლო. და მეხუთე, ქაიხოსრო სარდალს აუშენებია ქალაღდზე, ვითომ სახლის უფროსობა იმათ სახლსა შქონიყოთ, ამისთვის რაც შენათ დარჩომილა ყმა და მამული, იმისი შემოსავალი, ორი წილი ქაიხოსრო სარდალისა უნდა ყოფილიყო და სამი წილი შემდეგი სამი სახლისა, ამას მეფე თეიმურაზ, მეფე ირაკლი მეორე და ანტონი ქათალიკოზიც უმტკიცებენ. შიშის გამოისობით სამი სახლის კაცებიც უმტკიცებენ მეფეებისაგან იმ დამტკიცებულს წერილსა, მაშინ, როდესაც, რომ მეფე ვახტანგ გასული იყო საქართველოდან და რუსეთში იმყოფებოდა და, რასაკვირველია, ქაიხოსრო სარდალი მაშინ საჭირო იქნებოდა თეიმურაზ მეფისათვის, მაგრამ ქაიხოსრო სარდალის შემდეგ იმის შვილებს და შემდგომებსა სამსა სახლსა აღარ შეუწყნარებიათ ქაიხოსრო სარდალისაგან გაკეთებული წიგნი და ოთხ თანახნორ წილადვე დაუდვიათ ყოველი მამაპაპური მამული გასაყოფათ. მე გაკვირვებული ვარ, ამ რუსების სასამართლოში რაღათ დაუმტკიცებინებიათ ის ქაიხოსრო სარდალის გაკეთებული წერილი ახლანდელს იმათ შვილებს, რომელიცა გაბათილებული არის?

<sup>1</sup> ეს ხვარამზე მეფის ვახტანგის და იყო და თავადს ჩიჯავაძეს ჰყავდა ცოლად იმერეთში.

<sup>2</sup> ელენე და მეფე ირაკლი ახლო ნათესავები იყვნენ ერთმანეთისა. მეფის ვახტანგის ქალი (თამარის) შვილი მეფე ირაკლი იყო, მეფის ვახტანგისავე დისწული, – ელენე, რომლისაცა ზევით ითქვა იმისი სახელი.

დიმიტრი ჯერ თავის ამაღლაში შერიცხა და ბოლოს თავის შვილს ლევანს მისცა, რომელთანაც ჩინებულ ვაჟკაცათ გამოჩნდა ყოველს ომში და რომელსაცა დიდათაცა სწყალობდა ბატონიშვილი ლევან *პაპაჩემს დიმიტრისა*.

ერთს დროს ძლიერი ლეკის ჯარი ჩამოვიდა საგურამოში, სადაც უეცარის ელვასავით გამოუკრთა ლევან ბატონიშვილი თავისი გამოჩენილის ამაღლითა და მთიულეთის ჯარითა. ლეკებმა სიმაგრე მოიმზადეს და შეუპოვრად ჩაუსხდნენ შიგა. ეკვეთნენ ქართველები, მაგრამ ვერ დააგდებინეს სიმაგრე. ლევან ბატონიშვილმა ლეკების გამაგრება რომ ნახა, *პაპაჩემს დიმიტრის* მოუწოდა და უბძანა: – „ხუთასის მთიულეთის მეომრებით მიდი *პირდაპირ*, როგორათაც შენის ვაჟკაცობისაგან ვიცოდე. ზურგი არ უჩვენო. მოიმედეც ვიქნები, მალე გადალახავ მტერსა და ჩემთანაც მალე მოხვალ გამარჯვებული“. ამის გამგონემ სიამოვნით თავი დაუკრა. რომელიცა სიხარულით ხმალმოსმული მიუძღვა მთიულეთის ჯარსა. *ასე წამსვე* დაუყოვნათ დაამარცხეს ლეკის ჯარი. იმ დღეს არავინ არ დარჩა ტყვის უშოვარი, არა მთიული და არა ქართველი. ომი რომ გადაწყდა, *პაპაჩემი დიმიტრი* გამარჯვებული გამობრუნდა, ერთს დაჭრილს ლეკს ნაადგა, ჯაგის ძირში მჯდომარეს, *შეჩვენებულმა* რომელმაცა მომზადებული თოფი ჰკრა გულში უეცრათა და იქვე გადააქცია სასიკვდინოთ *ყოვლისფრით კარგი ვაჟკაცი პაპაჩემი*.

ლევან ბატონიშვილმა ერთიმეორეზედ გაუგზავნა მოსამსახურეები. „დიმიტრი ყაფლანიშვილი მომგვარეთ და ჩქარა მომგვარეთ“. ასე მოუთმენლად ელოდა. ნაცვლად სიხარულისა, დაღონებული კაცი მიუვიდა. ყოველი განუცხადა და ამასთან მოახსენა: „დიმიტრი ყაფლანიშვილი<sup>1</sup> დიდი ვედრებითა გთხოვსთ, მობძანდეთ და მისი უკანასკნელი სიტყვა მოიხსენოთ. ასე *თურმე* შენუხდა ლევან ბატონიშვილი, რომ გული ვედარ შეიმაგრა და *მწარეს* ტირილით მიბძანდა. თუმცა ბატონიშვილმა ნუგეში სცა, მაგრამ უკანასკნელს ჟამში მყოფმა მოახსენა: – არა, ჩემო ხემნიფევ, მე კაცი ვარ, სიკვდილის მოვალე, რომელსაც ვაძლევთ თავის ვალსა. გვევდრებით ნუ, *ნურც თქვენ* შენუხდებით.

<sup>1</sup> ამ *პაპაჩემის დიმიტრის* ლექსები მაქვს თავის ხელით დანერილი თავის საყვარლის ცოლის ემხზედა.

## მამიჩემის მოსამსახურეები

მინამ მამაჩემს მოჰკლავდნენ კახეთში (1812-ს) მანამდის იმას კიდევ ჰყუანდა თორმეტი მოსამსახურე: ერთი ბერელა, იმასთან თან შეზდილი დასხუანი თითქმის მამიჩემისაგან დაზდილები... ეს მოსამსახურენი იყვნენ უცხოთ ჩაცმულები უცხო ლეკურის ნაბდებითა, რომლებსაცა ყუელას თვითეული კარგი ცხენი ჰყუანდათ თავის კარგი შესაფერის განყობილობითა და თოფ იარაღი ხომ საუკეთესო ჰქონდათიმათ. ვაჟკაცობითაც მართლა კარგნი იყვნენ და არც გამოცდილება აკლდათ ჯარსა ომიანობაში, რომლებიცა შენირულნი იყვნენ ერთგულობით ბატონისა ესე იგი მამაჩემისა და გაზდილობითაც მოთავაზენი კარგნი ზდილნიც იყვნენ.

ისინი იყვნენ კარგნი მოსამსახურენი სახლში, რაც მაშინდელს დროს შეეფერებოდა ყუელა კარგათ იცოდნენ სამსახური და იმათ-შიუფროსი ერთმა წიგნი წერაც კარგათ იცოდა. ამის გარდა, ისინი იყვნენ მაშინდელს გუარზედ კარგი მზარეულეები, კარგი დალაქები, კარგი მეჯინიბენი, კარგი ნალბანდები, კარგი ბათლები და ერთი სიტყვით ყოველი სამსახური, შინ თუ გარეთ ყუელა კარგათ იცოდნენ, რომ როდისაც ვის როგორ რა დაშქირდებოდა, სულ უნდა სცოდნოდა, მაგრამ ეს კი უნდა ვთქუათ, რომ მამაჩემსა მზარეულიც ცალკე ჰყუანდა, მეჯინიბეებიც ცალკე და ყოველი სამსახურისა მოსამსახურენი ცალკე. მხოლოდ მოვალეობას ვანბობ, ყოველი მოსამსახურე მოვალე იყო, ყოველი სამსახური სცოდნოდა ვინიცობისათვის, რომ ყოველს შემთხვევაში მოეხმარა. რადგან მაშინ სულ ჯარიანობაში იყვნენ, ამისთვის ვინ რომელი მოსამსახურე გაჰყვებოდა ბატონს, ეს საჩქაროთ იყო ხოლმე და ამიტომ ყოველს მოსამსახურეს ყოველი სამსახური უნდა სცოდნოდა, რომ იმითი ემსახურა ბატონისთვის ანუ თვითონ თავის თავისათვის, თუ ოდესმე მარტო შეხვდებოდა. არამცთუ სათაკილოდ მიაჩნდათ იმთენი სამსახურის ცოდნა მაშინდელსა მოსამსახურებსა – დიდ სახელათ ჰქონდათ და არაფრისთანას სამსახურსაც არასდროს არ ითაკილებდნენ რაც რომ უნდა ყოფილიყო, როგორც ეხლა ლაქიებსა სათაკილოთ აქუთ სხვა რამ სამსახური, თუ არ მხოლოდ თავისი მხედრი.

ეს მოსამსახურეები სულ ცოლშვილიანები იყვნენ; ზოგიერთსა სოფლებში ჰყუანდათ ცოლები, რომლებსაცა თვეში ერთხელ თუ



ორ თვეში ერთხელ დაითხოვდა ბატონი, იქ ცოტახანს იქნებოდნენ და ისევ ბატონთან ჩამოვიდოდნენ. ზოგნი კი ქ. ტფილისში იყვნენ დასახლებულები, რომლებიცა ღამე შინ მიდიოდნენ და დილაზე ადრიან, ისევ ბატონის კარზედ იყვნენ ხოლმე. მოახლენი კი სულ შინ იყვნენ, ყველანი თავთავის სამსახურზედ იდგნენ და თუ რომელიმე მოახლე მოინდომებდა გათხოვებას, ვერ დაუჭერდნენ, კარგი მზითვით უნდა გაეთხოვებინათ და უთუოთ უნდა გასულიყო კიდევ, შინ აღარ შეინახამდნენ, მაგრამ ზოგი ერთნი ბატონის სახლში დაბერებას ირჩევდნენ, რომ იმათის ხელით დავიმარხნეთო.

ესენი სულ არამც მარტო ჩვენს სახლში იყო ხოლმე, არამედ ყოველს საქართველოს კარგ სახლებში ასე იყო და ჩვეულებადაჰქონდათ ყოველს სახლსა ესენი და იმათ კერძობასაც ასე.

**თ ა ა. ვახ. ძე ჯ. ორბელიანი**

## ჩემი სახლის წინაპარი

უკანასკნელის ჩუენის ყაფლანიდგან მოვყუები, რადგან კიდევ იმისგან წამოვიდა ჩუენი ოთხი სახლის შვილები. ყაფლანს ჰყუანდა ხუთი ძე: პაპუნა (უშვილოთ ამონყდა), ასლან, ორბელ, თამაზ და გიორგი. ასლანის მომავალი შვილები დღესაც არიან. მეორე ძმის ორბელისანი ანუ ვახტანგისაგანა<sup>1</sup> ვართ სამნი ძმანი ჩუენა: ალექსანდრე, დიმიტრი და ვახტანგ. თამაზისა კიდევ სამნი ძმანი და გიორგისა ორი ქალი. ერთი ჰყავს ჩემს ძმას დიმიტრის (მარია ივანოვნა) და მეორე ამის ბიძაშვილი რუსსა, გვარად ბეზაკს. რადგან ჩემი სახლის ამბავსა ვნერ, ამისთვის სხუებისას არას ვიტყვი, იმათ შვილებსაც შუეძლიანთ ესა, თუ მოინადნონ, იმათაც აღწერონ თავიანთი წინაპართა ამბავი. ჩუენ ყუელასათვის კარგი უნდა იყოს, სასიამოვნო.

ჩუენი სახლის წინაპარსა ორბელს ჰყუანდა ძენი რუანი. სულხან (ბოლოს საბა ორბელიანი), ვახუშტი, ერასტი და სხუანი.

ვახუშტი დიდ მეფეს გიორგისთან მოკვდა სპარსეთს ყანდაარის ქალაქში, რომელსაცა აცხადებს შანაოზ მეფის სამძიმრის ორი წიგნი, ერასტისთან მოწერილი, დიახ, გულმტკივნეული და მეორე ეგრეთივე წიგნი, ამისგან [ძად...] ების გამოსაცვლელს ტანისამოსს უგზავნის ერასტისა.

სახლისშვილები ჩუენი ესენი იყუნენ, ქართლის მეფის სახლის ნათესავნი, რომელთაცა დიდი ხმა ჰქონიათ მეფის სახლში და ქართლშიაც.

სპარსეთიდან რომ მოსულა მეფე ვახტანგ ქართლში, მაშინვე ლუარსაბ სარდალი, მუხრანის ბატონი და ერისთავი დაუჭერია, რომლებსათვისაც ნდომია სამთავე თავი დააყრევინოს, მაგრამ ჩუენი სახლის შვილი ერასტი<sup>2</sup> თავის ძმებით მისულან რუსუდან

<sup>1</sup> ეს ორბელი სპარსეთში გაუზდია გათათრებულს ყაფლანის ბიძას, ყორი იასაულთ ბაშს, შააბაზის მხლებელს, ამას რქმევია ვახტანგ და როდისაც ეს ორბელ გამოუგზავნია თავის ძმისწულის ყაფლანისათვის, ამასთან მოუწერია: ორბელ უცხო შვილი არის, კარგათ გავზარდე და გთხოვ ჩემი ნათლობის სახელი ჩემ სახსოვრათ დაარქო – ვახტანგ. ჩვენი სახლეულობის ზოგიერთ წიგნში სწერია ორბელათ და ზოგიერთში ვახტანგათ.

<sup>2</sup> ეს ერასტი ყოფილა ქართლის მეფის დიდი დიანბევი. ამის დროსა შემოსულან ოსმალონი საქართუელოში, რომლისათვის ჩაუბარებიათ სრულიად სომხითი და იქითი მხარე სულერთიან, მაგრამ ოსმალებისაგან მეტად შეინწოვებულა საქართუელი.

დედოფალთან, მუხლებზე მოხვევიან ცრემლით და იმისი შემწეობით თავიანთი ბიძაშვილი ლუარსაბ სარდალი (ასლანიშვილი) გამოუხსნიათ და განუთავისუფლებია მეფეს ვახტანგს, რომელსაც აცხადებს ლუარსაბ სარდლის წიგნი ერასტი დიანბეგთან მოწერილი: *სადაც ბიძად უწოდებს იმ წიგნში მეტი პატივისცემის გამო, მაგრამ ბიძაშვილები კი იყვნენ.* „ბიძაჩემო ერასტი<sup>1</sup> დიანბეგო, ასეთი საქმე *ჰქმენით ჩემზე*, მიყავით, ღვთის მეტი მაგიერს ვერავინ გადაგიხდისთ, რომ სიკვდილისაგან გამომიხსენით“, მაგრამ მუხრანისბატონი და ერისთავი კი დაუსაჯავს. იმათთვის თავები დაუყრევინებია.

ჩუენი სახლის შვილს ვახუშტისა ჰყუანდა ძენი: ელიზბარ, ვახტანგ და სხუა. ამ ელიზბარს ჰყუანდა ცოლი, მეფის ვახტანგის დისწული, ხუარამზეს<sup>2</sup> ქალი ელენე, რომელიცა იყო ელიზბარი, ქართლის მეფის ეშკალაბაში.

---

ერთს დღეს ოსმალოთა დაუჭერიათ ერასტი დიანბეგის ბიძაშვილი მანუჩარ, უნაგირი დაუდგამთ, ლაგამი ამოუდვიათ პირში, ზედ ოსმალო შეუსომთ და ისე ურბენინებიათ, რომელსაცა ამის მწუხარებისათვის ველარ გაუძლია ჯავრით დასწეულეზულ ერასტი დიანბეგსა და ერთს წელიწადზე მომკვდარა *სნეულად ჩავარდნილი ჯავრისაგან.*

<sup>1</sup> მეტის პატივისცემით, ბიძას თურმე უძახოდა ერასტის ლუარსაბ სარდალი, თორემ ბიძაშვილები იყვნენ.

<sup>2</sup> ეს ხუარამზე ჰყუანდა იმერეთის პირველს თავადს ჩიჯავაძეს.

## მხოლოდ ჩემი სახლის წინაპარნი

რაც შევიძელ, მოკლეთ აღვწერე ამათი ამბავი. ჩვენი დიდი პაპის ყაფლანდგან დავინყობ, რომლებთაცა შორის, უწინდელს ძველს კაცებში ცხადი იყო ამ ყაფლანის ამბავი: ბარათაანთ როგორ ამონყვიტეს ამ ყაფლანის მამის სახლეულობა, ყმანვილი ყაფლან თავისმა ლალამ როგორ მოიტაცა, ყაფლანის მამის მეგობარს არ-ლუთაშვილთან სანანში როგორ მიიყვანა, იმან სპარსეთში როგორ გაისტუმრა ყაფლანის ოთხ ბიძებთან, რომლებიცა დიდიკაცნი იყვნენ შააბაზის კარზე.<sup>1</sup> იმათის შემწეობით შააბაზმა ჯარები როგორ გამოატანა ერთერთს იმათ, რომელმაცა ყაფლანც თან წამოიყვანა, მარაბდის ომში მეფე თეიმურაზ პირველი და ქართველები როგორ დაამარცხეს სპარსელებმა,<sup>2</sup> ბარათა ბარათაშვილი<sup>3</sup> როგორ მოკლეს სპარსელებმა თაფარავანის ტბასთან, სადაც ყაფლანიც იქ ყოფილა, ყაფლანს ხელმეორეთ როგორ დაუმკვიდრა თავისი ყმა და მამული თავის ბიძამ. ესენი სულ ცხადი იყო უწინდელს კაცებში. ამ ყაფლანს ჰყვანდა ხუთი ძე: პირველი პაპუნა (ეს უშვილოთ ამონყდა), მეორე ასლან, ამისი მომავალნი დღესაც არიან და იმათ უწოდებენ დღესაც სარდლის შვილებს, რადგან ამ ასლანის შვილსა და შვილის შვილებს სულ სარდლობა ჰქონიათ, უკანასკნელს მეფე გიორგამდინ. მესამე ორბელ ანუ ვახტანგი,<sup>4</sup> მეოთხე სარდალი თამაზ და ამის სახლის მომავალნი და მეხუთე გიორგი, ამის სახლის მომავალთა-ნა ახლანდელს დროში მხოლოდ ორი ქალი დარჩათ, ერთი ჩემ ძმას

<sup>1</sup> ჩვენს ძველს წერილში ასე სწერია ამათი სახელები: ყაფლანის მამა იყო ელიზბარ, ელიზბარის უფროსი ძმა იყო ასლამაზ, იმისი ოთხი შვილი ყეენმა წაიყვანა. უფროსი ოთარხან ყანდაარის ბეგლარბეგი იყო, რომელმაცა ინდოეთის ხელმწიფე გააქცია, მასუკან შააბაზ ზილფიყარან დაარქვა. მეორე იყო ვახუშტისხან, მესამე გორჯასპი და მეოთხე ქაიხოსროვ მიმბაში იყო.

<sup>2</sup> ამ ომის ამბავი არჩილიანში არის აღწერილი ლექსათ.

<sup>3</sup> ქართლის ცხოვრებაში არის იმის სიკვდილის ამბავი.

<sup>4</sup> შემდგომ ყაფლანის ბიძას, მგონია მეოთხეს იმის შვილს, მოუწერია ყაფლანისთვის: შენი ერთ-ერთი შვილი გამომიგზავნე, კარგათ გაგიზადიო. იმასაც ყმანვილი ორბელ გაუგზავნია, რომელსაცა სპარსების რიგზე კარგათ გაუზადია და ქართულათ ხომ, რასაკვირველია – შემდგომ ამისა, ისევე გამოუგზავნია და იმასთან მოუწერია: რადგან ჩემი ნათლობის სახელი ვახტანგ არის, ამისთვის ჩემ სახსომრათ მაგ ორბელს ვახტანგ დაუძახეთ დაარქვეთ და თქვენს სახლში ნუ გასწყვეტთ ამ სახელს ჩემს სახსომრათათო. ჩვენი სახლის ძველს წიგნებში, ზოგიერთში ორბელათ არის ნათქვამი ის და ზოგში ვახტანგათ. ჩვენს სახლში ეს სახელი დარჩენილია. პაპიჩემის მამის ძმასაც რქმევია, მამაჩემსაც ერქვა და ჩემს უწეროს ძმასაც ეს სახელი ჰქვია.

დიმიტრისა ჰყავს ლუარსაბის ქალი და მარია ივანოვნას უძახიან რუსულათ და მეორე ამის ბიძაშვილი სოფიო ჰყავს რუსსა ბეზაკს. ამ ჩვენი სახლის შვილს ვახტანგსა ესე იგი ყაფლანის ძეს ორბელს, ანუ ამ ვახტანგს ჰყვანდა რვა ძე: სულხან ბოლოს საბა, ვახუშტი, ერასტი და სხვანი... გაფრანგებული სულხან-საბა ორბელიანის საქმე ცხადია და იმისი მწერლობა. ამისი ძმა ვახუშტი<sup>1</sup> დიდ მეფე გიორგისთან სპარსეთს, ყანდაარში მოკვდა, რომელიცა იმის სიკვდილზე სამძიმარსა სწერს იმის ძმას ერასტი დიამბეგს მეფე შანაოზ (ვახტანგ) და ის სამძიმარი დიდი გულმტკივნეული სამძიმარი არის, ასეთი რომ თითქმის იმათი მეფობის სახლის ...

### [სულხან ყოფილი საბა]

სულხან ყოფილი საბა, ბოქაულთუხუცესი ერასტი, ვახუშტი, ყაფლანი, ზაალ, ნიკოლოზ, ზურაბ და დიმიტრი.

1. მეფე ვახტანგ რუსეთიდან რომ სწერს ელიზბარს *ეშკალაბაშს* და იმის ძმას ვახტანგს, წყალობის წიგნს, იქიდგან გამოვკრიბე ეს:

მეფე ვახტანგმა ცოლ-შვილებითურთ ესე გამოსადეგი წიგნი გიბოძეთ სახლთხუცეს ელიზბარს და ძმასა შენსა ვახტანგს, ასე რომ *ძველთაგანც დიდი გასჯილნი და ნამსახურნი* იყვნენ თქვენი პაპანი ჩვენს პაპა-მამა ბიძათზედა და ახლა უფროსად განგიახლეთ თქვენი სამსახური, ბატონი ბიძა ჩვენი მეფე გიორგი ყანდაარს ყეენის ბრძანებით ნავიდა და აქედგან მამაშენი ორბელის შვილი ვახუშტი თავის ერთგულებისა და ჩვენის სახლის გაძლიერებისათვის წასულა და კარგნი დიდებულნი და კაი მოლაშქრენი ნაჰყვენენ თანა.

და ჩავიდა ყანდაარს და იახლა ბატონსა. მის წინ სამსახურები ქნა და მასთანვე მიიცვალა ყანდაარს. მერე ურუმი ჯარი ჩამოვიდა ქართლში და საქართველოში ველარსად დავედექით, წამოვედით რუსეთს ხელმწიფესთანა და თან გვიახლა ბიძაშენი, მეფის გიორგის გაზდილი სულხან, ყოფილი საბა, მისი ძმა, ბიძაშენი თბილელ მიტროპოლიტი ნიკოლოზ და ბიძაშენი დედოფლის სალთხუცესი დიმიტრი ცოლით და შვილით, ბიძაშენი ზაალ, ყოფილი ზოსიმე და შენი

<sup>1</sup> ეს ვახუშტი იყო ჩვენი სამი ძმის პაპის პაპა.

ბიძაშვილი ბენედიკტე<sup>1</sup> და მრავალი სასჯელი და სამსახური გამოი-  
არეთ ჩვენის ერთგულებისათვის.

საბა რუსეთს ჩვენთან მიიცვალა და სხვანი წყალობანი... წელსა  
ჩლღ. თვე კი მოხეულია ბოლო. სამი ბეჭედი კი ზის.

### [პაპიჩემის მამას...]

**პაპიჩემის მამას** ელიზბარ ეშკალაბაშსა ერთი ძმა ჰყოლია ვახ-  
ტანგ<sup>2</sup> და ამ ვახტანგის შვილი ნიკოლოზ და ერასტი. მარამ ვახტანგ  
და ამისი შვილები დახოცილან. ამ ელიზბარსვე უფროსი შვილი ჰყო-  
ლია ივანე, მარამ ესეც მოჰკვდომია და პაპაჩემი დიმიტრი ყმანვი-  
ლი დარჩომია.

---

<sup>1</sup> ეს არ ვიცი ვისი შვილი ყოფილა. იქნება დიმიტრისა იყოს?

<sup>2</sup> ამ ვახტანგს ქალი ჰყოლია. მეორეს მეფის ირაკლისათვის ნდომიათ, მარამ აღარ  
მომხთარა.

## ტექსტიკის

მეოთხე ტომში შესულია ალექსანდრე ორბელიანის მემუარები, საგვარეულო გადმოცემები, ავტობიოგრაფიული თხზულებები.

პასპორტში მითითებულია მონაცემები: ა) ტექსტის ხელნაწერის დაცულობის შესახებ [გიორგი ლეონიძის სახელობის ქართული ლიტერატურის სახელმწიფო მუზეუმი (ქლსმ), კორნელი კეკელიძის სახელობის ხელნაწერთა ეროვნული ცენტრი (ხეც). დაცულობის ადგილი მითითებულია პირობითი ნიშნებით — ლიტერები]; ბ) პირველნაბეჭდის შესახებ; გ) სათაურის, თარიღისა და ხელმოწერის შესახებ.

თუ ტექსტი უსათაუროა, ვასათაურებთ და სათაურს ვსვამთ კვადრატულ ფრჩხილებში; როცა ტექსტი უთარიღოა, დადგენილ ან სავარაუდო თარიღს ვსვამთ კვადრატულ ფრჩხილებში, ხოლო აუცილებელ განმარტებებს ვიძლევიტ შენიშვნებსა და კომენტარებში. თუ ავტორი თარიღთან ერთად უთითებს დაწერის ადგილს, პასპორტში შეგვაქვს ორივე მონაცემი.

ტომში შესული თხზულებანი, რომელთა ხელნაწერებიც შემონახულია, წინამდებარე გამოცემაში იბეჭდება **დედნის** მიხედვით. თუ ხელნაწერი არ გვაქვს, ვაქვეყნებთ პირველნაბეჭდის მიხედვით. IV ტომში შესულ თხზულებათა დიდი ნაწილი ქვეყნდება პირველად.

ძველი, ხმარებიდან ამოღებული (ე. წ. ფუნქციონირება) ასოები შევცვალეთ და სიტყვებს მივეციტ თანამედროვე დაწერილობა. ალექსანდრე ორბელიანი ხშირად იყენებს ამა თუ იმ სიტყვის პარალელურ ფორმებს (ზოგ შემთხვევაში, ამა თუ იმ პარალელურ ფორმას ერთსა და იმავე ტექსტშიც კი: უთქუამს/უთქვამს, ამბავი/ანბავი, ერთმანეთი/ერთმანერთი, მასუკან/მასკვან, უთუოდ/უთუოთ, ბრძანება/ბძანება, რასაკვირველია/რასაკვრელია, შეინჭიმე/შენიჭირიმე და სხვა); ასეთ ფორმებს, ისევე, როგორც მისი ნაწერების სხვა გრამატიკულ თუ ორთოგრაფიულ თავისებურებებს, ვთქვათ, კომპოზიტების დაწერილობას და სხვ. ვტოვებთ უცვლელად (გასწორებთ მხოლოდ აშკარა ლაფსუს კალამს). მხოლოდ ზოგან (სადაც ორაზროვნება ან სხვა სირთულე წარმოიშვა) აღვადგინეთ პირველი სუბიექტური პირის ნიშანი *ვ*-

თავისებურია ალექსანდრე ორბელიანის მიერ პუნქტუაციის გამოყენებაც. სადაც მძიმის (,) უადგილოდ, ზედმეტად დაწერა ან დაკლება, ცვლის ან ძნელად გასაგებს ხდის აზრს, გავასწორეთ, ხოლო სადაც არ აძნელებს შინაარსის გაგებას, როგორც მწერლის სტილის მახასიათებელი, შევინარჩუნეთ. უცვლელად დავტოვეთ აგრეთვე წერტილი (.) ფრჩხილის წინ და ფრჩხილში [მაგ.: **განსაც-**

დელი.]). სიტყვების **ღმერთი** და **ბედნიერების ვარსკვლავი** მერე რამდენიმე ადგილას ხელნაწერში გვხვდება ძახილის ნიშანი (!). დავტოვეთ უცვლელად.

აღ. ორბელიანის წერის თავისებურება ისიც არის, რომ იგი არ ხმარობს გაორმაგებულ ასოებს (მაგალითად, წერს: **მოქალაქები**, ნაცვლად **მოქალაქეებისა**, **სათი**, ნაცვლად **საათისა**, **მოსამსახურები** და არა **მოსამსახურეები**, **ჩემა** და არა **ჩემმა**, **ზალ** და არა **ზაალ** და სხვა; ზოგიერთ ნაწარმოებში პარალელურად იყენებს ორივე ფორმას ან მხოლოდ გაორმაგებული ასოებით წერს სიტყვებს. შევეცადეთ, დაგვეტოვებინა ეს ვითარება უცვლელად.

ქარაგმები ყველგან გავხსენით, გამონაკლისია თა [თავადი], რომელიც დავტოვეთ უცვლელად. მკითხველისთვის არავითარ სირთულეს არ წარმოადგენს მასში თავადის ამოკითხვა.

სარედაქციო კოლეგიის გადაწყვეტილებით, ადგილები, რომლებიც ავტორმა, სავარაუდოდ, კონიუნქტურული მოსაზრებით წაშალა, აღვადგინეთ და ძირითად ტექსტში ვბეჭდავთ დახრილი შრიფტით.

ქართულად ნაწერ რუსულ სიტყვებს შესაბამის კომენტარებსა და შენიშვნებში განვმარტავთ ცალკე.

ტომს დართული აქვს პირთა და გეოგრაფიულ სახელთა საძიებლები.

ტომში ჩართულია ფოტო ალექსანდრე ორბელიანისა და მისივე ხელნაწერის ასლი (?). გარდა ამისა, მარიამ (მაიკო ორბელიანის საფლავის ქვის ფერადი ფოტოასლი და ალექსანდრე ორბელიანის მიერ დახაზული გეგმა სახლში ოთახების განლაგებისა (ფოტო).

## პირობითი ნიშნავი

**K** – კორნელი კეკელიძის სახელობის საქართველოს ხელნაწერთა ეროვნული ცენტრი.

**T** – გიორგი ლეონიძის სახელობის ქართული ლიტერატურის სახელმწიფო მუზეუმი.

**Z** – საქართველოს ეროვნული არქივი.

კომენტარების დასაწყისში ციფრი აღნიშნავს შესაბამის გვერდს ტექსტში.





**შენიშვნები**

**კომენტარები**

**საძიებლები**



## ჩემი ტფილისის ქ[ალაქიდგან] გამოსვლა (7)

**ხელნაწერი:** ავტოგრაფი K S:1660

**თარიღი:** [1834 წ. 17 ივლისი- 1834 წ.-სექტემბერი] ან [1834]

**ხელმოწერა:** არა აქვს

### იბეჭდება პირველად

თხზულება წარმოადგენს, ფაქტობრივად, ალექსანდრე ორბელიანის დღიურს, რომელშიც მოთხრობილია გადასახლება მისჯილი მწერლის ოჯახთან და ახლობლებთან გამოთხოვებისა და შემდეგ თბილისიდან ორენბურგამდე მგზავრობის პერიპეტიები. თბილისიდან გაემგზავრა 1834 წლის 17 ივლისს და ორენბურგში ჩავიდა იმავე წლის 11 აგვისტოს. სექტემბერში კი ნოვო-ალექსანდროვსკის ციხისკენ გაემგზავრა სერგეი (შიოშ) გაბრიელის ძე ჭილაშვილთან ერთად, რომლის ხელქვეითად გაატარა ოთხ წელზე მეტი. თხრობა დაუსრულებელია. თუმცა გადასახლებაში გატარებულ შემდეგ პერიოდზე წარმოდგენას გვიქმნის სხვა ავტობიოგრაფიული თხზულებანი: „ჭეშმარიტი სიყვარული“, „ნიგნი მშობელთან“ და „ჩემი შეცდომილება ანუ ჩემი ცოდვანი“.

ნაწარმოები იწერებოდა, როგორც ჩანს, უშუალოდ მგზავრობის პერიოდში. ამიტომ ვათარილებთ 1834 წლის 17 ივლის-სექტემბრით.

როგორც მწერლისთვის დამახასიათებელი იყო საერთოდ, ალექსანდრე ორბელიანი კვლავ მიბრუნებია ამ ტექსტს და მცირე ცვლილებები შეუტანია მასში. ამას გვაფიქრებინებს რამდენიმე დეტალი: 1. ნახსენებია „ნიგნი მშობელთან“, რომელიც უფრო გვიან არის დაწერილი. 2. გადახაზულია რამდენიმე ადგილი, რომლებიც მოგვიანებით დაწერილ თხზულებებში გვხვდება. 3. შეუდგენია და გადაუხაზავს დასაწერი ეპიზოდების მონახაზი შენიშვნით: „უნდა ჩაინეროს ბატონიშვილ დედაჩემთან ნიგნი რომ არის ალექსანდროვკიდგან იმაში“. მე-2 და მე-3 ეპიზოდები მართლაც არის თხზულებაში „ნიგნი მშობელთან,“ რომლის პირველ ნაწილსაც ავტორი 1834 წლის ნოემბრით ათარილებს.

თხზულების ფინალურ ნაწილში დასახელებულია ის სადგურები (ფოტოები), სადაც მგზავრები შეჩერდებოდნენ ხოლმე ცხენებისა და მეეტლის გამოსაცვლელად თუ ღამის გასათევად და დასასვენებლად. შესაძლოა ამ გეოგრაფიულ ადგილთაგან დღეს ზოგი აღარც არსებობდეს (რკინიგზის გაყვანამ შეცვალა დასახლებული პუნქტების რუკა). ბევრ რუსულ სახელწოდებას ალექსანდრე ორბელიანი თავისებური ტრანსკრიფციით წერს (ზოგის იდენტიფიცირება თანამედროვე დასახელებასთან იოლია, ზოგისა – ჭირს ან ვერ ხერხდება). ამიტომ გეოგრაფიულ სახელთა საძიებელში მწერლის მიერ ნახსენებ ყველა სახელწოდებას ვბეჭდავთ უცვლელად (ისე, როგორც ტექსტშია).

ყურადღებას იპყრობს დარიალის ხეობის აღწერა. თერგი და მისი შემოგარენი არაერთხელ ასახულა ქართულ თუ უცხოურ (რუსულ) ლიტერატურაში. დაუვინწყარია გრიგოლ ორბელიანის ლექსში „სალამო გამოსალმებისა“, მისსავე დღიურში „მგზავრობა ჩემი...“ თუ ილია ჭავჭავაძის „მგზავრის წერილებში“ აღბეჭდილი მხატვრული სახე თერგისა. თუმცა ქრონოლოგიური უპირატესობა თერგის, ასე ვთქვათ, პერსონაჟად შემოყვანისა ქართულ მწერლობაში, ალექსანდრე ორბელიანს ეკუთვნის.

ამ თხზულებაში (და სხვაგანაც) მწერალი თავისებურად იყენებს სასვენ ნიშნებს. სადაც თანამედროვე ნორმა დარღვეულია და ეს აზრის გაგებას აძნელებს, გავასწორეთ (ჩავსვით ან ამოვიღეთ, ძირითადად, მძიმე). ხოლო სადაც არ იცვლება წინადადების შინაარსი, არ არის აზრობრივი გაუგებრობა, შევინარჩუნეთ მწერლისეული დანერილობა სასვენი ნიშნებისა. ამასთან უნდა აღვნიშნოთ ერთი გარემოება. კერძოდ, ალექსანდრე ორბელიანი სიტყვა „ღმერთის“, ხან სიტყვების-„ბედნიერების ვარსკვლავი“– შემდეგ ხშირად სვამს ძახილის ნიშანს, რაც მივიჩნით სტილურ მახასიათებლად და ყველგან დავტოვეთ ისე, როგორც ხელნაწერშია.

**ბრიკა** – მსუბუქი სამგზავრო ეტლი.

7. **„მოვიდა ის დღე“** – გადასახლებაში წასვლის დღე. ალექსანდრე ორბელიანი თბილისიდან ორენბურგში 1834 წლის 17 ივლისს გაემგზავრა.
7. **ჩემო ს...** – ჩემო სანდრო (ასე ეძახდნენ შინაურობაში ალექსანდრე ორბელიანს).
7. **ჩემმა ე...** – ჩემმა ეკატერინემ (იგულისხმება ალექსანდრე ორბელიანის მეუღლე – ეკატერინე ბარათაშვილი).
8. **პავლე თუმანოვი** – ალექსანდრე ორბელიანის ახლო მეგობარი. მოქმედ პირადაა გამოყვანილი მწერლის სხვა ავტობიოგრაფიულ თხზულებებშიც („ჩემი შეცდომილება ანუ ჩემი ცოდვანი“, „ჭეშმარიტი სიყვარული“...).
8. **„პირველად ჩვენ ნალკოტში მივედი“** – იგულისხმება თეკლე ბატონიშვილის (ორბელიანების) ბალი. ეს ბალი და მასში შექცევა სხვა ნაწარმოებებშიცაა აღწერილი. დაახლოებით დღევანდელი ბოტანიკური ბალი.
8. **ბატონიშვილი დედა** – თეკლა ბატონიშვილი.
9. **აზარფემა** – ტარიანი ვერცხლის სასმისი (იოსებ გრიშაშვილი, „ქალაქური ლექსიკონი“, თბ., 2023).
9. **„მე და ჩემი ბედნიერების ვარსკვლავი“...** – ბედნიერების ვარსკვლავად აქ და შემდეგაც მეუღლეს, ეკატერინე ორბელიანს მოიხსენიებს.
10. **„სადაც სულ პირველად ჩემი ბედნიერების ვარსკვლავი მენახა“** – ალექსანდრე ორბელიანმა თავისი დანიშნული და მომავალი მეუღლე შემთხვევით ნახა დაახლოებით დღევანდელ ვერის ბალთან. ამ შეხვედრის შესახებ დანვრილებითაა მოთხრობილი „ჭეშმარიტ სიყვარულში“.
10. **„მივცემ ცენსურასა შინა დასაბეჭდად“** – როცა სავარაუდოდ ამას წერს ავტორი, მაშინ საქართველოში ჟურნალ-გაზეთები არ გამოდიოდა. იქნებ შემდეგ ჩამატებული ადგილია. მოზრდილი მონაკვეთები შემდეგ თვითონვე გადაუხაზავს, მაგრამ ჩვენ მივიჩნით, რომ მათ დიდი მნიშვნელობა აქვთ. ამიტომ აღვადგინეთ და ვებეჭდავთ დახრილი ასოებით. ყოველ შემთხვევაში, ალექსანდრე ორბელიანმა

რომ კარგად იცოდა ბექდური მედიის დანიშნულება, ცხადია. სოლომონ დოდაშვილის ჟურნალის– „სალიტერატურონი ნანილნი ტფილისის უწყებათანი“– გამოცემის ერთ-ერთი ინიციატორი ხომ, დიდი ალბათობით, თვითონაც იყო.

11. **მინიცკი ალექსანდრ ოსიფიჩ** – თბილისიდან ორენბურგამდე ალექსანდრე ორბელიანის თანმხლები ოფიცერი.
12. **„რომელს ღუბერნიას და ქალაქს თქვენა ხართ დანიშნული“** – ალექსანდრე ორბელიანი გადასახლებული იყო ორენბურგში.
12. **ჩემი სიმამრი** – დავით ბარათაშვილი.
12. **ჩემი სიდედრი** – ბარბარე ბარათაშვილი.
12. **ჩემი ცოლის ძმა** – ზაალ (ზაქარია) ბარათაშვილი.
12. **ჩემი უნცროსი ძმა** – ვახტანგ ორბელიანი.
12. **ქემხა** – ქევხა, სოფლის ნაცვალი, მამასახლისი.
12. **მოხუცებული ჩემი გამზდელი** – გლეხის ქალი ლომისახარ (ნათლობის სახელი ხვარამზე).
13. **თა თადია ჩოლოყოვი** – თადია ჩოლოყაშვილი, მწერლის მამიდაშვილი, ეკატერინე ორბელიანის ვაჟი. საგარეჯოს მოურავი. მონაწილეობდა 1812 წლის კახეთის აჯანყებაში და დაპატიმრება-გადასახლებას სპარსეთში გაქცევით აარიდა თავი. მართალია საქართველოში დააბრუნებდნენ, მაგრამ სასამართლომ გაათავისუფლა იმპერატორის 1814 წლის 30 აგვისტოს განკარგულებით. განდობილი იყო 1832 წლის შეთქმულებაშიც. საგამოძიებო კომისიამ ცნო VII კატეგორიის დამნაშავედ და დაუწესა სასტიკი მეთვალყურეობის ქვეშ ყოფნა.
15. **მალნიზნი** – კონტექსტის მიხედვით, სიყვარული, ტრფიალება...
16. **„ნადი შვილო, ღვთისთვის მიმიბარებისარ“**– თეკლა ბატონიშვილის მიერ შვილისთვის განშორებისას მიცემული დარიგება ზუსტად ასევეა აღბეჭდილი „ჭემმარიტ სიყვარულშიც“, მხოლოდ იქ გადახაზულია.
17. **ერთობით კერძობანი** – სახლეულობანი, ოჯახის წევრები (იგულისხმებიან მოსამსახურეებიც).
18. **ჩემი სამი პატარა შვილები** – დარია, დავითი, მარიამ (მაიკო).

19. **„ჩემი იმედი ჩვენი ხელმწიფის სამაგალითო მონყალებანი იყო“** – როგორც ჩანს, იგულისხმება ის, რომ რუსეთის იმპერატორის ბრძანებით, „დამნაშავეები“ მკაცრად არ დასაჯეს. თავდაპირველი განაჩენი სიკვდილით დასჯისა გადასახლებით შეიცვალა. ასეთი მონყალების მიზეზებზე ვრცლად იხ. ამ გამოცემის V ტომი, შენიშვნები და კომენტარები.
19. **„ჩემი რძლის მოსამსახურენი“** – იგულისხმება დიმიტრი ორბელიანის მეუღლე მარიამ ლუარსაბის (ივანეს) ასული ორბელიანი. უმცროს ძმას, ვახტანგს ჯერ ცოლი არ ჰყავდა.
20. **„ვერის ზასტავა“** – ვერის საგუშაგო. XIX საუკუნეში ქალაქმა სწრაფად დაიწყო ზრდა. XVIII საუკუნის ბოლოს გიჟად მიაჩნდათ ვინმე ალაღუა, რომელიც ამბობდა, ისეთი დრო მოვა, ვერის ხიდი ქალაქის ალაყაფის კარად იქცევაო (იხ. ამავლე ტომში „გიჟი ალაღუა“).
22. **მინანთული** – ფულის ერთეული.
22. **„თა ალექსანდრე სუმბათოვი თავის ცოლი სოფიო“** – ეს შეხვედრა აღწერილია აგრეთვე თხზულებაში „ნიგნი მშობელთან“.
23. **18-7-ს/18-ს-34-ს** – ღართისკარში მუხის ხეზე ამოჭრეს იქიდან გამგზავრების თარიღი: 1834 წლის 18 მე-7 თვე.
23. **მასკვან** – მას უკან, შემდეგ.
24. **რუბი** – მეოთხედი.
27. **„ჩემთვის სირცხვილი არის, რომ მე გამოგართო“** – ეს ეპიზოდი ოდნავ შეცვლილი ნიუანსით მოთხრობილია აგრეთვე თხზულებაში „ნიგნი მშობელთან“. იქ მეთევზემ ფული არ გამოართვა მეფე ერეკლეს ქალის შვილს. აქ ეს დეტალი არ ჩანს და ზოგადადა ნათქვამი, კარგ ვინმეს გეგხართო.
39. **„უმაღლესის ბძანების ბაშფორთი მაქვსო“** – ალექსანდრე ორბელიანის გამყოლმა, მინიცკიმ, როგორც ჩანს, უმაღლესი მთავრობის მიერ გაცემული ბრძანება (ბაშფორთი- პასპორტი) უჩვენა. ხელისუფლება ჩქარობდა გადასახლების ადგილებზე დასჯილთა ჩაყვანას.
52. **„წავედი და ჩემი ჩილაევი ვნახე“** – ჩილაევი (ჭილაშვილი) სერგეი გაბრიელის ძე (1803-1864). შიომ გაბრიელის (გლახას) ძე ჭილაშვილს რუსეთის სამხედრო სამსახურში სერგეი



უნოდეს. სერგეი გაბრიელიძე – ასე მოიხსენიებს მას ალექსანდრე ორბელიანიც. გაბრიელ ჭილაშვილის ოჯახი მეფესთან და ბატონიშვილებთან დაახლოებული იყო. მემუარისტის საგანგებოდ შენიშნავს, თეკლა ბატონიშვილის მცნობი იყო. შიომ (სერგეი) გახლდათ ძმა იაგორ (გიორგი) ჭილაშვილისა (შემდგომში დიმიტრი ყიფიანის სიმამრის). 1834-35 წლებში სერგეი გაბრიელის ძე ნოვო-ალექსანდროვის ციხის უფროსია ორენბურგის მხარეში (ვრცლად იხ. მ. ბერძნიშვილი, მასალები XIX საუკუნის პირველი ნახევრის ქართული საზოგადოებრიობის ისტორიისათვის, II, თბ., 1983).

### **წიგნი მშობელთან – საქართველოს მეფის ირაკლის ასულს თეკლას (57)**

**ხელნაწერი:** ავტოგრაფი K S: 1661

**თარიღი:** [1834– 1838 ]

**ხელმოწერა:** თქვენი უძლური ძე ა. ორბელიანი (გვ. 225), შენი ალექსანდრე (გვ. 258).

ბოლოს ხელმოწერა არა აქვს.

დანერილია ეპისტოლეს ფორმით, თუმცა არ არის კერძო ბარათი. თხზულება ავტობიოგრაფიულია და მასში დაახლოებით იგივე პერიოდია ასახული, რომელიც „ჩემი ტფილისის ქ[ალაქიდგან] გამოსვლაში“ – გადმოცემულია თბილისიდან ორენბურგამდე მგზავრობის დროს მიღებული შთაბეჭდილებები. აქვეა ჩართული წერილები ეკატერინე ორბელიანისადმი. ესენიც თხზულების შემადგენელი ნაწილია და ამიტომ არაა ცალკე გამოყოფილი ამ გამოცემის V ტომში, რომელშიც ალექსანდრე ორბელიანის კერძო წერილებია შესული.

საყურადღებოა, რომ ამ ტექსტში აქცენტი გადატანილია საქართველოს ისტორიაზე, როგორც ჩანს, იმ მიზნით, რათა მწერალმა ქება უძღვნას თავისუფლებას. გვხვდება საქართველოს ტოპონიმთა ეტიმოლოგიური განაზრებანი.

ცალკე ქვესათაურადაა გამოყოფილი: კასპიის ზღვიდგან გასვ-

ლა. ეს ნაწილი დაწერილი უნდა იყოს 1835 წელს. თუმცა თარიღად ერთგან აწერია: 25-სა ნოემბერსა 1834 წელსა, მაგრამ კასპიის ზღვის ამბების მოთხრობა იწყება სიტყვებით: „წარსრულს სექტენბრის თვესა, რიცხვსა თერთმეტსა...“ ალექსანდრე ორბელიანი ახალი ალექსანდროვიკის ციხისკენ 1834 წლის 11 სექტემბერს მიემგზავრება და წარსული წლის მოგონებებს, ცხადია 1835-ში წერს. თარიღის აღნიშვნის შემდეგაც გრძელდება თხზულება. პირობითად, მესამე ნაწილი უფრო გვიანაა დაწერილი, კერძოდ, 1838 წლის შემდეგ. ამას გვიდასტურებს ის გარემოება, რომ ფინალში მწერალი ახსენებს 1838 წელს დასრულებულ ნაწარმოებს „ჭეშმარიტი სიყვარული“. ამიტომ თხზულებას „წიგნი მშობელთან“ ვათარილებთ ასე: 1834-38 წლები.

ტექსტში გამოყენებული რუსული სიტყვების უმრავლესობა თვითონვე აქვს მწერალს ახსნილი. ამიტომ მათი თარგმნა ზედმეტად მივიჩნიეთ და მხოლოდ ის რუსული სიტყვები ავსენით, რომელთა მნიშვნელობა ნაწარმოებში მითითებული არ არის.

**პალუბი** – გემბანი.

64. **„ალექსანდრე სუმბათოვი და იმისი ცოლი სოფიო მოვიდნენ“** – ამ ცოლ-ქმართან ღართისკარში შეხვედრა გადმოცემულია აგრეთვე თხზულებაში „ჩემი ტფილისის ქალაქიდგან გამოსვლა.“ ალექსანდრე სუმბათაშვილი ყოფილა ალექსანდრე ორბელიანის მეუღლის, ეკატერინე ბარათაშვილის ბებულის ძმის შვილი. მისი მეუღლე გახლდათ გიორგი მუხრანბატონის ასული სოფიო. მათი ვაჟის ნათლია იყო ალექსანდრე ორბელიანი.
66. **„თარხან დიდმოურავმან...“** – იგულისხმება გიორგი სააკაძე. არეკლილია ის ისტორიული ამბავი, როცა გათათრებული გიორგი სააკაძე მეორეჯერ შემოესია საქართველოს ყიზილბაშთა ჯარით, მაგრამ თვითონვე იხსნა ქვეყანა განადგურებისაგან.
68. **„მეფე ირაკლიმ ქართლის და სომხეთის მეფობაც რომ მიიღო“** – იგულისხმება ერეკლე II-ის მიერ ქართლ-კახეთის სამეფოების გაერთიანება 1762 წლის ივნისიდან.
70. **„აბაიძე. შენ მეფე ერეკლეს ქალის შვილი იყო და ფული გამოგართო?“** – ალექსანდრე ორბელიანს არაერთხელ უგრძვნია სხვათაგან პატივისცემა იმის გამო, რომ იგი თეკლა ბატონიშვილის შვილი იყო. ეს იყო, ცხადია, თეკლასა და ერ-

ეკლესიადმი გამოხატული სიყვარული და პატივისცემა. იგივე ეპიზოდი მოთხრობილია „ჩემი ტფილისის ქალაქიდან“ გამოსვლაში“ და გადახაზულია ავტორის მიერ, მაგრამ ჩვენ მაინც აღვადგინეთ, რადგან ამ ორ მონათხრობს შორის არის ნიუანსობრივი სხვაობა – აქ კონკრეტულადაა ნახსენებია მეფე ერეკლეს ქალის შვილი, იქ ზოგადაა ნათქვამი, კარგ ვინმეს გავხართო.

72. **„თქვენგნით ბძანება მაქვს: უბედურებაში არ გატყდეთ“** – თეკლა ბატონიშვილი სიმხნევისა და სიმამაცის მაგალითს აძლევდა შვილებს. ციხეში ქეთევან დედოფლის მაგალითით გაამხნევა, ხოლო გადასახლებაში წასვლის წინ ალექსანდრეს კიდევ ერთხელ შეახსენა გულგაუტყებლობის აუცილებლობა.
72. **„დიდმა პეტრემ დაასვენებინაო“** – იგულისხმება რუსეთის იმპერატორი პეტრე I.
75. **„რუსთაველის თხზულება ვეფხვისტყაოსანი რა კარგი რამ არის“** – ალექსანდრე ორბელიანს აქვს ლექსი „რუსთაველ“. რუსთაველს და მის პოემას სხვაგანაც ახსენებს, როგორც ნიშანსვეტს. ამ თხზულებაში იმონმებს ადგილებს პოემიდან ოდნავ სახეცვლილს (ისე, როგორც დამახსოვრებია ზეპირად).
80. **„ვახტანგ გორგასლანმა ომის უნახავმა გაიმარჯვა ძლიერს ბაყათარზე“** – იგულისხმება 15 წლის მეფე ვახტანგ გორგასლის მიერ გადახდილი პირველი ომი ოსთა წინააღმდეგ. ამ ბრძოლაში მან პირისპირ გამოიწვია მტრის საუკეთესო ფალავანი – ბაყათარი და დაამარცხა იგი.
81. **„ამას იქით ქ. ორენბურლამდისინ აღარა არისრა დასაწერი“** – მწერლის განწყობა ერთგვარად გვაგონებს გრიგოლ ორბელიანის მხატვრულ-დოკუმენტურ თხზულებას „მგზავრობა ჩემი...“. გრიგოლ ორბელიანიც დაწვრილებით აღწერს დარიალის ხეობას, მერე, პეტერბურგამდე თითქმის არაფერი მიაჩნია საყურადღებოდ.
82. **მომატებული სახელი რომ დაარქვეს ეხლა „ყაზიბეგის მთა“** – რუსეთმა, როგორც დამპყრობელმა, საქართველოში შემოსვლისთანავე შეცვალა ტოპონიმები. მათ შორის სახელი გადაარქვა მყინვარწვერსაც და სოფელ სტეფანწმინდასაც. შეუცვალა გვარი სტეფანწმინდის მმართველს – გაბრიელ

ჩოფიკაშვილს. სამივეს – მთას, სოფელსა და ჩოფიკაშვილს ერთი სახელი უწოდა – ყაზიბეგ – გაბრიელის მამის სახელი. ამით ორი კურდღელი მოკლა: 1. გააქრო ქართული ძირი და მრავალფეროვნება და 2. საქმე გაიადვილა – სამი მისთვის (რუსისთვის) რთულად დასამახსოვრებელი და კიდევ უფრო რთულად წარმოსათქმელი სიტყვის მაგივრად შემოიღო და დაამკვიდრა ერთი ისეთი სახელწოდება, რომელსაც ქართველი მმართველის და ადგილობრივი მოსახლეობის გაღიზიანება არ უნდა გამოეწვია.

**82. „სადაც უნდა ვიყო, შენ მოგიგონებ...“** – ასე ემშვიდობებიან სამშობლოს ნამდვილი პატრიოტები:

“თუ კაცსა მიხვდეს გრძლად ყოფნა

უცხო თემსა და მიწებსა,

შარბათიც ჰქონდეს სასმელად,

ნაღველად აღმოინებსა,” – გოდებდა არჩილ მეფე.

„მივალ გარნალა სული აქ მრჩებისო,” – ასე დაემშვიდობა მამულს გიორგი ერისთავი.

„თქვენ ჩემთან ივლით განუყრელად ვით ჩემი გულიო,” – ეფიცებოდა მშობლიურ მთებს ილია ჭავჭავაძე.

„რაც ვიტანჯები და ვისჯები შორს ყოფნით შენით,

ის იცის ღმერთმა, მალლა ერთმა, არ ითქმის ენით,” – მწარე დარდსა და ნაღველს ასე გამოხატავდა ვახტანგ ორბელიანი.

**84. კაროვინი** – ნიკალაი ანდრეიჩი, გადამდგარი პორუჩიკი, ორენბურგელი. მინიცკი შეუთანხმდა ალექსანდრე ორბელიანს და მათი თანხმობით მათთან ერთად იმგზავრა თბილისიდან ორენბურგამდე.

**84. ალაჩუხები** – კარავი ან ხის ქოხი.

**84. ნაჩალნიკშტაბა** – იგულისხმება რაკასოვსკი პლატონ ივანიჩი.

**85. ვოენი ლუბერნატორი პეროვსკი** – ვასილი ალექსის ძე პეროვსკი, ორენბურგის სამხედრო გუბერნატორი მაშინ, როცა იქ ალექსანდრე ორბელიანი ჩავიდა. იყო ძმა იმ ალექსი ალექსის ძე პეროვსკისა, რომელსაც თავისი “ლოგიკა” მიუძღვნა სოლომონ დოდაშვილმა.

**85. პასკევიჩი** – ივან თეოდორეს ძე. საქართველოს მთავარმართებელი 1827-31 წლებში.

85. **ჩილაევი (ჩილიაევი)** – სერგეი გაბრიილიჩ (შიოშ გაბრიელის ძე ჭილაშვილი). იხ. კომენტ. „ჩემი ტფილისის ქალაქიდგან გამოსვლა“.
90. **„უზდის კეთილშობილთ წინამძღომელი“** – თბილისის მაზრის თავადაზნაურთა მარშალი.
91. **„ისპოლნიტელნი ეკსპედიცია“** – სააღმსრულებლო ექსპედიცია.
96. **ს...** – სანდრო (ალექსანდრე ორბელიანი)
96. **ე...** – ეკატერინე, კატინა, კატო (ბარათაშვილი-ორბელიანისა).
100. **პატრეთი** – პორტრეტი, სურათი.
102. **კანპაზი** – კომპასი.
102. **ყოლაუზი** – მეგზური, გზის მაჩვენებელი.
104. **„ბატკნები ყარახაჩზე გავისტუმრე“** – გულისრევას ნიშნავს.
108. **„მინდა კიდევ ვიცოცხლო, ეგება ჩვენს ქვეყანას ვარგო რამე“** – ამ სიტყვებში გამჟღავნებულია ალექსანდრე ორბელიანის კრედო. იგივე აზრი აქვს გამოთქმული სხვა თხზულებებშიც.
117. **„ნუ თუ ქ...“** – ნუთუ ქალბატონო...
120. **ბელიგარიაჩქა** – თეთრი ცხელება – ავადმყოფობა, რომლის დროსაც ადამიანი მძიმე ფსიქიკურ მდგომარეობაში იმყოფება.
122. **სკორბუტი** – ავადმყოფობა. იგივე სურავანდი, ცინგა.
129. **„დათიკა შეუძლებლობს და ავათ მყავს ძალიანო“** – 1832 წელს დაბადებული ვაჟი, დავითი, გარდაიცვალა 1835 წელს. ალექსანდრე ორბელიანსა და ეკატერინე ბარათაშვილს სულ შვიდი შვილი შესძენიათ. უმრავლესობა ბავშვობაშივე დაღუპულა. მხოლოდ მაიკო გარდაიცვალა 22 წლისა. საბოლოოდ მშობლებს შერჩათ ერთადერთი ქალი – დარია. „უბედურ მაიკოში“ მწერალს ექვსივე გარდაცვლილი შვილის სახელი აქვს ნახსენები.
132. **„გამოგზავნილი სალდათი პალიაკებიც ბევრი იყვნენ“** – 1831 წლის პოლონეთის აჯანყების მონაწილეებიც რუსეთის შიდა გუბერნიებში გადასახლებით დასაჯა რუსეთის მთავრობამ. არაერთ მათგანთან მეგობრობდა ალექსანდრე ორბელიანი.

## ჭეშმარიტი სიყვარული (138)

**ხელნაწერი:** ავტოგრაფი K S:1643; S:1659-ა.

**თარიღი:** [1835-1838].

**ხელმოწერა:** თა ა. ვახ. ძე ჯ. – ორბელიანი. 1835 წელსა ქ. ორენბურღს.

**მინაწერი:** ეს აღწერილობა დავასრულე 1838-ს წელსა ქ. ორენბურღში. ამ წელს 2-ს ნომებერს წამოველ იქიდგან კავკაზის ლინიაზე, 7-ს ლინეინის ბატალიონში გადამიყვანეს.

**პირველი პუბლიკაცია:** ნაწყვეტი ამავე სათაურით („ჭეშმარიტი სიყვარული“) დაიბეჭდა „ქართული მწერლობის“ ოცდაათტომეულის მე-9 ტომში 1992 წელს. გადმოწერა ეკატერინე ჩაგელიშვილმა. ტექსტი ხელნაწერს შეუდარა და გამოსაცემად გამართა მიხეილ ქავთარიამ.

### **სრულად იბეჭდება პირველად.**

თხზულება ავტობიოგრაფიული ხასიათისაა. დასაწყისი (პირველი 40 ფურცელი) წარმოადგენდა ცალკე სხვა ნომრით (S-1643) დაცულ ერთეულს. იგი შეუერთდა მის ნაწილს, S-1659:ა, რომელიც იწყება ქვესათაურით „გაიგონე ი.“ (სიტყვებით: „ივლისის 8-სა დღესა სუდნა ჩვენი სრულის აფრებით მისცურავდა..“) S-1643 მთავრდება ავტორის მიერ გადახაზული მოზრდილი მონაკვეთით, რომელშიც აღწერილია მწერლის მიერ სიცოცხლეში გადატანილი უბედური შემთხვევები. თუმცა ალექსანდრე ორბელიანს აქვს თხზულება „ცოტა ჩემი გამოცდილებანი“, რომელიც ამავე ტომშია დაბეჭდილი და რომელშიც აგრეთვე გახსენებულია თავს გადახდენილი ხიფათები, მაგრამ ამ ორ ტექსტს შორის დამთხვევა მცირეა, განსხვავება კი – თვალსაჩინო, ამიტომ გადაშლილი რამდენიმე გვერდი „ჭეშმარიტი სიყვარულშიც“ აღვადგინეთ და ვბეჭდავთ დახრილი შრიფტით.

„ჭეშმარიტი სიყვარული“ შინაარსობრივად გაგრძელებაა თხზულებისა „ნიგნი მშობელთან“. თხრობა იწყება ალექსანდროვიდან უკან, გურიევი დაბრუნებით და ბოლოს მთავრდება ორენბურღში ჩასვლის ეპიზოდით. გადმოცემულია ამბები, რომელთა მონაწილეც არის თვითონ ავტორი და ამდენად დიდი ისტორიული მნიშვნელო-

ბა აქვს. მრავლადაა ჩართული ეპიზოდები, რომლებშიც მწერლის ბავშვობისა და ახალგაზრდობის წლებია გახსენებული. შიგადაშიგ ჩართულია სიზმარი, ლიტერატურული ზღაპარი, ლექსი, ესეი... თარიღი ორჯერაა მითითებული. ჯერ – 1835, ხოლო ბოლოს – 1838. ამიტომ, ავტორის ცნობაზე დაყრდნობით, ჩვენ ვათარილებთ ასე: 1835-38.

„ჭეშმარიტ სიყვარულს“ მეტად თავისებური კომპოზიცია აქვს. თავები ერთმანეთისგან გამოყოფილია ქვესათაურით „გაიგონე“, რომელსაც მოსდევს ქართული ანბანის რომელიმე (ერთი) ასო. ანბანის რიგი დაცული არაა, ზოგი ასო გამოტოვებულია, ზოგი მეორდება ორჯერ. ჩვენს ხელთ არსებული ტექსტი იწყება თავით – „გაიგონე. ე“. მანამდელი ან დაკარგულია, ან დასაწყისად შეიძლება იგულისხმებოდეს სხვა ნაწერი (ვთქვათ, „ნიგნი მშობელთან“), ოღონდ – არა ასე გამოყოფილი მონაკვეთებით. ვბეჭდავთ ისე, როგორც ხელნაწერშია.

გვხვდება ეპიზოდები, რომლებშიც მთხრობელი (ავტორი ე. ი. თვითონ ალექსანდრე ორბელიანი) ესაუბრება ა. ო-ს (ალექსანდრე ორბელიანს). თავდაპირველად დაუნერია: მე ვკითხე, მე არ მოვასვენე, მან მიპასუხა და სხვა. შემდეგ შეუცვლია ასე: მატროსმა ჰკითხა, ერთმა ვინმემ არ მოასვენა, მან უპასუხა და ა. შ. თავდაპირველი ვარიანტი საინტერესოდ მივიჩნიეთ, მაგრამ რადგან ორივე ვერსიის ერთად არსებობა გააძნელებს ნაკითხვას, ამიტომ მწერლის მიერ დაწუნებული ვარიანტი აღვადგინეთ, დახრილი ასოებით დავბეჭდეთ და ჩავსვით კვადრატულ ფრჩხილებში.

138. **ალექსანდროვკა** – ახალი ციხე-სიმაგრე, რომელიც რუსეთის იმპერიამ ააგო კასპიის ზღვის სანაპიროზე.
138. **ლიხაშოსტოვი** – პოდპოლკოვნიკი, ალექსანდროვკის ციხის უფროსი. ამ თანამდებობაზე მან შეცვალა სერგეი (შოიშ) გაბრიელის ძე ჩილაევი (ჭილაშვილი), რომლის დაქვემდებარების ქვეშაც იყო ალექსანდრე ორბელიანი.
138. **„რადგან ჩემი ნიგნებით წვლილად იცი“** – შესაძლოა ალექსანდრე ორბელიანი გულისხმობდეს დედასთან და მეუღლესთან მიწერილ კერძო ბარათებსაც ან თხზულებას „ნიგნი მშობელთან“, რომელშიც მართლაც დაწვრილებითაა

აღწერილი ახალ ალექსანდროვკაში ყოფნის პერიოდი.

138. **„პოდპორუჩიკს კ... ჩააბარა“** – იგულისხმება ვინმე კილბინი, რომლის გვარიც სრულად ტექსტის მომდევნო მონაკვეთში წერია.
138. **„სუდნაშივე იმყოფებოდა ერთი ფერჩამკრთალი თა ვინმე ა... ო...“** – იგულისხმება თავადი ალექსანდრე ორბელიანი. მწერალს საკუთარი თავი გამოჰყავს პერსონაჟად და მასზე მესამე პირში გვესაუბრება, ხოლო ამბავი პირველი პირის მიერაა გადმოცემული და ეს მოქმედი პირიც თვითონ მწერალია. როგორც პოსტმოდერნისტული თხზულებებისთვისაა დამახასიათებელი, ერთი პიროვნება ორ პერსონაჟადაა დაშლილ-დაყოფილი.
138. **„გავენყე სუდნაში ჯდომას“** – შევეჩვიე გემში ჯდომას.
139. **„ნუშასა ან დრომინში მჯდომელს...“** – ნუშურა ფიცარი – ტივის ხიდან ჩამონახერხი გვერდის ხორკლიანი ფიცარი (იოსებ გრიშაშვილი, ქალაქური ლექსიკონი, თბ., 2023).
139. **ოქროს ხელთა** – ოქროს ბეჭედი.
151. **დავით გარეჯის მონასტერი** – იგულისხმება დავით გარეჯელის სახელზე აშენებული მონასტერი (მამადავითი) თბილისში, მთანმინდაზე.
151. **„გრიბოედოვი არის მიღებული“** – პირველად მთანმინდაზე რუსი მწერალი, ალექსანდრე ჭავჭავაძის სიძე, ალექსანდრე გრიბოედოვი დაიკრძალა. როცა ამ თხზულებას წერს ალექსანდრე ორბელიანი, მაშინ მთანმინდაზე ჯერ კიდევ არ იყო მწერალთა და საზოგადო მოღვაწეთა პანთეონი.
161. **„მაგითი საქართველოს სომხები თვისებას და ხასიათს ვერ გაიკეთებთ“** – ალექსანდრე ორბელიანი მართლად, უტყუარად წარმოაჩენს საქართველოში მცხოვრებ სომხებთან ხასიათს – ფულის სიყვარულით გამოწვეულ მათ უზნეო საქციელს. აქვე არაორაზროვნად იკითხება სასამართლოს მოხელეთა ანგარება და მართლსაწინააღმდეგო ქცევა. თუმცა მწერალი ისტორიულ თხზულებებში ძირითადად სომხებს (მოღალატეთა სომხების დასს) სდებს ბრალს კრწანისის ტრაგედიაში, მაგრამ არა ყველას, არამედ „ზოგიერთს“. „ჭეშმარიტ სიყვარულშიც“ ნათლად ჩანს, რომ



ავტორი საზოგადოდ სომეხი ერის მანკიერ თვისებებზე არ გვესაუბრება. მათთან (სომხებთან) ნათელმრონობაც აკავშირებდა თურმე და მამამისი, პოლკოვნიკი ვახტანგ ორბელიანიც მეგობრობდა სომხებთან. ამავე დროს მწერალი ამხელს „საქართველოს სომხების“ ნაკლოვანებას, სააშკარაოზე გამოაქვს მათი ხასიათის მანკიერებანი.

162. **ჩემი ლალა** – ალექსანდრე ორბელიანს რამდენიმე ლალა ჰყავდა. აქ იგულისხმება ბერელა, მწერლის არაერთი მხატვრულ-დოკუმენტური თხზულების პერსონაჟი.
163. **ნაისახარ, ლომისახარ** – გამდლები ორბელიანთა ოჯახში. ნაისახარ იყო დიმიტრი ვახტანგის ძე ორბელიანის გამდელი და ლომისახარ (ხვარამზე) – ალექსანდრე ვახტანგის ძისა.
164. **„დიმიტრისათვის მიმსახურია“** – იგულისხმება ალექსანდრე ორბელიანის პაპა, პოლკოვნიკ ვახტანგ ორბელიანის მამა, დიმიტრი ორბელიანი, რომელიც ლევან ბატონიშვილის რაზმის წევრი იყო და ბატონიშვილის წინამძღოლობით ლეკების წინააღმდეგ გადახდილ ერთ-ერთ ომში დაიღუპა.
164. **„მეფე ირაკლი ნადირშასთან ბძანდებოდა“** – 1837 წელს სპარსეთის მმართველმა, ნადირ-შაჰმა ინდოეთში გაილაშქრა. ამ ბრძოლაში თან ახლდა ახალგაზრდა ერეკლე თავისი ათასეულით. ერეკლემ ომებში განსაკუთრებით ისახელა თავი. საქართველოში, ნადირ-შაჰის ნებართვით, 1839 წელს დაბრუნდა.
164. **ელიზბარ ეშკალაბაში** – ალექსანდრე ორბელიანის პაპის, დიმიტრი ორბელიანის მამა. უსამართლო ბრალდების საფუძველზე დაახრჩობინა ნადირ-შაჰმა.
166. **„დარჩა პატარა თადია ორის პატარა დითა“** – ალექსანდრე ორბელიანის მამიდაშვილები, ჩოლოყაშვილები თადია, მაკა და ანა (ახუა).
168. **ბუზით მთვრალი** – თაფლის არაყს ხან ბუზის არაყსაც ეძახიან.
173. **„ალამამდხანი მეორედ კიდევ რომ წამოვიდა საქართუელოზე და მოკლეს“** – ალა-მაჰმად-ხანი მოკლეს შუშაში, 1897 წელს, ამიერკავკასიაში მეორედ ლაშქრობისას.
175. **ვარდისახარ** – ვახტანგ ვახტანგის ძე ორბელიანის გამზრდელი.

180. **ქოლიხანანაკრული** – თავსაფარნაკრული.
182. **„მიმზიდა სოფელმან ყარიბოზასა“**– ეს ლექსი მცირე განსხვავებით დაბეჭდილია „ქართული მწერლობის“ მე-9 ტომში სათაურით „შორიდგან“.
182. **მუთანჯის ფლავი** – „ზედ მოაყრიან მოხარშულ და გამხმარ ხილს: ქიშმიშს, ნუშს, აღჯანაბადს, ალიბუხარს, ქლიავს, ჭანჭურს და სხვა (იოსებ გრიშაშვილი, „ქალაქური ლექსიკონი“, თბ., 2023).
188. **ტიფონი** – იგულისხმება ტაიფუნი, ტროპიკული ციკლონი.
192. **„ლუარსაზ ორბელიანის ქორწილი იყო თა იოვანე ბეგთაბეგოვის დიდს დარბაზში“** – ამ ქორწილის შესახებ საუბარია სხვა თხზულებებშიც („რუსების დასი ქართველები ჩემზედ“, „ცოტა ჩემი გამოცდილებანი“), ხანძართან დაკავშირებული შემთხვევა კი აღწერილია „ცოტა ჩემ გამოცდილებანშიც“ ოდნავი ნიუანსობრივი სხვაობით.
194. **ფ.** – უბედური შემთხვევების ჩამონათვალი დანომრილია ქართული ანბანის ასოებით. როგორც ჩანს, დაუმთავრებელია. ასო **ფ** წერია, მაგრამ შემდეგ ფურცელი ცარიელია.
194. **„ივლისის რვასა დღესა სუდნა ჩვენი სრულის აფრებით მისცურავდა...“**– ალექსანდრე ორბელიანის ცნობით, ახალი ალექსანდროვიდან გურიევისკენ მომავალი ხომალდი ზღვაში უნდა ყოფილიყო 1-11 ივნისს. აქ „ივლისი“, როგორც ჩანს, შეცდომაა და ივნისი იგულისხმება.
195. **ალთაფა** – ერთ-ერთი მნიშვნელობაა: ხელტაშტი, წურწუმა (ალ-ხელი, თაფა – ტაშტი) (იხ. იოსებ გრიშაშვილი, „ქალაქური ლექსიკონი“, თბ., 20123).
200. **„თუ ეს აბანო ყორულათ აქუთ..“** – კონტექსტით იგულისხმება: თუ ეს აბანო დაკავებულია. ყორული ასეა ახსნილი იოსებ გრიშაშვილის „ქალაქურ ლექსიკონში“: დაცული საძოვრის ადგილი.
226. **სათლიყამი** – სათლიჯამი – ანთება. იოსებ გრიშაშვილის „ქალაქურ ლექსიკონში“ ასეა განმარტებული: „ავათმყოფობაა ერთგვარი გაციებისაგან მომდინარე. ანუ სათლიჯამი ნიშნავს შეცივებას (ავადმყოფობაა).
227. **თა გ... თ...**– იგულისხმება თავადი თუმანიშვილი. სახელი ვერ გამოვარკვეით.

227. **„პოლკოვნიკი ლ... თითქმის საქართველოში გაზრდილი იყო...“** – უნდა იგულისხმებოდეს პოლკოვნიკი ლადინსკი, რომლის შესახებც იმავე ინფორმაციას გვანვდის მწერალი თხზულებაში „ჩემი შეცდომილება ანუ ჩემი ცოდვანი“.
229. **თა თ... დისწული ს...** – თავად თუმანიშვილის დისწული სოფიო.
232. **„ჩვენი სიძე თა ივანე მელიქოვი“** – ივანე მელიქიშვილი იყო ალექსანდრე ორბელიანის მამიდაშვილის, მაკას ქმარი და სიდედრის, ბარბარე ბარათაშვილის დეიდაშვილი.
237. **კარაევი ივანე** – ყარაშვილი, ექიმი.
239. **„მოჰყუა. აი ის ზღაპარი.“** – თეკლა რამდენიმე ლამის განმავლობაში უამბობდა შვილს ზღაპარს, რომელმაც მოამჯობინა ალექსანდრე. თეკლას ნაამბობი გარეგნულად აღმოსავლურ ხალხურ ზღაპარს ჰგავს, თუმცა მწერლის შეთხზული ლიტერატურული ზღაპარია. ფაქიზი ბუნებისა და შვილის სულში ჩამწვდომი დედა ხვდება, რომ სიყვარულის გამოა ალექსანდრე ავად და ამიტომ უამბობს ზღაპარს სიყვარულის უძლეველობასა და მარადიულობაზე.
243. **აზანი** – ისლამურ რელიგიაში მოწოდება, ძახილი, რომელსაც ლოცვის დროის დადგომისთანავე წარმოთქვამს მუეძინი და მოუხმობს მორწმუნეებს. დაწესებულია მუჰამედის მიერ.
247. **ქებინი** – ქორწინება, ქორწინების რეგისტრაცია აზერბაიჯანულად.
251. **„უეცარი შეხვედრა“** – „ჭემმარიტ სიყვარულში“ ჩართული ეს ლექსი ცალკეა დაბეჭდილი „ქართული მწერლობის“ მე-9 ტომში (1992 წ.) სათაურით „ბაიათი“.
265. **ტფილელის ბალი** – უნდა ყოფილიყო დაახლოებით ახლანდელი გიორგი ლეონიძისა და გერონტი ქიქოძის ქუჩების გადაკვეთის ადგილას.
270. **ერევნის ციხე რომ აიღო ლენერალმა პასკევიჩმა** – ივან თეოდორეს ძე პასკევიჩი საქართველოს მთავარმართებელი იყო 1827-31 წლებში. რუსეთ-ირანის ომის დროს, 1828 წელს რუსეთის ჯარმა პასკევიჩის სარდლობით აიღო ერევნის ციხესიმაგრე. ამის გამო საქართველოს მთავარმართებელს ერევნის გრაფის წოდება მიენიჭა და ეწოდა პასკევიჩ-ერევანსკი.

270. 1823-სა წელსა დავიწერე ჯვარი ანჩისხატის ეკლესიაში – ალექსანდრე ორბელიანმა და ეკატერინე ბარათაშვილმა ჯვარი დაიწერეს 1823 წლის 8 ივლისს.  
ტექსტის ეს ნაწილი – წინადადებიდან: „1823-სა წელსა დავიწერე ჯვარი...“ ბოლომდე დაბეჭდილია „ქართული მწერლობის“ მე-9 ტომში.
271. 11-ს დეკემბრის ღამეს ... რალაც საშინელებამ გაგვაღვიძა – შეთქმულები 1832 წლის 11-12 დეკემბერს დააპატიმრეს.
272. „ერთი პოლშის გადადგომა რუსეთიდგან ...“ – იგულისხმება 1831 წლის პოლონეთის აჯანყება რუსეთის წინააღმდეგ. ამ არეულობის გამოყენებას აპირებდნენ ქართველი შეთქმულები თავიანთ სასარგებლოდ.
272. ელიზბარ შანშეს ძე ქსნის ერისთვის შვილი – ელიზბარ ერისთავი, 1832 წლის შეთქმულების ერთ-ერთი მეთაური.
274. „ჩემი კატინაც ერია ჩუენს საქმეში, სხუანი ქართველი ქალებიც ბევრი...“ – ალექსანდრე ორბელიანის ცნობით, შეთქმულებაში მონაწილეობდა ბევრი ქალი. მათ შორის რამდენიმე დაკითხეს და დასაჯეს. სხვათა დაფარვა მოახერხეს შეთქმულებმა. მათი ვინაობა ჩვენთვის უცნობია. შეთქმულების მონაწილე ქალთა სახელები ზმებით ჩამოთვლილია სოლომონ რაზმაძის ლექსში „დიანას მეჯლიში“, რომელიც ალექსანდრე ორბელიანმა გამოაქვეყნა „ცისკარში“. ეკატერინე ბარათაშვილი, შეთქმულთა დავალებით ქართულ დროშებს კერავდა.
275. „მეტეხის საპყრობილის ციხისაკენ შევბრუნდი“ – ალექსანდრე ორბელიანი მზად იყო ჰეროიკული აღსასრულისთვის. მაგრამ რუსეთის ხელისუფლებამ იმითაც დააკნინა შეთქმულების მნიშვნელობა, რომ „დამნაშავენი“ ავლაბრის ყაზარმებში მოათავსა.
276. „ყოველი საქმე დღიურ ზაპისკებად ეკეთებინა“ – ალექსანდრე ორბელიანის აზრით, ყოველდღიური ჩანაწერების გარეშე შეუძლებელი იქნებოდა იმ ინფორმაციის მოგროვება და დამახსოვრება, რაც იასე ფალავანდიშვილს მიუწოდებია გამოძიებისათვის.
277. „პირველის ოჯახის თავადიშვილის ქალი შეირთო ცო-

ლად“ – სამოქალაქო გუბერნატორ ნიკოლოზ ფალავანდიშვილს ცოლად ჰყავდა მარიამ ლუარსაბის ასული ორბელიანი. ეს ლუარსაბ და მისი ძმა დავითი ივანე სარდლის შვილები არიან. ორივე მონაწილეობდა შეთქმულებაში, მხოლოდ დავითი 1830 წელს გარდაიცვალა.

279. **მერვეს დღის დილაზე გავტყედი** – ამას ადასტურებს 16 დეკემბრის ჩვენება, რომელშიც ალექსანდრე ორბელიანი ჯერ კიდევ კატეგორიულად უარყოფს ბრალდებას და მხოლოდ 18 დეკემბრიდან იწყებს „აღიარებას“ (იხ. ჩვენებები, ხუთ-ტომეული, ტ. V).

279. **„ლიანდაში უსუდოდ გაგზავნეს“** – ხელმწიფის გადწყვეტილებით, იასე ფალავანდიშვილი „დაინიშნა უნტეროფიცრად ფინეთში განლაგებულ ერთ-ერთ პოლკში“. რამდენიმე წლის შემდეგ იასე გაამწესეს არხანგელსკის გუბერნიის სოფელ უსტ-ცილიმაში მეტყევედ. სამუდამოდ იქ დარჩა და იქვე გარდაიცვალა (იხ. მაქსიმე ბერძნიშვილი, მასალები XIX საუკუნის პირველი ნახევრის ქართული საზოგადოებრიობის ისტორიისათვის, II, თბ., 1983; როსტომ ჩხეიძე, „იასე-იანუსი“, თბ., 2008; თამაზ ჯოლოგუა, „პეჩორის თავადი“ – მოგონება იასე ფალავანდიშვილზე, არტანუჯი, თბ., 2013).

282. **„ზოგიერთი ჩვენი ამხანაგის დედები მწუხარებით დაიხოცნენ თავიანთი შვილების დაჭერაზე“** – ძნელი სათქმელია, ზუსტად ვინ ჰყავს მხედველობაში ალექსანდრე ორბელიანს, მაგრამ შეუძლებელია, არ გაგვახსენდეს შვილის პატიმრობის დროს გარდაცვლილი დედა გრიგოლ ორბელიანისა – ერეკლე მეფის შვილიშვილი, ხორეშან ანდრონიკაშვილი ან თუნდაც შვილის გადასახლების დროს გარდაცვლილი დედა ალექსანდრე ჭავჭავაძისა, მარიამ ავალიშვილი. ვინ იცის, კიდევ რამდენი დედა შეინირა მწუხარებამ და დარდმა.

290. **„შენც ჩემსავით მაგრა იყავ და უბედურებას ნუ გაუტყედი“...–** თეკლე ბატონიშვილის დარიგება, რომლითაც გამოემშვიდობა გადასახლებაში მიმავალ შვილს, წერია სხვა თხზულებაშიც – „ჩემი ტფილისის ქ[ალაქი]დგან] გამოსვლა“. თუმცა „ჭემმარიტ სიყვარულში“ ავტორს თვითონვე გადაუხაზავს ეს სიტყვები, მაგრამ მივიჩნით, რომ ამ

გამომშვიდობებას განსაკუთრებული მნიშვნელობა აქვს. ამ-  
იტომ აღვადგინეთ და აქაც გავიმეორეთ დახრილი ასოებით.

### ცოტა ჩემი გამოცდილებანი (297)

**ხელნაწერი:** ავტოგრაფი K S:1659-გ

**თარიღი:** 1841 წელი

**ხელმოწერა:** თა ა. ვახ. ძე ჯ. ორბელიანი 1841-ს წელს ქ.  
ტფილისს.

#### იბეჭდება პირველად

თავს გადახდენილი სხვადასხვა განსაცდელის შესახებ ალე-  
ქსანდრე ორბელიანს „ჭეშმარიტ სიყვარულშიც“ აქვს მოთხრო-  
ბილი. თუმცა ამ ორ ტექსტში აღბეჭდილი შემთხვევები (ერთი  
ეპიზოდის გარდა) არ ემთხვევა ერთმანეთს. „ცოტა ჩემი გამოც-  
დილებანი“ საყურადღებო დეტალებით ავსებს მწერლის ბიოგრა-  
ფიას და იმითაცაა მნიშვნელოვანი, რომ მასში დანვრილებითაა  
აღწერილი მასობრივი კრივი, რომელიც ძველი თბილისისთვის და-  
მახასითებელი მოვლენა გახლდათ.

თავიდან თხზულებას წერილის ფორმა ჰქონია. ავტორი დედას  
– თეკლა ბატონიშვილს მიმართავდა. შემდეგ შეუცვლია და საბ-  
ოლოოდ გაბმული თხრობა დაუტოვებია. რადგან მწერლის თავ-  
დაპირველი ჩანაფიქრი საყურადღებოდ გვეჩვენა, გადახაზული  
ადგილებიც ძირითად ტექსტში დავბეჭდეთ, მხოლოდ – დახრილი  
ასოებით.

297. „საქართველოშივე იყო და ჯერ რუსეთს არ წაეყვანათ“–  
დარეჯან დედოფალი რუსეთში გადაასახლეს 1803 წლის ნო-  
ემბერში.

300. „ლუარსაბ ორბელიანის გამოჩენილი ქორწილი იყო“–  
ლუარსაბ იოანე სარდლის შვილს ცოლად ჰყავდა ანა თამაზ  
ემკალაბაშის ასული ორბელიანი.

300. „ტორმუსოვი იქ იყო“ – ტორმასოვი ალექსანდრ პეტრეს ძე, საქართველოს მთავარმართებელი 1809-11 წლებში.
300. „სულხან ბეგთაბეგოვის დიდს დარბაზში“ – ამ ქორნილს ახსენებს ალექსანდრე ორბელიანი თხზულებაში „რუსების დასი ქართველები ჩემზედ“ (იხ. ხუთტომეული, ტ. III).
309. „ამგვარს საშიშს საქმეებსა არ მარიდებდნენ“ – „ახლა პუბლიაც“ (იხ. ამავე ტომში) ადასტურებს, რომ კრივში მონაწილეობის გამო არათუ არ სჯიდნენ, კიდევ აქებდნენ ყმანვილებს. საერთოდ, ალექსანდრე ორბელიანი დიდ ყურადღებას აქცევდა ბავშვის აღზრდის საკითხებს. ამიტომაც საგანგებოდ შენიშნავს, „ეს მთელი ქართველების ჩვეულება ასე იყო, რომ თავის შვილებს ყოველს საშიშს განსაცდელში ზდიდნენ: უშიშარი ვაჟკაცი გამოვაო“.

### ჩემი რუსეთიდან მოსვლის შემდეგ (310)

**ხელნაწერი:** ავტოგრაფი T 16296-ბ

**თარიღი:** [1846 წლის ივნისი]

**ხელმოწერა:** თა ალექსანდრე ჯ. ორბელიანი

#### იბეჭდება პირველად

ვათარიღებთ ტექსტში ნახსენები რეალიით.

თეკლე ბატონიშვილი გარდაიცვალა 1846 წლის 11 მარტს, თბილისში. დაკრძალულია სვეტიცხოველში, მამის, ერეკლე II-ის გვერდით, სადაც ადგილი გამზადებული იყო „საფლავად მესამისა და უკანესკნელის მეუღლისა მისისა დედოფლის დარიასათვის, რომელიც გარდაიცვალა და დაფლულ არს პეტერ-ბურხს“ (პლატონ იოსელიანი, ცხოვრება გიორგი მეცამეტისა“, 1936წ.,).

დედასთან ალექსანდრეს განსაკუთრებული სიყვარული და პატივისცემა აკავშირებდა, რაც მკაფიოდაა აღბეჭდილი ამ პატარა ჩანაწერშიც. ექვთიმე თაყაიშვილი წერდა (თამარ გოგოლაშვილ-პაპავას მიერ 1937 წელს პარიზში გამოცემული წიგნის – „დიდი სახ-

ეები პატარა ჩარჩოებში“ – წინასიტყვაობის სქოლიოში): ვისაც ალექსანდრე ორბელიანის ნაწერები „გადაუკითხავს, დაინახავდა, თუ რა მოკრძალებით და ნაზი სიყვარულით ეპყრობა ყველაფერში დედას ალექსანდრე. თეკლა მისთვის ღმერთია; მის დაუკითხავად და რჩევის გარეშე ალექსანდრე არაფერს არ აკეთებს; ის დედასთან ყველაფერში გულახდილია“.

მოგონებაში ნახსენებია, რომ მწერალი იმავე წლის ივნისში წავიდა სოფელ კაზრეთში, რათა საქმისთვის მიეხედა. მაშასადამე, ტექსტი 1846 წლის ივნისის შემდეგაა დაწერილი.

### **ყაფლანიდგან ჯამბაკურიანნი ორბელიანი (312)**

**ხელნაწერი:** ავტოგრაფი K H:2490-ა

**თარიღი:** 1845-ს წელსა, ოკტონბერსა.

**ხელმოწერა:** თ ა ალექსანდრე ჯ. ორბელიანი ქ. ტფილისს.

#### **იბეჭდება პიველად**

ალექსანდრე ორბელიანს აქვს ორი ნაწარმოები დაახლოებით ერთნაირი სათაურით. 1. ყაფლანიდგან ჯამბაკურიანნი ორბელიანი და 2. ცოტაოდენი ამბავი ყაფლანიდგან ჯამბაკურიან-ორბელიანი. მწერალი ორივეში გვაცნობს გადმოცემებს საკუთარი გვარის წარმოშობის შესახებ. გარდა ამისა, უშუალოდ საკუთარ წინაპრებს გვაცნობს სხვა თხზულებებშიც („ჩემი მშობლები“, „ჩემი მშობელნი“...). ზოგი რეალია თუ დეტალი ერთ მათგანშია მკაფიოდ და სრულად წარმოჩენილი და სხვაგან მხოლოდ ნახსენები, ზოგიც – პირიქით. ამ წერილებში მოთხრობილი ამბები ავსებს ერთმანეთს და მკითხველს სრულ წარმოდგენას უქმნის ორბელიანთა წინაპრებზე. ამიტომ, მიუხედავად იმისა, რომ ამ ტექსტში ავტორის ნებით, მოზრდილი მონაკვეთები გადაშლილია და ნაწილობრივ სხვა თხზულებებშიც მეორდება, მათი დიდი მნიშვნელობის გამო მაინც ალვადგინეთ, შევიტანეთ ძირითად ტექსტში და ვბეჭდავთ დახრილი ასოებით.



ალექსანდრე ორბელიანის თქმით, ორბელიანებსა და ბარათ-აშვილებს საერთო წინაპარი ჰყოლიათ. სამხრეთში, კერძოდ, ს. ტან-ძიაში მცხოვრები ბარათაშვილები იგივე ორბელიანები ყოფილან და ჩრდილოეთში მცხოვრებნი კი – ბარათაშვილები. თხზულებაში აღწერილია ამბავი ბარათაშვილების თავდასხმისა ორბელიანებზე. იგივე ამბავი ნახსენებია სხვა თხზულებაშიც („ცოტაოდენი ამბავი ყაფლანიდგან ჯამბაკურიან-ორბელიანი“).

შემთხვევით გადარჩენილი 13-14 წლის ყმანვილი ყაფლან ორბელიანი სათავეს უდებს შემდეგ ორბელიანთა იმ შტოს, რომლებიც ყაფლანიშვილებადაც იწოდებიან. ყაფლანია უშუალოდ ალექსანდრეს წინაპარიც. ყაფლანიშვილობა განსაკუთრებით ეამაყებოდა გრიგოლ ორბელიანს.

მწერლის ცნობებზე დაყრდნობით შევადგინეთ რამდენიმე მცირე ტაბულა ორბელიანთა გენეალოგიისა ყაფლანიდან დაწყებული.


იხ. ტაბულები: ტაბულა 1, ტაბულა 2, ტაბულა 3.

**322. „ცალკე შემდგომად აღმინერია ეშკალაბაში რად დაარჩო ნადირშაჰა“** – იგულისხმება „ჩემნი მშობელნი“ (იბეჭდება ამავე ტომში), რომელშიც დანვრილებითაა მოთხრობილი, თუ როგორ ჩამოახრჩვეს ელიზბარ ეშკალაბაში ნადირშაჰის ბრძანებით.




## ტაბულა II

### ყაფლან



# ტაბულა III

## ყაფლან



## ცოტაოდენი ამბავი ყაფლანიდგან ჯამბაკურიან-ორბელიანი (325)

**ხელნაწერი:** ავტოგრაფი K H:2490

**თარიღი:** 10-ს იანვარს 1852-სა წელსა.

**ხელმოწერა:** თა ალექსანდრე ვახტანგის ძე ჯ. ორბელიანი. ქ. ტფილისს.

თხზულებას დიდი ისტორიული მნიშვნელობა აქვს. მთელი ტექსტი შედგენილია როგორც ისტორიულ წყაროებზე, ისე ზეპირგადმოცემებზე დაყრდნობით („ზოგი ჩვენ ყაფლანიანთ სახლის მოხუცებულთაგან გამიგონია, ზოგი ქართლის ცხოვრებიდგან ვიცი, ზოგი ჩვენ მამაპაპათ წიგნებიდგან, ზოგი მოსე ხორენცის ძველი ისტორიიდან, ზოგი სტეფანე ორბელიანის დაწერილი ისტორიით და ამათგან შევადგინე ეს პატარა თხზულება ჩვენი სახლის ისტორიისათვის“, – წერს ალექსანდრე ორბელიანი). მოსე ხორენაცი თვითონვე გადაუშლია, მაგრამ ჩვენ აღვადგინეთ. ავტორს ბოლოს გადაუხაზავს აგრეთვე მნიშვნელოვანი მონაკვეთი, რომელშიც მსჯელობს ორბელიანთა სარწმუნოების შესახებ. ნაბეჭდში ესეც აღდგენილია. ჩვენი წინაპრები ძველ დროში სომხები ყოფილანო, – გვეუბნება მწერალი და, ცხადია, გულისხმობს სარწმუნოებას (XIX საუკუნეში სომხებად მოიხსენიებდნენ გრიგორიანული სარწმუნოების აღმსარებლებს, ფრანგებად – კათოლიკეებს...). შემდეგ დასძენს, არ ვიცი, როდის მიუღიათ საბერძნეთის სარწმუნოებაო. ბუნებრივია, საბერძნეთის სარწმუნოებაში მართლმადიდებლობა იგულისხმება.

მთელი თხზულება უაღრესად საყურადღებოა. ალექსანდრე ორბელიანის ზოგი დაკვირვება ზუსტია და ასევეა ასახული თანამედროვე ისტორიოგრაფიაშიც. ზოგი იქნებ არც არის გაზიარებული, მაგრამ ინტერესს მოკლებული არც ამ შემთხვევაშია.

**325. „ვახუშტი რომ ამბობს“** – ვახუშტი ბატონიშვილი (1696-1757), ვახტანგ VI-ის ძე. სწავლული, ისტორიკოსი, გეოგრაფი, პირველი ქართველი კარტოგრაფი... გარდაიცვალა მოსკოვში.

325. **სომხითი** – XVII-XVIII საუკუნეებში სომხითი ერქვა ბოლნის-შულავერის ტერიტორიას.
326. მიხეილ ჯავახიშვილის რომანში „არსენა მარაბდელი“ არის ეპიზოდი, რომელშიც აღწერილია, თუ როგორ კამათობენ ბარათაშვილ-ორბელიანები, რომელ გვარს უფრო მეტი გაუკეთებია ქვეყნისთვის. ალექსანდრე ორბელიანის მიხედვით, ორივე გვარი საერთო წარმომავლობისაა: ჯერ ბარათაშვილები გაჩენილან ორბელიანების გვარში – ვინმე გამოჩენილი, ცნობილი ბარათას სახელი გვარად გახდომა შთამომავლობას. ხოლო ყაფლანს, ბარათაშვილს, რაკი სახლიკაცები დაპირისპირებიან, ძველი გვარი, ჯამბაკურიან-ორბელიანი აღუდგენია (ამიტომაც იწოდებოდნენ ზოგჯერ ყაფლანიშვილებად). ორბელიანებისგან გამოყოფილ გვარად მიაჩნია მწერალს ქაჩიბაისძეებიც. სქოლიოში ჩამოთვლის სხვა გვარებსაც, როგორც ორბელიანების განაყოფებს (აბაშისშვილებს, ზურაბისშვილებს, იარალისშვილებს, სოლოლაშვილებს).

### გიჟი ალაღუა (330)

**ხელნაწერი:** ავტოგრაფი K H:2412-ე

**თარიღი:** 11-ს დეკემბერს. 1854-ს წ.

**ხელმოწერა:** თა ალექსანდრე ჯ. ორბელიანი ს. კაზრეთს.

### იბეჭდება პირველად

ამ მცირე ჩანაწერმა მკითხველს შემოუწახა XIX საუკუნის თბილისის მკვიდრის, როგორც მწერალი უწოდებს, გიჟი ალაღუას სახელი და ამით გააცოცხლა, მოგვიახლოვა, ძალიან ხელშესახები გახადა მაშინდელი ყოფა. როგორც ხშირად ხდება ხოლმე, ასოციალური ადამიანები, რომელთაგან სიბრძნეს კი არა, ოდნავ ქკვიანურსაც არავინ მოელის, ზუსტად ხვდებიან დაფარულს და მომავალსაც სწორად წინასწარმეტყველებენ ხოლმე.

## ორბელიანთ ამბავი (330)

ნაბეჭდი: ჟ. „ცისკარი“, 1858 წ. # 9, გვ. 57-62

თარიღი: [1859]

ხელმოწერა: თ. ალ. ჯ. ორბელიანი

330. **„ორბელიანთ ნათესავი ჭინელთ (ჩინელთ) ნათესავთაგან არიან“**– დიდგვაროვნები საგანგებოდ თხზავდნენ ხოლმე ლეგენდებს საკუთარი გვარის უცხოური წარმომავლობის საჩვენებლად. ამით თავიანთ გამორჩეულობას აღნიშნავდნენ. ეს პუბლიკაცია ცხადყოფს, რომ ალექსანდრე ორბელიანს დამაჯერებლად მიაჩნია თქმულება ორბელიანთა წინაპრის ჩინეთიდან ჩამოსვლისა და ორბეთში დამკვიდრების შესახებ. კითხვა-პასუხის ფორმით სომხურად დაწერილი და ქართულად თარგმნილი ეს თხზულება დიდად აქებს ორბელიანების ღვანლსა და დამსახურებას ქართული სახელმწიფოს წინაშე და უეჭველს ხდის სომეხი ორბელიანების (გორბელიანების) ქართულ წარმოშობას.
330. **სტეფანე მდივანოვი** – სავარაუდოდ, არის მამა წიგნების ცნობილი შემდგენელ-გამომცემლის სერგეი მდივანოვისა.

## ჩემი ქალი მარიამ (ყმაწვილობისას მაიკო.) (334)

ხელნაწერი: ავტორიზებული K S: 1663

თარიღი: 27-ს იანვარს 1862-სა წელსა.

ხელმოწერა: თაა. ვახ. ძე ჯ. ორბელიანი ქ. თფილისს.

მინაწერი: ამ დამდეგს წელს ძლივს გავათავე ესა.

**იბეჭდება პირველად.**

35-ე გვერდამდე დარჩას ხელითაა ნაწერი. მერე სხვისი ხელითაა დაწერილი მეღნი. ნასწორებია ფანქრით თვითონ ალექსანდრე ორბელიანის მიერ. ბოლო აბზაცი ავტორის ხელია ფანქრით.

334. **„რამთენი შვილები დაგვეხოცა მე და ჩემს ეკატერინეს“** – ალექსანდრე ორბელიანსა და ეკატერინე ბარათაშვილს სულ შესძენიათ შვიდი შვილი. ამათგან უმრავლესობა ბავშვობაშივე გარდაიცვალა, მარიამი (მაიკო) გარდაიცვალა 22 წლისა. მშობლებს ერთადერთი ქალი, დარეჯანი (დარია) შერჩათ. გარდაცვლილი შვილების სახელები ამავე თხზულების ბოლოსა აქვს ჩამოთვლილი მწერალს: ირაკლი, გრიგოლ, ნიკოლოზ, დავით, მარიამ, ელენე.
341. **მარია ივანოვნა** – მარიამ ივანეს ასული ორბელიანი. ალექსანდრე ორბელიანის ძმის, დიმიტრის, ცოლი.
343. **ლიზიკო** – ელისაბედ ორბელიანი. ალექსანდრე ორბელიანის ძმის, დიმიტრის, ასული.
343. **ვლადიმირ დავიდოვ-გრამონი** – ელისაბედ (ლიზა) ორბელიანის პირველი ქმარი, საქართველოს მეფისნაცვლის, ალექსანდრე ბარიატინსკის ადიუტანტი. შემდეგ ლიზა ქმარს წაართვა და ცოლად შეირთო თვითონ ბარიატინსკიმ.
344. **„ფრანცუცმა, მოხუცებულმა სესტომამ პანსიონი გახსნა“** – XIX საუკუნის დასაწყისში თბილისში ბევრი კერძო სასწავლებელი არსებობდა. მათ შორის ერთ-ერთია, როგორც ჩანს, სესტომას გახსნილი პანსიონიც.
344. **„ყმაწვილი ქალების ინსტიტუტი გახსნეს სახელმწიფომ“** – 1840 წელს თბილისში გაიხსნა ამიერკავკასიის ქალთა ინსტიტუტი.
350. **„ჩემი რძლის კატინკას და ნინა“** – ალექსანდრე ორბელიანის რძალი, უმცროსი ძმის, პოეტ ვახტანგ ორბელიანის ცოლი იყო ეკატერინე ილინსკაია (დაქორწინდნენ 1842 წელს). ამ ეკატერინეს მამა, ვასილ ივანეს ძე ილინსკი, იყო ბარათაშვილის უფროსი „სუდა ი რასპრავაში“.
350. **ბატონიშვილი ალექსანდრე** – ალექსანდრე ბატონიშვილი (1770-1844). იბრძოდა საქართველოს დამოუკიდებლობის აღდგენისთვის. 1832 წლის შეთქმულების გამარჯვების შემთხვევაში ნავარაუდები იყო მეფედ. არის არამართო საქართველოს, არამედ კავკასიის გმირი. ლეგენდის მიხედვით, მფრინავი ცხენი ჰყავდა და მისი წყალობით გადაურჩა რუსებისგან შეპყრობას. საქართველოდან გაქცეული ცხოვრობდა



სპარსეთში, იქვე გარდაიცვალა, დაკრძალულია სომხური ეკლესიის გალავანში (ვრცლად იხ. როსტომ ჩხეიძე, მზის რაინდი – ალექსანდრე ბატონიშვილის ცხოვრების ქრონიკა, თბ., 2011).

- 350. „ბატონიშვილი ირაკლი დედიჩემის სიცოცხლეში მოვიდა ქ. ტფილისში“**– ირაკლი ალექსანდრეს ძე ბაგრატიონ-გრუზინსკი (1827-1882) დაიბადა სპარსეთში. ერთხანს ერევანში იზრდებოდა დედასთან, მარიამ ალამალოვასთან. იქიდან გამოიტაცეს დედასთან ერთად და შემდეგ გაგზავნეს პეტერბურგში, სადაც სამხედრო სასწავლებელში სწავლობდა. 1840-იან წლებში დაბრუნდა საქართველოში. პარიზში გაიცნო და დაუმეგობრდა ბერტა ფონ ზუტნერს, რომლის მოგონებებშიც წარმოდგენილია ირაკლი ბატონიშვილის რელიეფური და კოლორიტული პორტრეტი. ცოლად შეირთო დავით ჭავჭავაძის ასული თამარი („თამარა შამილოვნა“). იყო ეროვნული სულიერების მატარებელი. ირაკლი ბატონიშვილი გარდაიცვალა 1882 წელს. დაკრძალულია მცხეთაში, სვეტიცხოველში. მისმა დაკრძალვამ გრანდიოზული ხასიათი მიიღო. საზოგადოებამ ისეთი პატივი მიაგო, როგორსაც მეფეებს მიაგებდნენ ხოლმე.
- 351. „იტალიანური ოპერა რომ დაანესა კნიაზ ვარანცოვმა ქ. ტფილისში“**– იტალიური ოპერა თბილისში 1851 წლის ნოემბერში გაიხსნა და მაშინვე დიდი პოპულარობა მოიპოვა. თამამშევის ქარვასლა, რომელშიც განთავსებული იყო ოპერა, მეფისნაცვალ ვორონცოვის ბრძანებით აიგო. ოპერის გახსნის ნებართვაც, ცხადია, მისივე გაცემული გახლდათ.
- 352. „ნორმა უნდა წარმოედგინათ“**– საუბარია ვინჩენცო ბელინის ორმოქმედებიან ოპერაზე „ნორმა“.
- 357. სურავანდი** – ავადმყოფობა. იგივე სკორბუტი, სხვანაირად ცინგასაც ეძახიან.
- 357. მაიკო** – გარდაიცვალა 1855 წელს ქოლერით, 22 წლისა. დაკრძალულია ავლაბარში, დარეჯან დედოფლის მიერ აგებულ ფერისცვალების ეკლესიის ეზოში.

## ახლა პუპლია (363)

**ხელნაწერი:** ავტოგრაფი K S: 1634-14

**თარიღი:** 1864 წლის 18 ივლისი

**ხელმოწერა:** თა. ვახ. ძე ჯ. ორბელიანი, ს. კაზრეთში.

### იბეჭდება პირველად

362. „**მე შკოლაში რომ ვსწავლობდი**“ – იგულისხმება თბილისის კეთილშობილთა სასწავლებელი, რომელიც გაიხსნა 1802 წელს. ალექსანდრე ორბელიანი იქ სწავლობდა 1819 წლამდე.
362. **ბუკრინსკი – კ. ა.**, კოლეგიის ასესორი, თბილისის კეთილშობილთა სასწავლებლის დირექტორის მოვალეობის შემსრულებელი.
362. „**რომაელი პუბლი**“ – იგულისხმება რომაელი პუბლიუს დეციუს მუსი, დიდი მხედართმთავარი.

## ჩვენი ძველი სახეულობანი (365)

**ხელნაწერი:** ავტოგრაფი K H:474

**თარიღი:** 28-ს მაისს 1869-ს წელსა ქ. ტფილისს.

**ხელმოწერა:** თა. ვახ. ძე ჯ. ორბელიანი

368. **ეშკალაბაში თამაზ ორბელიანი** – (1769-1815) თამაზ მამუკას ძე – თამაზ ყაფლანის ძის შთამომავალი.
368. **ქეთევან ქობულოვი (ქობულაშვილი)** – დავით ქობულაშვილის ასული, თამაზ ორბელიანის მეუღლე.
369. სასამართლო დავები მე-19 საუკუნეში გროტესკულად აქვს დახატული გიორგი ერისთავს „დავასა“ და სხვა დრამატურგიულ თხზულებებში. უსამართლო სასამართლოების შესახებ წერს ალექსანდრე ორბელიანი არაერთ ნაწარმოებში. ამ თემას ეხება ალექსანდრე ჭავჭავაძეც თავისი ნარკვევის

(„საქართველოს მოკლე ისტორიული ნარკვევი...“) ბოლო ნაწილშიც. რუსეთის მიერ შემოტანილი სისტემა სასამართლოებისა ეპოქის საჭირობოროტო სატკივრად წარმოგვიდგება.

- 370.** თითქოს აქ აღწერილი საქმიანობა ძველი ქართველი ქალისა საგანგებოდ აქვს დაკნინებულ-დამცირებული, გამასხარავებული ილია ჭავჭავაძეს იმ ეპიზოდში, რომელშიც დარეჯანის „საქმიანობას“ ხატავს. ეს არის ნიმუში, დასტური იმისა, როგორ შეიცვალა რუსების ბატონობის დროს ნამდვილი ღირებულებები მოჩვენებითითა და ყალბით.
- 373. განჯაფის თამაშობა** – იოსებ გრიშაშვილის „ქალაქური ლექსიკონის“ მიხედვით, სპარსეთიდან შემოტანილი ბანქოს მსგავსი თამაშია.

### ჩემი შეცთომილება ანუ ჩემი ცოდვანი (375)

**ხელნაწერი:** ავტოგრაფი K S: 1659-ბ

**თარიღი:** 1869 წლის 3 სექტემბერი

**ხელმოწერა:** თ. ა. ავახ. ძე ჯ. ორბელიანი. 3-ს სექტემბერს 1869-სა წელსა. ქ. ტფილისს.

### იბეჭდება პირველად

რუსული სიტყვების ახსნა:

**სტრელოკები** – მსროლელები.

**სტარში კაპიტანი** – უფროსი კაპიტანი.

**სალდათები** – ჯარისკაცები.

**ატრიადი** – რაზმი.

**პადლეცი** – ნაძირალა.

**რაპორტი** – ანგარიში, მოხსენება.

**როტა** – სამხედრო ქვეგანყოფილება, ჩვეულებრივ, ბატალიონის შემადგენლობაში.

**შტაბკვარტერა** – მთავარი ოფისი, სათაო ოფისი.

**პახოტი** – ლაშქრობა.

**პერედნა** – შესასვლელი, დერეფანი, ჰოლი. სქოლიოში თვითონ მწერალი ხსნის, როგორც დერეფანს.

**უნკერი** – იუნკერი, ახალგაზრდა სამხედრო მოსამსახურე, ჯერაც მოსწავლე.

**სანა** – მარხილი.

**დენშიკი** – ჯარისკაცი, რომელიც ოფიცერს ემსახურებოდა.

**ქუჩერი** – მეეტლე (ის, ვინც ცხენებს მართავს მარხილში).

**არდინარცი** – მოკავშირე.

**იემშიკი** – მეეტლე.

**375.** „ათი წლისას მე მამა აღარ მყუანდა“– ალექსანდრე ორბელიანის მამა, პოლკოვნიკი ვახტანგ ორბელიანი 1812 წელს, კახეთის აჯანყების ჩახშობის დროს მოკლა ერთმა მემამოხემ.

**376.** „ეს არის ჩუენი ძუელი გაზდილობა“– ალექსანდრე ორბელიანი ძალიან დიდ ყურადღებას აქცევდა ყმანვილის აღზრდის საკითხს. საუკეთესოდ მიაჩნდა ძველ საქართველოში არსებული შინაური (საოჯახო) აღზრდა. ამ თემაზე არაერთ ნაწარმოებში საუბრობს. ცნობილია, მომავლის დამკვიდრებისთვის ბრძოლაში ბავშვის აღზრდას გადამწყვეტი მნიშვნელობა მიანიჭეს სამოციანელებმა. ამ თვალსაზრისითაც ალექსანდრე ორბელიანი მათი (ქართველი სამოციანელების) წინამორბედი.

**376.** „უწინ სად გაიგონებოდა უშვერი სიტყვა საქართველოში“– ალექსანდრე ორბელიანის ცნობით, ძველ საქართველოში გინება საერთოდ არ სცოდნიათ. მხოლოდ რუს „მუჟიკებს“– დაბალი სოციალური წრის წარმომადგენლებს, ძირითადად, ალბათ, სამხედროებს – დაუმკვიდრებიათ გინება საქართველოში.

**376.** „გლეხი კაცებისაც... თავის სახლში უმანკოებითა“– მწერალი სხვა თხზულებებშიც ხატავს გლეხების (მოსამსახურეთა) ზრდილობას, ერთგულებას, ვაჟკაცობას, პატიოსნებასა და სხვა საუკეთესო თვისებებს. ალექსანდრე ორბელიანის შეხედულება გლეხების შესახებ ძალიან ახლოსაა შემდეგ ხანებში ილია ჭავჭავაძისა და არჩილ ჯორჯაძის მიერ დამკვიდრებულ „ხიდიჩატეხიობისა“ და „საერთო ნიადაგის“ თეორიებთან.

376. **„ჩემსა აღწერილსა დუბროვინის ჩემს პასუხში“** – იგულისხმება ალექსანდრე ორბელიანის პოლემიკური სტატია „დუბროვინის მიმართ პასუხი“ (იხ. ამ გამოცემის მე-3 ტომი).
377. **ფრუნტი** – ფრონტი, აქ: სამხედრო საქმე.
378. **ინვალიდი** – „რუსკი ინვალიდ“ იყო რუსულენოვანი სამხედრო, საზოგადოებრივ-პოლიტიკური და სალიტერატურო გაზეთი. გამოდიოდა პეტერბურგში 1813-1917 წლებში.
379. **კუმირი** – კერპი.
381. **„რომის ფუნჯსა ვსომდით“** – რომი სპირტიანი სასმელია, რომლის რამდენიმე სახეობა არსებობს. ალექსანდრე ორბელიანი ცოდვად მიითვლის გადაჭარბებულ სმასაც. ალკოჰოლიანი სასმელების უზომო სმა რუსეთის იმპერიაში საერთოდ და, კერძოდ, რუსულ სამხედრო ნაწილებში ძალიან მიღებული იყო.
381. **„ეკოსიეს, ვალცსა, კადრილსა და მაზურკას“** – ევროპული ცეკვებია. XIX საუკუნის დასაწყისის საქართველოში პოპულარული გახდა ევროპული ცეკვები. ალექსანდრე ორბელიანი მიესალმება ევროპული კულტურის, მათ შორის, ცეკვების დამკვიდრებასაც ჩვენში (იხ. მისი „თელავი“. ამ გამოცემის, ტ. II).
381. **მაიორის კ. ცოლი ა...ი...** – არ ვიცით, ვისი ინიციალებია.
382. **დავით ორბელიანი** – სარდალ ივანე ორბელიანის ვაჟი. ალექსანდრე ჭავჭავაძის ცოლის, სალომე ორბელიანის ძმა. ალექსანდრე ორბელიანი და დავითი ნათესავები იყვნენ დედის მხრიდანაც და უფრო შორეულად – მამის მხრიდანაც. დავითის ცოლი იყო მანანა ერისთავი (ორბელიანი), „ქართველ რეკამიედ“ ნოდებული. დავითსა და მის ძმასთან – ლუარსაბთან მეგობრობდა ალექსანდრე ორბელიანი. 1832 წლის შეთქმულების მზადებისას განსაკუთრებით დავითის იმედი ჰქონია, მაგრამ დავითი ადრე, 28 წლისა გარდაიცვალა 1830 წელს.
382. **პავლე თუმანიშვილი** – იოსების ძე. მწერლის ბავშვობის მეგობარი. ალექსანდრე ორბელიანის სხვა ავტობიოგრაფიული თხზულებების პერსონაჟიც.
382. **მირზაჯან მაღათოვი** – ყარაბაღელი სომეხი. განთქმული მოქიეფე და თამადა. გრიგოლ ორბელიანის მუხამბაზში „სუ-

ლით ერთნო...“ მოხსენიებულია, როგორც „ლხინის პაპა“. ბეგობრობდა ბევრ ქართველ მოღვაწესთან. გრიგოლ ორბელიანმა ჯერ კიდევ ცოცხალ მეგობარს ხუმრობით მიუძღვნა ლექსი „მირზაჯანას ეპიტაფია“.

- 384. „იმისი ამბავი ცისკარში მაქვს დაბეჭდილი“** – ალექსანდრე ორბელიანი გულისხმობს ჟურნალ „ცისკრის“ 1868 წლის №2-ში გამოქვეყნებულ სტატიას „ტოლუბაშობა“, რომლის პერსონაჟიც არის მ. მ. ანუ მირზაჯანა მადათოვი.
- 386. „გრიბაედოვიც ამისი სიძე რომ შეიქნა“** – საუბარია რუს მწერალსა და დიპლომატ ალექსანდრე გრიბოედოვზე, რომელმაც ცოლად შეირთო დავით ორბელიანის დის – სალომე ორბელიანისა და პოეტ ალექსანდრე ჭავჭავაძის უფროსი ქალიშვილი ნინო. როგორც ჩანს შეთქმულებს სურდათ, რაც შეიძლება მეტი გავლენიანი უცხოელი გადაებირებინათ თავისკენ და ამ ქორწინების შემდეგ იმედი მიეცათ, რომ ალექსანდრე ჭავჭავაძის (თვითონ შეთქმულების აქტიური მონაწილის) სიძე, სახელოვანი რუსი, თავიანთ საქმეში გამოადგებოდათ. არადა იგი საქართველოში ჩამოსული იყო ქართველთა აყრისა და რუსეთის შიდა გუბერნიებში გადასახლების გეგმით.
- 387. საზანდრები** – იოსებ გრიშაშვილის „ქალაქურ ლექსიკონში“ საზანდარი ასეა ახსნილი: „ლიხსიქითა მცხოვრებნი საზანდარს მესტვირეს ეძახიან“ („გუთანი“, 1914 წ., ლექსიკ. გვ. 394).
- 387. დაირა** – აღმოსავლური დასარტყმელი მუსიკალური ინსტრუმენტი. იოსებ გრიშაშვილი: „ზოგს დაირა ნალარა ჰგონია“.
- 387. თარი** – აღმოსავლური სიმებიანი მუსიკალური საკრავი.
- 387. ჭიანური** – ქართული ხალხური ხემიანი საკრავი. იოსებ გრიშაშვილის „ქალაქურ ლექსიკონში“: „ს. ოპანეზაშვილმა ჭიანურის მნიშვ. ასე ამიხსნა: ჭიანური არაბთა სასულიერო და სამოძღვრო საკრავია. შესდგება ოთხი ნან.-საგან. ... საქ. – ში შემოიღეს VII საუკ.“
- 387. დიმპლიპიტო** – იგივეა, რაც დიპლიპიტო. იოსებ გრიშაშვილის „ქალაქური ლექსიკონის“ მიხედვით, „საკრავი (ნალარა). ტყავგადაფარებული ორი ქილა...“
- 387. მომღერალი ალავერდა** – XIX საუკუნის თბილისში ცნობილი

მომღერალი და არისტოკრატიული ოჯახების ხშირი სტუმარი, ლხინის სული და გული. ალავერდას ასხენებს გრიგოლ ორბელიანიც ერთ-ერთ მუხამბაზში:

*სულით ერთნო, მოლხინენო, ან შეკრბით,  
თასით, ჯამით, ყანნით, აზარფეშებით!  
ლხინის სუფრა მოჰვინეთ ყვავილებით;  
ალავერდა დასვით თარით ნაქებით,  
ყოჯა ბულბულტკბილის ხმით აღულუნეთ,  
დიპლიპიტო დაჰკარ-დაარაკუნეთ!..*

პოეტი შენიშნავს: ალავერდა „იყო გამოჩენილი მომღერალი მეფეებისვე დროს.“ ალავერდა მოხსენიებული ჰყავს იოანე ბატონიშვილსაც „კალმასობაში“.

**388. „იმერლები გყვანან, ... რომელთაცა სოფლური სიმღერები უცხოთ იცინან“** – ალექსანდრე ორბელიანი ერთ-ერთია, ვინც ყურადღება მიაქცია ქართულ სიმღერებს და მაშინ ჩვენში მოდურ აღმოსავლურ ხმებს წმინდა ქართული ამჯობინა. ამ თვალსაზრისით განსაკუთრებით მოსწონდა იმერული ლიღინები. ( იხ. „ივერიანელების სიმღერა, გალობა, ლიღინი“. წინამდებარე გამოცემა, ტ. II).

**388. ჩარეჟი** – ერთი მეოთხედი.

**392. „მელნიკოვის სახლში, რომელსაცა ლუარსაბის დისწული ჰყუანდა ცოლად“** – ანდრეი მელნიკოვი იყო თბილისის პოლიცემისტერი. უკრაინელი. მონაწილეობდა 1832 წლის შეთქმულებაში. ცოლად ჰყავდა შეთქმულების ერთ-ერთი მეთაურის, ელიზბარ ერისთავის და, მელანია ერისთავი. ელიზბარისა და მელანიას დედა გახლდათ ლუარსაბ ორბელიანის და – ელენე.

**395. ლალა** – გამზრდელი. თევდორეს გარდა, ალექსანდრე ორბელიანი ლალად მოიხსენიებს ბერელასა და ოთარას.

**396. ჩოლოყაშვილი თადია** – იხ. „ჩემი ტფილისის ქ[ალაქიდგან] გამოსვლა“, (გვ. 525).

**396. დავით მუხრანბატონი** – ქეთევან ერეკლეს ასულ ბაგრატიონისა და იოანე ბუხრანბატონის ვაჟი, მწერლის დეიდაშვილი.

**396. ბიძინა ქსნის ერისთვისშვილი** – რევაზ გიორგის ძე ქსნის

ერისთავისა და ანასტასია ერეკლე მეფის ასულ ბაგრატიონის ვაჟი, გიორგი ერისთავის (ატამანის) ძმა. ალექსანდრე ორბელიანის დეიდაშვილი.

401. **„ყველაზედ უდიდესი ცოდვა არის ჩემი...“** – ალექსანდრე ორბელიანს ბრძოლისას ერთი ჩერქეზი მოუკლავს, რაც მწერალმა კაცთმოყვარე ბუნების გამო უდიდეს დანაშაულებად განიცადა და მთელი სიცოცხლე ამ ცოდვას იხანებდა.
406. **„ჩემი დანიშნული“** – საუბარია ეკატერინე დავითის ასულ ბარათაშვილზე, რომელზედაც ალექსანდრე ორბელიანმა მალე (1823 წლის 8 ივლისს) ჯვარი დაიწერა.
406. **„ჩემი სიმამრი და სიდედრი“** – დავით და ბარბარე ბარათაშვილები.
407. **„მაგთენი ხანი აღარა მოვიცადერა, რომ მეც გადავდექი“** – ალექსანდრე ორბელიანს, როგორც მისი მოგონებებიდან ჩანს, სამხედრო კარიერა მაინცდამაინც არ იზიდავდა. 1824 წელს მწერალმა სამხედრო სამსახურს თავი დაანება.
414. **„ჩათუქესანი მოსამსახურე“** – ჩათუქესანი მოქეიფეს, თავმომწონეს, ზრდილს, პატიოსანს ნიშნავს (იხ. იოსებ გრიშაშვილი, „ქალაქური ლექსიკონი“, თბ., 2023). „ორიოდე სიტყვაში“ წერდა ილია ჭავჭავაძე გრიგოლ ორბელიანის ერთი მუხამბაზის შესახებ: „თვალწინ წარმოგიდგებათ ის ჩათუქესანი თბილისის ქართველი..“
415. **„ჩვენი შაბაზის ვეზირია მირზაჯანა“** – მირზაჯანა მადათოვს ერმოლოვის „შპიონს“ უწოდებს ალექსანდრე ორბელიანი. მამასადამე, ერმოლოვი იგულისხმება „ჩვენს შაბაზასში.“
417. **„უბედურის ბატონიშვილის დავითისა ეს ლექსი“** – იგულისხმება დავით გიორგის ძე ბატონიშვილის „გამიფრინდა სიხარულის ფრინველი“.
423. **„მინამ რუსეთს წამიყვანდნენ“** – მწერალი გულისხმობს 1832 წლის შეთქმულების მეთაურობის გამო მიღებულ სასჯელს რუსეთში, კერძოდ, ორენბურგში გადასახლება.
423. **„თუ ესეც ითქმის ჩემს ცოდუათ, კიდევ ეს არის, რომ მე რუსები საქართველოში არ მიყუარან, მინდა აქედგან**



ასე გადიკარგნენ, რომ საქართველოს სუნიც იმათ ველ-  
არ მიედინოს და რუსეთშიკი ბედნიერთ იყვნენ.“ – ალექ-  
სანდრე ორბელიანს რუსთმოდულე შეარქვეს. თუმცა მშვი-  
დობიანი ხასიათის გამო ყველასთან შეეძლო საერთო ენის  
გამონახვა, მათ შორის – რუსებთანაც. ზოგ მათგანს ძალიან  
თბილად იხსენიებს მემუარებში. ეს ამონარიდიც იმას ადას-  
ტურებს, რომ მწერალი არ იყო ქსენოფობი. მას დამპყრობე-  
ლი სძულდა და არა რომელიმე ერის წარმომადგენელი.

424. **„ივან ანტონიჩ პრიბილს, გამოჩენილს დოხტურთან  
წაველ“** – პრიბილი XIX საუკუნის დასაწყისში ერთ-ერთი  
ცნობილი ექიმია თბილისში. ეროვნებით გერმანელი. ალექ-  
სანდრე ორბელიანი მეგობრობდა კიდეც მასთან.
424. **„ის ჩემი წაყვანა მაქვს აღწერილი“** – იგულისხმება ავტო-  
ბიოგრაფიული მოთხრობა „ჩემი ტფილისის ქალაქიდან“  
გამოსვლა“. იხ. ამავე ტომში.
425. **„იმის აღწერაც მაქვს“** – იგულისხმება „ჭეშმარიტი სიყვარ-  
ული“. იხ. ამავე ტომში.
425. **ადუტანტი ჩილაევი** – სერგეი გაბრიელის ძე ჭილაშვილი.  
ფრჩხილებში საგანგებოდ შენიშნავს: ქართული, თუმცა თა-  
ვის „რუს ნაცნობებში“ (იხ. ამ გამოცემის ტ. V) ალექსანდრე  
ამ ჩილაევს რუს ნაცნობთა შორის ასახელებს.
429. **ოქროს გრგოლის ხელთა** – ოქროს საქორწინო ბეჭედი.
431. **ფარეზი** – დიეტა. იოსებ გრიშაშვილი „ქალაქურ ლექსიკონ-  
ში“ ალექსანდრე ორბელიანის ამ ფრაზას იმონმებს: „...მხო-  
ლოდ ცარიელი ფარეზი სუფი მეჭამა“.
432. **ჯილავი** – ალვირი.
433. **სარქისა (საქუა)** – თბილისიდან წაყვანილი მოსამსახურე  
(სომეხი). პირად წერილებში ალექსანდრე ორბელიანი ხშირ-  
ად ახსენებს სარქისას, რომლის სამსახურითაც თავდაპირ-  
ველად კმაყოფილი იყო, მაგრამ მას შემდეგ, რაც სარქისამ  
სმა დაიწყო და ბატონს წესიერად აღარ ემსახურებოდა,  
მწერალმა იგი გაუშვა (გააგდო) და სხვა მოსამსახურე დაიბა-  
რა (თბილისიდან).
442. **უფროსი ერთი** – უმრავლესობა, უმეტესობა, უფრო მეტი.
451. **„ეგება ჩემს მშობელს ქვეყანას გამოვადგე“** – ალექსან-

დრე ორბელიანი თავს ქვეყნის პატრონად და ჭირისუფლად გრძნობს. მძიმედ დასწეულებულსაც უპირველესად სამშობლო ახსოვს. შემდეგ საქართველოში დაბრუნებულსაც უთქვამს, ქვეყანას ჩემ გარდა პატრონი არავინ დარჩაო.

452. **„დუმონ დურვილის მოგზაურობა იმთენი ტომები წამიკითხა...“** – იგულისხმება ჟიულ დიუმონ დურვილი, XIX საუკუნის ფრანგი ბოტანიკოსი და კარტოგრაფი, საზღვაო ფლოტის ოფიცერი. მან შეისწავლა ავსტრალია, ახალი ზელანდია, ანტარქტიდა...
459. **„დედაჩემი გაგზავნილი იყო ჩემის ორის ძმებით“** – 1832 წლის შეთქმულებაში მონაწილეობის გამო ალექსანდრე ორბელიანის დედა – თეკლა ბატონიშვილი და მწერლის ორი ძმა – დიმიტრი და ვახტანგი – ერთად გადაასახლეს ქ. კალუგაში.
463. **„აბა ეხლა დაიწყო იმათი შექცევა“** – ალექსანდრე ორბელიანი აღწერს უგვან, ხმაურიან, „მუჟიკურ“ ლხინს, რაც ჩვეულებრივად იყო მიღებული რუს სამხედროთა წრეში.
469. **დავით ფურცელაძე** – მთარგმნელი. თარგმნიდა რუსულიდან. ვოლტერის „ზაირაც“ რუსულიდან უთარგმნია. დავით ფურცელაძის შესახებ იხ. მაქსიმე ბერძნიშვილი, „მასალები XIX საუკუნის პირველი ნახევრის ქართული საზოგადოებრიობის ისტორიისათვის“, II, თბ., 1983. ალექსანდრე ორბელიანის ამ თხზულების მიხედვით, დავით ფურცელაძემ თუმცა გამომჟღავნებამდე შეთქმულების შესახებ არაფერი იცოდა, მაგრამ ყოფილა მამულის ნამდვილი მოყვარული და ეროვნული ცნობიერების კაცი. მასთან პიტიგორსკში ბევრი ვილაპარაკეთ ჩვენს საქართველოზეო, საგანგებოდ აღნიშნავს მწერალი.
472. **ყორხმაზ მელიქოვი (1798-1858)** – ალექსანდრე ორბელიანის მეუღლის, ეკატერინე ბარათაშვილის ნათესავი. გიორგი გოზალიშვილის ცნობით, ყორხმაზ მელიქოვის ქარვასლაში უნდა მონყობილიყო წვეულება, რომელზედაც დააპატიმრებდნენ და ამოხოცავდნენ საქართველოში მყოფ რუს მოხელეებს. უფრო სრულად იხ. მაქსიმე ბერძნიშვილი (1983 წ.).
474. **ქსნის ერისთავი გიორგი** – მწერლის დეიდაშვილი, ანასტასია ბატონიშვილის შვილი. გიორგის ორი ძმა ჰყავდა – შალ-

ვა და ბიძინა. ბიძინა ერისთავს მეორე ძმას უწოდებს ხოლმე ალექსანდრე ორბელიანი.

482. **ბორთველი** – საფუღე.

494. „ის 1840-ი წელი მარტის 6-ის დღის მეთერთმეტე საათი როგორ დამავიწყდება“ – ალექსანდრე ორბელიანი გადასახლებიდან თბილისში დაბრუნდა 1840 წლის 6 მარტს.

### ჩემი მშობლები (503)

**ხელნაწერი:** ავტოგრაფი K H:2490-ა

**თარიღი:** უთარიღოა

**ხელმოწერა:** არა აქვს

#### იბეჭდება პირველად

501. **შაჰ-აბაზის ყორჩიბაში** – მაღალი თანამდებობა ირანის შაჰის კარზე. საუბარია ყაფლანის ბიძაზე – გამაჰმადიანებულ ვახტანგზე. ყაფლანს გამაჰმადიანებულ ვახტანგთან სპარსეთში გასაზრდელად გაუგზავნია თავისი მესამე შვილი – ორბელი – სულხან-საბას მამა, ალექსანდრე ორბელიანის წინაპარი. ამ ორბელს გამზრდელი ბიძის პატივსაცემად ბიძისავე სურვილით ვახტანგი უწოდეს.

501. **ხულუტის ციხე** – მდინარე ხრამის (ქციის) ხეობაშია. ნაგებია ადგილობრივი კლდის ქვით. ააგო ყაფლან ორბელიანმა იმ ფულით, რომელიც მის შვილს, ორბელს სპარსეთიდან გამოაგანა გამზრდელმა ბიძამ, ვახტანგმა. 2006 წელს ხულუტის ციხეს მიენიჭა ეროვნული მნიშვნელობის კულტურის ძეგლის კატეგორია.

501. **ფიტარეთის ეკლესია** – მდებარეობს ქციის ხეობაში. აშენდა მე-13 საუკუნეში, ლაშა-გიორგის მეფობის დროს. მე-14 საუკუნეში აღუდგენია გიორგი ბრწყინვალის ამირეჯიბს ქავთარ ქაჯიფაისძეს. XVII-XVIII საუკუნეების მიჯნაზე მონასტრის წინამძღვარი, იოზ ფიტარეთელი, ვახტანგ VI-

სთან, სულხან-საბა ორბელიანთან... ძალიან დაახლოებული ყოფილა. ტაძარი განაახლა და გუმბათი დაადგა ყაფლან ორბელიანმა იმ ფულით, რომელიც სპარსეთიდან გამოუგზავნა ბიძამ, შაჰ-აბასის ყორჩიბაშმა, გამაჰმადიანებულმა ვახტანგმა. ფიტარეთი იყო ჯამბაკურ-ორბელიანების საგვარეულო საძვალე. XVIII საუკუნეში ოსმალებმა, ყიზილბაშებმა, ლეკებმა ააოხრეს მთლიანად. მონასტერს ჰქონდა მდიდარი ბიბლიოთეკა. იქვე არსებობდა სემინარიაც. იქ არიან დაკრძალულნი ყაფლანი და მისი უფროსი ვაჟი პაპუნა. დღეს მოქმედი ტაძარია.

### ჩემნი მშობლნი (503)

**ხელნაწერი:** ავტოგრაფი K H:2498

**თარიღი:** უთარიღოა

**ხელმოწერა:** არა აქვს

#### იბეჭდება პირველად

503. „ქრისტეს უწინარესად რომ მოსულან კიტაიიდან ივერიაში“– ორბელიანებს ჰქონდათ საგვარეულო ლეგენდა, რომლის მიხედვითაც ამ გვარის წინაპარი ჩინეთიდან მოსულა საქართველოში და ორბეთში დამდგარა. ჩინეთის მეფის, ჯამბაკურის შთამომავლებად მიიჩნევა მწერალი ორბელიანებს.
505. **ყაიყულები** – ყაიყული ადგილის სახელწოდებაა სომხეთში. ყაიყულები– ამ ადგილის მკვიდრნი.

## მამიჩემის მოსამსახურეები (507)

**ხელნაწერი:** ავტოგრაფი T 16295-ბ.

**თარიღი:** უთარიღოა

**ხელმოწერა:** თაა ვახ. ძე ჯ. ორბელიანი

**იბეჭდება პირველად**

თხზულებაში არეკლილია ალექსანდრე ორბელიანის შეხედულება ბატონყმობაზე. მწერალს მიაჩნდა, რომ რუსეთის შემოსვლამდე საქართველოში ბატონსა და ყმას შორის მამაშვილური ურთიერთობა არსებობდა. ბატონები ზრუნავდნენ გლეხებზე და უმეტესად – თავიანთ მოსამსახურეებზე. კარგი მოსამსახურე და დაბალ სოციალურ ფენასთან დიდგვაროვნის ლოიალური, კეთილგანწყობილი დამოკიდებულება-ურთიერთობა გარკვეულად განსაზღვრავდა ბატონის ღირსებას.

## ჩემი სახლის წინაპარნი (509)

**ხელნაწერი:** ავტოგრაფი K H:2412-ა

**თარიღი:** უთარიღოა

**ხელმოწერა:** არა აქვს

**იბეჭდება პირველად**

- 509. ყანდაარი** – სიდიდით მეორე ქალაქი ავღანეთში. ირანის შაჰმა, ჰუსეინმა, გიორგი XI-ს დაავალა ავღანელთა დამორჩილება. აჯანყებისას განსაკუთრებით აქტიურობდნენ ყანდაარის ოლქში მცხოვრები ღილზაები. გიორგი XI-მ აჯანყებულები კი დაიმორჩილა, მაგრამ ავღანელებმა (კერძოდ, ღილზაების ბელადმა – მირვეისმა) 1709 წელს იგი ღალატით მოკლეს ყანდაარში.
- 509. ორბელი** – იგივე ვახტანგი, სულხან-საბა ორბელიანის მამა. იყო ქართლის მეფის, ვახტანგ V-ის ცოლის ძმა.
- 509. პაპუნა, ასლან,** ორბელ, თამაზ, გიორგი. ამათი და, როდამი,

- ცოლად ჰყავდა ქართლის მეფე ვახტანგ V-ს.
509. **ყაფლანი** – ყაფლან ორბელიანი. მისი ხსენებით იწყებს ალექსანდრე ორბელიანი თავისი სახლის წინაპრების ჩამოთვლას.
509. **გიორგი XI** – ქართლის მეფე 1676-88 და 1703-09 წლებში. ვახტანგ V-ის ძე. მოკლეს აჯანყებულმა ავღანელებმა ყანდაარში. მასთან ერთად დაიღუპა მისი ბიძაშვილი (დედის ძმისშვილი) ვახუშტი. ეს ვახუშტი იყო სულხან საბა-ორბელიანის ძმა.
509. **ვახტანგ V** – იგივე შაჰნავაზი (შანაოზი), ქართლის მეფე 1658-75 წლებში. ბაგრატიონების მუხრანბატონის შტოს წარმომადგენელი. 1654 წ. ირანში მაჰმადიანობა მიიღო და შაჰნავაზი უწოდეს.
509. **რუსუდან დედოფალი (1680-1740)** – ვახტანგ VI-ის ცოლი, ჩერქეზი დიდგვაროვნის ქალიშვილი. სახელი რუსუდან უწოდეს ვახტანგთან შეუღლების შემდეგ. რუსუდანი გარდაიცვალა მოსკოვში. დაკრძალულია დონის მონასტერში.
510. **ხვარამზე** – ვახტანგ VI-ის და, იმერელ თავად ჩიჯავაძეს ჰყავდა ცოლად.
510. **ელენე** – ვახტანგ VI-ის დისშვილი, ხვარამზეს ასული, ჩიჯავაძე. გათხოვილი იყო ელიზბარ ეშკალაბაშზე (ორბელიანი-ალექსანდრე ორბელიანის პაპის, დიმიტრის, მამა).
510. **ელიზბარი** – ვახუშტის ძე. ვახუშტი, ერასტი... სულხან-საბას ძმები (სულ რვა).
510. **ლუარსაბ ასლანის ძე ორბელიანი (1690-1728)** – სულხან, ვახუშტი, ერასტი... ორბელიანების ბიძაშვილი.
510. **ვახტანგ VI (1675-1737)** – ლევანის ძე, გიორგი XI-ის ძმიშვილი, ქართლის მეფე. მწიგნობარი. პირველი სტამბის დამაარსებელი საქართველოში. 1719 წელს სპარსეთიდან სამშობლოში დაბრუნდა და პოლიტიკურ მონინააღმდეგეებს გაუსწორდა. ცდილობდა რუსეთთან დაახლოებას, მაგრამ რუსეთის ხელისუფლებისგან მოტყუებული დარჩა. 1724 წელს 1200-კაციანი ამალით რუსეთში წავიდა და მფარველს ეძიებდა. პეტრე პირველმა დანაპირები არ შეუხსრულა. განზილებული ვახტანგი ასტრახანში გარდაიცვალა და იქვეა დაკრძალული.

510. „მუხრანბატონი და ერისთავი კი დაუსაჯავს...“ – როგორც ჩანს, იგულისხმებიან ერეკლე მუხრანბატონი, რომელსაც თვალეები დასთხარეს, და დათუნა ქსნის ერისთავი, რომელსაც სახლთუცესობა ჩამოართვეს და შემდეგ ბრძოლაში დაიღუპა.

### მხოლოდ ჩემი სახლის წინაპარნი (511)

**ხელნაწერი:** ავტოგრაფი K H:2412-ა

**თარიღი:** უთარიღოა

**ხელმოწერა:** არა აქვს

**იბეჭდება პირველად**

511. „სანაინში“ – სანაინი სოფელია სომხეთის ჩრდილოეთში, ლორეს პროვინციაში.

### [სულხან ყოფილი საბა] (512)

**ხელნაწერი:** ავტოგრაფი K H:2412-ეი

**თარიღი:** უთარიღოა

**ხელმოწერა:** არა აქვს

**იბეჭდება პირველად**

ალექსანდრე ორბელიანი მარტო ცოცხალ ინფორმატორთა ნაამბობით კი არ სწავლობდა წარსულს, არამედ გულმოდგინედ ამუშავებდა ისტორიულ წყაროებს, რისი ნათელი დასტური ეს პატარა ჩანაწერიცაა. ტექსტი დანომრილია. მხოლოდ 1-ს (პირველს) სხვა რიცხვი არ მოსდევს, რაც გვაფიქრებინებს, რომ მწერალს გან-

გროძობა, სხვა საბუთების დამუშავება ან თხზულების სრულყოფა  
ჰქონდა ჩაფიქრებული და ველარ მოუხერხებია.

ჩვენ მიერ შედგენილი სქემიდან ნათლად ჩანს ალექსანდრესა  
და სულხან-საბა ორბელიანის საერთო წარმომავლობა.

იხ. „ყაფლანიტგან ჯამბაკურიანი ორბელიანი.“

### [პაპიჩემის მამას... ] (513)

**ხელნაწერი:** ავტოგრაფი K H:2412-ზ

**თარიღი:** უთარილოა.

**ხელმოწერა:** არა აქვს.

#### იბეჭდება პირველად

ამ მცირე ნაწყვეტში ელიზბარ ეშკალაბაშის შვილებს გვაცნობს  
მწერალი. თვითონ ელიზბარ ეშკალაბაშისა და მისი შვილის (მწერ-  
ლის პაპის, დიმიტრის) შესახებ დანვრილებით მოთხრობილია სხვა  
თხზულებებში.



## პირთა საკიებელი

### ა

- აბაში – 326
- ადარაცკი (დოხტური) – 123
- ავდოთი ფეოდოროვნა – 92, 95, 461
- ალავერდა – 387, 416, 553, 554, 554
- ალექსანდრე მეფე – 64
- ანშინაშვილი აკოფა – 417
- ანტონა – 409
- ანტონი ქათალიკოზი – 63, 505
- აპაჩინინაი – 318
- აპოსტოლ-მურავიოვი – 459
- არველაძე მაია – 4
- არლუთაშვილი – 312, 313, 327, 511
- არლუთოვი ყარამან – 472, 474, 476
- ასლან – 313, 315, 318, 328, 503, 505, 509, 511, 560, 561
- აქიმოვი ივანე – 409, 410
- აღსართან – 325
- ახლოსტიშოვი – 280
- ახტერვა – 398
- აჰმადა – 12, 13
- აჰმად ბელადი – 172, 174

### ბ

- ბაგრატიონი დიმიტრი – 316
- ბაგრატ მეფე – 325
- ბაგრატიონ-მუხრანსკი გიორგი – 268, 525
- ბაგრატიონ-მუხრანსკი გრიგოლ – 392, 410
- ბადრიძე დიმიტრი – 465
- ბაიკოვი – 276, 277, 288
- ბარათა – 312, 325-328, 511, 545
- ბარათაშვილი ბარბარე – 177-180, 522, 555
- ბარათაშვილი (ბარათოვი) დავით – 18, 177-180, 228, 229-234, 253, 257, 261, 262, 291, 522, 555
- ბარათაშვილი ეკატერინე – 64, 65, 119-121, 124, 129, 177, 232, 268,

310, 334-341, 345, 347-349, 352-354, 358, 392, 412, 462, 471,  
480, 492, 494, 496-498, 521, 525, 528, 535, 547, 555, 557

**ბარათაშვილი ზაალ** – 522

**ბარბარე** – 195, 232

**ბარიატინსკი ალექსანდრე** – 547

**ბარონ როზინი (როზენი)** – 273, 274, 277, 278, 280, 287, 289, 476

**ბასტამაშვილი ბასტამ** – 417

**ბატონიშვილი ალექსანდრე** – 350, 547, 548

**ბატონიშვილი ანა** – 319

**ბატონიშვილი ანასტასია** – 230, 231, 557

**ბატონიშვილი ანახანუმ** – 321

**ბატონიშვილი გიორგი** – 166, 174

**ბატონიშვილი დავით** – 417, 555

**ბატონიშვილი ირაკლი** – 350, 548

**ბატონიშვილი ლევან** – 165, 323, 324, 506, 532

**ბატონიშვილი ქეთევან** – 336, 338, 340, 344, 410, 412, 413

**ბატონიშვილი თეკლა** – 8, 12, 13, 15-18, 20, 33, 53, 57, 65, 72, 83, 85,  
88, 129, 135, 161, 163, 175, 178, 179, 195, 196, 216, 217, 223,  
230-234, 237-239, 243, 250, 253, 254, 260, 262, 263, 267, 274,  
275, 278, 280-292, 295, 297, 300, 310, 334-337, 340-345, 350,  
382, 383, 412, 413, 422, 459, 461, 485, 486, 493-495, 519, 521,  
522, 524-526, 536-538, 557

**ბატონიშვილი ხვარამზე** – 321

**ბატონიშვილი ვახუშტი** – 321-323, 325, 544

**ბატონიშვილი იოანე** – 554

**ბაღდასარა** – 408

**ბალუში (ბალვაში) ლიპარიდ** – 325

**ბაყათარი** – 80, 526

**ბე... (დოხტური ორენბურგში, პოლონელი)** – 440, 457

**ბეგთაბეგიშვილი** – 307

**ბეგთაბეგიშვილი (ბეგთაბეგოვი) სულხან** – 300, 538

**ბეგთაბეგოვი იოსებ** – 391, 393, 394, 533

**ბელინი ვინჩენცო** – 548

**ბერელა** – 163, 164, 166, 168, 172, 323, 377, 507, 532, 554

**ბერუა** – 26, 69

**ბერძნიშვილი მაქსიმე** – 524, 536, 557

**ბიბიკოვა (აპოსტოლ-მურავიოვა) კატერინა ივანოვნა** – 459

**ბიბიკოვი** – 459

ბიდარაშვილი – 75  
ბუტულაშვილი – 168, 170

## გ

გაბოძე ჯულიეტა – 4  
გაბრიელა – 485, 486  
გაევსკი პაველ ივანიჩი – 295  
გალავინი (გოლოვინი) – 471  
გაპია – 307, 308  
გეუა – 302, 307, 308  
გვარამაძე დავით – 487, 489  
გიგოლი – 162  
გიორგი – 22, 64, 162, 163, 269  
გიორგი ბიჭი – 105, 106  
გიორგი ბრწყინვალე – 558  
გიორგი (დავით მეფის ძმა) – 331  
გიორგი (დიდი მეფე) XI – 509, 512, 560, 561  
გიორგი მეფე – 62, 165, 173, 321, 325, 366, 376, 511, 538  
გოზალიშვილი გიორგი – 557  
გორგასლანი (გორგასალი) ვახტანგ – 58, 61, 80, 490, 526  
გრიბაედოვი (გრიბოედოვი) – 151, 386, 531, 553  
გრიგორევი – 125  
გრიშაშვილი იოსებ – 521, 531, 533, 550, 553, 555, 556  
გურამოვი ივანე – 391, 393, 394

## დ

დალინი – 381, 403  
დარეჯან დედოფალი – 174, 175, 297-299, 357, 366, 537, 538, 548  
დარია – 311, 334, 341, 357, 358, 493, 522, 528, 546, 547  
დათიკა (დავით) – 22, 119, 129, 334, 337, 358, 522, 528, 547  
დათიკას ძიძა – იხ. თინათინა ძიძა  
დავით აღმაშენებელი – 58  
დავით მეფე – 331  
დემნა უფლისწული – 331  
დემურაშვილი ათაბეგა – 323  
დეპნერი (დოხტური) – 497

დიდმოურავი – 66, 67, 525  
დოდაშვილი სოლომონ – 33, 522, 527  
დომნა – 461

## 2

ევგენია (ევგეშკა) – 430, 433  
ეკატერინე – 362  
ეკატერინე დიდი – 84  
ელეკვი (მაიორი) – 376, 377, 378  
ელენე – 317, 337, 358, 547  
ელენე (ხუარამზეს ქალი) – 321, 324, 504, 505, 510, 561  
ელი... (ქვრივი) – 462, 465  
ელიკუმი – 331  
ელიოზი – 62  
ელიზბარ ეშკალაბაში – 164, 316, 321-323, 503-505, 510, 512, 513, 532, 540, 561, 563  
ერასტი დიანბეგი – 320, 321, 509, 510, 512, 513, 561  
ერეკლე (ირაკლი) მეფე – 57, 59, 62, 63, 68, 70, 75, 163-166, 170, 174, 285, 297, 298, 315, 316, 317, 319, 323, 324, 357, 366, 416, 505, 513, 523-526, 532, 536, 538, 547  
ერისთავი ელიზბარ (ელიზბარ შანშეს ძე ქსნის ერისთვის შვილი) – 272, 273, 535, 554, 284  
ერისთავი გიორგი – 527, 549  
ერისთავი გიორგი რევაზის ძე – 274, 275, 474, 475, 476, 480, 555, 557  
ერმალოვი (ერმოლოვი) ალექსეი პეტროვიჩი – 73, 309, 383, 385-394, 396-400, 402-406, 409-411, 414, 417, 466

## 3

ვალისოვსკი – 276  
ვარდისახარ – 175, 342, 343, 532  
ვახანია ნინო – 4  
ვახტანგ გორგასლანი – იხ. გორგასლანი (გორგასალი) ვახტანგ  
ვახტანგ V – იხ. შანაოზ მეფე  
ვახტანგ VI – 321, 505, 509, 510, 544, 558, 561  
ვახუშტი – იხ. ბატონიშვილი ვახუშტი  
ველიამინოვი ივან ალექსანდრიჩი – 398

ვენერი ნიკალაი პეტროვიჩი – 439  
ვენერი (დამოუჩნის ნაჩალნიკი) – 455  
ვერხოვსკი – 402, 405  
ვლადიმირ დავიდოვ-გრამონი – 343, 547  
ვოლმერი – 136

## ზ

ზარდიაშვილი ელზა – 4  
ზაქარია (მეტეხის დეკანოზი) – 302  
ზიახანუმი – 245, 249, 250  
ზურაბი – 316-319, 326  
ზურაბიშვილი – 326, 504, 545

## თ

თათუა – 466, 473, 478-480, 483-486, 489, 490-493  
თათულა ექიმი – 409, 410  
თამაზ (ჯამბაკურ ორბელიანი) – 313, 315, 328, 503, 509, 511, 560  
თამაზ ეშკალბაში – 319, 368, 391, 537, 549  
თამარა (მოახლე) – 348  
თამარა ძიძა – 335, 339  
თამარ მეფე – 58, 331  
თევდორე (მწერლის ლალა) – 264, 377, 395, 401, 554  
თეიმურაზ მეფე – 312, 317, 327, 505, 511  
თეკლა ბატონიშვილი – იხ. ბატონიშვილი თეკლა  
თინათინა (დათიკას ძიძა) – 22  
თოუსულთანი – 402, 403  
თუმანიშვილი ბარბარე – 350  
თუმანიშვილი (თუმანოვი) პავლე – 8, 12, 17, 18, 20, 282, 290, 291,  
350, 382, 384-387, 390, 393, 396, 406, 407, 521, 552  
თუმანოვი დავით ეგნატეს ძე – 193

## ი

იარალი – 326  
ივან – 478, 479, 484  
ივანე – 175, 485, 486

ივანე (ლიპარიტის ძე) – 331  
ივანე (იოანე) სპასპეტი – 331  
ივანოვი – 318  
იეკუბოვიჩი – 280, 283  
ილინსკაია ეკატერინე – 547  
ილინსკი ვასილ ივანეს ძე – 547  
იმედისეული – 198, 339  
ირაკლი (ერეკლე) მეფე – იხ. ერეკლე (ირაკლი) მეფე

### კ

კ... (დობტური, კარავეი?) – 497  
კ... (პოდპორუჩიკი) – 138, 531  
კავალსკი (პოლონელი) – 123, 124, 125, 129, 130, 133, 134, 445-449, 451-453, 455  
კარავეი იაკობ – 407  
კარავეი ივანე – 237, 243, 253, 534  
კარანდასოვი – 87  
კაროვინი ნიკალაი ა[ნდრეიჩი – 14, 19, 25, 27, 31, 34, 37, 41, 44, 49-52, 69, 84, 86, 88, 527  
კატენკას და ნინა – 350, 547  
კაშჩეევი – 381  
კილხინი – იხ. კ... (პოდპორუჩიკი)  
კუშლიანსკი – 466, 478, 479

### ლ

ლადინსკი – 376, 377, 381, 534  
ლაზარე – 307  
ლაშა-გიორგი – 558  
ლიზიკო (ელისაბედ დიმიტრის ასული ორბელიანი) – 343, 344, 547  
ლიპარიტ – 331  
ლიხაშოსტოვი – 134, 135, 138, 530  
ლუარსაზ სარდალი – 314, 320, 509, 510

### მ

მ... (ნიკოლოზ/აღას ცოლი) – 419

მ... (თავად თუმანიშვილის ცოლი) – 229  
 მ... (მოსამსახურე გოგო) – 497  
 მ... ბ... – 161  
 მადათოვი მირზაჯან (მ... მ...) – 382-385, 387-399, 401, 407-419,  
 552, 553, 555  
 მაიკო – 5, 119, 334, 335-345, 347-360, 494, 515, 522, 528, 546-548  
 მაიკოს ძიძა – იხ. თამარა ძიძა  
 მამიკონიანთი და არწრუნიანთი – 333  
 მანანა (ერსთავი-ორბელიანი) – 386, 407, 552  
 მანუჩარ (ყაფლანიშვილი) – 320, 510  
 მარჯა – 461  
 მარია (დენშიკის ცოლი) – 447, 449  
 მარია (მარი) ივანოვნა – 341, 343, 493, 494, 509, 512, 547  
 მარია ვასილევნა (სერედინსკაია) – 484  
 მარიამა ძიძა – 192, 193  
 მარტირუზა – 157, 158  
 მატია (მეჯოგე) – 307  
 მდივანოვი სტეფანე – 330, 546  
 მელანია (ერისთავი მელნიკოვისა) – 268, 269, 392, 554  
 მელიქიშვილი ივანე (იოანე) – 176, 177, 194, 232, 270, 534  
 მელიქოვი ყორხმაზ – 472, 474, 476, 477, 480, 557  
 მელიქოვი იოსებ გიორგის ძე – 192, 301  
 მელითაური გიორგი – 357, 359  
 მელნიკოვი – 268, 392, 554  
 მელვინეთხუცესისშვილი გიორგი – 465  
 მინიცკი ალექსანდრ ოსიფიჩი – 11, 14, 19-25, 27, 29-31, 34-41, 43-  
 45, 49-52, 68-70, 72, 73, 79-84, 86, 291, 424, 425, 522, 523, 527  
 მოზიცი (დოხტური) – 123, 133, 135, 136, 188, 294  
 მუხრანბატონი დავით – 396, 410, 554  
 მუხრანბატონი (ბაგრატიონ-მუხრანსკი) გრიგოლ – 392, 410  
 მუხრანბატონი ივანე – 410, 554  
 მუხრანბატონი კონსტანტინე – 410  
 მუხრანბატონი თეიმურაზ – 410, 411

## 6

ნადირშა – 164, 321, 322, 503, 504, 505, 532, 540  
 ნაზაროვა ავდოთი ფეოდოროვნა – 92, 95

ნაზაროვი – 92  
ნაპალიონი – 171  
ნიკოლოზ (ალა) – 419  
ნიკოლოზ ხელმწიფე – 482  
ნინია – 163, 164  
ნინო (ზაქარია დეკანოზის ცოლი) – 302  
ნინო (ჭავჭავაძე) – 386, 553

## ო

ოთარა – 159, 377, 554  
ოლგა – 431  
ოლგა ანტონოვნა (სჩერბაჩევა) – 456  
ოლგა (სერედინსკაია) – 484  
ონიკოვი სოლომან – 385-388, 391, 393-397, 401, 407, 408  
ორბელ (ვახტანგ) – 313-316, 328, 501, 509, 511, 512, 558, 560  
ორბელიანები (ჯამბაკურიან-ორბელიანნი) – 5, 104, 312, 314, 315, 322, 325, 326, 329-333, 501, 503, 504, 539, 540, 544-546, 559  
ორბელიანები გრიგოლ, ზაქარია და ილია – 318  
ორბელიანები ირაკლი, გრიგოლ, ნიკოლოზ, დარეჯან, დავით, მარიამ, ელენე – 358, 528  
ორბელიანები თამარ, ბარბარე, ეკატერინე (სოფო) – 318  
ორბელიანები კონსტანტინე, ესტატე – 318  
ორბელიანები ნიკოლოზ, გიორგი, ზურაბ, ასლან, იოსებ, იაკობ და სამარაღლო – 318  
ორბელიანები პაპუნა, ასლან, ორბელ, თამაზ, გიორგი – 328, 503, 509, 560  
ორბელიანები ქაიხოსრო, ალექსანდრე, ანტონი – 318, 503,  
ორბელიანი ალექსანდრე – 2-4, 83, 90, 138, 284, 292, 309, 311, 324, 329, 330, 333, 359, 361, 363, 374, 377, 382, 398, 399, 404, 470, 475, 498, 508, 509, 514, 515, 519-540, 544-547, 549-558, 560-563  
ორბელიანი ასლან – 313, 315, 318, 328, 503, 505, 509, 511, 560  
ორბელიანი ბარბარე – 319  
ორბელიანი ბეჟან – 312  
ორბელიანი გიორგი – 503  
ორბელიანი გრიგოლ – 520, 526, 536, 540, 552-555  
ორბელიანი დავით (სარდალი) – 315-317, 319  
ორბელიანი დავით (ივანე სარდლის შვილი) – 317, 382-386, 388,



389, 391-393, 396, 407-417, 436, 552, 553  
ორბელიანი დავითი (ჭაბუას შვილი) – 319  
ორბელიანი დიმიტრი – 164, 316, 319, 321, 323, 324, 503, 504, 506,  
512, 513, 532, 561, 563  
ორბელიანი დიმიტრი (ვახტანგის ძე) – 193, 282, 284-286, 316,  
317, 341, 391, 475, 480, 493, 503, 509, 512, 523, 532, 547, 557  
ორბელიანი ეკატერინე – 165-167, 173, 324, 522  
ორბელიანი ელიზბარ – 316  
ორბელიანი ვახტანგ (პოეტი) – 509, 522, 527, 532, 547  
ორბელიანი ვახტანგ (პოლკოვნიკი) – 164, 165, 174, 177, 222, 223,  
316, 532, 551  
ორბელიანი ვახტანგ (ყაფლანის ბიძა) – 312, 314, 501, 558, 559  
ორბელიანი ვახუშტი – 316, 503, 509, 512, 561  
ორბელიანი ზაალ – 317, 504, 512  
ორბელიანი ზურაბ – 316-319, 326, 512  
ორბელიანი თამაზ – 315, 319, 368, 503, 537, 549  
ორბელიანი ივანე – 315, 317, 551  
ორბელიანი ლუარსაბ – 314, 315, 320, 509, 510, 561  
ორბელიანი ლუარსაბ (ივანე სარდლის შვილი) – 192, 300, 317,  
382, 383, 385, 386, 388, 390-394, 396, 397, 401, 407, 408-411,  
413, 414, 533, 536, 537, 554  
ორბელიანი მამუკა – 391, 393, 549  
ორბელიანი ნიკოლოზ – 318  
ორბელიანი პაპუნა – 313-315, 328, 503, 509, 511, 559, 560  
ორბელიანი რევაზ – 315  
ორბელიანი როდამ – 315, 502, 560  
ორბელიანი სალომე – 552, 553  
ორბელიანი სამარაღდო / სამარაგდო – 318, 319, 409-411, 504  
ორბელიანი სულხან-საბა – 509, 512, 558-561, 563  
ორბელიანი სტეფანე – 329, 544  
ორბელიანი ქაიხოსრო – იხ. ქაიხოსრო სარდალი  
ორბელიანი ყაფლან – 312-314, 328, 501, 558, 559, 561  
ორბელიანი ჭაბუა – 319  
ორუმბაი – 124, 129, 131  
ოჰანეზაშვილი ს. – 553

პ

- პავლოვი – 399
- პაკატელოვი – 54
- პასკევიჩი – 85, 270, 392, 527, 534
- პეროვსკი ვასილი ალექსეიჩი – 51, 52, 84, 85, 88-91, 124, 134, 527
- პეროვსკი ალექსი ალექსის ძე – 527
- პეტროვი – 377
- პეტრუშკა (პეტრუში) – 139, 150
- პრა...[სკოვია – 473
- პრიბილი ივან ანტონიჩ – 345, 424, 425, 555

ჟ

- ჟემჩუჟნიკოვი – 85
- ჟღენტი ნიკოლოზ – 4

რ

- რაკ... [ასოვსკი – 459
- რაკასოვსკი – 50, 51, 85, 88, 294, 527
- რაზმაძე სოლომონ – 535
- რებროვი (დობტური) – 470, 471, 476, 478, 482, 483
- რიმსიძე – 282
- როზინი ბარონ (ბარონ როზენი) – 273, 274, 277, 278, 280, 287, 289, 476
- რუსთაველი – 75, 87, 526

ს

- საგინოვი (საგინაშვილი) ალექსანდრე – 319, 474
- საგინოვი გიორგი – 406
- სარქისა – 19, 433, 438, 442, 443, 445-448, 456-458, 460, 461, 556
- სავარსამიძე – 384
- სანკოვსკი – 318
- სერედინსკი ვასილი ტიმოფეიჩ (დობტური) – 477, 478, 481-483
- სვინტისკი – 468
- სკა...(დობტური ორენბურგში) – 439, 440
- სკაჩკოვი (დობტური) – 123

სოფია (სერედინსკაია) – 483, 484  
სოფიო (თუმანიშვილის დისწული) – 230, 534  
სოფიო (სუმბათოვის ცოლი) – 22, 64, 65, 268, 523, 525  
სოლომან – 163  
სტეფან – 432, 443, 447  
სტელიხი – 86  
სუმბათოვი (სუმბათაშვილი) ალექსანდრე – 22, 64, 268, 269, 523, 525  
სუმბათოვი (სუმბათაშვილი) ქეთევან – 439  
სუმბათოვი ლუარსაბ – 505  
სჩერბაჩევ ფეოდორ ნიკლაიჩ – 52, 86, 91, 294, 431, 442, 452, 455, 456  
სჩერბაჩევა ოლგა ანტონოვნა – 455, 456

## ტ

ტორმუსოვი (ტორმასოვი) – 300, 301, 538  
ტრე... – 459  
ტრესკინი – 474  
ტრიტილევჩიჩი – 277

## უ

უსლონცოვი – 189  
უსტაბაშიშვილი დათუა – 307

## ფ

ფალავანდოვი (ფალავანდიშვილი) იასე იოსების ძე – 276, 278,  
279, 288, 535, 536  
ფალავანდოვი ნიკოლოზ – 287-289, 317, 536  
ფიტარეთელი იობ – 558  
ფურცელაძე დავით – 469-471, 474, 476, 557

## ქ

ქავთარია მიხეილ – 529  
ქავთარიშვილი გიორგი – 321  
ქაიხოსრო (ქაქუცა) – 362

ქაიხოსრო სარდალი – 315, 322, 503-505  
ქალანდაროვი – 402, 403, 405  
ქანანოვი დავით – 73  
ქაჯიფაისძე ქავთარ – 558  
ქეთევან დედოფალი – 281  
ქეთუა (მოახლე) – 348  
ქსნის ერისთავი ბიძინა – 396, 475, 554, 558  
ქსნის ერისთავი გიორგი – 474, 475, 555, 557  
ქსნის ერისთავი ზაქარია – 317  
ქსნის ერისთავი შალვა – 475, 557

## ყ

ყაფლანიშვილი ვახტანგ – იხ. ორბელიანი ვახტანგ  
ყაფლანიშვილი ზაალ – იხ. ორბელიანი ზაალ  
ყიფიანი დიმიტრი – 524  
ყორჩიშვილი (მიქაიჩი) ნიკოლოზ – 276  
ყურბანა – 12, 13

## შ

შააბაზ (შაჰაბასი) – 281, 312, 314, 327, 415, 418, 501, 509, 511, 555,  
558, 559  
შანაოზ მეფე (ვახტანგ V) – 315, 502, 509, 512, 560, 561  
შარუევი ივან – 318  
შეკოვიჩი – 404  
შოშიშვილი ჰეპია – 307

## ჩ

ჩაგელიშვილი ეკატერინე – 529  
ჩეკვინი – 279, 288  
ჩერნეშოვი – 476  
ჩილაევი (ჭილაშვილი) სერგეი გაბრიილიჩი – 51-54, 85, 88, 89,  
92-94, 97, 98, 100-108, 110, 114, 122-124, 129, 131-133, 135,  
294, 425, 426, 445, 523, 524, 528, 530, 556  
ჩინგისხანი – 63  
ჩოლოყაშვილი ანა (ახუა) – 532

ჩოლოყაშვილები ზურაბ და ლევან – 393, 394  
ჩოლოყოვი (ჩოლოყაშვილი) თაღია – 13, 18, 266, 290, 396, 522,  
532, 554  
ჩოლოყაშვილი მაკა – 175, 176, 237-239, 243, 253-256, 258-263,  
266, 282, 334, 335, 344, 532, 534  
ჩოლოყაშვილი ქაიხოსრო – 165  
ჩოლოყაშვილი ჯამასპი – 165  
ჩურიკოვსკი (დობტური) – 378, 381  
ჩხეიძე როსტომ – 4, 536

### ც

ცერცვაძე მაია – 4

### ჭ

ჭავჭავაძე ილია – 520, 527, 550, 551, 555  
ჭილაშვილი იაგორ (გიორგი) – 524

### ხ

ხამუცკი – 403, 405  
ხვარამზე – 321, 505, 522, 532, 561  
ხოჯანასირთუსი – 239-246, 248-250  
ხრისტი ივან ივანიჩ – 49  
ხრისტი ნიკალაი ივანიჩ – 49

### ჯ

ჯალალბეგი – 248-250  
ჯოლოგუა თამაზ – 4, 536  
ჯორჯაძე არჩილ – 551

## გეოგრაფიულ სახელთა საძიებელი

### ა

- ალექსანდროვის ქალაქის ფოშტა – 40
- ალექსანდროვსკის ციხე – 51, 53, 88, 88, 519
- ალექსიევკის ფოშტა – 47
- ალხოვსკაიას ფოშტა – 45
- ანანური – 24, 25, 27, 67, 68, 208, 275, 292
- ანჩისხატის ეკლესია – 270
- ანტონას ბახჩა – 409
- ანტონოვსკის ფოშტა – 55
- აქსაი (ქალაქი) – 44
- არაგვი – 27, 31, 61, 67, 69, 71, 73
- არახლადნის ფოშტა – 39
- არდონსკის ფოშტა – 38
- არლოვსკის ფოშტა – 56
- არხანღელი (არხანგელსკი) – 474, 536
- არხონის ფოშტა – 38
- ასტრახანი – 92, 561
- ავლაბარი – 199, 297, 361, 390, 407, 548
- ავჭალა – 60
- ახალი ალექსანდროვკა – 121, 122, 138, 140, 419, 425, 426, 445,  
524, 525, 531, 533
- ახალი სერგეევსკის ფოშტა – 414
- ახდილატიევის ფოშტა – 45

### ბ

- ბალიკლის ფოშტა – 46
- ბატაისკაიას ფოშტა – 44
- ბაქსაევსკის ფოშტა – 56
- ბაქსანი – 402
- ბაშლი (ბალშოი) იკატიჩის ფოშტა – 48
- ბაშქეჩითი – 376
- ბეზოპასნოის ფოშტა – 42
- ბეთანიის მონასტერი – 332
- ბელაიგლინკას ფოშტა – 46

ბეშპაგირის ფოშტა – 41  
ბიდარას ხეობა – 75, 33  
ბოიხაროვსკის ფოშტა – 55  
ბორსკაის ფოშტა – 49  
ბუდარინსკოის ფოშტა – 54  
ბუზაჩის მინდორი – 110  
ბუზულუკის ქალაქი – 50

## ბ

გარეთ-უბანი – 213  
გენვარსკოის ფოშტა – 54  
გნილავსკოის ფოშტა – 54  
გოლუბინსკის ფოშტა – 45  
გორიაჩინსკოის ფოშტა – 55  
გრაჩოვსკაიას ფოშტა – 46  
გრებენსჩიკოვის ფოშტა – 55  
გრეზნუხას ფოშტა – 46  
გრუშოვის ბალკის ფოშტა – 45  
გურიევი – 56, 92, 118, 122, 124, 129, 130, 133, 134, 137, 138, 181,  
184, 194, 292-294, 425, 529, 533  
გვერდძნელი – 33, 73

## დ

დანეცკაიას ფოშტა – 45  
დარბანდი (დარუბანდი) – 419  
დარიელას ხიდი (დარიალი) – 35, 80, 490  
დალისტანი – 172, 272, 318, 398  
დავითგარეჯა – 151, 321, 531  
დევის ნამუხლი – 59, 61  
დიდყაბართო – 391, 405, 466  
დილომი – 20, 21, 57, 58, 61  
დმანისი – 315, 332, 406, 504  
დონსკოის ფოშტა – 42, 44  
დუბოვსკის ფოშტა – 46  
დუნაი (მდინარე) – 44  
დუშეთი – 23, 24, 67, 341, 392

## ა

ეკატერინეგრადი – 38, 390, 386, 393  
ელენეს კუნძული – 171  
ემანხალინსკის ფოშტა – 56  
ესენთუკი (ესენდუკი) – 477

## ბ

ვალინოვსკის ფოშტა – 41  
ვარაზიოვსკოი უმოდის ფოშტა – 50  
ვაჰიელთ ხეობა – 332  
ვენეცია – 333  
ვერხნი ურალსკი – 51, 53, 85, 86, 88  
ვოლგა (მდინარე) – 47, 48  
ვოლსკის ქალაქის ფოშტა – 47  
ვოსკრესენსკოის სოფელი – 48

## გ

ზელენოვსკოის ფოშტა – 56  
ზმეიკოვკას ფოშტა – 44  
ზვერნეგალოცკი – 439

## დ

თატევის მონასტერი – 332  
თაფარავანის ტბა – 511  
თელეთი – 377  
თერგი – 35, 80, 390, 487, 490, 520

## ე

იაგორსკის ფოშტა – 40  
იალბუზი – 69  
იელიშანსკის ფოშტა – 47  
ილმენსკის ფოშტა – 45  
ინდერსკის გორის ფოშტა – 55



ინდოეთი – 164, 315, .511, 532  
იორი – 172  
იტეცკის ფოშტა – 54

### კ

კაბარდო – 393  
კაბილინსკის ფოშტა – 45  
კაიდაკის ყურე – 110  
კაიშაური – 28, 29, 30, 31, 70, 72, 76, 79, 298, 299  
კალალის ფოშტა – 42  
კალინოვსკოის ფოშტა – 55  
კალმიკოვსკის ფოშტა – 55  
კალოდიზნის ფოშტა – 42  
კალუგა – 459, 557  
კამენსკის ფოშტა – 46  
კამიშინის ქალაქი – 46  
კანდაუროვსკოის ფოშტა – 56  
კალაღინცკის ფოშტა – 43  
კარავანსკის ფოშტა – 46  
კარმანოვსკის ფოშტა – 56  
კარშინსკოის ფოშტა – 55  
კასპიის ზღვა – 51, 85, 92, 122, 137-139, 149, 186, 425, 445, .524,  
525, 530  
კატერინოვკას სოფელი – 48  
კავკაზი – 42, 82, 83, 152, 174, 296, 341, 390, 401, 402, 455, 487, 490,  
529, 532, 547  
კახეთი – 63, 165, 177, 325, 331, 496, 507, 522, 525, 551  
კაზრეთი – 95, 310, 311, 330, 346, 347, 363, 539, 545, 549  
კირსანოვსკოის ფოშტა – 54  
კისლავოდსკი – 477  
კლდის უბანი – 417  
კლესჩოვკას ფოშტა – 47  
კლიდელინსკოის ფოშტა – 54  
კლუჩის ფოშტა – 47  
კოპი (კობი) – 34, 73, 79, 491  
კოსტანტინოვსკაიას ფოშტა – 45  
კოშურალსკოის ფოშტა – 54

კოტელინკოის ფოშტა – 55  
კოტლუბატსკაიას ფოშტა – 45  
კრასნოიარსკოის ფოშტა – 55  
კრულლოის ფოშტა – 55  
კუკია – 213, 330, 384  
კულაღინოვის ფოშტა – 56  
კუმისი – 386  
კუმშატსკაიას ფოშტა – 45  
კულლო ოზეროტს – 54

## ლ

ლადიკავკაზი (ვლადიკავკაზი) – 36, 38, 73, 81, 82, 485-489, 491  
ლებიჟინსკოის ფოშტა – 55  
ლიფლანდია (ფინეთი) – 284  
ლიხი – 553  
ლომისა – 31, 33, 74, 77  
ლორწობანი – 325

## მ

მალი იკასტიჩი – 48  
მალკა (მდინარე) – 390, 466, 468, 484, 486  
მანგიშლავი – 122, 132  
მაშავერა – 321  
მცხეთა – 21, 59, 60-62, 494, 548  
მეჩეთინსკის ფოშტა – 43  
მეტეხი – 275, 302, 535  
მილნოეს სოფელი – 48  
მიშკოვსკაიას ფოშტა – 45  
მოჩინსკის ფოშტა – 49  
მოიკანავინკას ფოშტა – 49  
მოსკოვი – 316, 544, 561  
მოსკოვსკაიას ფოშტა – 42  
მოზდოკი – 390  
მთანმინდა – 10, 151, 531  
მთიულეთი – 73, 74, 298, 323, 506  
მტკვარი – 57-59, 61, 151-153, 157, 158, 176, 186, 199, 251, 409, 411,

435, 503

მუხრანი – 60, 320, 411, 509

მუხრანსკის ფოშტა – 54

მყინვარე მთა (ყაზიბეგის მთა) – იხ. ყაზიბეგის მთა

## 6

ნაინოვკას ფოშტა – 48

ნალჩიკი – 397, 400, 401

ნაქულბაქევი – 61

ნარეკვაზი – 61

ნახშირის მედიანი – 413

ნიჟნი იაგარლიკის ფოშტა – 43

ნიჟნი ზერსკაის ფოშტა – 45

ნოვო სერგიევსკაის ფოშტა – 50

ნოვოჩერქასკის ქალაქი – 44

## მ

ორენბურღი (ორენბურღი) – 19, 33, 50, 52, 81-87, 89, 92, 100, 118,  
124-126, 132, 135, 136, 284, 289, 290-292, 294-296, 337, 385,  
425, 428, 432, 437, 439, 445, 452, 455-459, 467, 469, 476, 495,  
519, 521, 522, 524, 526, 527, 529, 555

## პ

პაბოჩნი მიოდის ფოშტა – 47

პავლენსკაიას ფოშტა – 46

პავლოვსკის ფოშტა – 40

პერევალოტსკაის ფოშტა – 50

პესჩანა კოპნაიას ფოშტა – 42

პიატიგორსკი – 341, 467-469, 472, 474, 477, 478

პოლტავსკის ფოშტა – 50

პოდრომნაის ფოშტა – 50

პრალეიტსკის ფოშტა – 46

პრეგრადნის ფოშტა – 42

პრიშიბის ფოშტა – 38

პრიზაპადნოის ფოშტა – 46

## რ

- რაზსინაის ფოშტა – 54
- რასიპნის ფოშტა – 42
- რედუტსკოის ფოშტა – 56
- რუხეთი – 5, 65, 81-84, 114, 128, 129, 269, 272, 276, 280, 282, 286, 287, 289, 297, 299, 310, 318, 334, 336, 343, 350, 375, 376, 392, 405, 423, 424, 478, 492, 495, 496, 505, 512, 513, 523, 526, 528, 530, 534, 535, 537, 538, 550, 552, 553, 555, 556, 560, 561

## ს

- საბლიის ფოშტა – 40
- საგარეჯო – 165, 166-169, 173, 522
- საღდათსკის ფოშტა – 40
- სამარის ქალაქი – 48
- სამგორი – 166, 167, 173
- სამშვილდე – 325, 332
- სანაინი – 312, 327, 511, 562
- სარაჩინოვსკის ფოშტა – 56
- სარაჩინსკაის ფოშტა – 50
- სარაჩინსკოის ფოშტა – 56
- სარატოვი – 47, 118, 424, 459
- საქართველო – 30, 52, 57, 58, 60, 62-64, 66, 67, 71-74, 83-86, 89, 91, 100, 103, 161, 162, 172, 173, 192, 225, 227, 234, 269, 272, 273, 276, 277, 282, 284, 295-297, 299, 312, 314, 316, 317, 319, 320, 327, 328-331, 365, 366, 368, 372, 373, 376, 380, 381, 386, 396, 406, 411, 423, 450, 459, 461, 465, 469, 471, 476, 482, 483, 487, 488, 490, 491, 502, 503-505, 508, 509, 512, 515, 521, 522, 524-527, 531, 532, 534, 537, 538, 547, 548, 550, 551-553, 556, 557, 559-561
- სახარნის ფოშტა – 55
- სინოდსკოის ფოშტა – 47
- სიონთა ღვთისმშობლის ეკლესია – 304, 314, 324, 353, 501
- სივნელთა ქვეყანა – 332
- სიზრანის ქალაქი – 48
- სოლოლაკის მთა – 111, 265, 266, 305
- სომხითი – 68, 161, 165, 301, 314, 316, 317, 320, 321, 322, 325, 326, 332, 501, 504, 505, 509, 525, 545, 559

სრედნი იაგარლიკის ფოშტა – 42  
სტავროპოლი – 41, 459, 465, 467, 471, 474, 476  
სტეფანწმინდა – 34, 35, 79, 489, 491, 526  
სტუდენოის ფოშტა – 54

## ტ

ტალოვკის ფოშტა – 46  
ტანძია – 312, 314, 315, 322, 326, 327, 504, 540  
ტატიჩევის ფოშტა – 50, 53  
ტაშირი – 332, 505  
ტოპლევის ფოშტა – 56  
ტფილელის ბალი – 265, 266, 534  
ტფილისი – 5, 7, 19, 23, 57, 60, 61, 63, 64, 69, 82, 83, 90, 96, 100, 124,  
151, 161, 177, 186, 193, 197, 198, 226, 227, 233, 234, 265, 270,  
291, 297, 299, 303, 309-311, 314, 322, 324, 329, 337, 341, 349-  
351, 359, 361, 368, 374, 376, 377, 379, 380, 382, 389, 391, 392,  
396, 398, 406, 407, 419, 433, 438, 439, 460, 465, 471, 472, 476-  
478, 485, 486, 489, 493, 494, 496, 498, 501, 504, 508, 519, 522,  
524-526, 528, 536, 537, 539, 544, 546, 548, 549, 550, 554, 556

## უ

ურალის მდინარე – 52, 84, 92, 93, 99, 293, 295, 435  
ურალსკის ქალაქი – 51, 53, 54, 85, 86, 88, 138  
ურუხი (მდინარე) – 392, 393, 401  
უსტზალეინაის ფოშტა – 46  
უჯარმა – 61

## ფ

ფასანაური – 28 30, 70, 492  
ფეოდოროვკას ფოშტა – 48  
ფეთხანის ეკლესია – 408  
ფიტარეთი – 314, 501, 558, 559  
ფონთხელი – 493, 494  
ფრანგების ეკლესია – 419

ქ

ქაშუეთის ეკლესია – 421  
ქცია – 320, 504, 558  
ქვეშეთი – 28, 70, 71  
ქვეში – 504

ღ

ღართისკარი – 22, 24, 64-66, 341, 523, 525  
ღორნის სოფელი – 48  
ღუდის მთა – 32, 72

ყ

ყაიყული – 505, 559  
ყარაბალი – 383, 417, 418  
ყარაბულახი – 166-169, 174, 177  
ყარაიაზის მინდორი – 167, 172  
ყარაქლისი – 384  
ყარახაჩი (ყარაჩაი) – 104-106, 504, 505, 528  
ყაზიბეგის მთა (მყინვარე მთა) – 36, 82, 83, 96, 526  
ყუბანი – 401

შ

შავი ზღვა – 490  
შირაზი – 281  
შიროკი ბურიესაკის ფოშტა – 47  
შუშა – 532

ჩ

ჩაჩანი (ჩეჩნეთი) – 393, 398  
ჩერექი (მდინარე) – 397, 401, 466  
ჩერნარეჩინსკაის ფოშტა – 50, 53  
ჩერნეგონსკოის ფოშტა – 54  
ჩერქესკი – 92

ჩინეთი (ჭინეთი) – 325, 326, 330, 331, 546, 559

**ც**

ციმბირი – 87, 160, 487, 494

**წ**

წავკისი – 265

**ხ**

ხარკინსკოის ფოშტა – 55

ხაშმი – 166, 172, 173

ხვოლინსკის ქალაქი – 47

ხივის ქვეყანა – 122

ხრამი – 504, 558

ხულუტის ციხე – 314, 501, 558

ხუნა – 332

**ჯ**

ჯალდა – 321

ჯავახეთი – 325

ჯვართა ვაკე – 31, 72-74, 76, 79

ჯიბულაის ფოშტა – 38

ჯიგრაშენის ეკლესია (სომხების) – 419

## თსზულებათა ანბანური საკიეხელი

[1834-1869]

ახლა პუპლია.....	362-549
გიჟი ალაღუა.....	330-545
მამიჩემის მოსამსახურეები.....	507-560
მხოლოდ ჩემი სახლის წინაპარნი.....	511-562
ორბელიანთ ამბავი.....	330-546
[პაპიჩემის მამას...]	513-563
[სულხან ყოფილი საბა].....	512-562
ჩემიმშობლები.....	501-558
ჩემი რუსეთიდგან მოსვლის შემდეგ.....	310-538
ჩემი სახლის წინაპარნი.....	509-560
ჩემი ტფილისის ქ[ალაქიდგან] გამოსვლა.....	7-519
ჩემი ქალი მარიამ (ყმანვილობისას მაიკო.).....	334-546
ჩემი შეცთომილება ანუ ჩემი ცოდვანი.....	375-550
ჩემნიმშობელნი.....	503-559
ჩვენი ძველი სახლეულობანი.....	364-549
ცოტაოდენი ამბავი ყაფლანიდგან	
ჯამბაკურიან-ორბელიანი.....	325-544
ცოტა ჩემი გამოცდილებანი.....	297-537
ყაფლანიდგან ჯამბაკურიანნი ორბელიანნი.....	312-539
ნიგნი მშობელთან (საქართველოს მეფის ირაკლის ასულს თეკლას).....	57-524
ჭემმარიტისიყვარული.....	138-529





ISBN 978-9941-9865-7-4



9 789941 986574